

Կ. Ա. ԴԱՆԻԵԼՅԱՆ

ՀԱՅ
ԳՅՈՒՂԱԳՐՈՒԹՅՈՒՆԸ
XIX ԴԱՐՈՒՄ





АКАДЕМИЯ НАУК АРМЯНСКОЙ ССР
ИНСТИТУТ ЛИТЕРАТУРЫ ИМ. М. АБЕГЯНА

К. А. ДАНИЕЛЯН

АРМЯНСКАЯ НАРОДНИЧЕСКАЯ
БЕЛЛЕТРИСТИКА В XIX ВЕКЕ
(1860—1890)

ИЗДАТЕЛЬСТВО АН АРМЯНСКОЙ ССР
ЕРЕВАН 1973

891.981.09

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԳԵՄԻԱ.
Մ. ԱՐԵՂՅԱՆԻ ԱՆՎԱՆ ԳՐԱԿԱՆՈՒԹՅԱՆ ԻՆՍՏԻՏՈՒՏ


Կ. Ա. Գ Ա Ն Ի Ե Լ Յ Ա Ն

Հ Ա Յ Գ Յ ՈՒ Ղ Ա Գ Ր ՈՒ Թ Յ ՈՒ Ն Ը
XIX Գ Ա Ր ՈՒ Մ

(1860—1890)

A II
59466

Հ Ա Յ Կ Ա Կ Ա Ն Ս Ս Հ Գ Ա Հ Ր Ա Տ Ա Ր Ա Կ Չ ՈՒ Թ Յ ՈՒ Ն
Ն Ր Ն Վ Ա Ն 1973



Գրքում լուսաբանվում է XIX դ. հայ գյուղադրական գրականության ձևավորման և զարգացման պատմությունը՝ արևելահայ գյուղացիության սոցիալ-քաղաքական կյանքի զարգացման բնղհանուր ֆոնի վրա:

Պ ա տ ա ս խ ա ն ա տ ու խ մ ք ա գ ի ր ն ե ր
Ա. ԻՆՃԻԿՅԱՆ, Խ. ՐԱՐՍԵՂՅԱՆ



Գ $\frac{0723.068}{703(02)-73}$ 38-73

Ա. Ռ. Ա. Զ Ա. Բ Ա. Ն

1860—1890-ական թվականների համառուսական տնտեսական դարդացումը իր ոլորտն էր առնում Ռուսաստանի ծայրամասերը, մասնավորապես Անդրկովկասը: Ճորտատիրական իրավունքի վերացումից հետո երկրամասը արագորեն ներքաշվում էր համառուսական առևտրական գործառնությունների ասպարեզը՝ որ և աստիճանաբար ասպահանում էր նրա նշանակալից տեղը եվրոպական և Հարավային Ռուսաստանի, սեծովյան ավազանի առևտրակենտրոնների հետ խթանվող տնտեսական հարաբերություններում: Դեպի Անդրկովկասի բնական հարստություններն էին մղվում ռուսական և եվրոպական խոշոր ձեռնարկատերերը: Այս պահին շահագործվում էին Ապշերոնյան թերակղզու հարուստ նավթահանքերը, բովագործվում էր Լուվա պղնձի ու երկաթի հանքաքարը, մշակվում և արտահանվում էր անդրկովկասյան ծխախոտը, ցորենը, գինին: «Ռուսական կապիտալիզմը Կովկասը ներգրավում էր համաշխարհային ասպրանքային շրջանառության մեջ»¹:

1861 թվականի փետրվարի 19-ի ռեֆորմից մի քանի տարի անց Վրաստանում (1864—1865) և ասպա Հայաստանում ու Ադրբեջանում (1870) կենսագործվող գյուղացիական ռեֆորմները երևան էին բերում ցարական բարենորոգիչների հեռահար քաղաքական միտքը և տնտեսական ձգտումները «ոսկյա» երկրամասի անբավ հարստությունները յուրացնելու խնդրում: Դեռ «պատմական» ռեֆորմից էլ առաջ Կովկասի փոխարքա իշխան Բարյատինս-

¹ Վ. Ի. Լենին, Երկեր, հատ. 3, Երևան, 1947, էջ 771:

կին շտապում էր միապետին հայտնել անդրկովկասյան երկրամասը տնտեսապես նվաճելու իր ծրագրի մասին. «Ռուսաստանը պետք է... կովկասյան պարանոցը վերածի համաշխարհային առևտրի մեծ ճանապարհի»— գրում էր նա²: Անդրկովկասյան ասրանքների նկատմամբ սահմանափակող առևտրական տարիֆների վերացման առաջարկությունը, ինչ խոսք, արվում էր ի շահ կենտրոնական Ռուսաստանի զլխավոր տնտեսական ծրագրերի իրականացման: Կարճ ժամանակամիջոցում կառուցվեցին և շահագործման հանձնվեցին Փոթի-Թիֆլիս, Թիֆլիս-Բաքու երկաթուղային ճանապարհները: Անդրկովկասի տնտեսական դեմքը միանգամից փոխվեց:

Համատնտեսական դարգացումը բերում էր մի կողմից հողագործական բնակչության արագ աճ և մյուս կողմից՝ «...բնակչության՝ հողագործությունից կտրվելու և արդյունաբերությունը հարելու պրոցես»³: Հետոնֆորմյան տասնամյակները անդրկովկասյան գյուղացիության դասակարգային շերտավորման, քայքայման, երկրագործությունից հեռանալու, պրուլետարացման ժամանակներ էին⁴: Առևտրի ու վաշխառությունների աշխուժացումը, ունենոր տնտեսատերերի (կուլակության) խավի առաջացումը, հողազուրկ կամ սակավահող գյուղացիության դառլից դեպի երկրամասի արդյունաբերական հանգուցակետերը, գյուղական բատրակության կամ պրուլետարիատի երևան գալը 70—80-ական թվականներին ակնհերև էր դարձնում գյուղում արմատակալող տնտեսական հարաբերությունների բուրժուական բնույթը՝ Պետական և կալվածատի-

² А. Т. Сагратян, История железных дорог Закавказья, Ереван, 1970, стр. 13.

³ Վ. Ի. Լենին, Երկեր, հատ. 3, էջ 771—772:

⁴ Հանգամանորեն տե՛ս Վ. Հ. Ռշտունի, Ուրվագծեր Հայաստանի գյուղացիության պատմության, (1828—1917) մասն Ա, Երևան, 1960 և մասն Բ, 1968: Մ. П. Агаян, Крестьянская реформа в Азербайджане в 1870 году, Баку, 1956, А. С. Сумбат-Заде, Сельское хозяйство Азербайджана в XIX веке, Баку, 1958, Г. И. Мегрелишвили, Грузинская общественно-экономическая мысль во второй половине XIX века, т. I и II, Тбилиси, 1960 и 1961, А. С. Амбарян, Развитие капитализма в армянской деревне, Ереван, 1959.

րական հողերի վրա ասյրող գյուղացիութեան քայքայումն ու ներքին շերտավորումը աստիճանաբար երևան էր բերում այն խոր հակասութիւնների առկայութիւնը, որ գոյութիւն ունէր գյուղական շքավորութեան և համալսարանական փոքրամասնութեան միջև: Ռեֆորմների կենսագործման ուղղութեամբ կատարվող առաջին քայլերը վեր հանեցին դասակարգային հակամարտութեան այն ամբողջ սրութիւնը, որով հատկանշվում էր շքավոր գյուղացիութեան մղած պայքարը ընդդեմ ցարական տնտեսական քաղաքականութեան, կալվածատիր իշխանների և գյուղական կուլակութեան:

1870-ական թվականների սկզբներին Ռուսաստանից Կովկասի շքած նարոդնիկները, որ հիմնեցին առաջին գաղտնի խմբակներն ու խմբակցութիւնները երկրամասի զանազան քաղաքներում, բավականաչափ լուրջ քարոզչական աշխատանք տարան գյուղացիական մասսաներին ցարական բռնատիրութեան դեմ ասպտամբեցնելու համար⁵: Նարոդնիկական այս խմբերի ու խմբակների գործունեութիւնը հատկանշվում էր «Զեմլյա ի վոլյա», իսկ ավելի ուշ «Նարոդնայա վոլյա» կազմակերպութիւնների տակտիկական և գաղափարական առաջադրութիւնները անլերասպահորեն յուրացնելու կողմնորոշմամբ: Բայց, ի տարբերութիւն Ռուսաստանի, որի քաղաքական կյանքի առանցքը ագրարային հարցն էր, Անդրկովկասի նարոդնիկական խմբակներին մտահոգում էր նաև ազգային հարցը, ազգային-ազատագրական շարժումների ճակատագիրը⁶: Նարոդնիկական շարժման մեջ ներգրավված ուսուցչութեան, աշակերտութեան և տարատեճմիկ մտավորականութեան շատ ներկայացուցիչներ 1870—80-ական թվականներին, ռուսականի օրինակով, փորձեցին քարոզչական-քաղաքական աշխատանք ծավալել անդրերկովկասյան գյուղացիութեան շրջաններում, գործնականում օգնել գյուղացիներին սոցիալիզմի գաղափարները յուրացնելու: Սա-

5 Մ. Գ. Նևսիսյան, Նարոդնիկական խմբակներն Անդրկովկասում, Երևան, 1940:

6 Ն. Զ. Բարսեղյան, Մարքսիզմի տարածումը Հայաստանում (1880-ական թթ.—1904 թ.), գիրք առաջին, Երևան, 1967, էջ 135:

Վայն գյուղացին դժկամությամբ էր ունկնդրում նարոդնիկ-քարոզչին: Մի արոսպագանդիստ նկատում էր, որ «ավելի դյուրին է գյուղացուն ցարի դեմ դուրս բերել, քան համոզել նրան, թե մասնավոր սեփականությունը ավելորդ բան է»⁷: «Երթ դեպի գյուղ» շարժումից հետո «Զեմլյա և Վոլյայի» ծրագրում ասվում էր, որ առաջժամ հարկավոր է սահմանափակվել ժողովրդի ցանկություններն ու սպասելիքները բավարարող պահանջների քարոզով միայն⁸:

1880-ական թվականների սկզբներին նարոդնիկական շարժումը վայրէջք էր ապրում, որչափ Ալեքսանդր II սպանությունից հետո ցարական երրորդ բաժանմունքի ու ոստիկանության ջանքերով ղնդաններն ու արքայազնները լցված շարժման առաջնորդներն ու մասնակիցները մեկուսացվում էին հեղափոխական պայքարից, և որչափ երկրի տնտեսական զարգացումը երևան էր հանում փակուղի ընկած հասարակական այդ հոսանքի զաղափարաբանության ու աշխարհայեցողության փլուզումը:

Համառուսական նարոդնիկական շարժման ճգնաժամը իր անդրադարձն էր ունենում ծայրերկրների տեղական կազմակերպություններում իշխող տրամադրությունների ու զաղափարական միջնորդների վրա: Ազգային նարոդնիկական խմբակների առաջացումն ու կազմակերպչական ինքնուրույն գործունեությունը 1880-ական թվականներին թեև դրված էր անդրկովկասյան ազգամիջյան կազմակերպությունների քայքայմամբ և անջատական տրամադրությունների ավելի ու ավելի խորացման փաստով: Շատ շուտով երևաց, որ տեղական կազմակերպություններում ազգային հարցերը գերակշռություն են ստանում համառուսական կամ ընդհանուր հեղափոխական շահախնդրությունների հանդեպ⁹:

Գյուղացիության տնտեսական ճակատագրով մտահոգվում էին այս շրջանում ևս: Միայն թե հիմա հողային հարցերն ու տրն-

⁷ Архив «Земли и воли» и «Народной воли», М., 1932, стр. 53.

⁸ Б. П. Козьмин, Из истории революционной мысли в России, М., 1961, стр. 703:

⁹ Տե՛ս «Հայաստանի կոմունիստական կուսակցության սպանության ուրվագծեր», Երևան, 1967, էջ 17—19:

տեսական առաջընթացի խնդիրները, մասնավորապես լիբերալ նարոդնիկների մոտ, մեծապես առնչվում էին պետական «բարենորոգչական» այն աշխատանքների հետ, որոնք ձգվում էին տասնամյակների վրայով՝ ոստիկանական հալածանքների, քաշքշուկի, շքավոր գյուղացիության վերջնական ունեղրվածան աղետալի պայմաններում: Նարոդնիկությունը անուժ էր դործնականում օգնելու «ազատագրվածներին», որչափ ուժանտիկ ու միանգամայն ամպածրար էր նրա առաջարկած կապիտալիզմի «անփախելի աղետները» շրջանցող տնտեսական «ինքնուրույն և ինքնօրինակ» զարգացման ուղին: Գյուղացու և նրա համայնքի խղնալացումը, հողազործական կապիտալիզմի զարգացման անհնարինությունների վերաբերյալ համոզումը և երկրի մտավորականության «հասարակական որոշ դասակարգերի նյութական շահերի հետ» ունեցած կապի անտեսումը բնութագրում է նարոդնիկության՝ որպես գյուղացիական գեմոկրատիայի գաղափարախոսության պատմա-հասարակական ամբողջ բովանդակությունը¹⁰:

Նարոդնիկական շարժման ժամանակակից հետազոտողները՝ Բ. Պ. Կոզմին, Շ. Մ. Լեին, Ս. Ս. Վուկ, Բ. Ս. Իտենբերգ, Պ. Ա. Զայոնչկովսկի, Պ. Ս. Տիաչեևսկո, Վ. Ֆ. Անտոնով և այլք, Վ. Ի. Լենինի պատմա-քննական վերլուծումներին հետևելով, լուսաբանեցին ռուսական հասարակական մտքի ու հեղափոխական շարժման այդ շրջանի պատմությունը, սրբագրելով 1930—40-ական թվականներին պատմական գիտության կողմից նարոդնիկական շարժման գաղափարաբանության և հեղափոխական տակտիկայի գնահատումներում թույլ տրված սխալներն ու գոեհկացումները¹¹:

¹⁰ Վ. Ի. Լենին, *Երկեր, հատ. 2, Երևան, 1943, էջ 656—657*:

¹¹ Բ. Ս. Козьмин, *Русская секция Первого Интернационала*, М., 1957, *Из истории революционной мысли в России*, М., 1961, и *Литература и история*, М., 1969, **Ш. М. Левин**, *Общественное движение в России в 60—70-е годы XIX века*, М., 1958, **С. С. Волк**, *Народная воля*, М., 1966, **Б. С. Итенберг**, *Первый Интернационал и революционная Россия*, М., 1964, *Движение революционного народничества*, М., 1965, **Б. Ф. Антонов**, *Революционное народничество*, М., 1965, **П. С. Ткаченко**, *Революционная народническая организация «Земля и воля»* М., 1971, **П. А. Зайончковский**, *Кризис самодержавия на рубеже 1870—1880 гг.*, М., 1964.

1950-ական թվականների երկրորդ կեսից սկսած նարողնիկության տնտեսական, քաղաքական, պատմական ու զրական բովանդակության ուսումնասիրությունը դրվում է նոր հիմքերի վրա:

Մեզանում Անդրկովկասի նարողնիկական շարժման պատմության ուսումնասիրությունը սկսվել է 1920-ական թվականներին: Գ. Ղարաջյանի (Սրկոմեդ), Էնոյի, Կառ Ա. Հովհաննիսյանի 20—30-ական թվականներին գրած հուշագրություններն ու պատմական հետազոտությունները 1870—80-ական թվականների արևելահայ դեմոկրատական հոսանքի առաջատարներին՝ նարողնիկների գաղափարախոսության ու գործնական պայքարի պատմադիտական վերլուծութայն առաջին փորձերն էին¹²: Ընդհանուր մի մտայնություն, այնուամենայնիվ, հատկանշական էր այս հետազոտողների համար՝ նարողնիկության մանրբուրժուական տարերքի ճանաչում և ապա խստահայաց մերժումն ու դատապարտումը այն ամենի, ինչ կասվում էր նարողնիկական «հեղափոխականության» հետ:

Հետագայում, 1930-ական թվականների վերջերին, սրբբլեմի բնութայնաբ զբաղվում էր ակադեմիկոս Մ. Գ. Ներսիսյանը: 1940 թվականին հրատարակվեց նրա «Նարողնիկական խմբակները Անդրկովկասում» աշխատությունը, ուր առաջին անգամ արվածային և փաստական հարուստ նյութի վերհանումով, ուրվագծվում էր անդրկովկասյան նարողնիկական շարժման պատմությունը: Անդրկովկասի նարողնիկական խմբակներում հետազոտողը տարբերում էր երկու ուղղություն՝ միջազգայնական և ազգային, որը և բնութագրում էր այդ խմբակների «հեղափոխական» գործունեության հասարակական-քաղաքական միավածությունը: Առաջինը մղվում էր ազգային ու սոցիալական ազատագրութայն հարցերը կապել համառուսական ընդհանուր հեղափոխութայն հեռանկարի

12 Գ. Ղարաջյան, Անցյալի հիշողություններից, Թիֆլիս, 1918, Հայ անդրանիկ հեղափոխական խմբակը Անդրկովկասում, Թիֆլիս, 1927, Լեռ, Անցյալից, Թիֆլիս, 1925, Թուրքահայ հեղափոխության գաղափարաբանությունը, հատ. I և II, Փարիզ, 1934—1935, Աշ. Հովհաննիսյան, Գաղափարութայն առիթով, Մոսկովա, 1929,

հետ, երկրորդը՝ առաջ էր քաշում «բացառապես մեկուսացած ազգային-ազնատագրական պայքարի զաղափարը»¹³։

Հայ նարոդնիկության, առավելապես լիբերալ նարոդնիկության, անտեսական զաղափարների ուսումնասիրությամբ 1950-ական թվականների երկրորդ կեսին հանդես է գալիս պրոֆ. Վ. Ռշտունին։ «Հայ հասարակական հոսանքների պատմությունից» (1956) աշխատության երրորդ բաժինը՝ «Մանրբուժուական սոցիալիստական հոսանք» վերտառությամբ, ամբողջովին նվիրված էր հետազոտության շրջանի նարոդնիկական ու սոցիալիստական զաղափարների հայկական մշակումներին։

Այս շրջանում լույս տեսած Աշոտ Հովհաննիսյանի «Նալբանդյանը և նրա ժամանակը» հետազոտությունը նոր ուղիներ էր նշում անդրկովկասյան նարոդնիկական շարժումն ու զաղափարաբանությունը ուսումնասիրելու համար։

1958-ին պրոֆ. Վ. Պարսամյանը հրատարակեց «Հայ ազատագրական շարժումների պատմությունից» աշխատությունը, որտեղ մանրամասնորեն լուսաբանվում էին Ալեքսանդրապոլում գործած հայ ազատագրական-հայրենասիրական գաղտնի խմբակներից երկուսի՝ «Բարենպատակ ընկերություն» և «Կանտոր հայրենյաց սիրո» հեղափոխական-նարոդնիկական գործունեությունը։ Որքան էլ պրոֆ. Վ. Պարսամյանը, ավանդաբար, փորձում էր սահմանադժեղ և միմյանց հակադրել ուսս հեղափոխական-դեմոկրատական զաղափարաբանությունը նարոդնիկականին, այնուամենայնիվ, նրա իսկ թերած փաստերի ու փաստաթղթերի տրամաբանությունը հակառակ եզրակացությունն էր բերում։

Բ. Պ. Կոզմինը հետևելով նարոդնիկական «հեղափոխականությունը» Վ. Ի. Լենինի տված գնահատումներին, իրավացիորեն նկատել է, որ այն «բուրժուա-դեմոկրատական հեղափոխականություն էր» և հետևաբար, հեղափոխական նարոդնիկությունը մոտենանոց պատենշով անջրպետված չէր հեղափոխական-դեմոկրատական

13 Մ. Գ. Նեսիսյան, նարոդնիկական խմբակները Անդրկովկասում, Երևան, 1940, էջ 14։

տիզմից¹⁴: Պարզապես հարկավոր է տեսնել,— շարունակում էր պատմաբանը,— նարդնիկական շարժման ներսում եղած տարրն-թացները՝ լավընովական, բակունինական, տկաշովական, նաբատական, սոցիալ-ռեֆորմիստական, լիբերալ-ռեֆորմիստական և այլ ուղղություններն ու հոսանքները, որոնք բնութագծում էին հասարակական այդ շարժումը նոր ժամանակներում, 1870—80-ական թվականներին, երբ տարատոհմիկ մտավորականությունը ռուսական գյուղահամայնքի «սոցիալիստական» բնավորությունը դրոշ դարձրած, փորձում էր (կապիտալիստական զարգացումը շրջանցելով) ռուս գյուղացուն առաջնորդել սոցիալական ազատագրության հանգրվանը¹⁵: XIX դարի ռուսական հասարակական մտքի արդի հետադատողների խոշոր ներդրումը պատմական դիտության մեջ այն էր, որ նրանք հաստատեցին հեղափոխական նարդնիկների ու հեղափոխական դեմոկրատներին ծագումնաբանական կապերն ու դադափարական ընդհանրությունները ռուսական հեղափոխական-ազատագրական պայքարի երկրորդ շրջանում:

Անդրկովկասյան նարդնիկական շարժումների պատմությունը նոր լուսաբանումների է ենթարկվում 1960-ական թվականներին: Նշանակալից էին այս շրջանում հրատարակված Ռ. Հովհաննիսյանի, Խ. Բարսեղյանի և Աշ. Հովհաննիսյանի աշխատությունները¹⁶:

14 Б. П. Козьмин, Из истории революционной мысли в России, М., 1961, стр. 672.

15 Հմ. Ս. М. Левин, Общественное движение в России в 60—90-с гг. XIX века, 1958, стр. 360, П. С. Ткаченко, Революционная народническая организация «Земля и воля», М., 1961, стр. 37—38.

16 Ռ. Փ. Հովհաննիսյան, Արևտահայ ազգային-ազատագրական շարժումը և Կարինի «Պաշտպան հայրենյաց» կազմակերպությունը, Երևան, 1965: Խ. Հ. Բարսեղյան, Հայաստանի կոմունիստական պարտիայի կազմավորումը, Երևան, 1965, նույնի՛ Մարքսիզմի տարածումը Հայաստանում, Երևան, 1967, դիրք I: Ա. Գ. Հովհաննիսյան, Արևելահայ լիբերալիզմի և նարդնիկության ներհակությունները 90-ական թվականների սկզբներին («Բանբեր Հայաստանի արխիվներին» Երևան, 1969, № 2), Արժրուու և Բաֆֆու գաղափարական ներհակության ակունքը («Բանբեր Երևանի համալսարանի» Երևան, 1968, № 1), Հնչակյանների

Կարինի «Պաշտպան հայրենյաց» կազմակերպության՝ արևելահայ նարոդնիկական խմբերի ու խմբակցությունների հետ ունեցած կապերի հետազոտությունը Ռ. Հովհաննիսյանին հնարավորություն էր տվել վերապատկերել քաղաքական-ազատագրական պայքարի այն սրությունը, թափը և ուղղությունը, որով աչքի էր ընկնում անդրկովկասյան նարոդնիկական կազմակերպություններից հենց նոր անջատված հայ ազգային նարոդնիկության «հեղափոխական» գործունեությունը:

XIX դարի 70—80-ական թվականների հայ հասարակական-քաղաքական մտքի որոնումներին էր նվիրված պրոֆ. Խ. Բարսեղյանի «Մարքսիզմի տարածումը Հայաստանում» աշխատության մի ամբողջ բաժինը: Այստեղ ընդհանուր մի ակնարկում ներկայացվում էր հայ նարոդնիկական կազմակերպությունների գաղափարաբանության և գործնական շարժման պատմությունը՝ հարստացված գրապատմական և արխիվային նոր փաստերով ու տեղեկություններով:

Իր կյանքի վերջին շրջանում ակադեմիկոս Աշոտ Հովհաննիսյանը դբազվում էր 1870—80—90-ական թվականների, այսինքն ետնալբանդանական շրջանի հայ հասարակական հոսանքների և քաղաքական կուսակցությունների պատմության ուսումնասիրությանը: Մամուլում տպագրած հետազոտությունները հատվածներն էին արդեն ավարտի հասցված այն աշխատության, որ գալու էր ամբողջացնելու հայ ազատագրական մտքի մինչմարքսյան շրջանի դրվագները: Ըստ էության «Նալբանդյանը և նրա ժամանակը» հետազոտությունը այս նոր աշխատության հետ պիտի վերջավորեր XIX դարի հայ հասարակական-քաղաքական մտքի պատմությունը և, այսպիսով, կամրջեր ու կազմեր «Իրվագներ»-ի օրգանական շարունակությունը, ինչին գիտնականը ձգտում էր և ինչը նրա համար գիտական կարևորագույն նպատակ էր: Հրատարակված այս հատվածներում պարզ երևում է հանդուցյալ ակադեմիկոսի ռեալիստական ու սթափ հայացքը դարավերջի նարոդնիկական շարժման ու դեգերումների հանդեպ:

կազմավորման գաղափարական արմատները («Պատմա-բանասիրական հանդես» Երևան, 1968, № 2):

Եթե սովետահայ պատմագրութեան ջանքերը անդրկուլիասյան նարոդնիկական շարժման ուսումնասիրութեան բնագավառում բավական նշանակալից էին, ապա այդ նույնը շի կարելի ասել գրականագիտութեան մասին: Նարոդնիկական շարժմանը միշտ էլ ուղեկցել է գրական նարոդնիկությունը, մասնավորապես Ռուսաստանում այն աչքի էր ընկնում գործնական-հեղափոխական շարժման մեջ իր գրաված կարևոր դիրքով: Մեզանում նույնպես գործել է գրական նարոդնիկությունը կամ, ինչպես այն ժամանակ էին ասում, «ժողովրդագետ գրողների խումբը»: Խնդիրն այն է, սակայն, որ ինչպես ռուս, այնպես էլ հայ գրականագիտությունը ոչ միայն բավականաչափ ուշագրություն չի դարձրել նարոդնիկական գրական դպրոցի կամ, ինչպես մենք ենք ասում՝ դյուդագրութեան պատմությունը, այլև հետազոտական լայն շրջանակների մեջ շի դրել պրոբլեմի պատմաբնական լուսաբանումը: Նշանակալից էին այս տեսակետից 50-ական թվականների վերջերին և 60-ականների սկզբներին «Вопросы литературы» ամսագրում ծայր առած բանավեճերը գրական նարոդնիկության շուրջ: Վ. Վ. Բուշի «Очерки литературного народничества в 70—80 годах» (1931) և Ու. Ֆ. Բելչիկովի «Народничество в литературе и критике» (1934) մենագրական հետազոտություններից հետո, Գ. Շարապովի, Բ. Կոզմինի, Յա. Էլզբերգի, Ա. Դեմենտևի, Մ. Գորյաչկինայի և այլոց այս կարգի հետազոտությունները աչքի էին ընկնում նարոդնիկական բելետրիստիկայի դարգացման օրինաչափությունների խոր վերլուծությամբ, ինչպես նաև տեսական այն ճիշտ կողմնորոշմամբ, թե բոլորովին էլ նպատակահարմար չէ գրական նարոդնիկությունը անջրպետել նարոդնիկությունից առհասարակ, ինչպես որ անհնարին է նարոդնիկ-դյուդագիկների ստեղծագործությունը քննել «նարոդնիկական թեորիայի» սահմաններից դուրս: «Ռուսական ռեալիզմի տիպաբանության պրոբլեմները» և «Ռուս գրականությունն ու նարոդնիկությունը» վերջերս հրատարակված ժողովածուներում, ինչպես նաև Մ. Ս. Գորյաչկինայի «Նարոդնիկության գեղարվեստական արձակը» աշխատության մեջ նորագույն հետազոտողները փորձում են փաստական նյութի շրջանակներն ընդլայնել և ըստ այդմ ավելի տե-

սանելի դարձնել զեղազիտական ու գաղափարական այն ամբողջ բազմազանությունը, որով աչքի է ընկնում նարոդնիկական գեղարվեստական գրականությունը¹⁷: Ժամանակակից էտապում գրական նարոդնիկության ուսումնասիրությունը ընթանում է երկու ուղղություններով— սլաւոմագրական, որ բերում է նարոդնիկական բելետրիստիկայի անցած ճանապարհի և գեղարվեստական փորձի քննական արժեքները, և տիպաբանական, որ որոշակի է դարձնում գրական նարոդնիկության գեղարվեստական վաստակի ինքնօրինակ բնույթն ու ոճական առանձնահատկությունների ծագումնաբանական կապերը նարոդնիկական գաղափարաբանության հետ:

* * *

Հայ գյուղն ու գյուղացին մեր նոր գրականության մեջ մուտք են գործում Խաչատուր Աբովյանի «Վերք Հայաստանի»-ի հրատարակումով¹⁸: Դրանից հետո գրողների մի նշանավոր խումբ՝ Պ. Պոռչյան, Գ. Տեր-Հովհաննիսյան, Ղ. Աղայան, Ա. Արարատյան, Գ. Պապյանց և ուրիշներ, հետևում են մեծ լուսավորչի վիպագրական փորձին և արդեն ուրույն ու առանձին ճանապարհներով երևան բերում ազգը ներկայացնող հիմնական մասսայի՝ գյուղացիության կենցաղային, սոցիալական, աղգային ու քաղաքական նկարագիրը: Հետագայում, 1880—90-ական թվական-

¹⁷ «Русская литература и народничество», Л., 1971, М. Горячкина, Художественная проза народничества, М., 1970, «Проблемы типологии русского реализма», М., 1969.

¹⁸ Այս մասին առաջին անգամ գրել է Պ. Պոռչյանը «Սոս և Վարդիթեր»-ի առաջարկում (տե՛ս Պ. Պոռչյան, Երկերի ժողովածու, հատ. I, Երևան, 1962, էջ 61), 20—30 տարի անց այդ միտքն սկսում է շրջագայել Պոռչյանի ստեղծագործությամբ զբաղվող քննադատների երկերում (տե՛ս Ն. Քարամյանց, Պերճ Պոռչյանց և նորա վեպերը, «Մուրճ» 1869, № 2, էջ 286—287; Ն. Աղբալյան, Ղուլազը իբրև տիպ հայ վիպագրության մեջ, «Մուրճ» 1897, № 7—8, էջ 1060, Մ. Բերբերյան, Պերճ Պոռչյան, Վաղարշապատ, 1908, էջ 5—6, Ա. Տերտերյան, Նկատողություններ մեր գյուղագիրների մասին, «Պետական համալսարանի գիտական տեղեկագիր» 1927, № 2—3, էջ 258):

ներին, գրողների այս խմբին միանում են գյուղագիտաց մտավորականությունից աչն ներկայացուցիչները, որոնք հայ գյուղի և գյուղացիությունից աչն նշանավոր գիտականներ էին, ապրում էին համայնքի ու համայնական շահախնդրություններով, կյանքի էին կոչում ժողովրդասիրական ծրագրեր, գործնական-ընկերային բնույթ հաղորդելով ընդհանուր շարժմանը: Արդեն 90-ական թվականներին ժողովրդագետ գրողների այս սերունդը համընդհանուր ճանաչում ուներ և ձևացնում էր մի որոշակի «գրական հոսանք»¹⁹: «Մուրճի» հեղինակներից մեկը այդ հոսանքի երեց ներկայացուցիչներ էր համարում Պոռշյանին և Աղայանին: Ընդ որում, նրա կարծիքով «ժողովրդական գրողների» բերած գրական ուղղությունը մեղանում սկսել է ձևավորվել 60-ական թվականներին և ընթացիկ երեսուն տարում «կատարելապես հաստատվել մեր գրականության մեջ»: Այս կենսունակ ուղղությունը, — շարունակում է նա, — նոր վերելք է ապրում մոտավորապես 90-ական թվականներին և սկսում բուռն թափով զարգանալ՝ շնորհիվ գրական ասպարեզ մտած գյուղագիրների երիտասարդ սերնդի (նկատի ուներ Աղեյանին, Ճուղուրյանին և այլոց)²⁰:

Գյուղագրական գրականության ընդհանուր զարգացման հարցերը առավել համակողմանի վերլուծության էին ենթարկվում դարավերջին, որչափ ակնհայտ էր դառնում ամուր և բազմիմաստ այն կատարի ճանաչման անհրաժեշտությունը, որ գոյություն ուներ հայ գյուղի և գյուղացու կյանքը հետազոտող գրողների և ժողովրդասիրական շարժման միջև:

Այսպես, «Գործի» լիբերալ-ժողովրդասերները դեռ ութսունական թվականների սկզբներին գրականության առաջ խնդիր էին դնում «...ամենահասարակ խրճիթների կյանքը նկարագրել և ամենահամեստ մարդիկների կյանքը ներկայացնել»²¹: Ելնում էին սրանք այն սյարդ համոզումից, թե ժողովրդական կյանքի լայն ու խոր ուսումնասիրությունը միայն հնարավոր է գործնականում

19 «Մուրճ» 1897, № 7—8, էջ 1061:

20 Նույն տեղում, էջ 1062:

21 «Գործ», Շուշի, 1882, № 1, էջ 21:

լարեւելալեւ ազգի «հիմք» կազմող դասի՝ գյուղացիութեան սոցիալական պահանջմունքները: «Լայն ուսումնասիրութեանը, — դիտում էր Ալ. Քալանթարը, — նպատակն է կյանքի և գրականութեան մեջ ժողովրդասիրական (իմա՝ նարողնիկական — Կ. Գ.) ուղղութեան տարածվելուն»²²: Կողմնակից ու ջատագով էին այս ուղղութեանը Պետրովսկի գյուղատնտեսական ակադեմիայի որոշ հայ ուսանողներ, քանզի ուսանական օրինակով կամենում էին հայ միջավայրում ևս ամրակայել ժողովրդասիրական գաղափարներն ու ծրագրերը:


Գրականութեան մեջ ժողովրդասիրական ուղղութեանն ամրապնդելու այդ նույն քարոզով 90-ական թվականներին հանդես եկաւ «Մուրճ»-ը: Ալ. Արասխանյանը «Նարողնիչեստիւն» կոչված հոսանքի պատմական դերը տեսնում էր մտավորականութեան բոլոր ուժերը ժողովրդին անմնացորդ նվիրաբերելու կոչման մեջ²³: Ընդ որում, նա համոզված էր, որ մտավորականութեան գործունեութեանը զավտում և պլուզում մի նշանակալից պատմական շրջափոխութեան հիմք կարող է դառնալ²⁴: Դրա հետ էր կապում նաև գեղեցիկ գրականութեան զարգացման նոր շրջափուլի երեւան պալու հնարավորութեանը: «Գյուղատնտեսական կյանքը, — գրում էր նա, — ինտելիգենտ ուժերով պահպանված՝ նաև մի նոր կյանք կարգի մեր ո՛չ միայն տնտեսական, այլև գիտական ու բանաստեղծական գրականութեանը»²⁵: Այսպէս էին մտածում ու խորհում դարավերջի հասարակական շատ գործիչներ: Արդեն մշակված այս պատկերացումներից մի քանիսը ժառանգեցին գյուղագրական գրականութեան հետագա հետազոտողները: Վրթ. Փափագյանն, օրինակ, 1910-ական թվականներին, Պորչյանի գրական ժառանգութեան հարցերը քննելիս, փաստորեն ավանդական պատկերացումներին էր հենվում, երբ գրողին դիտում էր Աբովյանի հետևորդ, իսկ նրա երկերն էլ «ազգագրական, կենցաղագիտա-

22 Նույն տեղում, էջ 20:

23 «Մուրճ», 1890, № 11, 1497—1500:

24 «Մուրճ», 1899, № 9, էջ 961:

25 Նույն տեղում, էջ 962:



կան կարևոր նյութերի աղբյուրներ»²⁶։ Այնուհետև, խոսելով 80—90-ական թվականների ուսահայ գրականության մեջ նշմարվող «ժողովրդասիրական ձգտումների» մասին, նա դարձյալ մատնացույց էր անում Պ. Պոռոջանին և այս սրան հետևող դարավերջի գյուղագիրներին՝ Ա. Արարատյանին, Ա. Աղապյանին, Հ. Ճուղուրջանին, Ա. Աղելյանին, Բաբելենցին և այլոց։

Ընդհանրապես նախասովետական շրջանի քննադատությունը Պ. Պոռոջանին համարում էր գյուղագրական գրականության հայրը²⁷։ Վկայաբերելով 1880—90-ական թվականներին սովորացած գյուղագիրների բանակը, 1910-ական թվականների քննադատությունը (Վ. Փափազյան, Հ. Սոլովյան, Մ. Բերբերյան և այլք) Պոռոջանին «գյուղական կյանքի նկարագրողների» պարագլուխ էր դիտում, հարկավ, նկատի առնելով վիսյասանի ստեղծագործական ընդգրկումների լայն սահմանները։ Այս մտայնությունը երկար ժամանակ քաղաքացիություն ուներ։ Այսպես էր մտածում նաև Ա. Տերտերյանը 20-ական թվականներին։ Հետագայում, իհարկե, ինչպես և ներկա ուսումնասիրությունների մեջ, Պոռոջանի ստեղծագործությունը քննվում է հայ գյուղի և գյուղացիության սոցիալական դիմափոխումների պատմության ընդհանուր շղթայում, որոշադրվում են վիսյագրի դեղարվեստական հետաքրքրությունների շրջանակները, գիտական ուսումնասիրության ոլորտն ևն առնվում վիսյասանի ստեղծագործական մեթոդի, գեղարվեստական ոճի հարցերը, և, աստիճանաբար, հայ ղեմնկրատական գրականության նահապետը դուրս է բերվում գյուղագրության շրջանակներից²⁸։ Ա. Տերտերյանը 1927 թվականին գրած «Նկատողություններ մեր գյուղագիրների մասին» հոդվածում գյուղագրական գրականության սահմանները տարածում էր Աբովյանից մինչև

26 Վ. Փափազյան, Պատմություն հայոց գրականության, Թիֆլիս, 1910, էջ 358։

27 «Գեղարվեստ», Թիֆլիս, 1913, № 5, էջ 139, 142։ Մ. Բերբերյան, Պերճ Պոռոջան, 1908, էջ 5—6։

28 Ա. Տերտերյան, Պերճ Պոռոջան, 1955, Ա. Ն. Սարխյան, Պ. Պոռոջան — «Հայ նոր գրականության պատմություն», Երևան, 1964, Ա. Բարսյան, Պերճ Պոռոջան, Երևան, 1962։

Բակունց: Ընդգրկման այս ոլորտը, իհարկե, չափազանց մեծ էր գյուղագրական գրականության կարեորագույն օբիեկտների գիտելու համար: Եվ, այնուհանդերձ, Ա. Տերտերյանին հաջողվեց առաջին անգամ մշակել այն գլխավոր գաղափարներից մի քանիսը, որոնք հետագա ուսումնասիրողների համար դարձան ուղեցույց և ելակետային: Համենայն դեպս, Ա. Տերտերյանի ջանքերով է, որ գիտական շրջանառության մեջ են գրվում գյուղագրական գրականության գեղարվեստական արժեքի, գաղափարաբանության, ներքին կառուցվածքի վերաբերյալ նորագույն սպակերացումները: Տերտերյանի հետագա ուսումնասիրություններում գյուղագրական գրականության արդեն նշված սահմանները աստիճանաբար նեղացվում են, Աբովյանը, Պոռչյանը, Աղայանը և Մուրացանը հանդես են գալիս արդեն ոչ թե որպես սոսկ հայ գյուղի և գյուղացիության կենսագիրներ, տարբերանշվում է գյուղագիրների խումբը գյուղական իրականությունը ստեղծագործական նյութ առած գրողներից և, այսպիսով, ուրվագծվում ուսումնասիրության մի նոր բնագավառ: Շատ գրականագետներ՝ Հ. Մկրտչյան, Ա. Ինճիկյան, Ե. Պետրոսյան, Ս. Դանիելյան, Ա. Բեժանյան ձեռնարկում են գյուղագրական գրականության առանձին ղեմքերի և սրբաբանների ուսումնասիրությանը²⁹: Սակայն գյուղագրական դպրոցի խնդիրը լայն ու խոր հետազոտության կարիք ուներ, որչափ XIX դարի գյուղի և գյուղացիության գեղարվեստական կենսագրության ուսումնասիրությունը ուրվագծում էր հայ ժողովրդի նորագույն սպառնությունն ու ճակատագիրը ըմբռնելու նոր հնարավորություններ:

Ձեռնարկելով սույն հետազոտությանը մտադիր էինք վեր

29 Հ. Մկրտչյան, Ա. Աղայանի «Երկերի ժողովածու»-ին (1934) և Հ. Ժողովրդանի «Մոռացված աշխարհին» (1935) կցած առաջարկները, Ա. Ինճիկյան, Ա. Աղայան, «Նորհրդային գրականություն» 1939, № 10—11, Բաբկենցի, «Նորիկ» (Երևան, 1961) վեպի առաջաբանը, Ե. Պետրոսյան, Հայ գյուղագիրներ, Երևան, 1950, Ժողովածուի առաջաբանը, Ս. Դանիելյան, Աղարիա Աղայան, Երևան, 1964 և Աբովյան Աղայան, Երևան, 1968, զրբույկները, Ա. Բեժանյան, Հայ գյուղագրության մի քանի հարցեր, «Տեղեկագիր» (հասարակական գիտություններ), Երևան, 1962, № 12:

հանել գյուղագրական գրականության հետ առնչված գրասպաստական բոլոր նյութերը: Ուսումնասիրության ընթացքում պարզվեց, որ դրանց ընդհանուր քննությունն ու տեղագրումը մեկ հատորում բավական դժվարությունների հետ է կապված: Այդ պատճառով ամբողջ շարագրանքը բաժանվեց երկու մասի՝ «Հայ գյուղագրությունը 1860—90-ական թվականներին» և «Հայ գյուղագրությունը 1890—1910-ական թվականներին»: Ընդգրկման սահմանները թեև պարզված են ինչպես հետազոտական մեթոդի այստեղ կիրառված առանձնահատկություններով, այնպես էլ գյուղագրական գրականության մասին մեր ունեցած ուրույն պատկերացմամբ:

Պրոբլեմի մշակման ընթացքում հետևել ենք 1860-ական թվականներից սկսած Անդրկովկասում ցարիզմի վարած ագրարային քաղաքականությանը և վերլուծել հողաշինական գործի հետ առնչված տնտեսական ծրագրերն այն հասարակական խավերի, որոնք, այնպես թե այնպես, շահախնդիր էին հայ պետի և գյուղացիության նյութական ու հոգևոր առաջադիմությանը: Աշխատել ենք բնութագրել կովկասահայության շրջաններում խմորվող գաղափարական հակասություններն ու տարածայնությունները գյուղի վերափոխության հասարակական ուղիների շուրջ: Գյուղագրական գրականության ձևավորումը, դարդացումն ու վերելքը կապել ենք հենց այդ իրողությունների պատմական դարձացման հետ, ինչպես որ վճռահատել ենք խնդիրը հօգուտ գյուղադնաց ժողովրդասեր մտավորականության, որ և գործնականում կազմակերպում էր գյուղի ու գյուղացիության հոգևոր դիմափոխումը: Ավելի լայն տեսադաշտի մեջ առնելու համար խնդիրը, վերլուծության ենք ենթարկել գյուղական իրականությունն արտացոլող գեղարվեստական գրականությունը 1860-ական թվականներից մինչև դարավերջ: Մտտեցումը հիմնավորված է մեթոդաբանական և կառուցվածքային սկզբունքներով: Գյուղագրական գրականությունը այս շարագրանքի մեջ չի պատկերված որպես ինքնաբավ իրողություն. հակառակը, դառել և կարելվույն չափ քննել ենք այն բոլոր կապերն ու առնչությունները, որ այդ գրականությունն ունեցել է ոչ միայն XIX դարի գեղարվեստական ընդհանուր դարձացման հետ, այլև ժողովրդասիրական շարժման, շարժում, որով պայմա-

նաւորված էր ինչպես գյուղագիրներին, այնպես էլ գյուղագնաց ողջ մտավորականութեան գրական, հրատարակատեսակական և այսպես կոչված գյուղափրկչական գործունեութիւնը: Հետազոտական այդ մոտեցումը մեզ հարկադրել է անդրադառնալ բոլոր այն ծրագրերին, գաղափարներին ու առաջադրութիւններին, որ ժողովրդասիրական մտավորականութիւնն արդեն 1870—90-ական թիւականներին ներկայացնում էր հայ մտածող խավերին՝ գյուղի սոցիալական վերափոխումների գործը գլուխ բերելու համար: Այս տեսակետից յուրաքանչյուր գեղարվեստական փաստ իր պատմաճանաչողական արժեքով դառնում է շարահանց նշանակալից: Այդ է պատճառը, որ գյուղագրական գրականութիւնն այստեղ ընդգրկված է իր բոլոր ժանրային տեսակներով՝ ազգագրական գյուղափեպից մինչև գյուղագրական ակնարկ ու պատկեր: Բոլոր քիչ թե շատ նշանավոր պարբերականների էջերից քաղել ու հրատարակ ենք հանել հայ գյուղացու բնավորութիւնը, վարքն ու բարքը, հասարակական կենցաղն ու դրութիւնը արտացոլող գեղարվեստական պատկերների մեծ մասը (եթե ոչ ամբողջութիւնը): Գեղջկական աշխարհի կենդանի ուրվագծումներին զուամրվել է գյուղագիրների անձնագրո՞ւ ու բոլորանվեր գործունեութեան նկարագիրը, որ ի դեպ, հասկանալի է դարձնում ողմանտիկ նվիրումի և անձնագրո՞ւթեան այն լուսավոր ու պայծառ էջերը, որ ժողովրդասիրական շարժման տարեգրութեան մեջ գրել են գյուղաշխարհի անխոնջ հետազոտողները:

Գ Լ Ո Ի Խ Ա Ռ Ս Զ Ի Ն

ԱՐԵՎԵԼԱՀԱՅ ԳՅՈՒՂԱԳՐՈՒԹՅԱՆ ՍԿՋԲՆԱՎՈՐՄԱՆ
ՆԱԽԱԳՐՅԱԼՆԵՐԸ

Մ. Նալբանդյանի երկրագործական ուսմունքի մի ֆանի զծերը: Ուսմունքի անդրադարձը հայ միջավայրում: Առաջին ազգագրական գյուղավեպը և դրա տեսական ուրվագիծը «Սոս և Վարդիբերի» առաջաբանում: Մ. Նալբանդյանի «Կրիտիկայում» զարգացված ռեալիստական արտացոլման տեսությունը: Բնակարչական ճշգրտություն: Գեղարվեստական կերպարի ըմբռնումը: Ռեալիստական արտացոլման երկու եղանակ: Ռուսական հեղափոխական-դեմոկրատական էսքետիկան և Նալբանդյանը: Անհատականությունը և իրականությունը: «Լոգիկաբար» զարգացող բնավորություն: Հասարակական յոյեալ և էսքետիկա:

Արևելահայ գյուղագրությունն սկզբնավորմանը նախորդեց 1860-ական թվականների դրական-հասարակական զարգացումը: Այն մարդիկ, որոնք գյուղագիրների ղեղարվեստական հետաքրքրություններն ուղղեցին դեպի գյուղում կատարվող հասարակական տեղաշարժերը և որոշ իմաստով ձևավորեցին նրանց հասարակահայեցությունը, արդեն այս շրջանում մշակեցին «երկրագործություն» հետ կապված այն ուսմունքը, որն ի վերջո ազդի ուշագրությունը կենտրոնացնում էր հարցերից մեծագույնի՝ տնտեսական խնդրի շուրջը և, այսպիսով, մի նոր կողմնորոշում առաջարկում հասարակական զարգացման ուղիների նախընտրությունը: «Տնտեսական խնդիրը միակ խնդիրն է մարդու կյանքը և

գոյությունը ապահովելու համար»¹: 1862 թվականին Փարիզում հրատարակվում է Մ. Նալբանդյանի «Երկրագործությունը որպես ուղիղ ճանապարհ» երկը: Մեծ հեղափոխական-դեմոկրատը, որ կապեր ուներ ուս գեմելեվոյցինների հետ և միաժամանակ յուրացրել էր էմիրանտական ազատ մամուլի տեսական շատ գրույթները ուսական հեղափոխության վերաբերյալ, մշակում է յուրատեսակ մի տնտեսական ուսմունք հայ միջավայրի համար, ներմուծելով այնտեղ գյուղացիական համայնավարության որոշ սկզբունքներ: Ուսմունքի էությունը հիմնվում էր ֆիզոկրատներից առած հետևյալ գաղափարի վրա՝ երկրագործությունը հանդիսանում է ազգի (կամ պետության) հարստության իրական աղբյուրը²: «Հասարակ ժողովրդի համար ուղղակի,— ասում էր Նալբանդյանը,— և մնացած մասին համար անուղղակի, բայց և այնպես անհրաժեշտ, ինչպես ջուրը ձուկի համար, միակ աղբյուր ապրուստի և հարստության՝ է երկրագործությունը»³: Հասարակ ժողովուրդը ասելով, Մ. Նալբանդյանը նկատի ուներ հիմնականում գյուղատնտեսությամբ պարապող գյուղացիությանը: Երկրորդ կարևոր նրա գրույթը, որ հաստատում էր առաջինի իսկությունը, հանդում էր այն մտքին, թե քանի որ հողը բնական տրվածք է, և մարդն էլ բնականապես տիրում է նրան, հետևաբար, այդ հիմքի վրա, իր կյանքը կառուցող հասարակութունն էլ տնտեսապես հարատևորեն ապահով կլինի: Ինչպես առատության եղջյուրից կթափվեն բնության պարզենները, և մարդը կյուրացնի հողի «բնական եկամուտը»: Մերժելով հողի մասնավոր սեփականությունը, հրապարակախոսը պատկերացնում էր մի հասարակություն, որտեղ բոլոր մարդիկ ունեն իրենց բաժին հողը, որ կարող են մշակել «հավիտյանս հավիտենից... առանց վաճառելու կամ գրավ դնելու իրավունք ունենալու»: Գյուղը կամ քաղաքը ունենալու էր «յուր հատուկ հողը», որ հավիտենական

1 Մ. Նալբանդյան, Երկերի լիակատար ժողովածու (այսուհետև՝ ԵԺ) Երևան, 1940, հատ. 3, էջ 51:

2 Франсуа Кенэ, Избранные экономические произведения, М., 1960, стр. 49.

3 Մ. Նալբանդյան, ԵԺ, հատ. 3, էջ 45:

սեփականութիւնն էր: Քուչլատրվում էր միայն հողը վարձու տալ և այդ կերպ օգտվել նրանից: «Եթէ հողը վաճառելու սկզբունքը թույլ տրվի, այն ժամանակ աղքատութեան և թշվառութեան սկզբունքները կընդունվի»⁴: Հողի սեփականութիւնը՝ «դողութիւնն է, ավազակութիւնն և հափշտակութիւնն», որովհետեւ, երկրագունդը «անհատի սեփականութիւնն չէ»: Եվ քանի որ այդ այդպէս է, հետեւեալք որ տնտեսական խնդրի լուծման համար անհրաժեշտ է վերացնել հողի մասնավոր սեփականութիւնը, հողը բաժանել հանրութեանը և այսպիսով ազգի մեծամասնութեանը զբաղեցնել երկրագործութեամբ: Երկրագործական աշխատանքը միակ աշխատանքն է, որն ունի «նյութ և հիմք» (այսինքն՝ հողի բնական արդյունք և հող) և այդ պատճառով շափաղանց զորավոր է. «Մեքենական աշխատութեամբ ստացած դրամը շունի զորութիւնն»: Նալբանդյանը հնթագրում էր, որ երկրագործական արտադրանքի առատութիւնը կկանխեր դրամի կենտրոնացումը մարդկանց մոտ (ինչպէս ինքն է ասում «մոնսյոլիստները» մոտ): Դրամը կցրվեր հասարակ ժողովրդի կամ բազմամիլիոն երկրագործների մեջ, և ժողովուրդը մի կողմից ընդհանրապէս կհարստանար և մյուս կողմից՝ անհնար կդառնար «կենտրոնացած դրամական ուժի» գործունէութիւնը⁵: Երկրագործական աշխատանքը մեքենայականից նախապատվելով, Նալբանդյանը շէր կանգնում նահապետական դյուզացու պահպանողական դիրքերում: Հակառակը, նա գտնում էր, որ երկրագործական աշխատանքի մեջ կօգտագործվեն նաև մեքենաները, որոնք, ըստ երևույթին, ասիական պայմաններում ավելի դյուրութեամբ կաշխատեն, քանզի ածխի կամ փայտի փոխարեն բավական է օգտագործել «սարերից կատաղաբար վազող շուրը»:

Նալբանդյանի տնտեսական ուսմունքի մի կարևոր մասն էլ վերաբերում էր վաճառականութեանը: Նա տեսնում էր կամ տարբերակում վաճառականութեան երկու ճյուղ — «ձեռագործի» (այսինքն մեքենական արտադրութեան հետ կապված վաճառականու-

⁴ Մ. Նալբանդյան, ԵՎԺ, հատ. 3, էջ 49:

⁵ Նույն տեղում, էջ 64:

թյուն) և երկրագործական բերքերի վաճառականությունը: Ինչպես որ մերժում էր վարձու աշխատանքը, այնպես էլ ձեռագործի վաճառականությունն տնտեսական նշանակությունն էր կասկածի տակ ղենում: «Բնություն մեջ շկան այն վտանգները, ինչ որ կան մեքենական վաճառականության մեջ. այնտեղ մարդը ապահովյալ է բնության օրենքներով»⁷: Այստեղից դարձյալ հետևենում էր, թե երկրագործության հետ իրենց բախտը կապած մնացած բոլոր հասարակախավերը տնտեսական ապագա ունեն: Մասնավորելով խոսքը հայկական լեռնաշխարհում ապրող շինականի դրություն վրա, Նաբլանդյանը նկատում էր, որ տնտեսական վերելքը պետք է կատարվի համատեղ փոխօգնությամբ: Շինականը պետք է երկրագործական աշխատանքի արդյունքը տա վաճառականին, իսկ վաճառականը (կամ կարողություն տեր մարդը) սրա դիմաց՝ փող: Դրամը շինականի ձեռքում կդառնա նոր միջոց կրկնապատկելու իր երկրագործական աշխատանքը (կսկսի «կրկնապատիկ ցանել, կրկնապատիկ հնձել»), վաճառականը հրաժարվելով միջնորդի իր նախկին դերից, փոխանակ Եվրոպայի «ձեռագործքը գնելու», կարող է ամենայն վստահությամբ հայ երկրագործից «առնել հում նյութեր» և ապրանք տալ նրան և ապրանք ստանալ: Այսպիսով ազգի տնտեսական վիճակը բարելավվում էր, և հասարակության բոլոր խավերը՝ թե՛ երկրագործները, թե՛ վաճառականությունը և թե՛ կարողություն տեր մարդիկ «օրըստօրե հարստանում էին»⁸:

Հեղափոխական դեմոկրատը կարծում էր, թե վերացնելով հողի առ ու ծախք և վաճառականությանն էլ կապելով երկրագործության հետ, հնարավոր է կանխել դասակարգային բեկումններն ու հակասությունները, հասնել տնտեսական բարօրության և լուծել «հարստության ու աղքատության» պրոբլեմը: Նա մտածում էր, որ եթե բոլոր մարդիկ գործ ունենան հավիտենապես իրենց տրված մի կտոր հողի հետ, որ ապահովում է նրանց նյութական կարիքները, և մասնավանդ տարեցտարի էլ ավելացնեն

6 Մ. Նալբանդյան, ԵԼԺ, հատ. 3, էջ 74—75:

7 Նույն տեղում, էջ 78:

8 Նույն տեղում, էջ 74:

իրենց տնտեսական եկամուտները՝ վաճառականության հետ ապարանքափոխանակություն կատարելով, ապա կլուծվի «բազմակնճիռ Գորգիասի կապը», կվերջանան սրա հետ առնչված հասարակական դժբախտությունները, մասնավորապես պանդխտությունը, որը մարդուն պոկում-կտրում է իր «բնական հիմքից» և դառնում շարիրներից մեծագույնը ազգի համար: Դեռ այն ժամանակ, 1860-ական թվականների սկզբներին, հրապարակախոսը կոչ էր անում քաղաքաբնակ հայ բնակչությանը վերագտնել «յուրյանց հայրենի բարեբեր երկրները», որ «գրեթե ամայի և խոպան է» ու պարապել երկրագործություն, ծաղկեցնել երկրագործական առևտուրը: Արևմտահայերի համար Նալբանդյանը տնտեսական հենց այս ծրագիրն էր առաջարկում՝ որպես ելք և սկիզբ ազգային փրկության: Իհարկե, հենց այնպես, մարդկանց բարի կամքով չէ, որ պիտի լուծվեր հողի և հացի խնդիրը: «Երկրագործության» հեղինակը տարակույս շունեք, որ գյուղացիական մասսաների հեղափոխական ճիգերը ուղի կհարթեն սոցիալական հավասարության ցանկալի հանգրվանը դուրս գալու համար: Նրան մտահոգում էր միայն հայ գյուղացիությանը համառուսական հեղափոխական շարժման մեջ ներգրավելու խնդիրը: Իր պայծառ ու սքանչելի կյանքը նա ավարտեց այդ մեծ միսիայի իրագործման ճանապարհին:

1870—1880-ական թվականներին Նալբանդյանի դադափարափյան ազդեցությունը խաչաձևվում էր Ռուսաստանից Կովկասի ջած հեղափոխական նարողներին, Մոսկվայում, Պետերբուրգում, Խարկովում, Օդեսայում, Ռիդայում սովորող հայ ուսանողների նարողությունների և մտայնությունը:

* * *

Հայ առաջին գյուղագրական երկերը լույս են տեսնում ավելի վաղ, քան ընդհանուր ճանաչում կստանար այն մտայնությունն ու գործնական շարժումը, որի հետ կապվում է հետագայի գյուղագրական գրականությունը:

1860 թվականին «Կոունկ հայոց աշխարհին» ամսագրում

հրատարակվում է մեր առաջին գյուղագրական-ազգագրական վեպը՝ «Սոս և Վարդիթերը»: Այն ժամանակվա սովորությամբ երիտասարդ Պոռշյանը իր երկի ճակատը դարդարել էր մի առաջաբանով՝ «Սոս և Վարդիթերի» ժանրային սահմաններն ու ազգագրական ընդգրկումը: Իր տեսական մտորումները նա ամենից առաջ բխեցնում էր այն հայացքֆից, թե «ազգությունը պահպանող միջոցներն» են՝ ազգային ծեսերը, սովորույթներն ու ավանդությունները, և որ դրանք պետք է ի լույս հանել «այս լուսավորչալ դարում», «մեր նախնի ժողովրդի հոգևոր պատկերը» անխախտ պահելու համար⁹: Այսպիսի նշանակութուն վերագրելով հոգևոր այդ իրողությանը, երիտասարդ գրողը բացատրում էր դրա հասարակական ներգործիչ դերը՝ բարոյախոսական պատկերացումներից ելնելով: Քանի որ ազգային ավանդությունները «բուն մեր ազգի հոգին են ցույց տալիս», ուրեմն և հայկական հանճարի ծնունդ են, հետևաբար դրանք «պարունակում են յուրյանց մեջ մեծ բարոյական դասեր»: Առնելով այդ բարոյական դասերը, ազգը կսղդորում է իրեն և կենդանի պահում հայության զղացմունքը¹⁰: Խաչատուր Աբովյանը հենց այդպես էր մտածում, որ դրեց «Վերք Հայաստանի» «արդյունավոր շարագրությունը... նկարագրելով նրա մեջ Երևանու նահանգի Քանաքեռ գյուղի լեզվի դարձվածքը և տնային մի քանի սովորությունները»¹¹: Եվ այսպես, Պոռշյանը հիմնավորում էր «Սոս և Վարդիթերի» ազգագրական միտվածքը՝ իրեն Աբովյանի հետևող համարելով և «Վերքն» էլ «ժողովրդական կենաց» մի բարեհաջող նկարագրություն: Հայրենյաց սովորույթների, վարք ու բարքի արդիական կարևորությունն ու ազգային նշանակութունը ընդգծելով, երիտասարդ գրողը նյութի մատուցման վիպասանական եղանակի ընտրությունը բացատրում էր ընթերցողներին (ազգի թե մեծին և թե փոքրին) գյուրենկալ հոգեզվարճություն պատճառելու ցանկությամբ: «Բայց, — գրում էր նա, — դիտավորությամբ մեր

9 Պ. Պոռշյան, Երկերի ժողովածու, Երևան, 1953, հատ. 1, էջ 14—15:

10 Նույն տեղում, էջ 15—16:

11 Նույն տեղում, էջ 15:

զրվածքն ախորժալուր աննելու համար սիրելի ազգիս թե մեծին և թե փոքրին և տեսնելով կույս սիրո սրբությունը, երկու կույսից միջնորդությամբ պատմեցինք Աշտարակ պուլի սովորությունքը, ի մեջ բերելով ամենափոքր և շնչին համարված արարողություններն անգամ, առանց զանազանելու լավն ու վատը»¹²: Այս վերջին տողերը հարկադրել էին Մ. Նալբանդյանին Պոռոջանցի հառաջաբանությունը իրավացիորեն «շատ ձախ» համարել: Երիտասարդ գրողը ոչ թե ոգևորության մի պահի, այլ շարիազանց մտածված ազգագրական վեպին հասկացնում էր ընդգրկման այդ սահմանները, որովհետև մտածում էր, թե այն, ինչ ժողովուրդն է ստեղծել (և լավը և վատը), չի կարող չընկալանել «բուն ազգի հոգին» և, հետևաբար, «մեծ բարոյական դասի» իմաստով, օգտակար չլինել նրան: Այս պահպանողական մտայնությունը զարմացնում էր Նալբանդյանին, երբ ընթերցելով վեպը, տեսնում էր, որ հեղինակը «ինքն իր կողմից» հաստատում է ֆատալիզմը, անքննադատ ու պարզամիտ ներկայացնում կախարդությունը, «վնասակար և մոլորական նախապաշարմունքները»¹³:

Գյուղագրական-ազգագրական վեպի պոռոջանական պատկերացումներն, իհարկե, մասամբ միայն կապ ունենին «Վերքի Հայաստանի» հետ: Բայց այդ կապը կար: «Վերքի» ազգագրական հարստությունը, լեզուն և գեղարվեստական միջավայրը բավական էին պոռոջանական համոզումների առաջացման համար:

Նոր սերնդի գրողների մեջ Պոռոջանը առաջիններից մեկն էր, որ ազգագրությունը կապում էր գեղարվեստական զրականության հետ և մյուս կողմից՝ «հայ մարդու հատկությունը» բխեցնում տեղային գավառական կենցաղից ու սովորություններից: Աբովյանի օրինակը նրա համար շարիազանց ուսանելի էր: «Աբովյանը, — գրում էր նա, — տալով Քանաքեռցունց այն ջերմեռանդ ջանասիրությունը և այն անկեղծ հատկությունները, տալիս է այս ամենը բոլոր հայոց ազգին: Սրա ստուգությունը կարե ամեն հայ մարդ ինքն իր վրա քննել»¹⁴: Ուզում է ասել, թե Աբովյանի վեպը ազգի

12 Պ. Պոռոջան, Երկերի ժողովածու, հատ. 1, էջ 16:

13 Մ. Նալբանդյան, ԵԼԺ, հատ. 3, էջ 132:

14 Պ. Պոռոջան, ԵԺ, հատ. 1, էջ 15:

«երևեցուցիչն է», թե ազգագրական վիպագրությունը ժողովրդի կյանքի բնդհանրական նկարագիրն է տալիս, շնայած դրա նյութը քաղվում է մեկ գյուղի կամ գավառի ժողովրդական սովորույթներից: Տեղայնությունը և գյուղական շրջանակը համընդհանուր ազգայինը երևան բերելու միջոց է միայն: Այս կարծիքին էր նաև Նալբանդյանը, որը Պոռշյանի «շատ ձայն» հառաջաբանության մեջ, ահուհանդերձ, տեսնում էր ժողովրդական վարք ու բարքի, սովորությունների, ծեսերի, հասկացողությունների վերհանման առաջադրությունը, կամ որպես ինքը՝ հրապարակախոսն էր ասում՝ «գաղափարը»¹⁵: Որովհետև նկարագրելով Աշտարակը, Պոռշյանը նկարագրում է «գրեթե բյուրավոր ուրիշ հայերի» բարոյական դեմքը, — դիտում էր նա¹⁶:

Հայ գյուղագրական գրականության տեսական նախահիմքերը դրվում են աշխարհայացքային-գրական այն կողմնորոշումներում, որ գլխավորապես բացահայտվեցին «Սոս և Վարդիթեր» վեպի հառաջաբանության, ինչպես և բուն վիպական հյուսվածքի մեջ: Արդեն իսկ կոնկրետ որևէ գյուղի կամ գավառի ազգագրական, կենցաղագրական դիմանկարը վիպական կառույցի մեջ առնելու գիրքորոշումը ցույց է տալիս, թե ինչպես պիտի ընթանար գյուղագրական բեղտրիստիկայի հետագա զարգացումը: Բարեբախտաբար, այս նույն շրջանում, «Սոս և Վարդիթեր» վեպը խոր վերլուծության է ենթարկվում Մ. Նալբանդյանի կողմից:

Ամենից առաջ մեծ հրապարակախոսը բացահայտում է «Սոս և Վարդիթերի» գեղարվեստական իրականության ինքնօրինակ բնույթն ու կառուցվածքը: Վեպը «...եթե ուղիղն ասենք, — դիտում էր նա, — պիտի նախվի որպես ամբողջ մի ընկերության, որպես ամբողջ մի գեղի նկարագիր»¹⁷: Սա է որոշում գեղարվեստական այդ կտավի ընդհանուր և հատկանշական դիմագիծը: Մի ընկերության, գյուղի նկարագրությունը՝ մարդկանց սովորույթների, վարք ու բարքի, հասկացողությունների ընդհանրական և բնա-

15 Մ. Նալբանդյան, ԵԺԺ, հատ. 3, էջ 168:

16 Նույն տեղում, էջ 173:

17 Նույն տեղում, էջ 123:

կան դրսևորումների ամբողջ հարստությամբ, ձևացնում է «Սոս և Վարդիթերի» բուն գեղարվեստական կյանքը: Այստեղ «կյանքը հասարակաց է», — հավելում է աջնուհետև Նալբանդյանը¹⁸: Պոռշյանն ավելի հանրային-ընկերական կյանքի տեսարաններն է դուհանկարում-պատկերահանում, քան այսպիս ասած, անհատական-սուբյեկտիվ հարաբերությունները: Որովհետև ազգագրական-ժողովրդագրական է նրա խնդիրը: Ամենուրեք, թե՛ մասսայական տեսարաններում, թե՛ հերոսների գործողություն-հարաբերություններում ընդգծվում ու առանձնացվում են այն բոլորը, ինչ կազմում է ժողովրդական ընդհանուր մտածողությունը, սովորությունները, վարք ու բարքը, ծեսերը, բարոյական և ընկերական հասկացողությունները: Ամեն մի գործողություն, պատկեր կամ հարաբերություն «Սոս և Վարդիթերում» մեծ մասամբ ունի ազգագրական-բարքագրական նշանակություն, և, հետևաբար, համընդհանուր ազդայինը և պատմական-ավանդական ներկայացնելու իմաստ: Այս պարագաներում գործող անձինք կամ զրխավոր ու երկրորդական հերոսները, — ինչպես նկատում է Նալբանդյանը, — «առնըվում» են որպես «օգնական» գլխավոր խնդրի: Հեղինակի «գլխավոր դադափարը Սոս և Վարդիթերը չէ, — ասում է մեծ քրննադատը, — այլ ընդհանուրի կյանքը, ծեսերը, սովորույթքը, ավանդությունքը և հասկացողությունքը»¹⁹: Ուրեմն, «Սոս և Վարդիթերի» կարևորագույն առանձնահատկությունը, որ էպպես բնութագրում է նրա թե ժանրային դեմքը և թե գեղարվեստական համակարգը հանդիսանում է վեպի բարքագրական-ազգագրական տարածքի ու բանվածքի վրա: Այն հանգամանքը, որ հիմնական գործող անձը այստեղ հասարակությունն է, հասարակական ընդհանրությունը, ժողովուրդը, մասսան, և որ գործի մեջ «... բանի ընթացքը առաջ է գնում առանց Սոսից և Վարդիթերից կախում ունենալու» այս հանգամանքը, ինչպես վկայում է Նալբանդյանը, «չի տկարացնում Սոս և Վարդիթերի արժանավորությունը»²⁰:

18 Մ. Նալբանդյան, ԵԺԺ, հատ. 3, էջ 123:

19 Նույն տեղում, էջ 124:

20 Նույն տեղում:

Այդ էր պատճառը, որ Մ. Նալբանդյանը ընթերցողին հանձնարարում էր Պոռոջյանի վեպը շղիտել որպես «մի սիրապատում վիպասանություն» կամ, որ նույնն է, ռոման, որտեղ հավասարապես անհատական է «ներգործության» պաշտոնը, և ուր սյուժեի ընթացքն ու զարգացումը, վեպի հյուսվածքն ամբողջությամբ, ծայր է առնում գլխավոր կերպարների ինքնություն և համալծորդ գործողություններից: «Սոս և Վարդիթերը» մի առանձնահատուկ վեպ է, մի ուրույն բանաստեղծական աշխարհ, — ասում էր «Կրիտիկայի» հեղինակը, — որի յուրահատկությունը ինքօրինակ և պայմանադիր այն սկզբունքի իրագործման մեջ է, որ կապվում է հասարակական վարք ու բարքի, կենցաղի ու հասկացողությունների «բուրուվին անխարդախ ու բնական նկարագրությանց» հետ:

«Պ. Պոռոջյանի քանքարը ավելի զորություն և ավելի ուժ ունի ընդհանուրի կյանքի և բնականի ստորագրելում», — ասում էր Նալբանդյանը: Բայց մի՞թե սա այլ բան է նշանակում, քան այն, թե Պոռոջյանի տաղանդը ժողովրդական խավերի բարքերը նկարագրողի տաղանդ է, ճիշտ այնպես, ինչպես իր ժամանակ, Վ. Գ. Բելինսկին բնութագրել է Ս. Պ. Պոգոդինի տաղանդը: Պոգոդինի վիպակները, — դիտել է Բելինսկին, — «ժողովրդական, կամ ավելի լավ է ասել, «ուսմական» ուղղություն ունեն. «Ես այս ասում եմ ոչ թե դրանց հեղինակին դատապարտած լինելու համար, այլ նրա համար, որ իսկապես նրա պոեզիայի աշխարհը ուսմական աշխարհն է, վաճառականների, քաղքենիների, մանր աղնվականության ու մոլորիկների աշխարհը, որոնց նա, պետք է ճիշտն ասել, հաջող, շատ ճշգրտորեն է պատկերում: Պոգոդինին այնպես լավ հայտնի են նրանց մտածելակերպը և զգացմունքները, նրանց բնտանեկան և հասարակական կյանքը, նրանց սովորությունները, բարքերը և հարաբերությունները, և նա դրանք պատկերում է առանձնահատուկ սիրով և առանձնահատուկ հաջողությամբ: ...Պրն. Պոգոդինի տաղանդը մեր հասարակության ստորին խավերի բարքերը նկարագրողի տաղանդ է»²¹: Կասկածից

21 Վ. Գ. Բելինսկի, Փիլիսոփայական ընտիր երկեր, հատ. 1, Երևան, 1954, էջ 187—189:

վեր է, որ Բելինսկու այս մտորումները որոշակի ազդեցություն են թողել երիտասարդ Նալբանդյանի գրական ճաշակի ու էսթետիկական համոզումների վրա: Բանը միայն բնութագրումների համանմանության մեջ չէ անշուշտ (այդ էլ, իհարկե, կարևոր է), ինչպես ասում են, մտքի սլացքն է զլխավորը: Նալբանդյանը շատ լավ է հասկանում, որ Պոռշյանի քանքարը անուծ է «ներգործողների կերպարանագործության» հարցում: Գեղարվեստական կերպարները երկրորդական նշանակություն ունեն գրողի համար այն իմաստով, որ դրանք «առնվում են որպես օգնական», հիմնականը բացահայտելով՝ ժողովրդական կամ ուսմական կյանքի համայնապատկերը զծելու համար: Ահա թե ինչո՞ւ Պոռշյանի վեպը նա նկարչության հետ է համեմատում կամ, ավելի ճիշտ, պեյզաժի հետ նույնացնում: Ժողովրդական վարք ու բարքի տեսարանները Պոռշյանի վեպում պատկերահանված էին ապշեցուցիչ ճշգրտությամբ ու գունաղեղությամբ: Սա ոչ միայն Նալբանդյանի հիացքի աղբյուրն էր, այլև նրա հետագա մտորումների ելակետը:

Քննախոսության հենց սկզբում «Կրիտիկայի» հեղինակը խոսում է գրողի հոգու սակեղարյան անմեղության մասին, որով փայլում է վեպի յուրաքանչյուր տողը: Բնանկարային կամ բնանկարչական ճշգրտությունը այն ամենի, ինչ նկարագրված էր «Սոս և Վարդիթերում», որպես «ընդհանուրի կյանք», աչքի էր ընկնում հենց այդ անմեղությանմբ, նահապետական միամտության պարզասիրտ ու անխարդախ հոգու վեհ ցոլանքով: Ընդ որում, ժողովրդական կյանքի համայնապատկերը պարզապես արտանկարված էր բնականից. դրական պայմանականությունները («ձևի մտածություն», «գեպքերի դասակարգություն», «զլխավոր և երկրորդական ներգործողներ»), որ իրացված էին վիպական տարածքի մեջ, ոչ մի կերպ չէր կարելի համեմատել համայնապատկերի «պարզ, անզարդ, բոլորովին անխարդախ և բնական» նկարագրության հետ: Ծշգրտությունը, որով աչքի էին ընկնում ժողովրդական վարք ու բարքի տեսարանները, հարկադրում էր, ինչպես Բելինսկին է ասում, բարձրաբարբառ հռչակել՝ «դա ճշտորեն ընդօրինակված է բնականից»: Նալբանդյանը վեպը համեմատում էր այն փարելի բնական

աղբյուրների հետ, որոնց ջուրը «առանց մարդկային ճարտարութեան», առանց ջրմուղների ու շատրվանների վազում է սարի լանջով: «Առանց մարդկային ճարտարութեան» արտահայտութիւնը այս դեպքում հավասարաթեք է առանց գրական պայմանականութիւնների բնորոշմանը: Եվ այդպէս էլ էր. քիչ անց Նալբանդյանը ցույց էր տալիս, որ թե՛ «ձևի մտածութեան» (կարգա՝ կոմպոզիցիայի), թե՛ դեպքերի դասակարգութեան (կարգա՝ սյուժեի), թե՛ գլխավոր և թե՛ երկրորդական հերոսների կերպարանագործութեան, թե՛ կատաստրոֆի (կարգա՝ հանգուցի) լուծման գրական ճիգերում Պոռչյանը ոչ միայն անփորձ է, այլև բոլորովին հեռու «երևակայութիւնից և հնարագիտութիւնից»: Պարզ էր քննադատի համար, որ «Սոս և Վարդիթերի» արժանավորութիւնները գոյանում էին մի այլ աղբյուրից, բայց ոչ երբեք արվեստի, բառ, որի տակ Նալբանդյանը հասկանում էր գրական երկի ճարտարապետութիւնը կամ, որ նույնն է, երևակայութեամբ հնարաստեղծված իրականութեան, գլխավոր և երկրորդական կերպարների, կոմպոզիցիայի, հանգուցալուծման ներքին փոխադասանավորվածութիւններ, դաշնութիւնն ու միասնականութիւնը: Օրինակ առնելով «Ագապի» վեպը, Նալբանդյանը նկատում էր. «Բնականութիւնը և արվեստը իրար հետ լծորդված են այս գործի մեջ: «Վերք Հայաստանին» շունի այնքան արվեստ: «Սոս և Վարդիթերը» «Վերք Հայաստանուց» էլ քիչ ունի, թեև ունին բնականութիւն»²²: Կարելի է շտարակուսել, որ խոսքն այստեղ վերաբերում է գրական պայմանականութիւնների իրացման վարպետութեանը, ստեղծագործական հնարամտութիւններին կամ թե վիպելու ճարտարութեանը: Արվեստ ասելով, «Կրիտիկայի» հեղինակը հասկանում էր երևակայութեամբ և հնարաստեղծումով «կերպարանագործված» վիպական դրվագանկարների հնարամիտ և գեղեցիկաշեն հյուսվածքը, կերպարների հոգեբանական լիցքավորվածութիւնը, կոմպոզիցիայի և սյուժեի ազատ, անկաշկանդ, անբռնազբոս հորինվածքն ու զարգացումը: Այդ տեսակետից, իհարկե, «Սոս և Վարդիթերը» քննութեան չէր դիմանում: Նալ-

22 Մ. Նալբանդյան, ԵԼԺ, հատ. 3, էջ 120—121:

քանդյանը որպես անաչառ քննադատ չէր կարող շրջանցել խընդիրը: Քննախոսության բաղմաթիվ էջեր նա տրամադրեց Պոռշյանի վեպի նաև «անկատարությունները» ցույց տալու, և, բացի դրանից, նա աշխատում էր մասնագիտական իր զննումների տեսական բացատրություններ տալ, որով պարզ էր դառնում, էսթետիկական ու գրական ինչ ըմբռնումներից էր ելնում նա: Բայց ամբողջ խնդիրն այն է, որ քննախոսությունը տարվում էր Պոռշյանի քանքարի անկեղծ ու դարձյալ հիմնավորված մեծարմամբ: Ժողովրդական բարբերը նկարագրողի տաղանդը նա ավելի բարձր էր գնահատում, քան այն բանաստեղծների, որոնք «...բնականի պակասությունը աշխատում են երևակայության օգնությամբ և ոչ միշտ հաջողությամբ, ծածկել»²³: Նալբանդյանը, անշուշտ, այս դեպքում նկատի ունեւր ուսմանտիկ բանաստեղծներին. սրանց գրական շահախնդրություններից դուրս էր «բնականի», այսինքն իրականի պարզ և անխարդախ վերարտագրությունը:

Թյուրատեսություն կլինեւր, եթե մտածեինք, թե քննադատը դրանով առհասարակ մերժում էր երևակայության և հնարաստեղծումի նշանակությունը գեղարվեստական ստեղծագործության մեջ: Հակառակը, երևակայությունը և հնարաստեղծումը արվեստի նախապայման էր դիտում Նալբանդյանը. նա միայն դեմ էր իրականությունը, բնականն ու բնությունը շրջանցող երևակայությանը: Պոռշյանին նա հենց կշտամբում էր այդ կարգի վրոխումների համար: Արվեստը և բնականությունը պետք է լծորդված լինեն գեղարվեստական երկի մեջ, ճիշտ այնպես, ինչպես երևակայությունը և իրականությունը:

«Գեղեցկության մոտավոր սահմանը,— գրում էր Նալբանդյանը,— բնության մոտ լինելը կամ բնության նմանիլն է, ասացին»²⁴: էսթետիկական այս ելակետից ելնելով է, որ նա հիմնավորում է ռեալիզմի իր տեսությունը: Բնություն, բնական, բնության ընկու, բնության սահման, բնական շրջապատ, բնականություն, արտահայտություն հասկացությունները «կրիտիկայի» հեղինակը

23 Մ. Նալբանդյան, ԵԼԺ, հատ. 3, էջ 124:

24 Նույն տեղում, էջ 324:

գործածում էր գեղարվեստական երկի մեջ ռեալիստականը տարբերանշեխու համար: Կասկած չկա, որ դրանք համապարփեք էին «նատուրալ» դպրոցի քննադատություն մեջ գործածական «ռեալ», «ռեալական» ու «բնական» (կամ նատուրալ) հասկացողություններին: Ինչպես ռուս հեղափոխական-դեմոկրատական էսթետիկայում ռեալն ու բնականը ծանրացած էին որոշ հակասականությունամբ, այնպես էլ դրանք հստակված չէին նալբանդյանի քննադատական-էսթետիկական ըմբռնումներում: Բանն այն է, որ անգամ մի այնպիսի խոշորագույն տեսաբան, ինչպիսին Բելինսկին էր, ռեալ կամ ռեալիստական ասելով նախապես հասկանում էր իրականություն համեմատ դեղարվեստական պատկերի ճշգրտությունը²⁵: Սակայն «Ռուսական վիպակի և պոեմի. Գոգոլի վիպակների մասին» հայտնի հոդվածում Բելինսկին, ասես, զգալով ռեալիզմի բնորոշման այս սահմանափակությունը, բնականից ճշտորեն ընդօրինակումը, պատճենահանումը, զարմանալի և ապշեցուցիչ ճշտությունը տարբերում էր կյանքի խոր, կատարյալ և բանաստեղծական արտացոլումից: Պավլովի վիպակների մասին խոսելիս Վ. Գ. Բելինսկին նկատում էր, որ «...դրանք համակված չեն կյանքի խոր ճշմարտությունամբ. դրանց մեջ կա այն ճշգրտությունը, որը հարկադրում է ասել՝ «դա ճշտորեն ընդօրինակված է բնականից»:

Ռեալիստական արտացոլման այս երկու եղանակները տարբերելով, Բելինսկին փորձում էր ուրվագծել դրանց ստեղծագործական, գեղարվեստական և էսթետիկական բովանդակության զանազանությունը: Մի դեպքում մենք գործ ունենք կյանքի կամ իրականության ընդօրինակման հետ՝ երևակայությունը և իդեան այստեղ գործ շունեն²⁶: Գրողը պարզապես պատճենահանում է իրականությունը, թափանցելով միայն այն ճշմարտության սահ-

25 Վ. Գ. Բելինսկի, Փիլիսոփայական ընտիր երկեր, հատ. 1, Երևան, 1954, էջ 187—189, 194, 208:

26 Իդեան,— ըստ Բելինսկու,— գրողի զգացումների ներքին տարերքի մեջ ձև ու կերպարանք առնող, խորհրդավոր ու թրթռուն գաղափարն է, որ հղանում-երկնում է բանաստեղծը ստեղծագործական ակտի հենց առաջին պահին (տե՛ս Վ. Գ. Բելինսկի, Փիլիսոփայական ընտիր երկեր, հատ. 1, Երևան, 1954 և հետո):

մանները, որտեղ կարելի է գտնել անկեղծությամբ ցողված ճշգրտությունը, բայց ոչ երբեք իսկությունը, այն, ինչ անվանվում է «կյանքի կատարյալ ճշմարտություն»: Մյուս դեպքում՝ առաջագիրը և հիմնականը երևակայության օգնությամբ իդեան մարմնավորելու ստեղծագործական մեծ ճիգն է, որտեղ տիրապետում է «աննպատակությունը՝ նպատակով, անդիտակցությունը՝ դիտակցությամբ» ստեղծագործական սկզբունքի խոշ տարերքը, որին հենված և որի օգնությամբ միայն ծնվում է ճշմարիտ բանաստեղծությունը: Ընդ որում, այստեղ չկա ոչ մի արտակարգություն, երևակայության բարձրաթուխ սլացք, զաղափարի կամ իդեայի վերամբարձ մարմնավորում: Ամեն ինչ այստեղ սովորական է, թվում է նախածանոթ և չափազանց հասկանալի: Այստեղ գործում են միայն ունակիստական արտացոլման անսասան օրինքները: Հնարանքների պարզությունը, գործողությունների մերկությունը, դրամատիզմի սակավությունը, պատահարների մանրությունն ու սովորականությունը, — ասում էր Բելիևսկին, — ձևացնում են հենց ունակիստական այս արտացոլման յուրահատկությունները²⁷:

Ուրեմն մի դեպքում գործում է արտաքինի, անձնական փորձառության, անձնական ապրումի և շրջատեսության վրա հենված գեղարվեստական տեսողությունը, մյուս դեպքում՝ խորհրդավոր ու անմեկնելի ստեղծագործական երկոնքը, ներշնչման պայծառատեսությունը, հոգևոր ու մտավոր բոլոր ուժերի ծայրահեղ լարումը, ճշմարիտ բանաստեղծական խանդավառությունը:

Հետագա իր ստեղծագործություններում, մասնավորապես կյանքի վերջին շրջանում Վ. Գ. Բելիևսկին տվեց ունակիստական արտացոլման այս երկու եղանակների ավելի հստակ և ավելի խոր տարբերակումը: «Պոեզիան չպետք է միայն նկարչություն լինի», որովհետև արտաքին նմանությունը, ճշգրտությունը դեռ բավական չէ գեղարվեստական ճշմարտությանը հասնելու համար. «Բնականից ճիշտ արտանկարելու համար գրել կարողանալը, այսինքն գրագրի կամ գրագրի արվեստին տիրապետելը, դեռևս

27 Վ. Գ. Բելիևսկի, Փիլիսոփայական ընտիր երկեր, հատ. 1, Սրևան, 1954, էջ 203:

ըիշ է, պետք է կարողանալ իրականության երևույթները անցկացնել տեփական երևակայության միջով, նոր կյանք տալ նրանց: Լավ և ճիշտ շարադրված հետաքննական գործը, որը վիսպալին հետաքրքրություն ունի, դեռևս վեպ չէ և կարող է միայն նյութ ծառայել վեպի համար, այսինքն պոետին վեպ գրելու առիթ տալ»²⁸: Հայտնի այս տեսակետները, որ հետագայում գեղարվեստի դպրոցական ճշմարտությունների արժեք ստացան և յուրացվեցին հայ միջավայրում ևս, Բելինսկին զարգացնում էր կենցաղային-բարբադրական ոեալիզմը, այսպես կոչված օբյեկտիվ ոեալիզմից սահմանագծելու համար: Նա, իհարկե, իրականությունից ճիշտ արտանկարելու կարողությունը տաղանդի և այն էլ քանաստեղծական տաղանդի հայտանիշ էր համարում: «Իրականությունից ճիշտ արտանկարել կարող է միայն տաղանդը,— ասում էր մեծ քննադատը,— և որքան էլ ջնշին լինի երկն այլ տեսակետներից, բայց որքան նա ավելի վարմանք է պատճառում բնականի հետ ունեցած նմանություններ, այնքան անտարակուսելի է նրա հեղինակի տաղանդը»²⁹: Նախբանդյանի մտորումներին ուղղություն և ուժ տված այս դատողությունները, հարկավ, կարող էին սահմանափակ և հակասական թվալ, եթե Բելինսկին չկատարեր հաջորդ վերապահումը. «Որ ամեն բան ջպետք է վերջանա բնականին նման լինելով, հատկապես պոեզիայի մեջ, դա արդեն ուրիշ հարց է: ...Բնականից ճիշտ արտանկարել շկարողանալու դեպքում շի կարելի պոետ լինել, բայց միայն այդ կարողությունն էլ քիչ է պոետ, առնվազն աչքի քննող պոետ լինելու համար»³⁰:

Մ. Նախբանդյանի ոեալիզմի տեսությունը, հարկավ, Բելինսկու հանձնարարած այս տարբերակներն էլ էր հաշվառում: Սակայն «Կրիտիկայի» հեղինակը կենտրոնացնելով ուշադրությունը ոեա-

28. Վ. Գ. Բելինսկի, Ընտիր երկեր, Երևան, 1948, էջ 460: Բնորոշ է, որ Բելինսկու տեսական այս պատկերացումներին էր մասամբ ապավինում Շիրվան-դադեն, երբ 80-ական թվականների վերջերին գրախոսելով «Ցեցերը», Պոռյանին լուսանկարչական ոեալիզմի ներկայացուցիչ էր համարում (տե՛ս Շիրվանդադեն, Երկերի լիակատար ժողովածու, հատ. 9, Երևան, 1955, էջ 123, 129—130):

29 Վ. Գ. Բելինսկի, Ընտիր երկեր, Երևան, 1948, էջ 460:

30 Նույն տեղում, էջ 460—461:

լիստական արտացոլման կարևորությունն վրա, մանրամասներում, երբեմն, նշանակությունն չէր տալիս «բնականից ճիշտ արտանկարելու» սկզբունքի երկբնույթ առանձնահատկությունը: Իրավ է, «Սոս և Վարդիթերի» գեղարվեստական արժեքը որոշելիս, նա արդեն շահագրանց հստակորեն մատնացույց էր անում վեպի միայն երկու նշանավոր առանձնահատկությունը՝ բնականությունը և գլխավոր հերոսի ինքնօրինակ հասարակականությունը: Բայց ժողովրդական ծեսերի ու սովորությունների, ավանդությունների, բարոյական և ընկերական հասկացողությունների, ընդհանուրի կյանքի «բնական» արտացոլումը «Սոս և Վարդիթերում» Նալբանդյանը բարձր էր դնահատում ամենևին էլ ոչ այն պատճառով, որ ռեալիստական տիպականացումն այստեղ իր ընդհանրական ձևերն էր առնում: Ռեալիստական լայն ու խոր ընդհանրացումների, լիակատար և ամբողջական բնավորությունների ստեղծման համար հայկական կյանքը «հող, պայմաններ և հնարներ» չի ընձևոում առայժմ: Եթե Պոռչյանը կերտեր այնպիսի բնավորություններ, որոնք «մինչև վերջ աճում էին լողիկաբար», այդ դեպքում գրողը «չպիտի» դուրս եկած լիներ բնականությունից», — հարցնում էր Նալբանդյանը. արդյոք «...հայոց կյանքը աճյն վիճակում է, ուր այդպիսի բնավորությունքը (ընդհանուր առքով) մտացածին չհամարվեին»³¹: Ուրեմն կյանքն է այն հիմքը, որի վրա բանաստեղծը կառուցում է «իր շինվածքը»: Հայ դյուղն ու շինականը այլ ընթացք և ուղղություն չէին վարող տալ Պոռչյանի գեղարվեստական ճիգերին: Անհատականությունը կամ անձնավորությունը այդ իրականության մեջ անհնարին բացառություն պիտի լինեն³²: Հետևաբար, եթե գրողը «լողիկաբար» զարգացող կամ

31 Մ. Նալբանդյան, ԵՎԺ, հատ. 3, էջ 170:

32 2. Մամիկոնյանը անդրադառնալով Նալբանդյանի այս մտորումներին, նկատում է, թե Սոսը և Վարդիթերը որպես կերպարներ և բնավորություններ արդյունք են «այն անշարժ ու քարացած կյանքի», որն այդ երիտասարդներին «բազիս բուն իմաստով դարձրել է հոտային էակ»: Սրանք բնատուրանական կապերի մեջ ապրող, անհատականությունից զուրկ մարդիկ են: «Կյանքն է «երևեցնում» «լողիկաբար» աճող բնավորություններ, և եթե նրանք կյանքում չկան, ապա չեն կարող լինել գրականության մեջ, — ահա Նալբանդյանի միտքը, ասում է

«աստիճան-աստիճան» հասակ առնող բնավորություններ մեջտեղ բերեր, ապա կշեղվեր «բնականությունից», և մտացածին, ոչ տիպական ու կեղծ կլինեին հրապարակ հանված գեղարվեստական կերպավորումները:

Այն, ինչ կոչվում է «լոգիկաբար» զարգացող կամ «աստիճան-աստիճան» աճող և հասակ նետող բնավորություն, այլ քան շէ, բայց եթե ռեալիստական տիպականացմանը հատուկ կերպարի ազատ ինքնազարգացումը: Այսպիսի տիպականացման համար հայ գեղչկական միջավայրը հնարավորություն չէր տալիս և ընդհակառակը՝ ավելի մասսան, հանրությունը, քնա-տոհմական կապերի մեջ կաշկանդված գեղջուկ հասարակությունն է, որ հրապարակ էր իջնում իբրև գլխավոր գործող անձ: Այստեղ մասնավոր մարդու կյանքն ու ճակատագիրը ոչ մի արժեք կամ նպատակ չուներ. ընդհանուրի համեմատ այն միայն էպիղոզ էր, մասնակի բացառություն կամ թե յուրատեսակ շարունակությունը նույն ընդհանրական Վլյանքի ու հարաբերությունների:

Պոռոջանի տաղանդի յուրահատկությունը, ինչպես բազմփյտ վկայում է Նալբանդյանը, հենց այդ հանրության կյանքը, սովորությունները, բարոյական և իմացական հատկությունները «բնականորեն» վերարտադրելու մեջ է, և հետևաբար նրա ռեալիզմի տարողությունը, բնույթն ու էությունը կանխորոշված է այդ նույն մասսայի, գեղջուկ հասարակության ընկերային կապերի ու հարաբերությունների ներքին թովանդակությամբ: Իսկ սա նշանակում է, որ պոռոջանական ռեալիզմը հեռու է ինքնուրույն, ազատ, գործող, անհատական մարդու, «ժողովրդից անջատ, առանց հարակցությունների հետաքրքիր, ինքն իր մեջ էակի» գեղարվեստական հետազոտությունից, ռեալիստական տիպականացման համար նախանհրաժեշտ գլխավոր և հիմնական պայմանից³³:

2. Մամիկոնյանը: Ընդհանուր առմամբ ճիշտ այս դիտարկման թերին այն է, որ Մամիկոնյանը այստեղ չի տեսնում Պոռոջանի ստեղծագործական մեթոդի առանձնահատկությունը կամ ռեալիզմի որակը: Տե՛ս 2. Մամիկոնյան, Մարդը և նրա կերպարը գրականության մեջ, Երևան, 1966, էջ 351, 353 և հետո:

33 Անտիկ և նորագույն արվեստի գլխավոր տարբերանքը Վ. Գ. Բելինսկին տեսնում էր մարդու (անհատական) հայտնագործման դարատև այն շանքերի

Պոռշյանական ռեալիզմի արտացոլման հնարավորությունները կաշկանդված են բարքագրական-կենցաղագրական շրջանակով, մարդկանց բնապատմական դարատե ու անշարժ հարաբերությունների իմացական տարածությունը: Բնականությունը, որով փայլում են նահապետական-գեղջկական կյանքի տեսարանները, այս դեպքում դառնում է այն միակ և դրվատելի արտացոլման եղանակը, որի օգնությամբ գրողը ցույցնում է «ազդի կյանքը», նրա հանրունակ ապրումներն ու հույզերը, հոգևոր զիմագիծը, հասարակական բնավորությունը, պատմությունը: «Ինչպես ազդն է,— դիտում էր Նալբանդյանը,— այնպես և նորա պատմությունը, իսկ ինչպես պատմությունն է, այնպես էլ և նորա բանաստեղծությունը»³⁴: Կյանքն է այն հիմքը, որի վրա կառուցում է բանաստեղծը «իբր շինվածքը»: Ինչպիսին կյանքն է, այնպես էլ նրա բանաստեղծությունը: Մյուսանց լծորդված էսթետիկական այս սեսակետների ելման գիծը ռեալիզմն է, «բնականությունը», որ մի դեպքում նշանակում է բնականից ճիշտ արտանկարելու վարողություն, մյուս դեպքում՝ պատկերվող միջավայրի և գրական կերպարների համապատասխանություն: Ընդ որում, տեսական այս պատկերացումները հիմք են դառնում Մ. Նալբանդյանի համար արժեքավորելու ոչ միայն պոռշյանական ռեալիզմի կամ արտացոլման մեթոդի յուրօրինակությունները, այլև վեր հանելու բարքագրական-կենցաղագրական վիպագրության թուլություններն ու թերությունները:

1888 թվականին Գ. Վ. Պլեխանովը անդրադառնալով ուսս գյուղագիրներին, ընդգծում էր հատկապես գյուղագրական գրականության կամ նարոդնիկական բելետրիստիկայի արտացոլման մեթոդի և գեղարվեստական տարածքի հենց այն օրինաչափությունները, որ դիտել էր Մ. Նալբանդյանը տակավին 60-ական թվականների սկզբներին. «Նարոդնիկական բելետրիստիկան,—

մեջ, որ Շեքսպիրի ժամանակներից սկսած գործադրել էր համաշխարհային գեղարվեստական միտքը (տե՛ս Վ. Գ. Բելինսկի, Փիլիսոփայական Ընտիր երկեր, հատ. 1, Երևան, 1954, էջ 173—175, հմմ. 2. Մամիկոնյան, նշվ. աշխ., էջ 355—364:

34 Մ. Նալբանդյան, ԵԼԺ, հատ. 1, էջ 278:

գրում էր Պլեխանովը, — մեր առջև պատկերում է ոչ թե անհատական խարակտերներ, ոչ էլ անձնավորությունների հոգեկան շարժումները, այլ մասսայի սովորությունները, հայացքները և որ գլխավորն է՝ հասարակական կենցաղը: ...Նարոդնիկ բելետրիստների մտավոր հայացքի առջև սավառնում են ոչ թե գեղարվեստական վառ կերպարներ, այլ ժողովրդական էկոնոմիկայի պրոզայիկ, թեպետ և հրատասյ հարցերը: Ուստի, գյուղացիության վերաբերմունքը հողին այժմ կաղմում է նրանց quasi — գեղարվեստական նկարագրությունների գլխավոր առարկան: Կան հոգեբան-գեղարվեստագետներ: Որոշ վերապահումներով բելետրիստ նարոդնիկներին կարելի էր, թերևս, անվանել սոցիոլոգ-գեղարվեստագետներ:

Զուտ գրական շահերի նկատմամբ հասարակական շահերի գերակշռությունը է բացատրվում նաև գեղարվեստական մշակման անսովորությունը, որը սաստիկ զգացվում է բելետրիստ նարոդնիկների ստեղծագործություններում³⁵: Այստեղ համարյա ասված է այն բոլորը, ինչ բնութագրում է գյուղագրական գրականության գրական ոճը: Թե՛ կերպարների, թե՛ ընդհանուր ոճամտածողության, թե՛ գեղարվեստական նկարագրությունների գլխավոր առարկայի, թե՛ բնականության և արվեստի բոլոր հարցերում Պլեխանովի դիտումները համընկնում են Նալբանդյանի նկատումներին: Ո՞րն է ուրեմն այս հարազատության օբյեկտիվ պատճառը — գյուղագրական գրականության գեղարվեստական համակարգի ընդհանրական օրինաչափությունների ճանաչումը: Սրանով միայն պիտի բացատրել, թե ինչպես տասնամյակներ անց և արդեն տեսական խստահայաց պարզորոշություններ կրկին առաջ էր քաշվում պատկերվող միջավայրի և գրական կերպարների համապատասխանության տեսությունը՝ բացատրելու համար այս անգամ ուսս նարոդնիկ բելետրիստների գեղարվեստական երկերի թուլություններն ու ռեալիզմի սահմանափակությունը: «Պատկերվող միջավայրի բնույթը, — գրում էր Պլեխանովը, — իր հերթին շի

35 Գ. Վ. Պլեխանով, Գեղարվեստ և գրականություն, Երևան, 1949, էջ 298 (ընդգծումները Պլեխանովինն են):

կարող ազդեցութիւնն չգործել գեղարվեստական երկերի բնույթի վրա: ...Արդարեւ, արդոյք լայն թափի մեծ հնարավորութիւնն է սալիս գեղարվեստական վրձինին այն միջավայրը, որը ներկայացնում է «մարդկային օվկիանոսը»: ...Ինքը Շքսպիրը, դժվարութեան հանդիպելով կանգ կաններ գյուղացիական մասսայի առջև, որի մեջ «և գյուղացիները, և գեղջկուհիները բոլորն էլ մեկ-մեկու նման են, ունեն միևնույն միապաղաղ մտքերը, միատեսակ հագուստներ, միատեսակ միապաղաղ երգեր» և այլն: Գեղարվեստական պատկերմանը զբաղվել է ենթարկվում միայն այն միջավայրը, որի մեջ մարդկային անձնավորութիւնը արդեն հասել է մշակման որոշ աստիճանի»³⁶: Փիլիսոփայական կանխադրույթը՝ հնօրյա և մեծ օրինաչափութեան հայտնագործումն էր՝ մարդու հասարակական էութեան դարատե և վոլյուցիայի մասին: Առանձին մարդը իր անհատական հատկանիշներով, հոգեբանութեամբ գեղարվեստական գրականութեան հերոս է դառնում համեմատաբար ուշ ժամանակներում՝ Սերվանտեսի ու Շքսպիրի դարաշրջանում: Ռուսական իրականութեան մեջ Բելինսկին շէրտեսնում մուժիկին գրականութեան հերոս դարձնող սոցիալական որևէ պայման: Մուժիկը նախ և առաջ պետք է ազատագրվի: Գորշ, անդեմ, մարդկային այդ օվկիանոսը պետք է իր անհատական-անձնական նկարագիրն ստանա կյանքում — այս պարագային միայն հնարավորութիւն կատարելի մուժիկի՝ որպէս մարդու, գեղարվեստական լիարժեք կերպավորումների համար:

Գ. Ի. Պիսարևը 60-ական թվականների սկզբներին գրած իր մի հոգվածում պահանջում էր ժողովրդական կյանքի ուսումնասիրութեան (գեղարվեստական թե գիտական) շրջանակների ընդլայնում, մուժիկի՝ որպէս մարդու ու ռուսական հողի լիիրավ տիրոջ հոգեբանութեան և աշխարհայացքի խոր ու նամակողմանի ճանաչում: Ռամիկ ամբողջի կյանքը այնպէս միապաղաղ չէ, անգույն ու դատարկ, որ հնարավորութիւնն չտա գեղարվեստական լայն ընդհանրացումների համար, — ասում էր նա: Պարզապէս

36 Գ. Վ. Պլեխանով, Գեղարվեստ և գրականութիւն, Երևան, 1949, էջ 327—328:

մենք՝ մտավորականներս է, որ շինք ճանաչում այդ կյանքը, շինք փորձում մերձենալ հասարակ ժողովրդի ցավերին ու կարիքներին, խորամուխ շինք լինում ժողովրդական տիպերի ու ժողովրդային աշխարհազգացողության բուն էություն մեջ: «Մենք,— ասում էր նա,— հազիվ սկսել ենք ճանաչել ժողովրդական կյանքի էական հատկանիշները, մենք շինք կարողանում տալ անգամ ժողովրդական տիպի արտաքին նկարագիրը, հետևաբար առաջով ոչ մի հնարավորություն չկա դուրս բերել այդ տիպը գեղարվեստական ստեղծագործության մեջ»³⁷: Գրողի և հասարակ ժողովրդի միջև հաստատվելիք խոր կապի առկայության դեպքում է միայն հնարավոր ստեղծել ճշմարիտ ժողովրդային գրականություն: Ոչ թե մուժիկի մարդկային անհատականության կամ անձնավորության մշակման հարցն է գլխավորը, այլ մտավորականության և մուժիկի մերձեցումը, սրանց շահերի դաշնությունը, ապա և ռամկական կյանքի համակողմանի ուսումնասիրությունը: Տեսակետ էր սա, որ լիցքավորված էր ազնվական գրողների ստեղծագործության հանդեպ հեղափոխական տարատոհմիկի քացահայտ հիասթափությունների: Ճիշտ է, Պիսարևը Գոգոլից հետո որոշ առաջադիմություն է տեսնում կրթված դասի և ժողովրդի միջև հաստատված հարաբերություններում: Ռուս մուժիկն ու կիևը դարձան մեր վեպերի ու վիպակների գլխավոր գործող անձինք, խնդիրն այն է սակայն,— ասում էր նա,— որ ժողովրդական կյանքի վերլուծությունը, այնուամենայնիվ, մնաց «մտկերեսային»: «Ժողովրդական կենցաղից առնված վեպերը նկարագրել և նկարագրում են մեզ ոչ այնքան բնավորություններ, որքան իրավիճակներ»³⁸: Այս ստեղծագործությունների գեղարվեստական ցածր մտևարդակը պիտի բացատրել միայն այն հանգամանքով, որ գրողը ինքը լավ ջի ճանաչում կամ համարյա չի ճանաչում ժողովրդական մասսային, և բավականաչափ թերի ու անորոշ են նրա պատկերացումները ռամկական աշխարհի վերաբերյալ: Մնում է մի բան միայն՝ թափանցել ժողովրդական կյանքի խոր-

37 Д. И. Писарев, Сочинения, т. I, М., 1955, стр. 61.

38 Նույն տեղում, էջ 59:

քերը, ճանաչել և ուսումնասիրել բնավորություններն ու տիպերը այն միջավայրի, որ կոչվում է ռուսական գյուղաշխարհ, ուր խավար, անդեմ, հետամնաց ռամիկ բազմությունը կոխվ է տալիս՝ Ցավ ու վշտերի մի ծովի ընդդեմ:

Ըստ էության Պիսարևի առարկումները տրամագծորեն հակառակ չէին Բելինսկու հավաստումներին. հակառակը, հենց ժողովրդական կյանքի վերափոխության պահանջն էր նրանց երկուսին էլ մղում կանգնել մուծիկի սոցիալական պաշտպանության դիրքերում: Սակայն մեկը արտահայտվում էր մուծիկին մարդ դարձնելու համար հասարակական պայմաններ ստեղծելու օգտին, մյուսը՝ նրան ճանաչելու: Բայց չէ՞ որ դա, ըստ էության, միևնույն բանն է: Կրթված դասի գործունեությունը գյուղում հետապնդում էր խավարի ու հետամնացության այդ աշխարհը վերափոխելու անմիջական նպատակ. ճանաչել մուծիկին, այն ժամանակվա տարատոհմիկի պատկերացմամբ, նշանակում էր հասկանալ ու վերափոխել գյուղացու սոցիալական դրությունը:

Ըստ էության այս նույն մտահոգությամբ էին լիցքավորված Նալբանդյանի խոհերը, երբ նա փորձում էր բացատրել պոռճյանական բնավորությունների սահմանափակությունն ու «լոգիկաբար» զարգանալու անընդունակությունը. «Հայտնի է,— գրում էր նա,— թե ազգն էլ մեղավոր չէ, եթե նորա կյանքը չէ երևեցնում այսօր այնպիսի բնավորությունք և երևույթք, որ շկան «Սոս և Վարդիթերի» մեջ: Նոցա աճելության համար հարկավոր է հող, հարկավոր են պայմաններ և հնարներ, որոնցից զուրկ ենք այսօր, և որոնց թերությունը գուցե թե լցնե լուսավորությունը մի մասով, եթե գիտությունը ոտք կոխե Հայաստան»³⁹: Պարզ է, որ գյուղի լուսավորական վերափոխումների, գիտության զարգացման հետ էր կապում Նալբանդյանը հենց այն մարդկանց երևան գալու հնարավորությունը, որոնք կրողներն էին մարդկության մեծ իդեալների, ամբողջական ու լիակատար բնավորություններ, որոնց գործունեության միջոցով է, որ կերպարանափոխվելու էին մարդու

39 Մ. Նալբանդյան, ԵԼԺ, հատ. 3, էջ 170:

անհատական ինքնության համար նախանհրաժեշտ հանրային-տնտեսական պայմանները:

Կյանքի սոցիալական վերափոխումները, պատմական զարգացման ընթացքը Նալբանդյանը պատկերացնում էր որպես մարդու հասարակական ազատագրության պրոցես. «Այո՞, մարդն է մեր կատարելությունը — ideal և նրա էական և իրական պետքերից ավելի, ուրիշ բանի հետ վերաբերություն չունի՞նք: էական և իրական պետքերի մեջ տեսնում ենք նորա կյանքը, կյանքի պայմանները»⁴⁰: Սոցիալական հավասարության վրա հիմնված հանրային ներդաշնակությունը նախահիմքն էր կյանքի այն պայմանների, որոնց մեջ պիտի հանդես գար կատարյալ մարդը: Իսկ մինչ այդ դեռ անցնելիք էր հասարակական վերափոխումների դժվարին ու բարդ ճանապարհը: Այն, ինչ օգնում և մերձեցնում էր իդեալի նվաճմանը՝ թանկ էր Նալբանդյանի համար: Քննադատը «Սոս և Վարդիթերի» մեջ նշմարում էր «սկեպտիկյան ուղղությունը», կամ թե դրա դադափարական կողմնորոշումների երեււման դալը: Այն, ինչ հասկանում էր Նալբանդյանը սկեպտիկյան ուղղության տակ, այլ բան չէր, քան ազգի մի որոշ տեսակի «բարոյական խոցերի» մերկացումը: Դրանք, այդ խոցերը, սկեպ էր փնտրել գյուղի «հասարակաց տեղության և հասարակաց տրնտեսության» մեջ⁴¹: Պ. Պոռչյանը հարեանցի իր հայացքն ուղղել էր ընդհանուրի կյանքի և այն կողմերի վրա, որոնց նկատումն իսկ նրան դարձնում էին ժամանակակից գրող, այլ խոսքով նա կապվում էր արդիականության հետ՝ գյուղական տնտեսության մեջ երևան եկած շարաշահումների ու բռնադատումների նկատմամբ մերժողական դիրք զբաղեցրելով: Համենայն դեպս, նրա հերոսներից մի քանիսը վեր էին հանում «հարստահարված երկրագործի» տագնապալից մտորումները գյուղական մեծամեծների անարդար «տեսչության» (կառավարման) և կամայականությունների հանդեպ. «Քոմմա իրանք են ուտում, քյապիթի տունը քանդում, իրանցը շինում»: Գյուղական անիրավված չքավորի անու-

40 Մ. Նալբանդյան, ԵԼԺ, հատ. 3, էջ 97:

41 Նույն տեղում, էջ 175:

նից առաջին անգամ հայ գրականության մեջ լսվում է այն պարզ տրտունջը, թե իշխանավորի ու շքավորի միջև եղած տարբերությունը չէ բանը, այլ որ աղքատը հարստից ավելի է «խարջ տալի, կոռ քաշում»: Գյուղացին գործնական մարդ է և նա առաջին հերթին նկատում է անիրավության այն ծայրը, որ անմիջապես դիպչում է իր տնտեսական շահերին: Այստեղից նա մականբերում է ճշմարտությունը: Կոնկրետ փաստը միշտ էլ նրա համար ճշմարտության սահման է: Նա սովոր չէ խոսել մտրակից՝ մտրակի «դաղը» շտարած: Նրա ուղեղում առկա փաստերից գոյանում է մի մեծ ընդհանրական ճշմարտություն-անարդարությունը, որի դեմ ոչինչ շունի անելու, բացի բողոքից: Նալբանդյանը անմիջապես կռահում էր այս գյուղացու անել վիճակը. «Տխրություն է գալիս մեր վրա,— գրում էր նա,— երբ հիշում ենք, թե հարստահարված երկրագործը կամ շինականը բռնադատված է լուռ մնալ իր հարստահարողներին ընդդեմ և միայն գիշերով, ծածուկ, խորհրդական առանձնության մեջ բողոքել, երբ ոչ ոք չէր լսում նորա բողոքը...»⁴²: Սակայն այս քիչն էլ ուրախությամբ է լցնում «Երկրագործության» հեղինակի անմխիթար սիրտը: Այստեղ նա տեսնում է նոր ժամանակների հետ կապվող սկեպտիկյան ուղղությունը: Այն սերունդը, որ այդ ուղղության ներկայացուցիչն էր, իր համոզումներով միանում էր երկրագործության փիլիսոփայությունը մշակողի սոցիալ-հեղափոխական նկրտումներին: Բողոքարկուների և ըմբոստների այդ դասի մեջ Նալբանդյանը տեսնում էր իր կուսակցության կողմնակիցներին և դրա համար էլ հարցնում էր տազնապած ուրախությամբ. «Մեղ շատ ցանկալի էր իմանալ, թե այդ երկնային և փրկարար ուղղության շրջանը արդյոք ո՞րքան տարածություն ունի այն տեղերի հայ ընկերության մեջ»⁴³:

Պռոշյանը այդ հարցին կարողացավ պատասխանել միայն տասնամյակներ հետո: «Սկեպտիկյան ուղղության» սերունդը

42 Մ. Նալբանդյան, ԵՎԺ, հատ. 3, էջ 175:

43 Մ. Նալբանդյան, ԵՎԺ, հատ. 3, էջ 130, Ա. Հովհաննիսյան, Նալբանդյանը և նրա ժամանակը հատ. 2, Երևան, 1956, էջ 306:

աճեց ու բազմացավ. նրանից դուրս եկավ ոչ միայն պրակտիկ հեղափոխականների այն խավը, որ հետագայում պայքարեց ազգի քաղաքական ու սոցիալական ազատագրության համար, այլև գյուղական մտավորականության՝ լուսավորիչների մեծ բանակը, որ խորացնում ու խորացնում էր «սկեպտիկյան ուղղության» ըմբռնումը գյուղական շրջավորության ենթագիտակցության մեջ:

Մերը չէ այն միտքը, թե «Երկրագործության» և «Կրիտիկա-յի» մեջ գոյութուն ունի անմիջական կապ: Վաղուց ի վեր հաստատված այդ ճշմարտությանը ուզում ենք ավելացնել հանգուցյի հուսալիությունն ամրապնդող ևս մի փաստարկ: Հենց այն հանգամանքը, որ Պետրոպավլովյան րավելինում Մ. Նալբանդյանը մտածությունների առարկա դարձրեց ոչ թե «Վերք Հայաստանին», այլ «Սոս և Վարդիթերը», շափազանց հատկանշական է: Գրականագիտական տեսակետից, անշուշտ, ավելի հետաքրքրական էր քննել «Վերքը», քան Պոռշյանի վեպը: Բովանդակության հարստության կողմից այս վերջինը չէր կարող բաղդատվել մյուսի հետ: Վերջապես քաղաքական և ազգային շատ ու շատ հոգածությունների դուռ կարող էր բանալ Աբովյանի ստեղծագործությունը և մղել քննադատին հրապարակախոսական կրքոտ ելույթի: Բայց Նալբանդյանը կողմնորոշվում է դեպի «Սոս և Վարդիթերը» և այստեղ գտնում հենց այն, ինչն ամենից շատ և ամենից սուր զբաղեցնում ու խռովում էր նրա անհանդիստ միտքը: Այն ժամանակ նա այլ ծրագիր չուներ, քան երկրագործական աշխատանքի օդնությանը սոցիալական և ազգային թշվառությունից ելք գտնելու առաջադրությունը: Գյուղը և գյուղացիությունը հետաքրքրում էր Նալբանդյանին հեղափոխական հեռանկարի մեջ ուրվագծվող՝ հավասար հողաբաժանությանը երկրագործությանը առաջ տանելու խնդրի լուծման տեսակետից: Նա, ինչպես գաղափարի ամեն մի ճշմարիտ զինվոր, Պետրոպավլովյան զնգանում իսկ պաշտպանում էր իր հասարակական համոզումները: Գեղջկական մի առօրյա զրույց (շատ սովորական հետագա գյուղագրական գրականության մեջ) բորբոքում է նրա ոգևորությունը. սկեպտիկյան ուղղության մատին նա խոսում է հավատավորի ուրախությանը՝ կռահելով այն ուժերի երևան գալու պատմական

օրինաշարափությունը, որոնց հեղափոխական համախմբմամբ՝ հողը հավասարապես պիտի բաժանվեր ազգի անդամների միջև: Գյուղացիների «փոխարա գնալը» (փոխադարձ օգնութեան մի շատ տարածված ձև հայ գյուղերում), նրա մեջ արթնացնում է համայնավարականի մտածումներ: «Այս սկզբունքը մեծ խորհուրդ ունի ընկերական կյանքում»,— ասում էր նա: Ձէր կարող խնդիրը ավելի լայնահայաց և մանրամասն քննութեան ենթարկել՝ քանզի կաշկանդված էր բանտի շղթաներով: Բայց, այնուհանդերձ, այս ամենը հուշում են «Սոս և Վարդիթերը» նախընտրելու կողմնորոշման ստույգ աղբյուրը: Հազիվ ուրեմն տողամեջ՝ խանդավառութեամբ և հույսով՝ կարողանում էր արձանագրել երկրագործութեան հետ առնչված իր նորօրյա խոհերը:

Քննադատութեան մասին մեծ հրապարակախոսն ասում էր, թե այն մի հայելի է, ուր տեղի է ունենում «ճառագայթների կրկին բեկբեկումն»: «Սոս և Վարդիթերը» այդ կրկնաբեկ հայելու առաջ երևաց այն ընդհանուր և հատկանշական կողմերով, որոնք նոր սկզբնավորվող գրական դպրոցի՝ ռեալիզմի, նաև գյուղագործութեան արտացոլման մեթոդի ինքնօրինակութունն էին պարզում:

ԳՅՈՒՂԱԿԱՆ ԻՐԱԿԱՆՈՒԹՅՈՒՆԸ ԵՎ ՀԱՅ ՄՏԱՎՈՐ ԽԱՎԵՐԸ

Համառոտ ուրվագիծ անդրկովկասյան հողաշինական գործի: Հայ գյուղի տնտեսական զարգացման նոր ուղիները և Գ. Արժրունին: Գ. Պապյանցը հրապարակախոս և գյուղագիր: «Մշակի» գյուղագր-րական պատկերների գրական արժեք: Գյուղաշինական ուղիների նոր որոնումներ: «Մեղու Հայաստանին» և Պ. Սիմոնյանցը հայ գյուղի և գյուղացու տնտեսական ասպարաչի մասին: Մ. Սիմոնյան-ցի գյուղագրական պատկերները:

Այն դադափարները, որ զարգացրել էր Մ. Նալբանդյանը «Նրկրագործությունը որպես ուղիղ ճանապարհ» աշխատություն մեջ, 70-ական թվականներին յուրօրինակ բեկում ստացան ազա-տամտական և պահպանողական հրապարակախոսության, նարդ-նիկական տնտեսական հետազոտությունների և գյուղագրական գրականության մեջ:

Արտակարգ հետաքրքրությունը գյուղացու և գյուղական իրա-կանության հանդեպ լծորդված էր այն նոր տեղաշարժերին, որ կատարվում էին անդրկովկասյան և մասնավորապես հայկական գյուղի և գյուղատնտեսության մեջ:

1846 թվականի ցարական հրովարտակից և 1847 թվականի օրինագրություններից մինչև 1870 թվականի մարտի 14-ի շինա-կան կանոնագրությունը, քառորդ դարու ժամանակամիջոցում, հայ գյուղի սոցիալ-տնտեսական պայմանները իրականում քիչ

փոփոխություններ էին կրել, որովհետև յուրահատուկ և բավականաչափ աղգային էր հողային հարաբերությունների այն ձևը, որ պահպանվել և իրավական որոշ ուժ էր ստացել ցարական դադութատիրության պայմաններում: Ճորտատիրական իրավունքի վերացումը Ռուսաստանում և այս կապակցութեամբ հողագործական նոր հարաբերությունների երևան գալը անմիջաբար շնորհործեցին Արևելյան Հայաստանում գոյություն ունեցող ազրարային հարաբերությունների վրա, քանի որ ոչ միայն հողատիրության ռուսական կամ վրացական ձևը Հայաստանում գոյություն չունեն, այլև, որ այստեղ իրականում հողի փրկագնման գործողություններ չէին կատարվում: «Փաստորեն,— գրում է պրոֆ. Ն. Թումանյանը,— հողատերերի և գյուղացիների փոխհարաբերությունները, որոնք գոյություն ունեին մինչև ռեֆորմը, համարյա չփոփոխվեցին»¹: Հենց այս հանգամանքը մի ուրույն իմաստ և երանդ էր հաղորդում ազրարային այն քաղաքականութեանը, որ ցարական կառավարությունը 1870 թվականի կանոնադրությամբ վարում էր Հայաստանում: Ամենից առաջ ցարական կառավարողները մտահոգված էին հատակություն մտցնել հողի փաստական տերերի, հողատեր-սեփականատերերի, կալվածատիրական իրավունքից օգտվողների, եկեղեցապատկան և արքունական (պետական և կալվածական) գյուղացիների հողային իրավունքների մեջ: Շինական կանոնադրությունը փորձում էր նախ վավերացնել և հաստատել եղած հողային հարաբերությունները, հողի նկատմամբ մասնավոր սեփականատիրական այն իրավունքները, որ ունեին կալվածատերերը, իշխաններն ու բեկերը: Այսինքն իրավական ճանաչում էր ստանում վիճելի, շատ անդամ անունով միայն այս կամ այն հողատիրոջը պատկանող կալվածային հողատարածությունները: Եթե կարելի է այսպես ասել, կալվածատերերը «ամրացվում էին» իրենց հատկացվող կամ հատկացված հողերին, նրանց դարձնում էին հողի մասնավոր սեփականատե-

¹ О. Е. Туманян, Экономическое развитие Армении, часть I, Ереван, 1954, стр. 101—102, V. Եզանյան, Հայաստանի հետեֆորմյան ազրարային հարաբերությունները: Երևան, 1964, էջ 6, նաև Խ. Հ. Ավդալբեգյան, Հողային հարցը Արևելյան Հայաստանում (1801—1917), Երևան, 1959, էջ 242:

րեր, որպեսզի ի վերջո կառավարութիւնը կարողանար հստակորեն ճշտել արքունական հողերի այն քանակութիւնը, որից պետական գանձարանը ռեալ եկամուտներ պիտի գանձեր²: Այսպիսի ճշտումը պետք էր հողաշինական հետագա գործունեութեան համար և շարժական օգտակար էր պետութեանը: Այսպես, օրինակ, Երևանի նահանգում բոլոր օգտակար հողերի 73 տոկոսը արքունապատկան էր³: Կառավարութեանը ձեռնտու էր մնացած հողերը բաժանել և հաստատել կալվածատերերի ու եկեղեցու միջև, ընդամիջոց որոշելով իր մասնավոր սեփականութեան սահմանները երկրի ներսում: Արքունապատկան հողերի աճուրդից հետագայում շահեցին ոչ միայն կալվածատերերը, կուլակները, առևտրականներն ու աստիճանավորները, այլև ամենից շատ՝ պետական գանձարանը: Մինչ այդ պետական գյուղացիները կոռի և բահրայի, խնչպես նաև դրամական հարկի միջոցով ահռելի եկամուտներ էին բերում ցարական գանձարանին⁴:

Կենսագործելով հողային ռեֆորմը Արևելյան Հայաստանում, ռուս կառավարութիւնը փաստորեն սահմանագծում էր կալվածատիրական հողաբաժինը գյուղական ընդհանուր հողաբաժնից⁵: Ճիշտ է, հենց այս սահմանագծումն իսկ արդեն դառնում էր գյուղաբնակչութեան ունեզրկման եղանակներից մեկը, որովհետև հողերը, որ անցնում էին նորաստեղծ կալվածատերերին, ըստ էութեան, կտրվում-վերցվում էին երկրագործի համայնական և անձնական հողատարածութիւնից: Գյուղացիական հողաբաժինները կրճատվում էին և սակավահողութիւնը արդեն բռնում էր հողի աշխատավորի կոկորդից: Ստեղծվում էր շահագործման մի հիերարխիկ սիստեմ՝ բարդ փոխհարաբերութիւններով: Արևելյան Հայաստանում գյուղացիութեան ճնշող մեծամասնութիւնը բնակ-

2 Մ. Եզանյան, նշվ. աշխ., էջ 11—12 և հետո: Վ. Զ. Ռշտունի, Ուրվագծեր Հայաստանի գյուղացիութեան պատմութեան, մասն Ա, Երևան, 1960, էջ 223:

3 Մ. Եզանյան, նշվ. աշխ., էջ 18, 19:

4 Նույն տեղում, էջ 17, 18: Երևանի նահանգի բահրային հողվածներից ըստացվող տարեկան եկամուտը կազմում էր հարյուր հազար ռուբլի:

5 Նույն տեղում, էջ 73:

վում էր արքունապատկան հողերի վրա և հարկադրված էր դեռ 1840-ական թվականներից դրամական պարհակներ վճարել: Եվ քանի որ պահպանվում էր հողատիրություն ճանաչողական կարգը և հողի պարբերական վերաբաժանումը, հայ գյուղացին կրկնակի շահագործման էր ենթարկվում: Մի կողմից պետական հարկը պիտի վճարեր հարկահավաքին՝ տանուտիրոջ գլխավորությամբ: Զարաշահումներն այս դեպքում այնքան սովորական էին, որ գյուղացին նախապես գիտեր, թե որքան և ո՞ւմ պետք է վճարեր՝ օձիքն ազատելու համար: Մյուս կողմից գյուղական կառավարչությունը, կամ ինչպես նախքան դայանը էր ասում՝ տեսչությունը (տանուտեր, քեդխուդաներ, սուդյա) պետական հարկահավաքումը, հողի վերաբաժանումը, համայնական հողատարածություններից օգտվելը դարձրել էր անձնական եկամտի և կաշառակերություն աղբյուր: Գյուղացուց կրկնակի վարձ էին առնում. օրենքով հասանելիքը տալիս էին որպես կարգի խախտում, փոխարենը առատ նվիրաբերություն ստանալով: Հողային ռեֆորմի անցկացումը Արևելյան Հայաստանի որոշ շրջաններում կամ վրաստանի և Ադրբեջանի հայաբնակ գավառներում ընթանում էր գյուղացիական մեծամասնության և կալվածատերերի միջև մղվող թաքուն կամ բացահայտ պայքարով: Երկուստեք կաշառքներ էին տալիս գավառապետին, հողաչափին, դատավորին, պրիստալին՝ մեկը համայնական հողերի վրա իր ունեցած իրավունքները պահպանելու, մյուսը՝ այդ իրավունքները տապալելու համար: Այն դեպքերում, երբ չքավոր գյուղացիությունը պարտվում էր, կալվածատերը փաստորեն դառնում էր գյուղի իրավական տերը: Այստեղ արդեն գյուղացին բազմաստիճան շահագործման էր ենթարկվում, որովհետև նրա բախտը հանձնված էր կալվածատիրոջ ձեռքը: Թեև գյուղացին գամված չէր կալվածատիրոջ կամ արքունական հողին, այնուհանդերձ, դրամական հարկային կարգը հետապնդում էր նրան, քանի որ չէր կարելի առանց հարկավճարման հողատեր համարվել կամ համայնական մնալ: Տանուտերերը կամ քոխվաները հարկադրում էին ծախսվել ամեն ինչ, կամ թե քոնագրավում էին սրանց ունեցվածքը և զրկում համայնական հողերից ու անձնական արտ ու հանդից օգտվելու իրավունքից, մեկ

ուրիշին՝ ավելի կարողին տալով այդ իրավունքը: Դրամապարտույթը այս ամենի մեջ ամենաանտանելին էր իր տնտեսական հետևանքներով: Մեջտեղ էր գալիս գյուղական կամ քաղաքային վաշխառուն իր մուրհակներով և տոկոսաբեր թղթերի դարհուրանքով: Վաշխառուն ունեզրկում էր գյուղացուն և նպաստավոր պայմաններ ստեղծում հողի առևտրի համար: Հողային ունեւոր մեծ մասամբ նրա դրպանն էր մտնում, որպես տոկոսիք գյուղացու ունեցած պարտքի: Եվ այս հանդամանքը մարաբանների կամ հողագործի գյուղացիների առաջացման միջոց էր դառնում: Մի կողմից վաշխառուական շարաշահումները, մյուս կողմից հողի առու ծախը ստեղծում էին տնտեսական այն քեեռացումները, որ դասակարգային ներհակությունների սրման և նահապետական հարաբերությունների քայքայման դուռ էին բանում:

Կուլակը ինքնորոշվում էր արդեն որպես հասարակական խավ՝ վաշխառուական և առևտրական կապիտալի մուտքով գյուղ: Մարաբանների հաշվին նա ընդարձակում էր հողատարածությունը և կանոնավորում տնտեսությունը, շահագործելով հողագործի գյուղացիների աշխատանքը: Ավելի ուշ՝ 90-ական թվականներին և 20-րդ դարի սկզբին, առևտրական կապիտալի լայն շրջանառությամբ, գյուղական բուրժուազիան նպաստում էր գյուղում կապիտալիստական հարաբերությունների զարգացմանը:

Հողային-տնտեսական հարաբերությունները, որ զարգանում էին Անդրկովկասում և Արևելյան Հայաստանում, որպես թե ենթակա պետական վերահսկողությանը, այնուհանդերձ, ունեին իրենց զարգացման տրամաբանությունը և պատմական հունը: Դա դեպի կապիտալիզմը ուղղված տնտեսական շարժում էր, որն իր ճանապարհին զորեղ հարվածներ էր հասցնում հնօրյա նահապետականությանը և գյուղական համայնքին, ստեղծելով վայրենի ու քարքարոս ունեզրկման այն մեթոդները, որոնցով տնտեսական գերիշխանության էր հասնում շահագործողների նոր խավը՝ կուլակությունը:

Արդեն 70-ական թվականների շեմին գյուղում զարգացող տնտեսական հարաբերությունները իրենց վրա են բեեռում հայմտավորականության, մամուլի և գրականության ուշադրությունը:

Մտաւորականութեան խորհրդածութեաններէ յորտն էր առնւում գլուղը, որպէս ընդհանուր հասարակական զարգացման հետ առնչված կարևորագույն օղակ: Տնտեսական առաջընթացի ծրագրերը, որ հայկական լիբերալիզմը մշակում էր այդ տարիներին, ուղղված էին գյուղաշխարհի սոցիալական դիմապատկերի վերափոխմանը ևս: Կապիտալիստական հարաբերութեաններէ հեռանկարով մտահոգ գործիչները գլուղի տնտեսական առաջընթացը չէին կտրում արդունաբերական այն կողմնորոշումից, որ կարծես թե քաղաքային բուրժուազիայի մենաշնորհն էր: «Մշակի» ապագա խմբագիրն, օրինակ, դեռևս «Հայկական աշխարհին» թղթակցելիս, մատնացուցց էր անում Կովկասի «անմշակ արդունքները» (բնական հարստութեանները) վաճառահանելու կարևորութեանն ու շահավետութեանը: «...Երկրի կենդանիների, բույսերի և մետաղների հարստութեանից օգուտ քաղել» — ահա այն հեռանկարային ուղին, որ գծվում էր Գ. Արծրունու երևակայութեան մեջ: «Կովկասի և Հայաստանի դերը պետք է լինի անմշակ արդունք ծնելը»⁶: Արծրունին որոշ շահով հարում էր ֆիզիոկրատների և պոզիտիւիստների տնտեսական դիրքորոշմանը՝ «բնութեան հարստութեաններէ» շահագործմամբ ազգը հարստացնելու տեսակետը պաշտպանելով:

Նախնական այդ դիրքորոշումը լայն տնտեսական ծրագրի է փոխվում 70-ական թվականների սկզբներին: «Մշակը» գծում էր ազգային տնտեսութեան կազմակերպման հնարավոր ուղիներից ամենահուսալին: «Մի երկրի տնտեսական զարգացման բնական ընթացքը այս է. նախ բովազործում են երկրի հանքերը՝ զուգընթաց երկրագործութեան զարգացման հետ կամ գյուղային տնտեսութեան հետ, իր լայն բառի նշանակութեամբ, և ապա հիմնվում են և գործարանները, արվեստանոցները, այսինքն մշակվում է հում, բնական նյութը: Հակառակ ընթացքը անբնական է և արվեստական»⁷: Որ այս շրջանում տեղական ազգային-տնտեսական միտքը փորձում էր նախանշանի երկրագործական մտորումները

⁶ Գրիգոր Արծրունու աշխատութեանները, հատ. 1, Թիֆլիս, 1904, էջ 281: ⁷ «Մշակ», 1872, № 26:

շաղկասակը նորօրյա տնտեսական շարժման հետ և, քացի այդ, հենց այդ մտածումներն օգտագործել կապիտալիստական դարպացման ազգային ուղիները մատնանշելու համար, կասկածից վեր է: Երկրի «հում, բնական նյութերի» արդյունաբերական մշակման և վաճառահանման ծրագիր-պլանը մշակել էր Նալբանդյանը «Երկրագործության» էջերում: Սակայն տնտեսական նոր շարժման հետ կապված երիտասարդությունը մի կողմ էր դնում ազգի հակայական մեծամասնությանը երկրագործությանը զբաղեցնելու Նալբանդյանի առաջադրությունը կամ, ավելի ճիշտ, դրան նայում էր որպես հարակից խնդրի, առնելով, որպես նրան թվում էր, բուն ծրագիրը՝ երկրի բնական հարստությունները երկրագործության զարգացմամբ արդյունահանելու, տեղական մշակման ենթարկելու և վաճառահանելու վերաբերյալ: Այստեղ էր նա տեսնում օտարերկրյա կապիտալին ընդդիմադիր այն ուժերի գործունեության ասպարեզը, որոնց բազմաթյուն աշխատողությամբ պիտի կուտակվեր ազգային հարստությունը: «Գյուղատնտեսությունը պահանջում է հող, դանազան մեքենաներ, գործիքներ, ուրեմն արծաթի անհրաժեշտ հարկավորություն: Մեր դրամատերերը, մի շար բախտով, անձնատուր եղած կապալներին, ուշադրություն չեն դարձնում այդ արհեստի վերա, նոքա չեն ցանկանում հողի և քնության հետ գործ ունենալ, որ միակ աղբյուրն է մարդկային հարստության»⁸: Այն նույն մտահոգությունը, որ տարիներ առաջ զբաղեցնում էր Նալբանդյանին, հիմա երևան էր վալիս տնտեսական ունալ առաջադրանքի ձևով: Վաճառականությանը և դրամատերերին ուղղած կոչը՝ կապվել «հողի և քնության» — մարդկային հարստությունների այդ միակ աղբյուրի հետ, սեղմ էր այն մտայնությամբ, թե հակառակ պարագային ուսական կապիտալի ներթափանցմամբ Կովկաս՝ հայ վաճառականն ու դրամատերը կորցնելու են ամեն ինչ և դուրս են մղվելու տնտեսական ասպարեզից. «Նոքա (ուսները — Կ. Պ.) արդեն սկսում են առանց հայի օգնության շրջել ամբողջ երկրում, Վենի հում նյութերը և վաճառահանել Եվրոպա»⁹: «Երկրա-

8 «Մշակ», 1872, № 32:

9 «Մշակ», 1872, № 26:

գործութիւնը որպէս ուղիղ ճանապարհ» գրքում Մ. Նալբանդյանը ազգային շուկայի ստեղծման պահանջ է դնում: Մերժելով միջնորդ վաճառականութեան տնտեսական դերը, նա կարծես շահարկում էր այն միտքը, թե հնարավոր է գյուղատնտեսութեան վարճացման կապիտալիստական ուղին ոտք դնել՝ առանց գյուղական պրոլետարիատի և առանց դասակարգային բեռնացումների: Եվրոպայից գնվելիք ապրանքը նույն էժանութեամբ և նույն որակով կարելի է պատրաստել և Ասիայի մեջ, — ասում էր նա: Երկրագործական վաճառականութեան շնորհիվ երկրի բերքերը «գուրս տալով», ազգը «յուր մեջ պիտի դարձնէ դրամի շրջանառութիւնը»¹⁰: Նալբանդյանի սոցիալական ուտոպիայի համաձայն, այդ վիթխարի տնտեսական անիվը պտտվելու էր մեծ մասամբ երկրագործների համախումբ ջանքերով և դրամատերերի ու վաճառականութեան ազդու օգնութեամբ: Նալբանդյանը ազգային շուկայի, երկրագործական վաճառականութեան և դրամատերերի (կարողութեան տեղ մարդիկ) տնտեսական ապագան այս դեպքում ապահով էր համարում, քանի որ բնակչութեան հսկայական մեծամասնութիւնը երկրագործութեամբ պարապելով՝ տալու էր նրանց գործունեության համար անհրաժեշտ տնտեսական միջոցներ («հում նյութեր») և, որ կարևորն է, ապահովելու էր դրամի ազատ շրջանառութիւնը երկրի ներսում: Այսպէս տեղի ունեցած «տրնտեսական հեղափոխութիւնը»՝ մի կողմից երկրագործական աշխատանքի նյութական հիմքն էր դառնալու, մյուս կողմից՝ հիմնովին փոխելու էր հայ վաճառականութեան բնույթը: Միջնորդի դերից, որ ունէր վաճառականութիւնը, ստանձնելու էր ազգի բնական հարստութիւնները իրացնողի պարտականութիւնը և «եվրոպացւոց ծառայելու փոխարեն» ջանալու էր սեփական ազգի օգուտի համար:

1870-ական թվականներին հանդես եկած ազատամիտ երիտասարդութիւնը ելնում էր, ըստ երևույթին, ավելի ուսուցիչ և կենսական իրողութիւնից. նա շեշտում էր իրական այն վտանգը, որ կախվում էր հայկական տնտեսական կյանքի վրա՝ օտարերկրյա

¹⁰ Մ. Նալբանդյան, ԵԼԺ, հատ. 3, էջ 75:

մրցակիցների մուտքով Կովկաս կամ Հայաստան: Բացի դրանից. նա տեսնում էր, որ գյուղում տարտղնած նահապետական տնտեսածէր կաշկանդում և արգելակում է «հում նյութերի» արտագրութեան և վաճառահանման գործառնութեանները: Տնտեսական լիբերալիզմը, անդիտանալով հողի և հողագործի միջև եղած հաստատուն այն հարաբերութեանը, որ սահմանում էր «Երկրագործութեան» հեղինակը, փորձում էր դնալ դեպի հայ գյուղի բուրժուականացման քանոկ ճանապարհը: «Կովկասի մետաքսը, բուրդը, բամբակը, կաշին, ընկուղենու տակոխն, շոր մրգեղենները, գինին և այլն զանազան բերքերը կարող են վաճառականութեան համար առատ մթերք դառնալ»,— գրում էր «Մշակը»: «Դորանց օրինավոր կերպով արդյունաբերելու համար, պետք է թողուլ նահապետական հին ձևերը և սովորել գյուղատնտեսական արհեստը: Որպեսզի փոխադրելով մեր երկրի հում բերքերը դեպի արտասահման, այնտեղից ներս բերելին պատրաստի արվեստագործված ապրանքներ»¹¹:

Նահապետական «հին ձևերից» հրաժարումը այլ իմաստ չուներ լիբերալ գործարարների մոտ, քան գյուղատնտեսութեանը կապիտալիստական ուղու վրա փոխադրելու ծրագրի ընդունումը: Մեքենաներ, գործիքներ, «արծաթի անհրաժեշտ քանակ» և այս ամենի ներդրումը երկրագործութեան մեջ: Հողային հարաբերութեանների ավատական կերպը, որ այս դեպքում նահապետական հորջորջումն էր ստանում, մերժվում էր այն երազանքի դիրքերից, թե գյուղացիական բազմութեանը և արդյունաբերող վաճառականներին ներքաշելով հողի մշակման, ընամթերքի ու բնական հարստութեան շահագործման ոլորտները, կարելի կլինի դիմանալ ոչ միայն դրսից պարտագրվող մրցակցութեանը, այլև մի կենսական ապահովութեան ստեղծել բեգերի, մելիքների ու աղազադաների ձեռքում տապակվող գյուղական չքավորութեան համար: Նոր հարաբերութեանները փխլացիորեն կարգավորելով, կարելի է կասեցնել երկրագործական պրոլետարիատի առաջացումը¹²: Իսկ

¹¹ «Մշակ», 1872, № 32:

¹² «Մշակ», 1872, № 24:

որպես ամենաառաջնահերթ միջոց միջնորդ վաճառականության և վաշխառուների շահագործումից երկրագործ դասը փրկելու, «Մշակը» առաջարկում էր հիմնել գյուղացիական «վաճառակա- նական ընկերություններ, անմիջապես, առանց վաճառական դա- սի»¹³: Շուտով այս պահանջը ձևափոխության ենթարկվեց կամ դործնական կիրարկում գտավ գյուղական փոխատու և խնայողական բանկի օրինակելի կանոնադրության մեջ, որ Արծրունին հրատարակեց «Մշակի» 1873 թվականի համարներում: Իսկ 1876 թվականին «Մշակի» փոքագիրը ուրախությամբ հաղորդում էր, որ «...Թիֆլիսի նահանգի մի քանի գյուղերում և ինքն Թիֆլիսում հիմնվեցան արդեն փոխատու խնայողական մի քանի ընկերու- թյուններ», որոնք օգնում են գյուղացիներին և քաղաքային ար- հեստավորներին տնտեսական դժվարանց վիճակից ելք գլտ- նելու¹⁴:

Այս շրջանում «Մշակը» հասարակական ինքնօգնությունը և այդ հիմունքով ձևավորված կազմակերպությունները (գյուղա- կան փոխատու քանկ, հասարակաց շտեմարան և այլն) դիտում էր առհասարակ գյուղացու նյութական դրուսթյունը բարվոքող- լավագույն միջոցը: Ինքնօգնություն և ընկերակցություններ՝ ահա այն երկու մեծ գաղափարները, որ հասարակական զարգացման նորահուն ուղին առաջադրել էր ոչ միայն արդյունաբերողներին և վաճառահանողներին, այլև պրոլետարներին և գյուղական շքա- վորությունը¹⁵: Կապիտալիզմի դասակարգային ճակատություննե- լը շրջանցելու հոգեբանությունը և տեսական մտորումները գլուխ- էին բարձրացնում ամեն անգամ, երբ լիբերալների երևակայու- թյան մեջ ուրվագծվում էր ինքնօգնությամբ և ընկերություններով ղեկավարվող հասարակական պրակտիկան: Եվ այնուամենայնիվ սա ավելի ռեալիստական դիրքորոշում էր, քան լուսավորության օգնությունը գյուղի և գյուղացու կարիքները, աղքատությունը վերացնելու լուսավորական-դեմոկրատական տեսակետը: Դեռ այն ժամանակ, 70-ական թվականների սկզբին, «Մշակը», ըստ

13 «Մշակ», 1872, № 16:

14 «Մշակ», 1876, № 15:

15 «Մշակ», 1872, №№ 3, 14, 16, 38, 43, 47:

երևույթին ոչ այնքան 60-ականներից եկող ազգային-լուսավորական ծրագրերին հակադրվելու, որքան այդ ծրագրերի գործարկման տնտեսական հնարավորությունները պարզելու և այդ հնարավորությունների իրականացման եղանակները որոշելու մտահոգություններ, գրում էր, թե «ստորին դասի ժողովրդի վերքերը շատ են», ճիշտ է և այն, որ դրանք «մի աղքատից դուրս եկած պիտի լինեն—այն է աղքատությունից, որ հիգրայի պես աճում է և դանազան ճյուղեր է տալիս—տգիտություն, դողություն, ավազակություն, պոռնկություն և այլն, և այլն, որոնք նմանապես աճելով տալիս են հազար ու մի ճյուղեր»։ Իսկ մեր գիտունները, աղքատության դեմ պայքարելու մի միջոց են նշում միայն—ուսումնարանը։ «Դրանք ասում են. «պարոններ, քարոզեցեք տգետ ժողովրդիին, որ ամեն տեղ շինեն ուսումնարաններ, այն ժամանակ, երբ ամեն տեղ բաց կանեն ուսումնարաններ, շուտով լուսավորությունը կտարածվի տգետ ժողովրդի մեջ և կազատի իրան ամեն կարիքներից»։ Այդ պարոնները, քարոզելով ուսումնարաններ, ոչ մի անգամ չեն կամեցել առաջարկել հաստատ միջոցներ և միշտ մոռացել են կամ չեն ուզեցել իմանալ, որ ուսումնարանն էլ ինքնըստինքյան ազատ չէ, նրա գոյությունը կախված է ուրիշ հանգամանքներից և ուրիշ գործիչներից։— Ժողովրդական ուսուցիչներից, իրան բուն նշանակությունովը և մանավանդ ժողովրդական հարստությունից — այն գործիչներից, առանց որոնց չի կարելի ոչ մի ուսումնարան շինել և ոչ էլ շարունակել իրան նշանակությունովը»¹⁶։

Գյուղական աղքատության և գյուղաբնակչության դեպի քաղաքները կատարվող գաղթի դեմ պայքարելու ուղիները մատնանշող լիբերալ միտքը կանգ էր առնում այն տեսակետի վրա, թե անպայման գյուղի տնտեսական զարգացման կերպը պիտի որոշվի, պիտի առհասարակ ստեղծվի «ժողովրդական հարստությունը» հենց այդօրինակ զարգացման շնորհիվ և միայն այդ ժամանակ հնարավոր կդառնա ինչպես ուսումնարանների հիմնադրումը, այնպես էլ, ժողովրդական ուսուցիչների պատրաստումը։

16 «Մշակ», 1872, № 12։

Տնտեսական զարգացման միակ նախընտրելի եղանակը «Մշակը» համարում էր խոշոր վրասիտալիստական տնտեսությունների Անգլիայում գործող ձևը կամ ֆերմերային տնտեսությունների շվեյցարական կադմակերպությունը: Այդ միտքն ու դիրքորոշումն ուղղված էին դեպի գյուղի բուրժուական զարգացման այն ուղիները, որոնք արդեն ծանոթ էին եվրոպական տնտեսական պրակտիկայից: Ամենակարևոր նվաճումն այս խնդրում այն էր, որ լիբերալ մտավորականությունը գյուղի և գյուղացիության հարցերը քննում էր տնտեսական շրջափոխահամայններում — հասարակական զարգացման առաջավոր տենդենցների պաշտպանության դիրքերից և, ինչպես ասում են, պրոբլեմի խորքը մխրձվելով: Իրական, գործնական հնարավորությունների խստիվ հաշվառմանը միանում էր տնտեսական զգաստամտությունն ու ռեալիզմը. «...լուկ բարոյական քարոզները, թե մեր գյուղային ազգաբնակչությունը պիտի լուսավորվի, պիտի առաջագիմություն սիրե, թողնի իր հնացած, նահապետական գործիքները և մտցնի նորերը, պիտի հավատարիմ լինի երկրագործության պարապմունքին — անզոր է գործին օգնելու... Մեզ մոտ ջկա անգլիական ընդարձակ տնտեսությունը իր մեծ կասիտալներով, չկա ուրիշ կողմից շվեյցարիական նեղ տնտեսության պես զարգացած երկրագործությունը գյուղական համայնքի և ինքնօգնության սկզբի վրա հիմնված, իր ընկերակցություններով, ընդհանուր դանձարաններով, գյուղական բանկերով... Երկրագործը, իհարկե, այդ ամենը չի հասկանում և անօգուտ կլինեք նորան այդ քարոզել. նա մի բան է զգում միայն, այն է, որ նորան պակաս են նյութական միջոցները, այդ ամենակարող գործիչները ամեն տնտեսության մեջ, նորան պակաս է երկրագործությունը առաջ տանելու համար գյուղական կրեդիտը: Եվ նա անդադար և անդադար զաղթում է քաղաքները...»¹⁷:

Մ. Նալբանդյանը դեռ 60-ական թվականների սկզբներին էր նկատել գյուղաբնակչության քաղաքներում կենտրոնանալու տրեստեսական իրողությունը: Նա այն ժամանակ այդ երևույթը քացատրում էր հասարակ ժողովրդի հողազրկությանը և երկրագոր-

17 «Մշակ», 1872, № 43:

ծական աշխատանքի անարդյունաբեր ու անշահավետ բնույթով: «Այն աշխարհներում, ուր հասարակ ժողովուրդը հող չունի, ուր չէ կարող երկրագործությամբ ապրիլ, նա կենտրոնանում է քաղաքներում և մայրաքաղաքներում»¹⁸: Այս երևույթը կանխելու համար հեղափոխական-դեմոկրատը հողի նկատմամբ գյուղական բաղամամիլիոն բնակչության իրավունքն էր պաշտպանում՝ ընդդեմ կալվածատերերի: Գյուղացու «աղքատ լինելը, միևնույն ժամանակ, կարող է լինել նորա փրկությունը»¹⁹: Այս մտայնությունը մերժում էր գյուղի բուրժուական զարգացման հիմնական ուղին՝ հարաբերությունների շահագործողական եղանակը: Մերժելով հողի առուծախը և թուլլատրելով միայն, և այն էլ որոշ բացառիկ դեպքերում, հողի կիսրար կամ վարձու մշակությունը, հողը ամբողջությամբ հասարակությանը հատկացնելով, իսկ հասարակության յուրաքանչյուր անդամին «հավիտյան ժամանակի» մեջ հողակտորի միևնույն կամ հավասար բաժինը տնօրինելու իրավունքը տալով, Նալբանդյանը կարծում էր, թե սրանով հնարավոր է բառնալ գյուղական աղքատությունը և լուծել ժամանակի ամենամեծ պրոբլեմը՝ հացի խնդիրը: Սակայն, հողային հարաբերությունների այն եղանակը, որ առաջարկում էր հեղափոխական մեծ դեմոկրատը, որպես ամենաբանուկ և իրավացի՝ ծանրացած էր խոր մի հակասականությամբ, քանզի թուլլատրվում էր հողի վարձու շահագործումը, որը, ի վերջո, չէր կարող չհանդեսնել հենց գյուղական պրոլետարիատի առաջացմանը:

Լիբերալ մտավորականությունը, հակառակ Նալբանդյանի, մերժում էր համայնական հողատիրության և հավասար հողաբաժինների հետ կապված ամբողջ դեմոկրատական ծրագիրը: Տնտեսական լիբերալիզմը գյուղի զարգացման կապիտալիստական եղանակների («ամերիկյան» թե «պրուսական» — այդ միևնույնն էր) կենսագործումը դիտում էր որպես հացի խնդրի և առհասարակ գյուղական պրոբլեմի լուծման միակ լեք: Մի այլ տեսակետից տնտեսական լիբերալիզմը հարվածում էր լուսավորական դեմո-

18 Մ. Նալբանդյան, Եժժ, հատ. 3, էջ 64:

19 Նույն տեղում, էջ 67:

կրատիայի բարոյախոսական և լուսավորչական ծրագրերին՝ արդեն որպես հասարակական զարգացման իրական տենդենցների ընթացքը ըմբռնած մի ուժ, այսինքն, ելնում էր տնտեսական զարգացման իրական վիճակից՝ ժողովրդի հսկայական մեծամասնության նյութական կարիքները բավարարելու գործում օգտաշատ միջոցներ առաջարկելով (գյուղական նշան կրեդիտ, ընդհանուր գանձարաններ, այլ ընկերակցություններ, համայնական ինքնօգնության սկզբունքի գործադրման այլևայլ եղանակներ)։ Տնտեսական լիբերալիզմը գյուղասիրական իր այս կողմնորոշման մեջ առաջնորդվում էր այն հավատով, թե հողային հարաբերությունների զարգացման պարզեւային կամ վստշոր լատիֆունդիական եղանակները կստեղծեն գյուղացու «նյութական միջոցները» — այդ ամենակարող գործոնները, և հենց այդ հիման վրա ոչ միայն գյուղացին կկապվի հողին ու երկրագործությանը (և, հետևաբար, կկասեցվի դեպի քաղաք գյուղական շրջավորության երթը), այլև իրական հնարավորություն կստեղծվի նրա լուսավորության ու բարոյական վերածննդի համար։ Այս ծրագրերը, իհարկե, անկախ անկեղծությունից և բարոյական ելակետից, դիմում էին հասարակության մեջ տնտեսական գերիշխանության համար պայքարող բուրժուական խավերին և սրանց գործունեության մեջ որոնում հասարակության և ամենից առաջ «ստորին խավ ժողովրդի» տնտեսական ապագայի հուսալիությունը։ Ի վերջո, սատարելով նորեկուկ կապիտալիզմի հասարակական սուռաչափության այն ծրագրերին, որ պծագրվում էր շոգու, մեքենայի, մեծածախ առևտրի, ազգային ու միջազգային շուկայի հետ վապլած ուղիներում, — տնտեսական լիբերալիզմը կանգնում էր նորեկուկ բուրժուազիայի դասակարգային դիրքերում, հաստատելով վաղեմի այն միտքը, թե ամեն մի նետ իր թռիչքի ասպարեզն ունի։

Լիբերալ մտայնությունից ազդված հրատարակախոսություն ու գրականությունը, մասնավանդ 70-ական թվականներին, արծաթծում վեր կոնկրետ-գործնական հարցեր և մասնավանդ ընդգծում էր գյուղում երևան եկած այն խավերի դեմ պայքարելու անհրաժեշտությունը, որոնք իշենց տնտեսական գործունեությամբ պատ-

նեշում էին «իդեալական» նկատված հարաբերությունների դար-
գացումը գյուղական իրականության մեջ. «Ակզբում սրանց (գյու-
ղացիների) պարապմունքը անասնապահությունն ու հողագործու-
թյունն էր,— գրում էր Գ. Պապյանը,— «Մշակի» բեկետրիստներից
մեկը, «Աղի բաղարջ» վիսպասնության մեջ,— իսկ գյուղացա-
ծում անցնող ճանապարհի ավերում ցրված մի կամ երկու խա-
նութենքը (մարկիտանխանա) նպաստելով երբեմն հուսահատված
ճանապարհորդին, դրամ ևս էին արտագրում, որ համարյա պետք
էր գալիս տերության հարկը և շինականների ինչ-ինչ հագուստի
զինքը վճարելու համար... Այն ինչ վերջին տարիներում ապրելու
այս նոր ձևը գյուղաբնակներից շատերին հեռացրեց մայր հողի
հետ գործ ունենալուց և դրդեց նորանց հիշած ճանապարհի երկու
ավերքը պատել ահագին կարավանսարաներով, այս նորաստեղծ
հնարը շատերի գրպանը լցրեց փոքրիկ ու պսպղուն մետաղներով
և ահա ձորակի մեջ, ուր սկզբում տիրապետում էր խաղաղ և
անխարդախ շինականական պարզ կյանքը, հասարակ խողերի
տեղ բարձրացան նորաձև, նոր «փորմի» շինություններ:

Սորա հետ վերադարանափոխ եղավ ոչ միայն գյուղի տեսքը,
այլև գյուղականների սիրտն ու հոգին, վարքն ու բարքը... Այսօր
գուհհանդիպելիք քո վաղեմի ծանոթին, որ մի քանի տարի առաջ
հայտնի էր որպես մի սպարդասիրտ, բարեպաշտ, հյուրասեր և
խղճի տեր փողարած և զարմանալով կնկատելիք նորա վերա
տրեխների տեղ՝ քոշեր, դոշուղի տեղ՝ սատին արխալուղ, բրդե
շուխի տեղ՝ շերքեզկի, մոթալ փափախի տեղ՝ շլապկա, իսկ որ
ավելի ուշագրության արժանի է, ազնիվ սրտի տեղ՝ կեղծավոր-
յալ, անկեղծ բնավորության տեղ՝ շահախնդիր, ճշմարտասեր
լեզվի տեղ՝ ստասան, վերջապես գթառատ հոգու տեղ՝ ապական-
ված և նեխված ցանկություն...

Նվ այն բարի հողագործը, և այն ազնիվ հովիվը, որ վաղ
դործ ունեին լոկ յուրյանց անմեղ անասունների, շուրջ ու գութանի,
հողի հետ, այսօր ամեն աշխատանքից փախած և Անեղի՝ «Քըր-
տամբ երեսաց բոց կերիցես զհաց» պատվերը մոռացած, ամոթ
ու պատկառանք ետ դրած, պատրաստ էին ընդունել երեսների
վրա քո թուքը, որպես ցող, քո հայհոյանքը, որպես օրհնություն,

քո ապտակը որպես փայփայտանք—եթե միայն դու նորանց այդպես վարվելովդ տալու էիր մի մանեթ, մի աբասի, վերջապես մի կոպեկ...

Չընդհատեմ խոսքս, շասեմ թե ի՞նչ կորստաբեր վնասներ է առաջադրում վաճառականութունը (թեև հանցանք է այս սրբբանվեր անունը դրոշմել գյուղաբնակների շարչիության վրա) այն տգետ ու փող պաշտող ամբոխի մեջ, որ անփորձ մանուկի պես քնկնել զիտե իր դավաճանների ձեռքը...

Ընթերցողը այս ճիշտ նկարագրութունը կարդալով թող շանարդի ձորակի բոլոր բնակիչներին: Սասժս վերաբերում է սրանցից մեծամիտ, արտաքուստ զուգված, ի ներքուստ միևնույն դրում սու տգետ, «սուղի սուղի» իմացող այն Ակելներին, Մինայներին, Աթոններին, Մուսիններին, Կարոններին... որոնք կամեցան ատել հատուկ ձեռքով կատարվող վաստակը, զիզել ոսկի, ծախել դուր ու խիղճ... Նա ձորաբնակների շարքում կրկին գտնելու էր շատ ու շատ Պեղոններ, Ապետներ, Կյաժոններ, Գառջիններ..., որոնք մաքուր խիղճը հարստութունից վեր համարելով, երեսի սրբանվեր քիրտը քաղցր հաշվելով և իսկական ձեռքով վաստակած խունկ ու մոմը Անեղին ավերի հաճոյական իմանալով—կամեցան աղքատ ապրել, քան հափշտակել օտարի փառազուրկութունը, որբի արտասվաշաղախ հացապատառը...

Այժմ, երբ շատ թե քիչ որոշ գաղափար կազմվեցավ ձորաբնակների մասին, ուր գտնվում է երկու, այսպես ասած համոզմունքի դասակարգ,— մինի նշանաբանը՝ (դեհիզ) փախչել մշակութունից, կռիել, գջլել, հարստանալ, մյուսինը՝ վաստակել, տքնել, մաքուր խիղճ ունենալ,— այստեղ ահա վեպիս սկսվածքը հարկադրված է հանդես դուրս կանչել քնթերցողի դատաստանի տակ հիշյալ դասակարգից առաջինին պատկանող գոսպողին (ինչպես գյուղացիք էին անվանոմ) Աբրամ Տավարովին»²⁰:

Ընդարձակ այս նկարագրութունը ամբողջությամբ մեջբերեցինք ցույց տալու համար, թե ինչպես արդեն 1870-ական թվականներին գյուղագրական գրականութունը որոշապես արձանա-

²⁰ «Մշակ», 1877, № 32:

դրում էր գյուղ ներթափանցած բուրժուական հարաբերությունների ավերիչ անդրադարձը մարդկանց բարքերի, նիստուկացի, սովորույթների, մտածումների ու համոզումների վրա: Գ. Պապյանցը չափազանց ճշգրիտ, պարզ ու շիտակ գույներ էր ընտրել նորամուտ հարաբերությունների ամբողջ շարչիական, անմարդկային բնույթն ընդգծելու համար: Գյուղ թափանցող և հենց գյուղում առաջացող վաճառականության հանդեպ գյուղագիրը ունի անսրող մի ատելություն — այս խավի մեջ տեսնում է գյուղական հնօրյա վայրեր: արքր ստնահարող մի «գասակարգի», որի համար փողից այն կողմ վերջանում է աշխարհը, կամ սկզբում մի նոր աշխարհ, ուր կարելի է շահագործել, կողոպտել, ավերել ու դարձյալ հարստանալ: Գյուղագիրը վաճառականության «սրբանվեր անվան» դիմաց ունի իր բմբռնումները և գիտե, որ չի կարելի գյուղաբնակների շարչիությունը շփոթել «աղնիվ» այն գործի հետ, որ առևտուր է կոչվում: Ամենից ցավ պատճառողը այս իրողությունների մեջ պարզ, անխարդախ ու շիտակ հողագործի հողից հեռանալու պարագան է: «Այրելու նոր ձևի» հետևանքը հանդիսացող մարկիտանխանաներն ու կարավանսարանները հողագործի ճիմնական զբաղումին են հարվածում՝ հողագործական աշխատանքը ոտնահարելով և, որ ամենակարևորն է, արդար ու հալալ վաստակի քարոյականությունը փոխարինում են ստորության, կեղծիքի աշխատավոր գյուղացիների ունեզրկման քարոյականությամբ: Գյուղական նոր այդ «գասակարգի» նշանաբանը՝ փախչել մշակությունից՝ անմիջապես կապված է այս վերջինի հետ: Չլինեք խաբեությամբ և «որբի արտավաշաղախ հացապատառ» խլելու միջոցով հարստանալու այդ եղանակը, չէք լինի և հողից ու մշակությունից փախչելու մարդկանց հոգեբանությունն ու գործելակերպը: Գյուղագիրը փորձում է «հանկարծորեն արիստոկրատ դարձած» նախկին տավարածի սոցիալական մետամորֆոզը բացատրել հողագործական աշխատանքի ու հողի հանդեպ երևան եկած այն նոր վերաբերմունքով, որ պարտագրում են փողը և սրա հետ կապված առևտրական գործառնությունների նոր ձևերը:

«Մշակում» 70-ական թվականներին տպագրված գյուղագրա-

կան պատկերները մեծ մասը կենցաղագրական բնույթ ունենին: Մեկ-երկու պատկերներում միայն կարելի էր նշմարել դյուղի սոցիալական միջնորդաբանական դրամատիկությունը: Դրանց մեջ բավականաչափ հստակորեն ուրվագծվում էր գրողի վերաբերմունքը այն անարդարությունների նկատմամբ, որ հետևանք էին ունևորությունների: Արդարությունը միշտ զորեղի մոտ էր հյուրընկալվում, և այս իմաստով դյուղացու միակ ապավենը մնում էր երկիրը և այնտեղ բազմած Անեղը: Գյուղացին Անեղի անունով փորձում էր սրտաշարժել մարդկանց կամ հաբեկել նրա պատժապարտող ձեռքի արդարացի դատանությունը:

Պետինանց Հանեսի արտը կծղել է, մի երկու օր ևս և անհնար կդառնա հասկաքաղը: Իսկ Հանեսը հնձում է Ս-ը աղայի արտը՝ պարտքի դիմաց: Երբ աղան մոտենում է հնձվորներին, հուսահատություն ծայրն հասած Հանեսը բողոքում է. «—Աղա, դանակը ոսկորիս հասավ, էլ համբերելու իլլաճ չկա ինձանում... Բա աստո՞ժ քեզ մի թիքա խղճմտանք չի տվել, յանի ինչ կլինի, վեր մի դիեր (վերև) աստծուն մտիկ անես ու քո արածը միտո՞ք բերես. վեր ուրիշն էլ քեզ նման աստծու ստեղծած ա, ուրիշն էլ քեզ նման խիղանատեր ա, ուրիշն էլ քեզ նման որդիք ունի: Իմ խիղանն ու րևխեքս վեր դռնեդուս քնկած լաց ըլելիս ըլին, էն վախտը տյու աստծուն ինչ ջուղաբ կտաս հը...»²¹, Աղայական խղճմտանքին հենվող այս բարոյաբանությունը անզոր էր լուծելու որևէ գործնական հարց: «Յա փողս, յա ջանդ» — այս տրամաբանություն էր առաջնորդվում աղան, և այստեղ Հանեսին մնում էր կամ հանդդնել աղայի դեմ՝ դաշույնը հանելով, կամ ինքնասպան լինել այդ նույն դաշույնով: Եվ դյուղացին աղայի դեմ հանած դաշույնը իր սիրտն է մեխում ըստ երևույթին այն հավատով, թե ունեզրկող մեծահարուստը անպայման աստծուն «ջուղաբ կտա» և կպատժվի արդարադատ ձեռքով:

1870 թվականին հրատարակված շինական կանոնագրության գործադրությունը ձեռնարկվեց մինչև 1910-ական թվականները: Ռե-

21 «Մշակ», 1873, № 30:

Ֆորմի անաջին տարում արդեն ցարիզմի հողաձյին քաղաքականությունից զժողովում էին ոչ միայն կալվածատերերն ու մուլքադարները, այլև պետական գյուղացիները: «Պատկեր գյուղական կյանքից» պատմվածքում («Մշակ», 1873 № 13) գյուղացիները տըրտըրնջում են «նորերումս... տյուս եկած հրամանից», որ խոտքաղի ամեն մի փթից չորս գրոշ (2 կոպեկ) խարջ էր պահանջում: Հիմա ամեն ինչ հարկի տակ է ընկել: Դիվանխանից եկողներին գյուղացիները ուզում են ցույց չտալ իրենց այդ տարվա հնձածը, մյուս տարվա հարկի չափը պահասացնելու նպատակով. «էտա,—ասում է մեկը,— բռնենց էկող տարվա վրա միտքը չենք անում, բնդոր ա տարեցտարի գլխներս խարճը էլվելանում, է՛: Մի քանի տարի ըստուց աղաք բոխ կտրելը դադա (արգելված) չէր, ամա մհի տեսնում եք, քուլիցը, սը մի շիփրի (ցախ) ես կտրում հա, ջաումի (տուղանք) տակ են գցում, մհի էլ էա չուլի խոտի վրա են ջարմա դնում: Ըստարի առնեն ոչ, եկող տարի հու կառնեն ու կառնեն, առնիլեն եղը տեսում ինչ ես անում»²²:

Անդրկովկասյան գյուղացիները հողաշինարարական աշխատանքների ամբողջ ժամանակաշրջանում—1870—1917 թթ., առավել է բարձր պարհակներ էին վճարում, քան «կայսրության որևէ տեղում»²³: Հայտնի այս իրողությունը արձանագրում էր նաև «Մշակը», իսկ Գ. Արծրունին տալիս էր դրա գիտական բացատրությունը: «Գյուղը և քաղաքը» նշանավոր առաջնորդում հրապարակախոսը գյուղացիների «նեղ տնտեսական դրությունը» բացատրում էր պետական գանձարանին և կալվածատերերին գյուղական աշխատավորության կողմից վճարվող երկաստիճան հարկատվությամբ. ընդ որում, այդ իրողությունը նա համարում էր

²² «Մշակ», 1873, № 13:

²³ «Կովկասի փոխարքայի գրասենյակի վկայությունը, 34-ի նախագծում բերված ժամանակավորապես պարտավորների միջին բահրան նրա սահմանելու պահին 3 անգամ ավելի էր եվրոպական Ռուսաստանի ամենաբարձր բահրայից և 6—7 անգամ ավելի 50 նահանգների համար գոյություն ունեցող միջին բահրայից» (տե՛ս Մ. Եգանյան, Հայաստանի հետեֆորմյան աղբարային հարաբերությունները, Երևան, 1964, էջ 59)

ցարիզմի հողաշինական քաղաքականության ուղղակի հետև-
վանքը²⁴;

«Уставная грамота»-ի հրապարակումից մի քանի տարի
անց, հայ մամուլում նորից և ավելի ուժգին թափով ծավալվում
է պայքարը երկրագործության զարգացման ուղիների շուրջ:
«Մշակը» դարձյալ պահանջում էր կատարելագործել «երկրագործ
դասի աշխատանքը», հանձնարարում էր մասնավորապես երկ-
րագործական ընկերությունների կազմակերպումը: Արժրունին
1878 թվականին գրում էր նշանավոր խոսքեր. «Ամեն ազգի գո-
յություն հիմքը՝ հող է: Ուրեմն ամեն ազգի հասարակության գըլ-
խավոր ուժը երկրագործությունն է: Մի ազգ, որ հետզհետե կոր-
ցընում է երկրագործական դասը, նա անհետանալու է որպես
ազգություն աշխարհի երեսից»²⁵: Եվ որպես երկրագործության
ուղիի ճանապարհ նշում էր երկրագործական ընկերությունների
հիմնարկման ուղին: Սրանք նպաստելու են «...հայ երկրագործ
դասի մտավոր զարգացման, ջանալու են բարավորել երկրագործի
նյութական դրությունը, օգնելու են նրան գործ դնել իր արհեստին
եվրոպական ամենանոր կատարելագործված միջոցներ»: Գյուղա-
կան էժան կրեդիտը, փոխատու բանկերը, հասարակաց դանձա-
րաններն ու շտեմարանները փոխելու էին գյուղացու տնտեսական
դրությունը իրականում և, սրա մեջ հավատացած էր Արժրունին,
վերափոխելու էին նրա մտավոր ու բարոյական կացությունը:

* * *

Մի փոքր այլ, բայց ըստ էության միևնույն տնտեսական
ուղեգծի հետևակարն էր սլաշտպանում ազգային-պահպանողական
մամուլն ու մտավորականությունը 70-ական թվականներին՝ ըն-
դառաջելով գյուղի և գյուղացիության հարցում մշակական լիբե-
րալիզմի արժարժած դադափարներին: «Նոր կարգերի», այսինքն՝

24 «Մշակ», 1881, № 32:

25 «Մշակ», 1878, № 176: Մ. Նալբանդյանից այս բառացի արձանագրում-
ները պետք էին ազատամիտ հրապարակախոսին՝ փաստարկելու համար հայ գյու-
ղի բուրժուական զարգացման անհրաժեշտությունն ու նպատակայնությունը:

Տողաշինական նոր ռեֆորմների խնդիրը քննարկելիս «Մեղու Հայաստանի» շուրջ համախմբված ազդային-պահպանողականները ամենից առաջ ընդունում էին «կապակցութեան միջոցները», որ նույնն է թե հաղորդակցութեան ճանապարհների «կերպարանափոխիչը» նշանակութունը ազդային տնտեսական կյանքի համար: «Մեղուն» բուրժուական զարգացման նորահուն այս ուղին «հեղափոխական» մարտադաշտ էր համարում, ուր մղվում է «կյանքի և մահու պատերազմը»: «Այս պատերազմի մեջ,— գրում էր Պետրոս Սիմոնյանցը,— միշտ հաղթութունը նոցանն է, որոնք գերազանց են մտավոր զարգացմամբ և բարոյական ուժերով: Մեղ մտեկողները եվրոպացիք են, որոնք գերազանցում են մեզ, ուստի և փոքր առ փոքր, եթե մենք չաշխատենք առաջն առնելու մեր զարգացմամբ և արհեստների ու գիտութեանց մեջ հառաջդիմելով, նոքա կտիրեն երկրի բոլոր հարստութեանց և մենք մեր տանը կմնանք ծառա և ուրիշների շահերի համար ստիպված կլինենք աշխատելու»²⁶:

Պահպանողական այս գործիչը, մանավանդ 70-ական թվականների սկզբներին, երբ փորձում էր վերակառուցել «Մեղուն», ըստ «Մշակի», հանգերգում էր Արծրունուն, դիմելով հայ հարուստներին՝ ֆաբրիկաների ու գործարանների «հեսաբը» ճանաչող ազդային կազմեր պատրաստելու առաջարկով: Նա իր խոսքը համեմտում էր պատմական վերհուշներով՝ հնդկահայոց տնտեսական անցյալի վերաբերյալ և սթափազդու խոսքերով զգուշացնում ազդային հարստութեան ստեղծման հնարավոր ու միակ ճանապարհից թեքվելու վտանգավորութեան մասին: «Մենք պետք է լինինք այն գիտնականները,— հրահանգում էր նա,— որ երկրի մեջ ծածկած գանձերը երևան հանենք, մենք պետք է լինինք այն ճարպիկ մշակները, որ մշակենք նրանց, մենք պետք է լինինք այն ճարտար-արվեստավորները, որ մերերի ամենանուրբ ճաշակին վերաբերյալ պիտույքները պատրաստենք, մենք պետք է լինինք այն արիասիրտ վաճառականները, որոնք աներկյուղութեամբ աշխարհներ են շափում, մենք պետք է լինինք այն երկրագործ-

²⁶ «Մեղու Հայաստանի», 1873, № 36:

ները, որոնք այնպես պետք է պաղաքերենք մեր երկիրը, որ օտարներին էլ կերակրենք մեր աշխատանքի պատուհներով»²⁷։

Քիչ անց արդեն «Մեղվի» խմբագիրը առաջարկում էր հաս-
փուստներից կազմել մի ընկերություն՝ եվրոպական նորագույն
գյուղատնտեսական մեթոդները հնամենի հողագործության մեջ
մտածելու համար։ Ընկերությունը Սվրոպա է ուղարկում մի խումբ
շնորհաշատ երիտասարդներ, որոնք յուրաքանչյուր տեղի երկրագոր-
ծական աշխատանքի ձևն ու եղանակները, հմտանալով առհասարակ
գյուղատնտեսական գիտության մեջ վերադառնում են հայ-
րենիք, հիմնում են որևէ դավառում ֆերմա-փորձակենտրոն, որ
ուսումնառության են վերցնում շրջակա գյուղերի հողագործնե-
րին, տալով սրանց մասնագիտական և հանրակրթական գիտելիք-
ներ։ Ֆերմա-փորձակենտրոնը հայ գյուղերին սկսում է մատա-
կարարել գյուղատնտեսության հմուտ մասնագետներ, որոնք նույն
գյուղի գյուղացիներ լինելով, շուտով հաղթահարում են պահ-
պանողական մասսաների անհավատ և կասկածոտ վերաբերմուն-
քը դեպի մշակութային նոր ձևերը և գյուղատնտեսությունը նահա-
պետական եղանակից անցում է կատարում եվրոպականին, կամ,
որ նույնն է՝ բուրժուականին։ Այսպիսով լուծվում էր այն հարցը,
թե ինչպե՞ս և ի՞նչ միջոցներով պետք է կռվել նահապետականու-
թյան և գյուղացու պահպանողական սովորույթների դեմ²⁸։

«Մեղվի» Մոսկովյան թղթակիցներից մեկը այս ծրագիրը
շրջանցելով, ավելի ունալ էր պատկերացնում գյուղացու տնտե-
սական դրույթունը բարվոքելու միջոցները։ Նա գրում էր, թե
երեք պատճառ կա, որ մեր «աշխատասեր ժողովուրդը» իր գեղե-
ցիկ երկրում «չէ գտնում յուր ցանկալի օգուտը»։ Նախ ժողովրդի
տգիտությունը, ջրի սակավությունը և վաշխառուների ազահու-
թյունը։ Երիտասարդ թղթակիցը այն համոզումն ուներ, թե գյու-
ղացուն տնտեսական նեղ դրույթունից դուրս բերող ամենաշահա-
վետ ձեռնարկումը «...ժան տոկոսով երկրագործին փող տալն»
է և այդ չի կարելի այլ կերպ կազմակերպել, քան գյուղական
բանկի հիմնադրմամբ։ «Բաղմակողմանի օգուտները, որ տալու

27 «Մեղու Հայաստանի», 1873, № 36։

28 «Մեղու Հայաստանի», 1874, № 28։

են մեզ այդ բանկի հաստատութիւնը,— գրում էր նա,— շատ ան-
երկբա են և ակներև,— գյուղացին ստանալով հարմար ժամանակ
իրեն պետք եղած գումարը, նախ կազատվեր 25—30 % ավելի
տոկոս վճարելուց, որ պարտավոր էր նա հատուցանել յուր դրացի
հարուստ գյուղացուն կամ դրամատեր քաղաքացիներին, որոնք
ցարդ ծծել են նրա արյունը, իբրև տգրուկներ»²⁹։

Գյուղական բանկի շուրջը հյուսվող այս առասպելը, որ 70-
ական թվականների սկզբներին տարածում էր գտնում հայ մամու-
լում, ի վերջո հրահրվում էր այն ուժերի կողմից, որոնք շահա-
գրգռված էին գյուղի կապիտալիստական վարդապետների Գյուղա-
կան բանկը կամ «աժան կրեդիտը» այն նշանակետն էր, որի վրա
պահպանողական և ազատամիտ մտավորականութիւնը պարպում
էր համաժողովրդական բարեկեցութեանը հասնելու իր ամբողջ
ոգևորութիւնը։ Այս մարդկանց մտահոգութեան առարկան կար-
ծես գյուղական շրջավորութիւնն էր և թվում էր, թե վաշխառուա-
կան կապիտալին նետած մարտահրավերը մղում էր ստանում
ազնիւլ այն դիրքորոշումից, որ ազգի տնտեսական առաջադիմու-
թեամբ մտահոգ երիտասարդ մտավորականութիւնը բռնել էր
առհասարակ համագեմոկրատական ուժերի հանդեպ։ Տնտեսա-
կան ծրագրերը սակայն զործնականում վերածվեցին գյուղացու
նահապետական կյանքի քայքայման միջոցների՝ նախապատրաս-
տելով հողային հարաբերութիւններում փոշի և դրամական ռեն-
տայի ավերիչ այն գործողութիւնները, որոնք հետագայում կազ-
մակերպված և հետևողական ընթացքով հողազրկելու էին գյու-
ղացուն և շարժելու մեծ քաղաքի ետնաբակիերը։

Դեռ 70-ական թվականների սկզբներին «Մեղուն» գյուղա-
ցիութեան ուղադրութիւնը հրավիրում էր «նոր կարգերի» (1870-ի
հողային կանոնադրութեան) տնտեսական շահավետութեան վրա և
հանձնարարում էր գյուղական քահանային և ուսուցչին բացատ-
րական աշխատանք ծավալել գյուղում «պետական կարգադրու-
թեան» նշանակութիւնը հողագործների աչքում պարզելու համար։
Այս նույն պահին «Մեղվում» երևացող գյուղագրական ակնարկ-

29 «Մեղու Հայաստանի», 1874, № 31։

ները վեր էին հանում այն մտահոգությունը, որ սահմանողական այս լրագիրը հանդես էր բերում գյուղում հաստատվող հողաչին նոր հարաբերությունների և սրանից բխող իրավական արտոնությունների հանդեպ: 1865 թվականին Կովկասի փոխարքան հրատարակեց գյուղական համայնքների ինքնավարության կանոնադրությունը, ըստ որի գյուղում պետք է մտցվեին կառավարման ընտրովի օրգաններ «վարչական և դատական գործերի համար»³⁰:

Մարտիրոս Սիմոնյանցի «Աստոծ, որ տալիս չի՝ զոռ խո չի» պատմվածքը ցուցադրում էր գյուղական իրականության այն կողմերը, որոնք հաստատում էին «Մեղվի» հրապարակախոսների ընդհանուր դիրքորոշումը համադեմոկրատական բարեփոխումների նկատմամբ, բարեփոխումներ, որ հրահանգված էին կառավարության կողմից:

«— Ախ, Մադի ջան,— ասում էր գյուղացիներից մեկը,— յանի էս օրին էլ հասանք, որ մենք պետք ա հնդրենք, մեր քոխվին ու դատավորներին: Մեզ առաջ, որ ասումին, թե դուք պետք ա հնդրենք, մենք ծիծաղումինք: Ասումինք տո դե՞ զնացեք է՞, էսքան ո՞վ կե՞աշի, ով լայաղ կանի, որ մեզ բան հարցնի ու մեզ հետ մսլահատ տեսնի»³¹: Մովրովը գյուղ էր եկել: Հին քյոխվեն ու գյուղի իշխանավորները իրարանցման մեջ էին: Շինական նոր կանոնադրության համաձայն գյուղական ժողովը քվեարկությամբ պետք է ընտրեր գյուղի տանուտեր: Հավաքված բաղմունքները ալեկոծվում է, տանիքներին կանգնած կանայք երկնքին են դիմում, որ «ազատվեն քյոխվաների ճանկից»: Մի երիտասարդ ասում էր յուրայիններին. «...Համա պետք ա հենց անենք, որ գեղի ուղածը ըլի հա՞: Զլեմ շիմանամ, որ էն անիծածները էլի բան ժաժ տան: Դա ակնարկում էր այն անձանց վերա, որոնք հին մովրովների աչքը մտնելով և բերաններին յեղ քսելով, համարյա թե ժառանգաբար վարում էին քյոխվայի պաշտոնը և ծծում ու ծծել տալի խեղճ գյուղացվոց քրտինքն ու արյունը»³²:

30 Վ. Հ. Ռշտունի, Ուրվագծեր Հայաստանի գյուղացիության պատմության, մասն Ա, Երևան, 1960, էջ 241:

31 «Մեղու Հայաստանի», 1873, № 3:

32 Նույն տեղում:

Աղմուկ-աղաղակի, իրարանցման, հայհոյանքի ուղեկցութեամբ սկսվում է քվեարկութիւնը: Հետագայում Պ. Պոռշյանը «Յեցերում» պէտք է գծագրեր այդ տեսարանի խոր զավեշտական-ողբերգական բնույթը: Մեր գյուղաղիրը սակայն պակաս վարպետութեամբ չի նկարագրում խեղճ Սագոյի հետ պատահած անցքը:

«Հերթը հասաւ Սագոյին, որ քվե գցի: Նա դողդողալով մտակցաւ սեղանին, որի վերա դրված էին քվեամանները, որոնց դիմաց նստած էր գաւառապետը և շուրջը կանգնած էին քոխվաները: Նորա ձեռքը տոլին մի քվե, նա շշկլվեց ու քվեն դողդոջուն ձեռքերով մեքենաբար դրեց ջեքը:

— Տո էդ ի՞նչ ևս անում ա՛յ, քո դյուռը ետ ըլի,— ասաց քոխվաներից մեկը:

Սագոն իրան կորցրեց, որովհետև զամշու ներգործութիւնը դեռ չէր վերացել նորանից.

— Բէ մատաղ, այ այ ջան, բա ինձ են տալի, թե ի՞նչ անեմ:

— Աղա, քոռ խու շես. տեսնում ես ոնց որ քու հնկեր հրեւանը անում ա, դու էլ ընհենց արա էլի:

— Ախր, ո՞նց անեմ:

— Այ ջիբիցդ հանիր, և իմ դոլի ամանը գցիր, պրծա՛վ զնաց. էլ ի՞նչ ևս նոր դես ու դեն խլուկոտում. մթամ ինձ հավատում չե՛ս:

— Ախր ոնց շեմ հավատում, համա...

Մինչ այդ խոսքի ավարտելը գնդակը մեքենաբար ընկա՛վ հին քոխիլի ցուլց տված ամանի մեջ և յասսվուր նորան հեռացրեց, որ մշուսին կանչեն քվե քցելու»³³:

Քվեարկութիւնից հետո պարզվում է, որ ընտրվել են նախկին քոխիւաները: Գյուղական կարճամտութիւնը և միամիտ իդիոտիզմը այսպէս է բացատրում խնդիրը. «Ախպեր, ասծու բան ա. բանդի բան չի. աստոժ որ տալիս չի՝ զոռ խո չի»³⁴: Այս պատմըվածքին նվիրված առաջնորդողում Պ. Սիմոնյանցը շինական կանոնադրութիւնը ժողովրդին հասկացնելու գործը նույնքան կարևոր է համարում, որքան գրագիտութեան տարածումը գյուղում:

33 «Մեղու Հայաստանի», 1873, № 3:

34 Նույն տեղում:

Նա մտածում էր, որ եթե ժողովուրդը լրիվ ճանաչի հոգևոր և մարմնավոր իշխանությունների հանդեպ իր ունեցած «իրավունքներն ու պարտականությունները», ապա, ըստ երևույթին, հնարավոր կդառնա ազատվել «աններելի միջոցներով» գյուղից օգուտներ քաղող տանուտերերից և զոռքաներից: Նոր կանոնագրքի ընթերցանության օգուտը ընդդժում էր և պատմվածքի հերոսներից մեկը՝ Քիքի ապին. «Քանի անգամ ասել եմ, թե էն մեզ տված գրքին մտիկ անիլ տանք, բալի ընդիյան մի բան դուրս դա»: Թե գյուղագիրը և թե սրա մտածումներին ընդառաջող հրապարակախոսը մեծ հույսեր կապելով «նոր կարգերի» հետ, պարզապես ելնում են գյուղական իրականության վերափոխման օրենքով սահմանված հնարավորություններից: Բայց սա նշանակում էր սահել իրական հարաբերությունների մակերեսով միայն և հենց այդ պատճառով գտնվել համաժողովրդական հոգսի թիկունքում:

Գ Լ Ո Ւ Խ Ե Ր Ր Ո Ր Գ

ԳՅՈՒՂԻ ԵՎ ԳՅՈՒՂԱՅԻՈՒԹՅԱՆ ԿՅԱՆՔԻ ԳԵՂԱՐՎԵՍՏԱԿԱՆ
ԱՐՏԱՅՈՒՄԱՆ ՈՒՂԻՆՆԵՐՈՒՄ

Գ. Տեր-Հովհաննիսյանի «Տեր Սարգիս» վեպի գրական նշանակու-
րյունը: Հայ գյուղի գեղարվեստական արտացոլման նախաֆաշլերը՝
Ղ. Աղայանի «Արուրյուն և Մանվել» վեպը: Մոսկովյան «Ժողովի»
գաղափարարանական նստվածքները վեպում: Ազգ, Հայ, Հայաստան
տեսանկյունը և գյուղական իրականությունը: Ալեքսանդրապոլյան
որոնումներ: «Նրկու ֆույր»: Պեյզաժից դեպի կերպարային մտածո-
ղություն:

1870-ական թվականների «Մեղվի» գյուղագրական բեխտ-
րիստիկան ուժ էր առնում ոչ այնքան Պ. Ալիմոնյանցի շափավոր
և հանդուրժամիտ դժգոհությունից դեպի գյուղում կատարվող
հասարակական անարդարությունները, որքան երկու դեմքերի՝
Գաբրիել Տեր-Հովհաննիսյանի և Ղազարոս Աղայանի վիպագրա-
կան փորձից:

Մի որոշ իմաստով արդեն 60-ական թվականներին այս հե-
ղինակաները բռնել էին «սկեսպոտիկյան» այն ուղին, որը լուսավո-
րական դեմոկրատիայի ծրագրերից դատելով, իմաստավորվում էր
առաջին հերթին գյուղական կղերի հետամնացության, բարձրի ու
սովորութիւնների, գոհակության դեմ շիկացող պայքարի հոգեբա-
նությամբ: Իրենց անդրանիկ ստեղծագործություններում Գ. Տեր-
Հովհաննիսյանը և Ղ. Աղայանը բացում էին գյուղական իրակա-

նության այն դռները, ուր պետք է ուղղվեի ժողովրդի լուսավորիչ-ների մտահոգ հայացքը:

Մ. Նալբանդյանը, որն, ըստ երևույթին, լրիվ կարգացել էր Գ. Տեր-Հովհաննիսյանի «Տեր Սարգիս» վեպը, այս հեղինակին մաղթում էր մի «փայլուն գալոցք», ելնելով սրա հասարակական մտածումների ընդհանուր ուղղությունից: «Տեր Սարգիս» «արվեստական» կողմը չէ, որ հուզում էր քննադատին: Գյուղական իրականության ռեալիստական պատկերները դժված էին զեղարվեստական միամտությամբ: Բայց նկատումները զարմանալիորեն ընդհանրական էին, և այն խալը, որի դիմանկարն էր ուրվագծում գյուղագիրը, ելնում էր լինթերցողի առաջ տիպական վարքուբարքով: Իհարկե, բնավորություններն իրարից մի կերպ անջատում էր գրողը, ասենք, այսպիսի միջամտությամբ. «Որովհետև մինչև այժմ վիպասանությանս գլխավոր հանդիսակատարը Տեր Սարգիսն էր, իսկ երկրորդականը Միտուլ ժամկոչը, վասնորո՞ւ: վեկորդ չեմ համարում փոքր-ինչ տեղեկություն տալ նոցա մասին»¹: Բայց դործի ընդհանրական ամբողջությունը և էական արժանավորությունը բնավորությունների լիակատարության կամ գործողությունների կապակցության մեջ չէր, այլ նորից և դարձյալ «պեյզաժի» — բազմության հասկացության, ընդհանուրի կրանքի: Գյուղագրական այս երկը Նալբանդյանին շահագրգռում էր առավելապես հոգևոր դասի «բնական» կենդանագրման համար, դաս, ուր Տեր Սարգիս և Միտուլի հոգեբանության ու գործիմացության մեջ առնում էր իր ընդհանրական նկարագիրը:

Գրաքննության կողմից աբղեղված այս վեպում դժվար չէ գտնել պատառիկներ այն տեսարաններից, որոնք հետագայում Պետոյանի վիպագրության և գյուղագրական գրականության մեջ չափազանց մեծ տեղ պիտի բռնեին:

Երբ գյուղականների բազմությունը խոսք ու զրույցի նստած խոստում էր ժամանակի տերտերների ու «ասածու քահանաների» մասին, մի երիտասարդ հեալով ներս է ընկնում և հայտնում տանուտիրոջը, որ գյուղ է եկել հարկահանը: Տանուտեր Հարու-

¹ Գ. Տեր-Հովհաննիսյան, Տեր Սարգիս, Երևան, 1938, էջ 29:

թյունը զարհուրում է, մանավանդ իմանալով, որ հարկահանը ծեծել է զզիր Վանեսին և բարկացած իրեն պահանջել: «Հարությունի երեսի գույնը թուավ,— պատմում է գյուղագիրը,— նա միանգամայն մոռացավ և՛ կիրակին և՛ տերտերը և՛ ժողովուրդը, շտապով գնաց գյուղամեջ»²:

Գրաքննիչի ձեռքը, ըստ երևույթին, սահել է հետագա տեսարանների վրայով, քանի որ վեպում այլևս այդ մասին ոչ մի խոսք չկա:

«Տեր Սարգիսը» գրապատմական հետաքրքրություն է ներկայացնում և մի այլ տեսակետից: Հայտնի է, որ «Ագապի» հոպեորական գործիչը լատինադավան հայ քահանա է: Պայքարը, որ մղում էին Նալբանդյանը և յուրայինները Լոյոլլայի որդիների դեմ, քաղաքական խոր իմաստ ուներ: Լուսավորչական եկեղեցու շահերի պաշտպանությունը հայ ազգային ինքնուրույն գոյության և քաղաքական ճիշտ կողմնորոշման հարցերի հետ էր կապվում: Բայց ահա հանդես է գալիս մեկը, որ ծաղրանկարն ու գրոտեսկը միջոց ընտրելով, փորձում է հայ գյուղականների հոգևոր առաջնորդին ներկայացնել: «Հյուսիսափայլը» ընդառաջում էր Գ. Տեր-Հովհաննիսյանին՝ ընդհանուր լուսավորական ծրագրային պահանջներից ելնելով: «Տեր-Սարգսի» հեղինակի քննադատությունը մի այլ ծայրով միանում էր «Սատանայի պաշտոնական մեծ հանդեսի» մերկացնող միտումներին՝ ստեղծելով հաստատուն մի դիրքորոշում հոգևոր դասի բարոյական և հասարակական պահվածքի հանդես:

«Տեր Սարգսի» գրական միտվածքը, անշուշտ, լծորդված էր կղերա-ազգայական վերնախավի դեմ՝ «Հյուսիսափայլ» հռչակած պատերազմին: Գյուղական քահանայի շուրջ հյուսվող պատմությամբ մեր գյուղագիրը անդրադառնում էր կղերի գործունեությանը: Այստեղ դեր ունեն ոչ միայն գյուղական քահանաները, այլև գործակալները՝ իրենց կաշառակեր ու հափշտակող քարտուղարներով, կալվածատեր էջմիածինը՝ որովայնապարարտ վարդապետներով, թեմակալ եպիսկոպոսը, Կոնսիստորիայի անդամները

2 Գ. Տեր-Հովհաննիսյան, Տեր Սարգիս, Երևան, 1938, էջ 26:

և այլն, և այլն: Ավատական հիերարխիկ այս կազմակերպության բարոյական դեմքն է խարազանում մեր գյուղագիրը՝ վերցնելով ամենաստորին աստիճանավորին՝ գյուղական քահանային: «Ժամանակիս տերտերները, — ասում է գյուղականներից մեկը, — յուրյանց գրչով, թղթով ու թանաքով աշխարհս երկնքի տեղ են դնում, երկինքը աշխարհիս»³: Ավելի ախպական բանածև անհնար է ենթադրել, մանավանդ այս ժամանակների համար, երբ ամբողջ կղերական կազմակերպությունը վերափոխելու մտահոգությամբ էր ապրում ազգային զարթոնքին ընդառաջող առաջադիմական մտավորականությունը:

Գ. Տեր-Հովհաննիսյանի 60-ական թվականներին գրած պատմըվածքներից մեկը՝ «Ս. Գևորգի ղուլը» հետադաշում տպագրում է «Մեղուն» (1872 թ.): Այս փաստի օրինաչափական բնույթը դժվար չէ կռահել: «Մեղուն» ավելի առաջ, քան երևան կգար «Մշակը», սկսել էր հրատարակել գյուղական և քաղաքային չբավորության մեջ ամրացած սովորույթները վերարտադրող կենցաղագրական պատկերներ: Ազդագրական ու բարբառագիտական նշանակությունից դատ, այդ պատկերները ճանաչողական մի առավելությունամբ էլ էին օժտված: «Վարի խավերի» կենցաղի բազմադարյան ըմբռնումների ցուցադրությամբ կենցաղագիր-ազդագրագետը հետապնդում էր այդ ըմբռնումները ծանակելու և լիցքաթափելու նպատակ: «Մեղվում» հանդես եկած այս հեղինակների գործերում, իհարկե, միշտ չէ, որ ավանդությունն ու սովորույթը հանդիպում էին քննադատական բացատրությունների կամ անմիջական ժխտողական վերաբերմունքի: Մ. Նալբանդյանը տարիներ առաջ՝ Պոսոյանին կշտամբում էր ժողովրդական ավանդույթի հանդեպ անտարբեր կեցվածքի համար: «Յնդի ավանդությունքը, — ասում էր նա, — ...ներգործում են խեղճ և պարզամիտ ժողովրդի վրա այնպես, ինչպես հաշիշը կազմվածքի վրա, ուստի պարտական ենք ամենայն խնամով արմատախիլ անել այդպիսիքը և մաքրել հայկական անդաստանը»⁴: Այս դիրքորոշումը պարտա-

3. Գ. Տեր-Հովհաննիսյան, Տեր-Սարգիս, Երևան, 1938, էջ 25:

4 Մ. Նալբանդյան, Եժ, հատ. 3, էջ 165, տե՛ս նաև էջ 142—162:

դիր է դառնում 70-ական թվականներին հանդես եկած «Մեղվի» և «Մշակի» կենցաղագիրների համար: Այնպիսի հեղինակներ, ինչպիսիք են Հ. Նազարյանը, Զ. Գրիգորյանը, Գ. Տեր-Ալեքսանդրյանը, Մ. Սիմոնյանը և այլք, բռնում են ժողովրդական «ցնդի» սովորույթները արմատախիլ անելու ուղին: Հարկ է նկատել, որ «Մշակի» ազդագրողները ավելի անտարբեր դիրք էին զբաղում այս հարցում: «Մեղուն» այդ իմաստով հետևողական և սուր էր: Պիտի բացատրել իրողությունը խնդրին հատկացվող այն ուշադրություններ, որ հանդես էր բերում կողմերից յուրաքանչյուրը:

«Մշակը» սնուսիքի, ազդային նախապաշարումների դեմ պայքարելու իր ծրագրերի մեջ ավելի հիմնավոր ուղիներ էր որոնում՝ նյութական պայմանների ուղիները, մինչդեռ «Մեղուն» հակված էր բարոյախոսական քարոզաբանություններ չարիքը բառնալու տեսակետը: Երկու թերթերի զրական քաղաքականությունը, անշուշտ, կրում էր գաղափարական այս տարբերությունն ազդեցությունը: Այդ է պատճառը, որ «Մեղվի» կենցաղագրական-ազդագրական բեկտորիստիկան զբաղում էր նրա զեղարվեստական արտադրանքի մեծ բաժինը: Մեղվական գրողների քննադատական կողմնորոշումը ելնում էր «Ազգ և լուսավորություն» ծրագրային խնդիրներից: «Մշակը» քարոզում էր «Աշխատանք և նյութական ապահովություն» մտայնությունը հենված: Ստեղծվում էր ոչ միայն ծրագրային տարբերությունների, այլև գաղափարական հակամարտությունների հողը:

70-ական թվականներին «Մեղվի» հանդես բարոյացակամ և նույնիսկ համակրական մի վերաբերմունք են մշակում Գ. Տեր-Հովհաննիսյանը, Ղ. Աղայանը և Պ. Պոռշյանը: Այս մտավորականների՝ 60-ական թվականներից «Մեղվի» հետ ունեցած դադարակալական առնչության շրջանակները պարզելու համար, պետք է դարձյալ ապավինենք պատմական այն փաստերին, որոնք ուղակիորեն կապված են Անդրկովկասում ցարիզմի վարած հողաշինական քաղաքականության հետ:

Հայ գրականության նշանավոր երկերից մեկը՝ «Երկու քույրը» գրվել է 70-ական թվականների շեմին: Մինչ այդ, 1867 թվականին, Թիֆլիսում Ղ. Աղայանը հրատարակել էր իր «Արություն

և Մանվել» վեպի առաջին հատորը: Մեծ չէ այս երկու ստեղծագործությունները միմյանցից բաժանող տարածությունը: Երիտասարդ Աղայանի հայացքների վրա ուժեղ ներգործություն արած Պետերբուրգի «Ժողովի» միջավայրը և այնտեղ խմորվող տրամադրությունները կանխորոշել են «Արուսթյուն և Մանվելի» գաղափարաբանական ետնախորքը:

Այն միտքը, թե հայոց ազգի բախտը կարելի է կանխատեսել «Ազգ և գիտություն» հանձնարարականի կենսագործման ուղիները ճշտորեն որոշելիս, ըստ էության, մշակվել էր Կ. Նզյանի շուրջ համախմբված երիտասարդության միջավայրում, Նզյանի, որ իր տան երիտասարդ հաճախորդների միտքը «գամում էր ազգի և եկեղեցու հեղինակություններին»: Դեպի հայ գյուղաշխարհը կողմնորոշված Աղայանի համար դժվար չէր, ի վերջո, այս միջավայրում պատվոջ գաղափարները կապել հայ գյուղացու հանապազօրյա հոգսերին:

«Արուսթյուն և Մանվելի» մեջ պատկերագծվող գյուղական իրականությունը ըմբռնված է որպես ընդհանուր ազգային վիճակ: Այստեղից էլ Աղայանը հետևեցնում էր իր եզրակացությունները ազգի առաջադիմության վերաբերյալ: Արուսթյունը Մանվելին հանձնարարում էր հասկանալի լեզվով «գյուղացիաց համար մի ամսատետրակ հրատարակել», գյուղացիների մեջ «ազգություն և դիտություն» տարածելու նպատակով⁵: Ինքնակենսագրական պատումի որոշ մանրամասներ Աղայանը ծառայեցնում էր ազգի (իմա՝ գյուղացիության) բարոյա-կրթական և մասամբ նաև տրնտեսական վիճակը պարզելու համար: «Գյուղացիների տարաբախտության պատճառը տգիտությունն է. սրանց դաստիարակներն են աշուղներն ու կարգավորները»⁶: Որպես առաջնահերթ քայլ գյուղական երիտասարդությունը պետք է ձևոք զարկի ուսմանը. գիմնագիական կրթությունը այն բարձունքն էր, ուր ուղղվում էր Աղայանի հուսալից հայացքը: Արուսթյունը մտածում էր աչգպիսի կրթություն ստանալ՝ չինովնիկ դատնալու և մովրտյունների

⁵ Ղ. Աղայան, Արուսթյուն և Մանուել, Թիֆլիս, 1867, էջ 180:

⁶ Նույն ակտում, էջ 176:

ղեմ կովկելու համար: «Այ մեր գեղըցիքը լիղու շեն գիտում,— մտորում է Արուսթյունը,— օրենք շեն գիտում, մի դարգակ յասավուլի առջև մնում են փափախնին վեր կալած՝ կուչ ու կուչ դալիս: Քանի անգամ տեսել եմ իմ հոր միբրիցը մողղալը քաշքշելիս: Գու, ասում ա, լիղուդ քեզ պահի, թե չէ Սիրիբը կղարկեմ: Էնքան բաներ եմ տեսել, որ...»: «Ես որ շինովնիկ դառնամ, որ էլ ոչով չկարենա ինձ վրա ձեռք վեր բերի, էն ժամանակը ես գիտեմ, թե ինչեր կանեմ: Շատ բաներ կանեմ, զիփունանց ջիգրն էլ կհանեմ»⁷: Հետագայում մեր գյուղագիրներից մեկը պիտի ցույց տար այս տեսակետի ամբողջ միամտությունը: Աղայանի մտորումները ծանրացած են մի հակասականություն, որ չափազանց կարևոր է այս գործի աշխարհայացքային դարգացումը հասկանալու համար: «Ժողովի» միջավայրից նա դուրս էր բերել Հայաստան, Հայ, Հայոց թագավորություն (Ենչի թուրքերը, ուսները թագավորություն ունեն, իսկ մենք չէ) — գաղափարների շարքը, որ փորձում էր շողկապել ազգային լուսավորության ծրագրի հետ («Ձեր որդոցը, ձեր աղջկերանցը ուսում ավելք, որ իրանց հավատք, իրանց ազգը ճանաչեն»): Ապա այս ամենը նա տեղափոխում էր գյուղական միջավայր, ժողովրդի բնօրրանը: Գիտության ու ազգաճանաչության ջահակիրը փորձում էր լուսավորել գյուղացիների խավար գլուխները ինքնաճանաչության քարոզներով, Աղզ, Հայ, Հայաստան գաղափարների և ազգային պատմական հերոսների օգնությամբ ընդդիմամարտելով սրբերի հեղինակության ղեմ: Իսկ հետո այս ամենը լծորդում էր գյուղացու հանապազօրյա կարիքը հոգալու, ժողովրդի ընդհանուր լուսավորության մտահոգություններին: «Ժողովից» առած քաղաքական կողմնորոշումը ղեմ էր առնում գյուղացու անտեսական ու բարոյական դրությունը վերափոխելու ստույգ ձգտումներին: Մի դեպքում հայ թագավորության հետ կասրժող բազմաձևներ՝ ազգության, հայրենիքի և հայրենիքի վերածնունդ ու նորոգիչ ըմբռնումների խանդավառ քարոզով, մյուս դեպքում գյուղական կյանքի իրական ցավերի խոր ըմբռնում և սրանից ելնող արություն ու հուսաբեկություն:

7 Կ. Աղայան, Արություն և Մանվել, էջ 97—98:

Երիտասարդ գրողը կամենում էր պատվաստել մեկը մյուսին, փորձում էր տեսնել զրանց շաղկապող թելերի հանդուցման հնարավորութունը: Եվ, այնուամենայնիվ, այդ շէր հաջողվում նրան, որովհետև նորամուտ գաղափարները հազիվ էին տեղավորվում գյուղացու հոգսերով մտահոգ գրողի ընդհանուր մտածումների մեջ:

Անցումը կամ այս հակասութեան հաղթահարումը «Երկու քույր» վեպում կատարվում է կարծես թե դյուրին մի ընթացքով: Արդեն «Արություն և Մանվելի» մեջ Աղայանը ներկայացրել էր այս նոր վեպի սյուժետային շրջագիծը. «էս տարի,— պատմում է Մանվելի քույրը՝ Հռիփսիմեն,— մեր գյուղումն էլ էր մի տղա ինքն իրան սպանել, էլի էդպես բանի համար: Էդ աղջկա մեծ քույրը մարդի տված էր: Նա էր իր պստիկ քվորը մերութին անում, շունքի մեր շունեին: Սրա մարդը տեսնում ա մի քանի անգամ խոսելիս, խայրնլամիշ ա ըլում, ասում ա, էն տղեն ինչի ա քեզ մոտ գալիս: Կնիկը պատճառն ասում ա, մարդը շի ուզում հավատա, ոտի տակն ա գցում, սպանում, հետո տանում են մի տեղ կախ տալիս, թե գնացել ա ինքն իրան խեղդվել: Տղեն էս բանը իմանալն ու դաբանչեն սրտին առնելը մին ա անում... Կոպիտ են, կոպիտ, գեղցիքը»⁸:

Այս դրվագը «Արություն և Մանվելի» մեջ ներկայանում էր որպես գյուղական բարքերի քննադատության մի օրինակ: Գրեթե համարժեք մի պատմության (Օսանի և Ռուստամբեկի ողբերգական սիրո) շարունակութունն էր դա, որ երիտասարդ գրողին պետք էր եկել գյուղական երիտասարդության կամազրկութունը և «մռայլ հայրերի» դաժան կոպտութունը ցույց տալու համար:

Այս բոլորն էլ սկիզբ էր առնում ամուր այն ըմբռնումից, թե հայ գյուղերում «մի կարգ, մի կանոն չկա, հայվանի նման ուտում են, հայվանի նման մեծանում»⁹: Գյուղական բարքերը վերափոխելու ձգտումը, որ սնվում էր դպրոցի, կրթութեան և ինքնամանաշուխյան օգնութեամբ ազգային հետամնացութունը հաղթահարելու գրողի մեծ հավատից, հարկադրաբար ծնում էր բարոյա-

⁸ Ղ. Աղայան, Արություն ու Մանվել, Թիֆլիս, 1867, էջ 63—64:

⁹ Նույն տեղում, էջ 55:

խոսակաւան առաջագորութիւններին շափաղանց կարեւոր նշանակու-
թյուն վերագրելու մտայնութիւնը: Նոր վեպում («Ներկու քույր») հիմնովին վերանայելով իր նախկին առաջարկութիւնները, Աղա-
ջանը հայացքն ուղղում էր դեպի գյուղաշխարհի ներսում տեղի
ունեցող իրագործութիւնների սոցիալական իմաստը բնութագրող
գյուղական կյանքի տեսարանները:

«Ժողովի» միջավայրից զուրս բերած ազգային գաղափարնե-
րը մի կողմ են գրվում: Հետեֆորմյան Ռուսաստանի և մինչե-
ֆորմյան Հայաստանի (Անդրկովկասի) գյուղացիութեան բունտա-
րական պայքարը հանուն արդարութեան և մի կտոր հողի՝ կողմ-
նորոշում են երիտասարդ գրողի գեղարվեստական հետաքրքրու-
թիւնները: Ազգ, Հայ, Հայաստան գաղափարների փոխարեն,
«Ազդութիւն և դիտութիւն» ծրագրի փոխարեն այստեղ իր լիա-
կատար իրավունքների մեջ է մտնում «իրականութեան ուսմունքը»:
Սահմանապատումը տեղի է ունենում ի շահ և ի սկիզբ այն նոր
մտայնութեան, որ հայրենիք դարձած գրողին պաշարում էր ամեն
անգամ, երբ մտորում էր ազգի (գյուղացիութեան) հասարակական
կարիքների շուրջ:

Գյուղը այժմ նրան երեւում է պատմական տարածութեան մեջ:
Անդրկովկասյան գյուղի հողային հարաբերութիւնները այդ պա-
հին (1870-ի ռեֆորմից հետո) ազգային-պահպանողական միջա-
վայրից ելած երիտասարդ գրողին զբաղեցնում էին ոչ պատահա-
կանորեն: Դեռևս Մոսկոյում և Պետերբուրգում Աղայանը ուրույն
գիրք էր գրավել ազգութեան հարցում: Ազգութունը քայ քողագործ
գյուղացին է: Մտայնութիւն էր սա, որ սերում էր Մ. Նալբանդյա-
նի գյուղասիրական դիրքորոշումից և անցնում գլուխներն այն
մարդկանց, որոնք մեծ նահատակի գործունեութեան հանդէպ սիրո
աննահանջ մի զգացում էին ապրում: Նարոդնիկական մտայնու-
թիւնից և գործունեութեանից հայ երիտասարդների ուշագրու-
թիւնը շեղող Կ. Եղյանը չէր կարողանում զսպել նրանց հետաքրք-
րութիւնը ազգային այն հերոսի նկատմամբ, որն այդ պահին
տոկում էր Պետրոպոլիսյան ռաւելինի մենախցերից մեկում:

Բարդ փոխանցումներ էին կատարվում: «Ժողովի» միջավայ-
րը այնքան ուժեղ չէր, որ կարողանար կանխել դրսից եկող ազ-

դեցույթյունը և ոչ էլ այնքան համախումբ ու միատարր, որ այստեղ չգոչանային տարածայնություններ ու հակառակություններ: Հայկական թագավորության վերականգնման բաղձանքները սնում էին հակառուսական տրամադրություններ: Հետոեֆորմյան Ռուսաստանում ծավալված հողաշինական աշխատանքները (որոնք և մեծապես արգասավորում էին ձևավորվող հեղափոխական նարոդնիկության սոցիալական պահանջները) հետավոր արձագանք էր գտնում Միրայել Նալբանդյանի լուսե կերպարի հանդեպ համակրության ցույցերի մեջ, ցույցեր, որոնք ինչպես Արևմտահայ միջավայրում, բեռնավորված էին հակացարական տրամադրություններով:

Հայրենիք վերադառնալով, Աղայանը այս անգամ հարկադրված էր աշխատել էջմիածնական միջավայրում: Կ. Եղյանի, գեներալ Սուլթանշահի աղքատախնամ հովանավորությունը թոթափած կրիտասարգ գրողը այժմ խմբագրում էր «Արարատ» ամսագիրը, կարգավորում անխնամ տղարանը, կողմնորոշում անշարժ ու անվարժ սեագլուխներին՝ ազգային լուսավորության գործնական հարցերի լուծման մեջ: Երկար ժամանակ պետք չեղավ, սակայն, էջմիածնից գլխավոր հրատարակչու համար: Մակար կաթողիկոսի խավարամիտ զգուշավորությունը հարկադրեցին նրան այլուր որոնել գործունեության աստարեզ: Եվ ահա Ալեքսանդրապոլի Սահականուշյան ուսումնարանում սկսվում է Աղայանի գործունեության նոր շրջանը: Այստեղ հավաքված ուսուցիչների խմբակցությունը՝ Ա. Բաբայանց, Գ. Տեր-Հովհաննիսյան (Քաջբերունի), Ս. Բեկնազարյան, Հ. Մատակյանց, Ա. Եղեկյանց և այլն, նախաձեռնող և կորովի միջամտությամբ վերափոխում էր հայկական դպրոցների դեմքը և նոր հունի մեջ դնում հայ մանկավարժական պրակտիկան¹⁰: Աղայանը Արծրունուն խոստացած վեպը՝ «Երկու քույր», ուղարկում է վաղեմի ընկերոջը՝ Մարտիրոս Սիմոնյանցին և լույս ընծայում «Մեղվի» հրատարակչությունում:

¹⁰ Մանրամասները տե՛ս Վ. Ա. Պարսամյան, Հայ աղատագրական շարժումների պատմությունից, Երևան, 1958, էջ 94—110:

Որպես օրինաչափություն 70—80-ական թվականների հայ ս.ղգային պահպանողական մամուլը ավելի ուշադրություն էր դարձնում գյուղի և գյուղացիության, հողային հարաբերությունների, անդրկովկասյան կալվածատիրության և հողագործ գյուղացիության հասարակական դիմափոխումների հանդամանքների վրա: Նարողնիկների լեզուը գրվածքները տպագրվում էին «Մեղվում» և «Նոր դարում», լիբերալ նարողնիկական մտայնությունն առհասարակ ապաստան էր գտնում պահպանողական մամուլի էջերում:

Յարիզմի հողաշինական քաղաքականությունն Արևելյան Հայաստանում հրահրում էր ինչպես տեղական կալվածատիրության, այնպես էլ գյուղական համայնքների դժոհհոթությունը¹¹: Ռեֆորմից և փրկագնումներից դժոհ էին թե՛ կալվածատեր-մուլքադարները, թե՛ գյուղացիները: 1870 թվականի մարտի 14-ին հողային ռեֆորմը կենսագործվեց Անդրկովկասի իշխանությունների կողմից առանց կալվածատերերի և հոգևորականների մասնակցության: Բջնի գյուղի հողատեր Արսեն Գեղամյանը տեղական իշխանություններին ուղղված մի նամակի մեջ դանդաղում էր այն նոր հարաբերություններից, որ ռեֆորմի հետևանքով ստեղծվել են իր և իրեն ենթակա գյուղերի գյուղացիության միջև: Նրանք ոչ միայն սկսել էին թշնամաբար վերաբերվել կալվածատիրոջը, այլև հանդգնել էին այրել նրա ախոռը¹²: «Հողատերերի կատաղի դիմադրությունը (ռեֆորմին),— գրում է Մ. Եղանյանը,— առանձնապես հանդես եկավ փրկագնման գործառնություններն անցկացնելու փորձերի ժամանակաշրջանում»¹³: Կալվածատերերը պահանջում էին ճշտել հողասահմանները, հողաբաժինները առանձնացնել ըստ իրենց ընտրությունների, փրկագնումը կատարել կանխիկ վճարով, սահմանել փրկագնման կայուն գներ, որո-

11 Մ. Եղանյան, Հայաստանի հետեֆորմյան ագրարային հարաբերությունները, Երևան, 1964, էջ 29—31, 60, 61, նաև Ն. Ավդալբեգյան, Ուրվագծեր Հայաստանի գյուղացիության պատմության, էջ 142—204:

12 Մ. Եղանյան, Հայաստանի հետեֆորմյան ագրարային հարաբերությունները, Երևան, 1964, էջ 31:

13 Նույն տեղում:

շել հողաբաժինները կարգերը և սրանց համապատասխան զներն ու գյուղացիներից պահանջել ընդունված պարհակների կատարումը մինչև հողաշինական աշխատանքի ավարտը¹⁴։ Ռեֆորմից առավել ևս դժգոհ էին գյուղացիները։ Նրանք ոչ միայն զրկվում էին լավագույն հողերից, այլև հարկադրված էին եռակի շահագործման ենթարկվել, այս անգամ դրամապարտույթ վճարելով կալվածատիրոջը, ուռճացող շինտաշինական ասպարատին և սկստույթյանը։ 70-ական թվականներին գյուղում խմորվում էին ցարիզմի հանդեպ այն տրամադրությունները, որոնք սնելու էին ծայր առնող գյուղացիական հուզումները և բունտարական ելույթները։

Արևելյան Հայաստանի և Անդրկովկասի ազրարային հարաբերությունների և գյուղացիության պատմության հետազոտողները ցարիզմի վարած գաղութային տնտեսական քաղաքականությունը վերլուծելիս հատկապես ընդգծում են գյուղացիության դանազան խավերում գաղութատիրական քաղաքականության դեմ աճող տրամադրությունների վաստը՝ իբրև արդյունք և հետևանք տնտեսական նույն քաղաքականության։ Մասնալուրապես անդրկովկասյան դավառներում մալուուսական կազակներով բնակեցնելու Դիբիչի ծրագիրը (1827) ուսական կայսրության հարավային սահմանները ամրապնդելու վերաբերյալ, հետագա տասնամյակներին իր պրակտիկ գործադրության մեջ հարուցեց հայ գյուղացիության ակտիվ դժգոհությունը։ Սակավահողության վաղեմի ցավին ավելանում էր մալուուս կազակների համար խլված հողերի տառապանքը։ Բոլոր աղերսագրերն ու խնդրագրերը անհետևանք էին անցնում։ Նահանգային կառավարիչները, ցարիզմի գաղութային քաղաքականության կենսագործողները, շինականների բողոքներն ու դիմումները համարում էին անհնազանդ բնիկների հակառուսական պահվածքն ասպացուցող վաստեր¹⁵։

14 Մ. Եգանյան Հայաստանի հետազոտման ազրարային հարաբերությունները, էջ 31—32։

15 Խ. Հ. Ավդալբեգյան, Հողային հարցը Արևելյան Հայաստանում, էջ 163—164, 219—234, Վ. Հ. Ռշտունի, Ուրվագծեր Հայաստանի գյուղացիության պատմության, հ. Ա, էջ 252։

Հայ ազգային պահպանողական մտայնությունը գյուղի և գյուղացիության հարցերը կապում էր ցարիզմի գաղութային քաղաքականության մերկացման և ժողովրդյան խավերի բնդերքում հասունացող հակացարական տրամադրությունների հետ: Այդ իմաստով նրանց սրտամոտ էր գյուղացիների մեջ հողային նոր հարաբերությունների նկատմամբ աճող քննադատական վերաբերմունքը: Երկիրը, հողը շկորցնելու և ուսացման վտանգներից խույս տալու համար, ազգային պահպանողական մտայնությունը մատնացույց էր անում ոչ այնքան սոցիալական պայքարի ուղին, որքան հայ ազգի հին կազմակերպությունները ամեն զնով պահպանելու, «հայրենյաց օրենքին հնազանդ» մնալու և խաղաղ «վերանորոգության» ճանապարհը բռնելու քայլընթացը¹⁶:

Ղ. Աղայանի «Երկու քույր» վեպը անդրադարձնում էր մինչև և՛ ֆորմյան հայ գյուղի և գյուղացիության վիճակը: Շուրջվերում գյուղացիների ըմբոստությունը 1852 թվականին՝ մելիքներ Քալանթարովի և Սարգիսովի դեմ, հայտնի ավաղակ բոս Եղիկի ասպատակությունները, գյուղացիական հուզումները և բնդիմամարտությունները վրացական ազնվականական տիրույթներում, 1865 թվականի այսպես կոչված ինքնավարության ռեֆորմը, որ նոր պետությունների դուռ էր բացում և ամրացնում երկրի գաղութային շահագործումը, — այս բոլորը ստեղծում էին իրական այն մթնոլորտը, որ հայրենիք վերադարձած երիտասարդ գրողին հարկադրում էր վերանայել «Արտեթյուն և Մանվելի» վրացական ազգայնության և գործնականության գաղափարները: Հայրենի Բոլնիս-Խաչենի և շրջակա հայ գյուղերի տնտեսական դրությունը

¹⁶ Ակադեմիկոս Աշոտ Հովհաննիսյանը բնութագրելով հայ ազգային-պահպանողական հոսանքը նկատել է. «...ազգային-պահպանողականները տրտնջում էին ցարական գաղութարարների դեմ, պաշտպանում տեղական հայ առևտրականների շահերը, դաշնակիցներ որոնում արդյունաբերողների ապրանքների ներմուծումից տուժող տեղական մանր արտադրողների միջավայրում, պաշտպանության տակ առնում գյուղի և քաղաքի մանր գործատերերին և ապրանքավաճառողներին: Իրենց հերթին վերջիններս հաճախ ձեռք էին մեկնում նրանց, հանդամանք, որ դեռ հիմք չի տալիս ազգային-պահպանողականներին արևելահայ մանր արտադրողների կամ արևելահայ գյուղական կամ քաղքենի դեմոկրատիայի հետևողական արտահայտիչներ համարելու» («Պատմա-բանասիրական հանդես», Երևան, 1965, № 4, էջ 66—67):

վճռական նշանակություն ունեւր գրողի նոր հայացքների կազմավորման համար: Կարևոր մի հանգամանք էլ կար՝ Ալեքսանդրապոլյան միջավայրը, ուր այդ պահին աղղային մտավորականութիւնը հաղորդակից էր դառնում հեղափոխական նարոզնիկների սոցիալական կողմնորոշումներին¹⁷:

Արդեն Պետերբուրգում աշխատելու տարիներին Ղ. Աղայանը, ինչպէս պատմում է իր հուշերում, ծանոթացել էր Միքայել Նալբանդյանի հետ, որին տեսել էր Թիֆլիսում՝ Հնդկաստան մեկնելու ճանապարհին: Երիտասարդ գրողը հատուկ համակրանք ուներ Նալբանդյանի նկատմամբ: Ոչ մի փաստ չունենք ենթադրելու, թե այդ պահին Աղայանը կարող էր ծանոթ լինել Սիմեոն Մանիկյանի (Մ. Նալբանդյանի) աշխատութեանը: Բայց հենց այն հանգամանքը, որ «Արութիւնը և Մանվելում» արդեն գջուղասիրական նրա դիրքորոշումները հենված էին ազգը՝ գջուղացիութիւնին է տեսակետին, պետերբուրգյան և մոսկովյան տպագրիչների միջավայրում ձևավորված հայացքների հետ միասին, տալիս է Նալբանդյանի նկատմամբ նրա համակրանքի բացատրութիւնը:

Մտաբերելով այս շրջանի իր մտավոր հետաքրքրութիւնների ուղղութիւնը, Աղայանը հիշատակում է Սմայլսի «Ինքնօգնութիւնը», Բոքլին, Գարվինին, տիեզերագիտութեան այն ժամանակվա գիտական ձեռնարկները¹⁸: Հիշում է նաև, որ ընդգիմանում էր Եզյանին, սրա «կրոնական գաղափարների» համար. «Ինձ առաջարկում էր, որ ես թարգմանեմ Ներսես Շնորհալու «Ընդհանրականը», ես չհամաձայնեցի, առարկելով, որ մեր ժողովուրդն այդ տեսակ գրքերի կարոտութիւնը չունի»¹⁹: Ստեփանոս Նաղարչանցի հետ հանդիպումների մանրամասները վերհիշելիս, Աղայանը ծանրանում է մոսկովյան միջավայրում լիբերալ-լուսավորական մտայնութեան վայրէջքի վրա: Չէր կարող չհիշել, որ այդ պահին Նալբանդյանցը շատ էր «հտ թողել իրենից» Նաղարչանցին և «...համակիր չէր այլևս ոչ նրա լեզվին և ոչ նրա ուղղութեանը, համա-

17 Ս. Պարսամյան, Հայ ազատագրական շարժումների պատմութիւնից, Երևան, 1958, էջ 128, 130 և հետո:

18 Ղ. Աղայան, Երկեր, հատ. Գ, Երևան, 1940, էջ 81, 82, 84 և հետո:

19 Նույն տեղում, էջ 83:

բելով հետամնաց և սրահպանողական»²⁰: Առանձնապես վիրավորված էր Նազարյանցից և հիասթափված: Ելչանի միջավայրում իրեն բավականաչափ խորթ զգացող ինքնուս այդ գրողը իր հոգում փայփայում էր մեծ նահատակի լուսեղեն կերպարը: Գրական համակրություններով ևս նա միանում էր Նալբանդյանի ուղղութիւնը:

«Երկու քույր» վեսյում զգացվում են նարոզնիկական մտայնության շորշորները, որոնք մի կողմից արդյունք էին Նալբանդյանի հետ ունեցած վաղեմի հոգեկցության, մյուս կողմից՝ ալեքսանդրապոլյան միջավայրում խլրտացող նորամուտ տրամադրություններին²¹:

Եվ իրոք, առաջին հերթին Աղայանը քննհանրացնում էր Արզումանի, Եղիկի և սրանց նման ըմբոստների գործունեության սոցիալական իմաստը. «Միայն գինիլորների կյանքը չէ վտանգի ենթակա պատերազմի ժամանակ,— գրում էր նա,— այն մարդոց կյանքն ևս շարունակ ենթակա է վտանգի, որոնք հանդգնություն ունին մարտ մղելու կյանքի անիրավ ու անարդար հանգամանքներին դեմ: Ուրքան անիրավություն և անարդարություն կա օրենքով ու ազաթով անվտանգ վիճակի մեջ գրված: Ո՞վ կարող է դրանց ձեռք տալ ու անսպառիժ մնալ»²²: Առանձնացնելով այս միաբն և սրա վրա հենելով վիպակի ամբողջ դադափարական ծանրությունը Աղայանը վերլուծում էր հողային հարաբերություններում տեղի ունեցող այն տեղաշարժերը, որոնք և բնութագրում էին ժամանակի գյուղաշխարհը:

Քանի որ լավ գիտեր հայ-վրաց սահմանագլխի գյուղացիության հոգսերը, գրողը մատնացուցց էր անում «սեփականություն» վերաբերյալ նորաստեղծ դադափարի արժեքը և պարագան²³: Ի՞նչ էր այդ «սեփականություն» միտքը:— «Հենց որ հանդերն սկսեցին շափել,— բացատրում է Սարգիս բիձան,— որտեղ մի քաղցած

20 Ղ. Աղայան, Երկեր, հատ. Գ, էջ 85:

21 Վ. Ա. Պարսամյան, Հայ ազատագրական շարժումների պատմությունից, Երևան, 1958, էջ 111—165:

22 Ղ. Աղայան, Երկերի ժողովածու, հատ. 1, Երևան, 1962, էջ 182:

23 Նույն տեղում, էջ 222:

Թավադ կար, ձեռքը մեկնեց, թե էս իմն է... Մեկ տեղից քսան մարդ բռնում էր, ամենքն էլ ասում էին «իմն է»: Խաղնի մարդն ասում էր՝ Թագավորական է, Սիրնի տերտեղին էլ ասում էր վանքակա՛ն է»²⁴ Եվ այսպես հողային ռեֆորմների կենսագործման հանդեպ 60-ական թվականներին (Վրաստանում հողաշինական աշխատանքներն սկսվեցին 1861 թվականի ռեֆորմի հռչակումից քիչ հետո) տարբեր դիրք զբաղեցրին չքավոր գյուղացիները, աղնըվակա՛ն հողատերերը, եկեղեցին, պետական կալվածատիրու՛թյունը և հողաշինական աշխատանքից օգտվող մանր տնտեսա՛տերերը:

✓ 1852 թ. Շուլավերի գյուղացիները ոտքի կանգնեցին նորաթոխ թավադների դեմ՝ գյուղական սեփականությունը փրկելու: Կենսական այն շահերի նվազումը, որոնք լծորդված էին այդ պայքարին, կարող էր պարզապես կործանարար լինել գյուղացիների համար: Գարեհով նրանց պատկանող հողը այժմ դիտվելու էր ինչ-որ մեղիքի սեփականություն և գյուղացին կիսաճորտական կախման մեջ էր ընկնելու: Սկսվում է պայքարը, իսկ պետու՛թյունը պաշտպանում էր աղալարներին և մեղիքներին: Գյուղա՛ցին հարկադրված էր ոտքի ելնել օրենքով պաշտպանվող «անի՛րավության և անարդարության դեմ»: Զարմանալի խորաթափանցությամբ Աղայանը կռահում էր, որ այդ պայքարը բխում է «սեփականության մասին մի ջոկ գաղափարից», «որ նման չէ այն սեփականությանը, որ տիրող օրենքն է սահմանում»: Օրենքով սահմանված և գյուղացիների դարավոր սեփականության միջև եղած հակասությունների մեջ գրողը նշմարում է տնտեսական նորագույն շարժման բովանդակու՛թյունը: Հասկանալի է գյուղա՛ցու ունեցվածքը՝ ընդ որում, միայն վկայությունների կամ կեղծ փաստաթղթերի հիման վրա: Գյուղացին հողազրկվում է. «էսպես մեր բոլոր տեղերը մնաց դրանց. մենք էլ ոչինչ չունինք, ոչ հող, ոչ ջուր, ոչ ծառ, ոչ խոտ, ամենի համար էլ փող ենք տալիս, էն էլ մեկը էրկուսով, ամեն տարի թանկացնում են»²⁵: Նալբանդյանի

24 Ղ. Աղայան, Երկերի ժողովածու, հատ. 1, Երևան, 1962, էջ 223:

25 Նույն տեղում:

Լրագած սկիսարիկյան ուղղութեան շրջանը այստեղ վերցված է սնտեսական տարածութեան բոլոր կողմերից: Այդ «երկնային և փրկարար» ուղղութիւնը տարածվել էր ամբողջ հայաբնակ գյուղաշխարհում, և Նալբանդյանի երիտասարդ կուսակիցը՝ գյուղացիական դեմոկրատիայի դիրքերից սեփականութեան վաղեմի ձեւերի պաշտպանութեանը հարակցում էր այն սուր քննադատութիւնը, որ ուղղվում էր գջուղում կատարվող ունեզրկումների, շահագործման և նողկալի կառավարութեան դեմ: Ըստ երևութիւն Ալեքսանդրապոլցան միջավայրը դրականապես էր ազդել Աղայանի վրա: Աղայանի-սոցիալական նախկին հայաքննից հրաժարվելու հանգամանքը սխիտի բացատրել աչդ պահին առաջադեմ մտավորականութեան՝ դեպի նարոզնիկական գաղափարախոսութիւնը ցուցաբերած ակտիվ հետաքրքրութեամբ: «Երկու քույր» վեպի իրական սլացքն արդեն հուշում է, որ Աղայանը ինչ-որ չափով ենթարկվել էր գյուղացիական խնդրի շուրջ հշուտվող նարոզնիկական մտայնութեան ազդեցութեանը: Հենց սեփականութեան երկու ձեւերի հանդեպ մշակած իր վերաբերմունքով, նա փաստորեն ընդգծում էր գյուղական հողագործական համայնքի նկատմամբ համակիր իր վերաբերմունքը: Զոռբայութիւնը, որ ըստ Աղայանի հովանավորվում է պետութեան կողմից և նոր տնտեսական հարաբերութեանների առաջմղելու ուժն է, քայքայում է գյուղական համայնակեցութիւնը, ստեղծում հողազրկութիւն և աղքատութիւն: Նորաթուխ թաւադններն ու գյուղական զոռբաները, որ նույն թաւադնների կուսակիցներն են և գործի միջնորդները, օրենքի ուժին ապավինած, բռնութեամբ և սադրանքով հետամուտ էին գյուղացիների հողազրկման:

Ճաղարանց Թաթոսը ամեն անգամ օգտվում է հողի վերաբաժանումից՝ աղքատ և անուժ չքավորների հողը սեփականելով: Եվ այդ այն պատճառով, որ Ճաղարանք «քան զշուն շատ են, քան զգել առավել»: Փոքր գերդաստանը գյուղում կործանվում է. «գեղի մեջ մենակ լինելը աշխարհքիս ամեն անբախտութեանից վատն է»: Եվ եթէ լինէր «արդար օրենք և արդար դատաստան», ապա զոռբայութիւնը նույնքան քիչ սարսափելի կլինէր, որքան

մենակուձյունը²⁶։ Աղայանի այս դատողությունները բխում էին, անշուշտ, գյուղական համայնակեցության քայքայման փաստից։ Նա նահապետական մեծ գերդաստանների ուժին և զուգայությանը հատկացնում էր հողային հարաբերությունները կարգավորողի գեր, չկռահելով, որ Ճաղարանց գերդաստանի տնտեսական ուժը գոյանում էր հենց համայնքի քայքայումից և նոր այն հարաբերություններից, որոնք գործում էին դարձյալ ընդդեմ համայնքի և ոչ թե սրա օգտին։ Թավադները խլում էին համայնքի հողը, և նրանց օժանդակում էր համայնքի ներսում ուռճացող զոռքաների տնտեսությունը։

Իր սեփական հողակտորի համար Ճաղարանց դեմ ըմբոստացող գող Արզումանը, որին համակրանքով էր վերաբերում ամբողջ գյուղը՝ օրենքից, դատ ու դատաստանից «զլուխը սլոծացնելու» համար ասպալինում է սարերը թրևող «ղաչաղների» բարյացակամությանը։ Բայց երիտասարդ գյուղացիին գյուղի հետ ավելի էր կապված, քան ինքը ենթագրում էր։ Դրաման, որ հյուսում էր գրողը Արզումանի և Շամիրի ընտանիքի փոխհարաբերության շուրջ, ըստ երևույթին ոչ այնքան գյուղական կանանց ողբերգական ճակատագիրն էր շոշափում, որքան անձնասպաստան համարձակության և բռնատարության ճակատագրական դատասպարտվածությունը։ «Արություն և Մանվելի» բարոյախոսական հանձնարարականները այժմ սոցիալական բացատրություն են ստանում։ Հերիքնազի, Մարիամի և Արզումանի ողբերգությունը սոսկ գյուղական խավարամտության հետևանքը չէ՝ այն ուղիղ գծով միանում է մենատնտես գյուղացիներին բաժին ընկած ճակատագրին։

Հայ գյուղն արտացոլող վիպագրությունը Ղ. Աղայանի «Երկու քույր» վեպով մուտք է գործում զարգացման նոր շրջան։ Պ. Պռոշյանի, Գ. Տեր-Հովհաննիսյանի երկերը, մամուլում կենցաղագիրների հրատարակած աղագրական պատկերները ասես նախապատրաստեցին Աղայանի այդ նշանավոր երկի ասպարեզ գալը։ «Երկու քույր» հաղթահարում էր ավանդույթի ուժը՝ Պ. Պռոշյանի

26 Ղ. Աղայան, Երկերի ժողովածու, հատ. 1, Երևան, 1962, էջ 198։

«Սոս և Վարդիթերի» գեղարվեստական սահմանները: «Իմ առաջին նկարչական ամբողջությամբ գրած վեպը «Երկու քույրն է»,— ասում էր Աղայանը²⁷: Բնորոշ է այս տեսակետից, որ «Արու-թյուն և Մանվել»-ի վերաբերյալ գրողը իր խոստովանություննե-րում նշում էր մի շատ հետաքրքիր իրողություն. «Արություն և Մանվելը» իրականի նկարչական պատկերն է դնում ընթերցողի առջև», ընդ որում, վեպը ամբողջությամբ պատկերների մի շարա-կարգ էր համարում կամ «թանգարան պատկերների»²⁸:

Նվ իսկապես, «Երկու քույրը» ընդլայնում էր գյուղն արտա-ցուող վիպագրության գեղարվեստական շրջանակները՝ պատկեր-ների շարակարգությունից դեպի նկարչական ամբողջությունը: Առաջին անգամ բնավորություններն ուրվագծվում էին իրական փոխհարաբերությունների ոլորտում, և սա մի կարևոր գրական սեղաշարժի սկիզբ էր դառնում: Ընդհանուրի նկարագրությունը փոխարինվում էր անհատականության ըմբռնմամբ: Աղայանը փորձում էր դուրս գալ ընդհանրական կերպարի շրջագծից դեպի անձնավորությունների մեկուսացում, անջատում: Նա վիպագրա-կան կառուցվածքը ներմուծում էր որպես աբդեն ըմբռնված գե-ղարվեստական ձև: Սա է պատճառը, որ «Երկու քույրը» ամբող-ջանում էր հատկապես ընդգծված սցուժետային կապակցություն-ների մեջ և ձևացնում մի նկարչական ամբողջություն: Թեև նախվ ուսալիզմը անձնավորությունների հոգեբանական անհատականաց-ման վրա իր նկատելի ազդեցությունն է թողնում՝ բնավորույթուն-ները առայժմ տարբերվում էին միմյանցից ոչ թե գեղարվեստա-կան ինքնորոշմամբ, այլ ստացական կամ վերագրվող հոգեբա-նական տրվածքի դանազանությամբ, և թեև կենդանի բնավորու-թյունները դեռ շատ հեռու էին գեղարվեստական կերպարի հան-րաձանաչ վերացաբովից, այնուհանդերձ, նորը այս վեպում՝ նկարչական ամբողջությունը, ձևուք էր բերվել: Մեծ շափով վեպը բևեռաթափվել էր ազգագրական-բարքագրական տարրից: Կեն-ցաղը նոր դեր էր ստացել՝ ձուլվելով բնավորությունների հոգե-

27 Ղ. Աղայան, Երկեր, հատ. Գ, Երևան, 1940, էջ 80:

28 Նույն տեղում:

բանական կամ բարոյական պահւածքի մանրամասներին: Հասարակական միջավայրի մասին դրողի պատկերացումը գեղարվեստորեն իրացվում էր այն տեսարաններում, որոնք հայտնապես գրվել էին դժուրական իրականութիւնը քմբոնելի դարձնելու համար, բնավորութիւնը՝ մյուս բնավորութիւններին հետ ունեցած կապերի տրամաբանութեամբ էր շարժվում, և վերջապէս այս ամենը ենթարկված էր որոշակի աշխարհքմբոնման հրամայականին, հանգամանք, որ դարձյալ նկարչական ամբողջութեան հիմք էր դառնում:

Պեյզաժից («Թանգարան պատկերներին») դեպի կերպարային մտածողութիւնը կատարած այս անցման մեջ պիտի դիտել «Երկու քույր» վեպի գեղարվեստական նորաբանութիւնը:

Գյուղն արտացոլող վիպագրութեան ամբողջ գեղարվեստական փորձը ամփոփված է այդ իրողութեան ներքին ծալքերում: Ավելի ենթակա հասարակական մտքի բարդ ազդեցութիւններին, այս գրականութիւնը ճանապարհ էր հարթում հասարակական տեղաշարժերի գաղափարական արձագանքներին անմիջաբար ենթարկվելով, և եթէ ինչ-որ տեղ այն փորձում էր գեղարվեստական ճանաչողութեանը մոտենալ, ապա դա արտահայտվում էր միայն կերպարային մտածողութեան ուղղութեամբ կատարվող քայլերի մեջ: Կեսգարշա զարգացման ընթացքում այդ վիպագրութիւնն, այնուհանդերձ, չկարողացավ ավելին անել:

Գ Լ Ո Ւ Խ Զ Ո Ր Ր Ո Ր Գ

ԳՊՐՈՑԱՇԻՆԱԿԱՆ ԳՈՐԾԸ ԵՎ ՈՒՍՈՒՑԻԶ ԳՅՈՒՂԱԳԻՐՆԵՐԸ

Հայկական դպրոցը Անդրկովկասում 1860—70-ական րվականներին: «Կեպի գյուղ» շարժման սկիզբը: Ժողովրդական ուսուցիչներ: Կրիգուր Տեր-Մելիքիսեղեկյան: Կյանքը: Նարոդնիկական դեգերումները: «Հրատարակախոսությունը — «Եվեր Բյասիր գեղըցիներին»: «Աշխատանք-Труд» շաբաթաթերթը: Ալեքսանդր Արարատյան: Կյանքի գծեր: Գյուլագրական երկերը՝ «Երկու քույր», «Հիմնարկություն գավառական ուսումնարանի», «Գյուղական խալիֆա»: Գավառական ուսումնարանների ինդիքը և ազգային տախտանակական մտավորականությունը: Պ. Պոռչյանի: «Հացի խնդիր» վեպի գաղափարաբանական ուղղվածությունը: Գյուղի արտացոլման գեղարվեստական նոր հորիզոններ:

Գյուղագրական գրականությունը 70-ական թվականներին ուժգնապես ենթարկվում էր գյուղի վերափոխման հետ կապված այն ծրագրերի ազդեցությանը, որոնք առաջադրում էին հայ հասարակական հոսանքները դեկափարոզ խմբավորումները և մյուս կողմից՝ Անդրկովկաս ներթափանցած հեղափոխական նարոդնիկների գաղափարական կողմնորոշումներին:

Անդրկովկասյան այն միջավայրը, ուր այդ պահին տեղի էր ունենում դեպի գյուղացիությունը դիմաշրջված ուսմանտիկ գործիչների գաղափարական հասունացումը՝ շափաղանց հետամնաց էր: Քաղաքային և գավառային կենտրոններում, աշխուժանում էին բուրժուական զարգացման հետ կապված տնտեսական հարաբե-

րությունները, որոնք նկատելիորեն ազդում էին ավանդուպահ ու անշարժ գյուղական կյանքի վրա: Բայց և այնպես գյուղը, որի շուրջը հյուսվում էին Ռուսաստանի համալսարանական կենտրոններում կրթություն ստացած երիտասարդ մտավորականների սոցիալական բաղձանքները, մնում էր խավար ու հետամնաց մի աշխարհ, ուր պետք էր մուտք գործել արդեն տոնաց որևէ նախապաշարմունքի, գործնականորեն օգնելու համար թշվառության ու կարիքի մեջ դռնվող ազգին: Մենք տեսանք, թե գյուղական իրականությունը վերափոխելու համար ինչ ուղիներ էին առաջադրում պահպանողական ու ազատամտական գործիչները կապիտալիստական վերելքի նախաշեմին: Տեսանք նաև, թե ազգային-պահպանողական միջավայրում դադարարական կողմնորոշումներ ստացած երիտասարդ Աղաջանը 70-ական թվականներին սկզբներին որպիսի շրջադարձ կատարեց դեպի նարոդնիկական մտայնությունը:

Շարժումը «Իեպի գյուղ» այս պահին նոր միայն ձևավորվում էր: Ընդ որում, հայկական միջավայրում դա մեծապես կատրված էր անցյալից եկող լուսավորական պրոպագանդը գործնական հունի մեջ դնելու այն շահախնդրություններին, որոնք պայմանավորված էին մի կողմից գյուղի լուսավորության հանդեպ հասարակական տարբեր խմբավորումների դրական դիրքորոշմամբ և մյուս կողմից՝ հայ ուսուցչության՝ որպես հասարակական խավի առաջացման փաստով:

60-ական թվականները սոցիալական ուսուցիչները պատրաստման ուղղությամբ ասպարդյուն չէր անցել: Թեև դեռ չափազանց անբարեկարգ, բայց և այնպես ստեղծվել էր ծխական դպրոցների ցանց, գործում էին թեմական դպրոցները և այսպես կոչված անային-մասնավոր ուսումնարանները, Բիֆլիսի Ներսիսյան հոգևոր դպրանոցը և այլն:

1834 թ. Անդրկովկասում եղել են 108 հայկական դպրոցների՝ 120 ուսուցիչներով և 1767 աշակերտներով¹: 1871 թ. Վրաստանի,

¹ Մ. Հ. Սանբրոսյան, Արևելահայ դպրոցը XIX դարի առաջին կեսին, Երևան, 1964, էջ 318, նաև Վ. Ս. Երկանյան, Անդրկովկասի հայկական դպրոցը 1870—1880-ական թվականներին (գիտերտացիա), էջ 26:

Երևանի, Ղարաբաղի և Շամախու թեմերում գործել է 90 դպրոց: 230 ուսուցիչներ դաստիարակել են 4194 աշակերտներ: Ուսուցիչների թիվը գրեթե կրկնապատկվել է տառացիորեն մի քանի տարվա ընթացքում: 1875 թվականին, «Դպրոց» ամսագրի տրվյալներով, Անդրկովկասի վարժարաններում արդեն աշխատում էին 555 ուսուցիչներ²:

Տարիներ շարունակ ժողովրդական ուսուցիչների պատրաստման մտահոգությունը հրապարակախոսական մտածումների առարկա էր դարձել հայ մամուլում: «Հյուսիսասիայի», «Հայկական աշխարհի», «Կոստնիկ», «Մեղվի» իսկ հետագայում «Մշակի» հրապարակախոսները տպագրում էին հոդվածներ նվիրված լուսավորության գործի կազմակերպիչներին՝ ազգային և հասարակական կոչմանը:

Ժողովրդական վարժապետների հարցը մանավանդ 70-ական թվականներին, երբ գրեթե յուրաքանչյուր գյուղում ստեղծվում էր ծխական-եկեղեցական դպրոց, և մտավորականությունը, թեմական առաջնորդներն ու ղեկավարական ուսուցիչները ձեռնարկում էին վարժարանների հիմնադրումը,— չափազանց կարևոր էր դառնում: Առանց ժողովրդական ուսուցիչների,— ինչպես նշում էր «Մշակը»— և միայն տիրացուների ու տերտերների օգնությամբ անհնարին էր ժողովրդական լուսավորության գործը առաջ տանել: Մկսվում էր մեծ հարձակում խալիֆայական դպրոցների սխոլաստիկ մեթոդների և ուսման ծրագրերի դեմ:

Ծխական դպրոցների (եկեղեցուն կից փոքրիկ վարժարաններ) հիմնարկման խնդրով մտահոգ զավառական ու մայրաքաղաքային մտավորականությունը, ամառային արձակուրդներին Թիֆլիս հավաքվելով, քննարկում էր զուտ գործնական հարցեր: Պետք է նկատի ունենալ, որ բազմաթիվ դավառներում դեռևս չկային կանոնավոր գործող դպրոցներ, եղածներում էլ տիրում էին ներքին անհամաձայնությունն ու կոիվները, որոնք շատ հաճախ դրամատիկ ավարտ էին ունենում: Մի կողմից դպրոցների հիմնարկմանը ընդդիմադիր ուժերը, մյուս կողմից՝ վարժապետների տե-

2 Վ. Ս. Երկանյան, նշվ. աշխ. էջ 132—133:

սուշների, թեմական առաջնորդների և հոգաբարձության միջև եղած բազմամյա կռիվները ջլատում էին գյուղի լուսավորության գործը: Դրան մասնավորապես խոչընդոտում էին գյուղական քահանաները՝ պնդելով ուսուցման հին եղանակների վրա, նաև խառնակում էին մարդկանց փոխհարաբերությունները՝ ներքին դժգոհության, անհամաձայնությունների պատճառ դառնալով:

Եվ չնայած այս տխուր իրողությանը, տարի առ տարի, ավելի ու ավելի առաջ էր ընթանում գյուղի լուսավորության գործը՝ տեղերում թեմական առաջնորդի նախաձեռնությամբ և գործնական ցուցումներով, կենտրոնում՝ մամուլի և հասարակական խմբակցությունների վերահսկողության ու պրոպագանդի անմիջական ազդեցությամբ: Իհարկե, դպրոցների ընդհանուր ղեկավարությունը գտնվում էր էջմիածնի ձեռքում և վերջին հաշվով ազգային լուսավորության գործնական հարցերը չէին կարող լուծվել առանց հոգևոր իշխանության մասնակցության: Այս հանգամանքը յուրօրինակ անդրադարձ էր ունենում դպրոցաշինական ամբողջ շարժման և մասնավորապես գյուղական լուսավորության գործի վրա:

Հայտնի է, որ Գևորգ Դ կաթողիկոսը դեռ 1868 թվականին հրապարակեց ծխական դպրոցների այն կանոնները, որոնք արևելահայ կրթական գործի ընդհանուր ղեկավարման սկզբունքները դարձան³: Բիշ անց 1869-ին կաթողիկոսն ընդունեց թեմական դպրոցների կանոնադրությունը⁴: Հայոց կաթողիկոսի դպրոցաշինական տենդային գործունեությունը թելադրված էր Անդրկովկասի ռուսացման գաղութարարական քաղաքականության դեմ պայքարի մտահոգությամբ: Ազգային փոքրամասնությունների լուսավորական ինքնավար գործունեության դեմ նեվերովյան հարձակմանը կաթողիկոսը պատասխանում էր ցարին ուղղված դիմումներով, ուր մասնավորապես հիշեցնում էր «Պոլոժենիայով» հայ եկեղեցուն տրված արտոնությունների կայսերահաստատ օրինավորությունը: Ի հակադրություն բարոն Նիկոլայի և Նեվերովի գաղութարարական ջանքերի, կաթողիկոսը ձեռնարկում էր ազգային

3 Վ. Ս. Երկանյան, Անդրկովկասի հայկական դպրոցը, էջ 57:

4 Նույն տեղում, էջ 58:

դպրոցաշինութեան գործը առաջ տանող ամենակտրուկ միջոցներ և, որ կարևորն է, դպրոցների կազմակերպչական աշխատանքները ամբողջութեամբ հանձնում էր հայ հասարակութեանը՝ իրեն վերապահելով միայն այդ խնդրի բարձր ղեկավարութիւնը⁵։

Հակացարական մտայնութիւնը դարբնւում էր այն ուսուցիչների և մտավորականների շրջանում, որոնք զորավիգ էին դառնում հայ եկեղեցու դպրոցաշինական գործունեութեանը։

70-ական թվականների սկզբներին (1874) հրավիրւած վիրահայ առաջին ուսուցչական ժողովը և 1882-ին հայոց ընդհանուր ուսուցչական ժողովը, ի վերջո ցուցադրում էին հայ ուսուցչութեան ազգային ինքնավար կազմակերպութեան առկայութեանը ցարիզմի գաղութահալած քաղաքականութեան պայմաններում։

Ազգային դպրոցի հանդեպ նոր կողմնորոշումը, որ մշակւում էր հայկական դպրոցաշինական գործը ձախողելու կովկասյան կառավարիչների գործունեութեանը զուգընթաց, ստանում էր հակացարական բնույթ։ Ուսուցիչների մեծ մասը ներգրավւում էր մի կողմից ազգային-հայրենասիրական, մյուս կողմից՝ նարոդնիկական կազմակերպութիւնների մեջ և երկճակատ մի պայքար մղում հանուն ազգային ինքնավարութեան, լուսավորութեան ու անտեսական բարեկեցութեան։

1870-ական թվականների սկզբներին Ալեքսանդրապոլում արդեն գործում էր ուսուցիչներ՝ Արսեն Կրիտյանի և Պետրոս Հայկազոսնու ղեկավարած «Բարենպատակ ընկերութիւնը»։ Ժամանակակիցների և հենց Հայկազոսնու վկայութիւններինց երևում են, որ ազգային-հայրենասիրական այս կազմակերպութեան անդամները ուսումնասիրել են Մ. Նալբանդյանի «Երկրագործութիւնը որպէս ուղիղ ձանապարհ» երկը, թերևս նաև «Երկու տողը»⁶։

«Կրիտյանն իր ընկերութեան անդամների ու աշակերտների մեջ, — գրում է պատմաբանը, — տարածել է նաև Միքայել Նալբանդյանի նկարը, շրջապատւած «Ազատն աստված» ոտանավորով և անզուսպ դառնութեամբ արտահայտւել նրա մահւման առ-

5 Վ. Ս. Երակեյան, նշվ. աշխ., էջ 104—123։

6 Վ. Ա. Պարսամյան, Հայ ազատագրական շարժումների պատմութեանից, Երևան, 1958, էջ 127, 128 և հետո։

թիւ»⁷: Ալեքսանդրապոլսյան միջավայրում խմորվող ազգային-հայ-
րենասիրական տրամադրութիւնները որոշ իմաստով ուղղված էին
ժողովրդական վարի խավերում լուսավորութիւնն ու գիտութիւնը
տարածելու գործնական այն ջանքերին, որոնք արտաքուստ «հա-
կապետական» ոչինչ չունեին, բայց որոնք, ըստ էութեան, նպա-
տակամիտված էին ազգի ազատագրական եռանդը բարձրացնել և,
ըստ այդմ, մարդկանց կոչել զոհաբերումի և անհնազանդութեան:
Պատահական չէ, որ Թիֆլիսի դատաստանական սպալատը բննն-
լով «Բարենպատակ ընկերութեան» և «Կանտոր Հայրենյաց սիրո»
ընկերութիւնների գործունեութիւնն ու ծրագրերը, դրանք որա-
կում է որպէս «պետական հանցագործութիւն»⁸: Արսեն Կրիտյանը
հայերին ուղղած կոչ-Թոուցիկներից մեկում (հայտնաբերված Երե-
վանի ժանդարմական վարչութեան պետ մայրը Զոլոտովսկու կող-
մից) գրում էր տողեր, որոնք, անշուշտ, կարող էին ահաբեկել
նորին արքայական մեծութեան Երրորդ բաժանմունքի գործակալ-
ներին. «Միթե՞ մենք հայեր չենք, միթե՞ մենք հայերի սերունդ
չենք, միթե՞ մեր երակներում չի եռում հայրենասիրական ազ-
գային արյունը, արյուն, որով միայն կարելի է փրկել ազգը...»⁹:
Ինչպէստանի արդարագատութեան մինիստրին, երրորդ բաժան-
մունքի գլխավոր պետին ուղղված գրութիւններում Թիֆլիսի
դատաստանական սպալատի դատախազը «Բարենպատակ ընկե-
րութեան» հանցավորութիւնը հաստատող փաստաթղթերի շար-
քում հիշատակում էր Կրիտյանի և այն հողվածները, որոնք «շա-
րագրվել էին իբրև կոչեր» և որոնք հայերին քաղաքականապէս
միավորվելու «վտանգավոր» գաղափարն էին քարոզում¹⁰:

Ա. Կրիտյանի, Պ. Հայկազունու, Հ. Բալասանյանի և սրանց
կուսակիցների գործունեութիւնը կովկասյան հետամնաց զավա-
ռակներուններում և գյուղերում, 70-ական թվականներին, ան-

7 Վ. Ա. Պարսամյան, Հայ ազատագրական շարժումների պատմութիւնից,
էջ 129:

8 Նույն տեղում, էջ 155, 208, 232—233:

9 «Շարագրութիւն Արսենիկ Վ. Կրիտյանցի՝ Բարենպատակ ընկերութեան
վերաբերյալ, օգոստոսի 1, 1869 թ. ք. Ալեքսանդրապոլ» (Վ. Ա. Պարսամյան
Հայ ազատագրական շարժումների պատմութիւնից, էջ 193):

10 Նույն տեղում, էջ 208, 221:

շուշտ, հրահրվում էր ազգային-հայրենասիրական այն տրամադրություններով, որոնք այդ պահին խմորվում էին Մ. Նալբանդյանի հեղափոխական-դեմոկրատական ուղղության կողմնակիցների շրջանում: Նալբանդյանի հետևորդները, ըստ երևույթին, լիցքավորվում էին Անդրկովկասում կազմակերպված նարոդնիկական այն խմբակների գործունեությունից, որոնք բացատրական-քարոզչական աշխատանք էին ծավալել՝ ժողովրդական մասսաներին ինքնակալության դեմ տանելու համար¹¹: Պատահական չէ, որ «Բարենպատակ ընկերության» գործունեությունը վերսկսելու ուղղությամբ Կրիտյանի ձեռնարկած նոր քայլերը զուգադիպում են 1875-ին Թիֆլիսում և Քութայիսում հիմնադրված նարոդնիկական առաջին խմբակների կազմակերպչական աշխատանքներին: Կրիտյանի տանը բռնագրաված գրությունների մեջ (ինչպես այդ երևում է Երրորդ բաժանմունքի պետին արդարադատության մինիստրի հղած ղեկուցումից) եղել են «ռուսական կառավարության հասցեկին ուղղված հանդուգն խոսքեր»: Կրիտյանը չի կարողացել կոծկել փաստը և բացատրել է, թե «այդ նա գրել է երիտասարդ ժամանակ և չմտածված»¹²: Պարզ երևում է հակապետական-հակացարական տրամադրությունների առկայությունը «Բարենպատակ ընկերության» ղեկավարի մտածումներում այն ժամանակ, երբ նոր միայն կազմավորվում էր այդ ընկերությունը: Հասկանալի է, որ 1875-ին, երբ Կրիտյանը փորձում էր կազմակերպչորեն վերականգնել ընկերության գործունեությունը, այդ տրամադրությունները պիտի որ ավելի ու ավելի խորանային և ընդհանուր եզրեր գտնեին անդրկովկասյան միջավայրում ծնունդ առնող նարոդնիկական կազմակերպությունների զաղափարական ու ծրագրային առաջադրությունների հետ:

Թիֆլիսում և Քութայիսում կազմակերպված առաջին նարոդնիկական խմբակները, ուր մասնակցում էին հայ ուսանողներ և գյուղական ուսուցիչներ, ինչպես նշում է Մ. Գ. Ներսիսյանը, հեղափոխական մտավորականությանը քարոզել են «... քնալ դեպի

11 Մ. Գ. Ներսիսյան, նարոդնիկական խմբակներն Անդրկովկասում, Երևան, 1940, էջ 14:

12 Վ. Ա. Պարսամյան, նշվ. աշխ., էջ 221:

գյուղը, ժողովուրդը, աշխատել նրա մեջ, տարածել հակահառա-
վարական իդեաններ»¹³: Պատմաբանը այնուհետև հավաստում է,
որ նարոդնիկական սրբուպադանդան ավելի մեծ հաջողութուն է
ունեցել «մասնավորապես գյուղական ուսուցիչների մեջ»¹⁴: Ժո-
ղովրդական այն ուսուցիչները, որոնք գյուղ էին մեկնում լուսա-
վորական որոշակի ծրագրերով, 70-ական թվականներին հեշտու-
թյամբ յուրացնում էին նարոդնիկական «հեղափոխականության»
առաջադրույթները և իրենց հարաբերութունները գյուղացիա-
կան լայն խավերի հետ կառուցում հար և նման ուս քարոզիչնե-
րի, որոնք, մասնավանդ «Երթ դեպի գյուղը» նշանավոր շարժման
ժամանակ (1874) գյուղական շրջավորության հետ մերձենալու
հետաքրքիր և ուրույն փորձ էին ձեռք բերել: Ծիշտ է, եղել էին
խոշոր վրիպումներ, գյուղացին կասկածանքով էր նայել «եկվոր-
ներին», չէր վստահել և շատ դեպքերում հալածել էր նրանց
որպես «Ֆարմասոնների», բայց կային տեղեր, ուր սրբուպադան-
դիստները հասել էին լուրջ արդյունքների, և ուր նրանց դործու-
նեությունը վայելել էր ժողովրդի, գյուղական շրջավորության մեծ
համակրանքը: Ժողովրդական այդ ուսուցիչներից մեկին էր 70-
ական թվականներին սկզբներին դրական ասպարեզ մտած Գրի-
գոր Տեր-Մելիքիսեղեկյանը (1848—1882)¹⁵: Ծնվել է Շուլավերում,

13 Մ. Գ. Ներսիսյան, նշվ. աշխ., էջ 31:

14 Նույն տեղում, էջ 36:

15 Գրիգոր Տեր-Մելիքիսեղեկյանի մասին առաջին ակզկությունները պատ-
մագիտական գրականության մեջ հաղորդել է Վ. Ա. Պարսամյանը, արդեն վկա-
յակոչված «Հայ աղատազրական շարժումների պատմությունից» գրքում (էջ
109, 253): Սակայն այս գործչի հասարակական-գրական գործունեությունը առա-
ջին անգամ ուսումնասիրել է բանաստեղծ Վահան Միրաբյանը 1930-ական թվա-
կաններին, ԳԱԹ Վ. Միրաբյանի ֆոնդում (գործ № 180, 183) պահվում է բա-
նաստեղծի «Հուշեր Գրիգոր Տեր-Մելիքիսեղեկյանի կյանքի և գործունեության մա-
սին» ընդարձակ հուշագրությունը: Վ. Միրաբյանը Գ. Տեր-Մելիքիսեղեկյանի
աշակերտներից էր: Խնամքով հավաքել ու պահպանել էր իր ուսուցչի վերաբեր-
յալ հին ու նոր փաստերը, հիշողությունները, գրվածքները, «Աշխատանք» շա-
բաթաթերթի մեկ օրինակը, մամուլից քաղված այլ նյութեր, որոնք պիտի օգտա-
գործվեին նրա մասին մի մեծ աշխատություն գրելու համար: Ինչ-ինչ պատճառ-
ներով Միրաբյանի գործը անավարտ է մնացել: Գ. Տեր-Մելիքիսեղեկյանի կյանքի

քահանայի ընտանիքում: Շատ վաղ զրկվել է ծնողներից՝ մնալով մեծ եղբոր խնամքին: Սովորել է Ռ. Նադիրյանի ծախսով 1857 թ. Շուլավերում բացված դպրոցում: Կովարար, իրասածի, ընդունակ, «քիթը ցից» տղա էր: Գյուղամերձ Պիպոզ սարի բարձունքը հաճախ էր ելնում ընկերոջ հետ. 12-ամյա Գրիգորի գլխում պտտվում էին հանդուգն մտքեր: Ապագայի նկատմամբ անորոշ հույսերի միջից հառնում էր մեծ մարդ դառնալու կարոտը. «—Ուրեմն դու ուզում ես թագավոր դառնա՞լ,— հարցրեց Օհանեսը ծիծաղելով:— Ի՞նչ թագավոր... Չէ՛, չէ՛, մի պոզեր... ես ուզում եմ էնպես բան, որ տերտեր, աղա, մելիք, դրանց բոլորի հախիցը գամ...»¹⁶: Մանկական առաջին տպավորություններն ու ըմբռնումները աշխարհի անարդար կառուցվածքի վերաբերյալ դպրոցը տվեց նրան: Տեր-Պողոսը՝ իրենց ուսուցիչն ու դաստիարակը, սիրում էր ընծաներ ստանալ: Գրիգորը, որ ուզենար էլ չէր կարողանա բավարարություն պատճառել քահանային: Դրա համար էլ միշտ աչքից ընկած էր, պատժված կամ զուրկ հովանավորությունից:

Ռ. Նադիրյանը, որ Ներսիսյան դպրոցի հոգաբարձուներից մեկն էր, հայրենի գյուղի ընդունակ երեխաներին բերում էր Թիֆլիս և ընդունել տալիս այսպես ասած «որդեգիրների շարքը»: 1862—1863 թթ. Գրիգորը դառնում է Ներսիսյան դպրոցի որդեգիր: Այստեղ դրսևորվում են պատանու ընդունակութուններն ու հրատմությունը լեզուների յուրացման բնագավառում: Շատ շուտով տիրապետում է ֆրանսերենին և ռուսերենին: Ստ. Պալասանյանը՝ ֆրանսերենի ուսուցիչը, թեև գոհ էր գեղջուկ այս պատանու ցուցաբերած առաջադիմությունից, բայց դժգոհ և անբավական էր նրա հանդուգն ու մեծամիտ պահվածքից: Վիճում և հակաճառում էր ուսուցչի հետ այնպիսի լեզվով, որ Պալասանյանը հարկադրված էր բողոք գրել հոգաբարձուներին՝ անհնազանդ ու կամակոր այս աշակերտին դպրոցից վճռելու համար:

Տարօրինակութուններ ուներ: Չափազանց շատ էր կարդում,

ու գործունեության պատմությունը գրելիս օգտվել ենք Վ. Միրաքյանի հավաքած նյութերից և հիշողություններից:

16 ԳԱԹ, Վ. Միրաքյանի ֆոնդ, գործ № 180, էջ 28—29:

նյարդալին էր, բռնկվող: Ընթերցում էր դաղտնի, անլեզալ թերթեր, բրոշյուրներ: Ժամանակակիցները պատմում են, թե ինչպես, երբեմն, հանկարծակի տեղից վեր էր թռչում ազատություն գոռալուվ և բարձր ու կրակոտ թափով կարդացածից որեէ կտոր արտասանելով ընկնում էր ընկերների մեջ և փոթորկում: Նրա պատանի գլխում պտտվում էին Նաղարյանի, Հերցենի, Նալբանդյանի գաղափարները¹⁷: Իր անսանձ լեզվի և տարօրինակ հայացքների պատճառով փորձանքի մեջ է ընկնում. ուսուցիչները բողբոջում են հոգաբարձությանը և Նաղիւրյանին: Վերջինս հրաժարվում է ապերախտ սանից և մի ուրիշ որդեգիր վերցնում: Գրիգորը դիմում է ղզլարցի բարերար Իդմիրյանին: Սա խոստանում է վճարել պատանու ուսման վարձը: Տաղնապի և անհուսովյան օրերը սակայն չէին վերջանում: Նույն 1867 թվականի դեկտեմբերին հոգաբարձությունը Գրիգորին հեռացնում է դպրոցից: Հանդիպելով տեսչին պատանին ղայրացած ձայնում է «— Դո՛ւք, ժողովրդի արյուն ծծողներ, դուք պետք է հեռանաք այս կրթական օջախից, որ խեղդում եք մարդկային ազատ ոգին»¹⁸: Փողոց նետված Գրիգորը, այնուամենայնիվ, համառ էր: Ծարունակում էր դարձյալ հաճախել դասերին, պատրաստում էր սված հանձնարարությունները, թեև այդ ամենին հասնում էր մեծ ստորացումների ու տառապանքների գնով: Օրերով հացի պատառ բերանը չէր մտնում: Գրքերը պահատակին քնում էր Ներսիսյան դպրոցի շրջակաները: Մի տաճկահայ հացթուխ պահում էր այս որբին խղճահարությունից դրդված: Ուսումնական տարվա վերջին՝ 1868 թվականի հունիսին փայլուն քնննություններ է հանձնում և ստանում հինգերորդ դասարանի ավարտական վկայական:

Քսանամյա Գրիգորը Հավլաբարի Ծամբորեցվոց եկեղեցու դպրոցում հայոց լեզվի ուսուցիչ է նշանակվում 1869 թ. մայիսին: Սակայն հպարտ ու անհաշտ բնավորության պատճառով շուտով փորցնում է այս պաշտոնը և սկսում պարապել մասնավոր դասերով: Միշտ գունատ էր, նիհար, կարճատեսությունից տառա-

17 ԳԱԹ, Վ. Միրաբյանի ֆոնդ, գործ № 180, էջ 33:

18 Նույն տեղում, էջ 39:

սրող աչքերով, հին սև սերթուկը հագին, օձիքը վրա բերած, որովհետև «մեծ մասամբ օսլայած վզնոց ջէր ունենում»:

1870 թվականին էքստենն կարգով քննութիւններ է հանձնում Թիֆլիսի արքունական գիմնազիայում և ստանում ատեստատ: Մի երկու աշակերտ ուներ, որոնց պատրաստում էր ուսուցչական սեմինարիայի համար: Դրանցից մեկը Արշակ Տեր-Սարգսյանն էր, նույնպէս արտաքսված Ներսիսյան դպրոցից և հետագայում նշանավոր գյուղագիրը՝ Ագասյանը: Ծանր պայմաններում էր ապրում, միշտ զրկանքների մեջ, բայց միշտ ժիր ու անվհատ:

Դեռ Ներսիսյան դպրոցում սովորելու տարիներին կարդացել էր «Հյուսիսամերիկայ» և հատկապէս Նալբանդյանին: Փարիզում տպագրված «Յրկու տողը» արտագրել ու պահում էր իր մոտ՝ որպէս սրբութիւն: Ընդարձակ հատվածներ էր անդիր ասում. «Մենք ազատակամ նվիրեցինք մեզ հասարակ ժողովրդի իրավունքը պաշտպանելու»,— լավում էր նրա հնչեղ ձայնը և ապա դառնում էր Նալբանդյանին. «Բյուր անգամ օրհնյալ լինի քո հիշատակը Կոմս էմմանուել, դու ես, որ առաջին անգամ գրեցիր, թե պետք է ապրել ու քրետնել ընդհանուրի գործի համար, լավ հասկացած լինելով, թե սուտ է մասնավորի բախտավորութիւնը առանց ընդհանուրի երջանկութեան»¹⁹:

Ապստամբ քնավորութիւնը միայն լքնական տրվածք չէր. միջավայրի հանդեպ անմիջական ու անկեղծ արձագանքը հաճախ թելադրված էր ձևավորվել սկսող այն խոր համոզումներով, որոնք քսանամյա երիտասարդին մղում էին ընթանալ հասարակարգի արմատական վերափոխումների հեռանկարով մտահոգ մարդկանց շարքերում:

Թիֆլիսում, այնուամենայնիվ, նա չգտավ աշխատանք և ապրուստ: Բացի դրանից, քաղաքային այս միջավայրում չէ, որ նա որոնում էր ուժերը, իմացութիւնները գործադրելու ասպարեզ: Ամբողջ էութեամբ վապված լինելով լոյզի՞ն՝ այն հասարակ երկրագործի կյանք ու ապրուստին, որ տառապում էր լիավարի ու

¹⁹ ԳԱՍ, վ. Միրաքչյանի ֆոնդ, գործ № 180, էջ 46, Մ. Նալբանդյան, ԵԼԺ, հ. 3, էջ 30:

անհայտութեան լուռ ցավերի մեջ, երիտասարդ ուսուցիչը, ուսու
նարողնիկների նման, մղվում էր «անսօղնական գեղական դասը»
մոռացումից և տգիտութիւնից փրկելու:

1870-ական թվականների սկզբներին Գ. Տեր-Մելքիսեդեկյա-
նը մեկնում է Ելիզավետպոլի նահանգը և մինչև 1876 թվականը
ուսուցչութուն անում տեղի գյուղերում: Մի իսկական նվիրակ
ու քարոզիչ էր նա: Անսահման, գրեթե կրոնական սերը դեպի
«մշակ, քյասիբ գեղըցի» — բնութագրում են նարողնիկ այս գործ-
չի հավատամքի ու նվիրվածութեան շարժողական կարիք-
ների ու սպասելիքների հանդեպ: Փխբ, Բանանց, Խաչկապ, Գյան-
ջա և այլուր մուտք էր գործում Տեր-Մելքիսեդեկյանը, որպես
ճշմարիտ Վուսավորիչ և առաքյալ՝ աշխարհաքաղաքացու նման
հայրենիք ու ազգ շճանաչելով. «— Ես մարդ եմ, այրում եմ
մարդկութեան համար», — ասում էր նա, — շեշտելով հատկապես
բոլոր ազգերի շքավոր գյուղացիութեան հետ ունեցած անձնական
հոգեկցութիւնն ու շահերի ներդաշնակութիւնը: Վետագայում,
«նվեր քյասիբ գեղըցիներին» հայտնի աշխատութեան մեջ Տեր-
Մելքիսեդեկյանը հատկապես ընդգծում էր իր գործունեութեան և
ըմբռնումների հենց այդ կողմը: Առանց ազգային տարբերակման
պայքարել տառապող մարդկութեան երջանկութեան համար — հա-
թե ինչն է եղել նրա մտավոր հասունացման՝ «երեխայութիւնից
մարդ դառնալու» խթանիչն ու հանձնակատարը:

Ռուսաստանի ծայրերկրներում 70-ական թվականներին գոր-
ծող հեղափոխական նարողնիկների համար շարժական քնորոշ
էր աշխարհաքաղաքացու պահվածքը: Տարբեր ազգերի ներկայա-
ցուցիչներին միավորում էր հեղափոխական համախումբ գործու-
նեութեամբ գյուղացիութեանն ազատագրելու և սոցիալիզմ կա-
ռուցելու երազանքը:

1876 թվականին Խաչկապ գյուղում Տեր-Մելքիսեդեկյանը ար-
տասանում է մի ճառ, որը «Ազգային հարցի մասին» վերտառու-
թեամբ շուտով լույս է տեսնում Գանձակում: Այս փաստաթուղթը
առայժմ կորած է: Տարակույս չկա սակայն, որ ճառի բովանդա-
կութիւնը հյուսված պիտի լիներ ոչ միայն ազգերի իրավահավա-
սարութեան վերաբերյալ մտորումներից, այլև աշխարհաքաղաքա-

ցիական այն ըմբռնումներից, որով միշտ հպարտանում և իր միջավայրից առանձնանում էր «քյասիբ զեղբցիների» նվիրակը: Ճառի առիթը խաչկապցի մի քրդի քրիստոնեություն ընդունելու և հայոց եկեղեցում կնքվելու արարողությունն էր, որին և հրավիրվել էր ազատամիտ ուսուցիչը: Քիչ բան է հայտնի այն ամենից, ինչ Տեր-Մելքիսեղեկյանը այդ տարիներին կատարել է Ելիզավետպոլի նահանգում: Սակայն այդ քիչն էլ բավական է ընդհանուր պատկերացում կազմելու գյուղերում միայնակ գործող նարոզնիկ-քարսզչի գործունեության մասին:

Ինչպես պատմում են ժամանակակիցները, Տեր-Մելքիսեղեկյանը կապեր ուներ ուս նարոզնիկների հետ: Նա ձևոք էր բերում արդելված թերթեր, թուղիկներ՝ ֆրանսերեն և ռուսերեն լեզուներով և դրանք օգտագործում քարոզների ժամանակ: Հատկապես սիրում և համարում էր փարսից լեզուներում էր ֆրանսիացի տնտեսագետ Պրուդոնի գրվածքները: Նա մի իսկական պրոպագանդիստ էր: Տեղեկություններ կան, որ նամակագրական կապ է ունեցել ուս նարոզնիկ-հեղափոխական Պ. Ա. Կրոպոտկինի հետ²⁰: Ինչպես վկայում է Վ. Միրաբյանը, Տեր—Մելքիսեղեկյանը կատարյալ ամբիստ էր, ատում էր հոգևորականներին և սպաքար էր մղում հոգևոր իշխանությունների դեմ: Չափազանց բնորոշ է այս տեսակետից 1874-ին հրատարակած առաջին ինքնուրույն հրապարակախոսական երկը՝ «Մի համառոտ հայացք XIX դարի հայ հոգեվորականության վերա» վերնագրով: Էջմիածնական կղերականության քննադատությունը նա տանում էր «Մշակում», «Մեղու Հայաստանիում» և «Արարատում» լույս տեսած նյութերի հիման վրա: Գրքույկի առաջին մասում հրապարակախոսը պարզ քաղաքըրումներ էր կատարել մամուլի ֆեյերից: Ինչպես Մ. Նալբանդյանը «Երկու տողում», Տեր-Մելքիսեղեկյանն էլ այստեղ բերում էր մեկը մյուսից նողկալի փաստեր, որոնք բնութագրում էին եկեղեցու սպասավորների ընդամուլությունը, հոգևոր աղքատությունը, արծաթասեր, զոռաբաղ ու բղջախոհ վարքը: Եվ այնուամենայնիվ, որպես նարոզնիկ-լուսավորիչ Տեր-Մելքիսեղեկյանը ուղիներ էր նշում

20 Գ.Ա.Մ. Վ. Միրաբյանի ֆոնդ, գործ № 180, էջ 193:

կղերին՝ հասարակական առաջադիմության և գործնական կյանքի հետ կապելու համար: Մտահոգ մասնավորապես Վայ գյուղի տընտեսական վերափոխումների և գյուղացու նյութական կյանքի բարելավման ճակատագրով, նորօրյա այս քարոզիչը քահանաների մեծ միսիան էր համարում ժողովրդի մեջ գործնական գիտությունների՝ քիմիա, ֆիզիկա, երկրագործություն, գինեգործություն, բժշկական-առողջապահական տեղեկություններ տարածելը: «Մարբուր բարոյականությունը, — գրում էր Տեր-Մելքիսեղեկյանը, — իմ խորին համոզումով, անշուշտ, հետևանք է զուտ գործնական գիտություններ տարածելուն ազգի մեջ, որովհետև Արոնտեսույցը տարածելով երկրագործական գիտությունը, նա ապահովեցնում է աղքատներին, տգետ ժողովրդի նյութական վիճակը»²¹:

Քահանայի ժողովրդասեր գործունեության հետ կապելով գյուղացիության ընտանեկան, նյութական և հոգևոր դրություն բարեփոխումների հնարավոր իրագործումը, Տեր-Մելքիսեղեկյանը ելնում էր այն վիշուր հայացքից, թե՛ «ժողովրդի բոլոր խեղճությունները գրեթե հոգևորական տգիտությունից են առաջանում»²²: Մանրբութուական, գյուղացիական հայացքը լուսավորության տարածման և սրա գործնական իրականացնողների մասին, հրապարակախոսին հարկադրում էին հավատալ հոգևորականության՝ ազգի ղեկավարման գործում ոմնենալիք առաջնակարգ դերի առասպելին: Մինչդեռ երկու քայլ անդին պարզ երևում էր, որ ինչքան էլ հոգևոր իշխանությունները մոտենում են գործնական կյանքին, և որքան էլ ակնհայտ է նրանց զգեստափոխումը պատմական ժամանակի ձևությամբ, այնուամենայնիվ, ժողովրդի ղեկավարությունը, նրա տնտեսական կյանքի կազմակերպումը, հասարակական բոլորովին այլ ուժեր են տնօրինում: «Քրիստոնեությունը, — գիտում էր հրապարակախոսը, — կայանում է գործնական կյանքի ապահովության և ազնվության մեջ, որոնց մարդս կհասնի միայն խիմիկական, երկրագործական, առողջապահական գիտություն-

21 Գ. Տեր-Մելքիսեղեկյան, Մի համառոտ հայացք XIX դարի հայ հոգևորականության վերա, Քիֆլիս, 1874, էջ 13—14:

22 Նույն տեղում, էջ 15:

ներն ուսանելու ճանապարհով»²³: Եթե մանկավարժական գիտությունն ու փորձը այս ճանապարհից դուրս է որոնում մատաղ սերնդի դաստիարակության ուղին, նշանակում է քարոզում է հոգևոր ու մտավոր առաջադիմության մի մոլար ճանապարհ: Հեռու խրատաբանական կրթությունից, դեպի գործնական կրթությունը: Հրապարակախոսը կյանքից սահանջում է «ոչ թե սանձողություն և ճնշումն մտքի» այլ կատարյալ ազատություն խղճմտանքի, համողումի, տնտեսական և սոցիալական զարգացման, որն ի վերջո մարդուն ազատ է դարձնում իրականում և գործնականապես, որովհետև այդ պարագաներում է, որ մարդը հրաժարվում է վերացական ու անքնական, «հիմն շունեցող» պատկերացում-համոզումներից (այսինքն կրոնական քարոզաբանությունից) և անցում կատարում դեպի «արգելված պողի»՝ բնական, անհաղթելի օրենքների ճանաչումը կամ, որ նույնն է, գործնական քարոզականության ճանաչումը²⁴: Տեր-Մելքիսեղեկյանն, այսպիսով, փորձում էր կրոնի ու վղերի համար մատնանշել ինքնազինաթափման մի ուղի, որը գործնականում ոչ միայն անհաղթահարելի արգելքների հետ էր կապված, այլև անիմաստ ու փուշ էր դարձնելու նրանց ամբողջ գործունեությունը: Ըստ էության դա կղերի սոցիալական միսիան թաղելու հանձնարարական էր: Հրապարակախոսը եղնում էր ազատության մասին ուրույն այն համոզումներից, որ մշակվել էին հեղափոխական-դեմոկրատ Միքայել Նալբանդյանի ազդեցությամբ: Մ. Նալբանդյանը «Երկու տողում» կրոնական հավատալիքը համարելով վերացական և խղճմտանքի սահմանի մեջ ամփոփված համոզում, դիտում էր, թե՛ «Աստված ազատ է և առաջին լույս. ուստի և ամենայն հավատք դեպի նա ազատ խղճմտանքով և գիտակից ազատությամբ» պիտի լինի²⁵: Կրոնական կաշկանդումներից ազատ քանական մարդը միայն կարող է կրել ազատության մեծ իդեալը. «Կյանքն այն ժամանակ կզարգանա, — գրում էր Տեր-Մելքիսեղեկյանը, — ժողովրդի տնտեսական ցավերն այն ժամանակ կողջանան, երբ թույլ կտանք քանա-

23 Գ. Տեր-Մելքիսեղեկյան, նշվ. աշխ., էջ 19:

24 Նույն տեղում, էջ 14—16:

25 Մ. Նալբանդյան, ԵԼԺ, հ. 3, էջ 23:

վոր մարդին յուր բանականությունը գործադրելու ազատությունով, չկաշկանդելով այդպես մնալ յուր նախկին դրության մեջ, և տղիղ, ինչ բանի համար է շնչել ազատ աստվածը մարդիս մեջ ազատ մտածողության ընդունակությունը, մինչդեռ պիտո է սա փթեր անգործության մեջ, բանտարկված լինելով ահռավախի և սպառնալիքների մեջ»²⁶: Հրապարակախոսը կրոնական դարավոր մտածողության ու գիտակցության փոխարեն առաջարկում էր ինքնաազատագրման ուղին բռնած գործնական մտածողությունն ու բարոյականությունը:

Օ. Կոնտի, Բենթամի և Ջ. Ստյուարտ Միլլի պողիտիվիստական փրիլիսոփայությունից քաղելով այս բմբռնումները, Տեր-Մելքիսեղեկյանը, բանական բարոյականությունը հակադրում է կրոնական հարկադրանքի «սպաբարոյականացնող գործողությանը» և, ինչպես անգլիական օգտապաշտները, կրոնի և կրոնական գործունեության ամբողջ սահմանափակությունը տեսնում «ավտորիտետության և համոզման քայակայություն» այն ավանդական և ուժեղ սովորույթի մեջ, որը հետևանք է բարոյականության բնական գործոնների, բնական օրենքների անտեսման կամ ոտնահարման²⁷:

1876 թվականին Գ. Տեր-Մելքիսեղեկյանը Ելիզավետպոլի նահանգից վերադառնում է Թիֆլիս: Այստեղ նրան բերել էր ըստ երևույթին լրագիր հրատարակելու մտադրությունը: Սակայն իրագործել այն չափազանց դժվար էր: Ամենից առաջ անհրաժեշտ էին դրամական միջոցներ, իսկ նա ոչ միայն դրամ տնտեսելու սովորույթ չուներ, այլև ունեցածն էլ կամ անմիջապես ծախսում էր, կամ բաժանում չքավոր գյուղացիներին:

Տեր-Մելքիսեղեկյանը հայրենի գյուղում մասնավոր դպրոց բանալու առաջարկ է ստանում համագյուղացի մեծահարստներից: Այդ ժամանակ Շուլավերի ծխական դպրոցը դադարել էր գործելուց: Գյուղի ունեւորները որոշել էին իրենց երեխաների համար մի ուսուցիչ բերել տալ մայրաքաղաքից: Հայրենի գյուղում գոր-

²⁶ Գ. Տեր-Մելքիսեղեկյան, նշվ. աշխ., էջ 19:

²⁷ С. Зенгер, Дж. Ст. Милль, С. Петербург, 1903, стр. 168—171.

ձեւը մեծ երջանկություն էր Մեւքիսեղեկյանի համար, մանավանդ Թիֆլիսը բավական մոտ էր և ինքը կարող էր մասնակցել մայրաքաղաքի գրական-հասարակական եռուն կյանքին: Սկզբում գործերը լավ են ընթանում, բայց շուտով երիտասարդ ուսուցչի դեմ են դուրս գալիս ոչ միայն նախկին ծխական դպրոցի վարժապետները՝ տեր-Սահակ և տեր-Պողոս Իսահակյանները, այլ և այն մեծատունները, որոնք հրավիրել էին նրան գյուղում աշխատելու: Պատճառը, ինչպես բացատրում է ինքը՝ Տեր-Մեւքիսեղեկյանը, չբավոր գյուղացիների երեխաներին ձրիաբար դպրոց ընդունելն էր: Շուտով փակվում է Տեր-Մեւքիսեղեկյանի այս դպրոցը: Տեսաւերը մի լավ ձեռնում և դուրս է նետում նրան դպրոցից, թեև հին ու կիսաքանդ շինութիւնը վերանորոգվել և վերականգնվել էր վերջինիս ծախքերով: «Դրանից ետ,— գրում է Տեր-Մեւքիսեղեկյանը,— մենք բոլորովին հեռացանք քեզիսուզաներից, աղաներից, անարժան հոգեւորականներից և դարձանք իսկական մշակ քյասիբ, անօգնական գեղական դասին: Ձեռք զարկեցինք ժողովրդական ուսումնարանին»²⁸: Այս ուսումնարանն է ահա, որ գյուղացիների ղոհողութիւններով և Տեր-Մեւքիսեղեկյանի համատությամբ մի քանի տարի գործում է գյուղում՝ հարուցելով ինչպես Ռ. Նադիրյանի, այնպես էլ գյուղական մեծահարուստների թըշնամանքն ու ատելութիւնը: «Ուսումնարանի բոլոր արդունքը մտնելով խեղճ գեղըցիների որդոց կոշիկների և գրքերի վրա,— գրում էր Տեր-Մեւքիսեղեկյանը,— մենք հազիվ ապրում էինք խնդրագրութիւններով ու բողոքագրութիւններով»²⁹: Ժողովրդական այս ուսուցչի համբավը վաղուց էր տարածվել Շուլավերում և շրջակա գյուղերում: Սրա քարոզչական գործունեութեան շրջանակները ձգվում էին մինչև Լոռվա խուլ ու խավար գյուղերը, ուր հասնում էր աշակերտների հետ, ցուպը ձեռին, որպես մի արեւելյան դերվիշ, սկսում էր քարոզը՝ հարուստների դեմ պայքարելու անհրաժեշտութեան, միավորվելու, գյուղական դպրոցներ հիմնադրելու, գյուղատնտեսական մեքենաներ գնելու, քիմիայի, եվրոպական երկրագործութեան մասին:

28 Գ. Տեր-Մեւքիսեղեկյան, Նվեր քյասիբ գեղըցիներին, Թիֆլիս, 1879, էջ 2, 29 նույն տեղում:

Շուլավերի տատաստանական սրբատավ Գ. Ասատիանին և հաշտարար դատավոր Պուրցելաձեն հովանավորում և աջակցում էին Տեր-Մելքիսեղեկյանին: Երկուսն էլ ազատամիտ երիտասարդներ, մանավանդ Ասատիանին, որ Պետերբուրգի համալսարանի իրավաբանական ֆակուլտետի վերջին կուրսից հեռացվել էր ուսանողական «ազատական շարժումների մասնակցելու համար», ամբողջ հոգով նվիրվել էին գյուղական շքավորության դատին և իրենց ունեցած իշխանությունն ու ուժը գործադրում էին հայ, վրացի, թուրք գյուղացիների շահերը պաշտպանելու համար: Այս մտավորականների հետ Տեր-Մելքիսեղեկյանի մտերմությունը հոգևոր-գաղափարական էր: Ըստ երևույթին, ժողովրդասիրական իրենց գործունեության մեջ նրանք երեքն էլ առաջնորդվում էին միևնույն սոցիալական համոզումներով: Խնդրագրերը, բողոքագրերը, որ Տեր-Մելքիսեղեկյանը գրում էր գյուղացիների անունից, շնչին եկամուտներ էին բերում: Երբեմն Պուրցելաձեն թուլյավորությամբ նա դատական գործեր էր վերցնում և դատապաշտպանի պես ստանձնում: «Նրա ամեն մի պաշտպանության գործն ավելի նման էր մի քաղաքական միտինգի», — հիշում է Վ. Միրաքյանը³⁰:

Վաստակածը դարձյալ բաժանում էր գյուղացիներին: Մի մեծ երազանք ուներ՝ լրագիր հրատարակել և հրապարակայնորեն պաշտպանել շքավոր գյուղացու, հասարակի իրավունքը:

1878-ին լույս ընծայած «Մեր-Կովկասի հիմնկվան լրագիրներ» գրքույկը պարզում էր Տեր-Մելքիսեղեկյանի հայացքները, ինչպես Կովկասի պարբերական մամուլի ուղղությունների, այնպես էլ դեմոկրատական այն մամուլի վերաբերյալ, որ դեռ ստեղծելու գործ էր կամ թե նոր միայն պիտի երևան գար: «Կովկասում ազնիվ ու դիտական ուղղություն ունեցող գրականություն դեռևս չկա», — այս նիհիլիզմը ինքնօրինակ երևալու արդյունք չէ³¹: Տեր-Մելքիսեղեկյանը հստակորեն էր պատկերացնում մամուլի երեսպաշտությունը, կախումը դրամից, դիմակավորվածությունը:

30 ԳԱԹ, Վ. Միրաքյանի ֆոնդ, գործ № 180, էջ 61:

31 Գ. Տեր Մելքիսեղեկյան, Մեր Կովկասի հիմնկվան լրագիրները, Թիֆլիս, 1878. էջ 1:

ինութագրելով պարբերական հրատարակութիւններն իրականացնող մարդկանց իսկական մտադրութիւններն ու նպատակները, հրապարակախոսը նկատում էր. «Տեր աստված, ինչքան տեսակ ճիճուններ կտեսնեք, որոնք թաք են կացած բոլորն էլ հասարակաց արյունը ծծելու համար: Ինչպես ճարպիկութիւնով շինած, սարքած է էդ հասարակաց արյունծծութիւնն, ինչպես, վերջապես, դժվար և վտանգավոր բան է ճշմարտասեր գրչի համար հայտնել էդ բոլոր կեղտոտ տեսարանները էնպես, որ շմթնացվի տպավորութիւններն ու մեղադրանքների պարզութիւնն ու ամբողջութիւնը»³²: Եվ ճշմարտասեր այս գրիչը, իրոք, կարողանում է բավական սրամիտ, իրավացի ու համարձակ բնութագրումներ կատարել, որոշելով կովկասահայ լրագրական ուղղութիւնների դասային-կուսակցական պատկանելութիւնը, գաղափարախոսութեան տարերքը և գործնական շահախնդրութիւնների ուղղակի կայը «ազգասերների ջեբերի կարմիր շահերի» հետ: «Առաջին ուղղութիւնը,— ասում է Գ. Տեր-Մելիքիսեղեկյանը,— ազգային կամ պահպանողական ուղղութիւնն է. դրա գլխավոր ներկայացուցիչն է «Մեղու Հայաստանի» լրագիրը»³³: Ռամիկ ու նախապաշարված ամբոխը այդ լրագրի մեջ տեսնում է ազգի պատմական կորած փառքը վերականգնելու համար մարտող մի ուժ: Ժողովրդական դարավոր նախապաշարմունքներին արձագանքելու իր հմտութեամբ, ազգի շահերը հայտնի կամ ծածուկ թշնամիներից որպես թե պաշտպանելու «ճարպիկութիւնով» այս լրագիրը ամբոխի «հարգանքն իր կողմն ունի քաշած»: Բայց այդ բոլորը «գրավիչ ականատեսներ են», որպեսզի ծածկեն լրագրի իրական դիտավորութիւններն ու քարոզած գաղափարների հետամնացութիւնը: Հիշյալ լրագիրը կատաղութեամբ հարձակվում է ամեն մի «առողջ գաղափարի» վրա, պաշտպանում ազգային հոռի նախապաշարմունքները, հաճոյանում ամբոխի «պականաված ճաշակին», խնկարկում լուսավորութիւնը հալածող ամեն մի մեծահարուստի և դարձյալ ու դարձյալ մղվում պահպանելու հինն ու ավանդա-

32 Գ. Տեր-Մելիքիսեղեկյան, Մեր Կովկասի հիմնկվան լրագիրներ, Թիֆլիս, 1878, էջ 2:

33 Նույն տեղում, էջ 3:

կանը. «Իրերի հին կարգը պահպանելը էդպեսով, — եղբակացում է հրապարակախոսը, — նրա (ազգային-պահպանողական ուղղության — Կ. Գ.) հոգին է ու միակ գործնական միջոցը իր փոսած գոյությունը ապագայում պահպանելու համար»³⁴;

Արմատական դեմոկրատիզմի նույն գիրքերից է բնութագրվում նաև «Մշակ» լրագրի ուղղությունը: Թեև «Մշակը» ըստ էության սպաքարում է պահպանողականության դեմ և քարոզում առաջադիմություն ու շարժում, այնուամենայնիվ, սրա իսկական ուղղությունը «վարդապետական (քարոզողական) է». «էդ քարոզաբանությունը չի ստուգվում փաստերից ու վաղմուտ է նրա սիրելի առարկան», — ասում է Տեր-Մելքիսեղեկյանը: Հակասական, շատ դեպքերում անլուրջ, մի օր «համաշխարհական քաղաքացի», մի այլ օր՝ ազգասեր, մի դեպքում որպես թե քաղաքական մեծ հարցեր վճռող, մի այլ դեպքում մանր բամբասանքի ու շարախոսության գերի, օտարի մտքերը յուրացնող, շմահավան, գոռոզամիտ ու նույնպես իր «ջիբի համար» աշխատող այս լրագրի ամենամեծ բացը այն է, որ նախ՝ իրեն հուշակում է «ժողովրդական մշակ», մինչդեռ ասլորում է ու մտածում «արխատոքատիքաբար» և արհամարհում է «արժանավոր ժողովրդական գրողների փաստավոր աշխատանքը» և երկրորդ, որ հետաքրքրվում, մտածում ու խորհում է միայն այն հարցերի շուրջ «...որոնց հաջտնի վճռից ունի հույս ուղղակի կամ անուղղակի կերպով ստանալ օգուտ»³⁵: Եվ չնայած այս ամենին, «Մշակը», այնուհանդերձ, ջանք է անում «բարվոքեցնել հասարակական դրությունը», «ղրստել» հասարակական կարծիքները և նախապաշարմունքները: Հատկապես արժեքավոր են «Գավառական նամականիի» նյութերը և մասնավորապես Բաֆֆիի գրվածքները: «Մշակը» այս տեսակետից նույնիսկ իր ազդեցության տակն է առնում «Մեղվին»³⁶: Տեր-Մելքիսեղեկյանի այս բնութագրումների էական կողմն այն է, որ այդտեղ արտացոլված ենք տեսնում սոցիալական դեմոկրատիայի հատու, անխնա և աննախապաշար կարծիքը ազատամտական գործիմա-

34 Գ. Տեր-Մելքիսեղեկյան, Մեր Կովկասի հիմնիվան լրագիրներ, էջ 4:

35 նույն տեղում, էջ 5—7:

36 նույն տեղում, էջ 7—9:

ցութեան և քարոզչական երեսպաշտութեան վերաբերյալ: Հրապարակախոսը անձնական կիրք չի դնում քանավե՛ճի մեջ: Նա, որպէս հետեւողական դեմոկրատ, կովկասահայ մամուլի զլխավոր ուղղութիւններէ հասարակական արժեքը չափում է՝ «ժողովրդական կարիքներին քա՛վականութիւն տալու, իսկական կյանքից բարեխիղճ կերպով փաստեր ու թիւանշաններ հավաքելու» ծրագրի իրացման դիրքերից: Սոցիալական դեմոկրատիան պետք է մամուլի իր օրգանը ստեղծի, մի լրագիր, «...որ ունենալով մի ավելի ազատամիտ, ավելի փաստավոր ձգտումն, հեռանա և խորշի միանգամայն վերոհիշյալ մեծ թերութիւններէ ու անկատարելիութիւններէ և հարմարվի ժողովրդական կարիքներին»³⁷,— ասում էր հրապարակախոսը: Այստեղ տեսնում ենք մամուլի հանրային գործունեութեան և բովանդակութեան շուրջ նարոզնիկական մտայնութեան որոշակի ազդեցութեամբ ձևավորված տեսակետներ: Քիչ անց «Գործի» նարոզնիկ հրապարակախոսները պիտի կրկնեն ժողովրդական կյանքի ու կարիքների քարեխիղճ և փաստալի հետադոտութեան անհրաժեշտութեան մասին Տեր-Մելքիսեղեկյանի այս առաջարկները:

Տեր-Մելքիսեղեկյանը այսօրում էր մամուլի իր օրգանը ստեղծելու ցանկութեամբ: Գիմումները, բաղամթիվ փանդրագրերը, 1879 թվականի աշնանը, վերջապէս բերին երազած թույլտվութիւնը: Նրա ցնծութիւնը սահման չունէր: Ժամանակակիցները պատմում են, որ նա բոլորին ցույց էր տալիս խմբագրի իր կնիքը և մանկան միամտութեամբ ասում. «— Գիտե՞ք, ես այժմ խմբագիր եմ, բայց ոչ ինչպէս Գրիգոր Արծրունին, որն իր հարուստ գեներալ հոր միլիոնարժեք քարվանսարանները ծախելով հրատարակում է բուրժուական «Մշակ» թերթը, այլ ես իմ այս վերջին հին սյուրտյուկս ծախելով, քյասիք գեղըցիներէ և խեղճ աշխատավորների աշխատանքի իրաւունքն եմ պաշտպանելու իմ «Աշխատանք» թերթում ընդդէմ բոլոր ճնշողների, թշնամիների»³⁸:

«Աշխատանք — Труд» շաբաթաթերթի առաջին համարը լույս

37 Գ. Տեր-Մելքիսեղեկյան, Մեր կովկասի հիմնական լրագիրներ, էջ 9:

38 ԳԱԹ, Վ. Միրաբեյանի ֆոնդ, գործ № 180, էջ 67—68:

տեսալ 1879 թ. դեկտեմբերի 15-ին³⁹: «Մշակում» նախապես տպագրված հայտարարություններից երևում է, որ Տեր-Մելքիսեդեկյանի շաբաթաթերթը հրատարակվելու էր «Кавказ» լրագրի շափով և ունենալու էր մի շարք բաժիններ՝ քաղաքական, գրական, կենցաղային, լրատվական, նամականի և այլն⁴⁰: «Աշխատանք — Труд»-ը լույս էր տեսնելու հայերեն և ռուսերեն լեզուներով: Գ. Արծրունին շաբաթաթերթի առաջին համարին նվիրել էր մի ֆելիետոն, որից երևում էր, որ սրա անդրանիկ առաջնորդողը նվիրված է եղել «ռուսաց պետական բյուջեի քննութայնը» և եվրոպական դիվանագիտութայնը⁴¹: «Աշխատանք — Труд»-ի մեր ձեռքն անցած վերջին և միակ համարից կարելի է մոտավոր պատկերացում կազմել շաբաթաթերթի ուղղության, տպագրական նյութերի որակի և մանավանդ խմբագրի լրագրողական ընդունակութայնների մասին: «Աշխատանք—Труд»-ը լույս է տեսել ընդամենը 8 համար⁴²: Հայերեն և ռուսերեն նյութերը գրում կամ ռուսական լրագրերից առնելով թարգմանում և վերատպում էր ինքը՝ խմբագիրը: Ընդ որում, բոլոր ծառայութայնները՝ տպարան նյութեր տանելուց սկսած մինչև լրագիրը փողոցում վաճառելը կատարում էր դարձյալ խմբագիր-հրատարակիչը:

Հայ պարբերական մամուլի պատմաբանները «Աշխատանք—Труд»-ի էջերում կարող են գտնել գյուղացիական դեմոկրատիայի այն գաղափարախոսին, որ փորձում է, գրաքննչական հետամուտումների ու հսկողութայն վրայով, հասարակութայնը ասել իրոք դառնադի ճշմարտութայններ:

1881 թ. մարտիմեկյան իրադարձութայններից հետո շաբա-

³⁹ «Աշխատանք—Труд»-ի բոլոր համարները գտնելու մեր որոնումները առայժմ ապարդյուն են անցել: Վ. Միրաքյանի ֆոնդում Գ. Տեր-Մելքիսեդեկյանի մասին պահվող հուշերի և այլ գրութայնների մեջ գտանք շաբաթաթերթի 1882 թ. վերջին ու միակ համարի արտագրութայնը, որ կատարել էր բանաստեղծը Գ. Լևոնյանի մոտ պահվող բնօրինակից:

⁴⁰ «Մշակ», 1879, № 85:

⁴¹ «Մշակ», 1879, № 229:

⁴² «Русская периодическая печать 1703—1894 гг.», составил и издал Н. М. Лисовский, вып. 1. С. Петербург. 1895, стр. 96. Կիսովսկու տրվյալներով «Աշխատանք — Труд»-ը ունեցել է 12 համար:

թաթերթը հրատարակվում էր առաջին անգամ: Կովկասում նշա-
 նակվել էր նոր կառավարիչ՝ Ա. Մ. Գոնդոկով-Կորսակովը: Տեր-
 Մեկքիսեղեկյանը անդրադառնում էր Կովկասի գլխավոր կառա-
 վարչի երկրում վարելիք հնարավոր քաղաքականությունը, Ալեք-
 սանդր Յ-րդի հրովարտակին և ժողովրդի դրուժյունը բարվոքելու
 այն խոստումներին, որ տալիս էր նոր ցարը իր հպատակներին:
 Անդրկովկասի վերաբերյալ, — ասում էր Տեր-Մեկքիսեղեկյանը, —
 «ժողովրդական դրուժյունը լավացնել» խոսքը այլ բան չի նշա-
 նակում, քան սոցիալական մեջ թարթափող ազգաբնակչության
 հսկայական մեծամասնությանը հնարավորություն տալ ճանաչելու
 իր իրավունքները, սովորեցնել «հասարակագիտական ու արհես-
 տագիտական» գիտելիքներ, լուսավորել նրան⁴³: Մամուլը պար-
 սավոր է աջակցել այդ գործին, ինչպես որ կովկասյան կառա-
 վարիչը՝ հովանավորել այն: Տեր-Մեկքիսեղեկյանը այն միտքն է
 անցկացնում, որ մարտիմեկյան իրադարձություններից առաջ ինչ-
 պես տեղական մամուլը (որ «հայտնի անձանց և հայտնի կուսակ-
 ցությանց ձեռքերում» վերածվել էր «ժողովրդին ճնշող միջոցի»),
 այնպես էլ Կովկասի փոխարքա իշխան Վորոնցովը, այնուամենայ-
 նիվ, ժողովրդի ընդհանուր լուսավորության հարցերով շատ քիչ
 են զբաղվել: Գրագիտությունն ու արհեստագիտական գիտելիք-
 ների տարածումը ժողովրդական ներքնախավերում և մանավանդ
 անդրկովկասյան գյուղերում ու շեներում պետք է դառնա նոր
 փոխարքային և տեղական մամուլը զբաղեցնող միակ ու բախտո-
 բոշ խնդիրը: Նայեցեք Բորչլավի գավառին. այստեղ կան հազա-
 րավոր ծխեր (թե հայ, թե թուրք), որոնք ոչ մի ուսումնարանից
 չեն օգտվում: «Այդ բավական լայնատարած մասերում, բացառու-
 թյամբ Զալալ-Օղլի ավանը, ոչ մի գյուղում չեք գտնիլ դուք բո-
 լորովին ոչ մի շատ թե քիչ կանոնավոր դպրոց, ուր գյուղացի
 երեխաները հաճախեին գրագիտություն և որեէ օգտավետ բան
 սովորելու»⁴⁴:

Անդրկովկասի գյուղացիների ներկա ցավալի վիճակը հար-

43 «Աշխատանք—Труд», Թիֆլիս, 1882, № 1:

44 Նույն տեղում:

կադրում է մեզ մտածել,— ասում էր Տեր-Մելքիսեղեկյանը,— որ փոխարքայի «սպազա գործունեությունն ծրագրի մեջ» առաջնակարգ տեղը գրավելու է երկրամասի գյուղերում և շենքերում «պարտավորեցուցիչ կերպով դիտություն և արհեստագիտություն տարածելը»⁴⁵։

Ինչպես տեսնում ենք, անգամ 80-ական թվականների սկզբներին, Տեր-Մելքիսեղեկյանը սահմանել էր լուսավորության միջոցով սոցիալական բարեփոխումների հասնելու, ժողովրդի դրությունը բարվոքելու մտայնությունը։ Որպես լուսավորիչ-ղեմակրատ հրապարակախոսը ընդհանուր-սպարտադիր ուսուցում մտցնելը փրկարար միջոց էր համարում գյուղացիության տնտեսական ու բարոյական դրությունը վերափոխելու գործում։

«Աշխատանք — Труд»-ը «Հաղորդակցություններ» վերտառությունք բաժնում հետաքրքիր նյութեր էր տպագրում դավառական և գյուղական ուսումնարանների վերաբերյալ։ Այստեղ է Տեր-Մելքիսեղեկյանի Շուկավերում գյուղական բաղմունքյան առաջ արտասանած ճառի սեղմ վերաշարադրանքը։ Խոսքը դարձյալ գյուղական ուսումնարանների, թեմական տեսչի, հոգաբարձուների և վերատեսուչների փոխհարաբերությանն է վերաբերում։ Թե ինչ բարձիթողի վիճակում է ուսումնական գործը գալառնելում և գյուղերում, կարելի է տեսնել հետևելով թեմական տեսչի գործունեությունը։ Շուկավերը, որ Թիֆլիսից մի քանի ժամվա հեռավորության վրա է, տարիներով տեսչի երես չի տեսնում։ Խսկ ինչ վիճակի մեջ են այն ուսումնարանները, որոնք «...դուրկ են հոգաբարձուներ և վերատեսուչներ ունենալուց» և գտնվում են Թիֆլիսից «երեք օրվան և ավելի հեռավորության վրա»։ Գալառի տիրացուական վարժարաններում ինքնակոչ վարժապետները, անդրազետ, «հասարակ կարգալ և գրել անգամ չգիտցող» խալֆեքը, ազատ վերահսկողությունից և պատժից, փաստորեն ձախողում են ազգի լուսավորության գործը։

Շաբաթաթերթը տպագրում էր և դանազան լուրեր մայրաքաղաքի կյանքից (ինչպես Գոգոլի «Վերաքննիչի» հայկական քե-

45 «Աշխատանք — Труд», Թիֆլիս, 1882, № 1։

մադրության, Գ. Այվազովսկու հոգեհանգստի մասին և այլն), նաև թղթակցություններ Բորչալուի գավառից, ուր բերվում էին փաստեր գյուղացիներին կողոպտելու՝ դատարանի, կալվածատերերի և գողերի համաձայնեցված գործողությունների մասին: Գողացել են գյուղացի Մելիքսեթի եզները: Դուբանչի Մելիք-Աղամյանցը 90 սուբլի է ուզում սրա անասունը վերագարձնելու համար: Մելիքսեթը վճարում է գողերի պահանջածը և ետ ստանում եզները: Դատական քննիչ Գամրիկիլովը յոթ ամիս ձգձգում է այս գործի քննությունը և ոչ մի ընթացք չի տալիս: Այս նույն թղթակցության շարունակությունը գտնում ենք շաբաթաթերթի ռուսերեն էջում, որտեղ Տեր-Մելիքիսեղեկյանը բազմապատկում է Գամրիկիլովի դատավարական գործունեությունը մերկացնող փաստերը: Հետաքրքիրը Շուլավերից ուղարկված այս նամակի եզրափակիչ մասն է: «Բայց,— գրում է թղթակիցը,— բերված օրինակները, ենթադրում եմ, բավական է ցույց տալու համար, որ աղքատությունը և տգիտությունը, որի մեջ գտնվում են շուլավերցի պաշտպանները, թույլ չեն տալիս նրանց որևէ բողոք հայտնել պատվելի կուլակների դեմ, կուլակներ, որոնք կամայականորեն տնօրինում են նրանց քաղաքացիական իրավունքները և ունեցվածքը»⁴⁶: Այս նույն նամակում բերվում են գյուղերում հարկահավաքման դաժանությունը և կամայական բնույթը բացահայտող փաստեր ևս: Գյուղի պատվելիները հարկերը հավաքում են առանց հաշվեմատյանի և հսկայական գումարներ յուրացնում: Գյուղական տանուտերը, ըստ օրենքի, պետք է որ արգելի նման կամայականությունը և կողոպուտը. «Բայց տանուտերը, մեղանում, փոխանակ մտահոգվելու այն բանով, որ մարդիկ պահպանեն իրենց հասարակական իրավունքը և շահերը, հաճախ հենց ինքն է հանդիսանում այդ իրավունքների և շահերի ոտնահարողը»⁴⁷:

Թիֆլիսից շաբաթաթերթին ուղարկած մի թղթակցության մեջ հոդվածագիրը քանակվածում է «Обзор»-ի հետ՝ բանվորի օրական

46 «Աշխատանք—Труд», Թիֆլիս, 1882, № 1:

47 նույն տեղում:

միջին եկամուտի հարցի շուրջ և ապացուցում, որ բանվորը, որպես աշխատավարձ, չափազանց շնչին գումար է ստանում իր ընտանիքը սպասելու համար:

«Աշխատանք — Труд»-ը հատուկ և ընդարձակ հոդված է ելվիրում Թիֆլիսի քաղաքային հիվանդանոցում տիրող ահավոր պայմանների նկարագրությանը:

Շաբաթաթերթի նյութերին նվիրված թոռցիկ այս ակնարկից պարզ երևում է, որ Տեր-Մելքիսեղեկյանը լրագրական իր գործունեության մեջ առաջնորդվում էր մամուլը «ժողովրդական կարիքներին ու պահանջմունքներին» ծառայեցնելու իր իսկ նախընտրած ծրագրով, և աշխատում էր, որքան կարելի է, փաստերի մերկացնող ուժով և արամաբանությանը դադել հասարակական կյանքի արատավոր կողմերը: Տեր-Մելքիսեղեկյանի դեմ Պ. Սիմոնյանցը (Քաղքցի) մի ֆելիետոն տպագրեց, ուր նկատում էր, թե «Աշխատանքը» «Մշակի» երկվորյակն է, և որ «կճուճը զլորվել յուր խուփը գտել է»⁴⁸: Որոշ իմաստով այս որակումը հիմքեր ուներ, քանի որ Տեր-Մելքիսեղեկյանը փորձում էր աշխատավոր ժողովրդի շահերը պաշտպանել «ավելի ազատամիտ, ավելի փաստալից և ավելի քննադատական» գիրքերից: Որքան էլ Գ. Արծրունին Տեր-Մելքիսեղեկյանին հանճարի մանիպյով տառապող մեկն էր համարում, այնուամենայնիվ, այս գործչին հովանավորողի ներողամտությամբ էր վերաբերում: «Մշակն» էր տպագրում «Աշխատանք — Труд»-ի նախահրատարակչական թուրը հայտարարությանները, հանձնարարականները և պրոպագանդում «նվեր քյասիբ -գեղըցիներին» գրքույկը, շնայած Տեր-Մելքիսեղեկյանը այնպես խիստ, կարելի է ասել, ոչնչացնող լեզու էր բանեցրել «Մշակի» դեմ՝ «Մեր Կովկասի հիմիկվան լրագիրները» գրքույկում:

Չափազանց դժվար էր մեն-մենակ, առանց աշխատակիցների և դրամի, Թիֆլիսի նման մի քաղաքում, լրագիր հրատարակելը: Շուլավերից, որտեղ ապրում էր, մինչև Թիֆլիս — 56 վերստ, Տեր-Մելքիսեղեկյանը ոտքով էր անցնում՝ ամբողջ ժամանակ ուղեկիցներին քարոզելով «իր հասկացած սոցիալիզմը»⁴⁹: Միայն

48 «Մեղու Հայաստանի», 1880, № 29:

49 ԳԱԹ, վ. Միրաբյանի ֆոնդ, գործ № 180, էջ 70:

լրագիրը չէր նրա հոգսը: Վարժարանը, քարոզչական գործունեությունը գյուղերում, լրագրի աշխատանքը խլում էին նրա ժամանակի ու էներգիայի մեծ մասը:

«Նվեր քյասիբ գեղըցիներին» գրքույկում (1879 թ.) Տեր-Մելքիսեղեկյանը շարադրել է իր քարոզչական ելույթներից մեկը՝ Շուլավերի հասարակության առաջ: Այդ հրապարակային ատենախոսությունը լավագույնս ներկայացնում է 70-ական թվականների կովկասահայ նարոդնիկության գաղափարական կողմնորոշումների ու տնտեսական ծրագրերի բնույթը:

Գրքույկը ուներ մուտք-առաջաբան և ձոն՝ «Նվեր քյասիբ գեղըցուն» վերնագրով: Վերջինս բացահայտում էր գյուղաշխարհի ցավերին ու կարիքներին անսահմանորեն նվիրված մի ֆանատիկ մարդու ըմբռնումները՝ աղքատ գյուղացու հասարակական դրությունը բարեփոխելու ուղիների վերաբերյալ: Ձոն-նվիրումը սկզբվում էր գյուղական սքանչելի հորովելի հոգնաբեկ նվագով.

Հորովել, ա՛հ եղբ ջան,
Քե մատաղ, քու նանին դուրբան,
Կալ արա, տարման արա, ա՛հ եղբ ջան,
Տարմանը քեզ, ցորենն ինձ, ա՛հ բալամ ջան,
ա՛հ փուզի ջան, հորովել...

Երգի թախծոտ հնչյունների միջից հառնում էր հողի աշխատավորի մաքուր ու անբասիր կերսպարանքը, և ընթերցողը խսկույն ներքաշվում էր տրամագրությունների այն ոլորտը, ուր այնպես անկեղծորեն արտափայլում էին քյասիբ գյուղացու ճակատագրով մտահոգ այս գործչի հոգու անխառն զգացումները. «Քանիցս անգամ ականջ եմ դրել քո հորովելներին, որոնցը երգում է քո կուպտացած ձենը գրեթե ամեն ամառվան վերջ, կալ կալսելիս, և քանիցս անգամ սարերի վրա, ձորերի մեջ միս-մենակ Մաղվել եմ մտածմանց մեջ քու մասին»⁵⁰: Այս մտածմունքների միջից բարձրացել է ճշմարտությունը աղքատ գյուղացու առօրյա հոգս ու

50 Գ. Տեր-Մելքիսեղեկյան, Նվեր քյասիբ գեղըցիներին, Քիֆլիս, 1879, էջ 71:

կարիքի, ապրուստի և աշխատանքի, սիրո ու տառապանքի մասին: Խոսքի անձնաշեշտ գեղեցկությունը, բարբառային հնչերանգը, անմիջականությունը ստեղծում էին անկեղծության և հարազատություն մի միջնորդ, որ անմիջապես անկաշկանդ կապ էր հաստատում հրապարակախոսի և ընթերցողի միջև: Վստահությունը և հավատը միմյանց նկատմամբ ծնվում էր հենց այդտեղ: Նայելով քո կյանքի վրա «...ես տեսա, որ դու աշխատում ես սաղ տարին բյուրոն,— դիմելով գյուղացուն ասում էր Տեր-Մելքիսեղեկյանը,— միշտ հանապաղ յա մեջքը կոպցած բաղերի ու քուլերի մեջ, յա հլա թե չէ՝ քրտնակոխ ըլած հունձ անելիս արտերի երեսին...»⁵¹: Գյուղացու հետ ղրուցելու այս եղանակը սրտաբաց անկեղծությունից զատ բերում էր և հոգևոր մերձավորության այն ոգեղեն շունչը, որ մտերմացնում է մարդկանց միանգամից և առանց կասկածի: Ամեն ինչ տեսել և գրողը, ամեն ինչ հասկացել ու ճանաչել գյուղացու, քյասիր գյուղացու կյանքում: Այս ուսմիկ հողագործը, այս խեղճ մշակը տարիներով իր «հալավը» հագից չի հանում, կեղտոտ է ու թշվառ, կերակուրը՝ ետին աղքատի, մեծ պասին՝ աղցան, շաբաթը մի անգամ լոբի, «ամա շատ անգամ՝ ցամաք հաց»: Խեղճի «օղլուշաղը»՝ կարոտ ամեն բանից՝ նորարություն է անում սրա-նրա դռանը: Ամբողջ տարին աղքատ ապրուստով և տաժանելի աշխատանքով իր օրն անցկացնող քյասիր գյուղացին, էլի մնում է պարտքակոխ, քյաթխուղաների սպասում կազնած, «անհախ կամ հացի գնով շաբաթներով ու ամիսներով նորարություն անելիս»:

Ուսումնասիրելով խեղճ ու Վուրկ այս մշակի կյանքի պայմանները և «ծանր կերպով քննելով» նրա խեղճության պատճառները — ես հասկացա, — ասում է Տեր-Մելքիսեղեկյանը, որ միայն սոցիտությունը և ուսում չունենալն է քյասիր գեղցու հազար տեսակ ցավ ու դարդի, նեղություն արմատը⁵²: Ծանաչելով ու հասկանալով այդ ամենը «ես փոխվեցի բոլոր սրտով»: Վրա հասավ

51 Գ. Տեր-Մելքիսեղեկյան, նվեր քյասիր գեղցիներին, Թիֆլիս 1879, էջ 8-
52 նույն տեղում, էջ 10:

հոգևոր ու մտավոր հասունացումը, մոռացվեցին բոլոր տեսակի ազդակցական-արևնակցական, ազգային զգացումները. «...սկզբսեցի էդ օրից սիրել առհասարակ ընդհանուր կարոտացած, բայց աշխատավոր մարդկության (քյասիբ գեղըցիներին. ռուս գեղըցիներին, հայ գեղըցիներին, վրացի թե թուրք գեղըցիներին, բոլորին՝ առանց զանազանության)»⁵³: Սա հավատամք էր, դրոշ, սըրբություն: Քյասիբ գեղցուն «անխղձմտանք կերպով թալանողներին» հանդես գնված առեկռությունը առանջորդվում էր հենց այդ հավատամքով: Գ. Տեր-Մելքիսեդեկյանը միջազգայնականի իր հպարտ կեցվածքով, գյուղական շահագործող վերնախավի նկատմամբ ցուցաբերած թշնամանքով և դասակարգային վրեժխնդրությամբ, զարմացնում էր բոլորին: Նա շէր քաշվում ոչ մեկից: Շուրավերի հասարակությանն ուղղած ճառ-քարոզում հրապարակախոսը, Մ. Նալբանդյանին նմանվելով ու հետևելով, գրում էր. «Մենք քարոզեցինք, որ քյասիբ գեղըցին մեղքն է, պետք է ցավենք նրա վրա ու շպիտի ծծենք նրա արյունը, ամմա պետք է մեր կարողության չափ օգնենք նրան, դարման լինենք նրա ցավերին: Ու էդ ոչ թե մենակ խոսքով ասեցինք, ամա աշխատեցինք, ինչքան կարելի էր գործով էլ նշանց տալ»⁵⁴: Կարելի է ասել, որ այստեղ սպարզ ու մեկին ձևակերպված են նարոդնիկական հավատամքի էական կողմերը: Հրապարակախոսը շեշտում էր իր դասակարգային համակրանքը՝ շահագործվող ու աղքատ գյուղացու նկատմամբ, լավ հասկանալով, որ բացահայտ ու անթաքուց այդ խոստովանությամբ միայն հնարավոր է սահմանազատվել «ժողովրդական մշակներից» կամ ձրի ժողովրդասերներից, այն արիստոկրատներիսպաշտներից, որոնք «զավանյան ցիգարից» կապույտ ծուխ արձակելով, «մի երկու ինքնահավան դատարկ խոսքեր կամ մեղապարտություններ են նետում ժողովրդի առաջ» և մաքուր հազնված ու գեղեցիկ գնում ճաշելու մեծահարուստների հետ:

Գյուղացիներին հասկանալի լինելու հետաքրքիր եղանակ էր ընտրել Տեր-Մելքիսեդեկյանը: Քարոզի սկզբում նա պատմում

53 Գ. Տեր-Մելքիսեդեկյան, Նվեր քյասիբ գեղըցիներին, էջ 10:

54 Նույն տեղում, էջ 17:

էր Շուլալերում իշխանների ու քահանաների իրեն ցույց տված բնդունելության մասին. «Ահա պ. Գրիգորն եկաւ, մեր որդոց ուսում կտա, ու էգուց էլ մեր սրդիքը իրանց ուսումով բարձր կլինեն գեղըցիների որդիերանցից», — ասացին իշխանները: Քյասիբ գյուղացիները իրենց հույսը կտրեցին: «Աերթուկավոր պ. Գրիգորը» իշխանների որդիներին ուսում կտա, իսկ մերոնք «կմնան էլի առաջվան խեղճության ու անուսումնոթյան մեջ», — ասացին նրանք:

— Ամմա ինչ ղայդի ես ժած եկա, — հարցնում էր հրապարակախոսը. «Իշխաններն ու անարժան տերտերները մի քանի հատ են ու անխղճատանք կերպով են ծծում ժողովրդի արյունը, իսկ քյասիբ գեղըցիները մի քանի հատի տեղ մի քանի հարյուրներ են ու... հալալ աշխատանքով են կառավարվում: Ուրեմն լավ ա, որ էն մի քանիսների աչքից ըլեմ, որ մի քանի հարյուրներին խեր բերեմ ու նրանց ցավին դարման ըլեմ: Էդ միտքն արի ու սկսեցի իշխաններից ու անարժան տերտերներից հեռանալ ու քյասիբներին սիրել ու էդ օրից սկսվեցավ կո՛ւլը — ես մի կողմից, իսկ իշխաններն ու անարժան տերտերները մյուս կողմից»⁵⁵: Այդ կո՛ւլը թեժացավ ատտիճանաբար: Սկզբում փորձում էին կաշառել սիրաշահել: Տերտերները կեղծավորում էին ու շոյում... Հետո, երբ տեսան քյասիբներին պաշտպանելու նրա հաստատամտությունն ու վճռականությունը հարձակվեցին ամբողջ թափով: Մեղիքներից մեկը թակեց, հայհոյեց ու դպրոցից դուրս շարտեց ինքնակոշխոսվարարին: Տերտերները դիմեցին թեմական առաջնորդին՝ Գ. Այվազովսկուն, վերջինս գրեց Թիֆլիսի նահանգապետին՝ տեղ հասցնելով իշխանների ու քահանաների գանգատը: Գործը սակայն անհետևանք մնաց: Միայն վարժարանի ու երեխաների ուսուցման հարցը չէր, որ մտահոգում էր գյուղի մեծահարուստներին: Ապստամբ վարժապետը պարզապես բացում էր միամիտ գյուղացիների խավար աչքերը, մերկացնում էր վաշխառուներին, քեդխոդաներին: Խաղողաքաղի ժամանակ հասկացնել էր տալիս որ, այդ անօրենները խոսքը մեկ արած գցում են

55 Գ. Տեր-Մելիքսեղեկյան, նվեր քյասիբ գեղըցիներին, էջ 14—15:

խաղողի արժեքը և գյուղացուց գրեթե ձրի գնում «բաղի երեսը»: Իսկ տասը թուման պարտքը այդպես էլ մնում է, որովհետև «բաղի երեսը» հաղիվ ծածկում է պարտքի բերած տոկոսը. «էդ պիտով գեղըցին դառնում է իշխանների ճորտը ու միշտ մնում կարոտության մեջ»⁵⁶:

Գյուղացիների պաշտպանին հալածել սկսեցին հոգևորականները, քանզի նրա մեջ տեսան ոչ միայն իրենց կարևոր հակառակորդին, այլև «երգվյալ թշնամուն»: Սա մերկացնում էր հոգևորների տգիտությունը, ընդաքաղց բարքերը, հանձնարարում էր իրենց կողմանն հավատարիմ պահվածք և վարվեցողություն: «Հոգևորականները, — գիմելով բազմությանը ասում էր Տեր-Մելքիսեղեկյանը, — ծծելով անխնա կերպով քյասիբ գեղըցու արյունը, պալատներ են շինում իրանց համար քյասիբ գեղըցու աշխատանքով»⁵⁷: Եվ փոխանակ ժողովրդի մեջ «հրեկերության հոգի տարածելու, ուսումը պատվելու», սկսում են խռովություն տարածել և ուսումը հալածել, որովհետև վախենում են լույսից՝ ինչպես ճըշմարտությունից⁵⁸: Կրթված ու իր գործը հասկացող գյուղացին նրանց օգուտ չի բերի: Լուսավորությունը կբացի ժողովրդի աչքերը, և սա կճանաչի իր իսկական թշնամիներին, կվերանա ուրեմն «ուստայությունով քյասիբ գեղըցու արյունը ծծելու» հնարավորությունը, և անարժան հոգևորականները կզրկվեն հասութի աղբյուրներից:

Մելքիսեղեկյանը պատմում էր հանդարտ ու անշտասպ, գյուղացիներին միանգամայն հասկանալի լեզվով, հուզիչ ու պատկերավոր: Ելույթի դասակարգային սրությունը, մերկացումների անողորմությունն ու թափը չէր խաթարվում այսպես ասած բարոյախոսական միջարկություններով, հանգամանք, որ նրա խոսքին տալիս էր մի գործնական փայլ և անկեղծությամբ ողողված հուզականություն:

Ուրեմն, իշխանները և հոգևոր տերերը շահախնդիր են քյասիբ

56 Գ. Տեր-Մելքիսեղեկյան, Նվեր քյասիբ գեղըցիներին, էջ 16:

57 Նույն տեղում, էջ 23:

58 Նույն տեղում:

գեղցու հետամնացութեամբ. նրանք կամենում են խավարի ու աղքատութեան մեջ պահել հասարակական բառիքները իսկական ստեղծողներին: Ի՞նչ միջոցներ կան այս դրութեանից դուրս գալու, ո՞րն է ուղին և ո՞ւր պիտի դիմե «քյասիբ գեղըցիին» իր բախտավորութեանը կռելու համար: Քարոզիչը բերում է ֆլամանդական գյուղացիների օրինակը, գյուղատնտեսութեանը վարելու նրանց փորձը: Տնտեսավարութեանը, սեփական հողակտորը մշակելու մեթոդները, անասուններին խնամելու եղանակը, կենցաղային հարմարութեանները (ընդարձակ, լուսավոր ու մաքուր գոմ, սուն և այլն), ամեն ինչից օգուտ քաղելու և ամեն ինչ խնայողաբար ու խելամիտ գործածելու ուղի մ սովորույթը ֆլամանդացու տնտեսական բախտավորութեան և բարեկենդանութեան նեցուկներն են: Տոսկանիայում գյուղացիները «միախոսք աշխատութեանով» հողերը փափկացնում են հենց իրենց միջոցներով կառուցած արհեստական ջրանցքների ջրով: Նայեցեք Շուլավերին, գյուղն ունի յոթ հարյուր տուն, մոտ երկու հազար աշխատող ձեռք և սակայն մինչև օրս էլ ջրի պակասը խեղդում է գյուղացիներին: Իսկ խընդիրը կարելի էր լուծել մի փոքրիկ ջրանցքի օգնութեամբ՝ Բորչավի ջուրը այստեղ բերելով. «Մենք շուլավերցիքս,— ասում էր Տեր-Մելքիսեդեկյանը,— փոխանակ մենք ինքներս գործ կատարելու, հույսներս դնում ենք մի քանի իշխանների վրա, որոնք ավելի իրանց փորի վրա են միտք անում, քան գեղի դրութեանը լավացնելու»⁵⁹: Իսկ այս վիճակը հետևանք է դիտութեան և ուսման պակասի: Եվրոպական գյուղացին գործի է դնում հողագործական նոր գործիքներ, թիեր, մեքենաներ և այլն, իսկ մերը պապենական փայտե գութանն է, եզներով վարելը, հնադարյան ու հնամենի սովորույթով ապրելն ու աշխատելը. «էլ չենք ասում, թե մի փորձ փորձենք հիմի էլ ուրիշ ղաչդի վազը կտրիլ, ուրիշ, ավելի հեշտ ղաչդով վարել մեր հողը և այլն, և այլն»⁶⁰: Ամեն ինչ՝ բարեկեցութեանը, լավ ապրուստը, բախտավորութեանը, երջանկութեանը ուսման մեջ է. եթե եվրոպացիք գալիս են մեր երկիրը և «հում ու

59 Գ. Տեր-Մելքիսեդեկյան, նվեր քյասիբ գեղըցիներին, էջ 31:

60 Նույն տեղում, էջ 34:

անուպատրաստ բերքերը» տանում իրենց աշխարհը, ու հետո մեր խոկ կաղնեփայտը, մետաքսը, գինին մեզ վերափաճառում տասնապատիկ թանկ գնով, ապա միայն ուսման ու գիտության շնորհիվ⁶¹: Գյուղացին՝ հայ, ռուս, թուրք, վրացի պետք է լուսավորվի, ուսերեն սովորի, տիրապետի գիտությանը որպեսզի կարողանա ոչ միայն գյուղատնտեսական գիտելիքներ ձեռք բերել, նոր մեթոդներով կառավարել տնտեսությունը, այլև պաշտպանել իրեն, իր շահերը, իր ունեցածը մեծահարուստների հարձակումներից: «Ուրեմն տեսնում եք, որ ուսումը շոր, մեռած ու անկենդան բան չէ... Ուսումը կյանք է, ուսումը զվաթ է, որ միշտ ու ամեն տեղ հրնկեր է դառնում, միշտ և ամեն տեղ օգնում է, ճամփեր է մեզ նշանց տալիս ցավից ազատվելու, մեր կյանքը ապահովեցնելու»⁶²:

Այսպես ահա նարոդնիկ-քարոզիչը բացարձակեցնում էր ուսման նշանակությունը՝ գյուղացիների մեջ լուսավորություն ու գիտություն տարածման հետ կապելով մարդկանց համար տնտեսական բարեկեցություն ստեղծելու հեռանկարներն ու հնարավորությունները: Լուսավոր հետադան նրան պատկերանում էր տարբեր սոցիալական-հասարակական հարաբերությունների հաստատման և միասնաբար ընդհանուրի երջանկությունը դարբնելու հոգեբանության ու մտայնության հաղթանակի ուղիներում: «Մենք բոլորս էլ, — գրում էր Տեր-Մելքիսեղեկյանը, — թուրք, ռուս, հայեր, ջհուղներ, վրացիք, — բոլորս էլ հրնկերներ ենք, որ պետք է հրնկերական կյանքի մեջ ման կյանք, փնտրենք մեր ուրախությունը:

Մտներդիցս դցենք մեր մասնավոր անբավականությունները, մեր մասնավոր շահերը ու սերը սրտով միանանք ընդհանուրի (բոլորի) շահը առաջ տանելու աննախանձ կերպով»⁶³:

Մանրբուժուական սենտիմենտալ այս հովվերգությունը չափազանց սազական էր «քյամիք գեղըցիներին» սոցիալական դրությունը բարեփոխելու ելած մեր ժողովրդասերի հասարակապետա-

61 Գ. Տեր-Մելքիսեղեկյան, նվեր քյասիք գեղըցիներին, էջ 34—36:

62 Նույն տեղում, էջ 43:

63 Նույն տեղում, էջ 43—44:

կան բաղձանքներին՝ Տեր-Մելքիսեղեկյանը, ինչպես վերհիշում է նրա աշակերտներից մեկը, հաճախ էր ոգևորված ասում. «—Շատ երկար չի քաշիլ, կդա ժամանակ միապետական կառավարությունները կվերանան, ժողովրդական կառավարություններ կդառնան»⁶⁴։

«Նվեր քյասիբ գեղըցիներին» գրքույկը փակվում էր գյուղացուն ուղղված մի սրտառուչ ոտանավորով, ուր հեղինակը հողի աշխատավորի մեջ արթնացնում էր դասակարգային գիտակցություն, պատվաստում «անիրավ բուրժուի» դեմ ըմբոստանալու և մաքառելու հոգեբանությունը։

Քյասիբ գեղըցի, մինչ ե՞րբ դու պիտի
Լինես ճնշված անիրավ բուրժուից,
Մինչ ե՞րբ խաբող սլուկների
Բերանք պիտի ծծեն քո սուրբ արյունից։

Համեմատելով աղբատ ու աշխատավոր գյուղացու զրկանքներով լի վիճակը՝ կյանքի զվարճությունները վայելող «բուրժուի» կուշտ և անաշխատ սոցիալական դրուժյան հետ, Տեր-Մելքիսեղեկյանը, այնուամենայնիվ, չէր կարողանում նշել հլքը, խոր այս հակադրությունը հաղթահարելու ուղին։ Գրողը ողբում ու կոծում էր հասարակական անարդարությամբ «քյասիբ գեղըցուն» բաժին ընկած սև ճակատադիրը.

Քու սեցած ձեռները, քյասիբ գեղըցի,
Բզարում են սաղ տարին բահի ու թիի տակ,
Ու բրտինքի կաթիլնե՛րը քու սեցած ճակատից
Հոսում են շատ անգամ, ինչպես արծաթն առվակ։
Եվ ինչ սիրելիս... էլի շորերը վրայիդ,
Միշտ ծակծակոտ ու բրքրված,
Ու ամոթանքը օղուշաղիդ,
Ոհ, նման լաթերով պատած։
Իսկ բուրժուան անիրավ
Դուքանում նստելով կամ դարդակ ման զալով,
Ապրում է կուշտ և ամենալավ,
Խե՛ղճ, քո թիի ու բահի հաշվով⁶⁵։

64 ԳԱԹ, Վ. Միրաքյանի ֆոնդ, գործ № 180, էջ 69։

65 Գ. Տեր-Մելքիսեղեկյան, Նվեր քյասիբ գեղըցիներին, էջ 45—46։

Որքան էլ դասակարգային հստակ ու որոշակի դիրքերից էր հրապարակախոսը պաշտպանում չքավոր գյուղացու սոցիալական շահերը, որքան էլ արմատական ու հետևողական էր շահագործող վերնախավերի նկատմամբ քննադատական վերաբերմունքի մեջ, այնուամենայնիվ, «հասարակական արյունահեղ մարտերի» ուղեգծից դուրս էր որոնում սոցիալական ներդաշնակությանը հասնելու վր իդեալը: Զնայած հեղափոխական ընդգծված բնավորության ու տարերքին, Տեր Մեկքիսեղեկյանը զլխավոր խնդիրներում միշտ կանգնած էր նարոդնիկական լուսավորչության դիրքերում: Հասարակական առաջընթացի ուղին, նրա պատկերացմամբ, ընթանում էր ուսման ու գիտության միջոցով մարդկանց տնտեսական ու հոգևոր կյանքը վերափոխելու այն դարատե ջանքերի միջով, որ գործադրում էր մարդկությունը՝ երջանկության ու բարեխառության հասնելու համար:

* * *

Գյուղացինաց ուսուցչության մեծամասնությունը ընդհանրապես գյուղի զարգացման հակակապիտալիստական ուղիներն էր պաշտպանում և մանրբուրժուական ռեֆորմիզմի ու լուսավորչական դիրքերից քննադատում գյուղաշխարհում կատարվող սոցիալական տեղաշարժերի պատմական իմաստը:

Հայ առաջին գյուղագիրներից մեկն օրինակ, վաղամեռիկ Ալեքսանդր Արարատյանը «հասարակաց անողոք դատաստանի» ուրվականով վախեցնում էր գյուղական ցեցերին և պահանջում խղճի մտոք ու լուսավորչալ կառավարում. «Խոհեմ, հեռատես, հասկացող, բարի ու անշահասեր տանուտերը,— ասում էր նա,— մի իր նման քահանայի հետ հրաջքներ կարող է գործել գյուղում»⁶⁶: Սոցիալ-ռեֆորմիզմի և մանրբուրժուական սենտիմենտալության այս քարոզիչը հակամետ էր կարծելու, թե հրաժարվելով խալիֆայական դպրոցից և գավառական ուսումնարաններ

⁶⁶ Աղեխանդր Արարատյանց, Հիմնարկություն գավառական ուսումնարանի, Թիֆլիս, 1889, էջ 192:

հիմնադրելով՝ հնարավոր է լուծել տնտեսական կարևորություններ կապացնող հարցեր, ապա և մաքրագործելով «գեղի մեծամեծներին», իսկական առաջադիմություն հասնել: «Ես աշխատում եմ, — ասում է զավառական ուսումնարանների վերատեսուչը, — որ մեր մանուկները կրթված մարդիկ մեծանան և պաշտպանեն թե՛ իրանց ծնողաց և թե՛ հայրենի հողը ավերիչ ձեռքերից»⁶⁷: Այս «պրոգրամը» մեկին էր այն բազմաթիվ ուղեգծումներից, որ գյուղական մտավորականությունը, մասնավորապես ուսուցիչները առաջադրում էին գյուղի վերափոխման համար:

Ալեքսանդր Արարատյանը ծնվել է 1854 թվականին, Շամշուղա գյուղում: Սկզբնական կրթությունն ստացել է սարկավագուհի կույս Եղիսաբեթի մոտ: Տասը տարեկան էր, երբ մեռնում է Եղիսաբեթը, և փոքրիկ Ալեքսանդրը ստիպված է լինում «ձեռքն առնել հոտաղի մահակը»: 1868 թվականին պատանուն տանում են Թիֆլիս և հանձնում Ներսիսյան վարժարան: Այստեղ նա սովորում է շուրջ երկու տարի: Այնուհետև շքավորության պատճառով թողնում է վարժարանը և մեկնում գյուղ՝ ուսուցչություն անելու: Շամշուղա, Մեծ Դաղեթ, Փլեբ, Հաղբութ, Վաղարշապատ «...վայելել են նրա երկանց պտուղները և հայ-գյուղական համայնքները գտել են նրանում իրենց վիճակին կարեկից և վերքերին սպեղանի դնող մի ազնիվ մարդ, մի պարտաճանաչ ուսուցիչ»⁶⁸: Ընդամենը 30 տարի ապրեց հայրենանվեր զործիչը և միայն մեկ տասնամյակ ստեղծագործեց (1874 թվականից նա արդեն տպագրվում էր «Մեղվում»): 1877-ին հրատարակվում է նրա առաջին վիպակը՝ «Երկու թումբ կամ խեղճ սիրահարներ»: Այս երկը քարձր է գնահատվում «Փորձի» զրախոս Ս. Պալասանյանի (Գրիչ) կողմից⁶⁹: 1880-ական թվականների սկզբներին լույս են տեսնում «Քնարիկ մանկական» (1882) և «Գյուղական խալիֆա» (1883) գործերը, որոնք և ապահովում են նրա հասարակական համբավը: 1884 թվականի դեկտեմբերին Արարատյանը մեռնում է: Բարե-

67 Ա. Արարատյանց, Հիմնարկություն զավառական ուսումնարանի, էջ 104:

68 Տե՛ս «Փորձ», 1877, № 2, էջ 317—319:

69 Ա. Արարատյանց, Հիմնարկություն զավառական ուսումնարանի, էջ Դ.:

կամները համահուն հրատարակում են նրա մի քանի գործերը՝ «Փնջիկ» բանաստեղծությունների ժողովածուն (1885), «Հիմնարկություն դավառական ուսումնարանի» վեպը (1889) և «Սուտ ճրգնավոր» վոդեկիլը (1891)։ Բացի «Մեղվում» տպագրած բազմաթիվ թղթակցություններից, Արարատյանը թողել է թատերական և վիպական գրվածքներ՝ «Մանկական երգարան», «Տըլոտ Կարո», «Անսեր ամուսնություն», «Կրակի մեջ եմ ընկել», «Զայն», «Փոքրիկ խխոյաններ», «Մի ամուսնություն» և այլն։

Ա. Արարատյանը մեր աչք մտավորականներից մեկն էր, որ գործում էր գյուղում, ժողովրդի մեջ։ Այս հանդամանքը գյուղագրական դպրոցի ներկայացուցիչների համար, կարելի է ասել, դիմորոշ նշանակություն ուներ։ «Ով որ չի կանգնում ժողովրդի մեջ, չի մտնում նրա տունը, չի ուսումնասիրում նրա գրությունը, նա խորթ և անպիտան դավակ է ժողովրդի համար»։ Սա մի հայեցակետ էր, որ արդեն նարոդնիկական գունավորում ուներ և փոքր-ինչ տարբերվում էր դեմոկրատական լուսավորչության հայեցությունից։ Գյուղի և գյուղացիության նկատմամբ հետաքրքրությունը նոր ժամանակներում ոչ թե ազգային դարթոնքի ընդհանրական հոգեբանության արդյունքն էր, այլ առաջին հերթին մտավորականության և գյուղաշխարհի միջև աստիճանաբար հաստատուն դարձող պրակտիկ, գործնական փոխհարաբերությունների հետևանքը։

1870-ական թվականներին գյուղական մտավորականությունը արդեն իր որոշ դասային դեմքն ուներ։ Գյուղ մեկնող ուսուցիչներին, բժիշկներին, գյուղատնտեսության մասնագետներին թիվը տարեցատարի ավելանում էր։ «Անդրկովկասի հայկական դպրոցը 70—80-ական թվականներին» — աշխատության մեջ բերված ցուցակներից պարզ երևում է, որ գավառներում և գյուղերում աշխատող ուսուցիչները քաղաքայինի համեմատությամբ միշտ էլ մեծամասնություն են կազմել⁷⁰։ Եվ ոչ միայն այդ. նարոդնիկական գաղափարների տարածման, մամուլի և հրապարակախոսու-

70 Վ. Ս. Երկանյան, Անդրկովկասի հայկական դպրոցը 70—80-ական թվականներին, էջ 133—134։

թյան ազդեցութեան հետեւանքով, գյուղական մտավորականութունը ավելի ու ավելի ծանրակշիռ նշանակութուն էր ձեռք բերում ազգի հոգևոր-մշակութային կյանքում:

Սակայն գյուղական լուսավորիչների գործունեութունը տեղային էր և, հենց այդ իմաստով, որոշ չափով կղզիացման դատապարտված: Ունենալով այն համոզմունքը, թե գյուղացին է հայ ժողովրդի պահպանման հիմքը և, հետևաբար, ազգի կենսական շահերի արտահայտիչը, նրանք ամեն կերպ աշխատում էին մոռացութեան մշուշից դուրս բերել այդ հիբրավի մոռացված աշխարհը: Նրանց դեմ հանդիման կանգնած էր պահպանողական, դարավոր ավանդներով ու սովորույթներով ապրող, տնտեսական հեղաբեկումների խառնափնթոր ընթացքով քշվող, հետամնաց, լույսի կարոտ գյուղացիական մասսան, որին հարկավոր էր ինչ-որ ձևով տեղաշարժել, ինչ-որ ձևով դուրս բերել կենդանի առաջադիմութեան ճանապարհը:

Գյուղագնաց մտավորականութունը իր ազգային պարտքն էր համարում գործնականորեն լուծել գյուղացիութեան հետ առնչվող կենսական հարցերը: Գյուղը լուսավորելու պահանջը արդեն ոչ թե ինտելիգենտական բաղձանք էր, այլ կոնկրետ ծրագիր, որն յրականացնելու համար ինչ զոհաբերութունների ասես չէին դիմում ժողովրդական ուսուցիչները: Մի կողմից խալիֆայական դպրոցի դեմ մղվող պայքարը, մյուս կողմից թեմական դպրոցների հիմնադրման գործնական հոգսերը գյուղական լուսավորիչներին դարձնում էին կյանքի մարդիկ, որոնք ապրում էին օրվա շահափնդորութուններով, գյուղամեջ էին դուրս գալիս, խորհրդաթողուններ անցկացնում, մասնակցում էին համայնքի վեճերին, լսում էին գյուղականների գանգատները, դիմումներ, թղթակցութուններ էին ուղարկում օրաթերթերին: Այսպիսի լուսավորիչները հաճախ էին վճռվում դպրոցի հոգաբարձութեան կամ գյուղական վերնախավի պահանջով: Գյուղացիութեանը «փրկելու» այս շրջանում հարցի լուծման գործնական կողմն էր առաջ մղվում. գյուղական մտավորականութունը ձուլվում էր այն մասսային, որի շահերի համար պայքարում էր և վերջինիս գործնականորեն օգնելը դառնում էր նրա հիմնական, գլխավոր նպատակը: Այս էլ

հենց շրջափակում, կղզիացնում էր գյուղական մտավորականության հասարակական գործունեությունը: Մյուս կողմից տեղային գործնականությունը անվերապահորեն իր ազդեցությունն էր ունենում այդ գործիչների հասարակահայեցության վրա: Նրանք չէին կարողանում վեր բարձրանալ գյուղաշխարհից այն իմաստով, որ գյուղի վերափոխման նրանց ծրագրերը, համենայն դեպս, անվերջ չէին, քան պատմականորեն հասունացած և գյուղացիական մասսաների կողմից արդեն վաղուց առաջադրվող պահանջների արձագանքներ: «Հեղափոխականը» նրանց մոտ՝ լուսավորական գործնականությունն էր միայն, որն, փհարկե, մերժվում էր գյուղական վերնախավերի կողմից: «Տերտեր ջան... էս վե՞նց բան ա,— հարցնում է գյուղացիներից մեկը,— վեր դու էլ տեր Մ-ի պես... մոնթեր չես կարթացնում...»

«— Ախր վեր ես էլ կրդցնեմ,— պատասխանում է տերտերը,— նա էլ կրդցնի լավ չի ըլիլ է: Նրանք էլ չուստ աղա կղանան ու էլ մեր խոսքին անդաճ չեն անիլ է, բա... տյուք հենց գիտում եք, թե տեր Մ-ը մոնթեր կրդցնելով լավ բան ա անում... նա հու նրանց սվրացնում ա աղա դառնալ»: (Մ. Մ. Ա. «Պատկեր գյուղական կյանքից») ⁷¹: «Երեխաներին կարդացնելու» գործը մտավորականությունը այժմ իր ձևերն էր առնում. այն սարսափը, որ գյուղական լուսավորիչների գործունեությունը ներշնչում էր գյուղի հետամանացությունը շահագրգռված մարդկանց, չէր կարող նրանց դեմ չհանել տերտերներին, քրիստիաններին, տանուտերերին, մոլորովներին, վաշխառուներին, մի խոսքով ունեզրկողների այն ամբողջ խավին, որն օգուտներ էր քաղում ունեզրկվածների խավ: արամտությունից, տգիտությունից, անօգուտ և անճարակ եսամոլությունից, իդիոտիզմից:

«Երկար տարիներով,— գրում էր Արարատյանը իր մի հոդվածում,— մոլորության խորխորատի մեջ ընկղմված հասարակությունը օգուտ քաղելով անասելի դառն փորձերից և շրջակա լավ թե վատ հանգամանքներից, տեղն ու տեղը մեխված՝ կույրի պես ձեռք ածելով այսօր փնտրում, բախում է իր և իր սերնդի

71 «Մշակ», 1878, № 13:

մտավոր լուսավորության դուռը, իսկ այն չէ բացվում նորա համար. ինչու՞, որովհետև տեղական քահանա հայրերը հակառակ են այդ մտքի իրագործմանը. «խաչերի դախտը խի՞ պիտի շկոլին տան, էն մերն ա, ջուխտ գոմեշներս կծախենք, կտանք (ո՞ւմ) ու էդ բանը կբանդենք»⁷²: Գյուղական լուսավորիչները արյունքրտինքով էին իրենց համար ճանապարհ հարթում. երբ «սերընդի մտավոր լուսավորության» խնդիրների լուծումը, գործնական կերպարանք էր առնում, հրապարակ էին գալիս այնպիսի խոշորագոտներ, շահաբախումներ, ինտրիգներ, դավեր, որ նախապես կոահել անհնար էր: Այդ պատճառով գյուղական լուսավորիչները որոշ իմաստով հրաժարվում էին իրենց ծրագիր-իզեալներից՝ գործնական իզեալների կենսագործումն ապահովելու համար: Մի գոմ, թոնրատուն, օդա, եկեղեցամեծ շինություն ձեռք բերելու համար նրանք հարկադրված էին երկարատև բանակցություններ վարել, հորդորել, համոզել մարդկանց, շրջանցել շատ ու շատ արգելքներ, շահախնդրություններ և այլն, ապա հոգ տանել հրավիրելիք ուսուցչի նյութականն ապահովելու մասին, որն այնքան էլ դյուրին բան չէր, կամ թե վռնդելով խալիֆա-վարժապետին նրա տեղը նորը կարգել:

Նոսեցիով գյուղական լուսավորիչների մասին, «Մեղվի» թղթակիցներից մեկը նկատում էր. «...Տեղն ընկած ժամանակ նորա թե՞ ուսուցիչ են, թե՞ վերակացու, թե՞ հոգաբարձու, թե՞ դերասան, թե՞ դասագիրք պատրաստող, թե՞ տիրացու, թե՞ ծառա, և թե՞ վերջապես թղթակից այս կամ այն պարբերական թերթի կամ ամսագրի»⁷³: Գյուղական լուսավորիչների այս բաղմադիմի գործարարությունը, սակայն, պարփակվում էր տվյալ գյուղի կամ ամենաշատը գավառի մի քանի գյուղերի շրջանակներում միայն: Նրանք, համենայն դեպս, գոհունակությունք էին լցվում, եթե կարողանում էին մի ուսումնարան հիմնադրել և կամ դրա համար նյութական ու բարոյական նախադրյալներ ստեղծել՝ «սուրբ դործի» նկատմամբ գյուղականների մեծամասնության համակրանքը

72 «Մեղու Հայաստանի», 1879, № 54:

73 «Մեղու Հայաստանի», 1878, № 8:

շահելով: Ուսումնարանը — դա շատ մեծ, շատ նվիրական, շատ բաղձալի միջոց էր ազգին օգտակար լինելու համար: «Շատերին հեշտ է թվում,— նկատում էր Արարատյանը,— Թիֆլիսի փողոցները շափշփել և հաչ գյուղն ու գյուղացուն շտեպած, նրա մասին ճառեր ասել»⁷⁴: Նարոդնիկական պրակտիցիզմը մերժում էր ազգասիրական «անգործիմացությունը» և մղվում էր գործով ապացուցելու իր առաջագրած ուղու ազգային-պատմական օգտակարությունը: Ահա թե ինչո՞ւ գյուղագրությունը հատկանշվում է հայկեցության սահմանափակությամբ և շափավոր ռազիկալիզմով: Սոցիալական կյանքի նեղ տեսահորիզոնը գյուղագիրներին մոտ աչգ գործնականության հետեանքն էր: Գյուղագիրը գեղարվեստական պատկերը անպայման կառուցում էր եղելության վրա և հետամուտ էր կատարվածի իրական-իսկատիպ վերարտադրությունը տալ՝ ամենաաննշան մանրամասնությունների հաղորդմամբ: Նա մի տեսակ տարեգիր էր կամ ակնարկագիր, որ արձանագրում էր դեպքերը՝ հիշողություններին, տեսածին ու լսածին կռթնած: Հուշագրական-ակնարկային տարրը գյուղագրության մեջ շափավանց մեծ տեղ է գրավում և բացատրվում է ամենից առաջ հենց այն հանգամանքով, որ գյուղագիրները երբեք դուրս չէին գալիս կոնկրետության ու գործնականության շրջանակներից և չէին մղվում սոցիալական կյանքի ընդհանրացված վերարտադրությանը:

Իր գեղարվեստական երախայրիքում («Երկու թումբ կամ խեղճ սիրահարներ») Ա. Արարատյանը չի հետևել գյուղագրության այդ մեթոդին: Նա վիպակը գրել է՝ մեծապես օգտվելով աբովյանական արձակի ավանդներից: Եվ սա օգնել է նրան հայտնաբերելու ստեղծագործական այն ճշմարիտ ուղին, որ տանում է դեպի մեծ գրականության ստեղծումը: Կերպարների թարմաշունչ և գունագեղ գծագրումները աչքի են ընկնում տիպականացման նորությամբ: Ռոմանտիկ սյուժետագիծը՝ բախտահալած սիրահարների տխուր պատմությունը, գյուղական կոպտության և սովորութիւնների պատկերանկարի վրա, ուրվագծվում է կոլորիտային հնչեղությամբ և քնարական թախիծով: Ինքը՝ հեղինակը սեփա-

74 Ա. Արարատյանց, Հիմնարկութուն գավառական ուսումնարանի, էջ 72:

կանել է միջամտելու արավյանական ձևը և շատ հաճախ հասել, իրոք, ներգործուն անմիջականություն: «Յարաբ ի՞նչ լեզու կարա պատմել,— ասում է նա,— կամ ինչ ձևը կարա զրիլ էն սհաթը, էրբ լուսնիակ գիշերը Վարթանն ու Վաղոն բաղից զողացած մըր-դերով ջքները լիքը դալիս ին սրանց մոտ, նստըմ ու թարուն խոսըմ, խոսըմ...»⁷⁵: Կամ՝ «Բաժանվեցին, համա ո՞նց բաժանվեցին...: Կարթացող, դու խոսի... Լիզուս զորըմ չի, ձեռս թըլանըմա, սիրտս թմփթմփրմ...»⁷⁶: Վարդանն ու Վաղոն փախցնում են Անուշին ու Շուշանին և տանելով լեռները պահ տալիս վերաբնակ ծանոթ թուրքերին: Բայց սրանք, մոռանալով ադաթ ու պատիվ, փորձում են բռնաբարել աղջիկներին: «...Հայի աղջիկն իրան պատվի համար կմեռնի ու իր զուլխն անօրենի չի մատնիլ»: Անուշն ու Շուշանը իրենց նետում են ժայռից: Թուրքերի «բալագանը» քանդելուց և ավազակներին սպանելուց հետո, Վարդանն ու Վաղոն ձորն են իջնում՝ սզալու իրենց կորուստը: «Կարթացող, ևս էստեղ էրկու սհաթ էլ խոսք չեմ կարող դուրս թողալ, հըմի խոսալու իրավունքը բունն ա, ասենք, թե առաջիդ դրած ըլեն էրկու սիրեկանի անմեղ մարմին ու նրանց կշտին էլ իրանց սիրեկանները կանգնած, ի՞նչ կըլի էդ վախտ նրանց հալը...»⁷⁷:

Վիպակի ֆաբուլան գեղարվեստական բարդություններից զերծ է և աշուղական սիրավեպերին հատուկ ինչ-որ ինտոնացիա ունի: Արարատյանը աշխատել է պահպանել իրականի և հետաքրքրաշարժի հավասարակշռությունը: Կենցաղապատկերը միջոց դարձնելով գործողությունների ֆոնի համար, նա փորձել է ինչ-որ սենտիմենտալ երանգ հաղորդել ամբողջ պատմությանը: Եվ դա ստացվել է հատկապես շնորհիվ այն բանի, որ վիպասանը հավատարիմ է մնացել գեղջկական մտածելակերպին, զգացմունքների արտահայտման ժողովրդային եղանակներին:

Գրական այս նախափորձը, սակայն, չվճռեց Արարատյանի

75 Ա. Արարատյանց, Երկու թումբ կամ խեղճ սիրահարներ, Թիֆլիս, 1912, էջ 16:

76 Նույն տեղում, էջ 22:

77 Նույն տեղում, էջ 52:

գեղարվեստական ինքնությունը: 1870-ական թվականների վերջերին դրած վեպերով նա ամուր կապվեց գյուղագրութայնը:

«Գյուղական խալիֆան» (1883) ինքնակենսագրական բնույթի մի երկ էր, որ Արարատյանի համոզմամբ պետք է օգներ ժամանակակիցներին խալիֆայական դպրոցի ժառանգության վերջին մնացորդներից հրաժարվելու: Իբրև մանկավարժ և ուսումնարանների հիմնադիր, Արարատյանը մտահոգվում էր ոչ միայն գյուղական դպրոցների ճակատագրով, այլև, առաջին հերթին, սերնդի մտավոր լուսավորության խնդրով: Հին, խալիֆայական դպրոցը պետ ասպրում էր գավառների խուլ անկյուններում. ժողովուրդը՝ լույսի կարոտ, օրհնում էր բախտախնդիր մեկի հայտնությունը գյուղում, երբ սա վարժապետ էր հռչակում իրեն և ցանկութուն հայտնում «կարդացնելու» երեխաներին: «Սիրելիք... դիմում է գյուղի քահանան ժողովրդին,— աստո՞ծ էս գեղի համար մի լուսավոր ճրագ ա դարկել, դուք շեք իմանում: Պետք ա որ ամենքս էլ է՞ք լուսն ընդունենք... Կուս ասածդ ուսումն ա: Մենք շատ վաղուց էինք աստո՞ծ կանչում, որ մի հալալ, ուսումնագետ վարժապետ ունենանք: Վերինը մեր խոսքը լսեց, մեզ տվեց...»⁷⁸: Այսպես էր հանձնարարում գյուղականներին տեր Ղուկասը Արևմտահայաստանից Շամշուղա եկած խալիֆային: Կարմիր ֆեսը գլխին, մեծ, սև մորուքով, հաղթահասակ, ցուպը ձեռին օտարականը երգում է եկեղեցու դասում և միանգամից շահում բոլորի համակրանքը: Սաղմոս, Ավետարան, Նարեկ, սրանք էին նրա տոպրակում պահված դասագրքերը... Մի հին մարագ, որ 30 տարուց ի վեր խարխիվել էր անընդհատ անձրևներից, առանձացվում է իբրև դպրոցի շենք: Երեխաների համար «սալ» քարի տափակ կտորներ են դրվում խոնավ հատակին, որպես դասասեղաններ և մոտ 50—60 աշակերտ տալիս վարժապետին՝ «Միսը քեզ, ոսկորը մեզ» հանձնարարականով: Եվ սկսվում են պարապմունքները:

Մղձավանջային, սև օրեր...

Մի իսկական դահիճ էր Օհանես վարժապետը, պատիժների բազմազան եղանակներ էր մոզոնել նա երեխաներին «մարդ

78 Ա. Արարատյանց, Գյուղական խալիֆա, Թիֆլիս, 1883, էջ 9:

դարձնելու» համար՝ ֆալսիկա, «քանոնահարուժյուն», «ապտակա-
զարկուժյուն», «ծեպելին-ճիպոտներ», «վաբույսեր», «ոտնակա-
խուկ», մոխիր ցանել բերանների մեջ, լեզունները ծակծկել ասելով,
«բոնցրահարուժյուն», «մազաքաշուժյուն» և այլն, և այլն:

Խալիֆայական դպրոցը շէր կարող շահել գյուղացու համակ-
րանքը: Մի նախամեծար հարգանք ուներ նա դեպի վարժապետն
ու կրթված մարդն առհասարակ: Տերտեր, շինովնիկ, մովրով, աղա
— սրանք նրա աչքում «լիս տեսած» բախտավորներ էին, որ պաշ-
տոնի, նյութական ապահովության էին հասել «գրի սեն ու սպի-
տակը ջոկելու» «հունարով»: «Գրի պոշիցը բռնեք, շունքի մեր
ճարն ու իլլաջը գիրն ա մնացել, մեր յարադ-ասբաբը դալամն ա
մնացել...»⁷⁹: Երբ նոր էր հիմնադրվել վարժարանը, քարափնների
ծերպերում և գետափին խաղացող մանուկները կրծանիսի ուխ-
տատեղին հասնելով, միմյանց ձեն էին տալիս. «Տղերք, ամենքդ
էլ ձեր մտքումը աղոթք արեք, որ լավ կարգանք, մեծ մեծ մար-
դիկ դառնանք— տերտեր, շինովնիկ, մովրով, վարժապետ ու մեղիք
ըլենք»⁸⁰: Օհանես վարժապետի ձեռքերն համբուրելի է,— ասում
էին աստվածավախ և լուսակարոտ գյուղացիները, նրա մեջ տես-
նելով իրենց բարերարին, փրկիչին, երեխաներին բախտավորեց-
նողին: «Ում երեխան շատ էր պատժվում, ծնողը կարծում էր թե
վարժապետը նրան շատ է հետևում. «վարժապետի աջ կուռը
շնորհք, ձախը՝ խրատ ա. երեխես երկուսին էլ պեսք ա տիրա-
նա»,— հավատացյալի ջերմեռանդով ժամբ ասում էին նրանք»⁸¹:

Արարատյանը շի մեղադրում գյուղացիներին, նրա համար
ծանր է իսկուժյունը, բայց և դրա մեջ նա տեսնում է գործի
հետագա հաջողության դրավականը: Ինքնաբուխ և համատարած
սերը դեպի լույսն ու կրթուժյունը՝ կփրկի գյուղացիությանը: Այդ
պատճառով վիպասանի շեշտուն բարկուժյունը ուղղվում է սոգես
և խաբեբա խալիֆաների դեմ և նա ծրագրում է նրանց վերաց-
ման գործնական ուղիները:

79 Ա. Արարատյանց, Գյուղական խալիֆա, Թիֆլիս, 1883, էջ 61:

80 Նույն տեղում, էջ 52:

81 Նույն տեղում, էջ 92:

Գավառական ուսումնարանների վերադասուչի հայտնությունը հնչում է խալիֆայական դպրոցի վերջին ժամը: Օհանես վարժապետին սպասավորի պաշտոն են առաջարկում նոր դպրոցում, բայց նա գերադասում է շալակել «աղոթագրքերով լիքը հաբգեն» և ընկնել հայոց գյուղերը. «Պարզամիտ գեղջկուհին ու միամիտ գյուղացին խալիֆա-գրքացի գոյություն աղբյուրը դարձան: Նա գրքացությունով իր գլուխը պահում էր և ավելի ու ավելի մոլորեցնում ժողովրդին: Մի անգից նրան խրկում էին իր խաբեբայություն համար, մյուս անգ սիրով ընդունում: Նրա ամենամեծ զենքը թալիսման անեխն էր...»⁸²:

«Գյուղական խալիֆան» Արարատյանի սոցիալ-հայեցողության մի քանի կողմերն է պարզում միայն: Այստեղ դրսևորվեցին վիպագրի գյուղաշինական նախագծումների առավել ընդհանուր և, հենց այդ պատճառով, դեռևս ոչ այնքան նորույթաբեր կուլանները: Ինքը՝ Արարատյանը չէր էլ փորձել հարցը սոցիալական տեսանկյունից քննել, այսինքն խորանալ այն դասային ու տընտեսական պատճառների մեջ, որոնք պայմանավորում էին գյուղական լուսավորության գրվածքի այգօրինակ հետամնացությունը:

«Հիմնարկություն գավառական ուսումնարանի» վեպում Արարատյանը արդեն հաղթահարում է «Գյուղական խալիֆայի» միագիծ սահմանափակությունը: Հրապարակ են հանվում սոցիալական կարևորություն ունեցող խնդիրներ, մեկնաբանվում են գյուղական լուսավորիչների գործունեության տարաբնույթ կողմերը և, որ կարևորն է, վերարտադրվում են այն իրական-պատմական փոխհարաբերությունները, որ գոյություն ունեին մի կողմից գյուղացիների ու հարուստ վերնախավերի, մյուս կողմից՝ նրանց և գյուղի լուսավորությամբ նախանձախնդիր մտավորականության միջև:

1870-ական թվականներին Գանձակի գյուղերի մեծ մասը բեգական էր: Բեգերը ռուսական տիրապետության օրոք ազնվականության հասած և հիմա մեծ մասամբ քաղաքներում ապրող և գյուղացիների նյութական օգնությամբ ճոխացող այն երևելի

82 Ա. Արարատյանց, Գյուղական խալիֆա, էջ 186:

պորտաբուժներն էին, որոնք, ինչպէս ասում է Արարատյանը, ռանչպարին «ոչինչ օգուտ չտալով», քանդում էին գյուղերը՝ տարեկան ընծաների իրենց բաժինը եռապատիկ ու քառապատիկ առնելով նրանցից: Բացառութիւնն էին կազմում «Գյուղերի օգուտն ու բարիքը» ցանկացող բեգերը»⁸³: Բայց սրանք էլ մշտական հակառակութեան մեջ էին հարեալների հետ, որովհետեւ կամենում էին իրենց գյուղականներին ազատ պահել շահադետ ու ընչաքաղց իշխանավորների տնտեսական ու բարոյական որոգայթներից: Վանի բեգը մեկն էր այն հայրենանվեր ու բարի հողատերերից, որոնց համար «սուրբ էր գյուղացու անհատական շահն ու օգուտը»⁸⁴: Եվ ահա այս բեգի օգնութեամբ Վրաստանի և Իմերեթիայի հայոց դպրոցների թեմական վերատեսուչը փորձում է մի քանի դպրոցներ հիմնադրել այն երկրում, «որտեղ ոչ «ուսումնարան» խոսքն էին լսել և ոչ էլ վերատեսուչ»⁸⁵:

Փիր գյուղը Վանի բեգի ծննդավայրն էր և նրան ենթակա, այդ պատճառով վերատեսուչը վճռում է դորժը հենց այդտեղից էլ սկսել: Գյուղում մի քանի օր մնալուց հետո, երկու «առաքյալներն» էլ համոզվում են, որ այնքան էլ հեշտ բան չէ ուսումնարանի հիմնադրումը, քանի որ այդ ինդրում բախվում էին արտաքին ու ներքին, թաքուն ու բացահայտ բազմաթիվ շահեր, որոնք ծայր էին առնում գյուղական վերնախավից՝ ձգվում մինչև հարեան գյուղատեր Շմալ բեգը և ապա ծուռումուռ անցուղիներով ճյուղավորվում անցնում գյուղականների մանրախնդիր ու պահպանողական միջավայրը:

Գյուղը Արարատյանի գրչի տակ պատկերահանվում է իրոք արտակարգ գունազեղութեամբ: Գրողը քաջատեղյակ է գյուղաշխարհի բոլոր անցուղարձերին: Նախանձախնդիր դրանց գեղարվեստական մեկնաբանմանը, նա շտապում է ամենուրեք դուրս բերել լուսանկարված փոխհարաբերութիւններ և վերջիններիս իրական-իսկական ֆոնի վրա բացահայտել դասային հակառակու-

83 Ա. Աբաբաթյանց, Հիմնարկութիւն գավառական ուսումնարանի, Թիֆլիս, 1889, էջ 4—5:

84 Նույն տեղում, էջ 5:

85 Նույն տեղում, էջ 7:

թշուենների ու պահպանողական իդիոտիզմի ամբողջ կորստաբեր նշանակութունը ազդի լուսավորության գործում:

Շմալ բեզը հարևան Վանի բեզի հեղինակութունը գյուղականների աչքում կտտրելու դիտավորությամբ՝ կաշառում է քոխավա Չատինին ու սրա արբանյակներին, որպեսզի խափանվի դըպրոցի հիմնադրումը: Երբ բանից անտեղյակ վերատեսուչը խորհրդաժողով է հրավիրում գյուղի մեծամեծներին և լսում նրանց կարծիքները «ամնարանի» մասին, անմիջապես համոզվում է, որ սրանք գործում են ինչ-որ մեկի թելադրանքով: Եվ որովհետև փորձից արդեն զիտեր, որ բեզերը երբևք շահագրգռված չեն դըպրոցների հիմնադրմամբ, ուստի, սկսում է կասկածել Վանի բեզին: Չատինի դեմ դառնալի դնացած Ոսկան ասելով քաղաքից վերադառնում է Շմալ բեզի նամակը ձեռքին: Վրա հասած վերաքննիչը մերկացնում է տանուտերական շարաշահումները և այդ նամակի օգնությամբ բացում ուսումնարանի դեմ նյութված դավադրությունը: Վանի բեզը և վերատեսուչը հաշտվում են: Ընդհանուր խորհրդաժողովի հավաքված բաղմությունը վճռում է հիմնել գյուղական ուսումնարան:

Վեպը շունի դեպքերի ու գործողությունների կուռ միասնություն, որ համահավաք և նպատակային է դարձնում ինչպես մարդկանց գործունեության վիսպական անցումները, այնպես էլ սյուժետագծի ընդհանուր զարգացումը: Ինքը՝ Արարատյանը զգացել է այդ «անհարմարությունը» և դրա համար էլ վեպի վերնագրի դիմաց փակագծերում նշել՝ «զավառական պատկերներ»: Իրոք, ցաք ու ցրիվ են և դեպքերը, և նրանց կամրջող ենթատեքստային անցումները: Միասնական հեղինակի հայեցությունն է, որ շաղկապում է պատկերների ներքին տրամաբանությունը:

Որքան էլ տեղային ու իրական էին դեպքերը և, հետևաբար, միայն տվյալ փաստականի վրա խարսխված հեղինակի կոահումներն ու եզրակացությունները, այնուհանդերձ, դրանք մեկնում էին գյուղի լուսավորության համընդհանուր դժվարությունների սոցիալական իմաստը և ինչ-որ շափով դյուրացնում պատմական ճշմարտության հայտնաբերումը: Իսկ ճշմարտությունն այն էր, որ գյուղական վերնախավը և առհասարակ կառավարող «մե-

ծավորները» մեծ մասամբ արգելակում էին լուսավորութեան տարածումը գյուղում մի կողմից տնտեսական շարժառիթներով (դպրոցների հիմնադրումը և դրանց հետ կապվող ծախսերը վերջին հաշվով գյուղական վերնախավի հասույթային աղքատներին էին հարվածում), մյուս կողմից՝ բարոյա-հոգեբանական (գյուղական հետամնացութունը օգտաբեր էր նրանց համար, որովհետև հարթում էր անարգել շահագործման և բռնի հարստահարութունների ուղին): «էհ, այ Ղարիբ աղա,— ասում է գյուղացիներից մեկը վերատեսչին,— մինը գիտում ես, մինը՝ չէ: Մենք հազար դարդ ունենք, ո՞ր մեկից դանդաղ գնանք: Ժամանակիցն ա, թե մեր բախտիցը—էս գեղի ջաղացը թարս ա պտտում, մեր մսկան-ապերը տարեն տասներկու ամիս գանգատի ճամփին ա, ամա էլի դատ չի շինում, էս գեղ քանդող ջանավարներին կարում չի խրատիլ: Մեր աղարը մեր միջից ա բհամ եկել: ...Գիտա՞ք փողը դժոխքի դռներն էլ բաց ա անում, սարերը դզում, ճամփա շինում: Փող ունեցողի հետ կռիվ կըլի՞: Անպողք պողավորին ի՞նչ անի: Խալխումս էլ հավատ չի մնացել, ոչ մեծ ու պուճուր, ամենքըն էլ թերահավատացել, իրար ըռեխ են կոծում, իրար միս լափում: Մեր տերը տերտերն ա, քյոխվեն ա, քեանդխուղեն ա, որ հենց դրանք են մեր ջաղացը թարսացրել...»⁸⁶: Անպողի և պողավորի դիսյուզկ համեմատութեան մեջ գյուղացին դնում է ոչ թե դասային տարբերութունների խնդիրը, այլ զորեղի դեմ կռվելու անհնարինութեան, նրա համար չափազանց տխրական, միտքը: Գյուղացուն գլխավորապես մտահեզում էր այդ հարցի լուծումը: «Դուք էլ ա մի ճար արեք աղա,— շարունակում է նա,— խրատող չունենք, քարոզող չունենք, մեր պապերի ճամփիցն էլ ըսենց կամաց-կամաց դուրս կգանք ու Սողում-Գոմորի օրին կհասնենք»⁸⁷:

Սողում-Գոմորի անորոշ հեղափոխական խառնապատկերը մի ներքին վախով էր պաշարում գյուղացուն: Դրա համար էլ նա

86 Ա. Արարայանց, Հիմնարկութուն գավառական ուսումնարանի, էջ 35—36:

87 Նույն տեղում, էջ 36:

ձեռքը մեկնում էր լուսավորության ջահակրին՝ վերատեսչին, խնդրարկու և ահաբեկ հուսահատությանը: Արարատյանն ինքն էլ այլ ելք չէր տեսնում: Մանրթուրժուական գյուղացիական դեմոկրատիան իր գյուղաշինական նախագծումներում լուսավորությանը տալիս էր վճռող ուժի դեր: Մանավանդ կար ընդհանրական-գյուղացիական այն տեսակետը, թե ուսումը տնտեսական սպահնակության հասնելու գլխավոր նախապայմանն է. «— Աղաքան, — ասում է մի ուրիշ գյուղացի, ես իմ կարճ խելքովս գիտեմ, որ պատճառը ոչ թե բախտն ա ու ճակտի գիրը, էն ա, որ դուք ուսում ունեք, մենք չէ. դուք ձեր օրերը սմնարաններում եք անցկացրել, մենք մեր օրերը էն երևող ձորերումը... Բն մենք էլ ուսում սուած ըլեինք, մենք էլ մի-մի աղա կըլեինք, ոնց որ Վանի բեզը»⁸⁸. Եվ վերջապես, Արարատյանը գյուղական վերնախավերի բարոյական մաքրագործման իրագործելի հեռանկարի մեջ էր տեսնում գյուղացու սոցիալական ցավերի դարմանումը: Իսկ այդ մաքրագործումը ձեռք էր բերվելու ինչպես պետական արդարացի միջամտությունների օգնությամբ, այնպես էլ իրավատեր մարդկանց ինքնավերափոխման ճանապարհով:

Այսպես էր մտածում ու խորհում գյուղական լուսավորիչներինոր սերունդը:

* * *

Գյուղադնաց մտավորականության աշխարհայացքային ելակետը գյուղացու նյութա-տնտեսական դրուժյունը վերափոխելու հարցում այս պահին վարելում էր հետոեֆորմյան հայ գյուղում ավելի ու ավելի խորացող դասային ու սոցիալական հակասություններին: Գործնականության այն պահանջը, որ դնում էին գյուղական լուսավորիչները ժողովրդական մտավորականության առաջ, վերջին հաշվով, դարձյալ կռթնած էր այն համոզումին, թե գյուղատնտեսությունը, հողագործությունը վարելու հնավանդ ձևերն են պատճառը, որ գյուղացին իր աշխատանքից չի ստանում

88 Ա. Արարատյանց, Հիմնարկություն գավառական ուսումնարանի, էջ 51:

այնքան օգուտ, որքան հնարավոր է. «Գործնականություն,— գրում էր Ալ. Արարատցանը,— ահա թե ի՞նչ է պահանջում գյուղացին. լոկ խոսքը նշանակություն չունեն նրա համար, մինչ շատացուցանես նորան իր գործածի սխալները»⁸⁹: Եվ մեր գյուղագիրը մանրամասն բացատրում էր իր թղթակցության մեջ, թե Շամշուհայում ինչպես, երբ, որտեղ պետք է սկսել ցանքը, ինչպես որոշել հողաշերտերի բերրիությունը և այլն, և այլն: Լեոնային այդ գյուղում երկրագործությանը դժբաղվելու խորհուրդ տալով շամշուղեցիներին, երիտասարդ ուսուցիչը հուսադրվում էր այն մտքով, թե գյուղացիք գոնե կհասկանան «յուրյանց օգուտը» և կհիմնեն գյուղական մի ընկերություն, «...որի ջանքով կարելի էր հասնել այն օրին, երբ գյուղացին ջերմ սիրով պետք է կաշեր յուր հողի կտորին և նորանում միայն տեսներ յուր փրկությունը»⁹⁰: Ահա գործնականության այն պատկերացումը, որ Արարատցանը առաջարկում էր իր ունկնդիրներին: Իհարկե, ոչ մի նորույթ չկար գյուղատնտեսական ընկերություն հիմնելու առաջադրության մեջ: «Մշակը» և «Մեղուն» ավելի վաղ էին ընկերությունների միտքը հանձնարարել հայ գյուղացուն և մեծահարուստներին: Արարատցանը պարզապես չէր տեսնում, որ գյուղատնտեսական ընկերությունը բուրժուական կազմակերպության ձև է և այդ պատճառով ուղղված է գործնականության հենց իր պատկերացման դեմ: Ամեն ինչ ենթարկելով այն սևեռուն գաղափարին, ըստ որի Կարոցի և լուսավորության օգնությանը հնարավոր է հասնել գյուղացու տնտեսական դրության բարեփոխմանը, Արարատցանը միամտորեն կարծում էր, թե գյուղատնտեսական ընկերությունն էլ Կարոցի նման լուսավորության օջախ է, որ կհարկադրի գյուղացուն օգտվել հողագործական կամ հողամշակման նորագույն եղանակներից ու մեթոդներից: Մինչդեռ պետք է առկա լինեին ընկերությունը ծնունդ տվող հողային հարաբերություններ, որպեսզի հնարավոր դառնար այդօրինակ եղանակների ու մեթոդների գործադրությունը:

89 «Մշակ», 1875, № 31:

90 Նույն տեղում:

Հացի խնդիրը, որ Մ. Նալբանդյանը 60-ական թվականներին համարում էր հասարակութեան հարցերի հարցը, մեր գյուղագիրը կամենում էր լուծել առանց այդ խնդրի լուծումը ասպահովող սոցիալական պայմանների վերափոխութեան:

«Մեղվի» գյուղական թղթակիցներից մեկը՝ գյուղագիր Գ. Պապյանցը վիճում էր «Մշակի» թղթակից Գ. Հարությունյանի հետ, երբ վերջինս աղքատութունը համարում էր գյուղացու ծուլութեան հետեանք. «Մենք ասում ենք, որ գյուղացիաց շքավորութեան պատճառը ոչ թե ծուլութունն է, այլ գլխավորապես նորանց տգիտութունն է ու առավելապես նորանց շրջապատող հանգամանքները: Կարիք, սահանջ, հարկավորութուն եղած տեղը՝ ծուլութունը ոչինչ գորութուն, ոչինչ նշանակութուն չունեն: Տգիտութունն է պատճառը, որ գյուղացին չէ կարողանում այնքան շահվել, որքան պետք էր, այնքան տնտես լինել որքան հարկավոր է գյուղացուն: Վերջապես, տգիտութունն է, որ կամ հողագործ, կամ անասնապահ, կամ արհեստավոր գյուղացին օգուտ չէ ստանում, որքան ծախս էր եղել, որքան միսսել էր»⁹¹:

Ինչպիս տեսնում ենք, գյուղական լուսավորիչների տեսահորիզոնը և հասարակական խորամտութունը պարզապես ենթարկվում էր նրանց այն սեւեռուն մտքին, թե գյուղացուն տնտեսական նեղ գրութունից կարող է փրկել տգիտութեան հաղթահարումը՝ լուսավորութեան օգնութեամբ: Թեև այս նույն Պապյանցը և Ալ. Արարատյանը ունեին հստակ պատկերացում գյուղի դասային բաժանումների վերաբերյալ և շատ դեպքերում տեսնում էին գյուղական շահագործողներին, այնուհանդերձ, որպես իսկական մանրբուրժուական ռեֆորմիստներ, նրանք սոցիալական հարցերի լուծման բոլոր հեռանկարները կապում էին դպրոցի ու կրթութեան հետ: «Նայելով գյուղացիաց ասլուստի ձևին ու կարողութեանը, նորանց կարելի է երկու կարգի բաժանել,— գրում էր Գ. Պապյանցը,— այն է 1. քաթխուղաների կամ հարուստների և 2. ունչպարների կամ քեսիբների կարգ: Առաջին կարգին պատկանում է ժողովրդոց շատ փոքր մասը՝ 1/10, իսկ երկրորդին՝ մեծ մասը»:

91 «Մեղու Հայաստանի», 1874, № 11:

սը՝ 9/10»⁹²; Նրանք հենց դրանից էին ելնում գյուղական իրակա-
նության ցավերը քննելիս: «Ձմեռը գյուղում» պատմվածքում
Գ. Պապյանցը՝ գյուղացու ծայր չքավորության պատկերը դժելիս,
դիմում էր հասարակական ամբարի հեռամետ գաղափարին՝ շի-
նականների համար հավասարության և տնտեսական ասպահովու-
թյան ուղիներ նշելով: Գյուղացիներից մեկը ասում է. «...Իմ թողը
քաղաքիցը միշտ զահլես տանում ա, թե աշխատի մեր փեյին-
ները, աղբերը, կեղտոտությունները թամուզ անել տուր, շկուլի
վրա ուշկ դարձրեք, գեղամիջում հացի ամբար շինել տվեք»⁹³:
Այս հացի ամբարը գյուղացին դիտում էր վաշխառուի և քյոխվի
դեմ պայքարելու լավագույն միջոց: Հասարակաց շտեմարանի
գաղափարը, որ հետագայում պիտի շահարկեր Մուրացանը «Նոր-
հրդավոր միանձնուհի» վեպում, նույնպես նոր չէր: Գյուղագիրը
կոնկրետ առաջարկ էր անում՝ սրա օգուտը գյուղականներին հաս-
կացնելով. «Հացը պակաս տարին,— ասում է գյուղացիներից
մեկը,— ախարկելով հասարակաց շտեմարանի միտքը,— ոչ պըրտ-
բակոխ կլինեինք, ոչ էլ նաչալնիկին արդա կտայինք, սր կայսե-
րական ամբարիցը հաց փոխ տար իր շահովը»⁹⁴:

Գյուղագրի ամբողջ մտածուքը՝ հասարակական անասպահովու-
թյունը մի կերպ հարթելու խնդրի շուրջն է դառնում. նա դասային
բաժանումները ընդունում է որպես բնական մի բան: Նրան մտա-
հոգում է միայն այդ բաժանումների հետևանքը հանդիսացող ժո-
ղովրդի մեծամասնության տնտեսական սարսափելի դրությունը:

Աղգային—պահպանողական մտայնությանը հարող գրողների
մեծամասնությունը 1870-ական թվականներին այլ հասարակա-
կան հայեցողություն չունեի: Պերճ Պոռոյանը «Հացի խնդիր» (1879)
նշանավոր երկում խորացնելով գյուղի դասակարգային բաժա-
նումների պատկերացումը, այլ հայացք չէր պարտադրում իր ըն-
թեքողներին, քան հասարակական կազմակերպության բնական
տրվածքի պահպանման և ամրապնդման մտայնությունը: Այս

92 «Մեղու Հայաստանի», 1874 թ., № 11:

93 Նույն տեղում, № 5:

94 Նույն տեղում:

բնական տրվածքն էլ նահապետական հնօրյա ու ավանդական-
նիստ ու կացն էր, մարդկանց համայնական-ընկերական միավո-
րումը գլուղի, անտեսսոսթյան շրջանակում: Նահապետական հա-
րաբերություններից առանձնացնելով հատկապես համայնական-
ծխական պատվապահության, ամոթխածության, հյուրասիրու-
թյան, օտարասիրտության, դժվարին տնտեսական դրության մեջ
գտնվելիս մեկը մյուսին օգնելու, իրար հասնելու հանրային-ըն-
կերական սովորությունները, Պոռչյանը դրանց էր վերագրում հա-
սարակական կազմակերպությունը պահպանող հիմնապատճառի
նշանակությունը: Գրողը գիտեր, որ հասարակությունը ունի օրենք-
ներ, միապետ և դասակարգեր: Սա հավիտենական բաժանում էր
և միաժամանակ հասարակական կազմակերպության անխոտոր
սկզբունքը: Օրենքը ամենամեծ ուժն է հասարակության համար:
Օրենքից զատ հասարակության մեջ դործում է «հասարակական
դատաստանը», որ անարդարությունը պատժող հանրային արդա-
րամտություն կրողն է: Եվ վերջապես գոյություն ունի մարդու
զխավոր դատավորը՝ խիղճը, որ նույնպես կառավարում է աշ-
խարհը, և որը կողմնորոշում է մարդու անձնական ու հասարա-
կական գործունեությունը: Այն, որ էսպես գոյություն ունի գյու-
ղացիությունը շերտավորող երեք հասարակական խավ՝ «կալ-
վածատեր, միջակ և ստորին դասակարգ» և այն, որ դրանց միջև
սակեղծվել են էսպես դասակարգային հարաբերություններ — գրո-
ղի համոզումների համաձայն — «բնական» ու հավիտենական
վիճակ է հասարակության համար: Հասարակությունը դրանից չի
տուժում: Հասարակությունը տուժում է հենց որ ոտնահարվում
է օրենքը՝ հասարակական կազմակերպությունը ղեկավարող այդ
ամենահզոր ուժը: Պոռչյանի պատկերացմամբ արդար վաշխառու,
մլքատեր խեղանենց խեղանը կոթարկվում է բռնի ունեզրկման,
որովհետև երկրի կառավարիչները՝ տվյալ դեպքում՝ գավառապե-
տը և յուրայինները, ոտնահարում էին օրենքը: «Հասարակական
դատաստանը» ոտնահարող խղճագուրկ և ընչաքաղց մեծավոր-
ների ապագան գրողը նկարագրում էր նույնքան սև գույներով,
որքան օրենքի հետ նրանց հանդիպման պահը:

Գավառական նահանգական կառավարչության գաղութարա-

րական սիստեմի դեմ ուղղելով իր ամբողջ հումանիստական գայրույթը, գրողը ապալինում էր այն մտքին, թե շարաշահողներին, կաշառակերներին, գոփողներին, գողերին ու ավազակների այդ ամբողջ կազմակերպությունը միանգամից կվերանա հենց որ մեջտեղ գա օրենքի իրավունքները պաշտպանող արգարադատությունը: Հայացք էր սա, որ պայմանավորված էր հայկական նահապետական հարաբերությունների հանդեպ այն խոր ակնածանքով, որ հանդես էր բերում գրողը ամեն անգամ, երբ հարկ էր լինում հակադրվել գյուղի պատմական ու աղագային նկարագիրն աղավաղող նորամուտ հարաբերություններին: «Նահապետական սուրբ ավանդություններին» նկատմամբ դեռ 60-ական թվականներին մշակված տեսակետը այժմ վերաճում էր ընդհանուր աշխարհայեցողության հայ գյուղի վերաբերյալ: Պոռչյանին թվում էր, թե կառավարման այն ձևերը և եղանակները, որ ռուսական գաղութատիրությունն է բերել, պարզապես արհեստականորեն պարտադրվել է նահապետական գյուղին ու գյուղացուն: Գյուղական կյանքը մնացել է իր հնամենի, ավանդական պատյանի մեջ՝ նախամեծար սովորություններով, լուսեղեն ու սուրբ հարաբերություններով. «Սեր, քաղցրություն, մոտիկ հարաբերություն, շարունակ միմյանց տուն գնալ ու գալ, կեսգիշերին, մեջգիշերի, բարեկամի կարիքին հասնելը—, այս գեղեցիկ հատկություններով կհիանա Հայաստանի գյուղերը մտնող մեկը, մանավանդ, եթե նա ծանոթ չեղած գյուղական պարզությունը, սնած քաղաքի շինծու կենցաղավարության, դիսվածով ընկնի վերոհիշյալ երանավետ կյանքի մեջ, միանգամայն կզմայլի այնպիսի անձը տեսնելով այնքան ջերմ սեր ու անխարդախ բարեկամություն:— Այո՞,— կասի նա,— որքան մեծ զանազանություն, որչափ նախանձելի վիճակ, ուր գյուղացու անկեղծ բարեկամություն, ուր մեր քաղաքացիներին քաղաքավարական կեղծ կանոնների վերա հիմնված առերես ունեցած մարդահաճոյություն»⁹⁵:

Գյուղական կյանքի այս իդեալականացումը ծնունդ էր առնում ոչ այնքան գաղութատիրական կառավարչության մեթոդներ

95 Պ. Պոռչյան, Երկերի ժողովածու, հատ. 1, Երևան, 1953, էջ 365:

րի ու եղանակների դեմ գրողի գրաված բացասական դիրքորոշումից, որքան հնամենի նահապետական հարաբերությունների նկատմամբ ունեցած այն խոր հավատից, թե, ի վերջո, հենց այդ հարաբերություններն են, որ պահպանելու են գյուղը բնական անաղարտության մեջ, և որից շահվելու է մովրովների, յասավուների, ավազակ բեկզաղանների, միկիտանչիների ձեռքում երիցս տանջահարված գյուղացին: Խեչանենց խեչանի տխարը շահախնդրում էր Պոռչյանին հենց այդ իմաստով: Նա գծում էր այս մարդու կյանքի պատմությունը՝ ազնվաբարո նահապետականության հաղթանակը կանխահուշելու համար: Խեչանենց խեչանը ի վերջո հաղթում է, համեմայն դեպս, պետությունը և արդարադատությունը գործում են նրա օգտին: Հանցավորները դատապարտվում են՝ «պատմական այն ճշմարտության համաձայն», թե «օրենքի դեմ մեղանշողը ժամանակին յուր պատիժն ստանում է»: Խեչանենց խեչանը հանդիպողովում է գյուղն ավերակող նորամուտ ուժերին և հենց այդ զուգահեռի մեջ ուրվագծվում են հնօրյա այս մեծահարուստի աստվածասեր վարքն ու մարդահաճո բնավորությունը: Բայց սկսենք սկիզբից: «Հայաստանի մի տեսակ գյուղացի հարուստների տիպն էլ,— ասում է Պոռչյանը,— կենդանանում է խեչանենց խեչանի մեջ»⁹⁶: Բավական մեծ կարողություն տեր էր Աշտարակի պարթանքը: «Աստված սաղ պահի աշտարակցի խեչանենց խեչանին,— ասում էին հնավանդ գյուղացիները,— թե որ նա չըլներ, էս տարի սաղ մհալը հողի հետ կհավասարվեր. աստված նրա օջախը շեն պահի, գեղ չկա, որին նա ձեռք մեկնած չըլնի»⁹⁷: Ուրիշ վաշխառուների նման չէր խեչանը, խղճմտանքով ու արդար մարդ էր: Երբեք մեկին մեկ շահ չէր առնի. «Նա շահի համար բան էլ չի ասում, ինչքան մեր սիրտն ուզում ա վրեն ենք դնում, նա էլ ոչ մի խոսք չի ասում»: Օրհնում-օրհնաբանում էին մարդիկ խեչանի ազգն ու տակը, մարդասեր հոգին և մաքրամաքուր խիղճը:

1850-ական թվականներին, եղբոր հետ միասին, նա էլ օգ-

96 Պ. Պոռչյան, Երկերի ժողովածու, հատ. I, Երևան, 1953, էջ 345:

97 Նույն տեղում, էջ 451:

տրվեց Արևելյան պատերազմի բարիքներուց: Խեչանի հարստությունը կրկնապատկվեց-եռապատկվեց: Ամենքին հասնում ու ձեռք էր մեկնում բարի ու ավանդապահ ծերունիին: Երբ մեռավ նրա եղբայրը, Խեչանը առևտրի գործից ետ քաշվեց մի քանի տարի: Հետո ապրում էր իր այգիների եկամտուով՝ այն պարզ ու հյուրամեծար գյուղացիների նման, որոնք առանց սուվորի գլխին հյուր ունենալու, հացի սեղան չեն նստում: Խեչանի «անբավ հարստությունը» ձեռք էր բերվել, ինչպես վկայում է Պոռչյանը, արդար ու հալալ աշխատանքով, առևտրով ու վաշխառությամբ, եթե իհարկե չնչին տոկոսներով մարդկանց օգնելը «վաշխառություն պիտի համարել»: Նահապետական հնօրյա նիստ ու կացով, պատվապահ ու երզմնախոս, ազնիվ ու որդեսեր այս մլքատեր վաշխառուն է ահա, որ դառնում է Սև ջրի գլխին նստող մովրդովի և միկիտանչու ստոր գործակցության զոհը: Խեչանենց Խեչանի հյուրասեր բնավորությունը, նահապետական վարքն ու բարքը, ծանրախոս միտքը և նրբազգաց հոգին իդեալականացնում է Պոռչյանը՝ նրա կերպարի ու տիպարի մեջ դնելով հնօրյա, ավանդական հարաբերությունների նախամեծար գեղեցկության ամբողջ հմայքը: Մարդիկ «էն ժամանակներում» ապրում էին այնպես, ինչպես Խեչանը: Պարզ էին և հավատացյալ, բարի էին և կամեցող, աչք չունեին ուրիշի ունեցվածքի վրա և օգնում էին մերձավորներին ամեն ինչով: Առևտուր, վաշխ և այլն մարդկանց ոչ թե օտարացնում, այլ եղբայրացնում էր: Ինչպես Քանաքեռում Աբովը, այնպես էլ Աշտարակում Խեչանը նահապետական հյուրամեծար սովորույթի իսկական կրողներ են: Նրանց համար բարեկամ կամ օտար չկա: Ամենքն էլ հարազատներ են: Կանչում, բերում են տուն փողոցով անցնողին, ծանոթ կամ անծանոթ միևնույնն է, հյուրասիրում, հետն էլ բաժին դնում ու ճամփում: Խեչանը ընտանիքում ձայնը երբեք բարձրացրած չկար. գյուղի դործերին չէր խառնվում, հաստատ էր տված խոսքին և երբեք անարդար գործ չէր անում: Նա իր փեսային սիրում էր որդուց ավելի: Նրա ծնողասեր վարքը ամբողջ գյուղին էր հայտնի, երբեք ոչինչ չէր խնայի իր զավակից և երբեք չէր կոտորի նրա սիրտը: Խեչանը սակայն անհետացող սերնդի ներկայացուցիչն էր: Ոչ միայն

կորչում-վերանում էին հնավանդ այս մարդիկ, այլև փոշիանում էր սրանց կերսյարանքն ամբողջացնող հնօրյա վարքն ու բարքը. «Նահապետական պարզ սովորույթներն օրըստօրե անհետանում են, բարեկամութուն, հարեանութուն սուրբ բառերն իրանց նշանակութունը միմիայն քաղաքավարության ձևերի մեջ են պահում. էլ շկա այն ընտանեկան կապը, որ օտարներին միմյանց հետ մի տան պես պահում էր. խոր գյուղերումը, որպես և իցե, այժմ կտեսնես նախկին քաղցրության սովերը, իսկ քաղաքներումն ու մեծամեծ գյուղերումը՝ երբեք: Մի անմխիթար ասպագա է գուշակում մեզ այս բանը»⁹⁸: Պռոշյանը, այնուամենայնիվ, մինչև վերջ հավատացած չէր, որ գալու է այդ «անմխիթար ասպագան»: Նա այդ էլ ասում էր զգուշացնելու համար: Գրողի սիրտն ու հոգին խանդաղատանքի ու գորովանքի անճառ զգացումներով էին լցվում, երբ տեսնում էր նահապետական բարեմտության և ազնվասրտության խեղանի տված օրինակները: Դողում էր գրողը իր հերոսի ճակատագրի համար: Խեղանը դիմադրում է բախտի դաժան հարվածներին՝ հավատացած, որ Սաքոն ու մովրովը ժամանակին իրենց պատիժն ստանալու են: Ափաշկարա անիրավութունը և անարդարութունը «զավառի բարերարը» տանում է անտրտունջ հավատավորի նման: Այնքան պարզ, անթաքույց և որոշակի է գրողի համակրանքը իր հերոսի նկատմամբ, որ նույնիսկ գեղարվեստական պայմանականութունները չեն պահպանվում: Խեղանին շղթայելու եկած մովրովը գյուղական բազմության առաջ իրեն պահում է խեղկատակի պես: Բոլորը հասկանում են գավառապետի միտքը, բոլորը դիտեն, որ այդ ամենը արվում է խեղանին «իրենց ճանկը» օգելու համար և, չնայած դրան, Պռոշյանը ընդգծում է իր հերոսի ազնվասիրտ պայծառամրտեթյունը, նահապետական հանդարտաբարոյութունը՝ վերստին հավաստելու համար դժբախտության մեջ հայտնված խեղանի աստվածասեր վարքն ու գորովագույթ բարոյականը: Ընդ որում, այդ ամենը արվում է գեղարվեստական զուգահեռ հանդիպողումների օղնությամբ: Վեպի սկզբից մինչև վերջ մովրով-

98 Պ. Պռոշյան, Երկերի ժողովածու, հատ. 1, Երևան, 1953 էջ 409:

Սաքո-Խեչան փոխհարաբերությունների ամբողջ ընթացքը կա-
ուսեցված է փոխադարձ ինքնաբերութագրումների մեթոդով: Եթե
այստեղ նահապետական բարձրագահ ազնվամտությունն է, ապա
այնտեղ ժամանակակից ստորությունը և հրեշավոր ընչաքաղցու-
թյունը: Զուգահեռ հանդիպադրումների մեջ պարզ ու որոշ ներ-
կայանում են ուղղագիծ կերպավորման բոլոր թերությունները:
Խորամանկամտությունը, փողի պաշտամունքը, ընչամոլ ու ան-
բարո վարքը Սաքոյին դարձնում են մեկն այն նորելուկ հերոս-
ներից, որոնք կյանքի են կոչվել գյուղական նորօրյա հարաբերու-
թյունների զարգացման թելադրանքով: Մովրովների, յասավուլ-
ների, կոզակների, դատավորների գավառային կազմակերպության
յուսկական աջակիցն ու գործակիցն է Սաքոն, «ավազակի ու ռա-
յաթի» բարեկամ փերեզակ գինեվաճառը: Պռոշյանը չի որոշում
Սաքոյի սոցիալական ինքնությունը. «Ասում են, թե նա քղըս-
տանցի է, ոմանք էլ պնդում են, թե աշտարակցի է»: 10—12 տա-
րեկան հասակից այս ստահակը քարշ էր գալիս գորանոցների
գինետների դռներին: «Մեր գալում լակոտը» աչքի սյուրմա թուցնող
է եղել: Ոչ ոք չի կարող ասել, թե ինչպես է նա դարձել Այլը լճի
«ամարաթի լիազոր գինեվաճառը»: Դարձել է: Գրողը այդ մասին
ոչինչ չգիտե և չի էլ ուզում իմանալ: Սաքոն հայտնվել է սև ջրի
գլխին հաստատված մովրովի ամարաթում — սա բավական է,
մնացածը ընթերցողը ինքը կարող է տեղեկանալ հետեւելով գինե-
վաճառի գործողություններին այստեղ և հարևան գյուղերում: Նոր
հարստացող այս առևտրականի գործունեության շրջանակները
շատ լայն են: Սա հարաբերություններ է պահպանում գավառի
ամբողջ բնակչության հետ, սրա գործակիցներն են «քարափների,
ձորերի ու քարանձավների բնակիչ, երկիրը սարսափեցնող» ավա-
զակները, ինքը՝ գավառապետը, յասավուլները, կոզակները, բո-
լորը, բոլորը, որոնք ելումուտ ունեն Սաքոյի պարսպապատ գինե-
տունը: Պռոշյանը իր հերոսին օժտել է խորամանկամիտ գյու-
ղական գործարարի բոլոր շնորհներով: Սաքոն ամենից շուտ է
առնում որսի հոտը, բայց և ամենից էլ շուտ զգում է վերահաս
վտանգը: Նրա միտքը գործում է մի քանի ուղղություններով:
Փողը, ինչքը նրա համար վերջնական երջանկն է, նպա-

տակների նպատակ: Նա իրեն ներկայացնում է որպես մի կտոր հացի համար պայքարող: Հացի խնդիր է, — ասում է նա, — երբ հարկ է լինում մարդու շար միտքն ու գործը բացատրել: «Հաց, հաց, մի կտոր հաց. ինչ կանես՝ արա, խաբի, քանդի, սլոկի, գուլի, սպանի, թաք մի կտոր հաց ունենաս... աշխարհքիս առաջին մարդիցը բռնած՝ ընչանք վերջի մշակը մի կտոր հացի համար են աշխատում...», — փիլիսոփայտում է մեր զինեկաճառը՝ այդ դատողություններում ղնելով մարդկանց միջև գոյություն ունեցող հարաբերությունների ժամանակակցի իր ըմբռնումը: Մի այլ առիթով Սաքոն շեշտում է մարդու հանցագործ ու դաժան գործունեությունը արդարացնող «հացի խնդրի» ամենազոր ուժը. «Ոչուլի մեղադրելու չի, ամեն մարդ էլ հացի ա ման գալի, հացի խնդիր ա», — ասում է նա, — դարձյալ ու վերստին հավաստելու համար աշխարհում կատարվող հանապազօրյա բռնությունների և անիրավությունների օրինաչափ բնույթը: Պռոշյանը հավատացած էր, որ Սաքոն ինչ-որ տեղ ճշմարիտ է, բայց Սաքոյի բարոյականն էր ամբողջովին մերժելի: Հացի խնդիրը հացի խնդիր, սակայն պետք էր այդ հարցը լուծել բարոյական միջոցներով ու ճանապարհներով: Պատահական վերնագիր չէր ընտրել իր վեպի համար: Վերնագրի մեջ գրողը կամեցել էր շեշտել Սաքոյի գործնական փիլիսոփայության ամբողջ վրիպվածությունը: «Հացի խնդիր» անունից գավառներն ու գյուղերը թալանելու ելած գավառապետ մովրուլների, դատավորների, յասավուլ-հարկահանների և նորերուկ գործարարների դեմ Պռոշյանը հանում էր արդարադատ քննիչին և պատժում նրանց, դրանով մերժում ու դատապարտում որպես թե «մի կտոր հացի» համար մղվող պայքարի այն պրակտիկան, որ բերում էին գաղութային տնտեսական քաղաքականություն իրագործող երկրի կառավարիչներն ու սրանց ենթակաները:

Երկիրը կառավարողների հարաբերությունները գյուղացիություն հետ Պռոշյանը ոչ թե հետևանք էր համարում, այլ պատճառ: Զինովնիկների, մովրուլների, յասավուլների, բեկղադաների կորսորացիան պատվաստվել է հայ գյուղին՝ նահապետական համայնակեցությունը — ահա հասարակական շարիքի բուն ար-

մատր: Ընդ որում, նա մտածում էր, թե գյուղական անիրավությունների պատճառը ոչ այնքան պետական հարկատվության և հողային հարաբերությունների մեջ պլոտի որոնել, «որքան ստորին և երկրորդակարգ պաշտոնյաների անկանոն գործողությունների»⁹⁹: Նա ելնում էր փաստից՝ իրողություն բացատրությունը նշելու համար, մինչդեռ պետք էր տեսնել երևույթների օրինաչափությունը: Կառավարչության գաղութային սխտեմը բարձրանում էր նորաստեղծ հասարակական հարաբերությունների ընդերքից: Այս է, որ չէր տեսնում Պոռշյանը: Այդ պատճառով «Հացի խընդիր» երկը չէր շոշափում հայ գյուղացու համար այդ ժամանակները չափազանց կենսական հողային խնդիրը: Նահապետական հարաբերությունները իդեալականացնող գրողի ջանքը դեմ էր առնում գաղութատիրական կառավարչաձևի հիմքում ընկած տնտեսական հարաբերություններն ըմբռնելու անկարողությունը: Հենց այստեղ է, որ ծնունդ էր առնում բարոյախոսական այն մտայնությունը, ըստ որի հասարակ գյուղականը միշտ էլ հնազանդ և հոժարակամ բարեհաճությունը է վերաբերվել իր իշխանավորներին, որ այս հանգամանքը գնահատելու նրանց անկարողությունը առաջացրել է գյուղացու նկատմամբ դաժան ու տարաբախտ մի վերաբերմունք: Այդ պատճառով «խոր հառաչանքն երբեք գյուղական ժողովրդի սրտից դարբերով չի կտրվել»¹⁰⁰: Բանը, ուրեմն, վերաբերմունքի մեջ է. եթե իշխանավորները «քաղցր, մարդասիրական, արդար վարմունք և հայրական որդեսիրություն» հանդես բերեին տառապյալ աշխատավորի նկատմամբ և, եթե արդարադատությունը գործեր նորերումս, ապա գյուղացին պետության և կառավարողների հանդեպ ունեցած իր պարտավորություններն «առավել մեծ սիրով և ուրախ սրտիվ» կկատարեր¹⁰¹:

Ղ. Աղայանի հետ համեմատած Պոռշյանը հետահայաց մի դիրքորոշում էր գրավում 70-ական թվականներին գյուղացու սոցիալական բարոյականությունը բնութագրելիս: Հետևանք էր սա

99 Պ. Պոռշյան, Երկերի ժողովածու, հ. 1, Երևան 1953, էջ 447—448:

100 Նույն տեղում, էջ 517:

101 Նույն տեղում, էջ 517, 558—559:

ազգային-պահպանողական մտայնութիւնը քրիստոնէական բարբառներէն ալ ալ շահնքերի, որ գործադրում էր զրոյը՝ գլուղացիական լայն զանգվածներէ հասարակական շահները պաշտպանելիս: Բայց Պոռշյանի ստեղծագործութիւնը հատկանշալի էր գեղարվեստական տեսահորիզոնի ընդարձակութեամբ. գլուղական կյանքը նա դիտում էր բազմաճյուղ և տարբերաբնույթ կապերի մէջ՝ միացնելով սրան ժողովրդական սովորութիւն, վարք ու բարքի ընդարձակ ու գունագեղ նկարագրութիւնները: «Հացի խնդիրը», ըստ Պոռշյանի, շարունակութիւնն էր «Սոս և Վարդիթերի» ազգագրական ծրագրի¹⁰²: Մյուս կողմից «սկեպտիկյան ուղղութիւնը» այստեղ վերջնականապէս գերակշռութիւն էր ստացել, և այս էր, որ որոշում էր նրա վեպի զրականութեան մեջ գրավելիք առաջնակարգ դիրքը: Քննադատական դիրքորոշումը գաղութատիրական կարգերի հանդէպ՝ նրան տարել էր ժողովրդի իսկական ցավերի ու տառապանքներէ աշխարհը: Նա առաջին անգամ հայացքը դարձնում էր գլուղացու ունեզրկման, կողոպտման ու շահագործման աջն տխուր տեսարաններին, որոնք բնութագրում էին հայկական դավառների ու գլուղերի անմխիթար կացութիւնը: Այստեղ նրա գրիչը, իրոք, ներկառատ մի երանգապնակից էր օգտւում: Նրա համար կարեւորութիւն ունէր ոչ այնքան «ձեռք մտածութիւնը» (կոմպոզիցիան), կամ «գեպերի դասակարգութիւնը» (սյուժեն), որքան պատկերն ինքը և սրա հարադատ, լուսանկարչական վերարտադրութիւնը: Այդ պատճառով նա հաճախ էր ընդհատում պատմութեան թելը և, ասենք, յաստիւններին բնութագրելու համար, սկսում նկարագրել խաբեք և անխիղճ այդ մարդկանց վայրենի գործողութիւնները գավառում: Եթէ Պոռշյանին հարկավոր էր գլուղական իշխանավորների շարաշահումները ձաղկել, նա նորից մեկդի դնելով «գեպերի դասակարգութեանը», ներկայացնում էր «Թավջին»—սկզբնահաշիւ տեսարանը: Սկեպտիկյան ուղղութեան ներկայացուցիչը՝ Հաքուլը, այս անգամ ոչ թէ գիշերային առանձնութեան և լուսութեան մեջ, այլ հենց «գեղի արյունը ծծողներին» առաջ բողբոմ էր՝ նրանց անօրենն ու անարդար

102 Պ. Պոռշյան, Հացի խնդիր, Թիֆլիս, 1880, Հառաջաբանը:

գործողութիւնները մերկացնելով: Գյուղական կյանքի տեսարաններն, այսպիսով, նկատելի գերակշռութիւն էին ստանում և որոշակի ռճական երանգ հաղորդում վեպի ամբողջութեանը: Վեպը գոյանում էր տեսարանների շարակցումից, սյուժեն ու կոմպոզիցիան ենթարկվում էին այդ շարակցումների անպատեհութեան կամ պատեհութեան «քմահաճութեանը»: Գրողը իր պաշտօնը ավելի դիտում էր հենց դրա մեջ, քան թէ ամբասիր այն գեղարվեստականութեան, որը հաղթահարում է ամեն մի դիտավորութիւնամիտումնավորութիւն և առանձնանում իր ամբողջ շքեղ գեղեցկութեամբ:

«Թաւջի», «Յասաւուլ», «Գարնան հարկահանութիւն», «Գրագիր հերոսը», «Յորեն», «Յորենի շարունակութիւնը կամ Մաշադի Ռամադանը» գլուխներում գեղանկարված պատկերները, որ հազիվ էին միմյանց հետ շաղկապվում, բերում էին հայ գյուղի տնտեսական ահավոր կացութիւնը ներկայացնող փաստեր: Պոռշյանը հետամտում էր մի նպատակ-համայնապատկերի մեջ տեսանելի դարձնել հայ գյուղի դրութիւնը՝ գաղտնիստ կառավարչութեան կրնկի ներքո: Հայ նոր գրականութեան մեջ առաջին անգամ, և այդպիսի մասշտաբներով, կենդանագրվում էին ունեզրկման, բռնութիւնների և անիրավութեան տեսարանները: Պոռշյանն այդ տեսակետից առաջ էր անցնում մնացած գրողներից: Նրա վեպը դառնում էր իրոք ժամանակակից վեպ՝ սոցիալական լայն ու խոր հարցադրումներով, բաբախուն ու մեծ կյանքով:

ԺՈՂՈՎՐԻՒԱՍԻՐԱԿԱՆ ՇԱՐԺՈՒՄԸ ԵՎ ՆԱՐՈՒԿՆԻԿ ԳՅՈՒՂԱԳԻՐՆԵՐԸ

Ազգամիջյան նաբողնիկական խմբակներն Անդրկովկասում. սրանց
 փայփայումը: Ազգային նաբողնիկություն. «Հայրենասերների միու-
 րյունը»: Լեզու նաբողնիկական մոսկովյան խմբակցությունը: Ճա-
 նասպարհ դեպի Երկիր: Արսեն Թոխմախյան—հրապարակախոսը:
 Սանդալ: Կյանքի գծեր: Գրական Երկերը՝ «Փոքրիկ աստղ»: «Վի-
 շապ»: Պանդուխտ մշակների խնդիրը: Գ. Պապյանցի պատկերները:
 նաբողնիկական լուսավորչության բովանդակությունը:

1870-ական թվականներին Ռուսաստանի քաղաքներում սովոր-
 րող հայ երիտասարդությունը բավական ակտիվ մասնակցություն
 էր հանդես բերել «Զեմլյա ի վոլյա» և «Նաբողնայա վոլյա» կաղ-
 մակերպությունների հեղափոխական գործունեությունը:

Նոր սերունդը, մանավանդ կովկասյան միջավայրում, շուտով
 ընդգրկվեց նաբողնիկական ազգամիջյան խմբակների ու խմբավո-
 րումների մեջ, որոնք, ըստ էության, ղեկավարվում էին ռուսական
 կենտրոններից:

Տակավին 1873—75 թվականներին Պետերբուրգում գործում
 էր «Կովկասցիներ» ազգամիջյան կազմակերպությունը, որի ղեկա-
 վարներից մեկն էր հայ ուսանողուհի Քանանյանը¹:

¹ Մ. Գ. Ներսիսյան, նաբողնիկական խմբակներն Անդրկովկասում, Երևան,
 1940, էջ 18—19:

1874 թ. Ժնևում հրավիրված կովկասյան ուսանողության համագումարին մասնակցում էին և հայ երիտասարդներ: «Յարական պահնորդական երրորդ բաժանմունքը նշում էր, որ 1873—74 թթ. կովկասցիները մեծ տոկոս էին կազմում տաժանակիր աշխատանքի դատապարտվածներին մեջ»:

1875 թվականին Թիֆլիսում և Քուվայխում ստեղծվում են նարոդնիկական առաջին կազմակերպությունները²: Մեծ թվով հայ երիտասարդներ, որոնց շարքում և գյուղական ուսուցիչներ էին ընդգրկված այս խմբակներին մեջ: Մեկ տարի անց կազմակերպությունները մատնվեցին և նրանց բոլոր անդամները դատապարտվեցին աքսորի:

Նարոդնիկական առաջին խմբակներն ու խմբավորումները մեծ աշխատանք էին ծավալում անդրկովկասյան գավառներում և գյուղերում: Ինչպես նշում է պատմաբանը, հեղափոխական մտավորականությունը կոչ էր անում «զնալ դեպի գյուղը, ժողովուրդը, աշխատել նրա մեջ, տարածել հակակառավարական իդեաներ, ձևանարկել նարոդնիկական սոցիալիզմի պրոպագանդան և կազմակերպել, նախապատրաստել գյուղացիական ելույթներ, ապստամբություններ՝ տիրող կարգերը տապալելու նպատակով»:

Այս շրջանում նարոդնիկական գաղափարների տարածման ամենահուսալի միջավայրը գյուղական ուսուցչությունն ու քաղաքային աշակերտությունն էր: 1874—1880 թթ. Անդրկովկասյան դպրոցներից վտարվել են ազգամիջյան նարոդնիկական խմբակների մեջ ներգրավված 166 աշակերտներ:

Կովկասյան նարոդնիկների զխավոր նպատակադրումը և հեղափոխական ծրագիրը բոստ էություն կրել էր «Զնամլյա փի վոլյայի» և «Նարոդնայա վոլյայի» գաղափարական կողմնորոշումների խոր ազդեցությունը: Յարիզմի տապալումը և գյուղական համայնքի՝ որպես համայնավարական տնտեսական կազմակերպությունների եզակի ձևի գաղափարը ագրարային խնդիրը լուծելու ելած

2 Մ. Գ. Ներսիսյան, նշվ. աշխ., էջ 31, ն. 2. Բարսեղյան, Մարքսիզմի տարածումը Հայաստանում, գիրք 1, Երևան, 1967, էջ 144—145:

հեղափոխական նարոդնիկների գործունեության ծրագրի հիմնական բովանդակությունն էր:

Ընդհանուր միջազգայնական այս կողմնորոշումը խոր ճեղքվածքներ է ստանում 1877—1878 թթ. ռուս-թուրքական պատերազմի նախօրեին և մանավանդ դրանից հետո: Դեռևս 1874-ին ժնեկում հրավիրված համագումարին ուսանողների մի մասը պահանջում էր «Կովկասյան ֆեդերացիա»՝ ի հակադրություն 1872-ին Ցյուրիխում կազմակերպված ուսանողական «Յարմո» հեղափոխական խմբակի միջազգայնական այն ծրագրի, որը համառուսական ընդհանուր հեղափոխության հետ էր կապում գյուղացիության սոցիալական ազատագրության խնդիրը³: Տեղերում գործող նարոդնիկական խմբակների ու խմբավորումների մասնակիցները տեսնում էին ռուս նարոդնիկության շրջանում կատարվող նահանջը միջազգայնականության դիրքերից դեպի «մեծապետական շովինիզմը»: 1879 թ. «Նարոդնայա վոլյայի» գործադիր կոմիտեի ծրագիրը արդեն «շրջանցում էր Ռուսաստանի ազգությունների ազատ ինքնորոշման իրավունքը»: Ռուսաստանի նարոդնիկությունը գաղափարական վայրէջք էր ապրում Բալկանյան սլավոնների ազատագրության այն կամպանիայի շրջանում, որ մղում էր ռուս սլավյանոֆիլությունը: Պահպանողական, լիբերալ և նարոդնիկական մտայնությունները այս խնդրում դտնում էին միմյանց ձայնակցելու իրական հնարավորություններ:

Համանման պրոցես կատարվում էր նաև Անդրկովկասում: Հեղափոխական նարոդնիկության ազգամիջյան խմբակները քայքայվում էին: Տեղական-ազգային խնդիրները նկատելի գերակշռություն էին ստանում միջազգայնականի հանդեպ: Հայ միջավայրը մանավանդ, որ ապրում էր վերահաս ռուս-թուրքական պատերազմի քաղաքական հեռանկարներով, պատերազմի ժամանակ և պատերազմից հետո ետում էր ազգային ազատագրության գործնական խնդիրների շուրջ դարձող մտահոգությունից: Արևելյան Հայաստանին միացած Կարսի, Արդահանի և Սարիղամիշի շրջանները, Սան-Ստեֆանոյի դաշնագրության 16 և Բեռլինի վեհաժողովի

3 Մ. Գ. Ներսիսյան և Չվ. աշխ., էջ 20—21:

61 հողվածները ամբողջ հայությանը հուսադրում էին վաղվա ազատագրութեան ստույգ հեռանկարով: Թվում էր, թե շափաղանց մոտ է այն բաղձալի պահը, երբ միավորվելով Արևմտյան Հայաստանի հետ, հայ ժողովուրդը կստանա եթե ոչ քաղաքական անկախութիւն, գեթ ազգային ինքնավարութիւն:

Արագորեն կազմավորվում էին Արևմտահայաստանի ազատագրութիւնը ծրագրային ելակետ ընդունած խմբեր ու խմբակներ: Դեռ 1879 թվականին Թիֆլիսում Գ. Արծրունու ղեկավարութեամբ կազմակերպվել էր «Երեքի կոմիտեն», որ նպատակ ուներ զբաղվել արևմտահայերի զինական ինքնապաշտպանութեան և երկիրը ուսումնասիրելու հարցերով⁴: Այս կազմակերպութիւնը գոյութիւն ունեցավ մինչև 1883 թվականը:

1881—82 թթ. Մոսկվայում հիմնադրվում է ազգային-նարող-նիկական «Հայրենասերների միութիւնը», որ հրապարակում էր իր անլեզալ օրգանը՝ «Ազատութեան ավետաբերը»: Թիֆլիսում և Երևանում այս պահին գործող նարողնիկական խմբակները վերածվեցին «Հայրենասերների միութեան» մասնաճյուղերի և տեղերում գործում էին համահայկական ազգային նպատակների կենսագործման համար⁵: «Հայրենասերների միութեան» տեղական և մոսկովյան կազմակերպութիւններին աջակցում ու համակիր վերաբերմունք էր ցույց տալիս «Երեքի կոմիտեն»: Կան տվյալներ, որ «Երեքի կոմիտեն» (մասնավանդ կոմիտեի անդամ Րաֆֆին) ըստական մեծ կապեր է ունեցել Վանում և Կարինում գործող ազատագրական խմբակների հետ⁶:

Ազգային նարողնիկական կազմակերպութիւններին գործունեութեան եռուն այս շրջանում ադրարային հարցը զուգակցվում էր նորաշրջան պայքարի այն մտայնութեանը, ըստ որի արևմտահայերի ազատագրութեան խնդիրը լոկ քաղաքական չէ, այլ տնտե-

4 Ռ. Փ. Հովհաննիսյան, Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպութիւնը, Երևան, 1965, էջ 242:

5 Նույն տեղում, էջ 240, նաև Խ. Հ. Բարսեղյան, Մարքսիզմի տարածումը Հայաստանում, գիրք 1, Երևան, 1967, էջ 142—143:

6 Ռ. Փ. Հովհաննիսյան, նշվ. աշխ., էջ 242, 250:

սական և այս իմաստով թե «Հայրենասերների միության», թե Թիֆլիսում գործող հայ անդրանիկ հեղափոխական խմբակի ծրարագրերում գյուղացիության և գյուղացիական համայնքի հետ կապվող համայնավարական-նարողնիկական դադափարները գրտնում էին իրենց արտացոլումը. «Մենք քարոզում ենք,— գրում էր «Ազատության ավետարերը» 1884 թվականին,— ընկերական միաբանությունը, որտեղ ընդհանուրը հոգում է յուրաքանչյուրի համար, իսկ յուրաքանչյուրը՝ ընդհանուրի համար: Ահա թե ինչու բոլոր մասնավոր կալվածատերերի և պետության հողերը պետք է անցնեն համայնքների ձեռքը: Համայնքը միակ սեփականատերն է և միակ սպասողն է, որովհետև նա միակ արդյունաբերողն է: Միևնույն ժամանակ համայնքները ներկայացնում են այն սկզբնական քաղաքական տարրերը, որոնցից պետք է կազմվի ընդհանուր, քաղաքական դաշնակցություն, Ֆեդերացիա»⁷: Նույն 1884 թվականին Թիֆլիսում գործող ազգային-նարողնիկական խմբակը, որպես հեղափոխական պրոպագանդի միջոց՝ հեկտոգրաֆի վրա տպագրում և տարածում է Մ. Նալբանդյանի «Երկրագործությունը որպես ուղիղ ճանապարհ» աշխատությունը⁸: «Երեքի կոմիտեի» անդամներից մեկը՝ Արսեն Թոխմախյանը, Թիֆլիսի հայ հասարակության համար կարդացած իր դասախոսություննեղում զիմում էր ունկնդիրներին «...առանձին ուշադրություն դարձնել, ուսումնասիրել ամեն կողմից ազգության արմատ հանդիսացող գյուղացու կյանքը»: Այս նույն պահին Բաֆֆին «...առաջինն էր, որ արևմտահայ ազատագրական շարժման հիմնական հարցը համարեց արևմտահայ մշակ դասին շահախնդրող հողային հարցը»⁹: Բաֆֆու բարեկամներից մեկը՝ ազգային նարողնիկ Գաբո

7 «Ազատության ավետարերը», 1884, № 1: «Ազատության ավետարերի» մասին մանրամասն տես խ. Հ. Բարսեղյան, Մարքսիզմի տարածումը Հայաստանում, գիրք 1, Երևան, 1967, էջ 140—144:

8 Գ. Ղառաչյան, Հայ անդրանիկ հեղափոխական խմբակը Անդրկովկասում, Թիֆլիս, 1927, էջ 25—26:

9 «Բանբեր Երևանի համալսարանի», Երևան, 1968, № 1, էջ 20:

Միրզոյանը հետագայում մտաբերելով մեծ գործի հետ գործակցութեան և աշխատանքի այդ տարիները, գրում էր. «Մենք աշխատում էինք այստեղ (Թիֆլիսում) մշեցի, ալաշկերտցի և այլ թուրքահայ համազգիների մեջ որոշ քաղաքական պրոպագանդ անել, նրանց պատրաստել, երիտասարդ ուժեր ուղարկել երկիրը, սպասամբաշունչ բրոշյուրներ և ղենք փոխադրել... Մեր կապերը Մուշի և Ալաշկերտի հետ էին: Գուր չեք լսել Արաբոյի, Ջաբելի (Թավաքալյանի) և Սանդալի մասին: Գործը նոր էր և ընթանում էր կազմակազմ, որովհետև միջոցներ ու պատրաստի ուժեր չկային, իսկ կառավարական ձեռնարկ և հսկողությունը սաստկացել էին»¹⁰:

Արևմտահայ ազատագրական շարժմանը գորավիզ լինելով, հայ ազգային նարոդնիկական խմբակները հստակորեն գատորոշում էին սոցիալական խնդիրները քաղաքականից և, ըստ այդմ, նրանց ծրագրային փաստաթղթերում արտացոլում էին գտնում մերթ քաղաքական և ղեմելվոլյան ֆեդերալիզմի գաղափարական ազդեցութեամբ վերընձուլված սկզբունքները, մերթ գլուղացիական սոցիալիզմի հանրահայտ գրույթների գործնական մեկնաբանումները, և մերթ էլ նարոդոլոլյական անշատականութունը սրենած ազգայնական մտայնութեան հետեանքները:

Ձևավորվելով որպես գլուղացիութեան սոցիալական պայքարը ղեկավարող խմբակներ, այդ կազմակերպութունները դանդաղորեն քաղաքական գունավորում էին ստանում, որչափ սոցիալական ազատագրութունը նրանց պատկերանում էր որպես բունատիրութեան դեմ մղվող ազգային-ազատագրական պայքար:

Արևմտահայ գլուղացու քաղաքական ազատագրութունը վերջնագիծ չէր համարվում: Նույն Արսեն Թոխմախյանը՝ կիսալիբերալ-կիսանարոդնիկական իր մտորումները հիմնում էր ազգի մեջ գտնվող «ամեն աստիճանի դասակարգութեանց կենսական շրջանառութեան հարաբերական կապի» ըմբռնման վրա, կապ, որն, ըստ հրապարակախոսի, ձևացնում է ազգի տնտեսական կյանքը¹¹: Առանց ազգային ընդհանրական շահերի նախապատվու-

10 «Բանբեր Երևանի համալսարանի», Երևան 1968, № 1, էջ 28:

11 Ա. Թոխմախյան, Մասիս լեռների հարավային ստորոտներ, Բ. Մաս, Թիֆլիս, 1882, էջ 24:

թյան, դիտակցութեան և դասային հանդուրժամտութեան շի լուծ-
վելու իսկական ազատագրութեան խնդիրը՝ «գյուղացու բարեկեն-
դանութեան» հարցը: «Իսկ ազգային բարեկենդանութեան հիմ-
քը, — շեշտում էր նա, — գյուղացու բարեկենդանութեանն է»: Հը-
րապարակախոսը պարապ և անիմաստ մի բան էր համարում ա-
զատագրութեանը, եթե այն դասակարգային փոխօգնութեանը
հենված սոցիալական ազատագրութեան չէր. «Այն ժամանակ,
(ազատագրութեանից հետո — Ա. Ռ.), ճշմարիտ է, որ գյուղացու
վրից կվերառնեն նորա քրտինքով տոգորված, ճնշող, կեղտոտ լու-
ծք. նորա տեղը կդնեն նորը, փառքերով դարդարուն, բայց ավելի
ծանր, սեփականականը, որի քրտինքը միշտ պետք է լվանալ
արյունով:

Նորան կասեն. — «Այդ նոր լուծը թեև ծանր, բայց քո սեփա-
կանն է, քաշիր հոգիդ դուրս դա»:

Այն ժամանակ գյուղացին կզգա, որ թեև քրդեր և արտաքին
հարստահարութեաններ այլևս չկան, բայց յուր վիճակը ավելի և
ավելի ծանրացել է, ներկան անցյալից ավելի է վատ:

Այդ ծանրութեան տակ նա ընկճվում է, կործանելով յուր վերա
հաստատված շինութեանը, տրորվելով նորա տակը»¹²:

Թվում է, թե հրապարակախոսը կոահում էր գալիք սոցիա-
լական հեղափոխութեան հնարավորութեանը: Սակայն, եթե միտ
դնենք, թե ինչու և նկատառման որ սահմանից ելնելով էր Թոխ-
մախյանը գծում «անմխիթար ապագայի» այս պատկերը, ապա
դյուրութեամբ երևան կգա սոցիալական հակասութեանները հաշ-
տարար քարոզչականութեամբ խաղաղող դեկտրինյորի աշարջու-
թեան լիբերալ բնույթը: Այսպես էլ նորաստեղծ հայ ազգային-նա-
րողնիկական կազմակերպութեանների գաղափարական ելուղիները
ձգվելով գյուղացու տնտեսական հոգսերից և առնելով դրանից
հեղող պայքարի տրամադրութեանները, ի վերջո հանգում էին կամ
ընթացիկ մոմենտում մոտենում գյուղացիութեան մեջ եղած «ժո-
ղովրդական պահանջների ու ցանկութեանների» բավարարման

12 Ա. Թոխմախյան, Մասիս լեռների հարավային ստորտներ, Բ. մաս, Թիֆ-
լիս, 1882, էջ 25—26:

մտահոգութեանը, կամ քաղաքական այն ակնկալիքներին, որոնք կատարած էին ազատագրական շարժման նորօրյա հեռանկարներին հետ: Եվ, այնուամենայնիվ, գյուղացու տնտեսական հոգսը ներխուժում էր քաղաքական ծրագրերի մեջ մի տրամաբանութեամբ, որն, ըստ էութեան, արդյունք և հետևանք էր երկրում ծավալված ընդհանուր ազդարային ճգնաժամի:

Պատահական չէ, որ այս պահին, 80-ական թվականների սկզբներին, շրջուն զաղափարը և տեսակետը դարձյալ մնում էր Մ. Նալբանդյանի հուշակված սկզբունքը. «Ազատութունն ինքնքստինքյան լոկ խոսք է և իրողապես չէ կարող մարմնանալ, առանց տնտեսական խնդրի լուծվելուն»¹³:

* * *

70-ական թվականներին գյուղագրական գրականութեան գաղափարամերձութունը նարոգնիկական ուսմունքի հետ, անտարակույս, արահայտվում էր շատ ավելի բարդ և միջնորդավորված ուղիներով, քան 80-ական թվականներին: Տեսանք, որ Ա. Ազալանի, Ալ. Արարատյանի, Գ. Տեր-Հովհաննիսյանի, Գ. Պապյանցի և Պերճ Պոռչյանի երկերում արժարժվող զաղափարները, ըստ էութեան, ելնում էին «ժողովրդական կյանքի հետազոտութեան և ճիշտ մեկնաբանման» գրական առաջադրանքից: Այստեղ կատարվում էր զաղափարական փոխանցումների այն բարդ պրոցեսը, որը զբոսականութեան մեջ երևան է գալիս արդեն որպես ընդհանուր աշխարհըմբռնում, բայց ոչ սոցիալական տվյալ ուսմունքի հետ կապվող մտայնութուն: Հասարակական կյանքը 70-ական թվականների գյուղագիրներին այդ հնարավորութունը չէր տալիս: Նարոգնիկական ուսմունքը հայ միջավայրում սկսեց ուժգնապես ներազդել գրականութեան և հրապարակախոսութեան վրա միայն 70-ական թվականների վերջերին և 80-ականների սկզբներին:

Մոսկվայի գյուղատնտեսական ակադեմիայի հայ ուսանողները առաջինը սկսեցին տպագրել մեր մամուլում նարոգնիկական մը-

¹³ Մ. Նալբանդյան, ԵԺ, հատ. III, էջ 61:

տայնությամբ ներթափանցված տնտեսագիտական ու հրապարակախոսական հոդվածներ: Հովսեփ Տեր-Մովսիսյանը, Ալ. Քալանթարը և Ս. Ղորղանյանը այն երիտասարդներն էին, որ ուսական լեզու նարողնիկներին հետևողությամբ փորձեցին վերլուծել հայ գյուղի սոցիալ-տնտեսական դրուժյունը¹⁴: Անդրկովկասի, մասնավորապես Արևելյան Հայաստանի հողային հարաբերությունների վերաբերյալ հայ ուսանողների մտորումները դառնում էին ամենից առաջ ցարական ազրարային ռեֆորմների կենսագործման նախաձեռնումների շուրջը: Այսպես, Հ. Տեր-Մովսիսյանը որպես հողային հարաբերությունների կարգավորման վճռական միջոց հանձնարարում էր ճանաչել հայ գյուղացու իրավունքը այն հողերի նկատմամբ, որոնք որպես թե բեգական են դարձել ուսական տիրապետության տարիներին՝ տեղական կալվածական դաս ստեղծելու ուս կառավարության ձեռնարկումների ժամանակ: Տարբերանշելով Անդրկովկասում եղած հողային հարաբերությունների առանձնահատկությունը Ռուսաստանից, Հ. Տեր-Մովսիսյանը շարժական գյուղին էր պատկերացնում պետական միջամտությամբ «բեկ և ուրհամ» սոցիալական խավերի «վերացման» և «ազատ աշխատավոր երկրագործների» նոր դասի ձևավորման պրոցեսը: Բավական է «բոլոր գյուղացիների հողերը իրենց վերադարձնել» և ահա ստրկության փոխարեն երկրում կիշխեն «աշխատանքն ու հավասարությունը»¹⁵:

70-ական թվականների վերջերին և 80-ականների սկզբներին «հասարակության լուսավոր դասի» նկատմամբ ծայր էր առնում մի վերաբերմունք, որն, ըստ էության, պայմանավորված էր սրահասարակական գործունեության շառավիղներն ընդարձակելու մրտահոգությամբ: Մշակվում էր մտավորականի կամ հասարակական գործչի իդեալական տիպարի բարոյականությունը: «Հասարակության լուսավոր դասը» կոչված է տեղաշարժելու ոչ միայն բարերի ու սովորությունների միջնադարյան քարացածությունը, այլև

14 Վ. Ռշտունի, Հայ հասարակական հոսանքների պատմությունից, Երևան, 1956, էջ 379, 382—383:

15 «Մեղու Հայաստանի», 1881, № 234, նաև Վ. Ռշտունի, Հայ հասարակական հոսանքների պատմությունից, Երևան, 1956, էջ 401:

միջամուխ լինելու համապետական ու համազգային գործերի բուն ընթացքին, համադեմոկրատական լուծում տալով հասունացած սոցիալական խնդիրներին: «Եվ իրավ, — տակավին 1876 թվականին գրում էր «Մշակի» թղթակիցներից մեկը, — ժողովուրդը՝ այսինքն գյուղացիները, մշակները՝ առանց առաջնորդող մարդկանց նշանավոր ազդեցություն, կշիռ ունեցող անհատների ոչինչ չէ կարող անել: Ամեն ազգի պատմությունը ցույց է տալիս, որ թե՛ հեղափոխություն, թե՛ պատերազմի և թե՛ մի ուրիշ հասարակական փոփոխություն, շարժման ժամանակ ժողովուրդը իր առջև միշտ ունեցել է հասկացող, ազդող, երևելի, առաջնակարգ մարդկանց մի խումբ: Սորա են դրդել, սոքա են պատրաստել ժողովուրդին, ամբոխին կատարելու այս կամ այն փոփոխություն, այս կամ այն հասարակական կյանքի երևույթը»¹⁶:

Հասարակությունը առաջնորդում է մտավորականությունը. սրա գործունեությամբ է, ի վերջո, որոշվում հասարակական առաջընթացը. ծնվում էր այն մտայնությունը, թե «ընդհանուրի օգուտի մասին մտածողը իրավունք չունի մտածել և իր անձնական բախտավորության վրա»: Նույն Հովսեփ Տեր-Մովսիսյանը հողային պրոբլեմի լուծումը պայմանավորում էր «կառավարչական մասնաժողովների մեջ» հասարակության «լուսավոր դասի» մասնակցությունը: Նա, ինչպես լիբերալ նարոդնիկական «Գործը» և սրա խմբագիր Սիմոն Հախումյանը, շրջանցելով տնտեսական շարժումը ղեկավարող հիմնական ուժերը, հայացքն ուղղում էր դեպի երիտասարդությունը, որ, բարձր կոչմամբ և «համեմատաբար անարատ իր գաղափարներով», մղվում է դիմագրավելու բուրժուազիայի՝ այդ «չարչիական դասակարգի» շահագործողական բնազդները: Ս. Հախումյանը «Գործի» անդրանիկ համարի առաջնորդողում գծում էր երիտասարդության նարոդնիկական գործունեության ուղիները. «Դրոցա առաջ ասպարեզ կա գործելու, ժողովրդի դրությունը ուսումնասիրելով և նորա վիճակը բարվորելով»¹⁷:

¹⁶ «Մշակ», 1876, № 26:

¹⁷ «Գործ», Շուշի, 1882, № 1:

Երիտասարդութիւնը համարձակորեն պիտի դիմի «կիսավեր խրճիթներէ», «խոնավ բնակարաններէ», հիվանդութիւններէ, աղքատութեան ու կարիքի այդ աշխարհը: «Գործի» խմբագիրը հուշսուններ, որ անձնվեր այդ երիտասարդութիւնը գյուղացուն և արհեստավորին նվիրելով «յուր անձը, յուր աշխատանքը, յուր կյանքը», կարող է արգասավոր արդշունքներէ հասնել՝ ժողովրդի նշուածական դրութիւնը բարւոքելու իր անձնվեր ջանքերի մեջ:

1882—1883 թթ. Թիֆլիսում կազմակերպված հայ նարոդնիկներէ անլեզալ խմբակի անդամ Գ. Ղարաջանը (Արկումեդ), հետագայում վերհիշելով խմբակի պրակտիկ գործունեութեան մասնաւորութիւնները, նկատում էր. «Գյուղում պաշտոնավորող կամ ժամանակավորապէս այցելող ընկերը ջանում էր մոտենալ գյուղական աշխատավոր խավերին, մասնակցել գյուղական ժողովներին և հավաքույթներին, վարել ըստ ամենայնի օգտակար կուլտուր-կրթական, հասարակական աշխատանք, պայքար մղել գյուղի կուլակներէ և այլ «ցեցերի» դեմ և այդ պայքարի անհրաժեշտութիւնը հասկանալի դարձնել շահագործվողներին, տարածել գյուղական համայնքներում գիրք, թերթ և այլն»¹⁸:

Նարոդնիկական այս խմբակներէ ու խմբերէ դադափարական հարցասիրութիւնը շատ հաճախ սոցիալական խնդիրներէ մակերեսն էր շոշափում. քաղաքական ռադիկալիզմը յայտնել փոխարինվում էր ազգային ռադիկալիզմով, գյուղացիական սոցիալիզմը՝ «ազատ աշխատավոր երկրագործներէ» համայնակեցութեան պահանջով, բունտարական ու տեռորիստական գործունեութիւնը՝ դեպի «ժողովրդական պահանջներէ ու ցանկութիւններէ» բավարարումը տանող պարզ գործունեութեան նախընտրութեամբ:

Արեւտահայաստանի ազատագրութեան հետ կապված կազմակերպութիւնները սկսում էին զատորոշվել լեզալ նարոդնիկական խմբակներէ և յայտիսով տեղի էր ունենում երկու հոսանքներէ առաջացումը հայ նարոդնիկութեան մեջ: Ըիշտ է, ազգային-նարոդնիկութիւնը և լեզալ-նարոդնիկութիւնը տնտեսական խնդրի

18 Գ. Ղարաջան, Հայ անդրանիկ նարոդնիկական խմբակը Անդրկովկասում, Թիֆլիս, 1927, էջ 24—25, հմմ. նաև Մ. Գ. Ներսիսյան, նշվ. աշխ. էջ 60:

յուծումը դիտում էին որպես ազատագրութեան կամ ժողովրդի դըրութեան արմատական վերափոխման հիմնական միջոց, բայց հարցերի մեծ մասում բարձրանում էր տարածայնությունների անջրպետը:

Լեզալ նարոզնիկների մի մասը աստիճանաբար թողնում էր ազգային ազատագրական շարժման կամ Արևմտահայաստանի քաղաքական ասպագայի հետ կապվող խնդիրները և իր ուշադրությունը կենտրոնացնում Արևելյան Հայաստանում հողային ռեֆորմների և հողաշինութեան պետական միջոցառումների վրա:

Հայ գյուղագրական գրականությունը, որ ենթակա էր ազգային և լիբերալ նարոզնիկական խմբավորումների գաղափարական կողմնորոշումների ազդեցությանը, 80-ական թվականներին թևակոխում է դարգացման մի նոր շրջան: Մի կողմից Արևմտահայաստանի քաղաքական ազատագրութեան հետ առնչված ազգային նարոզնիկությունը, որ արդեն գործնական քայլեր էր կատարում «Երկիր» ուսումնասիրութեան, ղենքի տեղափոխումների, ազգային ազատագրական շարժումը ղեկավարող հայդուկային խմբերի և գաղտնի կազմակերպությունների ստեղծման ուղղությամբ և մյուս կողմից լիբերալ նարոզնիկությունը, որ փորձում էր հանդես գալ «դեպի ժողովուրդը» շարժման առաջնորդի դերում, մեծապես օգտավելուով գյուղական ուսուցչութեան պատրաստակամությունից՝ դյուղում օրինապահութուն և կարգ հաստատելու,— ուղենշում են գյուղագրական գրականության նորագույն զարգացման հեռանկարները:

Այսպես հենց ազգային և լեզալ նարոզնիկական խմբերի մեջ ներգրավված մի քանի գործիչներ՝ Սանդալը (Ալեքսանդր Պեսոսյան), Համբարձում Առաքելյանը, Ալեքսանդր Քալանթարը և ուրիշներ կողմնորոշվում են դեպի գյուղագրական գրականությունը և հրապարակախոսությունը:

Առաջին գյուղագիրը հայ իրականութեան մեջ, որ անցել էր «Երկիր» և մեկ ուսումնական տարի ուսուցչութեամբ պարապել Մուշի Առաքելոց վանքում, Սանդալը (Ալեքսանդր Պեսոսյան) էր (1859—1922): Գ. Ղարաջյանը պատմում է, որ Սանդալը հայտնի դեմք էր անցյալ դարի 70-ական թվականների վերջերին և 80-ա-

կանները սկզբները հայ ուսանող երիտասարդութեան և գյուղացիութեան շրջաններում: Նա կապեր էր հաստատել Րաֆֆու, Գ. Միրզոյանի, Ա. Թոխմախյանի հետ և գործում էր Թիֆլիս տաճկահայ պանդուխտ մշակների օգտին ժողովներ էր հրավիրում և «պրոպագանդա մղում» Արևմտահայաստանի ազատագրութեան համար: «81—82 թվականներին Սանդալը մշակների հոգին էր Թիֆլիսում: Նրանց կյանքի հետ մոտ ծանոթութունը հնարավորութուն տվին նրան գրելու 1882 թվին «Վիշապ» պատմվածքը»¹⁹:

1883 թ., երբ Թիֆլիսի նարոդնիկական խմբակի անդամ էր, մի քանի ընկերներով մեկնեց Ավետյաց երկիրը — Արևմտահայաստան՝ տեղում գործելու. նրա ընկերներն էին՝ Ա. Թոխմախյանը, Տ. Փիրումյանը և Հ. Մելիք-Գաբայանը: 1884-ին վերադառնում է Թիֆլիս և ապա տեղափոխվում Գանձակի գավառի Գետաշեն գյուղը:

Այս ժամանակները Գանձակում աշխատում էր նաև Արկումեդը: Երկու ընկերներ վերհաստատում են Թիֆլիսի կենտրոնի հետ իրենց ընդհատված կապերը և ղբադվում գյուղերում նարոդնիկական գաղափարների քարոզչութեամբ:

1885 թ. Սանդալը գրում է իր երկրորդ ղեղարվեստական գործը՝ «Փոքրիկ աստղ» վեպը, որ հետագայում հրատարակվում է Մոսկվայում (1892 թ.)²⁰:

Գյուղացիների շրջանում գյուղագիրը մեծ հեղինակություն էր վայելում: Նրանից վախենում էին «գորավորները»: Արկումեդը նրկատում է, որ գյուղում Սանդալը գործում էր որպես իսկական ժողովրդական գործիչ. «Նա ձգտում էր լինել և՛ ուսուցիչ, մանկավարժ, և՛ գյուղատնտես, և՛ ֆելդշեր, և՛ արխիտեկտոն-շինարար և այլն: Նա ուներ տնային մի փոքրիկ դեղատուն, մի քանի դեղեր ինքն էր պատրաստում»²¹:

80-ական թվականներին վերջերին գյուղագիրը մեկնում է Մոսկվա, Պետերբուրգ, ուր մի քանի տարի պաշտոնավարում է

19 Գ. Ղառաջյան (Ս. Տ. Արկումեդ), Սանդալը և նրա վեպերը, Թիֆլիս, 1930, էջ 8—9:

20 Նույն տեղում, էջ 9:

21 Նույն տեղում, էջ 11—12:

ռուսական երկաթուղային վարչութիւն մեզ: Սանդալը չհարեց և ոչ մի ազդային-քաղաքական կուսակցութեան²²: 90-ական թվականները երկրորդ կեսին վերադառնալով Թիֆլիս, նա աշխատում էր հասկանալ նոր կուսակցութեանները և հոսանքների էությունը: Սակայն հյուծված և վերջնականապէս քայքայված առողջութեամբ (հիշողութեան թուլութեամբ ունեւր և ջղերի հիվանդութեամբ) դեղերում էր Թիֆլիսի պանդոկներում՝ առանց աշխատանքի և մեծապէս նյութական օգնութեան կարոտ: Ծառայելու հնարավորութեան շունքը, տնատերերը հալածում էին նրան: Բոլորովին անօգնական մեռալ Թիֆլիսում, 1922 թ.²³:

1880-ական թվականների սկզբներին տաճկահայ մշակների շրջանում կազմակերպչական և պրոպագանդիստական աշխատանք տանելիս, Սանդալը ի մոտո ծանոթացավ զեղջուկ այս դաղթականները օրվա հոգսերին և հայրենիքում նրանց սոցիալական դերութեան մանրամասներին: Ամիսփեյելով իր տպավորութեանները, Սանդալը գրեց պատկերների այն շարքը, որ «Վիշապ» հատկանշական խորագրով հրատարակեց Թիֆլիսում 1884 թ.:

Սյուժետային մի թույլ գիծ համահավաքում է տաճկահայ մշակների կյանքի պատկերները մի տեսարանի մեջ, որ բավական ճշմարտացի ներկայացնում է հայրենի երկիրը, տունը և մերձավորներին թողած այդ պանդոկատների դառնաղի ճակատագիրը հայաշատ այն կենտրոնում, ուր ձգվում էր նրանց վատաբախտ քարավանը:

Հարոն և Զկոն, երկուսն էլ պարտքակոխ գյուղացիներ, «տունը, տեղը, մալը» փրկելու հույսով ճանապարհ են ընկնում Թիֆլիս՝ աշխատանք գտնելու, փող վաստակելու և գոնե պարտքի տոկոսիքը վճարելու որոշմամբ: Մեծ քաղաքը նրանց դիմավորում է անտարբերութեամբ և դաժանութեամբ: Առաջին պահ պանդոկատների դեմ ելած մեծահարուստ տանտիրիկներ, որ օթեանելու տեղ էր տվել նրանց իր ախոռի մի անկյունում, բարութեան մի հրեշտակ

22 Գ. Ղարաջյան, Սանդալը և նրա վեպերը, էջ 10

23 Կենսագրական բոլոր տեղեկութեանները քաղել ենք Գ. Ղարաջյանի հիշյալ աշխատութեանից:

է թվում: Բայց երբ գոմաղբը գետը թափելու համար մշակներին ձևոքից խլում են քթոցակապ պարանները և սրանք ձեռնունայն տուն են դառնում, տանտիկինը անմիջապես պահանջում է երեք ուրբի՝ ի գին կորուստի: Միջադեպը տխրութեամբ է համակում մեր պանդուխտներին: Երեք օր քաղցած մնալուց հետո, նրանց հաջողվում է մի քանի սև գոռշ վաստակել՝ փոռնուց հաց գնելու համար:

Առաջին հանդիպումը Թիֆլիսի հետ դառն զգացումներով է համակում պանդուխտներին: Գա շահի, կոդուպուտի և անխղճության մի աշխարհ էր: Նվազում էր հույսը և բարձրանում անհուսությունը՝ հայրենական հարկը՝ 1 ավելի հեռու էր թվում, կարիքը՝ անսահման, աղքատությունը՝ անհաղթելի:

Եկեղեցու գավիթի մի անկյունում պատասպարված պանդուխտները քնում են ծանր քնով: Նվ ահա երազ է տեսնում Զկոն: Իբր թե մեծ դաշտում հավաքվել են աշխարհի ամենաուժեղ զազանները: Սրանք խոռովված են և գայրացած: Մի ամենի, սարսափելի կենդանի, որ տեղավորված էր երկաթյա վանդակում, իր հարյուր գլուխներից ծուխ ու բոց արձակելով, փորձում էր դուրս պրծնել և հուր ու մոխիր դարձնել ամեն ինչ: Գաղանները, առյուծի գլխավորութեամբ, արգեն վանդակից դուրս եկած վիշապի դեմ են հանում մեղունների հասարակությունը: Մեղունները փորձում են կուրացնել վիշապին, բայց իրենք են այրվում «բոցային լեզուների մեջ»: Վերջապես հաջողվում է միացյալ ուժերով վերաշինել վանդակը և վիշապին ներս տանել: Հենց այդ պահին վիշապը նկատում է Զկոյին: Խորտակելով երկաթյա նիզեքը (ճաղերը), հարձակվում է պանդուխտի վրա: Զկոն փորձում է պաշտպանվել, հետո փախուստի է դիմում, բայց վիշապը հասնում է նրան և բռնում իր կրակե ճիրաններով: Սարսափահար պանդուխտը վեր է թռչում և զարհուրելի երազը պատմում ընկերոջը:

Սանդալը խոր ենթիմաստ էր դրել այս պատմության ծալքերում: Նրա համոզմամբ աղքատությունը, կարիքը՝ աշխարհակործան ուժ ունի: «...Ով մի անգամ ընկավ աղքատության ճանկերը՝ նա այլևս հույս չունենա ազատվելու նրանից. նա հավիտյան նրա ճանկերում, նրա ատամների տակ կլինի և այնուհեղ կշախ-

ջախվի և կուլ կերթա»²⁴; Աշխատավոր մարդու մեծագույն թշնամին է այն, մի հրեշ, որի դեմ առհասարակ անհնար է պայքարել: Վիշապին հսկում են երկրի կառավարողները՝ թագավորի գլխավորութեամբ: Նրանք միշտ հետևում են այդ ամենի զազանին և շահավորում նրա ավերակող զայրույթի գործադրման սահմաններն ու ուժը: Վիշապը խորհրդանշում է սոցիալական կարիքը և թշվառությունը:

Սանդալը պատմում է Մեհրաբի ընտանիքի ողբերգական պատմությունը: Գյուղը ավերակելու եկած քրդերը այրում են Մեհրաբի տունը: Բայց կտրիճ երիտասարդը ընկերների հետ կարողանում է փախցնել ավաղակներին: Իհարկե, կորուստը վերականգնելու համար դիմում է պանդխտության՝ գյուղում թողնելով կնոջը՝ գեղեցկուհի Վարդխաթունին: Ութ տարի անց այդ նույն ճանապարհն է բռնում և Վարդխաթունը՝ ամուսնուն զանելու հույսով: Թիֆլիսում մի կավատուհու սաղրանքով՝ սրունկատուն է ընկնում: Այստեղ եկած Մեհրաբը նշանավոր պուստուկուհու մեջ ճանաչելով իր Վարդխաթունին, կաթվածահար է լինում: «Կորավ սովից Վարդխաթունը, — գրում է Սանդալը, — կորավ և անգին Մեհրաբը՝ կրկին սովից: Սովը կլանեց նրանց: Վիշապը լափեց այդ թշվառներին»²⁵:

Տաճկահայ պանդուխտ մշակիների ճակատագիրը ենթարկված է կարիքի, աղքատության, սովի՝ այդ հարյուրզլխանի վիշապի անխիղճ տնօրինության: Պատկերների շարքը, որ գծում է Սանդալը Հակոբի և Զկոյի վատաբախտ կյանքը նկարագրելով, ի վերջո հետապնդում է մի նպատակ՝ ցույց տալ, որ պանդխտության

24 Սանդալ [Ալեքսանդր Պետրոսյան] Վիշապ, Թիֆլիս, 1884, էջ 23:

25 Սանդալ, Վիշապ, էջ 71: Գ. Ղարաջյանը մեկնաբանելով «Վիշապի» խորհրդանշական իմաստը, կարծում էր, թե 80-ական թվականներին Սանդալը գրածն է դասակարգային պայքարի տեսարաններ «դեպսպոտի դեմ», պայքար, որ աշխատավոր մասսաների և հասարակության շահագործող դասակարգերի միահամուռ ուժերով էր կատարվում: Այնուհետև այս պատկերացումը Ղարաջյանը խորացնում է՝ Սանդալին վերագրելով միահեծանության կործանման հեղափոխական ուղու պաշտպանության միտքը (տե՛ս Գ. Ղարաջյան, Սանդալը և նրա վեպերը, էջ 31):

մեջ՝ վիշապից փախած այս մարդկանց հոշոտում է այդ նույն վիշապը: Գողություն կատարելիս Զիտն խելագարվում է, իսկ բանտ ընկած Հարոն, լսելով հարսնացուի՝ Լուսնթագի հարեմ տարվելը, կաթվածահար է լինում և մեռնում:

Տաճկահայ պանդուխտների վիճակը մեծ քաղաքներում չի հարուցում ոչ մեկի կարեկցանքը. նրանց օղնության շեն հասնում. ավելին. «Մեզ ամենը, ամեն տեղ խփում են, հալածում,— ասում է նրանցից մեկը,— և շատ հաճախ սպանում են առանց վախենալու տերության պատժից»²⁶:

Սանդալը փորձում էր հասարակության ուշադրությունը գամել բախտահարած այս մարդկանց տնտեսական և իրավական դրություն վրա թե՛ հայրենիքում և թե՛ պանդխտության մեջ, քանզի մտածում էր, թե հրահրելով ազգի հետաքրքրությունը բազմամարդ և սոցիալապես քայքայված այդ խավի հանդեպ, կառաջանա նրան զտրավիզ կանգնելու հոգեբանությունն ու մտայնությունը ազգի բոլոր խավերում: Ի վերջո «ներսի և դրսի» վաշխառուների և կողոպտիչների դեմ ուղղելով բարոյախոսի իր ամբողջ զայրույթը, գյուղագիրը ապավինում էր վաղուց շահարկված այն մտրին, թե մշակները պետք է հիմնեն իրենց ընկերակցությունները՝ ինքնօգնության սկզբունքի վրա, ընկերակցություններ, որոնք կարող են, ասենք, կապալներ վերցնել, առանց կապալառուների միջնորդության²⁷: Այսպիսի մի ծրագիր առաջ էր քաշել «Մշակը» տակավին 70-ական թվականներին՝ հետևելով Շուլցե-Գելիշի այն ժամանակ շարժված գաղափարներին²⁸:

Պանդուխտների սոցիալական ճակատագրի հանդեպ ցուցահանած Սանդալի կարեկցությունը, իհարկե, արտաքնապես զուրկ էր քաղաքական երանգներից, բայց խնդիրն ինքնին աղգային-քաղաքական բնույթ ունենր և այդ պատճառով Արևմտահայաստա-

26 Սանդալ, *Վիշապ*, էջ 87:

27 Նույն տեղում, էջ 76:

28 «Մշակ», 1872, № 16, Գ. Անանյան, Ռուսահայերի հասարակական զարգացումը, հատ. 2, էջմիածին, 1922, էջ 72, Կ. Պ. Կարազյան, Սպառողական կոոպերացիայի ծագումը և զարգացումը Հայաստանում, Երևան, 1957, էջ 9—10, 43—44:

նի ազատագրութեան նորօրայ հովերով տարված գրողը սար-
ղապես բավական էր համարում դրա գրական հրապարակախո-
սական արծարծումը: «Վիշապ» սլատկերաշարքը առաջին գրական
երկը չէր նվիրված տաճկահայ պանդուխտներին կյանքին: Մինչ
այդ «Մշակը» տպագրել էր բազմաթիվ պատկերներ, պատմվածք-
ներ և ակնարկներ, որոնք ցույց են տալիս, թե «Երեքի կոմիտեի»
գործունեությունը ղեկավարող Արծրունին կանխապես արդեն ծը-
րագրած ուներ գրական որոշակի քաղաքականություն արեւմտա-
հայ դատի պաշտպանութեան համար:

Արեւմտահայ մշակների խնդիրը մամուլը և գրականությունը
արծարծում էին ելնելով ազգային-նարողնիկական խմբավորում-
ների դադափարական-քաղաքական կողմնորոշումներից: Հենց
միայն մշակների հետ կապ հաստատելը և որոշ սլոտպագանդա
տանելը նրանց շրջանում դիտվում էր որպէս «սոցիալիստական
գործունեություն»²⁹:

80-ական թվականների սկզբներին մեկնելով Մուշ և Առաքի-
լոց վանքում ուսուցչութեամբ պարապելով, Սանդալը, ինչպէս
պատմում է Ղարաջյանը, շատ շուտով ըմբռնում է «Ալեքսայ
երկրում» գործելու ամբողջ դժվարությունն ու քաղաքական անհե-
ռանկարայնությունը: Վերադարձից հետո, հեղափոխական այս
գործիչը, որոշ հուսահատութեամբ էր համակվել. «Տաճկահայ
ժողովուրդը այն չէ,— ասում էր նա,— ինչ որ կողկասահայ կամ
ընդհանրապէս ուսահայ սերունդը ներկայացնում է իրեն և իդեա-
լականացնում: Նա շափազանց հետամնաց է, ամեն բանի կարոտ
և ամեն բանից էլ դուրկ: Ռուսահայ քաղաքական գործչին, որը բո-
լորովին անծանոթ է նրա կացութեան, նրա կյանքի սլայմաններին,
հարկավոր է երկարատե ժամանակ, որպէսզի մտտ ծանոթանալով
և ուսումնասիրելով այն հասարակական և հոգեբանական սլայ-
մանները, որոնց մեջ գտնվում էր տաճկահայ ժողովուրդը, հնա-
րավորութեան ունենար նրա միջաւլայրում օգտակար դարձնել իր

29 Գ. Ղարաջյանը նշում է, որ «...երիտասարդ դեմոկրատ գործիչների հաս-
կացութեամբ մշակների մեջ գործունեությունը մի տեսակ «սոցիալիզմ» էր»:

(Հայ անդրանիկ հեղափոխական խմբակը Անդրկովկասում, Թիֆլիս, 1927,
էջ 19):

գործունեությունը»³⁰։ Եթե հուշագրի հետագա հայացքներն անգամ աննշան հետքերը տեսնենք այս տողերի մեջ, այնուհանդերձ իրողություն է, որ Սանդալը վերագարձից հետո անմիջապես մեկնում է Գետաշեն և իրեն հանձնում «ժողովրդի մեջ» բացատրական-պրոպագանդիստական աշխատանք տանելու հոգսերին։ Նա շրջում էր Գանձակի գյուղերում, օգնում չքավոր և կարոտ դյուղացիներին, բացատրում նրանց միասնաբար իրենց շահերը պաշտպանելու կարևորությունը՝ գյուղական ցեղերի դեմ մղվող պայքարում, «բռնաժլկական օգնություն էր հասցնում հիվանդներին», խոսում էր գյուղացի և լուսավորության գործնական հարցերի շուրջ, վերջապես իբրև գործիչ ծանոթանում էր արևելահայ գյուղի ու գյուղացիության, հանապազօրյա մտահոգություններին։ Կարճ միջոցում նա արդեն ժողովրդականություն էր ձեռք բերել Գետաշենում և «շրջակա գյուղական հասարակությունների մեջ»³¹։ Սանդալի գործունեությունը, ասում է Ղարաջյանը, լավագույնս բնութագրում է հայ անդրանիկ նարոդնիկական խմբակի ծավալած աշխատանքի որոպիսությունը. «...ժողովրդական լայն խավերի շահերին ծառայել, գործել արհեստավորների շրջանում, գյուղերը գնալ և զլխավորապես գյուղացիական շարքերում կենտրոնացնել կուլտուրական, հասարակական գործունեությունը — ահա ընդհանուր առմամբ այն հիմնական տենդենցիան, որին հետամուտ էին հայ նարոդնիկները»³²։

ՑՕ-ական թվականներին արևելահայ միջավայրում գործունեության ասպարեզ գտած և զաղափարական ելուղիներ մշակող ազգային-նարոդնիկությունը, մասնավորապես այս հոսանքի այն թևը, որ ավելի հակված էր անդրկովկասյան «տառապող գյուղացիություն» սոցիալական դրությունը բարվոքելու խնդրի իրագործման մեջ տեսնել իր կոշտը, ուստի հեղափոխական նարոդնիկներին սոցիալական գործելակերպի և բացատրական-լուսավորական աշխատանքի այն եղանակները, որոնք մշակում էին

30 Գ. Ղարաջյան, Սանդալը և նրա վեպերը, Թիֆլիս, 1930, էջ 10։

31 Գ. Ղարաջյան, Հայ անդրանիկ հեղափոխական խմբակը Անդրկովկասում, Թիֆլիս, 1927, էջ 34—35։

32 Նույն տեղում, էջ 23։

հեղափոխական մտայնությունը մերժող լիբերալ նարոդնիկական գործիչները: Կոզմինը միանգամայն ճիշտ է նկատում, թե պարզելով գյուղացիության անտարբեր վերաբերմունքը դեպի իրենց քարոզած սոցիալիզմը տակավին 70-ական թվականների վեմլեվոյցիները «...անհրաժեշտ համարեցին «առժամապես» հրաժարվել սոցիալիզմի սլոգանազանդից, իջեցնելով գյուղացիության մեջ կատարվող աշխատանքի գաղափարական մակարդակը, բնթացիկ մոմենտում գյուղացիության մեջ եղած «ժողովրդական պահանջների ու ցանկությունների» աստիճանին»³³:

«Փոքրիկ աստղ» վեպը, որ Սանդալը գրեց Գետաշենում աշխատելու տարիներին, տալիս է հայ նարոդնիկների գաղափարական ու գործնական աշխատանքի բնութագրությունը: Գ. Ղարաջյանը դիտում էր, թե հայ նարոդնիկական անդրանիկ խմբակի գաղափարական մթնոլորտը և պրակտիկ գործունեության մանրամասները ճանաչելու համար պետք է կարդալ «Փոքրիկ աստղ» վեպը³⁴:

Գյուղագրական վիպագրության համար բնորոշ մի տեսարանով է Սանդալն սկսում իր պատմությունը: Գ. գյուղում բարեկենդան է. արևը նոր է բարձրացել և գյուղամիջում հավաքվել է ամբոխը. «ոչ թե պատահաբար, այլ գյուղական անողորմ օրենքների ստիպմամբ» մարդիկ բաժանվել են խմբերի. «հարուստը՝ հարստի հետ, միջակը՝ միջակի, և աղքատը՝ աղքատի հետ էր գրուցանում»³⁵: Գյուղի մեծամեծները, թեղյուզբաշու գլխավորությամբ, գոհ հանդարտությամբ խոսում են Հանեսի որդու՝ Սարգսի հարսանիքի մասին, գովում հարսանքատիրոջ առատաձեռնությունը: Հավաքվածներին են մոտենում տիրացու Դոմվիթը և վարժապետ Սաղաթելը: Տիրացուն, որ հարսանիքի շէր հրավիրվել, թթված ու նենգ, խոժոռել էր հունքերը և ուր որ է պլտի պայթիքի դայրույթի ու ատելության մաղձից. «Հանես, — ձայնում է նա, — երկինքը վրկա Հանես, արարքդ քեզ արժան չեմ նստացնի... տղիդ կանաչ-

³³ Б. П. Козьмин, Из истории революционной мысли в России, М., 1961, стр. 642.

³⁴ Գ. Ղարաջյան, Հայ անդրանիկ հեղափոխական խմբակը Անդրկովկասում, Թիֆլիս, 1927, էջ 4—5, 69:

³⁵ Սանդալ, Փոքրիկ աստղ, Մոսկվա, 1892, էջ 4:

կարմիրը, որով դու հիմա խնդում ես՝ սև ու սպիտակի կփոխարկեմ... պատանք ու սգաշորով կզուգեմ տունդ...»³⁶: Անեծքն ու քսպառնալիքը տեղահան են անում բարի ու խոնարհ Հանեսին. «— Ինչ որ ձեռքիցդ գա ու շանես, շուն դառնաս»,— նետում է սա և լուռ հուսահատությամբ թողնում հավաքվածներին:

Ծայր առած թշնամանքը գնալով խորանում է: Դովիթը իրականացնում է իր սպառնալիքը: Թեղուզբաշու և յուրայինների ջգնությամբ կարողանում է պարտքերի տակ գցել Հանեսին, զինվորագրել տալ սրա նորաստեղծ որդուն, ապա որպես խռովարարի հնոսացնել չքավորների միակ պաշտպան՝ Սաղաթել վարժապետին: Հուսահատված Հանեսը ինքնասպանություն է գործում, իսկ առաջնորդի մոտ արդարություն փնտրող Սաղաթելը համաձայնում է թողնել գյուղը:

Վեպի առաջին իսկ էջերում Սանդալը ընդգծում է հարստության և աղքատության այն հակադրությունը, որով առհասարակ աչքի է ընկնում գյուղական կյանքը: Որպես իսկական գյուղագիր նա ելնում էր ամենից առաջ սոցիալական անհավասարության փաստից՝ մարդկանց փոխհարաբերությունները ուրվագծելու համար: Նարոզնիկական հավասարության նորաբողոքոջ մտքերը նրան տանում էին գյուղում կատարվող անիրավությունները դասակարգային ներհակությամբ բացատրելու ուղին:

Տիրացու Դովիթի վիրավորանքի ցավը ամբողջում է Հանեսի ողբերգությունը տեսնելով: Սա մի պարզ վրիժառություն չէ: Սանդալի պատկերացմամբ «ամբոխի ծնած ուժերը» ուղղվում են այդ նույն ամբոխի դեմ հենց այն պատճառով, որ վերջինը «դնչները ցից արած» ոչխարներից է բաղկացած, աստծու դատաստանն էլ հեռու է, իսկ Դովիթի և Թեղու նման գյուղի առաջավորները գիտեն, թե ինչպես պիտի փոխհատուցել չքավորի հանդգնությունը³⁷: Ամեն ինչ ինքնաճանաչության բացակայության և մարդկանց հավաքական ուժի անգիտացման խորքերում է թաղված: Գյուղական ամբոխը — այդ անդեմ ղանգվածը — անիրավության և անարդարության առաջ կարող է ծայրահեղ դեպքում անբավա-

36 Սանդալ, Փոքրիկ աստղ, էջ 13:

37 Նույն տեղում, էջ 36:

կանությունից «մոնչալ», բայց նա չգիտե բերան բանալ, սեփական շահը նկատել և համախումբ զորությամբ ընդդիմանալ իր «ծնած ուժերին»: Հարստահարողների հանդգնությունը տրամաբանված է հարստահարվողների խեղճությունը: Եվ մեր նարոդնիկ գրողը փորձում է մատնանշել կարիքի ու զրկանքների մեջ տապակվող գյուղացու փրկության ուղին: Հատկանշական մի գրույց է տեղի ունենում վարժապետ Սաղաթելի և գյուղ եկած սրա ընկերոջ՝ Խորենի միջև: Զրույցը երևան է հանում նարոդնիկական լուսավորչության գաղափարական կանխադրույթների գործնական իմաստը: Դիտելով Սաղաթելի գրադարանը, որ աչքի էր ընկնում նարեդնիկական գրականության հարուստ հավաքածուով (Շչեգրին, Ուպլենսկի, Ռեշևսոյսկով, Լեխտով, Միխայլովսկի, Բաֆֆի, Աղայան և այլն) մանկավարժական դասընթացների և դասագրքերի առատությունը, ինչպես նաև գյուղացուն կոնկրետ գործնական խորհուրդներ տալու համար նախատեսված գյուղատնտեսական և բժշկական ձեռնարկներով («Տնային բժշկարան», «Տնային դեղատուն», «Վարակիչ հիվանդություններ», «Անասնաբուժություն», «Անասնապահություն», «Այգեգործություն», «Յուղ, պանիր, մոմ, սապոն և այլն պատրաստելու եղանակներ», «Վնասակար միջատներ», «Ինչպես ուսումնասիրել գյուղը», «Ինչ գիրք կարդալ գյուղացուն» և այլն) Խորենը բացականչում է.

— Ոչ մի գիրք, բարոյագիտության, փիլիսոփայության և գեղարվեստի մասին:

Տրամաբանական անցուղի նետելով այս մտքի և գյուղը լուսավորելու իդեալիստական այն ծրագրի միջև, որ նախատեսում էր գյուղացու մտավոր և բարոյական զարգացումը ապահովել բարձր կրթություն ստացած մտավորականության այսպես ասած օրինակի բարոյակրթիչ ազդեցությամբ, Սանդալը ցույց է տալիս, թե որպիսի անհաջողության կարող է հանդիպել գյուղական լուսավորիչը, որ առաջնորդվում է Կանտի, Հեգելի, Սպենսերի, Լեյբնիցի օգնությամբ մարդկանց նյութական և հոգևոր դրությունը փոխելու ծրագրով: Խորենին առարկող Սաղաթելը սրամտորեն նկատում է. «Զլինի թե կարծում ես, որ քո փիլիսոփայական, բարոյագիտական և գեղարվեստական դառանցանքները մազաչափ

անգամ առաջ կշարժեն գյուղացու քամած և պակասավոր կյանքը, կամ մի կաթիլ ջրի տեղ կբռնի գիտցածդ՝ նրա շոր ու ցամաք հացը թրջելու համար»³⁸:

Սաղաթելը դժգոհ է ամենից առաջ գյուղական խավերից ելած մտավորականության քաղաքացիական պահվածքից. «Մեր ուժերի համար,— ասում է կրթություն ստացած երեկվա գյուղացին,— գյուղական ասպարեզը շատ նեղ է»³⁹: Ինչով բացատրել մարդկանց հոգեբանական այս գիրքորոշումը, որտեղից է առաջ գալիս գյուղի նկատմամբ այս քամահրանքը և անսքող բարձրամրտությունը: Լուսավորության հանդեպ խոր այն հավատը, որ ունեն մեր նարողնիկ գործիչները, հարկադրում էր նրանց երևույթի պատճառները որոնել գյուղական և քաղաքային ուսումնարանների և առհասարակ ամբողջ լուսավորության սիստեմի մեջ: Մեր գյուղագիրը նկատում է, որ առանց «գյուղացու առօրյա կյանքում դարձած, համարյա բացառապես նյութական անհրաժեշտ կարիքները» բավարարելու, անհնար է քիչ թե շատ գործնականորեն առաջ շարժել նրա մտավոր և բարոյական զարգացումը⁴⁰: Ունենալով ճիշտ այս հայացքը, նա արդեն որպես նարողնիկ-լուսավորիչ փորձում է մարդկանց նյութատնտեսական բարօրություն ասպազան կապել նոր հիմքերով կազմակերպվող գյուղական ուսումնարանի և գյուղ մեկնած մտավորականության անձնվեր գործունեության հետ: «Առանց ղեկավարների,— ասում է Սաղաթելը,— ամբոխի հառաջադիմության գործը անհնար է տեղաշարժել: Բայց ճիշտ է և այն, որ այդ ղեկավարներն իրենց քարոզածը պիտի հիմնած լինեն քարոզվող ժողովրդի անցյալ և ներկա կյանքի վրա»⁴¹:

Գյուղացու ամենօրյա հոգսերից անտեղյակ, միայն տեսական մտամարդանքների հարուստ փորձ ունեցող գյուղական լուսավորիչը շատ շուտով իրեն կգտնի հանրությունից դուրս՝ «Կանտի հետ գրկախառնված»: Գործնական այն ճանապարհը, որ տանում

38 Սանդալ, Փոքրիկ աստղ, Մոսկվա, 1892, էջ 91:

39 Նույն տեղում, էջ 92:

40 Նույն տեղում, էջ 105:

41 Նույն տեղում, էջ 88:

է դեպի գյուղացու տնտեսական հոգսի թեթևացում և նրա բարոյական վերափոխութիւնը—է և մնում է ուսումնարանը, միայն թե այս դեպքում պիտի ճշտել, թե ուսումնարանի կոչումը և թե առհասարակ հանձնարարվելիք կրթութեան բնույթը: «...Գյուղական ուսումնարանի նպատակը չէ,—ասում է Սաղաթեւը,— գրող կամ խմբագիր պատրաստելը: Առողջ դատողութիւնը պահանջում է, որ գյուղի ուսումնարանը ծառայե գյուղին, որ գյուղացու գիտութեանը մի բան ավելացնի, որ նրա կյանքի, նրա բարեկալութեան վրա ունենա օգտակար ազդեցութիւն: Ես ուզում եմ, որ գյուղի ուսումնավարար և իր հոր գիտցածն էլ ուսումնասիրելուց հետո մի բանով բարձր լինի նրանից երկրագործութեան, անասնապահութեան և այլ սույն տեսակ ճյուղերի մեջ: Այն ժամանակ նա ոչ թե հիմիկվա նման կմոռանա իր ուսածը, նա ոչ թե բամբիներով կլցնի իր դարդակ զուխն ու սիրտը և կամ կփախչի գյուղից կամ մնալով կթունավորի նրա կյանքը, այլ, ընդհակառակը, կգտնա օգտակար և անհրաժեշտ անգամ իր համայնքի համար»⁴²:

Նոր տիպի ուսումնարանի հետ աննշելով գյուղացու տնտեսական հոգսը թեթևացնելու և առհասարակ գյուղը վերափոխելու ծրագրային ուղիները, Սանդալը մշուս կողմից ելնում էր այն համոզումից, թե այստեղ վճռական դեր ունի գյուղական գործիչը կամ, որ նույնն է, գյուղ եկած վարժապետը: Նրան այնպես էր թվում, որ վարժապետի կոնկրետ-գործնական օգնութիւնը գյուղացուն կարող է եթե ոչ հիմնավորապես, գոնե հնարավորին շարքաբարեփոխել նրա վիճակը, համենայն դեպս ինչ-որ տեղ թեթևացնել առանց այն էլ անտանելի կյանքի ծանրութիւնը: Տնային բրժըշկարան, անասնապահութեան ձեռնարկներ, հողագործական գիտութեանը վերաբերող ուսումնասիրութիւններ, վարակիչ հիվանդութիւնների դեմ պայքարելու խորհուրդներ, գյուղացու ամենօրյա կյանքի հետ կապված այլևայլ գործնական գիտելիքներ,— սրանք են այն միջոցները, որոնցով գյուղական գործիչը կարող է «...օգտակար լինել այն մարդոց, որոնց մեջ ապրում է»:

42 Սանդալ, Փոքրիկ աստղ, էջ 103:

Միացնելով իմացություններ յայս պաշարը գյուղական նոր ուսումնարանից դուրս եկած երիտասարդության ջանքերին, գյուղական գործիչը կկարողանա գիմափոխել համայնքի նիստն ու կացը, մարդկանց փոխհարաբերություններն ու տնտեսական վիճակը:

Տիրացու Դովիթի ետուն շարությունը և գործակցությունը գյուղական ցեղերի հետ, Սանդալը բացատրում է խալֆայական դըպրոցները՝ գյուղացու գիտակցության և հոգեբանության վրա ունեցած խաթարիչ ազդեցությամբ: «Այդ անհատը,— ասում է գրողը Դովիթի մասին,— հին ուսումնարանի արտադրությունն է, հնից մնացած կեղտը, անմաքրությունը»⁴³: Ալեքսանդր Արարատյանին ման, Սանդալը, իհարկե, կառչած չէ աչն մտքին, թե նոր ուսումնարանն է ելքը (որպիսիք այդ ժամանակներում արագորեն հիմնադրվում էին հայ գյուղերում): «Բայց նորը,— հարցնում է նա,— ինչո՞վ է ավելի մոտ գյուղացուն, նորը նրա ո՞ր պահանջին է բավականություն տալիս»⁴⁴: Գյուղագիրը համոզված է, որ «հինը և նորը համարյա մասամբ նույնն են արտադրում»⁴⁵: Եվ ասա ծընվում է այն պարզ միտքը, թե ինչպես որ գյուղական գործիչը գործնականում պետք է օգտակար լինի գյուղացուն, այնպես էլ ուսումնարանը: Ավելի մասնագիտական, քան հանրակրթական բընույթի այդ դպրոցը, Սանդալի պատկերացմամբ, կարող է ամենից առաջ գյուղացուն կապել իր հողին, վերադարձնել բարձրագույն կրթություն ստացողներին հայրենի հարկը, սահմանափակել վաշխառուական շարաշահումները, գյուղի իշխանավորին հարկադրել մտահոգվելու մարդկանց տնտեսական կարիքներով և վերջապես կուլտուր-կրթական լայն զարգացման դուռ բանալ համայնքի անդամների առաջ:

Քննադատական, մերժողական դիրք զրավելով ժխական դըպրոցների ուղղության հանդեպ, գյուղագիրը փորձում է հենց այդ դպրոցի գոյության փաստով բացատրել գյուղացու անտարբեր վերաբերմունքը կրթության և ուսումնարանի նկատմամբ. «Գյուղա-

43 Սանդալ, Փոքրիկ աստղ, էջ 101:

44 նույն տեղում:

45 նույն տեղում:

ցին իր ուսումնարանից ի՞նչ արդյունք է ստանում. նախ՝ վաճառականի համար գործակատար, որ հեռանալով և խորթանալով, ոչ մի բանով օգտակար չէ լինում հորը և մյուսներին, երկրորդ՝ տերտեր կամ խանութպան, առաջինը իր պես տղետ է, երկրորդը՝ ծծում է: Հիմա ես չեմ պարմանում, որ ուսումնարանը մինչև այժմ պահանջ չէ դարձել գյուղացիների համար⁴⁶: Գյուղական դպրոցը վերածվել է «քահանա պատրաստող հիմնարկության», — դառնությունը ավելացնում էր գրողը: Չըմբռնելով լիբերալ մամուլում բազմիցս արծարծված այն ճշմարտությունը, թե «գյուղական ուսումնարանն էլ ազատ չէ», այն կախում ունի նյութական և սնտեսական ավելի «հզոր գործիչներից», Սանդալը 70-ական թվականների գյուղագրից մտավորականության նման, ամբողջ հույսը դնում էր դարձյալ լուսավորության վրա, թեև ինչ-որ տեղ նա ևս համոզված էր համայնական շտեմարանների, գյուղական դրամատների հիմնադրման փրկարար և օգտաշահ ձեռնարկումների կարևորության մեջ: Բայց մեր գյուղագիրը չափազանց հետևողական էր: Այս կարգի հաստատությունների անհրաժեշտության դիտակցությունը դիտում էր նա, — կարող է մշակել դրադարանը, — մի հիմնարկություն, որ գյուղացին կզանի իր «ցավերին վերաբերող գրքեր» և առանց խտտորվելու կընթանա ճշմարիտ երջանկության ճանապարհով:

Նարոդնիկական լուսավորչությունը չէր կարողանում հաղթահարել գործնականության և տեղայնության սահմանափակությունը: Գետաշեն գյուղը, որ ապրում և աշխատում էր Սանդալը, և որն ուներ 446 տուն, փակում է ուսումնարանը՝ պատճառաբանելով, թե «եկեղեցին անկարող է լինում վարժապետ պահել»: Իսկ գյուղագիրը մտադիր էր գյուղում ստեղծել «հասարակաց դրատուն», բոլորովին տարբեր քաղաքային գրադարաններից, որից կարելի էր ստանալ ամեն կարգի գործնական և օգտակար խորհուրդներ: Մեկ վարժապետ պահել չկարողացող գյուղի համար, անշուշտ, ռոմանտիկ նախագծում էր Սանդալի ծրագիրը:

Նարոդնիկական գործնականությունը որքան էլ արտաքուստ

⁴⁶ Սանդալ, Փոքրիկ աստղ, էջ 107—108:

Յիշում էր նպատակահարմար և իրագործելի, իրականում դատապարտված էր տխուր ձախողման, քանի որ չէր հաշվառում գյուղում առկա սոցիալական հարաբերությունների իրական վիճակը: Ամբողջ թվուրասեսությունը ծայր էր առնում նախաձեռնող անհատի հետ կապվող այն մտայնությունից, որն, հարկավ, կապված էր նարոդնիկական գաղափարաբանության հետ: Ուրվագծելով Սաղաթելի գործունեության դրվագները և պաշտպանելով վերջինիս գյուղափրկիչ մտածումներն ու ծրագիրը, Սանդալը իդեալականացնում էր գյուղական այս վարժապետին և սրա տիպարի մեջ նշմարում ուժեղ, նախաձեռնող մտավորականի այն բնորոշ գծերը, որով առհասարակ հատկանշվում էր նարոդնիկական բարոյաբանությունը և գործիմացությունը սեփականած ժողովրդանվեր գործիչը: Այստեղից էր սկիզբ առնում գործնականության հանդեպ նարոդնիկական վերաբերմունքի ամբողջ ուժանտիկականությունը: Իրական-տնտեսական հարաբերությունները շրջանցելով, կամ թե այդ հարաբերությունները կարգավորելու բարի մտադրությամբ՝ գյուղագիրը գյուղական գործչին հատկացնում էր մի դեր և սահմանում պարտականություններ, որոնք, ըստ էության, ավելի ցանկալի էին, քան իրական, ավելի՝ մտաըղծանք, քան իսկություն, գործնական հարաբերություններով շտրամաբանված: Նարոդնիկական մտայնությունը չէր կարող հաղթահարել իր իսկ սահմանափակությունը, քանզի գործնականության դյուրագայթ այդ ճանապարհը ընկած էր սոցիալական մարտադաշտի սահմաններից անդին և բանուկ էր դարձել պարզապես նարոդնիկ մտավորականների ուժանտիզմի շնորհիվ:

Գ Լ Ո Ւ Խ Վ Ե Յ Ե Ր Ո Ր Գ

«ԳՈՐԾ» ՀԱՆԳԵՍԸ ԵՎ ԺՈՂՈՎՐԳԱՍԻՐԱԿԱՆ ԳՐԱԿԱՆՈՒԹՅՈՒՆԸ

«Գործի» երապարակախոսները և համայնական հոլատիրության պրոբլեմը: Գյուղական համայնքի ուսումնասիրության տեսություններ: Հակակապիտալիստական մտայնությունը և նարոդնիկական սոցիալիզմը: Գրականության մեջ նարոդնիկական ուղղության հաստատման նոր պահանջի հասարակական-գեղագիտական արժեքը: «Մշակը» լիբերալ նարոդնիկական տնտեսական ուղեգծումների կրճատում: ՈՒՆ-ի հողվածք: Նարոդնիկության մարքսիստական կրճատության արձագանքներ: «Մշակի» գյուղագրական պատկերները:

1882 թվականին Շուշում լույս է տեսնում նարոդնիկական ուղղություն ունեցող առաջին հայ պարբերականը՝ «Գործ» հանդեսը¹, որը բերում է գյուղական համայնքի հետ կապված նարոդնիկական գաղափարների առաջին ծավալուն մշակումները: Նալբանդյանի «Երկրագործություն» անմիջական ազդեցությամբ զբաղված «Համայնքը և նրա նշանակությունը ժողովրդական կյանքում» հոդվածը ցույց է տալիս, թե ինչպես էին յուրացվում ռուս լեզույի նարոդնիկների հայացքները: Տեսական ելակետը նալբանդյանի

¹ «Գործի» մասին տե՛ս Հայ պարբերական մամուլի պատմությունից, հատ. 1, Երևան, 1963, Մ. Մխիթարյանի «Ս. Հախումյանի «Գործ» հանդեսը (1882—1884)» ուսումնասիրությունը:

առաջադրած՝ «Հողը բնության պարզեն է» և հետևաբար «մարդը իրավունք ունի մյուսների հետ հավասար վայելել բնության այդ պարզեր» — տեսակետն է: Այստեղից էլ դուրս էր բերվում սոցիալական այն ըմբռնումը, թե հողը չի կարող «մասնավոր անձի կատարյալ սեփականությունը լինել»:

Համայնական հողատիրություն և մասնավոր հողատիրություն տարբերանքի վրա կառուցված մտայնությունը հիմնավորում էր առաջինի պատմական գոյություն իրավունքը և մերժում մյուսի՝ սոցիալական բարեհարմարությունը: «Մասնավոր հողատիրությունը, — նկատում էր հողվածագիրը, — կենտրոնացնում է հողը մի քանի անձանց ձեռքում, իսկ մեծամասնությունը մնում է առանց հողի և երբ այդ մի քանի բախտավորները վայելում են բնության բոլոր բարիքները, մեծամասնությունը մնում է թշվառություն և աղքատություն մեջ»²:

Հակակապիտալիստական տրամադրությունները շաղախվում են սոցիալական հավասարության քարոզներին: Համայնական, ընկերական սեփականությունը դիտվում է որպես ընդհանուրի բարեկեցություն հիմք: Հողատիրություն համայնական ձևը «մարդու ձեռքն է տալիս նրա աշխատանքի բոլոր արդյունքը»: Եթե Ռուսաստանում, — ասում էր հրապարակախոսը, — բարեբախտաբար չի գարգանում կապիտալիզմը, ապա դրա պատճառը միայն համայնական հողատիրությունն է: Եվ եթե, այնուհանդերձ, այս պայմաններում ուսս գյուղացին գտնվում է տնտեսական աղքատություն մեջ, ապա դրա համար «մեղավոր չէ ինքը՝ համայնքը», այլ հողաբաժինների փոքրությունը, «հողի եկամտին անհամապատասխան հարկերը, տուրքերի մեծությունը»³:

Թյուրատես այս հայացքը սնող պատկերացումները առնված էին չիբերալ նարողնիկական տնտեսագիտության զինանոցից: Վ. Ի. Լենինը քննադատելով Ռուսաստանում կապիտալիզմի զարգացման հնարավորությունները ժխտող մտայնությունը՝ նկատում էր. «Իր ռոմանտիկական մանրբուրժուական տեսակետով կռվե-

2 «Գործ», Շուշի, 1882, առաջին դիրք, էջ 43:

3 Նույն տեղում, էջ 45:

լով կապիտալիզմի դեմ՝ նարոդնիկը դեն է շարտում պատմական ամեն մի ունալիզմ, կապիտալիզմի իրականությունը առաջըրելով մինչկապիտալիստական կարգերի հերյուրանքի հետ»⁴։

Ստրկության վերացումը, ինչպես կարծում էր այս նարոդնիկը, ըստ էության գյուղացուն կատարելապես ազատ դարձնելով, դարկում է հասարակության հիմքերի հիմքին՝ համայնական հողատիրությանը. «Երեկվան ստրուկը այսօր քաղաքացիության իրավունքներ է վայելում, բայց միևնույն ժամանակ նա բոլորովին զուրկ է արդյունագործության, ուրեմն և ասրելու միջոցներից»⁵։ Ճորտատիրության վերացման հետ տեղի է ունենում գյուղացու հողազրկման դաժան պրոցեսը։ Քիչ անց հողվածագիրը բացում է իր մտորումները իսկական էությունը. «Ստրկության անկումը,— ասում է նա,— գյուղացու հողից զրկվելու հետ այն հետեանքն առաջ բերեց, որ ամբոխը իրավաբանական ստրկությանից ընկավ իսկական ստրկության մեջ»⁶։

Կապիտալիզմի դեմ մարտնչող մտայնության դիրքերից նարոդնիկ-հրապարակախոսը դիմում է Անգլիայի օրինակին, ցույց տալու համար գյուղացու հողազրկման պատմական պրոցեսի ճակատագրականությունը «պրոլետարական հարցի» առաջացման գործում։

Համայնական հողատիրության խնդիրը քննվում է և մի այլ տեսանկյունից՝ այն «բարձր ճշմարտության» դիրքերից, որ հուզում է ամբողջ քաղաքակիրթ աշխարհը։ Ի վերջո, նկատում է հրապարակախոսը, հավասարության և փոխադարձ օգնության սկզբունքների վրա կոուցված հասարակությունը ավելի է համապատասխանում ամեն մի անհատի բարոյական պահանջներին և «...ավելի հաստատ է ապահովում ինչպես անձնական բարեկեցությունը, նրմանապես և անհատի ազատությունը»⁷։

Համայնական աշխատանքը կենցաղավարության և բարոյական սկզբունքների ավելի նախադասելի ձևեր է պարտադրում.

4 Վ. Ի. Լենին, Երկեր, հատ. 2, Երևան, 1943, էջ 661։

5 «Գործ» Շուշի, 1882, առաջին գիրք, էջ 46։

6 Նույն տեղում։

7 Նույն տեղում, էջ 40։

«Համայնքը ստեղծում է ավելի օրինավոր, ավելի մարդավարի հարաբերություններ, ինչպես հասարակության զանազան դասերի, նմանապես և համայնքի անդամների միջև»:

Սոցիալիստական զաղափարների զարգացման տեսակետից հետաքրքրական այս մտայնությունը հանգչում է, սակայն, օրինավորության և հասարակական սիստեմի պահպանման այն հոգեբանություն վրա, որ լեզալ նարոդնիկությունը պարտադրում էր՝ պետության և ժողովրդի միասնական ջանքերով՝ համայնքը փրկելու առաջադրություններից կառչելիս: «Գործի» քարոզած «սոցիալիզմը» վարպտությամբ էր հեղափոխական մտայնությունից բուրյովին հեռու հակահապիտալիստական տրամադրությունների արդուզարգով: «Գյուղի կեղծ իդեալացումը և «համայնականություն» վերաբերյալ ումանտիկական երազանքները տանում էին դեպի այն, որ նարոդնիկները ծալրահեղ թեթևամտությամբ էին վերաբերվում գյուղացիության այն իրական կարիքներին, որոնք բխում են տվյալ տնտեսական զարգացումից»⁸:

«Գործի» աշխատակիցները կիսալիբերալ, կիսանարոդնիկ այն ուսանողներն էին, որ Ռուսաստանում կրթվելով, հայրենիք էին վերադարձել նարոդնիկական տնտեսագիտությունը յուրացրած և փորձում էին հայ միջավայրում պատվաստել մտքեր ու հոգեբանություն, որոնց հիմքը վրա հասած ազդարարյին ճգնաժամի հետևանքը հանդիսացող սոցիալ-ռեֆորմիզմն էր:

Դեռ 1881 թ. «Մշակի» մոսկովյան թղթակիցներից մեկը բացահայտորեն դժգոհում էր ալեքսանդրյան «մեծ ռեֆորմի» ներկա հետևանքներից. «1861 թվականի փետրվարի 19-ին ջնջվեց Ռուսաստանում ճորտատիրության իրավունքը, և բազմամիլիոնավոր գյուղականությունը շնորհվեց վերջապես ամենացանկալին մարդկային իրավունքներից, — անձնական ազատություն: Բայց լավացած արդյոք գյուղացու նյութական դրությունը: Ո՛չ, — կպատասխանե՞՞՞ ձեզ ամեն մի քաղաքատնտեսագետ: Գյուղացու տնտեսությունը շրջապատվում է այնպիսի հանգամանքներով, որոնք տանում են նրան դեպի դառն, սարսափելի աղքատություն: Չկա մի

8 Վ. Ի. Լենին, Երկեր, հատ. 2, Երևան, 1943, էջ 663:

անկյուն, որտեղ լրագիրները չհասցնեն մեր ականջներին սոված, մերկ ու բոբիկ գյուղացու սրտամաշ հառաչանքը»⁹:

80-ական թվականների նարոդնիկությունն արդեն ծալում, մի կողմ էր դնում հեղափոխական գործունեությունն նախկին ծրագրերը: Երանք հետամտում էին այն դաշնակցությունը, որ պետք է քստեղծվեր կալվածատերերի, «լուսավոր արիստոկրատիայի» և գյուղացիության միջև՝ ընդդեմ վաշխառուների և վաճառականության: Ամբողջ ուշագրությունը կենտրոնացնելով կառավարական հանձնաժողովների միջնորդությունը հողի ետ դնման գործարքներին, նարոդնիկ-հրապարակախոսները մտածում էին, թե հետազոտելով երկիրը, ճիշտ և դիտական տեղեկություններ տալով գյուղական հողաբաժինների արժեքները վերաբերյալ, նարոդնիկական գրականությունը, այսպիսով, գործնական օգնություն ցույց կտա «հացի խնդրի» արդարացի կարգավորման պետական ջանքերին: «Մշակի» երևանյան թղթակիցը բերում էր հետաքրքիր տվյալներ հողերի ետ դնման նախօրեին կատարվող հողագնահատումների վերաբերյալ: Երևանի նահանգի բոլոր հողերը բաժանվել էին երեք տեսակի և պետական հանձնաժողովը զրանք գնահատել էր համապատասխանաբար դեսյատինը՝ հիսուն-հիսուներկու ռուբլի, քրեսան-քսանհինգ ռուբլի և քսան ռուբլուց պակաս: Պարզվում է, որ հանձնաժողովը արհեստականորեն իջեցրել է հողերի գները, որպեսզի գյուղացին կարողանա ետ գնել իր հողակտորը: Բայց, ինչպես թղթակիցն է խելամտորեն նկատում, նույնիսկ այդ գներով գյուղացին ի վիճակի չէ կալվածատիրոջից հող գնել, նա հարկադրված պետք է «փոխառություն դիմե», մի բան, որ բոլորովին ձեռնտու չէ կալվածատերերին, քանզի սրանք գիտեին, որ վերջ ի վերջո ամենաէփան գնով ետ գնված հողերը պետք է ընկնեն գյուղացու պարտատիրոջ՝ վաշխառուի ձեռքը: Հողվածագիրը կողմնակից է անմիջաբար գյուղացու և կալվածատիրոջ փոխադարձ համաձայնությունը կատարվող գործարքներին. կալվածատերերը համաձայն էին առանց փոխհատուցման ետ գնվող հողերի երկու եր-

⁹ «Մշակ», 1881, № 35:

բորդը հատկացնել դյուղացիներին, իրենց վերապահելով մնացած մեկ երրորդը տնօրինելու իրավունքը¹⁰։

Հողաբաժանության և կալվածատիրական հողերի ետ գնման պրոցեսը, որ 80-ական թվականներին նոր միայն առաջին տեղաշարժն էր ապրում, կողմնորոշեց լեգալ նարոդնիկությանը այն նոր խնդիրների շուրջը, որ ծագում էին կովկասյան ռեֆորմների գործադրման ժամանակ։ Հողաշինական գործը դիտելով կարևորագույնը մնացած բոլոր խնդիրների մեջ, հայ նարոդնիկները «ժողովրդի իսկական բարեկամների խմբին»՝ գրականությանը և երիտասարդությանը հատկացնում էին մի դեր, որն, ըստ էության, այդ ամբողջ աշխատանքը լավագույնս իրացնելու նպատակն էր հետամտում։ Դավանելով այն հայացքը, թե «գիտակցությունն է բարոյական և նյութական ազատության ճշմարիտ ավանդը», հայ նարոդնիկները հանձնարարում էին նախապատրաստվել տնտեսական բարեշրջումին՝ երկու ուղղությամբ գործադրելով ազգի մըտածող վերնախավի ուժերը։ Առաջին՝ ժողովրդի ուսումնասիրության, երկրորդ, որ հետևանքն էր սրա՝ գրական զարգացման։

Մի ամբողջ ծրագիր էր առաջադրում Ալ. Քալանթարը «Գործում» տպագրած «Համայնքի ուսումնասիրության կարևորությունը» հրատարակախոսական ելույթի մեջ։ Ամենից առաջ, — ասում էր նա, — պետք է սկսել հողային խնդրից. «մեր դյուղացին ըստիսլոված է ետ գնել չուր պատմական հայրենի սեփական հողը, որի վրա դարերով մշակություն է արել, քրտինք թափել և չուր թշնամիներին ու տերերին կերակրել։ Հողը գյուղական կյանքի հիմունքն է, նրա ապահովության և ազգային զորության ամենամեծ ավանդը»¹¹։ Երկրորդը՝ իրավաբանական խնդիր է. գյուղական իրավունքի հին ու նոր ձևերի ստույգ հետազոտությունը և հարաբերությունը արդի իրավական նորմերի հետ։ Ապա սրանց հաջորդում են տնտեսական, գյուղատնտեսական, ժողովրդական կառավարման, ժողովրդի մտավոր ու բարոյական զարգացման, վերջապես երկրի ընդերքի՝ հողի, ջրերի, լեռների ուսումնասիրության

10 «Մշակ», 1881, № 100։

11 «Գործ», Շուշի, 1882, առաջին գիրք, էջ 18։

խնդիրները: «Ուսումնասիրությունը,— ասում էր հրապարակախոսը,— կկապի ինտելիգենցիային սերտ կապերով հայրենիքի և ժողովրդի հետ... Ով քաջ ծանոթ է փաստերի հետ, նա գիտե, և յուր գաղափարների իրադրածման սահմանը: ...լայն ուսումնասիրությունը նպաստում է կյանքի և զրականության մեջ ժողովրդասիրական (իմա՝ նարոդնիկական — Վ. Գ.) ուղղության տարածվելուն»¹²:

Սոցիալ-ոեֆորմիստական այս կողմնորոշումը հրապարակախոսին հարկադրում էր ելք որոնել այնտեղ, որտեղ ամենից ավելի բանուկ էին սոցիալական հակասությունները շրջանցելու ուղիները: «Որչափ լայն ուսումնասիրվում է ժողովուրդը, այնքան էլ լայն կերպով սկսում է գործել ժողովրդի բարեկամների խումբը-զրականությունը և երիտասարդությունը»¹³: Եվ ի՞նչ է սրանց խնդիրը. դիմել ուրիշ ազգերի փորձին, յուրացնել գիտությունը, անկեղծ սեր պատվաստել ժողովրդի ընդհանրության հանդեպ, «կյանքի ուսումնասիրության հարուստ նյութեր» հավաքել և պարզ դարձնել գործունեության այն սահմաններն ու եղանակները, որոնք էլ բերելու էին ժողովրդասիրական ուղղության հաստատումը մեզանում: Գրականությունը հզոր լծակիցն է արդի տնտեսական շարժման: Ուսումնասիրելով գյուղական կազմակերպությունը և գյուղացու տնտեսական կյանքը, այստեղ կատարվող փոփոխություններն ու հասարակական տեղաշարժերի առանձնահատկությունները, մենք կհարկադրեինք «տերունական մարդկանց... ուշք դարձնելու մեր զրականության վերա», «նրանք (տերունական մարդիկ) կուսումնասիրեին այն առատ նյութը, որ ժողովված է, կթարգմանեին նրան, կլրացնեին նոր տեղեկություններով, կմշակեին և բարենորոգումները, ոեֆորմները կստանայինք գիտակցական կերպով նախապես մինչև անգամ պարզած մեզ համար ավելի հարմարը և օգտակարը»¹⁴: Այսպիսով, լայն ուսումնասիրությունը աշխատանքների ավելի ծրագրված և նպատակային կազմակերպման

12 «Գործ», Շուշի, 1882, առաջին դիրք, էջ 20:

13 Նույն տեղում, էջ 18:

14 Նույն տեղում, էջ 13:

Թիրախին էր դարկում: Գործնականության տեսակետից չափազանց արդիական այդ պահանջի թիկունքում ձգվում էր, իհարկե, հողային հարաբերությունների և պետական հողաշինական գործառնությունների ամբողջ դժվարանց վերելքը: Նարոդնիկական սոցիալ-ռեֆորմիզմը որպես մտայնություն բավականաչափ ռոմանտիկական էր այն պատճառով, որ, այնուհանդերձ, հաշվի չէր առնում հենց այդ վերելքի անհնարինությունը: Հակառակը, ինչ-որ սեղ այն պարտադրում էր արդեն տնտեսական օբյեկտիվ շարժումը կարգավորելու և ի նպաստ ժողովրդի ուղղելու իսկապես ռոմանտիկական մտարդձանքը: Այս հակասությունն է պատճառը, որ ժողովրդանվեր գործիչները իրականում չափազանց մեծ նշանակություն տալով գործնական շարժման ամեն մի քայլի, ըստ էության, չէին ըմբռնում այդ նույն գործնական շարժումը: Ռեֆորմի իրականացման գործնական ուղիները մատնանշելիս, նըրանք ելնում էին ոչ թե նյութատնտեսական հարաբերությունների հասարակական բովանդակությունից, այլ ժողովրդի ընդհանրական շահերի պաշտպանության գործնականությունից, մի կողմնորոշում, որը այլ բան չէր, քան սոցիալական հակասությունները անգիտացող մտահայացքի պարզ տրամաբանությունը այն մասին, թե ի վերջո ազդի (իմա՝ գյուղացիության) միասնական կամքն ու գիտակցությունը կարող են լուծել համաժողովրդական բարօրության և տնտեսական հառաջադիմության խնդիրները: Նարոդնիկական գործարարների ռոմանտիզմը հենց այստեղից էր ծնվում: Նյութական հարաբերությունները կարգավորելու նրանց տեսական ջանքերը դեմ էին առնում հողաշինական աշխատանքների գործնական բարդությանը:

Իհարկե, որքան էլ իրականում բավականաչափ անիրագործելի էին նրանց ծրագրերը, այնուհանդերձ, նրանց նվիրման մեջ մի ֆանատիկ բան կար, անկեղծ և ազնիվ մտահոգություն, ինքնագոհաբերման առաքինություն, որ փայլում է անձնականի հանդեպ, արհամարհոտ անտարբերության գեղեցկությամբ: Նրանց մտադրությունները ծնվում էին տառապող գյուղացիությանը ճշմարիտ օգնության հասնելու հաստատուն վճռից: Այդ է պատճառը, որ նըրանք ամենից շատ և ամենից անխնա հարվածում ու ձաղկում էին

հասարակական անտարբերությունը մի խավի հանդեպ, որ ազդի հիմքն է, նրա «արմատը»: Գյուղացիության շահերի պաշտպանությունը նրանք դիմում էին ամեն անգամ գործնական սնտեսական հարցերը քննելիս, ազդի մտավոր առաջադիմության խնդիրները արծարծելիս: Ամեն ինչ պատվում էր հողագործին հողի հետ կապելու և նրա նյութական գրությունը բարելավելու մտահողության շուրջը: Հակակապիտալիստական արամագրությունները աճում էին նույնքան արագ, որքան բուռն թափով քայքայվում էր նահապետական տնտեսությունը: Համայնքի, ընկերակցության, համայնավարության «սոցիալիստական» գաղափարները զարգացվում էին ի հակագրություն այդ իրողության: «Մեր գյուղացիների մեջ, — գրում էր «Գործի» թղթակիցներից մեկը, — մինչև այժմս ընկերություններ, հասարակություններ գործելը իշխում է, համայնականությունը կյանքի մեջ պահպանում է նրանց կենսական փոթորիկների ընդդեմ: Անհատով գործելը երբեմն ի վնաս հասարակության նոր է մտնում գյուղերի մեջ — իբրև հետևանք շատերի շարժիություն»¹⁵: Այս թղթակիցը համայնական հողատիրությունը իդեալականացնում է անձնական սեփականությանը հակընդդեմ մտայնության դիրքերից: «Զարչիություն» (իմա՝ առևտրավաշխատական) ձգտումների կոորստարեր հեղեղը», — ասում է նա, — դալիս է քաղաքներից: Մարդիկ ձգտում են... հասարակական սեփականությունը «քաշել անհատների ձեռքը, անջատել անդամին ընկերությունից, համայնականը շինել անհատական, թեև ի վնաս խղճմտանքի, բարոյականության»¹⁶: Եվ այստեղ հանում է անսրբող ատելություն և միտումնավոր դատապարտում ի հրաբուրբոք խոսքը «չարչիություն» կենտրոնների՝ քաղաքների դեմ, մյուս կողմից, որպես հոգու պարտք կամ հասարակական կոշման ըմբռնում, մեր հրապարակախոսը համայնականությունը ողողում է ծաղկուն գովասանքներով և գյուղական կյանքի համայնավարական կառավարման հին ու նոր ձևերի մեջ որոնում արդի գյուղացու մրջյունը՝ թե «անհատի բարօրությունը կախված է հասարակության

¹⁵ «Գործ», 1882, էջ 29:

¹⁶ նույն տեղում, էջ 30:

ուժից», փննով սեմ է մասնավոր սեփականությունը, որ, ըստ սրա, «անցավոր է», և բռնում համայնական սեփականության հավիտենականության մտքից: Հաղիվ թե, իհարկե այս պահին, գործերի դրուժյունն այնպիսին էր որպես ներկայացնում է հրատարակախոսը:

1880-ական թվականների սկզբներին հայ գյուղական համայնքը, որի անունից խոսում է «Գործի» հոդվածագիրը, ինչոր շափով վերջինիս երևակայության արդյունքն էր: Իսկ համայնականությունը ոչ միայն գյուղացիներին չէր «պահպանում» կենսական փոթորիկների ընդդեմ», այլև հաղթահարվում էր մասնատիրական սկզբունքների ավելի ու ավելի ուժեղացող ներգործությունից: 1884 թ. հունիսի 29-ի կառավարական օրենքը համայնական արոտավայրերը թուլատրում էր մասնավոր սեփականություն դարձնել, եթե մուծվում էր յուրաքանչյուր դեսյատինի համար սահմանված հողամասն գինը: «Գրա հիման վրա համայնքի սմեն մի մասնակից իրավունք ստացավ համայնքից դուրս, ինքնուրույն կամ համայնքի մյուս անդամների հետ, վարձակալման սկզբունքներով պետական արոտավայրերը վերցնել իբրև հողաբաժին, իսկ հետագայում դրանք դարձնել նաև մասնավոր սեփականություն»¹⁷:

Նարոզնիկ հրատարակախոսները զուսազարդում էին համայնական հողատիրության պայմանները Հայաստանում և իդեալականացնում համայնքը այն ստույգ վտանգից ահաբեկված, որ իրենից ներկայացնում էր ձևավորվող կուլակային խավը և վաշխառու հողատերերի ավելի ու ավելի ստվարացող բանակը: Հ. Տեր-Մովսիսյանը Բաքու—Թիֆլիս—Փոթի երկաթուղագծի սնտեսական դերը հակագյուղացիական էր համարում, քանզի, դիտում էր նա, երկաթուղին կբարձրացնի գյուղատնտեսության նշանակությունը, իսկ սա շի կադող արդեն չընդարձակել վաշխառուների «հավիշտակող ձգտումները» գյուղացիական հողաբաժինների նրկատամբ: Հողագրաման այն գործողությունները, որ կատարվում են այս շրջանում, մի կողմից կարագացնեն գյուղացիության հո-

17 Մ. Նգաևյան, նշվ. աշխ., էջ 86:

դազրկման և պրոլետարացման պրոցեսը, մյուս կողմից՝ հնարավորութիւն կստեղծեն կուլակային խավի աշխուժացման համար¹⁸։

Հայ լիբերալ նարոդնիկութիւնը շեշտում էր հատկապէս առևտրա-վաշխառուական և կուլակային խավերի տնտեսական գործունեութեան վտանգավորութիւնը համայնքի համար այն պարզ պատճառով, որ բացասաբար էր դիրքորոշված գյուղի կապիտալիստական զարգացման հեռանկարների հանդէպ։ Նա այդ գործունեութեան մեջ տեսնում էր համայնքի քայքայման ռեալ վտանգը։ Փողը պարզապէս կործանում է գյուղացուն, իսկ մասնավոր սեփականութիւնը՝ գյուղացու դժբախտութեան ակունքն է։ Քաղաքներից եկող «կորստաբեր հեղեղը» — փողասիրութիւնն ու անբարոյական ընշասիրութիւնը «...սկսում է օրեցօր ապականել դեռ հոգով մաքուր գյուղացուն. նրա հին, աղնիվ ավանդութիւնները սկսում են տեղի տալ ավելի ապականված, ավելի ստոր ժամանակակից սովորութիւններին. նա սկսում է բնութեան մեջ գործող մշակից դառնալ փողի ետեից վաղող խորամանկ ձեռնածու»¹⁹։

Նարոդնիկ գործիչներին ամենից առաջ վախեցնում էր այն, որ գյուղացին փողի ազդեցութեամբ կորցնում է իր բարոյական դեմքը։ «Ժամանակակից վաճառականական ախտը լսփում է գյուղի նորաբողբոջ սերունդը»։ Սա էր ամենավտանգավորը, քանի որ նոր սերնդի հետ էր կապվում ազգային առաջադիմութեան ամբողջ հույսը։ «Պետք է այդ կորստաբեր վաճառականական հեղեղի առաջն առնել, ազատել ազգի միջուկը այդ ապականութիւնից»²⁰։ Հանձնարարականը տրամաբանվում էր դարձյալ համայնական-ընկերական հարաբերութիւնների փրկարար նշանակութեամբ, և ապա գյուղում փողի կատարած ավերածութիւնների հոգեբանական ու պատմական քննադատութեամբ։ Գյուղացուն օդնութեան պետք է հասնի մտավորականութիւնը՝ «լանազան միջոցներ առաջարկելով» սակավահողութիւնը վերացնելու, պետական միջամտութեամբ գյուղացիների և բեզերի միջև եղած կալվածական

18 «Մեղու Հայաստանի», 1882, № 48։

19 «Գործ», 1882, էջ 27։

20 Նույն տեղում, էջ 30—31։

վեճերը հօգուտ համայնքի վճռելու և հողերի և տղնման ամբողջ դործը տնօրինելու համար: Այս դեպքում ահա կարի մեծ նշանակութիւնն են ձեռք բերում գրականութիւնը և մամուլը:

Նարոզնիկ հրապարակախոսները ակզային գրականութեան և մամուլի առաջ դնում էին իրենց սոցիալական ծրագրերից բխող խնդիրներ: Լուսավորական շարժումը այլ նպատակ չսխտի հետամտի, քան գյուղացու տնտեսական դրութեան բարւոքումը: Նոր միայն հաստատուեց այն միտքը, թե «առանց նյութական բարօրութեան անկարելի է ժողովրդի մեջ տարածել լուսավորութիւնը»²¹: Հետեւեալ գրականութիւնը և մամուլը պետք է ծառայեն միայն և միայն գյուղացու «տնտեսական ցավերը դարմանելու» դործին: Մշակվում էր այն հայացքը, թե հիմնավորապես պետք է փոխել գրականութեան արդի ուղղութիւնը: Գաղափարական մարդկանց փոխարեն՝ «ամենահասարակ իրճիթների կյանքի» նկարագրութիւն — մի պահանջ էր սա, որ կարծես ընդդիմանում էր սոցիալական տնտեսական գրականութեան ավանդներին և ռեալիզմ էր պարտադրում՝ որպէս ելք ու սկիզբ իրականութեան հիմնավոր ուսումնասիրութեան:

«Գործի» հրապարակախոսները հատկապէս ելնում էին ուս գրականութեան հասարակական կյանքի վրա ունեցած հեղափոխիչ ակզեցութեան իրողութիւնից: Այն գրական ուղղութիւնը, որ 40-ական թվականներից սկսած արմատացավ ուս գրականութեան մեջ, մի ամբողջ հասարակական հեղաշրջման՝ ճորտերի ակատագրութեան պատճառ դարձավ²²: Եւ այդ այն պարզ պատճառով, որ գրողները «անկեղծ, ճշմարիտ, կենդանի գույներով» նկարագրեցին ժողովրդի կյանքը, այդ կյանքի «մութ և խաւար կողմերը, ցավերը, կարիքները»²³:

Նարոզնիկական ուղղութեան հաստատումը գրականութեան մեջ հնարավոր կդարձնի նոր գաղափարական շարժման հաղթանակը, ամենառեալ օգնութիւն կհասցնի գյուղացուն՝ ակատուելու

21 «Գործ», 1882, էջ 56—57:

22 Նույն տեղում, էջ 58:

23 Նույն տեղում:

տնտեսական հոգս ու կարիքից, միաժամանակ հող կնախապատ-
րաստի ազգային լուսավորութեան գործնական հաջողութիւններ
համար:

Կողմնորոշվելով դեպի «նարդնիկական» ռեալիզմը, այս մը-
տածողները ելնում էին գրականութեան մասին ուրույն պատկե-
րացումներից. գրականութիւնը, ինչպէս դադարաւարական աշխա-
տանքը, պետք է հետամտի գործնական նպատակներ: Ազգի «ներ-
քին կյանքի արտահայտիչը» լինելու համար այն պետք է ամենից
առաջ զբաղվի «տնտեսական խնդիրներով»: Շեշտված սոցիոլո-
գիզմի պահանջը գրականութիւնից տրամաբանվում էր ժողովրդ-
դին ամենօրյա և կոնկրետ օգնութեան հասնելու մտահոգութեամբ.
«Մենք շունենք մի ինքնուրույն գրվածք,— ասում էր Հ. Առաքել-
յանը,— որ նպատակ ունենար հային ծանոթացնել հայի ներքին
կյանքի հետ, հայ գյուղացու ուտող, լափող տառապանքների
հետ»²⁴: «Ի՞նչ է հայ գյուղացու վիճակը,— հավելում էր նա,—
ի՞նչպէս է նրա կենցաղավարութիւնը, ի՞նչ տեսակ հարկեր, տուրք
է տալիս, արդյոք ունի՞ իր սեփական հողը, թե վարձու հող է հեր-
կում, որքա՞ն տասնորդ է տալիս. ի՞նչ պայմաններ արգելք են լի-
նում անասնապահութեան, այգեգործութեան և առհասարակ ար-
դունագործական ճյուղերին, մի խոսքով ի՞նչ դրութեան մեջ է ներ-
կայումս հայ գյուղացու տնտեսական կյանքը թե Տաճկաստանում
և թե նույնիսկ մեզ մոտ: Ահա խնդիրներ, որոնցով ամենից քիչ
են զբաղվում կամ որոնցով բոլորովին չեն զբաղվում»²⁵: Հետագա
դատողութիւններում արդեն ձաղկում է թարգմանական գրա-
կանութիւնը. «Հյուկոյի, փիլիսոփաների, Շիլլերի գործերը թարգ-
մանելով, դրանով ժողովրդի, ընդհանուր ազգի համար ոչ տար
կլինի, ոչ ցուրտ»: Պետք է հասկանալ վերջապէս, որ հողն է այն
«ամենաէական տարրը», որ «կազմում է ազգայնութիւնը». ազգի
«հիմը բուն գյուղական դասակարգն է». սրա կյանքը, շահերը,
տրամադրութիւնները, ըզձանքը, հոգսերը, կարիքները շրջանցող
գրականութիւնը չէ և չի կարող լինել բուն ազգային գրականու-

24 «Գործ», 1882, էջ 58:

25 Նույն տեղում, էջ 59:

թյուն: Հետևաբար, ազգային գրականությունը գյուղացիութեան կյանքն ու մտածումները արտացոլող գրականությունն է: Այսպիսով առաջին անգամ գյուղագրական գրականությունը, որպես այդպիսին, ճանաչվում էր համազգային գրականութեանը համարժեք: Եվ այդտեղ է, որ նարոզնիկ-տեսաբանը մտածում էր, թե միայն գրականութեան մեջ ժողովրդական ուղղութեան հաստատմամբ՝ հրեանարավոր է գրականութեան և կյանքի միջև ստեղծել ամենաիրագրական մերձեցումը, այն, որ կոչվում է իսկական ներթափանցում, շահերի ներդաշնակում, համընթաց քայլք, տապալկում նույն յուրի մեջ: «Ուսումնասիրել գյուղական ժողովրդի կյանքը, հետազոտել այն պայմանները, որոնցով շրջապատված է նա, մտնել նրա ցավերի, կարիքների, պահանջների մեջ, քննել նրա գոյութեան պայմանները — ահա ի՞նչ պիտի ցուցանե, արտապայլե իր մեջ գրականությունը, որպեսզի նա կարողանա, ճշմարիտ որ հայելի դառնա ազդի ներքին կյանքի, նրա ամբողջ գոյութեան»²⁶:

1880-ական թվականներին այս պահանջը ոչ միայն գրական զարգացման ծանրութեան կենտրոնի տեղափոխում էր նշանակում, այլև, որ ամենակարևորն է, նոր ուղղութեան՝ ժողովրդասիրական ուղղութեան վերաբերյալ 60-ական թվականներին մշակված հայացքները համազգային մասշտաբների մեջ տեղադրելու փորձ: Մանավանդ արդեն 80-ական թվականների վերջերին գյուղագրական գրականութեան բուռն զարգացման պայմաններում, հաստատվում էր այն կարծիքը, թե միայն ժողովրդական գրականությունը կոչված է համազգային խնդիրներ լուծել և, հետևաբար, գյուղի և գյուղացիութեան հանապազօրյա ցավ ու դարդի գեղարվեստական խոր հետազոտութեամբ կարելի կլինի բուն ազգային գրականութեան զարգացումը ապահովել:

Պետք է տարբերվի, իհարկե, գրական ռեալիստական շարժմամբ պարտադրվող, այսպես կոչված, աշխատավորական-ժողովրդական ուղղությունը, նարոզնիկական մտայնությունից ելնող գյուղագրական գրականութեան ուղղությունից: Այս վերջինը, անշուշտ, կրում էր գրական ռեալիզմի համար մղվող գրականական

26 «Գործ», 1882, էջ 57:

պայքարի էական ազդեցությունը: Բայց այն, ինչ «Գործի» տեսա-
բանները և գյուղագրական գրականության ներկայացուցիչները
պարտադրում էին որպէս ժողովրդասիրական գրականության զար-
գացման երակետ, ըստ էութեան, այլ բան չէր, բայց եթէ «ազգը՝
գյուղացիութունն է, հողը՝ ազգայնությունը» տեսակետի անդրա-
դարձը մարդկանց գրական պատկերացումներում: Այստեղ ուս-
չիզմի պահանջը նույնանում էր ճշմարտացիութեան գաղափարի
հետ, իսկ տեսական մտմտուքը կենտրոնանում «հայելական» ար-
տացողման հանրահայտ պահանջների շուրջ:

1887 թ. Գ. Արծրունին գյուղագրական գրականութեան զար-
գացման համար նշում էր շէնդրինյան ուսուցիչի ուղին. «Յանկա-
նալ մեզ համար մի Շէնդրին, — գրում էր նա, — ցնորք կլիներ.
բայց ցանկալի է, որ մեր գյուղական կյանքով հետաքրքրվողները
ծանոթանային Շէնդրինի՝ դիտելու, ուսումնասիրելու և գրելու մե-
թոդայի հետ և աշխատելին հետեւել նրա օրինակին մեր գյուղական
կյանքի ուսումնասիրութեան և հետազոտութեան գործում»²⁷: Շէնդ-
րինի «ուսումնասիրելու և գրելու մեթոդն», հարկավ, այն հա-
սարակական-դեղագիտական ծրագրով որսիսին ընկալում էր հե-
ղափոխական-դեմոկրատիայի գրական սերունդը, Արծրունու հա-
մար անըմբռնելի էր. բայց նա, որ այժմ պաշտպանում էր այսպէս
կոչված «նատուրալ» դարոցի տեսական հանձնարարականները
գրական նորագույն շարժման մեջ, կանգնում էր գյուղագրական
գրականությունը Շէնդրինյան ուսուցիչի (այդ հասկանում էր անո-
ղոք-անխնա քննադատութեան, լայն ուսումնասիրութեան և ներգոր-
ծական ինքնաքննութեան իմաստով) ուղին փոխադրելու դիրքե-
րում այն պարզ պատճառով, որ գրականութեան ներգործութեան
նից՝ հասարակական կյանքի վրա, ավելի մեծ սպասելիքներ ու-
նէր, քան այն գործնականութեանից, որ նարողնիկ գաղափարա-
պաշտները, անսալով խարխուլ խրճիթների և աղքատութեան զո-
հերի ձայնին, փորձում էին ծավալել գյուղաշխարհում: Ոչ այլ
ոք քան Արծրունին էր, որ բազմիցս շեշտել էր այն ճշմարտու-
թյունը, թե գյուղի իսկական լուսավորութեանը կախված է մարդ-

27 «Մշակ», 1887, № 5:

կանց տնտեսական բարօրությունից: Իրենք՝ «Գործի» հրատարակախոսներն այդ ընդունում էին. «Մշակ» լրագիրը,— գրում էր Հ. Առաքելյանը,— վերջին տարիներս սխտեմատիկաբար զբաղվել է տնտեսական խնդիրներով²⁸, հարցեր է հարուցել. ուստի և նրա համար արդարություն կլինի ասել, թե նա նպաստել է հայ ազգի վերածնելիության գործին»²⁹:

Բացառություն կազմելով, «Մշակը» սակայն գյուղացիական Հայաստանի տնտեսական հետադոտությունը տանում էր մի ուղղությամբ, որ բոլորովին հակառակ էր նարոզնիկ-տեսաբանների մտածումներին: Լրագիրը հողային հարաբերությունների այն ձևն է խրախուսում, որը մանր ֆերմերային տնտեսությունը նախադասում էր համայնականից: Դեռ 1881 թվականին գրած «Գյուղական կալվածներ» հոդվածում Գ. Արծրունին նկատում էր, որ ուսսական հողային համայնքը ճորտերի ազատագրումից հետո քայքայվեց. գյուղացիները սկսեցին գրավ զնել իրենց հողերը խոշոր փողատերերի մոտ և հետզհետե զրկվեցին դույզն ինչ հողակտորից: Հասարակաց հողօգտագործումն,— շարունակում էր նա,— աչլև այն թերությունն ունի, որ գյուղացուն չի կապում հողից, որովհետև նա զիտև, որ մի երկու տարուց հետո իր մշակած հողը պետք է անցնի ուրիշ ծխի: Հողի վերաբաժանումը գյուղացու հողագրկմանն ընդառաջող գործողություններից մեկն է³⁰: Այս իմաստով, բոլորովին հակառակ նարոզնիկական մտայնությանը և տընտեսական ծրագրերին, Արծրունին պաշտպանում էր գյուղի կապիտալիստական զարգացման ուղիների հետ առնչվող տնտեսական գործառնությունների նորօրյա ընթացքը: 1884 թվականին հրատարակախոսը տպագրեց տակավին անհայտ N. N-ի նշանավոր հոդվածը՝ «Մեր տնտեսական ասպագայի առիթով»: Եթե «Գործի» հրատարակախոսները համայնքի մեջ էին տեսնում համայնավարական հարաբերությունների ասպագա հաղթանակը, ապա «Մշակի» թղթակիցը արդեն տարակույս շուներ, թե կապիտալիզմը մի ան-

28 Նկատի ունի գյուղի տնտեսական զարգացման հարցերը:

29 «Գործ», 1882, առաջին գիրք, էջ 61:

30 «Մշակ», 1881, № 101:

փախչելի ճանապարհ է, «որը տանում է մարդկանց ավելի խելացի կյանք»։ «նա մեզ ցանկալի է ոչ թե ինքնըստինքյան, այլ նրանով, որ նա պետք է պատրաստե ասպագայի հասարակական արդյունաբերող ուժերը»³¹։ Այս հրապարակախոսը կապիտալիզմը որպես տնտեսական կարգ պարտադիր է համարում թե Ռուսաստանի և թե Անդրկովկասի համար։ Ռուսական գյուղական համայնքը, տնային արդյունագործութունը, դանադան արտեղները (ընկերութունները), «...կարծես համոզում են, որ կապիտալիզմը չպիտի դառնա տիրապետող տնտեսական սիստեմ Ռուսաստանում, ինչպես եղել է նա Եվրոպայում»³², — ասում էր Ն. Ն-ը, մեջբերելով նարոդնիկական բանավեճերում գլխավոր փաստարկ ծառայող այս դատողութունները։ Բայց սա միայն երևութական պատկերացում է, հավաստիացնում էր թղթակիցը. «Մեր երկիրը (նկատի ունի Անդրկովկասը — Կ. Գ.) ներկայացնում է բոլոր այն պայմանները, որոնք նպաստում են կապիտալիզմի զարգացման»։ «Մանավանդ նա (կապիտալիզմը) բարերար ազդեցություն կունենա հայ ժողովրդի վրա, որի պատմական աչքի ընկնող հատկութուններից մեկն է հակաընկերական ոգին»³³։ Մեր հրապարակախոսի պատկերացմամբ, նոր տնտեսական շարժումը հենց այն իմաստով է որոշում ժողովուրդների ասպզան, որ հասարակության քայքայված, անմիաբան ուժերը մոտեցնելով «մեկ-մեկու» և ընկերակցութունը արմատավորելով այդ ուժերի միջև «...պատրաստում է- այն հասարակական տարրերը, որոնցից պետք է բաղկանան ասպագայի արդյունաբերող ընկերութունները»։ Կապիտալիզմի վրայով դեպի սոցիալական նոր համայնակեցութուն, մի նոր հանգրվան — ահա ճանապարհը։ «Հայ ժողովուրդը, — շեշտում էր այնուհետև հրապարակախոսը, — մինչև չի անցնի կապիտալիզմի վերլուծող և կրկին միացնող տնտեսական լաբորատորիայով՝ չի ընտելանա ընկերական (իմա՝ սոցիալիստական — Կ. Գ.) մեծ գաղափարի հետ»³⁴։ Պարզ երևում է, որ

31 «Մշակ», 1884, № 6:

32 Նույն տեղում:

33 Նույն տեղում:

34 Նույն տեղում:

«Մշակը» անուղղակիորեն բանավիճում էր «Մեղվի» և «Գործի» նարողնիկներին հետ, սրանց գյուղացիական սոցիալիզմին հակադրելով կապիտալիզմի զարգացման հեռանկարներում ուրվագծվող համայնավարական տնտեսակարգը: Նարողնիկական հայացքների այսօրինակ քննադատության հայ մամուլում առաջին անգամ ենք հանդիպում: Ծածկանվան տակ թաքնված հրատարակագիրը, անշուշտ, ծանոթ էր ուսական մարքսիստական գրականությանը, ըստ երևույթին Պլեխանովի հենց այս շրջանում հրատարակած «Սոցիալիզմը և քաղաքական սպայքարը» աշխատության հետ³⁵: Կասկածից դուրս է, որ հայ միջավայրում, բացի նարողնիկության աղատամտական քննադատությունից, արմատանում էր նաև մարքսիստական քննադատությունը: Արժրուևու օրաթերթը եթե ընդառաջում էր այդ ելույթներին, ապա միայն միևնույն թիրախին զարկելու մտահոգությունից գրված:

* * *

Տակավին 70-ական թվականների վերջերին «Մշակում» տրւպագրվեցին պատկերներ, որոնք մատնացույց էին անում մտավորականության թշվառագույն վիճակը դյուղում: Գ. Պապյանցի «Ծխականի ուսուցիչը» պատմվածքը հրատարակվեց այն ժամանակ, երբ հայ քաղաքական աշխարհը դեռ խանդավառ իրարանցման մեջ հետևում էր հայկական հարցի միջազգային քննությանը:

Ծխականի թոքախտավոր ուսուցիչը, որ քաղաքում թողել է մեծահասակ քոջը, ծերունի մորը և մեկնել գյուղ՝ ազգը լուսավորելու անձնուրաց վճռմամբ, պատրաստվում է դիմավորել իր ուսուցիչ-ընկերներին: Ծախսել է վերջին կոպեկները՝ գինին և հացը անպակաս անելու համար: Հավաքվում են սրանք աղքատիկ սեղանի շուրջ, ուրախանում, տրտմում, երգում և միասին լաց լինում՝ իրենց սև ճակատագիրը ողբալով: Մխիթարականը միայն կոչումն է, այն որ հրաշալիորեն արտահայտված է նրանց երգում:

³⁵ Գ. Վ. Պլեխանով, Փիլիսոփայական ընտիր երկեր, հատ. 1, Երևան, 1960, էջ 64, 67 և հետո:

Անսպաշտական ազգի տերն ու փրկիչը
 է, ոչ թե երկիրնք, այլ ուսուցիչը.
 Թող, որ նա լինի ընկած, ոտնակոխ,
 Ունենա՛ հազար թշնամի, սոսիս.
 Դարձյալ այդ ազգի միակ փրկիչը
 է, ոչ թե երկիրնք,— այլ ուսուցիչը:
 Թող, որ մուրացկան, ապրուստի կարոտ
 Զունենա հայը—հրացան, դենք, վասող,
 Բայց էլի նա կա, երբ իր փրկիչը
 Ճանաչեց թե է՛ լուկ ուսուցիչը³⁶:

«Փրկիչներին» այս սերունդը, իհարկե, լուսավորական իր ծը-
 րագրերում կանգնած է դեմ առ դեմ Գորգիասի կնճռոտ կնալի՝
 «հացի խնդրի» առաջ: Միհրանը՝ ծխականի խեղճ ուսուցիչը, ստա-
 նում է մոր նամակը. «...Ցանկալի որդյակ,— գրում էր մայրը,—
 քույրդ մեծացել՝ քսան և ութ տարեկան է դարձել, տեր Դավիթը
 մեր մի հատիկ կովն էլ խլեց եկեղեցուց վերցրած փողի շահում.
 տարին վերջանում է, ոչ տանը հաց ունենք, ոչ դռանը փայտ...
 Ես էլ ծերացած, քույրդ տկտր...»³⁷: Միհրանը նամակը կարդում է
 մահվան անկողնում. խոնավ, անարև խրճիթի մի անկյունում
 շնչահեղձվում է սոված, թոքախտավոր ուսուցիչը: Փրկության ոչ
 մի շող՝ հայացքը մոր նամակին, կրծքում տառապանքի ճիւղ խեղ-
 դած, նա այդպես էլ փակում է աչքերը՝ հավիտենական այս դը-
 ժոխքը թողնելու երջանիկ դիտակցությամբ: «Մենք խոսում ենք
 անդադար կրթության, դպրոցների, ազգի բարոյական և մտավոր
 զարգացման մասին,— փոքր-ինչ ուշ նշում էր Արծրունին:— Բայց
 նույնիսկ այն դպրոցները, որոնք կազմում են հայոց ազգի զար-
 գացած մասի հոգացողության առարկաներից գլխավորը, ինչպե՞ս
 կկարողանան գոյություն ունենալ եթե ազգի տնտեսական դրու-
 թյունը նեղված լինի, կամ մշտական անորոշ և անցողական դը-
 ռության մեջ գտնվի»³⁸: Վերստին այն միտքն էր արծարծվում, թե
 առանց տնտեսական ապահովության անհնար է լուսավորության

36 «Մշակ», 1878, № 194:

37 Նույն տեղում:

38 «Մշակ», 1881, № 100:

գործը առաջ տանել, առանց նյութականի՝ ուսումնարանը վերականգնել: «Գյուղական ուսուցիչներ» պատկերում ուրվագծվում են դարձյալ ծայր թշվառության այն տեսարանները, որոնք շրջափակում են Գ. գյուղի ուսուցչին³⁹: Կրժքացալը արդեն մահվան դուռն է հասցրել հանճարավոր այս երիտասարդին. ամբողջ գյուղը լալիս է մեռնող ուսուցչի համար: Գյուղական լուսավորչի փշե պըսակը այս անգամ տարել է մի խելամիտ երիտասարդ՝ անձնագոհ ու եսամերժ բնավորությամբ, ժողովրդասեր և ուրիշների համար ծնված: Աստված պատժապարտում է բարին ու զեղեցիկը— ի՞նչ խորհուրդ կա դրա մեջ ոչ ոք չի կարող բացատրել անքննելիի գործերը: Բայց ահա կրժքացալը տանում է համբավավոր ուսուցչին, մեծ նահատակին: Իսկ Գ. գյուղում պարարտանում է տըզետ ու ինքնահավան մեկը՝ ծուլը, որկրամոլ ու ընչաքաղց, հոգին գրպանը դրած և գրպանը հոգի դարձրած գյուղական այդ ցեցը: Ինչո՞ւ է այդպես. ո՞վ է տնօրինում մարդկանց ճակատագիրը...

Մի նախկին ուսանող եկել է գյուղ: Ոչ մի հետք բարյացակամության և կարեկեցության դեպի այն բարքերն ու սովորությունները, նյութական անապահով վիճակը, մարդկանց բարոյական նկարագիրը, որ գյուղական կյանքի իրական բովանդակությունն է կազմում: Նախկին իդեալիստը այստեղ տեսնում է միայն նոգկանք հարուցող խղիճուխում և աղբատություն. «Կարծես անասուններ լինեն շորս կողմումս,— գրում է նա ընկերոջը,— միմիայն ֆիզիկական պահանջներով — ուտել, խմել, աշխատել ու քնել և մյուս օրը դարձյալ նույնը կրկնել: Խոսելու, մտածելու, գոնե երգելու ընդունակություն էլ չունեն այս թշվառները: Միայն լավ ուշունց տալ դիտեն»⁴⁰: Երբ նախկին այս ուսանողը իր տանտեղ ծերունուց հարցնում է ժողովրդի դրություն մասին, սա պատասխանում է. «— Խի չի, աղա, լավ են իրանց մահար, լոխ էլ սմավար ունեն, շայ են խմում»⁴¹: Գյուղական հետամնացությունը, հոգի, գրամի ու կրթություն պակասի անմիջական հետևանքն է: Եվ եթե նախկին

39 «Մշակ», 1881, № 198:

40 «Մշակ», 1881, № 214:

41 Նույն տեղում:

իդեալիստը չի ըմբռնում այս, ապա դա նրա ստացած դաստիարակութեան ուղղակի հետեւանքն է:

Օր. Ս. Ումիկյանցը «Կոիվ» պատկերում դժում է արդեն մի ուրիշ իդեալիստի՝ Լևոն Թաթոսյանի կերպարը: Սա վճռական մեկն է. լայն ծրագիրը, որով մեկնել է գյուղ, իհարկե, շուտով զարնււլում է գյուղական մեծամեծների և դպրոցի հողաբարձութեան կոշտ անտարբերութեանը և նույնիսկ թշնամանքին: Առաջին հանդիպումը հողաբարձուների հետ մեր իդեալիստին, համոզում է, որ «այստեղ գործելու հնար չկա», քայքայ քայքայ բոլորովին էլ չի հուսաբեկում վճռականութեամբ լեցուն և գործելու ցանկութեամբ այրվող երիտասարդին: Նույն օրը նա գրում է ընկերոջը. «Ափսոս չէ թողնել այս սուրբ գործը... ես մինչև այսօր սխալ էի հասկանում այդ սկզբունքի գործնական կողմը, թե այսպես հարկավոր է մտցնել նրան կյանքի մեջ, ես մոռանում էի, որ յուրաքանչյուր գաղափար, յուրաքանչյուր սկզբունք հանկարծ չէ իր համար տեղ գրավում, այլ պահանջում է երկար և անդուլ կոիվ և զոհեր, մինչև որ այդ գաղափարը կթափանցի հասարակութեան գիտակցութեան մեջ»⁴²:

Լևոն Աթաբեկյանցը «Գյուղական ուսուցիչը» պատմվածքում, կարծես, այս Թաթոսյանին նկատի առնելով ծաղրաբանում է գործնական պայքարի մեջ նետված վարժապետի համառ հանդգնութեանը: Ուսուցիչ Մթաչյանը փորձում է դեմ կանգնել Վանես ապորը՝ գյուղի փաստացի տիրոջը՝ պնդելով գյուղական իրականութեան ցավոտ կողմերը քննադատելու իր իրավունքի վրա: Վանես ապերը նորեկուկին խրատում է. «— Գլխավորն այն է, որ մեր առաջվա հիմար (տեղ ողորմյա, նա էլ մեռած է) ուսուցչի պես էլ զանազան գազեթներում գյուղի ժողովրդի դեմ ոչինչ չգրես...»⁴³: Ուսուցչի ընդդիմութեանը հարուցում է ներկաների ծիծաղը: Մթաչյանը մյուս օրը փախչում է գյուղից: Վանես ապերը հեզնոտ բավականութեամբ նկատում է. «Հենց սկզբից այդ բալամը ինձ հիմար էր երևում»:

«Մշակում» տպագրված պատմվածքների այս շարքը մատնա-

42 «Մշակ», 1883, № 116:

43 «Մշակ», 1884, № 11:

ցույց է անում ոչ միայն այն դավարությունները, որոնց հանդիպում էին գյուղի նորօրյա լուսավորիչները առաջին իսկ ձեռնարկումների ժամանակ և որ, այսպիսով, առհասարակ ամբաստանում էր այն միտքը, թե անհնար է միայն գաղափարական ոգևորությամբ գյուղում աշխատելը, այլև, որ ամենակարևորն է, կարծես թե, մի ներքին թաքուն բանավեճ էր մղվում «Երթ դեպի ժողովուրդ» կոչի և դրա տեսական ներկայացուցիչների դեմ՝ գյուղի լուսավորության գործնական անհարմարությունների վերաբերյալ:

Լիբերալ ռադիկալիզմը հանդուրժում էր գյուղի սոցիալական կյանքի խիստ քննադատությունը: Սակայն այստեղ անց էր կատարվում այն տեսակետը, ըստ որի գյուղական իրականության վերաշինության խնդիրները լծորդված են հենց այդօրինակ քննադատության հետ և, ուրեմն, վերաշինությունն ինքնին, որին ձրգտում են հասնել լուսավորյալ մտավորականությունը և նույնքան լուսավորյալ պետությունը, հասարակական հոգածության և մշտմըտուքի առարկա է դառնում, որչափ շոշափելիորեն տեսանելի են գյուղական իրականության խոցերն ու արատները և որչափ մեծանում է դրանք խստառ արմատախիլ անելու մարդկանց քննադատական վճռականությունը:

Ճանապարհաշինության համար շրջակա մի քանի գյուղերի տանուտեր Սաքոյից պրիստավը պահանջում է հարյուր մարդ և տասը թուման փող: Յասավուլները ծեծում են տանուտերին, գյուղացիներին և ցրվում տները. «Մեկ տանից հավ, մյուսից՝ ձու, եղ, մածուն... խլում են ու խլում: Ո՞վ է՞ ձայն հանողը, գժվել են, ի՞նչ է...»⁴⁴: Հետո մտրակահարելով քշում են բեգյարի գնացողներին մի հեռավոր տեղ: Երկօրյա ճանապարհից հոգնած, տանջահար գյուղացիները զարմանքով իմանում են, որ շինարարական աշխատանքները վաղուց վերջացել են: Պարզապես պրիստավին, յասավուլներին պետք է եղել 100 ուրբլին և գյուղական կողոպուտը: Վերադառնալու համար էլ «պրիստավի հրամանով յուրաքանչյուրը դեռ պետք է վճարեր 20 կոպեկ»: Գյուղացիներն իրենց մեջ

44 «Մշակ», 1883, № 158:

զանգատովում են. «Մի աշնպիսի բան պետք է լինի, որ մեր կողմը մի քննիչ գա և կտեսնես, թե ինչ է բերում մեր պրիստավի զլուխը»,— հուսահատ միամտությամբ ասում է նրանցից մեկը⁴⁵: Պրոշյանական «բարի քննիչի» իդեալ-մտապատկերը 80-ական թրվականների սկզբներին լայն գործառնության մեջ է մտնում: «Տունուտեր Մրոն» պատմվածքում այդ քննիչը հայտնվում է ու պատժում գյուղական ցեցերին⁴⁶: Դա սկզբունքային նահանջ չէր, ինչպես հաճախ ոմանք պնդում են, մանրբուրժուական գյուղացիական դեմոկրատիան հավատում էր պետական արդարամտության հայտնությանը, ճիշտ աշնպես, ինչպես հավատացյալները՝ Քրիստոսին: Դա մի նախապաշարմունք էր, որից չէր կարող ազատվել հողի աշխատավորը, մինչև որ օտարոտի աչքերով շնայեր սեփական հողակտորին, որովհետև գյուղացիական սեփականության իրավունքը, իրոք, մի թալիսման էր, որը նրան կախման մեջ էր պահում կապիտալից, հետևաբար դրա տիրոջից՝ կալվածատերմուլքադարից և պետութունից:

Գյուղացուն կողոպտում էին ոչ միայն յասավունները, պրիստավը, դատավորները, վաշխառուն, այլև մեծագնորդ վաճառականը: Մի լայն ցանց էր ստեղծվել գյուղական հարստության հափըշտակման համար: Արտադրողը միշտ մնում էր խեղճության և աղքատության մեջ, իսկ գնորդը հարստանում ու հարստանում էր:

Զվստահելով մեծագնորդին, գյուղացի Օհանը որոշում է այս անգամ բամբակի տարեկան բերքը տանել քաղաք, և իր ձեռքով վաճառել: Բայց նա կրկնակի վնասվում է. բամբակը, նախ, վատորակ են գտնում, հետո, երբ արդեն դատարկել էին հսկա «բարդաններից», հայտնաբերում են, որ այն «չեչի բամբակ է» ու վճարում են արժեքի կեսից էլ պակաս: «Օհանը ոչինչ շուներ անելու: Նա չէր կարող այլևս հավաքել բամբակը, լցնել բարդանների (ամանների) մեջ և տանել դանթարի տակ: Եթե դանդատվեր, ոչ ոք լսող չկար, ո՞վ էր պաշտպանում արդարութունը, այստեղ միայն դեր էր խաղում հարստութունը և աղքատութունը,

45 «Մշակ», 1883, № 158:

46 «Մշակ», 1883, № 156—157:

աղայությունը և գյուղացիությունը: Արդարությունը կորել էր»⁴⁷: Աղայության և գյուղացիության սոցիալական փոխհարաբերությունների բովանդակ հակադրությունը երևան էր զալիս այն ժամանակ, երբ ջնջվում էին նրանց մեջ եղած ենթաստիճանները, և երբ նրանք կանգնում էին դեմ դիմաց, երես առ երես:

Սոդոմոն ապերը որդուն՝ Աբրահամին պատկերու համար վաշխառու Պետրոսից վերցրել էր 100 ուրբլի: Յոթ տարի շարունակ նա տալիս ու տալիս էր պարտքը, բայց էլի պարտք էր երկու հարյուր ուրբլի: Վերջը «տունը վեր են քաշում»: Սոդոմոն ապերը դարդից երեք օր էլ չի ապրում: Աբրահամը ճանկում է պատի տակ ընկած ցիցը և վազում դիվանատուն, ուր նստած էր Պետրոս աղան: Գոմշանման տղամարդը կիսակենդան փռվում է գետնին: Աբրահամին ձերբակալում են և հինգ տարի տալիս: Բայց Աբրահամը փախչում է բանտից և «ղաշաղ» ընկնում սարերը (Քաջագնունի «Վաշխառուն»)⁴⁸:

Թե ինչ էր անելու Աբրահամը հետագայում՝ գյուղագիրը այդ մասին լռում է:

90-ական թվականներին Քոռ Եղիկի և ավելի ուշ Հունոյի կերպարներով հայ գրականությունը պիտի բունտարի վրիժառությունը զովաբաներ այն անարդարությունների դիմաց, որ կատարվում էին մոռացված աշխարհի հետին անկյուններում:

⁴⁷ «Մշակ», 1888, № 21—23:

⁴⁸ Նույն տեղում:

«ՆՈՐ-ԴԱՐԸ» ԵՎ ԳՅՈՒՂԱԳԻՐԱԿԱՆ ԳՐԱԿԱՆՈՒԹՅԱՆ ՎԵՐԵԼՔԸ

Ս. Սպանդարյանի ժողովրդասիրական կողմնորոշումների բնույթը: Մուրացանը և Ա. Ազապյանը «Նոր-Դարի» գեանատմամբ: Մուրացանի «Խորհրդավոր միանձնումին»։ Վեպի ժողովրդասիրական մտայնության ուղղվածությունը: «Առաջալը» և նաեղենիկական գործիմացության մուրացանական քննադատությունը: Մուրացանը և Արծրունին գյուղագնաց երիտասարդության բարոյական նկարագրի մասին:

1884 թվականին Ս. Սպանդարյանը հրատարակել է սկսում «Նոր—Դար» նշանավոր օրաթերթը: Գյուղասիրական այն կողմնորոշումը, որ հենց սկզբից առաջադրում էր ազգային պահպանողականների այս օրգանը իր ընթերցողներին, հետևանք էր լեզվա նարողնիկության հետ սրա խմբագրի ունեցած որոշ գաղափարական կապերի: Ս. Սպանդարյանը փորձում էր բարեփոխել «մեղվական» ուղղությունը՝ «մշակականի» հետ յուրատեսակ ներհյուսման միջոցով. «Նոր-Դարը» պետք է, կարող է և՛ պահպանողական, և՛ ազատամիտ լինել»,— հայտարարում էր նա¹:

«Նոր-Դարը» «Մեղվի» ոչ թե մրցակիցն էր, այլ ժառանգորդը: Այս փոխհարաբերության մեջ «Մեղուն», հարկավ, շատ էլ

¹ «Նոր-Դար», 1886, № 3:

չպիտի աշխատեր պահպանել գերիշխող դիրքեր: Հակառակը, որոշ իմաստով բարոյական նեցուկ էր «Նոր-Դարը», քանզի արժանի փոխանորդ էր գտնվել: Երբ 1886-ին «Մեղուն» փակում էր իր խրմբագրատունը, Ս. Սպանդարյանը խոր ափսոսանք էր հայտնում այդ առթիվ²: «Մեղվի» դադարավարական կողմնորոշումները զրահել էին խոր քմբռնում և ընդառաջում «Նոր-Դարի» կողմից:

Դեռ 70-ական թվականների վերջերից «Մեղուն» հատկապես տպագրում էր Հովսեփի Տեր-Մովսիսյանի թղթակցությունները: Կեզալ նարոզնիկական գաղափարական կողմնորոշումները ցարական հողային ռեֆորմի և առհասարակ համայնքի ու հողային հարաբերությունների խնդիրներում երևան էին գալիս անկանխակալ պարզորոշությամբ, հարկադրելով անգամ Ս. Սպանդարյանի նրման հրապարակախոսին հանդես գալու ժողովրդասիրական դիրքորոշմամբ: Ծիշտ է, հրապարակախոսը ամբողջ սրտով չէր ծափահարում համայնքի և համայնականության տեսաբաններին, բայց և չէր էլ մերժում նրանց առաջադրած ծրագրերի գործնական հեռանկարայնությունն ու հարմարավետությունը: Քանի որ այն մըտածողների թվին էր պատկանում, որոնք մեծ նալբանդյանի «Երկրագործության» գաղափարական հարստությունը յուրացնում էին ըստ դասային, միջինտելիգենտական նախասիրությունների, այդ պատճառով մի ուրույն նարոզնիկական գունավորում կարելի էր տեսնել նրա մտածումների նորօրյա խմբագրումներում: Նա գրում էր, թե «...լու վաճառականությունով, մանավանդ այսուհետև շատ բան չեն շինիլ հայերը և կունենան ավելի հմուտ և ավելի գորավոր մրցողներ, թող հողերին տիրապետեն, թող հողերը մշակեն, աշխատանքի սովորեն, հում բերքերը կանոնավոր մշակեն, աղնվացնեն և այսպիսով արհեստների համար դուռ բաց անեն»³: Հետագայում, «Նոր-Դարը» հրատարակելիս, Ս. Սպանդարյանը ավելի պարզորոշ էր դնում խնդիրը: Արհեստների և երկրագործության զարգացման հեռանկարներում նշմարում էր երկրի տնտեսական դրության ապագան: «Պետք է առևտրից ձեռք վերցնել»,— հրահանգում էր

2 «Նոր-Դար», 1886, № 223:

3 «Մեղու Հայաստանի», 1882, № 38:

նա բնավ ոչ այն մտքով, թե առևտուրը վատ բան է, այլ որ առևտրից առաջ կա երկրագործություն, որն ապահովում է այդ նույն առևտրի հետագան, կան արհեստներ, որոնք կարող են և պետք է դառնան ժողովրդական հարստության ստեղծիչներ. «Հանքերը բովագործելուց, գործարաններ հիմնելուց առաջ պետք է գինեգործությունը, շերամապահությունը, անասնապահությունը և երկրի մյուս առատ բերքերի մշակությունը առաջ տանել»,— ասում էր նա⁴: Ս. Սպանդարյանի առաջարկած տնտեսական ծրագրերում քիչ նստվածքներ չէին տվել նաև տնտեսական լիբերալիզմի գաղափարական առաջադրությունները, պահպանողական եկեղեցասիրության մի ուրույն խառնուրդով, որն հատկապես դրսևորվում էր գյուղացիների քաղաք դաղթելու պատճառները քննության առնելու ժամանակ: Այսպես, նա նկատում էր, որ սակավահողության հետևանք հանդիսացող գաղթականության «առաջն առնել հնարավոր չէ», որովհետև «...նորան առաջացնող պատճառներն ոչնչացնել կարելի չէ»⁵: Միայն պետք է կանոնավորել այդ շարժումը. նախ անհրաժեշտ է գյուղացիներին սովորեցնել եվրոպական ձևով հողի կառավարումը (փոքր հողակտոր՝ շատ արդյունք) և ապա բարելավել գյուղացու բարոյական կրթությունը. «Գյուղացու բարոյական կրթության հիմքում պետք է լինի եկեղեցին. գյուղը պետք է մոտեցնել և կապել եկեղեցու հետ»⁶: Կանտի այն միտքն էր զարգացնում, թե հայերը եկեղեցական ազգ են և այդ հիման վրա, պարզում էր մեր պատմական եկեղեցասիրությունը և առ աստված ունեցած «մեծ հավատի» իմացաբանական ակունքները: Ս. Սպանդարյանը, իհարկե, շուներ կայուն և ընդգծված համոզումների մի ուրույն համակարգ: Աշխարհայացքային պարզությունն նա հասնում էր միայն ազգի և եկեղեցու հարաբերությունները քննության առնելիս: Այստեղ կար «Մեղվի» հրապարակախոսական փորձը և դիրքորոշման վառ ընդգծված տարբերանշումը: Յուրացնելով մեղվական եկեղեցասիրությունը և այն համո-

4 «Նոր-Դար», 1885, № 45:

5 «Նոր-Դար», 1889, № 193:

6 նույն տեղում:

զումն ունենալով, թե հայ ազգի քաղաքական ղեկավարութիւնը, այնուամենայնիւ, պետք է եկեղեցուն տրվի, Ս. Սպանդարյանը կանգնում էր գլուղացիութեան և քաղաքային մանր արտադրողների սոցիալական շահերի պաշտպանութեան դիրքերում: Նա իր օրաթերթում տեղ էր տալիս Մուրացանին և Արշակ Աղապյանին համահավասար սիրով: Նար-Գոսք և Հ. ք. Ճուղուրյանը նույնպէս համակրանքի նույն բաժինն էին ստանում: Երկրորդական գրողների մեջ առանձնապէս աչքի բնկնող Կրպեն (Կարապետ Գուլումճյան), որ թունդ պահպանողական էր, օգնում էր Ս. Սպանդարյանին, լըրացնելու ղեկարվեստական հրապարակախոսութեան պակասը: «Նոր-Դար» խմբագիրը սովորույթ չունէր իր աշխատակիցների տաղանդը կամ շնորհները գովաբանելու, սակայն երկու անգամ նա հանդէս եկավ առաջնորդող հոդվածներով՝ երբ տպագրվեց «Մուսինի գանգատը», մեկ էլ՝ երբ լույս տեսավ «Խորհրդավոր միանձնուհին»: Սա չափազանց հատկանշական իրողութիւն է: Երկու դեպքում էլ խոր համակրանքն ու հետաքրքրութիւնն էին զբողիչները նման առանձնահատուկ վերաբերմունքի: Սպանդարյանը «Մուսինի գանգատում» , «Ժողովրդական գլուղական կյանքից» ավելի շատ բան էր տեսնում, քան ուրիշ «վիպական կամ նկարագրական հաստատիւր գրքերում»: Առանձնապէս նրան հուզել էր պատկերի ճշմարտութիւնը. «Յուր գեղեցիկ նկարագրութեան մեջ,— ասում էր նա,— «Մուսինի գանգատը» կլասիկական պարզութիւնն է ներկայացնում»⁷: Նկատի էր առնում ոչ միայն գործադրված ռեալիզմի ուժը, այլև հոգեբանական համողչութիւնը: «Մուսինը յուր գանգատով ընթերցողի առաջ ասլում է և մեռնում»,— նկատում էր հրապարակախոսը՝ ընթերցողի ուշադրութիւնը գամելով հատկապէս այն տեսարանների վրա, որոնք առավել հուզիչ էին գլուղական չքավորութեան առօրյա ողբերգութեան պատկերմամբ. «Հայա նրա երիտասարդ կինը, նրա փոքրիկ Հաննսը, նրա եզր (Խնձոր) և նրա համար կոխվը և կերած մըրթրակները, քոխվի դատաստանը... որպիսի կլասիկական պար-

7 «Նոր-Դար» 1888, № 42:

գություն: Այդ պարզության մեջն է հենց նրա գեղեցկության գաղտնիքը»⁸:

Մեկ տարի անց Սպանդարյանը հավաստում էր «Նոր-Դարի» ընթերցողներին, թե «Մուրացանը յուր տաղանդավոր գրչով ունի այնպիսի առավելութուններ, որին մեզ հայտնի և ոչ մեկ վիպական գրող չէ հասել և դժվար թե հասնել կարողանա»⁹: Այս տողերը գրում էր «Խորհրդավոր միանձնուհու» գավառներում և նույնիսկ «հեռավոր քաղաքներում» գտած «այնքան ջերմ համակրության» առթիվ: «Նոր-Դարի» խմբագիրն ըստ էության դնահատում էր Մուրացանի տաղանդը այն ուղղախոս և ֆանատիկ հավատի համար, որ գրողը միշտ երևան էր բերում դեպի «բարոյական փիլիսոփայության» ամենափրկիչ ուժը: Դեռ «Զհաս է» վիպակում այդ մասին Մուրացանը բավական կրքոտ և բավական ինքնամոռաց տողեր էր գրել. «Տվեք մեզ հոգեկան բժիշկներ, որոնք կարող լինին բուժել այն հոգեկան ախտերը, որոնցով վարակված է մեր ամբողջ գոյությունը... Այո, տվեք մեզ քահանաներ, իրենց կոչումը, իրենց պարտքը և իրավունքը ճանաչող քահանաներ»¹⁰:

«Խորհրդավոր միանձնուհին» այդ «հոգեկան բժիշկներին» այն սերնդի նկարագրությունն էր բերում, որ գործել էր 60-ական թրվականներին: Սերունդը «ավելի առաքյալի, քան հասարակ գործչի» դեր էր կատարել՝ զնայով զյուզ, ուր ոչ միայն հնձելու ոչինչ չկար, այլև նոր էր սկսվել խոպանի յուրացումը: Դա մի «խորդացած, խոպանացած երկիր էր», որտեղ նախ պետք էր հերկել, արորադրել, «մշակել, պարարտացնել հողը» և «սպա թե սերմանել»¹¹: Սերմնացանները երկուսն էին՝ Գարեգինը և քույր Աննան, երկու ճշմարիտ «քահանաներ», որ անձնական երջանկությունը զիտակցաբար քամուն էին տալիս այն մեծ, աստվածային ըմբռնումի ու սրբության առաջ, որը էր հայրենիքը: Դրանք առաքյալներ լինելուց առաջ նահատակներ էին՝ իսկական, անմնացորդ: Նահատակ լուսավորության, ժողովրդական հոգսերի թեթևացման, նա-

8 «Նոր-Դար», 1888, № 42:

9 «Նոր-Դար», 1889, № 83:

10 Մուրացան, Երկերի ժողովածու, հատ. 2, Երևան, 1961, էջ 169:

11 Նույն տեղում, էջ 438:

հատակ՝ դաղափարի, նահատակ՝ աղբի փրկության, նահատակ՝ «հասարակաց բարվո՞» ծանրագույն խաչի: Քույր Աննան և Գարեգինը անապատականի մաքրակենցաղ և բաղմատատիժ ինքնաձաղկմամբ չէ, որ զբաղվում են: Կամավոր ինքնազոհաբերումի վըձիւր նրանք կայացնում են այն բանի խոր գիտակցութեամբ միայն, թե հենց այդօրինակ աղատակամ նահատակութեամբ է հնարավոր ծառայել «հասարակաց բարվոյն»: Աննան ասում է իր զրուցընկերոջը. «Հեռացեք աշխարհից, բայց մի՛ մտեք կուսանոց»: Եվ սա է ամենացնցողը, նորօրյա այս անապատականի հոգեկան զեղեցկութեան հարաճուն լույսի աղբյուրը: Ո՛չ մի անձնական բան, ո՛չ մի անձնական նկատառում. ամեն ինչ բոլորի, բայց ոչինչ իր համար: Սկզբունք էր սա, որ տրամաբանորեն մակաբերվում էր հեղինակի «բարոյական փիլիսոփայութեանից». «Այլելի մեծ է այն ազգը, որ արժանավոր մայրերով է հարուստ, քան այն ազգը, որ յուր թագավորներով է պարծենում»¹²: Այս նշանավոր խոսքերը ասվում էր առանց դույզն ինչ կասկածանքի այն հասարակական հեռանկարի հանդեպ, որ խոստանում էր այդ սկզբունքի գործադրութեանը: Հոգեկան բժիշկների, արժանավոր մայրերի ինքնազոհաբերումի պատրաստակամութեան մեջ Մուրացանը նշմարում էր աղբի փրկութեանը: Ընդ որում, նա առայժմ հակված էր մտածելու, թե «ազգին կենդանութեան ուժ տվողը» գյուղացին է, ինչպես որ քաղաքներին «կյանք մատակարարողը» գյուղը, և որ այդ պատճառով դեպի «գյուղական կոշտ ու կիսավայրենի ժողովուրդը» պիտի ուղղվի նորագույն առաքյալների ու նահատակների հայացքը: Գարեգինը նոր սերնդի երիտասարդութեանը հանձնարարում էր. «Գնացեք հեռու, հեռու, դեպի կորած հայ գյուղերը, դեպի այն ժողովուրդը, որին մոռացել են մեր գործողները, որի մեջ օրըստօրե նվազում, հանգչում է կենդանութեան ուժը, գնացեք այնտեղ, ուր տգիտութեանը բռնած քանդում, ավերում է ինչ որ պատմական ժամանակներից մնացել է գեղեցիկ և հարգելի: Մտեք այդ ժողովրդի մեջ, նվիրեցեք ձեզ նրա բարօրութեան և նրա մանկաց կրթութեան գործին: Սովորեցրեք նրան ճանաչել յուր անցյալը, բար-

12 Մուրացան, Երկերի ժողովածու, հատ. 2, Երևան, 1961, էջ 371:

վորքել ներկան և գործել ապագայի համար: Ուսուցեր նրան՝ հարգել իրեն, սիրել ընկերին և պաշտպանել նրան, երբ հարկը պահանջի: Եվ ահա այդ ժամանակ ձեր ուխտը սուրբ և նվիրումը պաշտելի կլինի»¹³: Եթե կես առ կես քննելու լինենք քույր Աննայի ձեռնարկումների բովանդակությունը, ապա դժվար չէ ցույց տալ, որ Մուրացանի հերոսուհին բոլորովին էլ ոչ մի նոր քայլ չէր կատարում՝ այդքան խորհրդավոր և այդքան հանելուկային թվացող իր գործունեությամբ: Քույր Աննայի բոլոր նախաձեռնումները՝ որպես հասարակական առաջարկներ, վաղուց արդեն քննվել էին մեր մամուլում: Մուրացանը, ըստ երևույթին մտածում էր, թե ինքնօգնության, հասարակաց շտեմարանների, փոխատու զանձարանի, նոր դպրոցի, բարեգործության, եկեղեցին գյուղին մոտեցնելու, նորագույն գյուղատնտեսական գիտելիքների տարածման ուղղությամբ քույր Աննայի ձեռնարկումների պատմությունն անհիշով, ինքը տալիս է իդեալական գործունեության և իդեալական գործչի այն տիպարի նկարագրությունը, որին որպես լուսավոր նշանակ պետք է հետևեր ժամանակակից երիտասարդությունը: «Խորհրդավոր միանձնուհու» գաղափարական զինանոցը ազգային-պահպանողական մտայնություներ էր, և հենց այդ պատճառով երիտասարդ գրողն, ըստ երևույթին, մի թարուն հույս էր տածում «Դեպի գյուղ» կոչի իր բերած նոր մեկնաբանման հասարակական արձագանքների ազդեցությունն ապահովող հոգեբանական ու բարոյական ուժերի հաղաթնակի հանդես: Նա, կարծես թե, բանավիճում էր հայ իրականությունը ալիքող նոր կուսակցությունների գյուղափրկիչ ժողովրդագրերի դեմ: Քույր Աննան, նույնիսկ իր գործունեությունը հայ գյուղացու համար արագաքայլ է համարում. «...Այդ պատճառով էլ,— ասում է նա,— ես համր, բայց ուղիղ ընթանալու կողմն եմ, որովհետև գեղջուկն ու նրա զավակը մեր քայլերով ընթանալ չեն կարող»¹⁴: Ամեն ինչ պետք է կատարվի բնության սահմանած օրենքի համաձայն: Երիտասարդ գրողը, որ դեմ էր առհասարակ ամեն մի հասարակական վերակառուցման (եթև այն, իհարկե, «բը-

13 Մուրացան, Երկիրի ժողովածու, հատ. 2, Երևան, 1961, էջ 418:

14 Նույն տեղում:

նական»» բխվածք չէր — այս նշանակում է, թե գրողի կարծիքով հասարակութունը ինքն իրեն բուժում է այն՝ պահին, երբ դրա կարիքն զգում է) — գեղջուկի ինքնազարգացման բուն փաստի մեջ փորձում էր տեսնել գյուղաշխարհի դիմապատկերը վերափոխող մեծ ուժի խորհրդավոր հաղթանակը: Այստեղ գործիչը միայն մի դեր ունի՝ մոլախոտը քաղհանել, մնացածը կրթական աչքի մեծ ուսուրբ ճանապարհով, որով ընթացել են ժողովրդի նախնիները, գյուղացու ապուպայերը: Նահապետականութունը ավելին արժե, քան ժամանակակից քաղաքակրթությունը: «Կյանքի պարզութուն», «բարքի մաքրություն», «սրտի ազնվություն», ահա թե ինչ է բերում նահապետականութունը և ինչը դարերով զեղեցկացրել է հայ գեղջուկի ապրելակերպը: Գրողը, իհարկե, չէր կարող չնկատել, որ նահապետականութունն ուներ այնպիսի կողմեր, որոնցից պետք էր ազատվել: Աշխատելու և արդյունագործելու հին եղանակները «բարեփոխելու» պահանջը արվում է այն մտքով, որ հենց այդ կերպ կարելի է ապահովել նահապետականության՝ որպես կեցության եղանակի հավիտենական բարգավաճումը: 60-ական թվականների ազդային պահպանողականների նման գրողը իրեն հուսադրում էր կրոնական-եկեղեցական ավանդները ազգային դաստիարակության մեջ ամրապնդելու մտքով: Եկեղեցին և ուսումնարանը տգիտության ու խավարի բռնության դեմ մաքառման ելած «անբաժան ու սրբազան հաստատություններ» են¹⁵: Տվեք երեսնաների ձեռքը մի մի Ավետարան և Եղիշե և դա բավական է ուսման սկիզբ ու վերջ լինելու համար: Խանդոտ հայրենասիրությամբ նա գեղջուկի «կրոնականն է» գովաբանում, որովհետև այն դիտում է որպես մի «սրբազան շինություն»: Դարերի ընթացքում, — ասում է գրողը, — այդ շինության վրա նստել է «և՛ փոշի և՛ անմաքրություն»։ «բայց նրան այդ փոշիներից մաքրելու համար զգուշաբար պիտի վարվի մեծագրել գիտցող հնագետը, որպեսզի սխալմամբ գեղեցիկ քանդակներից մեկը չփշրեն»¹⁶:

Մուրացյանը ավելի շեշտում է եղած լավը պահպանելու, քան

15 Մուրացյան, Երկերի ժողովածու, հատ. 2, Երևան, 1961, էջ 369:

16 Նույն տեղում, էջ 350:

նորահիմք առաջադիմականը կյանքում հաստատելու վրա: Քույր Աննայի ամբողջ ջանքերի իմաստը ի վերջո հանգում է Ավետարանի օգնութեամբ լուսավորյալ գյուղական իրականութեան մեջ՝ նահապետական վարք ու բարքի, ազգային ավանդույթներից գործնականում օգտվող մի հասարակութեան ստեղծմանը, որի բնական լծակներն են դառնում եկեղեցին, ուսումնարանը և ինքնօգնութունը:

Ծրագրային տեսակետից Մուրացանի այս առաջարկությունների մեջ, իհարկե, նոր բան չկա: Գաղափարական տեսակետից զրոզը փորձում էր ազգային պահպանողական մտայնութեան ամենաառաջադիմական կողմերը շեշտել այն պայմաններում, երբ թե՛ պայքար էր ծավալվել մի կողմից ժողովրդասիրական (նարոդնիկական) ուղղութեան կողմնակիցների և մյուս կողմից պահպանողականութունը ազատամտականութեան հետ դաշնել կամեցող մտավորականութեան միջև: Մուրացանը ամբողջ հարցը կայում էր, ինչպես շափազանց խորամտորեն նկատել է Ա. Տերտերյանը, «անձնամոլութեան հաղթահարման» հետ, կամ, որ նույնն է, անձնագոհութեան այն բարոյականութեան, որ ավելի ազատամտական հրապարակախոսութեան մտքի արգասիքն էր, քան դրա համար կարող էին հավակնել իրենք՝ պահպանողականները¹⁷:

Իր «ինքնակենսագրութեան» մեջ Մուրացանը կշտամբում էր ազատամտականներին «ամուսնական սերը հայրենիքի սիրուն զոհելու գաղափարի» առաջնութունը Արծրունուն վերագրելու համար: «Իմ «խորհրդավոր միանձնուհին», — ասում էր նա, — մի քանի տարի «եվելինայից» առաջ է գրված. ուրեմն այդ գաղափարը ես ավելի վաղ՝ եմ երգել»¹⁸: Հասարակական գործչի այն տիպարի իդեալականացումը, որ անանձնական նվիրումով իրեն կապում է հայրենիքի հետ, — հատկանշական է թե՛ ազատամիտների, թե՛ պահպանողականների համար: Կտեսնենք քիչ անց, թե ինչու հատկապես միևնույն ելակետը տարբեր ուղիներ էր հանում մտածող այն

17 Ա. Տերտերյան, Հայ կլասիկներ, Երևան, 1945, էջ 477:

18 Մուրացան, Երկերի ժողովածու, հատ. 7, Երևան, 1965, էջ 140:

մարդկանց, որոնց համար հայրենիքը և նրա բարօրությունը գերազույցն նպատակ էր:

Արդեն մի առիթով նկատել ենք, որ Նալբանդյանի «Երկրագործութեան» գաղափարները մտածող հայտնության տարբեր շրջաններում տարբեր մեկնաբանումներ էին ստանում: Հաստատել ենք արդեն, 70-ական թվականների մտածողների գաղափարական կոդմնորոշումների քննության միջոցով, որ ամենահիմնական թեզը՝ ազգութունը գյուղացիութունն է, ազգի բարօրությունը՝ գյուղացու բարօրությունը, ազգի գոյութեան հիմքը՝ հողը, — ոչ միայն միանգամայն յուրօրինակ բացատրությունների ու վերլուծումների դուռ էր բանում ազատամիտների և սահպանողականների առաջ, այլև նորաշրջան նարոդնիկութեան: Այստեղից էին սկսում գրեթե բոլորը. բայց ավելի էին դուրս գալիս միանգամայն տարբեր տեղերում:

Նարոդնիկութեան լիբերալ քննադատության առաջնորդը՝ Գ. Արծրունին, շնայած այն գործնական ու անձնական կապերին, որ ուներ ազգային-նարոդնիկական հեղափոխական միջավայրի հետ, այնուամենայնիվ, երբեք էլ չէր փայփայում գյուղական համայնքի հետ կապված գաղափարներ: Հակառակը, դրանց մեջ նա տեսնում էր պարզապես գործնական-տնտեսական կյանքի անըմբռնողութուն, ինչպես նաև հասարակութեան բուն իսկ բուրժուական զարգացումը արգելել կամեցող ինչ-որ ուժերի պարասպ հոխորտանքը: Նա կոդմնակից էր գյուղի բարեփոխության այն ծրագրերին, որոնք մատնանշում էին եվրոպական հողագործական ձևերի և մեթոդների կիրառումը գյուղատնտեսության մեջ: Հենց այստեղից էլ սկսելով, «Մշակի» խմբագիրը գերազնահատում էր արդեն սուբյեկտիվ նախաձեռնության դերը հասարակության բարեշրջման գործում և մտածում էր, թե գործնական-նախաձեռնող անհատների աջակցությամբ միայն հնարավոր է ըստ էության տեղաշարժել որևէ ծանրակշիռ հասարակական խնդիր: Այստեղից էլ գործունեության մանչեստրական ձևերի խանդավառ պաշտպանութունը և պրոպագանդան «Մշակում»: Զևավորվում էր անձնուրացության, հայրենիքին ծառայելու այն իդեալը, որը փորձում էին ներկայացնել որպես ազգային իդեալ: Համենայն դեպս ազատամիտները 70-ական

թվականներին կարողացան ներկայացնել ազգային գործչի և ազգային հերոսի այն տիպերը, որոնց ամենից շատ էր սազում բուրժուական առաջադիմականի կեցվածքը: Հետագայում, Արծրունին «էվելինայում» փորձում էր միայն որոշ լրացումներ (ընդգծումներ իմաստով) կատարել ազատամտական իդեալ-հերոսի թե՛ բարոյական, թե՛ գործնական պահվածքի բնութագրության մեջ:

Մուրացանի իդեալ-հերոսները ամենից առաջ զաղափարի ղինվորներ են, հավատքի նահատակներ: Սրանց համար անձնականից հրաժարումը այլ բան չի նշանակում, բայց եթե հայրենիքին բոլորանվեր ծառայելու վճռի ընդունումը: Սրանք ավելի քարոզիչներ են, քան գործողներ, որովհետև գործունեության ուղեցույցը ոչ թե տնտեսական-քաղաքական առաջարկն է կամ ծրագիրը, այլ բարոյախոսական հանձնարարականը կամ քրիստոնեական կատեխիզիսը: Ազատամտական իդեալի մանչևստրական կոպտությունը զարնվում էր պահպանողական իդեալի լուսաժպիտ մեղմությունը: Երկու դեպքում էլ հայրենիքի համար ամեն ինչ զոհաբերելու սրատրաստականությունը չէ, որ կարևոր է, այլ այն, թե ի վերջո նպատակի ինչ համապարփակ ուղիներ էին մատնանըշում ժողովրդի կյանքը վերափոխելու կամ թեթևացնելու ելած երիտասարդությանը ժամանակակից մտածողները:

«էվելինայում» Արծրունին երիտասարդությանը հեռավոր ձևով մատնացույց էր անում Արևմտահայաստանի ազատագրության խնդիրը: «Զուր հույսեր», «Մեծ գործի սկզբում», «էմմա» վեպերը իդեալի այն վերակրկնություններն էին բերում, որ տասնամյակների ընթացքում մշակվել էր ազգային-հայրենասիրական միջավայրում, միայն թե այստեղ Արևմտահայաստան մեկնող անձնագոհ մտավորականների երթը ընթանում էր անհայտ մի ճանապարհի հեռուներում: Եվ այսպես, 80-ական թվականների վերջերին և 90-ական թվականների սկզբներին ծնունդ առած նոր ալիքը, որ դարձյալ եզեկոչում էր հայ երիտասարդությանը՝ Հայրենիքը փրկելու ծրագրերով, ստեղծեց անձնագոհության և անձնվիրության ազատամտական իդեալի վերախմբագրման անհրաժեշտությունը: Համենայն դեպս այդ իդեալը զուրկ չէր նախկին գործնական փայլից: Տիկին Մ. Խատիսյանը «նոր ճանապարհի վրա» վե-

սլում գործարանատեր Լևոն Բազրունուն կտրում է իր առօրյա հոգսերից և ճանապարհ դնում Երկիր՝ հայրենիքի ազատագրության գործով զբաղվելու:

Մուրացանը «հորհրդավոր միանձնուհին» հակադրում էր «էվելինային» ոչ այն պատճառով, իհարկե, որ այստեղ տեսնում էր միայն ազգային գործիչների ծրագրերի տարբերությունները, այլ հիմնականում և առավելապես Արծրունու քաղաքական նկրտումներին: Դեռ 1884 թ., երբ փակելով «Մշակը» և մեկնելով արտասահման, Արծրունին օրաթերթի հրատարակության հետագա գործը հանձնել էր Բաֆֆուն, Գ. Միրզոյանին և Ն. Աբելյանին, Մուրացանը նամակներից մեկում, զայրույթի ու խռովքի պահին, «սոցիալիստների» դեմ (որպիսիք նրա կարծիքով Ն. Աբելյանն ու յուրայիններն էին) խիստ լեզու էր բանեցնում, միանգամայն վրստահ իր և կուսակցության (Ս. Սպանդարյան և ընկերներ) արդարամտությանը¹⁹: Քաղաքական այդ կարգի գործունեությունից Մուրացանը նույնպիսի դարձանք վեր դրում, որպիսին նրա մեջ հարուցում էր «հեղափոխական ծայրահեղներին» հանդգնությունը: Նա բարեպաշտ քաղաքացի էր և եթե երիտասարդ սերնդին կոչ էր անում ազգային գործունեության, կցելով դրան և գործունեության համար խնամքով մշակված ծրագիրը, ապա միայն այդ երիտասարդությանը քաղաքականությունից հրաժարեցնելու և բուն ազգային կարիքների ու ցավերի աշխարհը ուղղելու մտահոգությամբ: Ա. Տերտերյանը «նացիոնալ-նարոդնիկ» էր համարում Մուրացանին²⁰: Տեսակետը խարսխում էր զրոզի ստեղծագործության մեջ երևացող ժողովրդասիրական կողմնորոշումների վրա:

Պետք է սակայն տարբերել նարոդնիկությունը որպես գրական հոսանք և նարոդնիկությունը որպես սոցիալական ուսմունք²¹: Մի դեպքում մենք գործ ունենք ժողովրդական կյանքը «հետադրուելու և ճիշտ մեկնաբանելու» ժողովրդասիրական ձգտման հետ, մյուս դեպքում «ընդհանուր բարօրության ուղին կանխանշող հա-

19 Մուրացան, Երկերի ժողովածու, հատ. 7, Երևան, 1965, էջ 222—223:

20 Ա. Տերտերյան, Հայ կուսիկներ, Երևան, 1945, էջ 505:

21 Գ. Վ. Պլեխանով, Գեղարվեստ և գրականություն, Երևան, 1949, էջ 334:

սարակական մտայնութեան» հետ²²։ Հայ գյուղագրական գրականութեան շատ ներկայացուցիչներ հիմնավորապես յուրացրել են նարոդնիկական ուսմունքը։ Նրանցից ոմանք այդ ուսմունքից նույնքան հետու են, որքան գյուղացին «հեղափոխական թեորիաներից»։ Նրանք պարզապես հետադոտում են կարիքը և գյուղացուն բաժին ընկած ճակատագիրը։ Ժողովրդասիրական կողմնորոշումը այս դեպքում նույնանում է ընդհանուր հումանիտական այն վերաբերմունքի հետ, որ գրողը ունի դեպի ընդհանրապես զրկվածներն ու տառապալները։ Պ. Պոռշյանի հայացքների համակարգում դժվար է ուղղակիորեն մատնանշել նարոդնիկական մտայնութեան առկայությունը։ Ինչ-որ ձևով այդ մտայնությունը հառնում է գյուղահամայնքի հետ կապված գրողի մտորումներում, ապա ձգվում նորամուտ հարաբերությունների սուր և կրքոտ քննադատության միջով։ Մուրացանը այս իմաստով չի կարող համեմատվել Պոռշյանի հետ։ Նա գիտե, թե ինչ են նարոդնիկական մտայնությունն ու գյուղափրկիչ ծրագրերը, և բոլորովին դեմ է դրանց, այսինքն դեմ է ոչ թե ծրագրերին. ի վերջո հետոեֆորմյան Հայաստանում նարոդնիկական լուսավորչության և գյուղացու նյութական կյանքի բարելավման առաջադրություններն էին, որ որպես գյուղափրկիչ ծրագրեր առաջարկվում էին սոցիալ-նարոդնիկների կողմից և այդ իմաստով խոր տարածայնություններ նրանց միջև լինել չէին կարող։ Ավելին. ինչ-որ տեղ Մուրացանը ըստ երևույթին հակված էր սոցիալ-նարոդնիկների ծրագրերը ներկայացնել պահպանողական արդ ու զարդի ողջ հրապուրանքով։ Բայց Մուրացանը դեմ էր, և այս է խնդրի ամբողջ էությունը, որ մարդկանց գյուղափրկիչ գործունեությունը որևէ ձևով կամ ինչ-որ շափով հակադրվի «ընդունված օրենքների» կամ «հասարակության կարգ ու կանոնի» տրամաբանությանը։ Հասարակությունը բարոյական, բայց ոչ սոցիալական «մարմին» պատկերացնելով, Մուրացանը որպես գեղագետ և մտածող հերքում էր «շեղման» որևէ անհրաժեշտություն, հաստատում և հանձնարարում էր բարոյական կատարելագործման առտնին միջոցներ՝ դպրոց, ավետարան, եկեղեցի։ Եթե նա իր ծր-

22 Գ. Վ. Պլեխանով, Գեղարվեստ և գրականություն, Երևան, 1949, էջ 334։

քաղրի մեջ մտցնում էր այնպիսի հաստատութիւնները ստեղծման հանձնարարականը, որպիսիք են գյուղական փոխատու բանկը կամ հասարակաց շտեմարանը²³, ապա ոչ այն սրատճառով, որ հակվում էր դեպի համայնավարական մտայնութիւնը կամ նարողնիկական սոցիալիզմը, այլ որովհետև դրանք (այդ հաստատութիւնները) որպէս այդպիսիք գյուղական կյանքի կազմակերպութեան նախընտրելի ձևեր էր համարում: Ռուսաստանի ելեմտից նախագահ Ռեյտերն 1872-ին հաստատեց գյուղական տնայնագործների կանոնագրութիւնը, որի գ. կետը պարտավորեցնում էր. «...Ընկերութեան անունով ընդունել զանազան հանձնարարութիւններ, կապալներ և կատարել այդ գործը, բաժանելով ընկերութեան առնգամների մեջ»²⁴: Մուրացանին և նրա նման ժողովրդասերներին թվում էր, թէ կապալներ վերցնող տնայնագործների այս կազմակերպութիւնը կամ գյուղական փոխատու բանկը կարող է շքավորութիւնից, համենայն դեպս տնտեսական դժվարութիւններից փրկել գյուղական ընտանիքը: Նրանք ժողովրդին օգտակար լինելու իրենց ազնիվ ջանքերի մեջ դնում էին ոչ միայն կրքի ուժը, այլև գործնական և, այդ իմաստով, արդեն իրագործելի հեռանդակարի սլարդ տրամաբանութիւնը: Թե իրոք, փոխատու բանկն ու տնայնագործական ընկերութիւնները ի վերջո տնտեսութեան կազմակերպման ի՞նչ եղանակ էին պարտադրելու գյուղական հասարակութեանը, — նրանց այնքան էլ չէր հետաքրքրում: Նրանք մշտաժամ էին գյուղացուն օգտակար տնտեսական գործառնութիւնների շուրջ:

«Առաքյալի» հերոսը մեկնելով գյուղ իր հետ տանում էր գործունեութեան մի ծրագիր, որի բոլոր կետերի օգտաշահ նպատակահարմարութեան մեջ խորապէս համոզված էր և ինքը Մուրացանը — գյուղական հասարակութեան իրավունքների պաշտպանու-

23 Ի միջի այլոց գյուղական փոխատու բանկի և հասարակաց շտեմարանի գյուղում հաստատելու գաղափարը Արծրունին պրոպագանդում էր «Մշակում» 1870-ական թվականներից սկսած (Հասարակաց շտեմարանի մասին տե՛ս «Մըշակ», 1887, № 14):

24 Н. Григорьев, Материалы к изучению куст. промышленности, тлсн «Գործ», 1883, № 1, էջ 13:

թյուն, լուսավորության գործի հիմնադրում, գյուղացու տնտեսական դրության բարվորում, փոխատու դանձարան: Ծրագիրը ըստ Մուրացյանի նույնիսկ կարող էր իդեալական համարվել: Բայց խնդրի լուծումը կախված է իրագործողների բարոյական ուժից. «Ուր կամք կա, այնտեղ կա և ճանապարհ»: Գարեղինը և Աննան հրաշքներ գործեցին, քանզի առաջնորդվում էին ոչ միայն՝ «այս մարմինը հայրենիքինն է» սկզբունքով. նրանց մեջ նստած էր հրաշագործ այն ուժը, որ հաղթահարում էր անձնամոլությունը. նրանք ամենազոր էին այն պատճառով, որ անձնական ոչինչ չունեին. նրանք իսկապես հասարակական գործիչներ էին: Իսկ Կամսարյանների սերունդը...

Ավետարանիչ Մատթեոսը պատմում է. մի անգամ Հիսուսը տանից դուրս էր եկել և նստել ժովեղերքը: Երբ նրան շրջապատեց ամբողջը, նա մտավ նավ և խոսում էր ժողովրդի հետ բազում առակներով: Սերմնացանի առակի այն մասը, որ բնաբան է բերել Մուրացյանը «Առաքյալը» վեպի համար, Հիսուսը, իր աշակերտների խնդրանք, մեկնաբանում է այսպես. «Եվ ապառաժոտ տեղերի վրա ցանվածքը այն է, որ երբ լսում է խոսքը՝ շուտափույթ խնդությամբ է այն ընդունում. բայց իր մեջ արմատ չունենալով, մի առ ժամանակ է տևում. ու երբ նեղություն կամ հալածանք է լինում այդ խոսքի համար, շուտով գայթակղվում է» (Ավետարան, ըստ Մատթեոսի, գլ. ԺԳ): Կամսարյանների սերնդի բարոյական նկարագիրը ճիշտ ու ճիշտ այդպիսին է: Շուտափույթ խնդությամբ գաղափարներ յուրացնող երիտասարդ մտավորականություն, որ չունի ոչ այդ գաղափարները մարսելու պատրաստություն և ոչ դրանք գործադրելու կամք և վճռականություն, մի անձարակ ու անգործունյա սերունդ, որ դժվարություններից նույնքան է վախենում, որքան մղվում է դեպի կենցաղային հարմարավետության երջանկությունը, տաքուկ անկյունների և բուդուարների ասպետներ, հոգով աղքատներ, բախտի սիրելիներ, փողի և հաջողության կամակատարներ...

Մուրացյանը երիտասարդ մտավորականությանը քննադատում

էր բուրժուական ազատամիտների ու պահպանողականների վաղուց մշակած դիրքերից²⁵։

«Մշակը» դեռ 80-ական թվականների երկրորդ կեսին մատնացույց էր անում ուսանող երիտասարդութւյան «կյանք մտնելու» հանգամանքների հեղաշրջիչ ազդեցութւյունը նրանց ունեցած նախկին դադափարների և բարոյական նկարագրի վրա։ «Ժամանակավոր իդեալիստներ» առաջնորդողում «Մշակի» խմբագիրը գծում էր պատկերն այն դիմափոխութւյան, որ այդ երիտասարդութւյունն ապրում էր ուսումն աւարտելուց հետո։ «Ուսում առնելու ժամանակ, մասնավանդ բարձրագույն դպրոցներում, նա (ուսանողը) ամեն ազնիվ դադափարներով հափշտակվող է, նա թարմ խելք և ըզգացմունքներ ունեցող է, նա ամենաբարձր և անձնագոհ հերոս է»²⁶։ Այս երիտասարդը «ամեն տեսակ ճնշվածներին» ցավակիցն է, մեծ մարդասեր, արմատական իր այն պահանջների մեջ, որոնք վերաբերում են ունեզրկվածների ընդհանուր բարօրութւյանը. «որքան արդար, անկեղծ է երևում նրա բարկութւյունը, վրդովմունքը, նրա զւլվանքը, երբ նա իր անբիծ սրտից բխած մտրակող ու հարվածող խոսքեր է արձակում հասարակութւյան այն դասակարգի դեմ, որ կյանքի մեջ ոչ մարդասիրութւյուն, ոչ ազնւութւյուն, ոչ կարեկցութւյուն, ոչ իդեալներ էր ճանաչում, այլ ճանաչում է միմիայն նեղ, եսական, նյութական շահ... Որքան հափշտակիչ ու զրավիչ են նրա վրդովմունքն ու զայրույթը, երբ նա խոսում է առելի, քարասիրտ, անսիրտ բուրժուազիայի մասին, երբ նա արտասանում է չինովնիկ կամ վաճառական բառերը...»²⁷։

25 Հայտնի է, որ դեռ 1870-ական թվականներին, մասնավորապես «Մշակ» լրագրում, երիտասարդ մտավորականութւյան, մասնավանդ համալսարանականների դեմ հարուցեցին նույն մեղադրանքները, ինչ 1900-ական թվականների սկզբներին վերակրկնում էր Մուրացանը։ Այն ժամանակ, իհարկե, դա մեղավական դորժմացութւյունը մերժող ազատամտականների մանչեստրական ձեռնբեցութւյան հաստատման մի ձև էր։ 1878 թ. Արժրունին գրում էր. «Մեր ինտելիգենցիան իր ոգով, իր դաստիարակութւյամբ, իր դիրքով, իր ճաշակներով, իր հայացքներով ու հանողմունքներով բոլորովին մի անջատված մարմին է կազմում հայոց ժողովրդի միջին և ստոր դասակարգերից» («Մշակ», 1878, № 33)։

26 «Մշակ», 1886, № 6։

27 Նույն տեղում։

Բայց ահա անցել են մի քանի տարիներ: Համալսարանը մնացել է միայն հիշողութեան մեջ: Մեր նախկին իդեալիստը այժմ մի «չաղ տեղ է ստացել» և բոլորովին կերպարանափոխվել: Ոչ մի հետք առաջվա ազնվութունից, ոչ մի նշխարք երիտասարդական իդեալներից. «կյանքի սուրբ պարտականությունների և անձնազոհության» մասին ունեցած ըմբռնումները քշվել են շահասիրության և անձնասիրության հղոր ուժից: «Եվ հանկարծ նույն մարդու բերանից, որ առաջ քարոզում էր անձնվիրություն, անձնազոհություն մարդկության փրկության համար,— դուք լսում եք այժմ դատողություն՝ թե ամեն մարդ պետք է ապրի միմիայն իր անձի համար»²⁸: Ոչ մի սուրբ բան, ոչ մի առաքինություն. ամեն ինչ ենթարկվել է «նյութական ապահովության» եսական բնադրին: Հետք անգամ չի մնացել դեպի «թշվառներն ու թշվառությունները» ունեցած առաջվա կարեկից սրտացավությունից: Եվ ո՞վ է մեղավոր այդ բոլորի համար.— իհարկե միմիայն հասարակությունը: «Իդեալներից և ազնիվ ավանդություններից դուրկ մի հասարակություն» այլ բանի էլ ընդունակ չէ: Երեկվա ազնիվ հերոսը, այսօրվա գործնական նյութապաշտն է, քանի որ ուղիւն է այդ հասարակական բարոյաբանության թեւադրանքը: Արժրունին կասկածում էր իդեալիստ ուսանողների այն ժամանակվա ազնվության վրա, երբ նրանք ամբողջովին լցված էին անկեղծ ցանկությամբ՝ «ճնշւմոված եղբայրների հանդեպ»: «Այն ժամանակ էլ իսկապես նրանք այն էին, ինչ որ հայտնվեցին ուսումնի ավարտելու և գործնական կյանքի ասպարեզը մտնելուց հետո,— իրանց ծնողների արժանի զավակներ, իրանց հասարակության արդյունք»²⁹: Այսինքն հրապարակախոսը կարողանում էր տեսնել օբյեկտիվ հանգամանքների թեւադրիչ ուժը, հավաստի էր, որ հասարակության «արդյունքն ու պտուղը» չի կարող հասարակական ծառից այն կողմն ընկնել: Արժրունուն այդ հարցը պատկերանում էր որպէս սոցիալական հարց. «Լոկ քարոզներով և պարտաճանաչությունը հիշեցնելով,— ասում էր նա,— հնարավոր չէ ներդրածել և պարտքի գիտակցու-

28 «Մշակ», 1886, № 6:

29 Նույն տեղում:

Յյան բերել «անբարոյսականացած հասարակության անբարոյսականացրած դավաւաններին»³⁰: Այսքանն էլ բավական է ցույց տալու համար, որ այն ժամանակվա զործիչներին դադտնիք չէր երիտասարդ մտավորականութեան բարոյական պահովածքի սոցիալական բացատրութիւնը: Այլեւին, 1887 թվականին, խաչատուր Մալումյանը «Մշակում» հանդես եկավ «Գալափական զործիչներ» ընդարձակ հրատարակախոսականով, ուր երիտասարդ մտավորականութեան ներսում արդեն նշմարում էր այն շերտերը, որոնք միանգամայն տարբերվում էին միմյանցից թե՛ հասարակական նկարագրի էական կողմերով, և թե՛ բարոյաբանական պատկերացումներով:

Ուսումնարանի կամ համալսարանի դռներից նախ դուրս են դալիս երկու տեսակ իդեալիստներ: Մեկը արդեն նկարագրել էր Արծրունին: Մալումյանը միայն մի քանի դիտողութեամբ ընթերցողի հիշողութեան մեջ թարմացնում է այդ ժամանակավոր իդեալիստների կերպարանքը. «Իսկապէս այդ միջոցին ամենքի դեմքէից հեռանում է դիմակը, և փոքր առ փոքր պարզ կերպով սկսում է երևալ, թե ինչ տիպեր են ներկայացնում այն անձինք, որոնք ուսումնարանական հիմնարկութեան ներքին պատերի մեջ եղած ժամանակ թնդացնում են օդը իրանց իդեաների ծրագիրներով, իրանց անողոր կրիտիկայով, իրանց մեծ-մեծ ձգտումներով և ցանկութեաններով: Անցնում է մի երկու, շատ-շատ երեք տարի և մարդ հանդիպելով նախկին ոգևորվող իդեալիստին, դժվարանում է ճանաչել նրան»³¹: Սրանց համար անցյալը, իդեալները, զաղափարները, դիսպոսիտիտ հիացմունքը նպատակի հանդէպ, սուրբ հիշատակների անմեղ բերկրանքը՝ «ջահելութեան հիմարութեաններ» են: Մալումյանը ճանաչում է և դիտե սրանց: Բայց նրա պահանջը այս երիտասարդութեանց չէ: Նա դիտե, որ այստեղ պետք է ձեռքը թափ տալ և առաջ անցնել: Իսկ ո՞ւմ հետ է նա կապում իր հույսը: «Մշակի» հրատարակախոսը շատ լավ է հասկանում, որ երիտասարդ մտավորականների այդ շերտից անջատվում և բոլորովին ուրիշ ուղիով են քայլում այն մարդիկ, որոնք ուզում

30 «Մշակ», 1886, № 6:

31 «Մշակ», 1887, № 72:

են «գործել կյանքի մեջ և մասնակցել հասարակական զանազան խնդիրների մշակելուն և արժարժեցուն»։ Գավառական մտավորականությունն է դա։ Այստեղ փոքր-ինչ մեղմանում է հրասպարակախոսի կշտամբալից տոնը. գավառական կյանքի «մտավոր և հասարակական գործերը» ղեկավարելու ի՞նչ պատրաստություն, ի՞նչ հմտություն ունեն սրանք։ Պարզվում է, որ այս գործիչները «համարյա չեն ճանաչում այն ժողովրդի ցավերը, պահանջները և կյանքը», որի օգտին էամենում են գործել³²։ Չունենալով հասարակական գործունեության մի որոշակի ուղղություն, «մի փոքր ի շատե որոշ պրոգրամ», գավառական մտավորականությունը չափազանց «սահմանափակ և անմշակ» դադափարներ ռ մտքերի վրա է հենում իր անձնվիրությունն ու անկեղծությունը գործի նրկատմամբ։ «Այդ է պատճառը, որ այդ գործելու ցանկությունը միշտ մնում է ցանկություն, և իրականության մեջ շատ քիչ արդյունքներ է ցույց տալիս»³³։ Նրանց զբաղումների, հետաքրքրությունների և մտահոգությունների հորիզոնը ավարտվում է փողակեր երեսփոխանի, անարժան քահանայի, հոգաբարձոսների, վարժապետների միջև տեղի ունեցող անվերջ զժգոհություններով ու ինտրիգներով։ Հրասպարակախոսը նարողնիկական ժողովրդասիրության դիրքերից է որոշում երիտասարդ մտավորականության այս շերտի ներկա ու գալիք պարտավորությունները։ Նա հատկապես ճանաչում է այս երիտասարդության իրավունքը գավառի և գյուղի կյանքը վերափոխելու գործում։ Բացի դրանից, նա կամենում է ավելի լայն, ավելի պատասխանատու գործունեության կոչել նրանց։ Արժրունու և Մալումյանի զանազանությունը երիտասարդ մտավորականության դահաստության խնդրում այն է, որ առաջինը տարբերություն չէր դնում գյուղագնաց մտավորականության և մտավորականության միջև առհասարակ, մինչդեռ երկրորդը ոչ միայն ճանաչում էր այդ տարբերությունը, այլև փորձում էր հավաստել գավառական գործիչների ժողովրդասիրական գործունեությունը ամենաամուր հիմքերի վրա դնելու հասարակական

32 «Մշակ», 1887, № 72:

33 Նույն տեղում:

անհրաժեշտութիւնը: Պահպանողականների և լիբերալների համար այս բաժանումը գոյութիւն չունի: Նրանք հասարակական գործչի իրենց ունեցած իդեալների տեսակետից քննում ու վերաքննում էին երիտասարդ մտավորականութեան բարոյական նկարագրի հարցերը: Փոքր-ինչ ուշացած, բայց հենց նույն դիրքորոշմամբ, Մուրացանը գրում է «Առաքյալը», ստեղծելով կենդանի տիպարն այն համալսարանականի, որ այրվում է «գործելու» կրակով, անձնամոլութիւնը որպէս թե հաղթահարած՝ փորձում լծվել «հասարակաց օգտակարութեան» գործին: Նա զավակն է «անբարոյականացած» հասարակութեան: Եվ այդ պատճառով նույնքան պիտանի նրան, որքան և թշնամի: Մուրացանի հեղինակ ժպտիտը, որ ծայր է առնում երգիծավեպի առաջին իսկ տեսարաններից, պախարակման տոնը, զավեշտաբանութեան եղանակը հուշում են, որ գրողը ոչ մի ժամանակ և ոչ մի անգամ չի հավատացել և չի էլ հավատալու Կառմարտյանների կոշմանը, առաքելութեան անձնավեր մղումներին: Հետզհետե գրողի մեջ խորացող այն համոզումը, թե այլևս ոչ մի հուշս չպետք է կապել համալսարանական երիտասարդութեան, մանավանդ քաղաքականութեան և «հեղափոխութեան» հետ ինչ-որ առնչութիւն ունեցող երիտասարդութեան հետ, նրան կանգնեցրին մտավորականութեան քննադատութեան այն դիրքերում, որի մեջ դժվար չէ նշմարել աղղային-պահպանողականի ազնվաբարո վախը և ճարահատ զայրուցից դարավերջի նարոդնիկական շարժման նկատմամբ: Միայն թե Մուրացանը պարզապէս ավելի անտեղյակ էր, քան դիտավորութեամբ էր փորձում նարոդնիկական նկրտումները այդպէս քննադատել: Նրա համար շատ քիչ տարբերութիւն կար կամ գրեթե չկար լիբերալների և ժողովրդասերների միջև: «Լուսավորութեան կենտրոնում» դա միանգամայն որոշակիորեն երևում է հայտնի այն վեճի մեջ, որ վահան Սարցանը մղում է Մոմճյանի հետ: Այն, ինչ անվանվում էր «նոր ժամանակի ոգի» և պաշտպանվում Մոմճյանի կողմից, այլ բան չէր, բայց եթե «համր, բայց ուղիղ քայլերի» (որը քույր Աննան ճանաչում էր որպէս հասարակական առաջադիմութեան ընթացքի նախընտրելի տեմպ) մերժում:

«Նոր ժամանակի ոգին, — ասում է Մոմճյանը, — չի կամենում,

որ մեզ նման երիտասարդ ուժերը անգործ ու անօգուտ նստեն՝
թմրած ժողովրդի արթնանալուն սպասելով: Ահա այս պատճառով
է, որ մենք գործում ենք «նպատակը սրբում է միջոցը» նշանա-
բանի համաձայն»³⁴: Մուրաչանը կտրականապես դեմ է թե գոր-
ծունեության «այս մեթոդին» և թե զարգացման տեմպերի արհես-
տական արագացմանը: Այդ պատճառով նա ոչ թե մերժում է ա-
ռաջադիմութունը, այլ արագաքայլ առաջադիմութունը: Լիբերալ-
ներին և ժողովրդասերներին կշտամբելու ամենամեծ առիթը ՚լ.
Սարյանի պատկերացմամբ հենց այն իրողությունն է, որ սրանք
«բռնաբարում են ժողովրդի և անհատի կամքը, խիղճը, ազատու-
թյունը և արժանապատվությունը. խախտում են նրա հավատը դե-
պի Աստված և մարդիկ, ապականում են նրա բարքը, վարքը և
բարոյական սովորությունները... այսինքն հետևում են «նոր ժա-
մանակի ոգուն»³⁵: Մոմճյանի «այլաճանաչում, մոլար և անկերպա-
րանք վարդապետությունը» մեկնաբանելիս, Սարյանը շարժանք
անորոշ է արտահայտվում, մանավանդ՝ «ժողովրդի խիղճը և ա-
զատությունը բռնաբարելու մասին» եղած պնդումը վերլուծելու
ժամանակ: Սարյանը շոնի որոշակի քննադատական ելակետ այս
խնդրում, մինչդեռ մյուս պարագան՝ Աստծու նկատմամբ հավատի
իրողությունը քննելիս, երիտասարդը պավառական համոզված
պահպանողականի եկեղեցասիրությունը դարձնում է միակ տրա-
մաբանությունը «Աստծո տան» մեջ գործող «ժողովրդի մարդու
հանցանքները» մերկացնելու համար: Ճշմարիտ քրիստոնեությունը
վեր դասելով ամեն մի այլ վարդապետությունից, Սարյանը այն
համարում է բոլոր ժամանակների համապարփակ, հումանիստա-
կան և առաջադիմական ուսմունքը: Միայն Ավետարանի տասնա-
բանյա պատվիրաններն արդեն պարունակում են ճշմարիտ բա-
րոյականության և հասարակական առաջադիմության գրեթե բո-
լոր սկզբունքները: Ինչ վերաբերում է բարք ու վարքի, բարոյա-
կան սովորությանի ապականությանը, ապա դա արդյունք և հե-
տևանք է առաջադիմության այն թյուր ըմբռնման, որը պար-

34 Մուրաչան, Երկերի ժողովածու, հատ. 3, Երևան, 1963, էջ 223:

35 Նույն տեղում, էջ 226:

տադրում են «նոր ժամանակի ոգու» կողմնակիցները: Ինչպե՞ս կարելի է ներկա սերնդի «կրոնը, բարոյականը և ավանդական սովորությունները» զսհաբերել ապագային: Սարյանը ուղղակի չի կարողանում հասկանալ, թե պատմության և բուն ժողովրդական կյանքի էությունից (որպիսին քրիստոնեական վարքն ու բարքը, սովորություններն են) ինչպես կարելի է հրաժարվել կամ թե բացահայտորեն խախտել մարդու հավատը այն բանի հանդեպ, ինչ կազմում է նրա հույսը, գոյության խարիսխը, ինչը «նրա կյանքի միակ լուսատու ճրագն է»: Խոր քրիստոնեական ոգին Սարյանի տիպի առաջադիմականին հանում է լուսավորության կենտրոնի պահպանողական քննադատության բարձունքները: Եվ նա այստեղից է, որ մերժում է «նոր ժամանակի ոգու» հասարակաշինական ու բարոյաբանական սկզբունքները:

«Առաքյալը» վիպակում, ըստ էության, շարունակվում է մրտաժողովության և կողմնորոշումների այս նույն տրամաբանությունը: Պետրոս Կամսարյանը «նոր ժամանակի ոգին» ըմբռնած այն անհատներից մեկն է, որ դժբախտություն ու թուլություն է ունեցել ենթարկվելու «ջահելության հիմարություններին»: Ա. Տերտերյանը նկատել է, որ «ի բնե զգույշ ու կարգապահ» Կամսարյանի՝ զյուզում հաստատվելու որոշումը ոչ միայն կասկած է հարուցում՝ հոգեբանական ու սոցիալական ռեալիզմի իմաստով, այլև այդտեղ է, որ պիտի տեսնել վիպակի «աքիլլեսյան դարձապարը»: Գիտնականը մասամբ միայն իրավացի է: Մուրացանն ինքն է որոշում իր հերոսների գործունեության ու հոգեբանության տվյալ նկարագիրը: Նրա համար, ինչպես և Արծրունու, զյուզապնաց մտավորականությունը պարզապես ժամանակավոր իդեալիստներից էր բաղկացած: Կյանքը այդ իդեալիստներին շատ շուտով խեղճ էր բերում և նրանք ազատվում էին նախկին «նախապաշարմունքներից»:

Սեանի անապատի աբեղաներից մեկը, անշուշտ, արտահայտում էր Մուրացանի տեսակետը, երբ Կամսարյանին դիտել էր տալիս, թե ժողովուրդը «իրավունք ունի պահանջներ անելու... ձեզնից, մտավոր ու նյութական հարստությամբ օժտված երիտասարդ-

ներից»³⁶: Այն ուսուցիչը, այն գյուղատնտեսը, այն իրավաբանը, որ իսկապես գյուղ էր մեկնում գործելու, շունենալով ոչ նյութական հարստություն և ոչ էլ օրինալիւր ասլրուստ,— այդ մարդկանց Մուրացանը կամ շէր տեսնում, կամ համարում էր «հազվադէպ բացառություններ»: Մինչդեռ համալսարանները «տասնյակներով ավարտած» և հայրենիք վերադարձած երիտասարդների մասին էր մտահոգվում գրողը՝ Կամսարյանի տիպարը կերտելիս: Իր ընդհանուր բարոյաբանական ծրագրից ելնելով, նա այլ հանձնարարություն չէր կարող տալ «մտավոր ու նյութական հարստությամբ օժտված» այդ մարդկանց, քան, իհարկե ժողովրդի օգտին և ժողովրդի համար անձնուրացորեն գործելու խելամիտ, բայց ռոմանտիկ ցուցումը: Կամսարյանն իբրև՝ որպես բնավորություն և ժամանակավոր իդեալիստ ուսանող, երիտասարդության մեջ շերեացող մեկն էր: Երբ սա հայտնում է իր որոշումը «գյուղ մտնելու» և հայրական ժառանգությունը նվիրելու «յուր ազգակիցներին ամենից ավելի օգնության կարոտ դասակարգին», բոլոր ուսանողներն «ապշում են»: «Սկզբում,— պատմում է Մուրացանը,— ընկերները կարծես, չհասկացան այդ հայտարարության միտքը և նայում էին իրար հարցական հայացքներով...»³⁷: Գրողը դիտավորությամբ և հետևողական մտադրությամբ բացում է այդ «մայրաքաղաքային երիտասարդի» կամքի ուժի, ինքնադիտակցության, հասարակական իդեալների զափեշտական բնավորությունը: «Առաքյալը» վիպակը հետապնդում էր բացասական օրինակի ուժով իդեալականը հաստատելու նպատակ: Այստեղ էր բանեցնում Մուրացանը պահպանողական բարոյագետի իր ամբողջ մարտավարական կարողությունները: Եթե խնդիրը այս կերպ ըմբռնվի, ապա վիպակի սկիզբը այլևս չի կարող հարուցել այն տպավորությունը, ինչ ստացել էր գրականագետը՝ «աբիլլեսյան դարշասպար» տեսնելով այնտեղ, որտեղ գործում է գրողի ծրագրված դիտավորությունը: Իսկ այն առումով, թե Մուրացանը սխալվում էր առհասարակ «մտավոր և նյութական հարստությամբ օժտված երիտասարդության» մեջ

36 Մուրացան, Երկերի ժողովածու, հատ. 6, Երևան, 1963, էջ 272:

37 Նույն տեղում, էջ 166:

աեննելով գյուղի սոցիալական վերափոխութեան և գյուղացիութեան տնտեսական հոգսերի ու բարոյական կարիքների բավարարման ուղղութեամբ գործող ամենաուսուցիչ ուժը, իհարկե, փոքր-ինչ ըմբռնելի կարող են լինել Տերաերջանի առարկումները: Բայց դա արդեն ուրիշ խնդիր է: Համենայն դեպս Մուրացանի համար այդ երիտասարդութունը «ուսուցիչ ուժ» էր: Նա, որ քույր Աննայի և Գարեգինի իրենցական կերպարների հովանու տակ մի պահ ասլրել էր երջանիկ այն դիտակցութունը, թե ինքնագոհացումը հատուցվելու է ժողովրդի բարեբախտութեամբ, հիմա XX դարի սկզբին, դարձյալ նույն մտքին էր, միայն այս անգամ կոչ էր անում դիմել այդ գոհացումը անմիացորդ և բոլորանվեր սիրով: Որպիսի միտումնավորութեամբ է, օրինակ, գրողը նկարագրում խեղճ Սայուն վաշխառուի ստույգ բռնութունից փրկելու Կամսարջանի համար ոչինչ արժող գործողութունը: Ենթիմաստն այն էր, թե Երիտասարդութունը ամեն ինչ կարող է անել «օգնութեան կարոտ դասակարգի»՝ գյուղացիութեան համար և այն էլ գյուղութեամբ, եթե հաստատուն լինի նրան զորավիգ կանգնելու արդեն ընդունած վճիռը:

Գ Լ Ո Ւ Խ Ո Ւ Թ Ե Ր Ո Ր Գ

ՆՈՐԳԱՐԱԿԱՆ ԳՅՈՒՂԱԳԻՐՆԵՐ

1. ԱՐՇԱԿ ԱԳԱՊՅԱՆ

Կյանքը: Կրական նախափորձեր: Առաջին գյուղագրական երկը՝ «Մուսիկի գանգատը»: Ուղեգրական նոթեր. «Թիֆլիսյց Զալալ-Օղլի»: «Գյուղացու ցավերը»: «Անարդար պահանջի» գաղափարական ելագիծը: Երկու վերաբերմունք համայնքի և համայնավարության հանդեպ: Նարոդնիկական գործիմացության ֆենադատությունը «Ուսանողը գյուղում» պատկերում: «Հողի իշխանությունը» և Ուսպենսկին: Գրական ոճի հարցեր: «Մարդասպանը» վիպակը:

1880-ական թվականների սկզբներին «Մեղու Հայաստանի»-ում տպագրվում է մի թղթակցութուն Զաքարթալայի քաղաքային դպրոցի «անբարեխիղճ կրոն-ուսուցիցի» մասին¹: Թղթակցության հեղինակն էր Արշակ Տեր-Սարգսյանցը: Երիտասարդ ուսուցիչը սկսում էր իր հրապարակախոսական աշխատանքը մամու-

1 ԳԱԹ-ի Հ. ք. Ճուղուրյանի ֆոնդում պահվող Նար-Գոսի մի նամակից իմանում ենք, որ Ա. Ազապյանի նախկին աշակերտները և մերձավորները, «որոշելով մոռացության փողիների միջից հանել իրենց ուսուցիչի և աղնվասիրտ բարեկամի անունը» դիմել են Գ. Անանունին գրելու սրա կենսագրական-գրական դիմանկարը: Վերջինս իրոք գրեց և 1921 թվականին «էջմիածնի դիտական ինստիտուտի բանբերում» հրատարակեց «Արշակ Ազապյան» խորագրով հոդվածը:

լում՝ առանց նվազագույն հավակնութեան, թե շափազանց մեծ գործ է կատարում: Պարզապես, հին բողոքի նոր կրկնութունն էր սա: Երբ սովորում էր Ներսիսյան ուսումնարանի շորորդ դասատանը, կրոնուսույց հայր Սուզանճյանցի մի դրավոր բողոքի հիման վրա տասներեք այլ աշակերտների հետ հեռացվել էր դպրոցից²: Ճակատադրական այդ դեպքը խորապես ցնցել էր պատանուն և նա երբեք չէր մոռանում դա, մանավանդ, որ կրոնագիտութունից միշտ էլ գերազանց գնահատական էր ստացել: Բայց սկսենք ըսկըզբից:

Արշակ Տեր-Սարգսյանց Ազգայանցը ծնվել է 1860 թ. Ղազախի գավառի Լալի գյուղում, քահանայի ընտանիքում³: Գրաճանաչութունը ստացել է հորից՝ Տեր Սարգսից: Տանը թանկ էր գնահատվում գրասիրութունը. քահանան ասում էր որդուն, — «որդյակ, Արշակ, աշխատիր կարգալ, եթե Աստված հոգիս շառավ, քեզ հասցնելու եմ գիտութեան ամենաբարձր աստիճանին»: Իր ինքնակենսագրութեան մեջ, որն ուղղել է Բաբվի Հայոց մարդասիրական ընկերութեանը, Ազգայանցը սրտի կսկիծով խոստովանում է նախախնամութեան հանդեպ մարդու անզորութունը: Նրան վիճակված չէր բարձրագույն կրթութուն ստանալ: Շուտով մեռնում է Տեր Սարգիսը (1868) և մանուկ Արշակը մնում է երիտասարդ մոր խնամքին:

«Լծան մի ուսը» պատմվածքում գրողը վերապատկերում է 1869 թվականին Թիֆլիսի Հայոց «կանգստորում» Մակար եպիսկոպոսի բարեխնամ հովանավորութունը որոնող որբևայրի մի կնոջ և սրա որդու հոգեկան տվյալանքները՝ Արշակ Ազգայանցը և իր մայրն էին: «Լաշակս էլ կծախսեմ Արշակի ուղուրին կդնեմ», —

² «Բանբեր էջմիածնի գիտական ինստիտուտի», Երևան, 1921, էջ 70:

³ Դ. Անանունը նշում է Ազգայանի ծննդյան երեք թվական՝ ըստ Վ. Փափաղյանի «Պատմութուն հայոց գրականութեան» գրքի Ազգայանցը պետք է ծնված լինի 1857-ին, ըստ Հ. Ճուղուրյանի մի վկայութեան՝ 1852-ին, իսկ Տեր-Աստվածատրյանցի «Բառարան հայ կենսագրութեանցը» նշում է 1860 թվականի մայիսի 8-ը: Ընտրել ենք 1860-ը մտածելով, որ Տեր-Աստվածատրյանցի բառարանը, որ հրատարակվել է հեղինակի կենդանութեան օրոք, ըստ երևույթին, հենց հեղինակից էլ ստացած պիտի լինեն այդ տեղեկութունը:

ասել էր երեցկիները ամուսնուն, երբ սա պատրաստվում էր թողնել էս անցավոր աշխարհը: Մակար եպիսկոպոսի կարգադրությամբ Արշակը դառնում է շամբոռեցվոց ծխական ուսումնարանի աշակերտ: 1870 թվականին ըստ երևույթին նախկինում ունեցած պայմանավորվածության համաձայն Ազապյանը ընդունվում է Ներսիսյան դպրոցի առաջին դասարանը: Նոր սանի առաջադիմությունը աննկատ չի մնում: Դպրոցի հոգաբարձությունը վճռում է ամսական 7 ռուբլի թոշակ տալ առաջադիմող աշակերտին: Ներսիսյան դպրոցի շորորդ դասատանը պատահում է կրոնուսույցի հետ կապված դեպքը: «Տեր հայր,— հարցնում է Ազապյանը,— դուք ասում եք, թե Աստված ասաց. «Եկա՛յք արասցուք մարդ ըստ պատկերի և ըստ նմանութեան մերում» և թէ սորանով է հաստատվում Երրորդությունը. բայց կարո՞ղ եք... մեզ ասել, թե ով էր այն մարդը, որ լսեց Աստուծո այդ խոսքերը, մինչդեռ նոր պիտո է ըստեղծվեր այն արարածը, որ միայն կարող էր ավանդել մեզ այդ խոսքերը»⁴: Հայր Սուղանճյանցը չգիտե ինչ պատասխանել: Պատասխանի փոխարեն նա դիմում է գրում դպրոցի հոգաբարձությանը, ուր հայտնում էր, թե Ազապյանը «կրոնին վատ աչքերով է նայում»: Ապարդյուն են անցնում նույնիսկ Գ. Արծրունու ջանքերը աշակերտի իրավունքները վերականգնելու համար: Վիճակավոր Մակարն արդեն վճռել էր արտաքսել անուղղյա ըմբոստին: Բանը չի փոխվում, երբ Վրաստանի և Իմերեթիայի առաջնորդ է նշանակվում Գաբրիել Այվազովսկին. «Ինչ որ վերջացած է, նա օրինավոր է, ВЪДУМАЛИ»,— ասում է սա Ազապյանի խնդրագիրը ընթերցելուց հետո: Եվ այսպես փակվում են Ներսիսյան դպրոցի դռները այն ուսումնաձարավ պատանու առաջ, որի կյանքի գլխավոր նպատակը գիմնադիական կամ համալսարանական կրթություն ստանալն էր: Բայց նոր վիճակավորը՝ նույն Գաբրիել Այվազովսկին՝ «յուր հատուկ տնօրինությամբ» իրավունք է տալիս Ազապյանին ուսուցչությամբ պարապելու:

Թողնելով էնֆիաճյանցի գրախանութը, ուր աշխատանքի էր

⁴ «Բանբեր էջմիածնի գիտական ինստիտուտի», Երևան, 1921, էջ 70:

անցել դպրոցից հեռացվելուց հետո, 1876 թվականին երիտասարդ Ազապյանը մեկնում է Ելիզավիևսպոլ գավառի Գետաշեն գյուղը՝ ուսուցչություն:

1876—1877 թվականները անցնում են դյուղական ուսուցչի շարքաչ կյանքով: Մեկ ուսումնական տարվա աշխատավարձը՝ երեք հարյուր ռուբլի, Գետաշենի հասարակությունը զլանում է տալ իր վարժապետին, և Ազապյանը, որ որոշել էր փոքր-ինչ գումար տնտեսել ուսումը շարունակելու համար, դարձյալ մնում է ձեռնունայն:

1879 թ. տարեկան շորս հարյուր ռուբլի աշխատավարձով երիտասարդ ուսուցիչը Գ. Բարխուդարյանի միջնորդությամբ աշխատանքի է անցնում Զաքաթալայի հոգևոր ուսումնարանում: Ասորում էր իսկական անապատականի կյանքով: Տնտեսում էր յուրաքանչյուր կոպեկը: Յոթ հարյուր ռուբլին արդեն հավաքվել էր և ահա դիմում է Բաքվի «Հայոց մարդասիրական ընկերությունը» մի աղերսագիր նամակով՝ Թիֆլիսի կլասիկական գիմնազիոնը հաճախելու և այդ Պետերբուրգի համալսարանը ուսման մեկնելու պատրաստակամություն հայտնելով, եթե, իհարկե, բարերարները կամենային հոգալ դրանց հետ կապվող ծախսերը: Կրթությունը քստանալու բուն սենյը բացատրում էր ազգին օգտակար լինելու անմերժելի փափագով: «Ցանկանում եմ... ստանալ այն հիմնավոր գիտությունը, որին շատ է կարոտ խղճով հայ ազգը: ... Ինձ վերաշատ ծախսեր չեն լինելու, ես սովոր եմ աղքատ կյանքին», — ասում էր նա անձնագրկման այս խոսքերը: Եվ այնուամենայնիվ, Մարդասիրական ընկերությունը մերժում է Ազապյանին:

Զաքաթալայում ուսուցչությամբ է սարապում մինչև 1881 թվականը:

1881—82 թ. պաշտոնավարում է Նուխիում: 1882 թ. վերջապես մտնում է Թիֆլիսի Ալեքսանդրյան ուսուցչական փնստիտուտը, որն ավարտում է 1886 թ.: Բաղձանքը մասամբ կատարված էր, և Ազապյանը իրեն նվիրում է հայ դպրոցին: Շուտով մեկնում է Մոզզով, ուր շորս տարի աշխատում է տեղի հայոց դպրոցում, 90-ական թվականներին ուսուցչություն է անում Զալալ-Օղլիում (1890—91), Ախալբալարում (1891—92), Թիֆլիսում (1892—96):

Մինչև դարասկիզբը մասնավոր դասերով է պարապում կամ առժամանակ գյուղ է քաշվում հայ ուսուցչութեան դեմ սկսված հայաժանգից խուսափելու համար: 1904—1905 թթ. աշխատում է Երևանի թեմական դպրոցում: 1905 թվականի ամառը դալիս է հայրենի գյուղ՝ Լալի և կաթվածահար վախճանվում:

Ա. Ազապյանը պատկանում էր այն գյուղադիրներին թվին, որոնք իրենց հասարակական համոզումներով հարում էին մեղվական ուղղութեանը: Քիչ քան է հայտնի Գետաշենում և Զաքաթալայում 70-ական թվականներին գրողի աշխատանքային գործունեությունից: Ավելի քիչ այն մտածումների և տրամադրությունների մասին, որ այս շրջանում ունեւր երիտասարդ ուսուցիչը: Միակ փաստաթուղթը՝ Բաքվի Մարդասիրականին ուղղած դիմում-ինքնակենսագրականը վկայում է, որ Ներսիսյան դպրոցը հարկադրաբար թողած աշակերտի մեջ վառվելիս է եղել ազգին օգտակար լինելու ցանկութունը և, որ ըմբոստ այս պատանին մինչև վերջ էլ պնդել է տգետ կրոնուսույցի հետ ունեցած տարածայնութեան վրամ վեճի մեջ իր իրավացիութեան վրա:

Զաքաթալայից «Մեղվին» դրած առաջին թղթակցութունից երևում է, որ երիտասարդ ուսուցչի միտքը թեւածել է ազգային իսկական դաստիարակի իդեալական տիպարի շուրջ, դրա համար էլ այնպես կրքոտ էր տգիտութեան «համփաների» — կրոնադետ վարժապետների դեմ ուղղված դատապարտումի նրա խոսքը:

1882 թ. Ազապյանը ողջունում էր «Մեղու Հայաստանի» 25-ամյակը: Այդ թերթի և նրա զխավոր աշխատակցի՝ Ս. Սպանդարյանի մեջ նա տեսնում էր ազգի շահերի ճշմարիտ և անձնվեր պաշտպանին: Երիտասարդ Ազապյանը համակիր և կուսակից էր մեղվական հրապարակախոսութեան գաղափարական ավանդներին և սկզբունքներին:

Եվ այսպես, մինչ ուսանում էր Ալեքսանդրյան ուսումնարանում, Ս. Սպանդարյանը հիմնեց իր օրաթերթը՝ «Նոր-Դար», իսկ քիչ հետո փակվեց «Մեղուն»: Յով էր, իհարկե, Ազապյանի համար վերջին իրողութունը, բայց ավելի հուսադրվում էր «Նոր-Դարի» ասպագա առաջընթացի մտքով: «Նոր-Դարը» միակ պարբերականն էր, որին աշխատակցեց նա մինչև իր կյանքի վերջը, Եղալի

հավատարմութիւն: Ս. Սպանդարյանի հետ դադարակալական և անձնական մտերմութեամբ կապված երիտասարդ Ազապյանը շուտով դառնում է նրա օրաթերթի գլխավոր աշխատակիցներէից մեկը, համենայն դեպս, այստեղ է տպագրում իր բոլոր գյուղագրական գործերը, հրատարակախոսական հոդվածներն ու թղթակցութիւնները:

1888 թ. «Նոր Դարի» մարտյան համարներում լույս է տեսնում Ազապյանի առաջին գեղարվեստական երկը՝ «Մուսիկի գանգատը»: Այդ ժամանակ գյուղագիրը ուսուցչութիւն էր անում Մոզդոկում: Պիտի ենթադրել, որ հենց այստեղ էլ գրել է այն: Ազապյանը հետագայում թեև ստեղծեց ավելի հավաք և գեղարվեստորեն մշակված պատմվածքներ, բայց այս առաջինը, մնաց իբրև նրա ամենախորունկ ստեղծագործութիւնը:

Դեռ նոր միայն գրական ասպարեզ ոտք դրած երիտասարդ գրողը միանգամայն որոշակիորեն ըմբռնում էր գյուղաշխարհի մարդկանց փոխհարաբերութիւններէի սոցիալական բնույթը: Զարմացնում է թարմ այն մտածողութիւնը, որ հանդես էր բերում գյուղագիրը գյուղացու տնտեսական կործանման պատճառները որոշելիս: Գործին նույնատում էր ակնարկային-ինքնակենսագրական ոճավորման պարագան: Արժանահավատութիւնն այս դեպքում կանխապես հաւաստվում էր. Գյուղագիրը պահել էր անգամ իր անունը: Մուսիկի դժբախտութեան ու կործանման պատմութիւնը առաջ էր մղում չափազանց հավաստի, վավերական փաստերի օգնութեամբ. գեղարվեստական պատկերը՝ համարժեք էր իրականից առնված փաստին: Մտածողութեան այս հղանակը հարկադրում էր չափազանց անկեղծ լինել: Գրողի ինքնազննումը և ինքնանկարը ստացվում էին այնպես, ինչպես հայելու մեջ՝ ճշգրիտ արտացոլում:

Բացի գրանից. գյուղագիրը ընթերցողից չէր թաքցնում ոչ մի բան, մասնավորապես իր ընդգծված համակրութիւնը չքավորների ու զրկվածների հանդէպ: Նա նուրբիսկ ավելի էր խորանում՝ բացատրելու համար այդ համակրութեան սոցիալական որակը. «Աչքս բացած օրից,— ասում էր նա,— երբեք տեսած չէի ես, որ գյուղում արդար դատաստան կտրվեր հարուստի և քյասիբի,

ուժեղի և թուլլի մեջ. ես ծանոթ էի ալյուրիսի քստմենելի վիաստե-
րի, որոնք վաղուց շարժել էին իմ կատաղությունը»⁵: Ըստ երե-
վույթին, դարձյալ կենսագրական վերհուշի տրամաբանությունն
էր գործում «աչքս բացած օրից» բառերի ներքին բովանդակու-
թյան մեջ: Յոթ տարեկան մանուկ էր, երբ հոր մահից հետո նրանց
ունեցվածքը բոռ ու փուռ եղավ. «Գյուղի հարուստներն անողոր-
մաբար ձիգ տվին, խլեցին մեր թույլ ձեռքից մեր լավ-լավ վա-
րելահողերը, խոտհարքները», — ասում էր նա այլ առիթով⁶: Այն-
պես որ սոցիալական կողմնորոշումը ներծծվել էր նրա մեջ
կյանքի իրական պայմանների ներգործությունը: Ազգայանը չէր
թաքցնում հակաիրանքը գյուղի զոռբաների ու ցեցերի հանդեպ:
Նա նրանց դեմ կանգնում էր իր սեփական բարոյական ուժերի
դեղնեցկության նկատմամբ ունեցած խոր հավատով: Այդ հակա-
գրություն մեջ երևում էր ազնիվ բողոքարկուն, միանդամայն ար-
դարությանը հետամուտ արդարամիտ և ըմբոստ անհաշտվողա-
կանը:

Եզանանց Մուսինը իր բաղի մեջ բռնել է Բաղիրանց Եփրե-
մին գողութուն անելիս: Գյուղամիջում հավաքված գյուղացիները
կշտամբում են Եփրեմին «...Հարամ լի դրա կերածը. կնկա տեր
մարդ՝ ամոթ չի քաշել՝ բռնվել ա...»: Հողեբանական ու բարոյա-
կան ճշմարտության հանդեպ աչք չի փակում գրողը՝ գյուղացին
այդպես է, երբ հանցավորը հարուստն է: «Մուսին լաց է լինում,
խսկ հիմար, կեղծավոր և անխղճատանք գյուղացիները ցավակցու-
թյուն են հայտնում այն մասին, որ Եփրեմն իրեն բռնել է տվել»:
Եփրեմի հորեղբայրը՝ Պեպանը փրփրել է մեծահարուստի զայ-
րույթով. «— Կնկա տեր մարդ՝ ամոթ չէ՞ր նրան, որ բռնվեց»⁷:
Բայց ներքուստ խոսում է վիրավորված ինքնասիրությունը. ի՞նչ
օրի են հասել. տկլոր Մուսին ճիպտի տակ է գցում Բաղիրի թո-
ռանը և բերում գյուղամեջ: Բաղիրը՝ մի կողքը հաստ, աղքատ
մարդ էր, բայց սրա տղան Դաղստանի պատերազմում հարստու-

5 Արշակ Ազգայան, Երկեր, Երևան, 1966, էջ 26:

6 Ա. Ազգայան, Երկերի ժողովածու, Երևան, 1934, էջ 4:

7 Ա. Ազգայան, Երկեր, Երևան, 1966, էջ 30:

թյուն ձևեր զցեց: Մանեթին մանեթ ստանալով՝ գյուղում տուն ու տեղ սարքեց. «...այնպես որ Բաղիրանց պես հարուստ կալի գյուղում այսօր ոչ որ չկա»⁸:

Հիմա աղքատ Մուսին իր իրավունքն է խնդրում քյոխվից: Արշակի հետ նա ճանապարհովում է Ուղունթալա, ուր նստում էր շինական կառավարութունը՝ պատիժ և փոխհատուցում պահանջելու: Դալլաք Ստեփանը կամ Չամուրի տղան՝ Ուղունթալաջի քյոխվեն, ճանապարհ է դնում բողոքավորներին՝ դողին ամուսյման պատժելու հաստատ խոստմամբ: Մեր գյուղագիրը խորացնում է գյուղաշխարհում արմատակալած հարաբերությունների մերկացումը: Դալլաք Ստեփանը «մի շահու համար որդուն կմորթի», — բացատրում է Մուսին՝ իր ունեցած կասկածանքը քյոխվի որոշումից հիմնավորելու համար. «Ի՞ է՛, Արշակ ջան, դու մեր գյուղի բաները չես իմանալ. մեղանում օրենք չկա... մեղանում սվ ուժ ուճի՛ բանը նրանն է»⁹: Հին այս ճշմարտությունը Մուսինը կրկնում էր, Արշակին հասկացնելու համար, թե «ոչ ամոթ, ոչ խղճմտանք ունեցող» քյոխվից շատ բան սպասելու չէ: Ջահել, դեռ անեփ «բաղբի կարդացողը» անարդարության այդ սահմանը չէր պատկերացնում: Նրա մեջ եռում էր հանցավորին պատժելու արդար դայրույթը.

— Ապա մի ճշմարիտ դատաստան չկտրե՛, — սպառնում է նա:

Կիրակի առավոտ Չամուրի տղան գյուղամիջում արդեն ծեծում էր Մուսինին:

— Ա, ինչի՞ ես խփում, իմ բաղի գողը հու ես չեմ, ինչի՞ ես խփում, բա Աստոծ չունե՞ս, — լալիս էր խեղճ Մուսին՝ հավաքվածների առաջ: Չամուրի տղան խիստ որոշում էր հանել: Բաղազող դնացած Եփրեմին թակելու և անկողին զցելու համար վճռել էր. «1. որ Եղանանց Մուսին Եփրեմին կերակրի նրա բողոք հիվանդության ժամանակ. 2. Եփրեմի բժշկության համար ինչքան ծախս լի՛ տա. 3. շինական դատարանին տաս ուրբի տուգանք տա

⁸ Ա. Ազադյան, Երկեր, Երևան, 1966, էջ 28:

⁹ Նույն տեղում, էջ 33:

և 4. Քաղերի տղի համար այնքան ժամանակ բանի, որքան ժամանակ եփրեմը հիվանդ կլի»¹⁰:

Հիմա Ուղունթալայի շինական կառավարության գլխավորը ճիպոտի տակ էր գցել Մուսինին՝ շինական դատարանի ծախսն առնելու: Մի արջառ ունեք խեղճ ռանչպարը՝ այն էլ քոխվեն էր քաշում: Չամուրի տղի օգնականը՝ Կյալին ծեծում էր Մուսինի կնոջը, վրա հասած Մուսինին՝ ծեծում էր քոխվեն: Այդ ժամանակ է, որ ժամաշապիկը մի կողմ նետած, հրացանը ձեռքին, տանից դուրս է թռչում Արշակը: Չամուրի տղան դիմում է փախուստի: Գյուղացիք, — ասում է Ագապյանը, — «...սիրում են քստմնեցուցիչ տեսարաններ»: Քիչ անց արդեն նրանք ծիծաղելով պատմում էին: Թե ինչպես էր Մուսին «քուցին-քուցին» անում ծեծվելիս: «Մուսինի՝ այդ հասակավոր աղքատ գյուղացու լացը, նրա մարդկային արժանավորության ոտնակոխ լինելը ամենևին նրանց չէր շարժում, ոչխար գյուղացին թամաշի էր ման գալիս՝ այն էլ կար. ինչ նրա բանն էր դատելը, ինչ նրա բանն է վրդովվելը: Գյուղացու փորը կշտացրու՝ այնուհետև թեկուզ գլուխը թակիր»¹¹:

Կրքոտ այս խոսքերով գրողը դադում էր գյուղական անտարբերութունը ամենևին էլ ոչ այն պատճառով, որ ստում և արհամարհում էր գյուղացիներին: Հետո պիտի տեսնենք, որ բացասական քննադատության այս ձևը իմաստավորված էր գյուղական շքավորության ուժերը համախմբելու ծանրակշիռ մտահոգություն:

Երբ Ղազախ՝ հաշտարար դատավորի մոտ բողոքի գնացած Մուսինին հասկացնել են տալիս, թե նրա գանդատը կարող է լսել միայն «գութեքնատը», նա թողնում է ամեն ինչ և գալիս Թիֆլիս՝ Արշակի մոտ:

— Արշակ ջան, իմ վաթանն (հայրենիքը) ինձ վատ թվաց՝ ամեն բան թողի, գլուխս առա շուերն ընկա, հուսատեղս դու էիր, քեզ մոտ եկա¹²:

10 Ա. Ագապյան, Երկեր, Երևան, 1966, էջ 37:

11 Նույն տեղում, էջ 36:

12 Նույն տեղում, էջ 40:

Ծանր էր հողի աշխատավորի այս վճիռը: Մուսինը այնուհետև ձիապահ էր: Ճակատագիրը սակայն նրա համար դեռ պահել էր դառնության ամենալի բաժակը: Մի օր երբ մտնում է ձիանոցը՝ «վրա է հասնում մի տեսարանի: Կառապանն ու մի... տիկին այնտեղ են լինում...»: Սիրեկանն ու սիրուհին փորձում են ինդդել Մուսինին: Մուսինը ազատվում է սրանց ձեռքից, բայց փոքրիկ տիրուհին, որ վախենում էր թե «մի գուցե ձայնը հրապարակ դուրս գա», մի առավոտ «գեղում է» նրան: Երբ Արշակը մեկ օր անց դալիս է համազյուղացուն տեսնելու, սա արդեն մեռել էր: «Ահա թե ուր հասցրեց Մուսինին յուր զանգատը»¹³: Պատմվածքի վերջին տողերը չափազանց հատկանշական են. «Մուսինի տան տեղն այսօր միայն բակ է մնացել, նրա այգու տեղը գյուղացիները այսօր վար են անում...»¹⁴:

Ամենածանրը դրողի համար այս վերջին իրողությունն է՝ կործանված գյուղացին, քաղաքի երախը ընկած անպաշտպան հողի աշխատավորը: Զկա այլևս Մուսինի ընտանիքը, օջախը, տունը, փշացավ, կորավ, և ի՞նչ պատճառով: Երբ Ղ. Աղայանը բացատրում էր Արղումանին բաժին ընկած ձախատագիրը՝ ի վերջո հասկացնել էր տալիս, որ այդ ամենը ճաղարանց զոռբայություն և շատվորություն արդյունքն է: Հողի համար կովում ճաղարանք հաստատում էին իրենց իրավունքը: Մուսինը կործանվում է, քանի որ շինական կառավարությունը քաշում է աղքատի վերջին կզնացուն: Ազգայանն ասում է, որ դրանով քյոխվեն մեռցնում էր Մուսինին. «և այն էլ՝ հանուն յուր գրպանի...» և հետո ավելացնում է հետևյալ նշանավոր տողերը. «Այդ անում էր նա օրը ճաշին, գյուղամիջում՝ մարդկանց, երեխաների, կանանց առաջ: Կաշառը նրան հրեշ էր շինել: Օգուտ քաղելով գյուղացիների անասնությունից՝ ամոթն ու երկյուղը մի կողմ դրած, քյոխվեն դործում էր մի բարբարոսություն, որ կարող էր յուր հետևանքներով մի ամբողջ գյուղական սերունդ փշացնել»¹⁵:

13 Ա. Աղայան, Երկեր, Երևան, 1966, էջ 41:

14 Նույն տեղում, էջ 42:

15 Նույն տեղում, էջ 33:

Գյուղացու բռնի ունեզրկումը գյուղագրի աչքում բարբարոսության ակտ էր, որովհետև այն հողի աշխատավորին կտրում էր հողից և նետում ստույգ կործանման ճանապարհը: Հակաքաղաքային այս թշնամանքը, ըստ երևույթին, բոլորովին էլ դեռ չէր գիտակցվում որպես թշնամանք բուրժուական հարաբերությունների հանդեպ: Դա պարզապես այն վախն էր, որ հարուցում էին գյուղում բնակաված ղոռբաները և կաշառակեր շինական կառավարչությունը:

— Արշակ ջան, իմ վաթանն ինձ վատ թվաց,— խոսքի մեջ գյուղագիրը տեսնում էր հենց այդ փշաքման սկիզբը: Արդարություն որոնող Մուսինի ամբողջ ճարահատ գծագրությունը ոչինչ էր այս սարսափելի խոստովանության առաջ:

«Թիֆլիսից-Ջալալ-Օղլի» ակնարկում Ազապյանը խոստովանում էր, որ գյուղացին ավելի իր պայմանների ստրուկն է, «քան թե յուր խելքի ազատ որդին»¹⁶: Եղանանց Մուսինի ամբողջ դժբախտության և առհասարակ գյուղաշխարհի մարդկանց սոցիալական թշվառության բուն արմատը դրա մեջ է: «Պայմաններ» ընդարձակ հասկացողության տակ Ազապյանը այլ բան չէր դնում, բաց եթե գյուղական կառավարչության, «կարգ ու կանոնի» (ինչպես նա էր արտահայտվում) գոյություն ունեցող սխտեմը¹⁷: Ես շատ էր հիշեցնում Պ. Պոռչանի հայացքն ու ըմբռնումները գյուղի մասին: Ըստ երևույթին, դեպի պահպանողականությունը գիմաշրջված դեմոկրատական մտավորականությունը միշտ էլ շրջանցում էր գլխավոր պրոբլեմը՝ «հողային հարցը», պարզ այն սրամաքանությունը, թե չարիքի արմատը պետք է որոնել ոչ թե համայնքի ներսում, այլ դրսում, ոչ թե, ասենք, սակավահողության և սրանից բխող հետևանքների, այլ գյուղի կառավարման ժամանակակից եղանակի մեջ, ոչ թե գյուղացու սեփականության և ապրուստի աղբյուրների ոլորտներում, այլ օրենքը գործադրողների կամայական ինքնիշխանության մեջ: Քանի որ հայացքը չէր թափանցում հարցի բուն խորքերը, ծանրակշիռ նշանակություն

16 «Նոր-Դար», 1892, № 106:

17 «Նոր-Դար», 1900, № 19:

էր ձեռք բերում արդեն բարոյախոսությունը: Գյուղագիրը դիմում էր «գյուղացի եղբայրակիցներին» խղճմտանքին, կամ արդարության հովանավոր դատավորին:

1900-ական թվականների սկզբին գրած «Գյուղացու ցավերը» հոդվածաշարում Ազապյանը մեկնաբանելով գյուղացու թշվառության հասարակական պատճառները, նկատում էր, որ ամենագլխավորը այստեղ «եյիջիներին» գործողություններն են. «գյուղում գոյացվում է մի քանի ուժեղ ընտանիք, ասում էր նա,— որ հայտնի են եյիջի թաթարական բառով. հայերեն՝ լավող, ուտող: Այդ եյիջիները գրականության մեջ հայտնի են գյուղական ցեղեր անունով: Քյասիբության դառն բաժակին իրենց տկար եղբայրակիցներին մատուցանողն այդ ցեղերն են»¹⁸: Գյուղագիրը ըստ երևույթին սրբան օրինաչափ է համարում ցեղերի շահագործողական ձգտումները, նույնքան պատահական նրանց սոցիալական ինքնիշխանությունը: Որովհետև մտածում է, թե գյուղականների համախումբը ջանքերով հնարավոր է ոչ միայն կանխել եյիջիների գյուղաքանդ գործողությունները, այլև նրանց գոյացման պրոցեսը: Նա տեսնում է, որ այդ բորենիները... «իրար հետ ընկերական սերտ կապ ունին»: «Իրանք անողոք են ինչպես ճակատագիրը, և խորամանկ՝ որպես եզվիտը... և ոչ ոք չկա, որ դրանց բունը քանդի»¹⁹: Ազապյանը հայացքը դարձնում էր օրենքի գյուղական ներկայացուցիչների և լուսավորիչների կողմը: Տանուտերը, դատավորները, քահանան և ուսուցիչը— ահա այն ուժը, որ պետք է դիմակայի ցեղերին և քանդի «նրանց բունը»: Ավաղ,— խոստովանում էր գյուղագիրը,— «...գյուղական վարժապետ չկա, քահանան տգետ է, մնացածներն էլ դրանց ստրուկներն են»²⁰:

Աինելով նորդարական մտայնությունը յուրացրած գյուղացիական ղեմովրատիայի այն ներկայացուցիչներից մեկը, որոնք ճշմարտապես ցավում են անճարին ու խեղճին բաժին ընկած ճակատագրի համար, Ազապյանը ետ էր մղում նարոդնիկական

18 «Նոր-Պար», 1900, № 19:

19 Նույն տեղում:

20 Նույն տեղում,

գաղափարախոսութեան ամեն մի ազդեցութիւնն և հակվում պաշտպանելու «գեղ կանգնի դերան կկոտրի» ժողովրդական իմաստասիրութեամբ թելադրվող տնտեսական բարօրութեան ուղին: Քանի որ գյուղացու թշվառութիւնը հետևանք է այդ նույն գյուղական ցեղերի անխղճմտանք վարքի և ընչասեր բնադղների, ապա և դրանց դեմ պիտի ուղղվի հասարակութեան միասնական կամքի ամբողջ հզորութիւնը:

1889 թվականին գրած «Անարդար պահանջ» պատմվածքում աղքատ Հանեսը դանդաժում է յուրայիններից. «— Տո բիմարներ, — ասում է նա, — ... մեզ իրավունք են տվել, որ մեզ կառավարվենք. ո՞վ ինչ անի, որ մենք իրար մսի լրած՝ մին մնի ուտըմ ենք. խի՞ չենք լավ կառավարվում. խի՞ ենք թողնում, որ մի քանի շան տղա, իրար ընկած մեր կեղը քանդում են, քրքհե տակ անում: Գիտում չենք, որ մեր մեծերի մհար մուժիկը մին ա՛ թե հարուստ, թե աղքատ»²¹: Այս վերջին դիտողութիւնը շարժանք կարևոր է: Հարուստ և աղքատ մուժիկների մեջ տարբերութիւն չդնող մեծավորների մասին պատկերացումը գալիս էր շինական կանոնադրութիւնից: Այդ կանոնադրութիւնը, իրոք, օրենքի առաջ հավասար էր ճանաչում բոլորին և հավասար պարտավորութիւն դնում համայնքի յուրաքանչյուր անդամի վրա: Եթե, մտածում էր Աղասյանը, գյուղացին կարողանա օրենքով նախատեսված իր իրավունքներից օգտվել, այսինքն եթե դործի դրվի շինական կանոնադրութիւնը և ոչ թե մնա «որպես մեռած տառ», որպիսին իրականում է, այն ժամանակ գյուղական շարիքները արմատախիլ կարվեն. «— Տո հայվաններ, — շարունակում է Հանեսը, — նրանք իրեք իրեք են, շորս են, դուք քսան-երեսուն, խի՞ չեք դալի ինձ հետ միանում, որ նրանց ծիրը բերեմ ես»²²: Հանեսին հաջողվում է համոզել գյուղացիներին՝ շտալ պահանջված անօրինական հարկը: Եվ իսկապես, տեսնելով միասնացած գյուղացիների կրքոտ ընդդիմութիւնը, տանուտերը, սուղիան և մյուս «կժոտողները», որոշում են «օթա-բաշու» հարկահավաքը առայ-

21 Ա. Ագապյան, Երկերի ժողովածու, Երևան, 1934, էջ 44:

22 Նույն տեղում:

Ժրմ հետաձգել մինչև «նոր խարջի գալը»: «Նոր խարջը, որ կգա դաթ կտանք նրա հետ. էն ժամանակ ով ինչ կիմանա. տաղարած կհավաքենք»: Այս վճիռը, փհարկե, հարկադրական էր, և մղում էր հարուստներին լավ խորհել կատարվածի շուրջ: Աղքատ Հանեսը կարողացավ իր նմաններին հավաքել իր շուրջը, համախումբել և հաղթանակ տանել: Ամենից վտանգավորը և ամենից սարսափելիքն ոչ թե այդ հաղթանակն էր, այլ Հանեսի «մտքերի» ազդեցութունը «դեռահաս երիտասարդների վրա»:

Իսկ ի՞նչ էր պահանջում ու քարոզում Հանեսը: Գյուղի իշխանավորներին հասկացնել էր տալիս, որ նրանք «օրենքի սահմաններից» իրավունք չունեն դուրս գալու: Սա հենց «չքավոր, անզոր դասի» պաշտպանութան ամենալավ եղանակն է: «— Այ ախարտիք, թե սերով կլեք ու մինդ մնի քամակ կպահեք, իրար չեք մատնիկ, չեք խաբվիլ, ձեզ ոչով չի կարալ վնաս տա»: Այս խոսքերն ասում էր ճշմարտախոս ու արդարադատ Չատինը, Հանեսի գաղափարակից թերնկերը: Ահա Հանեսի «սրբույստանդի» բնույթն ու էությունը:

Մեղքը միայն Հանեսինը չէ, ժամանակինն է,— ասում է գյուղի սուրբն. «Չիմ էլ զանկոնդար են դառել»: Այս հանգամանքն է տաղնապոս. և անհանգստացնում գյուղի մեծավորներին: «Նրանք,— գրում է Ագապյանը,— սարսափով տեսնում էին, թի ինչպես Հանեսի մտքերը դեռահաս երիտասարդների մտածութունների, դատողութունների առարկա դառնալով, ընդլայնում են իրենց շրջանը՝ նորանոր կուսակիցներ գտնելով: Նրանք զգում էին, որ շատ հեռի չի այն օրը, երբ իրենք հալածվելու են հրապարակից, թողնելով այն ավելի ազնիվ մարդկանց: Այս մտածութունն էր, որ ստիպում էր հարուստներին, օրհասական կովի մեջ մտնելով, ամեն միջոց գործ դնել Հանեսի դեմ՝ նրանով ամբոխի և օրենքի ձայնը խեղդելու համար»²³:

Մինչև իր կյանքի վերջը Ագապյանը այս համոզմանը մնաց: Նրան կաշառում էր և՛ օրենքը, և՛ ամբոխի ուժը: Երկուսն էլ գործում են իրենց՝ գյուղացիների օգտին, միայն թե այդ պետք է

23 Ա. Ագապյան, Երկերի ժողովածու, Երևան, 1934, էջ 55:

հասկացնել տալ ամբոխին, սկեսք է գտնվեն Հանեսներ ու Չատիներ, որ կարող են ամուր դաշնության հիմքերը դնել՝ արդեն ծայր առած անմիաբանության փոխարեն: Ամբոխի և օրենքի ձայնին ունկնդիր մեր գյուղագիրը այստեղից էլ մակաբերում էր իր հասարակական իղեալը. «Սարսափելի է ամբոխի ձայնը, երբ նա միահամուռ է բարձրանում: Նրա՝ այդ ձայնի առաջ՝ հազվագյուտ քաջասիրտ մարդն անգամ դողում, սոսկում է... դա մի փրփրած հորձանք է, որի առջևից առյուծն էլ է փախչում»²⁴: Այսպես զնահատելով ամբոխի, հանրային ուժի նշանակությունն ու կարևորությունը շափր, սյնդում էր գյուղացիության ակտիվ ինքնապաշտպանությունը:

Հանեսը գործում է հենց այդ ուղիով: Իր գողացված եղևերի փոխարեն գողանալ է տալիս սուղիայի գոմեշները և մի նոր դուշդ լծկան ձեռք բերում: Ընդ որում, այս պատմության մեջ կարևոր է դառնում ոչ այնքան այդ դեպքը, որքան գյուղագրի բարոյախոսականը, որ ամբողջությամբ դրսևորվում է մեծահարուստի հողին քրքրող ինքնախոստովանություն մեջ: Մի պահ արթնանում է խիղճը այն մարդու, որ առաջնորդվում էր մի սկզբունքով. «Կըլպեկ աղքատներին, ուտել կձոտողների հետ»: Սուղիան նայում է իր գործած անիրավությունների ու շարագործությունների վրաներքին սարսափով. «Ձգուղացիր,— հրահանգում է նրա մեջ նստած կրոնավախ արդարասերը,— ձեռք վերցրու այդ աղքատներից, որոնք հազիվ են քաշում իրենց ցավն ու դարդը: Քիչ հալածիր նրանց. կարեկից եղիր...»²⁵: Այդպես էլ արթնանում է խղճի ձայնը սուղիայի գործակից՝ Ռաբելի մեջ: Բարոյախոսական այդ պատգամը Աղապյանը տալիս էր արդեն որպես ճշմարիտ հավատացյալ: Նա մեկն էր այն մտավորականներից, որ, ճիշտ է, չափազանց լավ էր ըմբռնում տնտեսական գործոնի վճռական դերը մարդկանց հասարակական ճակատագրում, բայց և մյուս կողմից՝ բաժանում էր նորդարական գյուղագիրներին չափազանց տիպական՝ «եթե մարդիկ կամենային» սկզբունքի հանրահայտ բարոյախոսականը:

24 Ա. Ագապյան, Երկերի ժողովածու, Երևան, 1934, էջ 61:

25 Նույն տեղում, էջ 90:

«Թիֆլիսից-Ջալալ-Օղլի» ականարկաշարում Ազապյանը բացում էր իր մշակած հանրային ինքնօգնութեան «պրինցիպի» էական կողմերը: Եկատերինոֆելդ գերմանական գաղութը հասնելով, գյուղագիրը հատուկ գործովանքով պատմում է գերմանացի գյուղացիների ինքնակառավարման, բարքերի ու սովորույթների մասին: Առաջինը, որ գրավում է նրա ուշադրութիւնը, գյուղի այգիները եզերող ընդհանրական ցանկապատն է: «Այդ նշանից,— գրում էր Ազապյանը,— մեծ և խրատական բան է խմացվում. խմացվում է, որ այս գյուղում շատ շեն կրկնում մարդկանց շատ չարիքներ պատճառող «իմ» ու «քու» խոսքերը. երևում է, որ այստեղ համերաշխութեան և ընդհանուր աշխատանքի սկզբունքները ծիլեր են արձակել. ավելի պարզ՝ այստեղ թեթև ու երջանիկ ապրելու ձևերը գտել են, իսկ այդ ահագին առավելութիւնն է»²⁶: Մեր գյուղագիրը մատնացուցց է անում գյուղի հրապարակում բարձրացող եկեղեցին և երկհարկանի դպրոցի շէնքը, որպես նշան ու առհավատշյա՝ «թեթև ու երջանիկ ապրուստի»: «Գերմանական գաղթականները մի տան պես են ապրում,— հավելում է այնուհետև Ազապյանը,— և ապա շեշտում ամենակարևորը. նրանց մեջ հանրակցական եղանակը ոչ միայն վարդացել, այլև պարտադիր սովորութիւն է դառել»:

Գյուղական համայնքի կամ համայնավարական հողագործութեան նարոգնիկական տեսակետի պաշտպանութիւնն է սա: Ազապյանը հետև էր դրանից, ինչպես բոլոր նորդարական գյուղագիրները: «Հանրակցական եղանակ» ասելով, Ազապյանը հասկանում էր գյուղական ինքնակառավարումը՝ առանց ցյուղական ցեղերի, ընդ որում, ոչ թե առանց շեն ու հարուստ օջախների, այլ առանց ուրիշի ունեցվածքը սեփականող գյուղական շահագործողների: «Ունեցածի, սեփականութեան ապահովութիւնն գերմանացիների մեջ,— ասում էր նա,— սրբազան սովորույթների կարգն է անցել»²⁷: Պերճ Պոռշյանի նման Ազապյանն էլ, ըստ երևութիւն, հավատում էր հարուստ, չեն ու բոլ, ձեռքը քարի տակ շմնացած,

26 «Նոր-Գար», 1892, № 106:

27 Նույն տեղում:

Յատճու տված բերք ու բարիքից չի ու չի օգտվող գյուղականների տնտեսական ասպարախին, եթե, իհարկե, «համերաշխություն և ընդհանուր աշխատանքի» ոգին գտել է նրանց: «Ու՛մ աչքն է ուրիշի ունեցվածքի վրա,— հարցնում էր Ադապյանը,— չաշխատողինը»²⁸: Ադապյանի քննադատումով «եյիշիններն» են, որ խուսափում են ընդհանուր աշխատանքից, նրանց համար է, որ ցանկալի չէ «հանրակցական եղանակը», որովհետև այն սահմանում է ոչ միայն ունեցվածքի անձեռնմխելիություն, այլև համայնքի անդամների պարտադիր աշխատանքը: «Առանց աշխատանքի մարդն աշխարհիս ամենազովելի արարածն է»,— ասում էր զրոզը և նկատում, թե՛ «աշխատանքը... աղնվացնում է մարդուն»²⁹:

Երբ 1894 թվականին Ղազախի վեց հարյուր կալվածատերեր փորձեցին նահանգական դատարանի առաջ ապացուցել իրենց ժառանգատկան փրավունքները և տապալվեցին, Ադապյանը գրեց մի քանի հոդվածներ՝ «Հողային խնդիրը Ղազախի գավառում», «Հողատիրություն եղանակը Ղազախում», «Հողի ազդեցությունը երկրագործ դասի վրա» և այլն, ուր մանրամասնում էր համայնական հողատիրություն վերաբերյալ ունեցած իր տեսակետները և որոշ բացատրություններ տալիս չքավորներին ձգող «հանրակցական» եղանակի տնտեսական շահավետության մասին: Բայց մյուս կողմից էլ ընդգծում էր ժխական կամ մասնավոր հողատիրության առավելությունները, գյուղացուն տնտեսապես շահագրգռող այն գործոնի վիթխարի դերը, որ բերում էր անձնական հողակտորը և դրա վրա թափված աշխատանքը: Բուրժուական տնտեսագետ Ն. Ի. Իվանյուկովից առնելով հողի համայնական եղանակի կամ համայնավարության առավելություններին վերաբերող գաղափարները և ինչ-որ շարժումով համաձայնելով նրա հետ, Ադապյանը, սակայն, ճեղու էր հողօգտագործման այդ եղանակի մեջ տեսնելու տնտեսական կառավարման այն իդեալական ձևվը, որի հետ կապում էր գյուղացու ասպարա բարօրությունը³⁰: Նա

28 «Նոր-Դար», 1892, № 106:

29 Նույն տեղում:

30 Վ. Ռշտունի, Հայ հասարակական հոսանքների պատմությունից, Սրևան, 1956, էջ 99—101:

խնդրին մոտենում էր նախ պատմական տեսակետից: Ղազախի գավառը պարսկական տիրույթ է եղել շատ հնուց: Այստեղ չէր կարող զարգանալ հողատիրութեան այն եղանակը, որ «սովորեցնում է և մերձավորի շահերն ի նկատի ունենալ»: «Պարսիկ ու մերձավորի շահ...» հեզնանքով նկատում էր գրողը³¹: Բացի դրանից, գյուղացիին համայնքի ներսում իր հողակտորին նայում է որպես ուրիշի ունեցվածքի. «...անսիրտ վաշխատուական ոգով կապված լինելով մայր հողին», նա միայն «շահագործում է այն»: «Ահա համայնական եղանակի ամենախոշոր պակասությունը»³²: Ապա նաև դիտում էր, թե Ղազախի շրջանում գյուղացիներին իրենց հողաբաժինները պապական ժառանգություն են համարում և, որ հենց այդ պատճառով, նրանք «մի տեսակ ընդհանուր ատելություն են ցույց տալիս համայնական եղանակին»: Չէր անգիտանում նաև այն փաստը, «որ անուժ քյասիքները թնադրամաք սիրում են համայնական եղանակը»: Ազապյանը հեռու էր միայն անուժ քյասիքներին ձեռնտու սոցիալական համայնակեցությունը դրվատելուց: Նա ավելի հակված էր գյուղացիական համերաշխությունամբ տրամաբանված հանրակեցության այն եղանակը պաշտպանելու, որ մի կողմից ապահովում էր համայնքի բոլոր անդամների տնտեսական բարօրությունը, ինչպես գերմանացիների մոտ, և մյուս կողմից՝ բացարձակապես անհնարին դարձնում գյուղական ցեղերի կործանարար գործողությունները: Այստեղ նրա հասարակական իդեալը գտնում էր իր իրականացումը Լ'նդ որում, Ազապյանը այդ ամենը հնարավոր էր համարում ժխական հողատիրություն իրավական սխտեմի պահպանմամբ միայն:

Երբ Գանձակի նահանգի դատարանի առաջ 1895 թվականին Ղազախի գյուղացիները երդումով հաստատեցին վանքապատկան և վազվածատիրական հողերի վրա իրենց ունեցած ժառանգական իրավունքները, Ազապյանը իր ամբողջ ժողովրդատիրական համակրանքով հանդերձ, չկարողացավ զսպել զայրույթի այն ալիքը,

31 «Նոր-Գար», 1894, № 197:

32 Նույն տեղում:

որ բարձրանում էր նրա արդարասեր հոգում՝ ընդդեմ չքավոր գյուղացիների դաժան «չկամության»։ «Այսօր ահա,— գրում էր նա,— քահանայի կամ ազնվականի ժառանգները, օգտվելով օրենքից, աշխատում են իրենց պապական հողերը սեփականացնել՝ ուրիշ ոչինչ։ Նրանք գյուղացիներից հող չեն խլում. ուրիշ է հող խլողներին՝ դրանց դեմ իրավունք ունի գյուղացին դաժանանալ։ Բայց արի տես, որ գյուղացիք, առանց բացառության, սեփականեության դեմ են. չեն ուզում, որ ազնվականները հող ունենան»³³։ Այս վերջին դիտողությունը չափազանց կարևոր է — «գյուղացիք, առանց բացառության, սեփականություն դեմ են», — ասում էր գրողը, դրա մեջ տեսնելով, ըստ երևույթին, այն «բնագրների» արտահայտությունը, որով անուժ քյասիբները որոշում էին իրենց ձեռնտու սոցիալական հանրակեցության պայմանները։

Նետագայում, 1900-ական թվականների սկզբներին, երբ ընդունվեց մայիսմեկյան օրենքը Անդրկովկասի պետական հողերում բնակվող շինականների հողային իրավունքների մասին, Ազապյանը ողջունելով բարձրագույնս հաստատված օրինագիծը և դրա մեջ տեսնելով «դասակարգային ատելությունն ու նախանձը» բառնող մի սքանչելի ձեռնարկում, ողևորությամբ դավատում էր մասնավոր, ծխական սեփականությունը ուժեղացնելու և համայնականը վերջնականապես կործանելու արքունի միջոցառման կարևորությունը։ Նա մոռացել էր մի ժամանակ պաշտպանած համայնական հողատիրություն վերաբերյալ «պահպանողական սոցիալիզմի» մատնանշած առավելությունները։ «Արդարև,— ասում էր նա,— հողատիրություն համայնական եղանակը՝ ժամանակակից տնտեսական կարգերի տեսակետից՝ բավականին անհամ, անօգուտ կարգ է։ Այդ եղանակով գյուղացիք միասին, ամբողջ համայնքով, սեփականատիրոջ նման են տիրում գյուղի հանդին, մինչդեռ գյուղի անդամը, ծուխը սեփականատեր չինելու իրավունք չունի։ Համայնական հողատիրություն եղանակն իսկի դուր չեկավ մեր կովկասցիներին»³⁴։ Համայնքի գյուղացի-

33 «Նոր-Գար», 1895, № 51:

34 «Նոր-Գար», 1900, № 110:

ների ներդաշն համերաշխությամբ՝ գյուղական ցեցերի դեմ մաքառելու, գյուղում օրենքի սահմանած «կարգ ու կանոնը» վերհաստատելու, շինական կանոնադրությունը ամբողջությամբ գործադրելու և այդ կերպ մարդկանց տնտեսական բարօրությանը հասնելու Ազգայանի համոզումների հետ էր կապված ոչ միայն համայնական եղանակի հանդեսը գրողի բռնած դիրքորոշումը, այլև երիտասարդության նարոդնիկական նկրտումների բացորոշ քննադատությունը:

1891 թ. գյուղագիրը «Նոր-Գարում» հրատարակեց «Ուսանողը գյուղում» երգիծական պատկերը, ուր բավական հատու հումորով ծաղրաբանում էր Մոսկվայի Պետրովսկի գյուղատնտեսական ակադեմիայում սովորած մի ուսանողի: Գարեգինը գյուղ էր մտել «շաշի չափ լայն» մի ահագին շլյապա գլխին, մալականի կապույտ վերնաշապիկով, «շնկշնկուտ» ձեռնափայտը ձեռին՝ որպես սարսափ գյուղական շների: Տեսնելով սրա պահվածքն ու տիպարը, գյուղացիներից մեկը ասում է. «Սրանից եղբ, եթե հարիր որդի ունենամ, մնին էլա ուսումի շեմ տալ, քանի որ ուսումն այդպես օտարացնում ամեղանից»³⁵:

Պետրովսկի գյուղատնտեսական ակադեմիայի հայ ուսանողները դեռ 80-ական թվականների սկզբներին հիմնեցին մի բնակչություն, որ գտնվում էր ռուս լեզալ նարոդնիկության գաղափարական ազդեցության տակ³⁶: Գյուղագիրը ըստ երևույթին, Գարեգինի տիպարի մեջ փորձում էր ուրվագծել իր երևակայության մեջ ունեցած նարոդնիկական համոզումների սեր հայ ուսանողության գործնական անճարակությունը և գաղափարական ըմբռնումների ամբողջ զավեշտական թեթևությունը:

Երբ Գարեգինի հայրը՝ Օհանջանը որդու ուշադրությունը հրավիրում է գյուղական ուսումնարանի վրա, սա մեծամիտ հանդարտությամբ պատասխանում է. «Ուսումնարանից ավելի բարձր հարց է գրավում իմ ուշադրությունը»: Պարզվում է, որ այդ հարցը ըմբռնելու համար խեղճ Օհանջանը սրեաք է «պոլիտիչեսկի էկո-

35 Ա. Ազգայան, Երկերի ժողովածու, էջ 104:

36 Վ. Ռշտունի, Հայ հասարակական հոսանքների պատմությունից, Երևան, 1956, էջ 280—283:

նոմիա» իմանա, այսինքն, ինչպես բացատրում է ուսանողը, գլուխ հանի այն հարցից, թե ինչ հարաբերություն գոյություն ունի «կապիտալի և աշխատանքի միջև»: Այնուամենայնիվ, Օհանջանը խնդրում է պարզ խոսել և բացատրել, թե «դա ինչ զադա»: «Պոլիտիկեսկի էկոնոմիան,— ասում է Գարեգինը,— ...ուզում է իմանալ, թե աշխատավոր մարդիկ, մշակները իրանց կատարած դործին համեմատ վարձ են ստանում, թե ավել կամ պակաս»³⁷: «Մշակների հարցը» գործնականում ուսումնասիրող ուսանողի երևալը դաշտում շափազանց կոմիկական է.

— Խեղճ մշակներ... որքան ծանր է ձեր վիճակը,— տխուր ձայնով բացականչեց ուսանողը՝ մշակն աչքին ընկնելուն պես³⁸: Իսկ Ռեվազանց Անդրեասը գլուխը կախ «կոփվա էր տալիս» հաշանի հետ:

Հողի աշխատավորը դանդաղում է հարուստներից ու վաշխառուներից.

— Ուրեմն մեր գյուղում կուլակ էլ կա՞,— վրդովված հարցրեց ուսանողը:

— Կուլակն ինչ ա՞,— հարցրեց Արամը:

— Վաշխառու:

Ահա թե ինչպես է ուսումնասիրում և ճանաչում գյուղը «մեծ-մեծ բաներից բրդող» մեր ուսանողը: Սպառնում է լրագրության միջոցով հրատարակ դուրս բերել գյուղի ցեցերին: Ռեվազանց Անդրեասը չգիտե, թե ինչ է լրագիրը, բայց ուզում է իմանալ, թե դրանից ինչ օգուտ կլինի խեղճ ու դուրի գյուղացուն:

«Օգնություն չի չինի,— քացատրում է Գարեգինը,— բայց կիմանան, որ այսպիսի անիրավություններ կան մեր գյուղում»:

Այստեղ արդեն ծիծաղում և դառնանում է գյուղացին:

«— Արևիդ մատաղ,— ասում է նա,— ասենք, թե մի սոված գեղ մեր կովը կերավ և դու էլ իմացար. դրանից ի՞նչ օգուտ: Կովս զնալուց եղբ հըն հազար հետ իմացիր. ուրիշ տեղեր, որ իմանան,

37 Ա. Ագապյան, Երկերի ժողովածու, էջ 105:

38 Նույն տեղում, էջ 106:

թե Թևոսանց Արթինը վեց մանեթին իրեք ամսըմը վեց մանեթ էլ շահ ա առնըմ, իմ յարան կսաղանա»³⁹:

Գլուխը կախ, իր բանին եղած գյուղացին հասկանում է, որ Գարեգինը «իր ցավին դարման անելու եղանակը չի իմանում»:

Ազգայանը ցավով է ընդգծում այս իրողությունը: Մի փոքր էլ տաքարյուն բարկացկոտություն կա նրա խոսքի մեջ. «Այդ մարդկանց դժվար է ճանաչել, — ասում է նա, — Թիֆլիսում դարձրատոները նստած վառվում ու կրակվում են գյուղացու ճակատագրով, դյուղ գալիս, «լայեղ շեն անում նույնիսկ իրենց ծանոթ գյուղացիներին բարեկեղ», հեռանալիս էլ «ցավազար են դառնում»⁴⁰:

Զավեշտականը ոչ միայն ուսանողի պահվածքն է, այլև գյուղի գործերին միջամտելու այն եղանակը, որ նախընտրում է նա: Գարեգինը մի հոգված է տպագրում Թիֆլիսի լրագրերից մեկում, ուր բազմիցս շեշտվում էին կոպակ, վաշխառու, տղրուկ, խեղճ մշակ դասակարգ արտահայտությունները:

Ժողովրդասիրական նման գործեկակերպի դեմ ուղղված քրննահատությունը բխում էր ամենից առաջ գյուղին գործնականապես օգտակար լինելու Ազգայանի ունեցած համոզումներից և ծրագրերից: «Գյուղի, գյուղացու մասին զրող, կոկորդիլոսի արցունքներ թափող շատ կա, բայց կյանքի մեջ շատ քներն են սեղմում նրա կոշտ ձեռքը, քներն են իրենց հավասար մարդ ճանաչում գյուղացուն, քները՝ մի-մի միտները գցում իրենց շաքբաշեղբորը»⁴¹: Գյուղագիրը համոզված է, որ Գարեգինի նման երիտասարդների ուժն ու եռանդը այլ ուղղությամբ և այլ կերպ պետք է գործադրել: Եվ ամենից առաջ այն միակ ու խոշոր հասարակական հաստատության մեջ, որ էր ուսումնարանը: «Գյուղացու ցավերը» հոդվածաշարում, ինչպես արդեն նշել ենք, Ազգայանը գյուղերում «կարգ ու կանոնի» բացակայությամբ էր բացատրում հողի աշխատավորին բաժին ընկած սոցիալական դժբախտություն-

39 Ա. Ազգայան, Երկերի ժողովածու, էջ 111:

40 Նույն տեղում, էջ 113:

41 «Նոր-Գար», 1898, № 53:

նը: Բայց ավելի հեռագնա և նրա կարծիքով ավելի խոր մի պատ-
ճառ էլ կար. «Գյուղացու անբախտության բուն պատճառը, նրա
տգիտությունն է, անուսում լինելը և այդ իսկապես այդպես է»,—
հաստատում էր նա⁴²:

Հասարակական ամենամեծ ու անհրաժեշտ հիմնարկությունը՝
ուսումնարանը, հայ գյուղաշխարհը կարող է դուրս բերել խավա-
րից ու հետամնացությունից: Ազգայանը նեղ իմաստով չէր հաս-
կանում լուսավորության դերը: Նա դրա հետ կապում էր տնտե-
սական առաջադիմության բազմաթիվ խնդիրներ: Այն գյուղագիր-
ների նման, որոնք հակված էին գյուղացու աղքատությունը նրա
տգիտությամբ բացատրել, Ազգայանը ևս մտածում էր, թե գյու-
ղաշխարհի սոցիալական բարօրության հիմքը՝ դպրոցի և դիտու-
թյան վրա է բարձրանալու: Որպես իսկական նորդարական, նա
շրջանցում էր հողային խնդիրը, կամ ավելի ճիշտ դրա մեջ չէ,
որ որոնում էր գյուղացու տնտեսական դժբախտությունների
ակունքը: Գյուղագիրը համոզված էր, որ սակավահողության խըն-
դիր չկա հայ գյուղերում: Նա այդպես էլ պրում էր. «Մեր գյու-
ղացին դեռ էլի հին ձևով է մշակում հողը, հողի պակասությունը,
որ գյուղերում տեղ-տեղ զղացվում է, ավելի նրանից է առաջ
գալի, որ գյուղացին նրանից օգտվել չի իմանում: Նա յուր դի-
տության պակասը հողի պակասությունն է վերագրում: Թող գյու-
ղացին դեռ իր ձևերին ունեցած այգին, վարելահողը մի լավ
մշակի և երբ որ կտեսնի արդյունքն իրեն չի բավականացնում,
այն ժամանակ դանդաղվի: Բայց տեսնում ես՝ ամեն գյուղացի
և նրա հետ մեր գրողներն առհասարակ գոչում, գրում են. «հող
չունենք, գյուղացին հող չունի»: Ծանոթ չեք բանի հետ, երեսանց
եր դիտել, գյուղացին ունեցած հողովը դեռ կարող է շատ տարի-
ներ բավականանալ, եթե նա 1) մշակելու ձևն իմանա, 2) լավ
գյուղական և հաղորդակցական ճանապարհներ ունենա, 3) եթե
նրա աշխատանքին վնաս տվող չլինի»⁴³:

Իհարկե, այս անգամ Ազգայանը չէր հետևում գյուղացու

42 «Նոր-Դար», 1900, № 19:

43 «Նոր-Դար», 1900, № 26:

կյանքի հետադրոտության իր իսկ հռչակած սկզբունքին: Հայ դյու-
ղացու մասին «խոսելիս-գրելիս,— ասել էր նա,— ես միշտ ահու-
գողով եմ մոտեցել դորժին: Ասել եմ շլինի* թե սխալվում եմ, շլի-
նի* թե ընթերցողներիս մուրեցնեմ»⁴⁴: Գրողը այս անգամ, իրոք,
սխալվում էր: Ղաղախ Շամշադինի լեռնային շրջաններում պետա-
կան գյուղացիները կազմում էին բնակչության մոտ 90 տոկոսը⁴⁵:
Մի փաստաթղթի մեջ հիշվում է, որ Անդրկովկասի երկրամասում
«պետական շինականների մոտ ղդացվում է խիստ սակավահողու-
թյուն»⁴⁶: 1966 թ. նոյեմբերի 26-ի օրենքով Ռուսաստանում նա-
խատեսվում էր «գյուղացիներին բաժնեհող տալ արական շնչին
ութ-ական դեսյատին սակավահող և 15-դեսյատին՝ հողառատ գա-
վառներում»⁴⁷: Երբ բաժնեհողերի նորմավորման հարց առաջացավ
Անդրկովկասում, պետական հողաշինական հանձնաժողովը նպա-
սակահարմար շտապ վայելիսի նորմավորում մտցնել այն պարզ
պատճառով, սր այստեղ իրոք «մոլեգնում» էր սակավահողությու-
նը: «XX դարի սկզբին Հայաստանի գյուղացիական մեկ ծխին
նույնքան բաժնեհող էր ընկնում, ինչքան որ հասնում էր Ռուսաս-
տանի ներքին նահանգների գյուղացու ընտանիքի մեկ շնչին»⁴⁸:

Ազգայանը հենվում էր գյուղում աշխատանքի կազմակերպ-
ման տնտեսապես ձեռնառու և շահավետ մեթոդների կիրարկման
զաղափարին և այստեղից էլ եզրակացնում, թե միայն այդ կերպ
կարելի է լուծել հողի աշխատավորի նյութական ապահովության
խնդիրը: «Ավելի բարվոք գրության մեջ տեսնելու համար շինա-
կանին,— գրում էր նա,— պիտի շինականը երկրագործության
ավելի թեթև ու հարմար գործիքներ ունենա, որպեսզի ավելի քիչ
ժամանակ գործադրելով, ավելի շատ արդյունք ստանա»⁴⁹: «Հո-
ղատիրության եղանակը Ղազախում» հոդվածը գրելիս, Ազգայա-

44 «Նոր-Դար», 1895, № 51:

45 Մ. Աղոնց, Հայաստանի ժողովրդական տնտեսությունը և հայ տնտեսա-
դրտական միտքը XX դարի սկզբին, Երևան, 1968, էջ 58:

46 Նույն տեղում, էջ 68:

47 Նույն տեղում, էջ 67:

48 Նույն տեղում, էջ 69:

49 «Նոր-Դար», 1900, № 26

նը չէր տարակուսում, որ սակավահողութիւնը գլուղացուն հարկադրելու է ղրմելու բնական գիտութիւններին: «Սովից ազատվելու համար մարդիկ ստիպված կլինեն քիմիա սովորելու»⁵⁰: Հիմա նա այս միտքն էր կրկնում առանց, սակայն, սակավահողութեան իրողութիւնը նկատի առնելու: Պարզ է, որ գլուղադիրը համաձայնում է գլուղի բուրժուականացման այն պրոցեսին, որ տեղի էր ունենում հայ գլուղաշխարհում, մանավանդ զրվատում էր մասնավոր հողատիրութիւնը աշխուժացնող պետական ձեռնարկումները, ծխահարկով՝ շոշահարկով փոխարինելու օրենքը, գլուղացիներին հողակտորներ առանձնացնելու և սրանց ամրացնելու միջոցառումների այն շարքը, որ նախատեսվում էր մայիսմեկյան որոշումներով:

Ի վերջո Ադապլյանը պետք է դար այս եզրակացութեան, քանի որ նրա հասարակական իդեալը՝ գլուղացիական ներդաշն հանրակեցութիւնը այլ բան չէր, բայց եթե շինական կանոնադրութեան լրիվ գործադրմամբ վերածնված գլուղը, որտեղ որպես երկու փարոս՝ եկեղեցին և դպրոցը լուսավորում էին հանրային բարօրութեան խավարամած ուղին: Այս բոլորն, իհարկե, չէր հակասում «հողի իշխանութեան» հանդեպ ունեցած գրողի այն պատկերացումներին, որոնք առնված լինելով Ուսպենսկուց, կարծես հավակնում էին ընդհանուր-փիլիսոփայական ելակետ ծառայել նրա բոլոր հասարակական ըմբռնումների համար: Հողի ուժին Ադապլյանը, ճիշտ Ուսպենսկու նման, վերագրում էր համարյա բանական բնագոյներ. «Հողը սովորեցնում է երկրագործ մարդուն,—ասում էր նա,—համեստ, չափավոր ու դրական կյանք վարել. նա դաս է տալիս յուր որդուն, որ սղորակ չդառնա, ուրիշի վզից չկախվի, այլ ապրի յուր ձեռքի հալալ աշխատանքով: Հողի համար

50 «Նոր-Ռաք», 1894, № 197: Վ. Ռշտունին Ադապլյանի այս մտքերի մեջ որոնում և գտնում է ազգաբնակչութեան գերարտադրութեան Մալթոսյան տեսութեան նստվածքները: Հակամետ ենք կարծելու, որ հարգելի պրոֆեսորը այս դեպքում, ըստ երևույթին, փոքր-ինչ չափազանցում էր Ադապլյանի խոսքերի իմաստը, թե՛ «մարդն աճում է, բայց հողը նույնն է մնում»: Վ. Ռշտունի, Հայ հասարակական հոսանքների պատմութիւնից, Երևան, 1956, էջ 99—100:

դասակարգեր շկան»⁵¹: Նշանավոր այս հետևությունը բխում էր գյուղի սոցիալական ուժերի փոխհարաբերակցության գրողի ունեցած պատկերացումներից: «Հողի համար դասակարգեր շկան». «Ով աշխատում է՝ նա տեր է». «Ով սրբում է ճակատի քրտինքը՝ նա հաց է ուտում» — մանրթուրժուական ժողովրդավարությունը այստեղ է, որ անգիտանում էր դասակարգային ներհակությունների ամբողջ ռեալ բարդությունը և հողի այդ ուժի մեջ նշմարում հանրակեցության հավասար պայմանների իրականացման հնարավորությունը: Մի այլ ծայրով այս տեսակետը կապվում էր Ազգայաշահի այն համոզման հետ, թե գյուղը և գյուղացիությունը, ի վերջո, և՛ թե խմում են կյանքի դառնությունների բաժակը, ապա միայն ուրիշի աշխատանքը սեփականող վաշխառուների պատճառով: Ազգայանը, Մուրացանի նման, այստեղ տեսնում է գյուղացու սոցիալական դժբախտությունների հիմքը: Բայց, ինչպես որ կադնին հզոր է այն պատճառով, որ խորն են ձգվում նրա արմատները, այդպես էլ ուժեղ է շինականը մայր հողի հետ ունեցած իր կապով: Նա «...սիրում է հողը աննման, անարատ, անբիծ, իսկական սիրով. մի սեր, որն անհասկանալի, անըմբռնելի և անմատչելի է այն բոլորի համար, որոնք հողից իսպառ կտրված են, նրա հալալ կաթն այլևս չեն ծծում»⁵²: Հետևաբար, բավական է այս վերջիններիս հակադրել հողի բնական սիրով մեծազոր շինականների միաբանությունը, որպեսզի ամեն ինչ ընթանա իր հունով, որպեսզի վերանան և՛ կծոտողները, և՛ լափողները, և որպեսզի համայնքը վերագառնա իր քնական կեցությունը:

Հայացքների այս սիստեմը, որ ինչպես տեսնում ենք բարդ չէ և իր վրա է կրում Գ. Ուսպենսկու «հողի իշխանություն» փրկիստիայությունից, ազդեցությունը, շարժական ռեզիստանսներ կայացնում է գյուղացիական դեմոկրատիայի ազնիվ-բարեհոգի և ազնիվ-միամիտ սոցիալական միտքը: Պայքարի նախաձեռնողները, — ասում է Ազգայանը, — պետք է լինեն իրենք՝ գյուղացիները, առաջնորդ ունենալով գյուղական քահանային և ուսուցչին:

51 *Ճնոր-Գար», 1894, № 203:*

52 *Նույն տեղում: ՉՄՄ. Գ. Н. Успенский. Полное собрание сочинений: изд-во АН СССР, т. 8, М., 1949, стр. 29—30.*

Դեռ իր դրական գործի սկզբին, Ադապյանը գրեց ինքնակենսագրական մի պատմվածք («Լծան մի ուսը»), ուր բացում էր գյուղական ցեղերի իրական վերաբերմունքը գյուղի լուսավորության հանդեպ: Ընդերուզ և գրչակից Ալեքսանդր Արարատյանի նման, գրողը մարդկանց գործնական հարաբերությունների թիկունքում փորձում էր տեսնել այն ընդդիմություն հոգեբանական ու գաղափարական ալտերնատիվը, որ, ըստ էության, պայմանավորում էր առհասարակ գյուղացու բացասական վերաբերմունքը դպրոցի ու լուսավորության նկատմամբ:

Գյուղի համփաները՝ Ղլեշոնց Վրթեանը, Բաղիի տղա Պեպանը, Ստեփանանց հայը, խոսք խոսքի տալով սլճոում են ուսումնական արձակուրդներին գյուղ եկած Արշակին շթողնել Թիֆլիս վերադառնալ:

— Բա, էդ որ դու գրնրմ ես կարդալու, ո՞վ տի իմ տղի հետ լծան մի ուսը քաշիլ,— հարցնում է Մելքմանց Ստեփանը⁵³:

Արշակի գյուղից հեռանալու և Թիֆլիսում ուսանելու փաստը ամենևին էլ անհիմն մտահոգություններ չէ, որ պաշարում է գյուղականներին: Ժամանակը և փորձը նրանց համոզել է, որ համայնքի շահը (որն այս դեպքում, ինչպես դիտում է Ադապյանը, մեծահարուստների շահն է) պահանջում է՝ խափանել «տարագրվողների» բոլոր «ուսումնատենչ մտադրությունները»: Ամենից առաջ գյուղի մեծամեծները խորհում են այն վնասի շուրջ, որ «քյասիբի» կրթությունը ստանում է համայնքը: Արշակի գնալով պակասում էր մի աշխատող ձեռք, կոո ու բեգյարի գնացող մի հարմար ուժ: Ավելի ուշ գրած «Գյուղի այրին» պատմվածքում Եվնանց Ստեփանը՝ կծոտողներից մեկը, ասում է ընկերոջը. «— Լավ, դիտում չես, որ առանց քյասիբի յուր շենք գրնր՞մ: Մենք հու կարալ շենք խուրջինն ուսիլ ու մորեխ կոտորելու գնալ. մենք հու կարալ շենք սելի ուսին նստիլ՝ կոո գնալ»⁵⁴: Լծան մի ուսը քաշելու նրանց, թվում է խոնարհ ու արդարամիտ պահանջի տակ թաքնված է անհավասարության այս գիտակցությունը:

53 Ա. Ադապյան, Երկերի ժողովածու, էջ 161:

54 Նույն տեղում, էջ 170:

Մեկըքմանց Ստեփանը փորձում է ավելի անշահ երևալ Արշակին ետ պահելու խնդրում: Նա պատմում է Ուզունթալացի Սառիկի տղա Սարգսի մասին, որ ելավ կրթություն ստացալ և վերջն էլ գեղի տակից անցկենալիս «լայեղ շարավ» դռնն «պառավ մորը տենա»: Անցալ-գնաց Երևան: Ուսումնավարտը օտարի դռան ծաղիկ է: Նոյի ազոավիները շատ: Դրանից ինչ օգուտ... «Ախալխը»,— ձայնում է Ստեփանը: Հիմա եթե Արշակը մնա «...իմ տղի հետ լծան մի ուսն էլ սա կբաշի, տուն շինելիս՝ գերանիս մի ծերիցն էլ սա կբռնի, կգա հնձիս քյոմակ կանի: Հա, հոք չոլերն ուսումնականներով լիբը, մեկ ի՞նչ օգուտ, որ ոչ սպիտակ օրին են, ոչ սև. որ կողքիս ըլի հարեկյս հաս կլի»⁵⁵:

Մի ուրիշ առարկություն էլ անում է Ղլեչոնց Վրթեանը՝ գյուղի քյոխվեն: Լծան մի ուսը կրեղու միտքն անդամ չի հանդուրժում. «քյասիբը շուն կլի»,— նետում է նա՝ հոր՝ Սարգիս քյոխվի խոսքերը: «Քյասիբը միշտ հարուստի թշնամին ա. քյասիբը որ հարստացալ, հարստի տունը քանդվեց»⁵⁶: Այս դիտակցությունը նրան հարկադրում է անողոք լինել: Քյասիբների հանգեպարհամարհոտ — անխիղճ աչդ վերաբերմունքի ծայրը թաքնված էր, իհարկե, ոչ միայն համալայական-դասային բնադղների մեջ, այլև կտրում-անցնում էր չքավորության արթնացող ուժի նկատմամբ ունեցած ներքին վախի ամբողջ հոգեբանական տարածությունը: Կրթություն ստացած քյասիբը «կեղի կիլանոնց» թշնամին է: Այս լուրջ և սթալի դիտակցությունն է նստած Արշակի կրթությանը ընդդիմացող յուրաքանչյուր գյուղական մեծահարուստի մեջ:

Դյուղականները, մասնավորապես Բադիրանց Պեպանը, Ստեփանանց հայր՝ կրթություն-աղայություն հասկացությունները նույնացնում են. «Բողնիլ շեմ իմ տղի գլխին աղա դառնա»,— բարկացած ասում է Ստեփանանց հայր:

1882 թ. Հայոց առաջին ընդհանուր ուսուցչական ժողովում «Գործի» հրապարակախոսներից մեկը՝ Հ. Առաքելյանը դիտում էր,

⁵⁵ Ա. Ազալյան, Երկերի ժողովածու, էջ 19:

⁵⁶ Նույն տեղում, էջ 17:

թե «...աշակերտները ծխական ուսումնարաններից մի օտար միջ-
նակարգ կամ բարձր ուսումնարան մտնելուց հետո, կորած ուժ
է համարվում գյուղի հասարակութւյան համար: Պետք է դորա
առաջն առնել ...Գյուղական ուսումնարանները ժողովրդի համար
հարստահարիչներ են պատրաստում, որովհետև գյուղացի տղան
թողնելով գյուղական պարապմունքը, ուսում առնելուց հետո իր
ձեռք բերած ուսումը դնում է նեղ շահագրիտական նպատակներին
հասնելու համար»⁵⁷:

Կրթութւյան ու զուսավորութւյան հանդեպ այս կարծիքների
բուն էութունը որոշելու համար հարկ չկա հեռու գնալ: Ծայր
առած մտայնութւյան սոցիալական հիմքը չբավորութւյան և գյուղի
հարստահարիչների հակասութւններն էին: Այդ արդէն շափա-
զանց հստակ պատկերացում էր Ա. Արարատցանը: «Հիմնարկու-
թյուն դավառական ուսումնարանի» վեպում նա բացահայտել էր
տնտեսական այն շարժառիթների բովանդակութւյունը, որով առաջ-
նորդվում էր գյուղական հարստահարող վերնախավը՝ դպրոցաշի-
նական գործը տապալելու համար: Ժողովրդասեր մտավորականու-
թյունը այլ տեսանկյունից էր դիտում խնդիրը. նա կամենում էր
կանխել գյուղական կրթված երիտասարդութւյան գյուղից «օտա-
րանալու» հոգեբանութւյունն ու մտայնութւյունը: Այն ցասկոտ շեշ-
տերը, որ նա դնում էր գյուղական ուսումնարաններից դուրս
եկած անձնապաշտների բնութագրութւյան մեջ, գյուղափրկիչների
նոր սերնդին բարոյական դաս տալու համար էր արվում:

Ազատւանը դառնալով այս խնդրին, փոքր-ինչ առաջ էր անց-
նում իր նախորդներից: Նա նկատում էր կրթութւյան հանդեպ
համախոսութւյան վերաբերմունքի մեջ ոչ միայն և ոչ այնքան տըն-
տեսական նոր հակառակորդի ուրվականից վախեցած գործարարի
ինքնապաշտպանութւյան քնազդը, որքան չբավորութւյանը՝ մար-
խակ խաշին գամելու դասային համառութւյունը, քանի որ այդ
կերպ միայն հնարավոր էր ապահովել «քյասիբութւյան»՝ հլու հնա-
զանդութւյունը և անպատիժ շահագործումը: Արդարագատ և ար-

57 Հովհ. Նազարյանց, Հայոց առաջին ընդհանուր ուսուցչական ժողովի
պատմութւյունը, Քիֆլիս, 1883, էջ 46, նաև Ա. Հովհաննիսյան, նշվ. աշխ., էջ 19:

դարամիտ Չատինը վրեժխնդրութեան փափագով լցված, դիմում է Թիֆլիսից եկած ուսումնականին. «Ախ Արշակ ջան,— ասում է նա,— յարաբ մի մարդ ես դառնալու, ու էս շանտղերանց աչքը հանելու⁵⁸. էլ ոչ աստոժ են ասբմ, ոչ օրենք. կոխել են մեր գեղն ուտրմ, մենք դատրմ ենք, դրանք ուտրմ են: Ախ մի շուտ արա, մարդ դառ, մեր կողմն անց կաց է⁵⁸»: Ըստ երևույթին Չատինի այս մտորումները պակաս չէին վրդովում համփաներին, որքան շքավորի՝ աղա դառնալու հնարավորութեան վտանգը: Այստեղ նրանց դասային զիտակցութիւնը վերջնականապէս մերժում էր գյուղացու լուսավորութեան ու կրթութեան ամեն մի նախաձեռնութիւն:

«Լծան մի ուսը» պատմվածքը երիտասարդ գյուղագրի առաջին գրական ելույթներից մեկն էր: 1888 թ. ընկերոջը գրած մի նամակում Ագապյանը այն անվանում էր հոգւված: Մի քանի մանրամասներ պարզում են ժանրային այս տարբերակման ելակետը: «Այդ հոգւվածի մեջ,— գրում էր Ագապյանը,— նկարագրված է մայրս. այնտեղ շատ բան կա: Այնտեղ Բաղիրանց Պեպանը յուրայիններով նկարագրված է⁵⁹: Ագապյանը, ինչպէս որ բոլոր գյուղագիրները, աշխատում էր ոչ միայն ստեղծել իրականութեան ճշգրիտ պատկերը, այլև դրա մեջ րնել հավաստիութեան, վավերականութեան բոլոր հատկանիշները: Որքան ճշգրիտ և հավաստի է ներկայանում գյուղական իրականութիւնը, այնքան հեղինակը կատարված է համարում իր խնդիրը: Ինչպէս որ նկարագրված դեպքը եղելութիւն է, այնպէս էլ տիպը՝ կենդանի անձնավորութիւն: Այդպէս, մեր առաջին գյուղագիրները գնում էին իրականութեան վերարտադրութեան այս ճանապարհով:

Գաբրիել Տեր Հովհաննիսյանի վիպակի հերոսի նախատիպը շատ շուտով տեր Սարգսի մեջ ճանաչեց իր անձնավորութիւնը և, ինչպէս ենթադրւում է, այս էլ պատճառ դարձավ վիպակի շարունակութեան արգելմանը⁶⁰:

58 Ա. Ագապյան, Երկերի ժողովածու, էջ 10:

59 ԳԱԹ, 2. Ծնողւորյանի ֆոնդ, № 97:

60 Այսպիսի մի ակնարկ արել է նալբանդյանը «Երիտիկայում», տե՛ս Մ. Նալբանդյան, ԵԼԺ, հատ. 3, էջ 120:

Մ. Նալբանդյանը արտացոլման այս եղանակը համարում էր «բնականի ստորագրութուն»: Հուշագրական-ակնարկային ոճի որոշ տարրերը ձևավորվում են այստեղ արդեն շափալանց ակընհայտորեն: Արարատյանի և Սանդալի ստեղծագործութունները ևս հազեցված են ինքնակենսագրական ռեալության մթնոլորտով: «Լծան մի ուսը» պատմվածքում Ադապյանը ասում է, որ իր բուն նպատակը եղել է «նկարագրել այն, ինչ իր հետ կատարվել է»⁶¹: Փաստերի և իրողութունների վերարտադրության այս եղանակը, հարկավ, սեղայնացնում և որոշ իմաստով սահմանափակում է այդ փաստերի և իրողութունների ընդհանուր-իմացական արժեքը: Լալի գյուղը, Ուզունթալան, Փիքը, Խաչթառակը, Շամշուղան, Գետաշենը, Սուրդան և այլն, յուրաքանչյուրը առանձին-առանձին այն աշխարհներն են, որոնց հետազոտությամբ ու պատկերումով զբաղվել են մեր գյուղագիրները:

Ինքնակենսագրական պատումի շերտերը թանկագին ու մնայուն հավաստիութուն են հաղորդում գյուղագիրների ստեղծագործութուններին, ապահովելով ամենից առաջ անկեղծության և բնականության ինքնակա գեղեցկութունը:

Ադապյանի գրական ոճը, իհարկե, չունի հստակ ու կուռ որոշութուն: Այստեղ պատկերը ենթարկվում է արտացոլման սկզբբունքին՝ լուսանկարչական ճշգրտությանը, իսկ սա արդեն բացառում է «արտիստիկ հեռավորության» պահպանումը, մի բան, որով և պայմանավորված է երկարաբան խոսքի ու նկարագրության թափթփվածութունը գեղարվեստական պատկերի մեջ:

Գյուղագրին առանձնապես ջեր մտահոգում այդ պարագան: Նա ելնում էր մի ավելի մեծ սկզբունքից. «Ապրել ճշմարտության սիրով. ապրել անշահամոլ ձգտումներով, ապրել կիսով շափ յուր նմանի համար. լռել այնտեղ, ուր սևփական շահերը զոհ են գնում ընդհանուրին, ահա, մեր կարծիքով, կյանքի մերձավոր նպատակը»⁶²: Գեղարվեստական գրականությանը, իր գրական գործունեությանը Ադապյանը նայում էր «մերձավոր» այս նպատակի

61 Ա. Ադապյան, Երկերի ժողովածու, էջ 20:

62 «Նոր-Դար», 1893, № 44:

համար ինքնազոհաբերումի գնացող ճշմարիտ հավատացյալի բարձունքից: Նա գիտեր քշով գոհանալ և ձեռք բերածով անկեղծորեն հրճվել:

Գյուղագիրը անանձնական սիրով էր կապված գյուղին ու գյուղացուն: Նրա մեջ եռում էր կարոտյալին օգնության համեմուտ փափագը: Նա բացում էր սեփական կուրծքը՝ հարվածները իր վրա կրելու համար: Նա ֆանատիկ էր և գործարար: Նա վազում էր բախտի հետևից՝ մարդկանց բախտավորեցնելու: Իր մի շարք սլատմվածքներում Ազապյանը քարոզում էր մտքեր, որոնց հաղթանակող ուժին հավատում էր առանց երկմտության: Նա մարդկանցից երբեք չէր թաքցնում իր իսկական էությունը: Զոհում էր «սեփական շահերը ընդհանուրին» և այստեղից քաղում գոյություն իսկական բերկրանքը:

Կիրքը, անհեղձությունը, ճշմարտասիրությունը առաջնորդում էին նրան ամեն անգամ, երբ խոսք էր բացվում գյուղացու ցավերից: Նա, ճիշտ է, շատ անգամ բարոյախոսում էր, խրատում, հանձնարարում կյանքը հեշտացնել՝ միաբան համերաշխությունը: Նա մինչև վերջն էլ ամաց այդ գաղափարին ենթակա:

«Գյուղի ճամփեն» 1894-ին գրած սլատկերում նա դարձյալ ամբոխի հավաքական ուժը հակադրում էր համփայական խարդախամտությունը: Գյուղի «կիլանոնցից» մեկը՝ Աթոն «...թեև բավական փորձված մարդ էր, բայց դեռ լավ չէր ճանաչում ամբոխ ասածը»: Նա շգիտեր, — նկատում է գրողը, — որ ամբոխը «բնության ուժ է», «մին որ բացվեց, առաջին կանգնել շի լինի»⁶³: Նվ իրոք, այնտեղ, որտեղ այդ միաբանությունը ստեղծվում է, այնտեղ այլևս գործ չունեն գյուղական ցեղերը: Հասարակական այս իդեալը փայփայում էր գրողը ամեն անգամ, երբ սլատմում էր գյուղի ցավերից: «Խաթունի արտը», «Գյուղի այրին» սլատկերներում նկարագրված գյուղական միջավայրը ըստ էության հենց այդ հավաքական ուժի կարիքն ունի: Խոշոր կենցաղագրական շտրիխներով, գրողը կենդանացնում էր գյուղական միջավայրի ու մտածողության հատկանշական այն կողմերը, որոնք ճշգրտորեն վեր էին հանում գյուղաշխարհի շնչառությունը:

63 Ա. Ազապյան, Երկերի ժողովածու, էջ 214:

Մահվան անկողնում անգամ հողի աշխատավորը պրծում շու-
նի իր հոգեառից.

— Կաց, էսա հրեշտակը հոգիս կառնի, ջամդաքս էլ դու
տար,— ասում է Ստեփանը՝ վրա հասած վաշխառուին:

— Սխալեք,— քարձրածայն տրտնջում է վաշխառուն,— մար-
դին լավութին անելն իզուր ա լել. սաղ վախտը պարտքը շեն
տալի. մեռնելիս էլ անպատվւմ են. դե արի ու հրմիկունց կղը
լավութին արա...⁶⁴:

Ագապյանը ճշգրտությունը երբեք չի փոխարինում հավանա-
կանով: «Գյուղացու օրը» կենցաղանկարում նա բաց և գրեթե
քստմենելի մանրամասներով նկարագրում է, թե ինչպես գյուղի
դալլաքը «արյուն առնելու» գործողությամբ պարզապես մորթում
և արնաքամում է անկողին ընկած Կարապետին:

Ինչպես որ «Խաթունի արտոս» շխտական որբեայրին դի-
մում է համայնքի օդնությանը և ծաղրատեղ դառնում, այնպես էլ
Եգանանց Ակոբն է հարուցում գյուղացիների քրքիջը, երբ բողո-
քում է Սարվաղանց աղի անպատկառության դեմ: Վերջինս բաղի
ճամփին Երանանց Ակոբի շարմաղ կնոջը մի պինդ աչքով էր արել:
«...Ոսկու և արծաթի ժամանակներ են հիմի, վերացել է ամո-
թըն ու պատկառանքը»,— ասում է գյուղի հալիվորներից մեկը⁶⁵:

«Գյուղի այրին» պատկերը բացում է դարձյալ գյուղական
մանրամտության և ագահության տեսարաններ: Հավաքվել են
գյուղականները և որոշում են, թե Մայիլանց Թևոսի մահից հետո
ո՞ւմ հետ պետք է ամուսնացնեն սրա կնոջը՝ Շարմաղին, որպեսզի
«էն տան ջաբրը... կեղի վրա» շմնա: Պարզվում է, որ այստեղ
շահվելու հնար կա: Եվնանց Ստեփանը սեփականում է որբեայրու
լոբատեղը և միայն դրանից հետո համաձայնում Շարմաղի և
Հանեսի ամուսնությանը:

Մի պատկերում («Դավթարից ջնջվածը») Թիֆլիսից եկած
կառապան Սուլին ենթարկվում է գյուղականների դաժան ծաղր
ու ծանակին: Սա մոռացել է գյուղացու լեզուն և «փաստնը»: «Ոչ

64 Ա. Ագապյան, Երկերի ժողովածու, էջ 139:

65 Նույն տեղում, էջ 202:

վող ունի, ոչ տուն, ոչ տեղ, ոչ կնիկ»: «Հիմի քու անումըն ինչ ա», — ասում են գյուղացիները:

— Այ, դրա ինչը՞ն ես հարցընում, տենում չես, որ դա էս կեղի գավթարիցը ջնջվել ա՞...⁶⁶: Եվ հալածում էին քաղաքում լեզուն փոխած, գյուղ վերադարձած Սուլինին: «Վո՞ւնց իք, լա՞վ իք», — ծաղրում էին ու քրքջում վրան: Կենցաղագրի աչքը որոնում և դանում էր գյուղական կյանքի այն տեսարանները, որոնք ի վերջո հասկանալի էին դարձնում կարիքի ու հետամնացութեան այդ աշխարհի մեջ մարդու ինքնագոյութեան ցածր, աննորմալ, միջնագարական պայմանները:

Ազապյանը տարիներ հետո գրում էր, թե «ինչպես անհատի, այնպես էլ ժողովրդի բարոյականը սերտ կապ ունի նրա նյութականի հետ»⁶⁷: Քյասիբությունը ամեն շարյաց աղբյուր է, — բերում էր նա առածանման այս խոսքը և համոզված էր, որ գյուղացու նյութականը բարձրացնելով՝ կբարձրանա և նրա բարոյականը⁶⁸: Բայց իսկական նորդարական այս լուսավորիչը այլ կերպ չէր պատկերացնում շինականի նյութական բարօրությունը նվաճելու ուղին, քան որպես եկեղեցու և դպրոցի օգնութեամբ՝ մարդկանց գիտակցական մակարդակը բարձրացնելու և հանրային ինքնօգնությունը կազմակերպելու միջոցով՝ գիտությունը և հողը միմյանց մերձեցնելու հասարակական նպատակի կենսագործում: «Հացի խնդիրը, — ասում էր նա, — մեծ՝ բնական կարիքների կարգին է պատկանում, բայց չպիտի մոռանալ Մեծ Վարդապետի ասածը, թե՛ «Մարդս միայն հացով չի ապրում»⁶⁹: Այստեղից էլ նա բխեցնում էր «գաղափարական զինվորների» պատմական միսիայի վերաբերյալ իր բուռը ըմբռնումները: Հատուկ հողվածով նա բացատրում էր, թե ովքե՞ր և ինչո՞ւ են համարվում «գաղափարական առաքյալներ»⁷⁰: Նրա հայացքը ամենից առաջ կանգ էր առնում եկեղեցու գործիչների վրա: Եկեղեցին է այն միակ հաստատու-

66 Ա. Ազապյան, Երկերի ժողովածու, էջ 118:

67 «Նոր-Դար», 1900, № 26:

68 Նույն տեղում:

69 «Նոր-Դար», 1900, № 22:

70 Նույն տեղում:

թյունը, որի ծոցից կարող են ելնել ճշմարիտ գաղափարականները: Բերում էր Պոտապենկոյի «Գաղափարական քահանայի օրինակը և հանձնարարում անկարելին կարելի դարձնել: Խիստ, անհավատ տոնով էր խոսում լուսավորչալ քահանաներ ունենալու հնարավորութեան մասին: Մինչև որ շապահովվեն գյուղական քահանայի ասրուստի պայմանները, լուսավորչալները գյուղ չեն գա: Եվ առաջարկում էր քահանայի համար նյութական միջոցներ հայթհայթելու նոր եղանակ: Այս բոլորն իր կարգին: Բայց Ազապյանը մի հատուկ տեսություն էր զարգացնում փոքր ազգերի ճակատագրի վերաբերյալ՝ դարձյալ գաղափարականների գոյութեան հնարավորութեանների հանդեպ գրաված բացասական դիրքորոշման թելադրանքով: «Գաղափարական մարդիկ որոնել մեր դժուծ կյանքի մեջ, — ասում էր նա, — այդ նույնն էր հավատալ, թե ճահճի մեջ կարող է վեհափառ կաղնի բռնել»: «Ու՛ր է այն կյանքը, որ գաղափարական մարդիկ տա մեզ», — հուսահատությամբ հարցնում էր զրոյը: «Այն կյանքի մեջ, ուր իրար միս կրծելով, իրար վարազաբար նայելով աշխատում են միմյանց ոտնատակ տալ, ուր սուտը, կեղծիքը, կիրքը, փառամոլությունը, շահամոլությունը, սնափառությունը, քծնումն ամբողջ կյանքի խորհուրդ են կազմում, — գաղափարական մարդ ե՞ք որոնում: Գա անկարելի է, դա բնական հոսանքին հակառակ բան է: Եվ ով որ այդպիսի մի բանի նշույլը ցույց տա, նա հալածված է, հալածված հոսանքից, դեկավարների միությամբ կազմած հոսանքից»⁷¹: Գաղափարական առաքյալների համար գործունեության հնարավորություն չի տալիս կյանքի արդի կազմակերպությունը: Իր ընթերցողին Ազապյանը մխիթարում էր այն մտքով, թե կզա ժամանակ, երբ մեծ ազգերը «կտրորվին բարձր գաղափարներով» և հենց այդ պահին մանր ազգերը, որ մեծերի աշակերտներն են և շունեն առանձին ճանապարհ և ակամա «հետևորդներ» են, կզնան նրանց ետևից և կերկնեն իրենց գաղափարական առաքյալներին: Ապագա այդ աշխարհափոխությունը Ազապյանը պատկերացնում էր այսպես. «Երբ մաքուր գիտութեան լույսը բոլոր խորշերը կլուսավորի,

71 «Նոր-Դար», 1897, № 56:

Երբ հին սերնդի վատ սովորութիւնները, ավանդական փտած գաղափարները մաղվելով կանհետանան աշխարհիս երեսից և կմնան միայն ընտիր սովորութիւնները, երբ բուն մաքուր, քրիստոնեութիւնը կհաստատուի, այդ ժամանակ մենք էլ կունենանք արև օրեր, բայց այդ ժամանակ մեր ոսկորները հող դարձած կլինեն»⁷²:

«Բուն-մաքուր քրիստոնեութիւնը» որպես հասարակական իդեալ քրիստոնեական-պահպանողական սոցիալիզմի թիրախն էր: Եվ այս իդեալը փայփայում էր մեր գյուղագիրը «մարդկութեան մեծ նահատակի»՝ Քրիստոսի անձնավորութեան և ուսմունքի մեջ տեսնելով գյուղի ճակատագրական շրջադարձը ապահովող ամենագորեղ գործոնը⁷³:

1896 թ. Ագապյանը «Նոր-Դարում» հրատարակեց իր վերջին և ամենածավալուն գործը՝ «Մարդասպանը» վիպակը: Այս շրջանում նա արդեն գյուղի սոցիալական դիմանկարը վերլուծում էր ժառանգական հողերանութեան և քրիստոնեական բարոյաբանութեան դիրքերից: Համառոտ և կյանքի ճշմարտութեամբ միշտ հազեցած Ագապյանի խոսքը այստեղ թուլացել էր այնքան, որ նույնիսկ զխափուր խնդիրը, որի շուրջն էր առհասարակ նա կենտրոնացնում իր ուշադրութիւնը՝ «հացի վանդիրը», մոռացութեան էր մատնվել: Նա փորձում էր մարդասպան Վաթինի ընտանիքի պատմութեամբ հավաստել այն փաստը, թե գյուղն ինքը մեղսակից է իր միջից ելած հանցավորների հանցագործութեանը:

Ժառանգելով մարդասպան հոր «արյունը», Ղուկասը դեռ մանուկ հասակից «մի տեսակ ընտելացավ ավարայութեան»: Հետո սկսեց մանր-մունր գողութիւններից և առաջ գնաց ավազակութեան մեջ: Չէր աշխատում, ծեծում էր կնոջը, սրա-նրա հարսին աչք դնում և վերջն էլ ելավ բացելիբաց տեր կանգնեց խեղճ Գևոյի կնոջը՝ Վարդիթերին ու սրա սաղրանքով մի օր էլ ձորում մորթեց աշխարհի ամենաանմեղ մարդուն՝ ընտանեասեր, բարի, շարքաշ աշխատավոր Գևոյին: Գյուղացիները, — ասում է Ագապյանը, — զարմանում էին, թե ինչպես և երբ իրենց միջից զուրս եկավ «մի

72 «Նոր-Դար», 1897, №56:

73 «Նոր-Դար», 1897, № 67:

այնպիսի արևկեր»։ «Հասարակ, սովորական աչքի բանը չէր եղևունագործությունը յուր ամբողջ ծավալով տեսնել։ Գևոյի սպանումն իսկապես զատկի շաբաթ օրը չէր կատարվել, նա ավելի վաղ էր սկսվել. այդ օրը միայն վերջացավ, և գյուղացիք միայն վախճանը տեսան».— հավելում էր Ագապյանը⁷⁴։ Բայց, այնուամենայնիվ, Ղուկասի պատմությամբ գրողը միայն շոշափում էր գյուղացու վերքը։ Բուն ցավը նա մոռացել էր, այս անգամ ակամայից ենթարկվելով, ըստ երևույթին, նոր այն հայացքների ազդեցությանը, որ պահպանողական միջավայրը և մտայնությունը պարտադրում էին ճշմարտախոս գրողին։ Դա ամենից առաջ հողային խնդրի նկատմամբ նորդարական դիրքորոշմանը ենթարկվելու հետևանքն է։ Սակավահողության մեծ պրոբլեմը Ագապյանը «մասնավոր» երևույթ էր համարում և պնդում էր, թե «...Տեսու է այն ապագան, երբ Կովկասի գյուղացին հողի անողոր պակասություն կզգա»⁷⁵։ Պարզ է, որ շրջանցելով այս մեծ խնդիրը, կամ ավելի ճիշտ անդիտանալով այն, գյուղագիրը հայացքը պիտի ուղղեր գյուղացու թշվառության սուբյեկտիվ շարժառթիվներին, մի բան, որ հատկապես ընդգծվում էր «Մարդասպանը» վիպակում։

Ագապյանի աշխատավորական հումանիզմը տոգորված էր խոր ատելությամբ դեպի գյուղական շահագործողները։ Նա բողոքում էր գյուղում կատարվող անիրավությունների դեմ՝ գյուղացուն օգնության ելած ճշմարիտ ռամկասերի հուժկու և անկեղծ կրքոտությամբ։ Նրա հոգին լի էր անպաշտպանների ու զրկվածների նկատմամբ գուրգուրող զգացմունքներով։ Քրիստոնեական բարոյաբանությունը առաջնորդ ունենալով, նա, համենայն դեպս, չէր կառչում դրանից։ Նկարագրելով գյուղացու թշվառությունները համոզված էր, որ, ըստ երևույթին, միայն ակտիվ միջամտությամբ և համայնքի ներքին ուժերի համախմբումով կարելի է ինչ-որ կերպ թեթևացնել մարդկանց հոգանքի ու կարիքների ծանրությունը։

Գյուղաշխարհը Ագապյանի հայրենիքն էր։ Դրանից դուրս նա սյլ կյանք չէր տեսնում։ Այդ հայրենիքը նրա հոգում նստած էր նույնքան ամուր, որքան նրան բողոքանվեր օգտակար լինելու գիտակցությունը։

74 Ա. Ագապյան, Երկերի ժողովածու, էջ 315։

75 «Նոր-Դար», 1900, № 19։

ՆՈՐԴԱՐԱԿԱՆ ԳՅՈՒՂԱԳԻՐՆԵՐ

2. ՀԱՐՈՒԹՅՈՒՆ ՃՈՒՂՈՒԹՅԱՆ

Կյուսեր: «Մուսցված աշխարհի» առաջին հատորը: Համայնքի փրկության ուղիները: Մխարանվելու քարոզի հասարակական իմաստը: «Մուսցված աշխարհի» երկրորդ հատորը: Գյուղական ամբոխ և համախայտություն: Սոցիալական խավերի ներհակությունը գյուղում: Ուղիներ և ուրոնումներ: «Շիրիանց նախշունը»: Ճուղուրյանը Փափագյանի զեահատամբ: Արտացոլման մեթոդի հարցերը: «Աղ-բատի հայր» — ժողովրդասիրական կողմնորոշումների որպիսությունը: Գաղափարական նոր բնագծերում: «Չատույի բախտի անիվը»:

Նորդարական գյուղագիրներին երկրորդ նշանավոր ներկայացուցիչը՝ Հարոսթյունն քահանա Ճուղուրյանն է: Որպես մտածող և գյուղաշխարհի կենսագիր, այս գյուղագիրը, հարկավ, առանձնանում է Արշակ Ազապյանից, թեև վերջինիս աշխարհայացքային ազդեցությունը բավական շոշափելի է, մանավանդ այն երեք գրքույկներում, որ 1890-ական թվականներին հրատարակեց գրողը՝ «Մուսցված աշխարհ» ընդհանուր խորագրի տակ: Ինքը՝ Հ. Ճուղուրյանը գրական սերտ բարեկամությամբ էր կապված Ազապյանի հետ: Ղազախի գավառի այս երկու ուսուցիչ-մտավորականներին մերձեցնողը հողի աշխատավորի նյութական և հոգևոր կարիքների հանդեպ ցուցաբերած համանման մտահոգությունն էր: Բացի դրանից, Ազապյանը, որ ընկերոջ՝ Ղազախեցի

Գրիգոր Պապյանցի հետ խմորում էր գյուղական երիտասարդության նորահաս մտքերը գյուղասիրական տրամադրություններով՝ օրինակ դառնալով համերկրացիների համար, չէր կարող ըստ ամենայնի շկոդմնորոշել երիտասարդ գյուղագրի հասարակական հետաքրքրություններն ու գրական նախասիրությունները այն դեպքում, երբ այս վերջինը իր կյանքի նպատակն էր դարձրել չքավոր գյուղացիությունը օգտակար լինելու ժողովրդանվեր վճիռը:

Հարություն Ճուղուրյանը ծնվել է 1864 թվականի հոկտեմբերի 24-ին, Ղազախի գավառի Խաչթառակ գյուղում¹: Նրա հայրը՝ Գրիգորը մի քանի տարի սովորել էր Թիֆլիսի Ներսիսյան դպրոցում և վերագառնալով գյուղ՝ հողագործությամբ էր պարապում, փայտաշենով որդուն քահանա տեսնելու իղձը: Նա էլ պրահանաչություն սովորեցրեց մանուկ Հարությունին: Միտք ուներ որդուն անպայման Թիֆլիս ուղարկել, բայց նյութական միջոց չունեի և սարեցտարի հետաձգվում էր երեխայի կրթության դրժք: «Խնքնակենսագրություն» մեջ Ճուղուրյանը պատմում է, որ հայրենի գյուղում «հորթերի ու տավարների հետևից վազելով» ինքը միշտ էլ մտածում էր կրթություն ստանալու մասին: Եվ մի օր տեսնելով, թե ինչպես հարևան գյուղացին իր երկու որդիներին ճանապարհ է դնում Թիֆլիս՝ ուսման, տուն է վազում, հացի մի կապոց է վերցնում և շտապում գնացողների հետևից: Կես ճանապարհից նրան ետ են դարձնում, իհարկե, և վճռում ուղարկել զոնե հարեվան Քարվանսարա գյուղի ս. Վարդանյան ուսումնարանը, որտեղ ուսուցչություն էր անում հայտնի գյուղագիր Գրիգոր Պապյանցը: Դա 1880 թվականին էր: Մեկ տարի Հարությունը սովորում է Պապյանցի մոտ, մինչև որ 1881 թ. ուսումնական տարեակազմին, դարձյալ ուսումնասեր հոր վճռով, գալիս է Թիֆլիս և ընդունվում Ներսիսյան դպրոցը: Շուրջ ութ տարի սովորում է այստեղ, և, երբ 1890 թ. ստանում է ավարտականը, ուսուցիչ է նշանակվում Փամբակի գավառի Համամլու գյուղում: «Նոր-Դարին» առաջին թղթակցությունը ուղարկել է այստեղից:

¹ Կենսագրական բոլոր տեղեկությունները քաղել ենք ԳԱԹ Հ. Ճուղուրյանի ֆոնդում պահվող «Խնքնակենսագրությունից» (№ 142):

1891 թվականին վերադառնալով Թիֆլիս, աշխատանքի է անցնում Գայանյան օրիորդաց դպրոցում: 1894-ին սարկավագություն է ստանում, իսկ 1898 թվականին մի եպիսկոպոս քահանա է ձեռնադրում եռանդուն սարկավագին:

Թիֆլիսի հայկական դպրոցներում նա փաստապես աշխատում է մինչև 1920 թվականը, շուրջ 30 տարի: Քամոջենց տղայոց, Զգրաշինի, Ս. Նշանի օրիորդաց, Ալգեպանական, Ֆելդշերական, Քաղաքային, Գեղարվեստական և Թանգոյան դպրոցները ճաշակել են Հ. Ճուղուրյանի մտավոր և կազմակերպչական տաղանդի պտուղները: Կրոնուսույցը, միաժամանակ հիանալի մանկավարժ էր և դաստիարակ: Նա Թանգոյան դպրոցում հոգաբարձուական խորհրդի նախագահ էր, Թիֆլիսի բարեգործական և հայ հրատարակչական ու գրական ընկերությունների անդամ և ապրում էր բավական բուռն կյանքով: Թիֆլիսի հոգևոր իշխանությունները շէին հանդուրժում լրագրներում երևացող սարկավագի անունը: Բանավոր քարուղներում նաև գրավոր ելույթներում քահանա Ճուղուրյանը ձաղկում էր բարքերն այն հոգևորականների, որոնք Քրիստոսի հոտին հովվելու փոխարեն, ուտում էին նրա ոչխարները: «Նրանք (հոգևոր իշխանությունները),— գրում է Ճուղուրյանը ինքնակենսագրականում,— ինձ արտոբել տվին Գեղարդավանքը, թեև ժողովուրդը իմ անմեղությունը տեսնելով, իր անընդմեջ բողոքներով ինձ 9 օրից հետո վերադարձնել տվեց Գեղարդից»²:

Ճուղուրյանը քահանայությունը թողեց 1923 թվականին և 1925-ին նշանակվեց Խաչթառակի գյուղական դպրոցի վարիչ: Հետագա տարիներին ուսուցչություն էր անում Սևքարում, Իջևանում և այլուր: Մեռավ 1938 թվականի հունվարի 28-ին:

Ճուղուրյանն էլ մեծ մասամբ տպագրվում էր «Նոր-Դարում»: Երբ 1895-ին հարկ եղավ հավաքել այս ու այնտեղ ցրված պատմըվածքները «Մոռացված աշխարհի» առաջին գրքի համար, պարզվեց, որ դրանք թվով 7 պատկեր, արդեն տպագրված էին:

Հ. Ճուղուրյանի գրած ամենավաղ պատմվածքը՝ «Հովիվ

2 ԳԱԹ, Հ. Ճուղուրյանի ֆոնդ, № 142:

Չատինի սերը» երկարածիգ հովվերգությունն է: Անփորձ և նորաքայլ գրողը Չատինի սիրո պատմութեամբ պարզապէս դրսևորում էր գյուղական բարքերի իր քաջատեղյակությունը: Որոշ զբրվագներում նրա երկարաբան խոսքը առնում էր նատուրալիստական երանգներ և գյուղական կյանքը երևում էր փոխհարաբերությունների ամբողջ տգեղ մերկութեամբ: Երբ Չատինը փախցնում է Գալուստի աղջկան, Գալուստը կամենում է բռնաբարել հովվի մորը: Տուր-գմփոցից հետո վերջապէս «տարած-ետ բերած» աղջիկը համաձայնում է պրիստավին ցուցմունք տալ, որ Չատինը իր կամքին հակառակ է գործել: Հովիվը թաքնվում է անտառում և թուրք ավազակ Ալայգմանի օգնութեամբ կրկին փախցնում Սաթենիկին: Այս է ամբողջ եղելութունը: Գյուղագրի բարոյախոսականը չի դառնում որոշակի խնդրի շուրջ: Իհարկե, հեռավոր ձեւով հասկացնում է, որ այդ ամենի պատճառը՝ Չատինի աղքատ լինելն էր, բայց ի վերջո պատմութեանը իմաստային խորք չունեն և մնում էր միայն բարքագրութեան սահմաններում:

1895—96 թվականներին լույս տեսան Ճուղուրջանի «Մոռացված աշխարհի» երեք հատորները: Դրանք ամփոփում էին 1892—94-ին գրած պատկերները: Ենթադրական գյուղագիրը այս հատորներով անմիջապէս գրավեց գրական քննադատութեան ուշադրութիւնը: Երևան էր եկել հայ գյուղաշխարհի լավագոյն կենսագիրներէրից մեկը և նրա տաղանդի մեջ մարդիկ նշմարում էին բազմախոստում ասպագա:

«Մոռացված աշխարհի» առաջին հատորը գյուղական իրականութեան լուսանկարչական պատկերների մի իսկական հավաքածո էր: Միանգամայն հավատարիմ այն սկզբունքներին, որ արդեն մշակված էր գյուղագրական գրականութեան մեջ, Ճուղուրջանը ուսումնասիրում և պատկերում էր գյուղը առանց որևէ ինքնատիպութեան: Գյուղաշխարհը՝ ցավերի ու կարիքների անընդմեջ հոլովվող տեսարաններով, նրան պատկերանում էր որպէս մոռացված ու խուլ մի անկյուն, ուր մոլեգնում էր անիրավութիւնը և հաղթանակում շարիքը:

«Կնդիրտորը», «Դալլաքի Ղուլին», «Շաշ Պետին և գիծ Ուհանը» պատկերներում գյուղագիրը ներկայացնում էր գյուղական

ունեզրկողներն անօրեն և անխիղճ գործողությունները՝ հստակ և միանգամայն ըմբռնված դասային դիրքերից: Առհասարակ, և սա մի կարևոր օրինաչափություն է, գյուղագրական գրականության մեջ անարդարության շուրջն է մեծ մասամբ բորբոքվում գրողների հումանիստական դայրույթը: Նրանք սոցիալական անհավասարությունն ըմբռնում են որպես աշխարհի կառուցվածք, և եթե խորանում են այդ կառուցվածքի բացատրություններում, ապա միայն ցույց տալու համար աշխատավորության գոյապայմանների անտանելի ծանրությունը: Դասային գիտակցությունը, այսինքն այն, ինչ ավատական իրավունքի արդյունքն էր, այս դեպքում գյուղական վերնախավի (տանուտեր, սուդիա, քեդիսուդաներ) և «օրենքի պաշտպաններին» (յասավուլ, պրիստավ, մուլրուլ) օրինագանց գործողություններին է վերաբերում հողի աշխատավորի նյութական և բարոյական զրկանքների ամբողջ մեղքը: Եվ եթե արտոնյալ դասերը (տվյալ դեպքում կալվածատերերն ու աղայությունը) շահում են միմիայն աշխատավոր մեծամասնության ատելությունը, ապա դա, ըստ գյուղագրի, հաստատում է այն փաստը, որ գյուղացու համար իրական շարիք է դասային արտոնությունը և նույնքան էլ վնասաբեր դասային բաժանումն առհասարակ: Նա հակված է վերացնելու թե՛ մեկը և թե՛ մյուսը: Այդ մի շեղում է, որ բացատրվում է ժամանակով և օրենքի գործադրումն իրակառուցողների անարդարամտությամբ: Հայացքների այս սիստեմը չափազանց տիպական է նորդարական գրողներին: «Քաղաքական գիտակցության և ոչ մի ճառագայթ» շխտսավորում անարդարության նրանց ըմբռնումը: Գյուղագիրների մեծամասնության աշխարհայացքը թևածում է իրականության ճանաչողության այս սահմաններում միայն:

«Կնդիստոր» պատմվածքում Ճուղուրյանի գյուղացիներից մեկը գանգատվում է գյուղական ուսուցչին. «է, արևիդ մատաղ,— ասում է նա,— հլը ով ասես, որ վեր ա կենըմ տեղիցը, մեր ջանն ա ուտըմ, ո՞ր մեկի անըմը տամ, ո՞ր մեկելինը թողամ, քյոխվա, գզիր, քյաթիսուդա, հարուստ, ձիավոր... յասավուլ, գեղի ու դրսի դատավորնին... և հենց մեր էս անխժած փահլաբաշին ու կնդրիստորը. ամենքն էլ միս ուտող ղուշեր են, մենք նրանց հըմար

ջամդաք, լեշ»³: Այս դանդատը արվում է որպես բացատրություն ուսուցչի այն հարցին, թե գյուղացին ինչու է աղքատ և թե ո՞վ է նրան այդպես աղքատացրել: Ակոբ ապին շատ լավ է հասկանում, որ ուժեղին դեմ գնալ հնարավոր չէ՝ «շաքունճն էլ է նրա ձեռին, պոպոքն էլ», և որ այդ պատճառով դանդատը, բողոքը ոչընչի չեն հասցնի: Միայն թե լիքը լցված գյուղացու սիրտը պայթում է աշխարհի անիրավությունից: Վարժապետին սա պատմում է իր ցավերը՝ մեղմացնելու համար հոգու մորմոքը:

— Վարժապետ ջան,— ասում է նա,— փր չենք գիղըմ, դակոն չենք հասկանում, հըրցնենք, չհըրցնենք նրանք իրանց բանը լավ գիդան⁴:

Ոչ մի ուժ չի կարող վերջ դնել վահլաբաշի-կնդխտորի խարդախումներին, քանի որ սա աղաների կամբով է գործում: Կարիքն էլ հարկադրում է լռել, գործից զրկվելու հեռանկարը սարսափեցնում է վաստակի ելած գյուղացուն: Երբ վարժապետը մատնացուց է անում խմբովին բողոքելու և կնդխտորին պատժելու ճանապարհը, գյուղացին պատասխանում է. «էդ մենք էլ ենք գիղըմ, ամա քյասիբութենի մեջքը կոտրի, վախրմ ենք, թե կնդրխտորը հետներնիս ինադ ընկնի, դուրս անի»⁵:

Վարժապետի պատասխանը մատնում է Ճուղուրյանի համոզումների կապը Ագապյանի «հասարակական ինքնօգնության» իդեալի հետ:

— Դուք պետք է աշխատեք,— ասում է վարժապետը,— նրան (կնդխտորին) դուրս անել տալ, իսկ դրա համար հարկավոր է ձեզ, որ բոլորդ միաբանվեք...⁶:

Միաբանվելու այս տեսակետը, որ Ագապյանը ամեն անգամ մեջտեղ էր բերում որպես հանրային բարեկեցության նախապայման, Ճուղուրյանը չուրացնում է առանց որևէ քննական մտայնման: Նրա համար կարևոր է դառնում գյուղացու հոգսն ու կարիքը թեթևացնելու գործնական ամեն մի առաջարկ: Տվյալ դեպ-

3 Չ. Ճուղուրյան, Մոռացված աշխարհ, Ա. գիրք, Թիֆլիս, 1895, էջ 14—15:

4 Նույն տեղում, էջ 18:

5 Նույն տեղում, էջ 19:

6 Նույն տեղում:

բում դժուրագիրքը սեանում է, որ տգիտությունն ու կարիքը մարդկանց անզոր է դարձրել անարդարության դեմ: Կնդխտորը ափաշկարա սեփականում է ուրիշի վաստակը: Երբ վարժապետը դիմում է նրան, խղճմտանքով և արդարամտությամբ մշակներին կառավարելու ուղին մատնացույց անելով, կնդխտորը բորբոքվում է. «Աչքըդ ինձ ա տենը՞մ,— հարցնում է նա,— մեծ ուտողներին թողել, ինչ ես ինձ նախատըմ...»⁷: Կնդխտորի միտքն է վարժապետին ցույց տալ, որ իր արածը ըստ էության «աշխարհի կարգ է», և որ ինքը պարզապես իր մեծամեծներից է օրինակ առել: Վարժապետը դիմում է Ավետարանին՝ զարթնեցնելու համար պարտականության և խղճի դիտակցությունը այս ողորմելի մարդուկի մեջ: «Մշակներն արժանի են վարձի»,— հռչակում է սուրբ գիրքը: «Քս արած շարությունը զղվելի շարություն է և քեզ նման շատերն են անում: Դա մեղք է»:

— Ես ոչինչ մեղք չունեմ, աշխատանք եմ անըմ...— պատասխանում է կնդխտորը: Աշխարհի կարգի մասին այդ պատկերացումից է բխում փահճաբաշու ինքնաարդարացնող պատասխանը: Ես չի կասկածում, որ այլ կերպ հնարավոր չէ «աշխատանք անել»: Ակորբին կնդխտորը հեռացնում է աշխատանքից: Երբ վարժապետի օղնությամբ խեղճ այս մշակը ծառայության է անցնում մի հարուստ և արդար աղայի մոտ, փահճաբաշին մտադրվում է մինչև վերջ տանել բռնած զործր: Զրպարտությամբ և սուտ վկաներով դատարան բերված Ակորբ ապին իբր թե 25 ուրբու «զատըմատ» գողանալու համար, դատապարտվում է կնդխտորի ձեռքի սակ չորս ամիս խճուղու վրա անվարձ աշխատելու: Բազմության միջից մեկը ձայնում է.

— Ով դի պահի նրա քյուլիաթը...

— Կնիկը: Թող զնա մուրացկանություն անի պահի,— պատասխանեցին դատավորները⁸:

Ակորբ ապին չի դիմանում այս հարվածին և շուտով գերեզման է իջնում՝ «կյանքի դառնությանը» մատնելով իր մատաղա-

7 Հ. Ճուղուրյան, Մոռացված աշխարհ, գիրք Ա., էջ 27:

8 Նույն տեղում, էջ 39:

հաս որբերին, «...թողնելով նրանց կաշառակեր, տգետ քյոխվանների և կնդխտորների գիշատիչ ճիրանների մեջ»⁹։

«Աշխարհի կարգի» — աղքատի և հարստի փոխհարաբերության գրողի ըմբռնումը ելնում էր իրական-գործնական հարաբերությունների ռեալիստական հաշվառումից։ Ճուղուրջանը, ինչպես որ գյուղագիրների մեծամասնությունը, փաստագրող է, տեսածի ու լսածի տերը, եղելություն սպասարկուն։ Անարդարության մեկ փաստը, ինչպես շղթայի օղակ, կապված է բազմաթիվ այլ փաստերի հետ։ Գյուղագիրը տեսնում է դրանց շղթայակից լինելը, և սա է կարևորը նրա համար. նա չի փնտրում բացատրությունն այն բանի, թե ինչու և ինչպե՞ս դրանք հյուսվում են մեկ ընդհանուր «կարգի» մեջ։ Փաստը, եղելությունը, որ գյուղագրի աչքում գորեղ է ամեն մի ճշմարտությունից, նաև հասարակական անարդարության բացատրությունն է։ Աշխարհի ճանաչողության այս եղանակի սահմանափակությունը լծորդված է հարուստ-աղքատ հակադրության դասային ըմբռնմանը։

Եթե Գյուլլականց Մոսին («Դալլաքի Ղուլին») հարուստ է, որեմն աղքատ Ղուլին պետք է նրա դո՛հը լինի։ Պարզ այս պատկերացմամբ գյուղագիրը առանձնացնում է գյուղական վերնախավին և հակադրում աշխատավոր մեծամասնությանը։ Առաջին խոսքը, որով Ճուղուրջանը ներկայացնում է գործողության մեջ մտած իր հերոսին, սրա տնտեսական վիճակի բնութագրականն է. «Աղքատությունը երեսը սևանա, շատ վատ դրության մեջ էր դրել դալլաքի ընտանիքը», — ասում էր նա՝ սկսելով դալլաք Ղուլու պատմությունը։ «Կնդխտորը» պատմվածքը բացվում էր խճուղու վրա աշխատող մշակների նկարագրությամբ. «Նրանք բույսն էլ գյուղացի աղքատ մարդիկ են», — հավաստում էր գրողը։ «Շաշ Պետին և գիժ Ուհանը» պատմվածքի սկիզբը հովվերգական մեղմություն ունի՝ գյուղական լուսաբացի կենսուրախ գույները, դաշտում աշխատող գեղջուկների ու գեղջուհիների երգ ու սաղը, պայծառ տրամադրությամբ են համակում ընթերցողին։ Գրողը, սակայն, դիտում է. «Միայն խաղաղության չքավոր

9 Հ. Ճուղուրջան, Մոռացված աշխարհ, դիրք Ա., էջ 39։

Պետին էր խիստ տխուր, վշտացած ու վիրավորված»: Եվ մյուս կողմից. չքավոր գյուղացու անունից և շահերից խոսող գյուղագիրը երբեք չի թաքցնում իր ատելութունը գյուղական ցեղերի հանդեպ: Բայց այստեղ բանեցված սուր լեզուն և կշտամբանքը, որ ուղղվում է չքավորի տունը քանդող «գիլանոնց» հասցեին, անպայման բարոյախոսական մի առաջադրանք ունի: Այն դարթնեցնում է մարդկանց նիրհած խղճմտանքը, պարզում արդարամտությամբ ապրելու երջանկության իմաստը: Եթե մի կողմից գրողը հակված է գյուղացու ծանր վիճակը հասարակական քննարկումների առարկա դարձնել, ապա մյուս կողմից նա մտահոգված է առհասարակ կարգավորել այն հարաբերությունները, որ գոյություն ունեն աղքատ հողագործի և անխիղճ մեծահարուստի միջև:

Կորեկ է սուդիա Մուսինի կնոջ արծաթե զոտին: Եվ սա բավական է, որ Ստեփանի ընտանիքը ապրի մի ամբողջ ողբերգություն: Դալլաքին տանում են գյուղամեջ՝ Եղոյի կալը, և Մուսինի հրամանով գզիրները սկսում են դազանակներով ծեծել նրան. «Ստեփանի սպիտակ կտավից կարած շապիկը արյունից փոշորովիև կարմրել էր»: «Անդղա խաչթառակցիք... շատ սառը կերպով էին նայում այդ քստմենի տեսարանին»: Ոչ ոք չէր խղճում նրան, թեև բոլորն էլ գիտեին, որ դալլաքը գիշերը արտոսմ է եղել: «Տղետների խումբը,— հավելում է Ճուղուրյանը,— ...քյոխվա, րեդխուղա, սուդիա ու գզիր... ժողովեցան դատարան: Նրանք անտեղյակ օրինաց ճշմարտություններին և մի կողմը ձգած արդարության օրենքի հողվածները, առանց փաստ ու վկայի և վերջապես առանց խղճմտանքի ձայնին լսելու, տգիտաբար վճիռ կայացրին»¹⁰: Գրողը այս տողերը գրել էր ոչ առանց օրինաց ճշմարտության, «արդարության օրենքի» (Ավետարանի) կամ խղճմտանքի ձայնի հանդեպ ունեցած խոր հավատի: Նա, ինչպես մեր առաջին գյուղագիրները, կարծում էր, թե հնարավոր է հասնել գյուղական անարդարությունների վերացմանը, կյանքը կառավարող այդ «հզոր» միջոցներին ապավինելով: Պատահական չէ, որ Ճուղուրյանը գյուղի մեծամեծներին անվանում է «տղետ-

10 2. Ճուղուրյան, Մոռացված աշխարհ, գիրք II., էջ 54:

ների խումբ»։ Պրանք մարդիկ են, որ գործում են «արդարության օրենքներն հողվածներին» հակառակ և խղճմտանքին ընդդեմ, ոչ թե դիտավորութեամբ, այլ իրենց տղիտութեան պատճառով։ Նրանք աղքատին և զրկվածին կորստի են մատնում, քանի որ նրանց չի հասել ավետարանական ճշմարտութեան լույսը։

Վարժապետը կշտամբում էր կնդխտորին գողութեան, հարամութեան, ուրիշի աշխատանքը հավիշտակելու համար և միաժամանակ խրատում. «Լավ իմացիր, — ասում էր նա, — այդպիսի տղեղ գործ կատարողը Քրիստոսին մատնող Հուդայից էլ վատթար է։ Աստված օրենք և պարտականություն է դրել յուրաքանչյուր մարդու վրա՝ նախ յուր արդար վաստակով ասյրելու և ապա ունեցածից թշվառին, աղքատին մասը հանելու, թույլերին օգնելու և մանավանդ ծառաներին՝ մշակներին վարձատրելու»¹¹։

Ահա «արդարութեան օրենքի հողվածները»։ Եթե գյուղական իշխանավորները տգետ շլինեին և տեղյակ լինեին աստվածապարգև աշխատանքի մանրամասներին, ապա մերձավորին օգնելու սովորական, բայց և ավետարանական ճշմարտութեանը կլուսավորեր նրանց մութ և փակ հողիները՝ անանձնական երջանկության գիտակցութեամբ։

«Շաշ Պետին և գիծ Ուհանը» պատմվածքում ճուղղուրյանը դարձյալ խղճմտանքի դիրքերից էր քննում աշխարհի անիրավութեանները։ Երբ տիրացու Ուհանը սեփականում է Պետինի արջառը, վերջինս դիմում է նրան. «...Բա խղճմտանք չունե՞ս, բա վերև Աստո՞ծ, ներքև գետինք չկա՞. բա դու քրիստոնյա չե՞ս, քե հրմար ամոթ չի՞, ուսում առած մարդ ես, դու որ ինձ նման խեղճերին ոտի տակ ես տալի, անուսումն ի՞նչ անի։ Զէ՞ որ դուք տիրացուներդ Աստոծաշնչի մեջ կարդում եք. «Մի ցանկար քու ընկերի եղանք, մողուն, իշին և էն բանին, որ նրանն ա»¹²։ Երկու դեպքում գյուղացու անճարութեանը զարնվում է իրական հարաբերութեանների այն արամաբանութեանը, որից չափազանց քիչ աեղեկություն ունի ինքը՝ դյուղացին։ Վիթխարի, հաղթահասակ

11 Չ. Ճուղուրյան, Մոռացված աշխարհ, գիրք Ա., էջ 26։

12 Նույն տողում, էջ 69։

Պետինին փոքրամարմին, լպուղ Ուհանը ծեծում ու ջարդում է ալնպես, որ սա ստացած վերքից անկողին է ընկնում և մեռնում:

Մի ճշմարիտ և շատ էական դիտողություն էլ է անում գյուղագիրը: Երբ Պետինը տանուտերին դանգատվում է Ուհանի անիրավությունից, սա պատասխանում է. «Գնա կորի, կարըմ ես դու էլ նրան թակի, եզդ տար, կարըմ չե՞ս՝ տունդ վեր ընկի. քե պեսուների եզն ով ասես, կուտի...»¹³:

Իրավունքը՝ ուժի խնդիր է, ըստ տանուտերի, արդարությունը՝ խղճմտանքի հետ գործ չունի: Գյուղը և նրա մարդիկ ալնպես են, որ տեղ գտնելու և միջիցը շահվելու համար, անիրավությունը՝ անիրավությամբ պիտի պատասխանես:

Ճուղուրյանը գնում էր նորդարական դադափարախոսություն ուղիով: Եվ այդ չափազանց հստակորեն երևում է նույն՝ 1895-ին հրատարակած «Մոռացված աշխարհի» երկրորդ գրքույկից, որտեղ ժողովված են այս շրջանի նրա լավագույն պատմվածքները: «Փերշալ», «Մուրեխեռ», «Գյուղական ամբոխը» հիանալի գյուղանկարներում գրողը կենդանագրում էր մոռացված աշխարհի այն տեսարանները, որոնք «ապշելի հարադատություններ» վեր էին հանում «ընդհանուրի վարքն ու բարքը, հոգեբանական ունակությունները և ընկերական հասկացողությունները»: Այստեղ, ինչպես նախորդ պատկերներում, Ճուղուրյանը հանդես էր գալիս բրպես գյուղական կյանքի քաջագիտակ պատկերահան: Նա մարդկանց դիտում էր շատ մոտիկից և աշխատում լուսանկարել նրանց բնական պահվածքը: Ասես ձայնագրում էր գյուղամեջի գրույցները և տառ առ տառ վերարտադրում:

Քյոխվեն դայրացած գնում է Դիլիջան՝ բողոքելու վարժապետից, ինչ է թե սա «կազեթում» գրել է գյուղի անմաքրության մասին:

— Պա՛հ, պա՛հ, պա՛հ. տղե՛րք, քյոխվեն ջլիպղան կատաղած ա գընըմ, վարժապետը լակը շատ կեծ ա արել, տենըմ ե՞ք,— շսում է տիրացու Մաթոսը հավաքվածներին:

13 Չ. Ճուղուրյան, Մոռացված աշխարհ, գիրք II., էջ 74:

— Բա վարժապետը ո՞նց ա լակը կեծ արել,— հարցնում են այս ու այն կողմից:

— Կազեթի ներկի կարասն ա կոխել ու հանել...¹⁴:

Միամիտ ու խավար մարդիկ, խեղճ ու զուրկ մարդիկ, հեռավոր անտառամեջի բնակիչները, խոսում ու դատում են պարզամիտ մի անկեղծությամբ, սուր հեղինակություն: Զրույցը գրի առնող գյուղագիրը ոչ մի ուղղում չի մտցնում, նա նայում է նրանց խղճահարությունք և խանդաղատանքով:

— Մաթոս ապի շան, Մաթոս ապի, մի ասա տենանք, կազեթն էլ էն ներկը՞մ, հազնելու բան ա որ:

— Հա...

— Յանի ո՞նց են ներկըմ, շալի պե՞ս,— բերանը բացած հարցրեց Միդոն:

— Ի՞, Ի՞. քու շաշ տունը մհանեն պրծնի, մհանեն, ադա, տյու ջլիս բոի ես՞. ջէ՞, ջէ՞ մի, լաշակի պես են ներկըմ, լաշակի¹⁵:

Տիրացուն, որ աշխարհից, ըստ երևույթին, ավելին չգիտեր, քան այս խեղճերը, «մի գոռոզ դիրք է տալիս իրեն» և ծանրաբարո խելամտությունք հավաստում հավաքվածներին, որ «կազեթը թուղթ ա»:

— Վա, ձեք տները շքանգլի,— ասում է մեկը,— ախր ես էլ չի գլխի, հենց դիտըմ ի, թե վարժապետը մեր քյոխվի դուրսը կոխել ա Մրզանց ներկի կարասը, մզյար են դահրումար կազեթը թուղթ ա ըլե՞լ...

— Հա՛հ, հա՛հ, հա՛...¹⁶:

Ընդհանուր ուրախություն, խոսք ու զրույցի, ծափ ու ծիծաղի մեջ ուրվագծվում է գյուղական ամբոխի մտավոր խեղճությունը: Տիրացու Մաթոսենց տնից բերել են տալիս լրագիրը, շոշափում, զարմանում, բացատրություններ խնդրում և ստիպում կիսագրագետ, հազիվ պիրկլայ անող Մաթոս ապիին կարդալ, թե «ինչ ա գրած» էդ զարմանալի թղթի մեջ: Եվ սա կարդում է...

14 Հ. Ճուղուրյան, Մոռացված աշխարհ, գիրք Բ., Թիֆլիս, 1895, էջ 4:

15 Նույն տեղում, էջ 5:

16 Նույն տեղում:

իր գիտցածը, մի փոքր սազացնելով և վարժապետի պատմածը կրկնելով: Եվ այսպես, վարժապետի հեղինակության առաջ շշկըլված գյուղական ամբոխը տալիս ու առնում է իր առօրյա հոգս ու ցավի հետ կապված խնդիրներ: Քյասիբ Թևոսի պատմությունը հավաքվածները լսում են խոր տխրությամբ: Քյոխվեն որպես թե գյուղի մաքրությանը հտեկելով, բայց վարժապետի «հախիցը» պալու մտադրությամբ, Թևոսենց գերդաստանը բշում-լցնում է Պակերի ձորի գոմը. «Թևոսը խուլեար ա ընկել»,— ձենը գցում ու դնում է, որ «գոխտուրնին» կանչի:

Գալառական բժշկի հանձնակատարը՝ մի հարբեցող, անբան, կաշառակեր, լպուզ ու ողորմելի մարդ՝ փերշալ (ֆելդշեր) Շեկոն, գյուղ է մտնում ձիավոր չափարների հանդիսավոր ուղեկցությամբ: Քյոխվի «պամբոշնիկը»՝ Յադուխարին անմիջապես տեղ է պատրաստում, հավ, ճիվ մորթում, վարժապետին ձերբակալելու եկած փերշալի համար:

Գյուղական ամբոխի նկարագրի համար չափազանց բնորոշ մի փաստ է արձանագրում Ճուղուրյանը. «Միամիտ և նախապաշարված գյուղացին,— գրում է նա,— կարծում էր, թե «շլապկավորի» ասեղնագործ հագուստի գունավոր նախշերը բոլորն արտոնավոր նշաններ են»¹⁷: Գյուղացիներն այնուհանդերձ հեզնում են փերշալին.

— Ձիու փթրի մասին գանգատ ա գրքմ, ամա ջրիս թյունդ ա: Կերջապես վարժապետը գյուղից վնդում է այդ հարբեցողին: Փերշալի սպառնալիքները և «պրոտոկոլը» մնում են անհետևանք: «Մորեխկոռ» պատմվածքը շարունակությունն է այս պատկերի: Գործող անձինք՝ քյոխվեն, քեդխուղեքը, գզիրը և գյուղականները նույն մարդիկ են, բայց այստեղ գյուղը երևում է մի այլ կողմից: Սա արդեն գյուղական վերնախավի բարոյական նկարագիրն է պարզում: Եթե «Փերշալ» պատմվածքի միտումն էր ամենաընդհանուր գծերով ներկայացնել գյուղական ամբոխը, ապա «Մորեխկոռում» բարձրանում են համփայտության շատ սուր և բավական խիտ գունաներկով ուրվագծված կերպարները:

17 Հ. Ճուղուրյան, Մոռացված աշխարհ, գիրք Բ., էջ 33:

Պատմվածքի մուտքը շափազանց հատկանշական է: Քյոխվեն, քեդխուդեքը, գզիրը մեծ մատանջության մեջ են. բոլորի աչքը ճամփին է. սպասում են, թե մի լուր ստացվի:

«Քյասատացանք,— տներում է քյոխվեն:

— Տաքութինն էս ա ընկնըմ ա, սօր թե էգուց որդի որ ա մուրեխկոռն իրա սասը կհանի՝ քեփներս բաց կանի,— հուսադրում է նրան քեդխուդաներից մեկը:

— Ախ, ո՞ւր ա, էդ հու սրտիս է՝ դղալիցն ես ջուր կում անըմ, գիտաս էլի մուրեխկոռն էլ մեր՝ քյոխվենոնց զատիկն ա,— խորը հաճույքով պատասխանում է տանուտերը¹⁸:

Վերջապես երևում է ձիավորը: «Ցեց անպիտանը»՝ քյոխվա Մոլլեն վերցնում է իրեն մեկնած նամակը:

«— էս ի՞նչ թուղթ ա:

— Ֆերս (որս) անելու թուղթ ա, ի՞նչ թուղթ ա,— ժպտալով ասում է եկվորը¹⁹:

Եվ իսկապես, անհամբեր, տանջալից սպասումին այլևս վերջ. բոլոր հավաքվածներն իրար աչքալուսանք են տալիս. կենտրոնից պահանջել էին բառասուն մշակ՝ Փոլյուի և Ղարսյազլի կողմերում մորեխ կտտրելու համար: Քյոխվի տանուտերության տակ գտնվող շորս գյուղերից 30-ական մարդ են կանչում: Տարվա այդ ժամանակը գյուղացուն իր աշխատանքից կտրելը հավասար էր մահվան: Նա պատրաստ էր վերջին ունեցածը տալ՝ մորեխկոռ չգնալու համար: Տանուտերի օգնականները, միջնորդ գլխորդ՝ խաբեությամբ և սպառնալիքով պլոկում են շքավորներին և կամ քշում մորեխկոռի: Մի գյուղացի գանգատվում է. «— Գեղականի տունը մենակ մուրեխը, դաշաղը, շորեչինը, խուլիարը շքանդեց, քանդողնին նրանք են, որ կոռ ու բեգյարի քաշող քյասիբներիս կարգով, հերթով ու արդարությունով շեն ղրկեմ... Մուրեխը հու մուրեխ ա, ամա քյոխվենն էլ մի ուրիշ դաշղի մուրեխ ա դառել մեդ համար»²⁰: Կոռ ու բեգյարի ամբողջ ծանրությունը քաշող քյասիբ-

18 Հ. Ճուղուրյան, Մոռացված աշխարհ, գիրք Բ., էջ 51:

19 Նույն տեղում, էջ 55:

20 Նույն տեղում, էջ 67:

ների գլխին քոխովեն մի իսկական շարիք էր: Քոռ-Մուլլան սկըզբում դարաուլ էր, հետո դարձավ արեշշիկ, յասավուլ և այդ պաշտոններում, ինչպես դիտում է գյուղագիրը, «շատ լրբվեց»: «Պատկառանք, խիղճ, խղճմտանք, պատիվ, ամոթխածություն, մարդավարություն... բոլորը կորցրեց»: Մուրեխկոռի աչքալուսանքը նրա համար միաժամանակ չքավոր գյուղացիների կանանց ձեռք գցելու ավետիս էր: Խեղճերին կոռի ուղարկելով, նա գիշերները էլիսում-մտնում էր այս կամ այն նորահարսի տունը և բռնությամբ շնանում: Վերջին անգամ մի հարս անխակոթով ջարդուփշուր արավ տանուտերին, երբ սա յուրայինների հետ փորձում էր խաբելով բանալ տալ խրճիթի դուռը: Պատմվածքը այսպես էլ ավարտվում է, բայց ձուղուրյանը հաջորդ պատկերաշարքում իրագործում է իր գեղարվեստական գիտավորությունը:

«Գյուղական ամբոխը» ծրագրային համայնապատկերում նա ամբողջացնում է նախորդ երկու պատմվածքներում պարզացրած տեսակետները գյուղական ամբոխի և համալսյության միջև գոյություն ունցող հարաբերությունների վերաբերյալ: Բացի դրանից, այստեղ իմաստ և բացատրություն են ստանում գյուղական կյանքի նախորդ տեսարանները և այն մտադրությունը, որ ունեցել է զրոզը հարակցելով դրանք այս պատկերաշարին:

Թաթոս ապին՝ աղքատ, բայց գյուղում հայտնի մեկն էր: Իմանալով Քյարվանսարայում տեղի ունենալիք առաջիկա տանուտերական ընտրությունների մասին, գալիս է տիրացու Սարգըսի մոտ և սկսում համոզել, որ սա համաձայնի տանուտեր դառնալ: Հետաքրքիր մի զրույց է տեղի ունենում քյասիք Թաթոսի և ապագա տանուտերի միջև, որից պարզվում է գյուղական չքավորության միտքը: Ձուղուրյանը ասում է, որ փողովորդը չափազանց դժգոհ էր Քոռ-Մուլլի տանուտերությունից և հիմա «...պարաստվում էր ընտրել այնպիսի մի տանուտեր, որ գոնե մի փոքր մեղմացներ հարուստներից և վաշխառուներից... խիստ հալածված գեղջուկների դառը դրությունը»²¹: Սարգիսը հենց այն մարդն էր, որի մեջ գյուղացին տեսնում էր իր ապագա բարերարին:

21 Հ. Ձուղուրյան, Մոռացված աշխարհ, գիրք Բ., էջ 91:

Գյուղը բաժանվում է երեք մասի: Համփայտությունը՝ Յաղուխարին, Ղոնդախսազը, դիժ Ուհանը, Քիքիհի տղան՝ Քոռ-Մոլլին, քյասիբները՝ Թաթոսը, Մակին, դարբին Ակոբը՝ Սարգսին մեջներն առած գնում են Քյարվանսարա: Կար մի երրորդ կուսակցություն ևս՝ «ղուլամա» Դավթի կուսակցությունը: «Լուսանկարը, — ասում է Ճուղուրյանը Դավթի մասին, — գուցե ավելի պարզ և զեղեցիկ հաներ նրա տեսքն ու պատկերը, բայց թող փորձե գրիչը, գուցե նա էլ կարողանա մի փոքր նմանացնել»: Ըստ երևույթին ոչ միայն նկարագրածի հավաստիությունն ասպհովող այս խոստովանության տակ պիտի տեսնել Ճուղուրյանի ըմբռնումը զրական ռեալիզմի մասին: Եվ իրոք, գյուղագիրների մեծամասնությունը լուսանկարչական հարադատությունը արտացոլման ամենանախընտրելի եղանակն էր համարում: Նրանց համար պատկերը, որքան ավելի մանրամասն և ճշգրիտ գծերով էր վերարտագրում իրականությունը, այնքան նվաճված էր համարվում նպատակը: Իսկ այս վերջինը այլ բան չէր, եթե ոչ «ասլշեցուցիչ հարադատությանը» վերարտագրված գյուղական իրականությունը և հատկապես ունեորությունն ու շքավորության կոնկրետ, բնական և շաղավաղված փոխհարաբերությունների արտանկարը:

Քյարվանսարայի ընտրություններում հաղթում են շքավորները: Սարգիսը դառնում է տանուտեր և սկսում իրագործել իր ծրագիրը: Նա նախ մտադրվում է «յուրաքանչյուր գյուղացու յուր կարողության և դիրքին համեմատ կոռ ու բեգյար կրել տալ»²²: Ամենից առաջ հրամայում է գյուղի երկու համփայտերին՝ Յաղուխարուն և Ղոնդախսազին լծկան և սաջլեր տալ՝ բանակի համար մթերք տեղափոխելու. «Ոչ մի քյոխվի ժամանակը զնացել չեն, — ասում է Սարգիսը, — ամա ես նրա հրմար եմ քյոխվա դառել, որ դրանց սուտ աղույթինը մուժիկույթին շինեմ»²³:

Ղոնդախսազին՝ կոռից հրաժարվելու համար, Սարգիսը ճիպտի տակ է դցում: Արջունըլիկ, ջարդված, նրան քարչ են տալիս ցեխի միջով.

22 Հ. Ճուղուրյան, Մոռացված աշխարհ, գիրք Բ., էջ 117:

23 Նույն տեղում, էջ 119:

«Տեսա՞ր, ճնաչեցի՞ր ինձ,— ասում է Սարգիսը,— հասկացա՞ր, որ մենակ մանեթներով չի գլուխ ճղվում»²⁴։

Գյուղականները գովում են տանուտերի արդարասիրտությունը. նրա մեջ իրենց փրկչին են տեսնում.

«Ահ, ես դրա ջանին մեռնեմ, ջլիս մեր սրտի ուղածն ա,— ասում են նրանք,— տենըմ եք հարուստներին ո՞նց ա լծան տակը քաշըմ»²⁵։

Տանուտեր Սարգիսը,— ասում է Ճուղուրյանը,— արդար բարկությամբ էր լցված դեպի անգութ և անխիղճ վաշխառուների գործերը դեռ իր պաշտոնավարությունից շատ առաջ։ Տանուտեր դառնալով, նա առաջին հերթին վճռեց արդարությունը վերականգնել, «ճնշել հարուստներին» և ցույց տալ քյասիբներին «...որ նրանց հույսը պետք է արդարացնի»։ Ամենակարևորն այն էր, որ նա առաջնորդվում էր «քյասիբների դրությունը մեղմացնելու» վճռական որոշումով։

— Քյասիբները, մեղք են, պետք ա մի քիչ հանգստանան, դուք էլ պետք ա սովորեք տանջվել, որ նրանց դադրն իմանաք,— ասում էր նա հարուստներին²⁶։

Աղքատասեր այս տանուտերի դեմ է ուղղում գյուղական վերնախավը բանաստիությունների իր հմուտ մեքենան։ Այնուհանդերձ, ոչ Ղոնդախսազին, որ բավական գումար է մսխում գավառակենտրոնում, ոչ Յադուխարուն և յուրայիններին չի հաջողվում տապալել արդարադատ ու արդարավճիռ քյոխվին։ Ճուղուրյանը դրա պատճառը ամբողջ հասարակության կամ գյուղական համայնքի միաբանության մեջ է տեսնում։ Չբավորությունը միահամուռ պաշտպանում էր Սարգսին, թիկունք էր դարձել նրան և գյուղը լիաթոք շնչում էր՝ աղատ բռնություններից և կամայականություններից։ Հարուստները վճռում են վնասել Սարգսին. մի անգամ գողանում են սրա լծկանը և փչացնում, մյուս անգամ՝ կրակ տալիս խոտանոցը, մի այլ անգամ էլ փորձում են գնդակա-

24 Ղ. Ճուղուրյան, Մոռացված աշխարհ, դիրք Բ., էջ 129։

25 նույն տեղում, էջ 130։

26 նույն տեղում, էջ 131։

հար անել: Երբ կինը կապում էր վերքը, Սարգիսը մտախոհ տրտմությամբ ասում է. «...Ասծու հրամանը խու շի ասըմ, թե «անիրավներին գլուխ խոնարհի», չէ՛, ևս կարալ շեմ սաղ գեղի հասարակութիւնն անիրավների ձեռքը տալ ու մենակ իմ գլխի վրա մտածել»²⁷: Սարգիսը ասլրում էր հարուստներին հաղթելու և նրանց «հարամ ձեռքերը կտրտելու» նշանաբանով: Մեծ էին նրա նպատակները և արդար էր նրա զայրույթը: Ճուղուրջանը հետուրական խանդաղատանրով նկատում է. «Ամբոխից սիրված Սարգիսը յոթնալին շրջապատել էին հասարակ դաս կոչված մարդիկ՝ քյասիքները. իսկ հարուստները միանգամայն թշնամացել էին նրա հետ և ամենայն եռանդով աշխատում էին աղքատներից ձայներ որսալ, ուժ կազմել՝ նրան գլորելու համար, որովհետև իրենց թիվը շատ քիչ էր թե՛ իրենց և թե՛ մյուս հասարակութուն կազմող գյուղերում»²⁸: Այս վերջին գիտողութունը պարզում է գյուղագրի հայացքների կապը ինչպես նախորդ գյուղագիրների, այնպես էլ մասնավորապես Ազապյանի հասարակական ըմբռնումների հետ: Մի լուսավորված քահանա և աղքատասեր տանուտեր կարող են հրաշքներ գործել: Այսպես էին մտածում Ա. Արարատյանը, Գ. Պապյանցը և Ա. Ազապյանը: Ճուղուրջանի սանուտերը փորձում է գյուղում ուսումնարան հիմնադրել, մաքրել է տալիս գյուղի աղբյուրը, վեճի մեջ է մտնում հարեան գյուղերի հետ և «յուր հասարակության հողն ավելացնում»: Եվ ամենակարևորը: «Սարգիսը քյոթնալին, — ասում է գրողը, — առանց աջ ու ձախ տատանվելու, ծանրակիր բեռները՝ կոռ ու բեգյարը և ուրիշ շատ գյուղական հարկերը տարվա վատության ու հանգամանքների նեղ ժամանակ ավելի ուժեղներին՝ հարուստներին էր քաշել տալիս»²⁹: Իհարկե, իդեալական այս տանուտերի գործունեութունը ուրվագծելով, մեր գյուղագիրը ավելի պարզում էր գյուղի վերաշինության իր ծրագրային ըմբռնումները, քան վերարտադրում իրականութունը: Ծճմարտության ծայրը այս դեպքում գտնվում

27 Հ. Ճուղուրջան, Մոռացված աշխարհ, գիրք Բ., էջ 161:

28 Նույն տեղում, էջ 164:

29 Նույն տեղում:

էր ոչ թէ իրականութեան մեջ, այլ գյուղագրի սոցիալական համոզումներում: Ջրավոր գյուղացիութեան նյութական բարեկեցութեան հեռանկարներով մտահոգ Ճուղուրջանը հաշիւի չէր նստում մարդկանց հարաբերութիւնները ղեկավարող տնտեսական գործոնների հետ: Ժողովրդասեր գրողի դատողութիւնները հանգում էին հետեւյալին. քյասիբները ամենուրեք հարուստներից ավելի են և ոչ միայն ավելին, նրանց ուժը անմրցակից է, ահռելի և եթէ այս դեպքում նրանք միաբանվեն, որ ի վերջո շափազանց դյուրին բան է, քանի որ նրանց միավորողը միևնույն շահն է, ապա հասարակական երջանկութիւնը կբխի ինչպէս հեքիաթական աղբյուրից: Ձեռքն առնելով գյուղի ղեկավարութիւնը, օրենքի սահմաններում գործող և դեպի քյասիբները կողմնորոշված արդարագաստ տանուտերի համար (երբ արդեն որոշ է գյուղական հասարակութեան միաբան և ամուր համերաշխութիւնը) առանձին դժվարութիւն չի ներկայացնում ոչ միայն «աղքատակեր» հարուստներին զսպելը և հանրութեան օգտին ծառայեցնելը, այլև չքավոր մեծամասնութեան նյութական ու բարոյական դրութեան բարելավման համար ռեալ նախադրյալներ ստեղծելը:

Չենց որ քանդվում է միաբանութեան կապը, տանուտեր Սարգիսը վայր է զնում իր իրավունքները: Գյուղական ամբոխի հոգեբանութեան և նկարագրի համար շափազանց հատկանշական մի իրողութիւն է պարզում գյուղագիրը պատմվածքի վերջնական գրվագներում: Աղքատ Թաթոսի տղան բռնվում է գողութիւն անելիս: Արդարագաստ տանուտերը վճռում է խիստ պատժել օրինազանցին: Թաթոսի աղաչանքն ու պաղատանքը իրար են անցնում. դատապարտվածներին տանում են Դիլիջան: Այս դեպքից հետո Թաթոսը միաբանվում է Սարգսի թշնամիների հետ և հաջորդ ընտրութիւններին գյուղացիների մեծամասնութեանը հանում տանուտերի դեմ:

— Չէ՞նք ուզում, դա մեզ քանդեց, քարը քսեց, չէ՞նք ուզում,— գոչում էին նրանք: Սարգիսը կանգնած էր իր երկու հավատարիմների հետ և ցավում էր «երեխա ամբոխի ոչխարային բնավորութեան և տգիտութեան» վրա:

Ամբողջացնելով գյուղական ամբոխի նկարագիրը, Ճուղուր-

յանը «Մոռացված աշխարհի» երկրորդ հատորում հասաւ նկատելի արդյունքների: Եթե նորից օգտվելու լինենք Նալբանդյանի արտահայտութիւնից՝ այստեղ հանդես ունենին ավելի խմբերը, Քբան թե նորանց կազմող անհատքը»: Գյուղագիրը հետամուտ էր այդ խմբերի հոգեբանութիւնը, դասային շահերը և դրանից բխող հակասութիւնների բազմազան կապերը համախմբել մի ընդհանուր գյուղական կարի մեջ՝ այնտեղ մուծելով և սեփական համոզումների ամբողջ գունաչին հարստութիւնը:

Մեծ մասամբ դասային տարբերութիւնների խոր ըմբռնմամբ վերլուծելով գյուղական իրականութիւնը, Ճուղուրյանը խորանում էր սկեպտիկյան ուղղութիւն հետ կապված քննադատական վերաբերմունքի մեջ այն ամենի հանդեպ, ինչ դործնականում անարդար էր համարում: Մ. Նալբանդյանն այս պահին, ըստ երևոյթի, չափազանց գոհ կլինէր մեր գյուղագրից, քանզի սա հետևողականորեն վեր էր հանում ժողովրդի չբավոր մեծամասնութիւն ներսում ամբարված բողոքի ու դժգոհութիւն տրամադրութիւնները: Մի առանձնահատկութիւն, համենայն դեպս, արդեն որոշ էր Ճուղուրյանի ստեղծագործութիւններում. նա մշտապես ընդգծում և շեշտում էր շահերի ու հոգեբանութիւն այն տարբերանքը, որով առանձնանում և միմյանց էին հակադրվում համախմբութիւնն ու գյուղական չբավորութիւնը: Նա ամեն ինչ քննում էր հենց այս տեսանկյունից, և այդ պատճառով գյուղն ու գյուղական իրականութիւնը երևում էին որոշապես շերտավորված հարաբերութիւնների ամբողջ բնանկարային պարզութիւնով:

Սկսած «Հովիվ Չատինի սերը» միամիտ և պարզունակ հովվերգութիւնից մինչև ծրագրային՝ «Գյուղական ամբոխը» պատմելիքը, Ճուղուրյանը հետևողականորեն անց էր կացնում ոչ միայն աշխարհի անհավասար և անարդար կառուցվածքի միտքը, այլև դրա դեմ՝ մարդկանց մեծամասնութիւն բողոքի և անհանդուրժամտութիւն փաստը: Պիտի տեսնենք, թե ինչպես 1900-ական թվականների ստեղծագործութիւններում արդեն այս վերաբերմունքը վերաճում է որոշ դասակարգային մտածողութիւն, և Ճուղուրյանը դառնում է այն առաջին գյուղագիրներից մեկը, որոնք գյուղական իրականութիւն քննադատութիւնը ըմբռնում

էին այդ իրականութիւնը հիմնափոխելու հեղափոխական տեսակետի ազդեցութեամբ:

«Մոռացված աշխարհի» երրորդ գրքուկը Ճուղուրջանը հրատարակեց 1896 թ.: Ընդամենը երեք պատմվածք էր ընդգրկում այդ հատորը՝ «Քահանայի ընտրութիւնը գյուղում», «Ոսկեսերի սրահը» և «Հովիվ Չատինի սերը»: Ստեղծագործութիւններ էին սրանք, սակայն, որ քիչ բան էին ավելացնում նախորդ պատմվածքների գաղափարական ու ճանաչողական արժեքին:

Շեն գյուղի քահանա տեր Քոսակը մի ողորմելի հոգևորական էր. «Իտորմը ոչ այբուբենի կտոր կար, ոչ զլխին խելք»: Եվ շնայած դրան, անհովիվ մնացած խաչեցիները թաղման ու կնունքի, եկեղեցական տոնակատարութիւնների ժամանակ կախվում էին սրա փեշերից՝ աղաչանքով ու երբեմն էլ խաբեութեամբ գյուղ հրավիրում, որպեսզի հոգու պարտքը երկնքի հանդեպ կատարած լինեն:

Երբ տեր Քոսակը մի առիթով (և այս էլ քանիերորդ անգամ) հրաժարվում էր խաչեցիներին հովվելուց, գյուղականները որոշում են իրենց համար քահանայացու ջոկել: Եվ ահա ծայր է առնում իրիցացու Սարգսի և տիրացու Անդրեասի միջև քահանա դառնալու համար ծավալված պայքարի պատմութիւնը: Ըստ էութեան գյուղագիրը դարձյալ շարունակում էր ուրվագծել տանուտերական շարաշահումների հանրահայտ մեխանիզմը:

Պարզվում է, որ քոխվա Սաքուլը երկու հավակնորդներին էլ «իրիցութեան» թուղթ է տվել, նախապես կաշառվելով սրանց կուսակիցներից: Գյուղամիջի հրապարակում հանրային քննութեան են ենթարկվում քահանայացուները.

— Ադա, վախիլ մի, գիրկապ արա, գիրկապ,— ձայնում էին այս ու այն կողմից դույնը նետած ու սարսափահար Սարգսին:

— Ը... ը, ըն, ըն, նըդ, ընըդ, ընդ, սը, սը, սըմ, սըմի, մի... ի... ին սըմը-ին, ընդ սմին...,— հեզում էր տիրացուն³⁰:

Չավեշտական այս տեսարանի մանրամասներում բացահայտվում է գրի սև ու սպիտակից իբր թե հասկացող քահանայացու-

30 Հ. Ճուղուրջան, Մոռացված աշխարհ, գիրք Գ, Թիֆլիս, 1896, էջ 39:

ների անպարփակ տգիտությունը: Գյուղագիրը հաստատում է այն փաստը, որ Խաչը գյուղի նորընտիր քահանայացուները սուրբ գրքից և Լուսավորչի հավատքից նույնքան բան գիտեին, որքան նրանց ընտրողները: Հետևելով այդ ժամանակները մամուլում ընթացող վեճերին, Ճուղուրյանը քահանայական խնդիրը նույնպես պատկերացնում էր որպես լուսավորական դործի մի մաս: «Ինչպես անենք, որ հնար ունենանք գյուղերում լուսավոր քահանաներ ունենալ»,— խնդիր էր սա, որ զբաղեցնում էր առավելապես «Նոր-Դարի» և «Արարատի» հրատարակագիրներին:

Արիտական եպիսկոպոս Սեդրակյանի և հայր Մելյանի վեճի մեջ հարցը քննվում էր մի տեսանկյունից, որ բոլորովին անբավարար էր համարում Ճուղուրյանը: Թե ինչպիսին պետք է լինի գյուղական քահանան՝ տգետ կամ ուսյալ,— ասում էր նա,— դա ինքնին վերցրած խնդիր չէ (ո՞ր հասարակութունը կուզի, որ իր քահանան տգետ լինի), բուն հարցը, ըստ էության, թաղված է քահանայի նյութական դրությունը ապահովելու պայմանի մեջ: Գյուղական քահանայի ապրուստի համար եկամտի հաստատուն աղբյուրներ գտնելուց հետո միայն կարելի է հուսալ, որ գյուղ կգնան ուսումնական հոգևորականներ՝ փարախների անպաշտպան ու ետամնաց հավատացյալներին հոգևոր կործանումից փրկելու³¹:

Ճուղուրյանը «Քահանայի ընտրությունը գյուղում» պատկերի առանցք էր դարձրել հոգևոր կոչում ձեռք բերելու «առտնին» պայմանների քննադատությունը:

Երբ կաշառքով Թիֆլիսի կոնսիստորիայում գլուխ է բերվում Սարգսին քահանայացուները գործը, հարկ է լինում այս անգամ ճանապարհ ընկնել էջմիածին՝ Սինոդի «աչքը եղելու»: Դարձյալ ծախս ու հոգս, դարձյալ կաշառք. «Վերջապես... 187... թվին Սարգսին տեր-Անտոն անունով ծխատեր քահանա ձեռնադրեցին, այսինքն,— բացատրում է գյուղագիրը,— լսեղճ խաչեցոց զլխին մի ցավ, մի մեծ դարդ ու բալա շինեցին»³²:

Իր մի հոդվածում, գրված 1900-ական թվականներին, Ճոն-

31 «Նոր-Դար», 1897, № 51—56 և «Նոր-Դար», 1901, № 95:

32 Հ. Ճուղուրյան, Մոռացված աշխարհ, գիրք Գ., Թիֆլիս, 1896, էջ 62:

դուրյանը պաշտպանում էր ազգային-պահպանողականության մշակած տեսակետը հայ եկեղեցու մասին, «իսկական հոգևորականին» բարձր դասելով «գերազանց աշխարհականից»: Հայ եկեղեցին, — ասում էր նա, — «...բախտի փոփոխության դարերում դարձել է մի ամուր և անկործան դղյակ, ուր պաշտպանվել է և որով ազգը պահպանել է յուր ազգությունը, յուր լեզուն, կրոնը, հավատը, և մանավանդ յուր բախտավորության և դժբախտության հիշատակարան գրականությունը»³³:

Ունենալով այս համոզումը, Ճուղուրյանը հետախնդիր էր հայ հոգևորականին տեսնել իր «կոշմանն արժանի դիրքերում»: Այդ էր պատճառը, որ նրա գրիչը չափազանց անողոք էր դառնում տգետ և անխիղճ սևագլոխների հանդեպ:

«Ոսկեսերի պսակը» պատմվածքում գրողը դուրս էր բերել տեր Մաղաքոսի զարհուրելի կերպարանքը: «Գյուղական ամենագլխի տխր» Վայիս-բեկի հանձնարարութեամբ, Գոշավանքում սա օրհնում էր մի ամուսնություն, որ պարզապես դեմ էր հայ սովորություններին ու ըմբռնումներին: Հորեղբոր տղան ամուսնանում էր հորեղբոր աղջկա հետ: Մաղաքոսը, լորձուքոտ բերանը շմփացնելով և կեղտից սևացած ձեռքերը շփելով, հաշվում էր այն ոսկիները, որ բաժին էին հանել նրան սև գործի դիմաց:

1890-ական թվականների վերջերին գրած «Գյուղի այրին» վեպիկի մեջ Ճուղուրյանը գյուղի քահանայի շարափառությունն էր ձաղկում, օրհնելով գյուղական ուսուցչին, որ օգնության է հասնում ձեռը ծոցին մնացած խեղճ որբեայրուն և նրա զավակներին:

1898 թ. Ճուղուրյանը գրում է իր միակ գյուղավեպը՝ «Շիրինանց Նախշունը», որ հրատարակվեց 1911-ին: Հայ մամուլում այս երկի գտած արձագանքներից կարելի է կարևոր հետևություններ անել գյուղագրի գաղափարական էվոլյուցիայի շուրջ:

«Ղարաբաղ» եռօրյա լրագրում, 1911 թվականին Վ. Փափաղյանի «Գրական ակնարկներ» տեսության բաժիններից մեկը ամբողջութեամբ նվիրված էր «Շիրինանց Նախշունը» վեպին: Կարե-

33 «Հովիտ», 1906, № 27:

վորն այստեղ վեպի գնահատութիւնը չէ, այլ այն մտորումները, որ հարուցում են գյուղագրական գրականութեան երեկն ու այսօրը հայ գյուղի նշանավոր հետազոտողներից մեկի մոտ:

1890-ական թվականներին, — ասում էր Փափազյանը, — «ժողովրդասիրական (նարողնիչեստվո) զգացմունքներն ու ուղղութիւնը տիրապետող շիղ էր հայ մտավորականութեան մեջ: Ամենը գյուղով էին հետաքրքրվում, գյուղում իղեալներ էին երազում»³⁴: Քաղաքը նրանց աչքին երևում էր որպէս մի ապականիչ գեհնն, որ իր բոցերում այրում էր բոլոր լավն ու կատարյալը: Հակաքաղաքային տրամադրութիւնները սնվում էին գյուղի իղեալականացման միամիտ պատկերացումներից: «Իսկական ժողովրդի» հանդեպ մտահոգութիւնը խանդավառութեամբ էր համակում այն գաղափարականներին, որոնք որպէս առաքյալներ մեկնում էին մոռացված աշխարհ՝ «գյուղի խավարը ցրելու, գյուղացուն վաշխառուններից ազատելու, պաշտոնյաների անիրավութիւններից փրկելու»: Գյուղը նրանց պատկերանում էր «հովվականորեն մաքուր կյանքով», պարզ, հեշտին, նահապետական նիստ ու կացի ու բարոյական քմբռնումների ամբողջ առինքնող զեղեցկութեամբ: Միայն գյուղում է, որ դեռ պահպանվել են կենսունակ ուժեր, հոգևոր հարստութիւններ: Մաքրակենցաղ մարդկանց զարմանալիտրեն անապական հոգեբանութիւնը, ներհուն իմաստութիւնը, հարաբերութիւնների այնքան բնական և այնքան բնածույլ պայմաններում, հիրավի, գյուղը դարձնում է այն էլդորադոն, ուր ձգտում են իրենց հանգիստն առնել, աշխատել և գործել գյուղափրկիչ նվիրակները: Վ. Փափազյանը այսպէս էր պատկերացնում ժողովրդասիրական ուղղութիւնը և այսպէս մեկնաբանում այդ ուղղութեան գաղափարական շրջագծի որպիսութիւնը:

Նրա պատկերացմամբ, մեր բոլոր գյուղագիրները՝ Ալ. Արարատյանից մինչև Ճուղուրյան՝ ժողովրդասիրական (նարողնիչեստվո) ուղղութեան ներկայացուցիչներ էին:

Այն փաստը, որ գյուղագիրները ակններև հակաքաղաքային

34 «Ղարաբաղ», Շուշի, 1911, № 3:

տրամագրություններ ունեին, Փափազյանին մղում էին հավատալու գյուղը հետազոտողների նարողնիկական կողմնորոշմանը:

Նշանավոր վիպասանը 10-ական թվականներին տեսնում էր նարողնիկական շարժման անկումը: «Փոթորկոտ ժամանակները, — ասում էր նա, — սրբեցին տարան ոռոմանտիկ պատկերացումների ամբողջ լեռնակույտեր», «ժպիտ հարուցանելու շափ հետամնաց դարձան շատ իղեալներ»: Գյուղի հետազոտությունը դրվեց իրապաշտական հողի վրա: «Գյուղը, գյուղական կյանքն ու գյուղացին էլ ենթարկվեցին նոր, ավելի սառնասիրտ, անաշու և վերլուծական ուսումնասիրության»³⁵: «Իղեալիզմի վարդազույն ակնոցները» դեն շարտվեցին: Պարզ դարձավ, որ արդի գյուղը «տընտեսապես ու բարոյապես» ավելի է քայքայված, քան կարելի էր երևակայել: «Այժմ այստեղ այլևս չկար այն իղեալական մաքրությունն ու կենցաղի պարզությունը, որ այնքան գուրգուրանքով նկարագրել էին ճգնել և կամ երազել էին գտնելու հին հեղինակները, ժողովրդատեր գրողները, գյուղի և նրա կյանքի սիրահար գաղափարականները»³⁶: Այս տեսանկյունից Փափազյանը քննում էր «Շիրինանց Նախշունը» վեպը և ցույց տալիս ժամանակավրեպությունն այն լավատեսության, որով ձուլորդյանը նայում էր նահապետական հարաբերություններին: Ինքնախաբեություն համարելով գյուղագրի բարբապաշտությունը, նշանավոր վիպասանը այդու ցուցահանում էր իր քննադատական վերաբերմունքը նարողնիկական ոռոմանտիզմի հանդեպ: Գյուղին «այլևս փրկություն չկա», — ասում էր նա. տնտեսական շարժման «արյունալից և անողոք ընթացքը» կործանում և բնաջնջում է նահապետական հարաբերությունների վերջին մնացորդները: Դրանց հետ իրենց հույսը կապած «հին հեղինակները» ըստ էության գտնվում են հողը ոտների տակից փախած մարդու վիճակում: Ժողովրդասիրական մտայնությունը ուժ չունի այլևս ոչ ինքն իրեն արդարացնելու, ոչ էլ առավել ևս մարդկանց հասարակական իղեաները որոշելու: Փափազյանը ճիշտ էր նկատում, որ ձուլորդյանի գյու-

35 «Ղարաբաղ», 1911, № 3:

36 Նույն տեղում:

ղավեայր մի անախրոնիզմ է. «Գոնե մեր գյուղի,— ասում էր նա,— այժմյան գյուղացու պատկերը չէ, այլ գուցե հին, բարի ժամանակների, ով գիտե՛ ինչ օրերի նկարագրութունն, որ շատ գրավիչ է, շատ հանկուցիչ, բայց, ավա՛ղ, չափազանց երազային է և իրականութունից ցավագինորեն հեռու»³⁷:

1910-ական թվականներին առկա փաստ էր գյուղի հնօրյա հարաբերութւոյնների անհետացման պրոցեսը: Նահապետականութւոյնը՝ որպէս հոգեբանութւոյն, ջախջախվում էր, որպէս բնատնտեսական եղանակ արդեն հաղթահարվում էր նորամուտ բուրժուական հարաբերութւոյններից: Ժողովրդասիրական ումանտիզմի քննադատութւոյնը Փափազյանը հանգուցում էր նոր տնտեսական շարժման հեռուներում նշմարվող այն «վառ արշալույսի» հետ, որ բերելու էր «փրկարար օրը թշվառութւոյնից, տգիտութւոյնի մեջ մաշվող ու անօթութւոյն շնորհիվ ապականութւոյնի հասած տարրերի համար»³⁸:

1880-ական թվականներին, ինչպէս ընթերցողը հիշում է, ժողովրդասիրական գաղափարների քննադատական վերլուծութւոյն ժամանակ «Մշակի» հրատարակագիրներից մեկը նույնպէս զարգացնում էր այսօրինակ տեսակետներ: Կապիտալիզմի «վերլուծող և կրկին միացնող» տնտեսական լաբորատորիան,— ասում էր նա,— հայ ժողովրդին կընտելացնի «ընկերական մեծ գաղափարի հետ»³⁹:

Նարոդնիկական ումանտիզմի քննադատները (սովյալ դեպքում նաև Փափազյանը) գյուղագնաց մտավորականութւոյնի գործնական ջանքերը և գաղափարական ուղեցուլցները համարում էին ժամանակավրեպ և ըստ էութւոյն անօգուտ արդի հասարակական շարժման մեջ: Մի այլ իմաստով նրանք հակադրվում էին «Գործի» այն հրատարակախոսներին, որոնք գյուղագրական գրականութւոյնի զարգացման հեռանկարներում փորձում էին տեսնել ճշմարիտ ազգային-համաժողովրդական գրականութւոյնի ստեղծման նախադրյալները:

37 «Ղարաբաղ», 1911, № 3:

38 Նույն տեղում:

39 «Մշակ», 1884, № 6:

Բնորոշ է, որ «Շիրիխանց Նախշունը» վեպի այլ գրախոսներ նույնպես նկատում էին ժամանակի և վիպական իրականությունից ալի հակասությունը, որ ցույց էր տվել Փափազյանը: «Սուրհանդակի» գրախոս Պեսիմիսը ասում էր, որ Ճուղուրջանի գյուղավեպը կապ չունի «տնտեսական աշխարհի դասակարգային կռիվներով ամեն ինչ բացատրող ժամանակի ոգու հետ»⁴⁰: Իսկ Բենիկ վարդապետը, ապրելով մեկն այն հիացմունքներից, որ հարուցում էին «ազգային բարոյական կյանքի» հարատև պահպանողականությունը հավաստող գեղարվեստական երկերը, տխրությունով նկատում էր, որ «Շիրիխանց Նախշունի» մեջ արտացոլված գավառական կյանքը այժմ աղավաղվել է և թունավորվել «ծուռ ու մուռ քաղաքակրթության հովերով»⁴¹:

Եթե նկատի առնենք, որ Ճուղուրջանը «Շիրիխանց Նախշունը» գրել է անցյալ դարի 90-ական թվականների վերջերին և հրատարակել միայն 1911-ին, ապա մի փոքր այլ ձևով կգնահատենք ազգագրական այդ վեպի տեղը գյուղագրի ստեղծագործությունների շարքում: «Մոռացված աշխարհի» երեք գրքույկներից հետո, Ճուղուրջանը մտահոգված էր, այսպես ասած, «վարպետություն» խնդիրներով: Նա փորձում էր գրական իր ձիրքը, ինչպես ինքն էր ասում, «աղնվացնել գեղարվեստապես»: Գյուղավեպի առաջին իսկ պարբերությունները հաստատում էին այդ մտահոգության առկայությունը: Նախկին պարզ գավառաբարբառի և «բնական» խոսքի փոխարեն, Ճուղուրջանը այժմ օգտագործում է համեմատություններով առատ, ծեփծեփուն և երկարաբան մի խոսք, որ ամենից առաջ մատնում էր գեղարվեստական չեզվի մասին գրողի ունեցած նախվ պատկերացումները. «Բոյ ու բուսաթը շինարի,— սկսում էր իր պատմությունը գյուղագիրը,— Շիրիխանց Նաշխունը շտեմնված, աներևակայելի և չքնաղագեղ մի էակ էր: 17 ծաղկե գարուն բոլորած այս գեղջկուհու «ջանն» առողջ էր ինչպես պողպատ, կազմվածքը շեն ու հարուստ և սքանչելի, գլուխը թագուհի, հայացքը գերբնական՝ նման աստվածային հրեշտակի, վարսերը

40 «Սուրհանդակ», Թիֆլիս 1911, № 141:

41 «Հովիտ», 1911, № 42:

շքեղ, հոնքերը՝ երկու ծիածանի պես կամար-կամար ու նազելի, աչքերը վառվռուն և կայծալից, արծվիկի աչքերի նման գրավիշ... արտեանունքները թարթառ, պարանոցն աղավնու, ընթացքը՝ կաքավի, շրջելն անմեղ եղնիկի, խոսիլն անուշ և ձայնը նման էր բլբուլի հուզիչ երգի...»⁴²։

Մի առիթով անդրադառնալով Հ. Ճուղուրյանի ստեղծագործական մեթոդի հարցին, տակավին 1890-ական թվականներին, «Մուրճի» քննադատներից մեկը դիտել էր, թե «Մոռացված աշխարհի» հեղինակը «ստեղծագործող հեղինակներին» չէ։ «Ստեղծագործությունը,— հավելում էր նա,— կապված է ավել կամ պակաս չափով լայն ընդհանրացումներ անելու ընդունակության հետ»⁴³։ Գյուղագիրներին տարբերելով այս վերջին կարգի գրողներից, երիտասարդ քննադատը ըուսանկարելու ընդունակությունը համարում էր գյուղագիրների ստեղծագործական մեթոդի ամենաաչքի ընկնող առանձնահատկությունը։ «Նրանք լավ քարտուղարներ են,— ասում էր Աղբալյանը,— և ամենայն հավատարմությամբ արձանագրում են իրենց տեսածը, լսած խոսակցությունները, իրենց դիտողությունները»⁴⁴։ Աղբալյանը խոստով է իրականության արտացոլման «ըուսանկարչական կամ քարտուղարական միջոցների» մասին։ Կյանքի պատկերը գյուղագիրը ստանում է այդ միջոցների գործադրմամբ, իսկ որո՞նք են դրանք։ Իրենք՝ գյուղագիրները օգնում են մեզ հայտնաբերելու ըուսանկարչական մեթոդի գեղարվեստական հնարավորությունների և միջոցների էական յուրահատկությունները։ Շիրինանց նախշունի արտաքին նկարագրի մեջ, ինչպես պարզ երևում է, օգտագործվում էր մեծ մասամբ ժողովրդական պատկերամտածողությանն հատուկ էպիտետի և մետաֆորի գործուն ուժը։ Չկար այստեղ բնութագրելու համար ընտրված մի էպիտետ, որ ըստ էության շլիներ նույնքան հանրամատչելի, որքան և գործածական։ Աներևակայելի, շքնաղագեղ, սքանչելի, շեն ու հարուստ, շքեղ, ծիածանի նման կամար-

42 Հ. Ճուղուրյան, Շիրինանց նախշունը, Քիֆլիս, 1911, էջ 6։

43 «Մուրճ», 1896, № 6։

44 Նույն տեղում։

կամար, վառվուռն, կայծալից, գրավիչ և վերջապես սլողսլատ բառերի պատկերավոր-զգացմունքային նշանակությունը կախումն ունի բնութագրման եղանակից: Եթե էպիտետները գործածվում են առանց պատկերվող երևույթի (առարկայի) ներքին աշխարհի հետ ունեցած կապի, ապա դրանք վեր են ածվում պարզ հայտանիշներ: Լուսանկարչական մեթոդի առանձնահատկություններից մեկն էլ հենց այդ է: Բնութագրելու համար ընտրված երևույթի արտաքին-նկարագրական որոշույթյունը՝ հեղինակը դիմում է երեվույթական մաքուր յուրյան մանրամասները հանրամատչելի պատկերամտածողութայն օգնութայնք ներկայացնելու միջոցին: Ստացվում է մանր, իրար վրա կուտակված, բազմաթիվ օղակների մի շղթա, ուր գույնը, պատկերը, զգացմունքայնությունը կորչում են նույնքան արագորեն, որքան սրընթաց տեղի է ունենում արտաքին հայտանիշների թվարկումը: Բացի դրանից, լուսանկարչական մեթոդը, արտացոլում է «գործող անձերի արտաքին հարաբերությունները» և սա է պատճառը, որ պատկերված իրականությունը երևում է միայն իր արտաքին շարժման մեջ: Եվ եթե գյուղագիրը փորձում է բացահայտել հերոսների հոգեբանութայն ինչ-ինչ կողմերը, ապա այստեղ ևս դրսևորվում են արտացոլման այդ եղանակի սահմանափակ հնարավորությունները: Մարդու բարոյական նկարագրի ընդհանուր կողմերը թվարկելով, գյուղագիրը ավարտած է համարում հոգեբանական վերլուծութայն խընդիրը: Նա հեռու է հոգեկան աշխարհի բազմաբարդ իրողությունների գեղարվեստական ճանաչողությունից, քանի որ, ի վերջո, հետամուտ է ավելի հասարակական հոգեբանությունը ճանաչել, քան մարդկանց սուբյեկտիվ հոգեբանությունը, ավելի մղվում է ընդհանուր ճշմարտությունները երևան հանել, քան մասնավոր ճշմարտությունները: Սա չի նշանակում, թե գյուղագիրները ավելի հեռուն են տեսնում. խոսքն այստեղ այն հասարակական հոգեբանութայն և ընդհանրական ճշմարտությունների մասին է, որոնք լողում են կյանքի մակերեսին, որոնց բնույթն ու որակը ի վերջո կախված է մասսայի, որսիսին գյուղագրական գրականութայն հերոսն է, գիտակցական մակարդակից կամ ինչպես Նալբանդյանն էր ասում՝ «բազմութայն հասկացողությունից»: Հենց այստեղ

պետք է որոնել գյուղագրական գրականութեան մեջ բարքագրական և կենցաղագրական գերակշռող տարրի երևան գալու պատճառները: Մարդկանց բարքերն ու կենցաղը, ըստ էութեան իրականութիւնը ճանաչելու համար նույնքան հնարավորութիւն են ընձեռոտմ, որքան որ դրանք առհասարակ կարող են ելակետ ծառայել հասարակական կյանքի մեկնաբանման համար: Բարքերի ու կենցաղի գրութիւնը կարող է հայտանիշ լինել մարդկանց միջև գոյութիւն ունեցող պատմական հարաբերութիւններին, բայց ոչ սոցիալական: Այստեղ բնակաված հոգեբանութիւնն ու ընդհանրական ճշմարտութիւնները հարաբերում են իրականութեանն այնպես, ինչպես մարդկանց պատմական գիտակցութիւնը հարաբերում է նրանց հասարակական գիտակցութեանը:

Այն, որ գյուղագրական գրականութեան մեջ արտացոլվում կամ վերարտագրվում է կյանքի սովյալ փոխհարաբերութիւնը, այսինքն, եղելութեամբ շրջապատված փաստը, — չի փոխում բանի էութիւնը, հակառակը, մի այլ կողմից հաստատում է տրամաբանական այն կապը, որ գոյութիւն ունի «բազմութեան հասկացողութեան» և իրականութեան ճանաչողութեան սովյալ սահմաններին մեջ: Գյուղագիրը երբեք չի թողնում այդ «հասկացողութեան շրջանը»: Նա գուցե հոգեբանորեն չափազանց բավարարված է զգում իրեն, երբ հավատարիմ է մնում իրականութեանը հենց այդ եղանակով: Նա դրա մեջ տեսնում կամ գիտակցում է գրական ռեալիզմի նշանակութիւնը:

«Շիրինանց Նախշունը» գյուղավեպը խոտորումն չէր այն ճանապարհից, որ ընտրել էր ճողորկանը: Գյուղագրութիւնը ինչ-որ տեղ աննկատելիորեն վերածվում է ազգագրութեան: Վ. Փափազյանը նկատում էր, որ ճողորկանը իր նոր գրվածքում իրականութիւնը «պատկերացրել է... Սոս ու Վարդիթերային ժամանակվա ձեերով, Սոս ու Վարդիթերային տիպարներով»⁴⁵: Ծճարտացի դիտողութիւն:

Պ-ն գյուղի ամենամեծ գերդաստաններից մեկի՝ Ավագանց տան պատմութեամբ, ճողորկանը մոծում էր նահապետական

45 «Ղարաբաղ», 1911, № 3:

բարբ ու վարքի հանդեպ իր ունեցած ծանրախոհ սիրո առհավատչյալն: Նա լցված էր գուրգուրող զգացումներով տան հարյուրամյա նահատակների՝ վարդան պապի նկատմամբ: Մի անխորտակ հաստատուն կաղնի էր սա, որ ճյուղավորվել էր խիտ սաղարթով: Ավագանց տան յոթ եղբայրների մեծ ընտանիքը շարժվում էր միայն նրա գավազանի օգնությամբ. «Բարոյականության մեղք ու կաթն էր ծորում» այստեղ ամեն բանից: «Նրա զավակները հայհոյել, գողանալ, կեղծել, ուրիշի ունեցածը թալանել, ուտել, գոփե-հափշտակել, անմեղին ոտնահարել... բարկանալ, սպանել շղիտեին, այլ ամենին սիրել ու խնկել, խեղճին օգնել ու պահսպանել, ճնշվածին բարձրացնել, ճնշողին խիստ դիմադրել, հայրենին սիրել ու հարգել... այդ էին ուսել ու ստացել ավանդապահ պապերից, որոնց հարազատ շառավիղներն էին նրանք»⁴⁶: Եթե «անբարոյականների աշխարհից» դուրս վերագարձած վաշխառու Մակին շէր կարողանում խեղճերին միանգամից ոտնատակ տալ, ապա միայն այն պատճառով, որ գյուղը դեռ ասլորում էր Ավագանց գերդաստանի հովանու տակ: Աբելը՝ վարդան պապի կրտսեր թոռներից մեկը՝ Շիրինանց Նախշունի բախտավոր փեսացուն, Մակարի «հողեառ հրեշտակն էր»: «Աստված Ավագանց Աբելին կարծես նրա համար պատիժ էր ստեղծել, իսկ գյուղացոց համար թև ու թիկունք»⁴⁷: Գյուղավեպի հիմնական կոնֆլիկտը դառնում է կուռք Մակարի և Աբելի հակասության շուրջը: Կովախնձորը Շիրինանց Նախշունն էր: Քաղաքում ապականված «գյուղական բարբարոսի ամենասոսկափի և վնասակար տիպ» Մակին փորձում էր Աբելին պոկել Նախշունից: Գործի էր դնում ամենաստոր միջոցները՝ ընդհուպ թուրք ավազակների հետ նորափեսային սպանելու դավակցությունը: Բայց վեպի «գլխավոր դադափարը», ինչպես «Սոս և վարդիթերում», այնպես էլ այստեղ, «ընդհանուրի կյանքն է», ծեսերը, սովորությունները, ավանդությունները: Ծիշտ է, ճողողությանը շունի Պոռչյանի ոչ հմտությունը, ոչ էլ իմացությունների պաշարը: Նա միայն փորձում է կենդանագրել նահա-

46 Չ. Բ. Ճուղուրյան, Շիրինանց Նախշունը, Թիֆլիս, 1911, էջ 46:

47 Նույն տեղում, էջ 86:

պետական գերդաստաններում հարսանեկան ծխակատարութիւնների ամբողջ ընթացքը: Կան իհարկեւ, քարքաղրական այլ մանրամասնութիւններ, ինչպես օրինակ, գլուղացիները սար բարձրանալը, ուխտագնացութիւնը և այլն:

Փողոկրդագրական հարուստ նյութերը առնված են սյուսետային ձևի մեջ: Իրական տպավորութիւնները, հնօրյա հիշողութիւնները վերարտադրվում են ամենայն մանրամասնությամբ և արդեն որպէս գլուղավեպի սյուսետային ընթացքը կողմնորոշող գործոններ: Ուխտագնացութեան տեսարանները մեկում, օրինակ, գրողը ներկայացնում էր Արշակ Ագապյանին իր աշակերտների հետ: Աբելի սեղանին նստած զվարճացնում էր «հայ աշակերտների և գլուղացիների հոգեբանութիւնը լավ ըմբռնող» Ագապյանը: Պարզ, անպաճուճ ճարտարախոսութեամբ նա գրավել էր «բոլորի ուշադրութիւնն ու համակրանքը»⁴⁸:

Գլուղագիրը, այսպիսով, ոչ միայն հավաստում էր իր սլամութեան վավերականութիւնը, այլև փողոկրդագրական նյութերի հավաքման նախընտրելի եղանակ մատնանշում: Երկու դեպքում էլ հեղինակը ձգտում էր իրապատում եղելութիւնների ամբողջ հմայքը գլուղավեպին հաղորդելով՝ ձեռք բերել հուշագրական-ակնարկային ոճի պարզ ու թեթև դուրմբունելիութիւնը:

Երբ լույս տեսան «Մոռացված աշխարհի» առաջին գրքույկները՝ «Նոր-Դարը» երկու հանձնարարական տպագրեց: Որպէս Ճուղուրյանի ստեղծագործութեան առանձնահատկութիւն ընդգծվում էր հատկապէս պատկերներում արտացոլված գլուղական կյանքի համարժեքութիւնը՝ իրականին: «Հեղինակը, — ասվում էր առաջին հանձնարարականում, — ընթերցողին տանում է մոռացված աշխարհը, գլուղն, և իրեն հատուկ բնածին շնորհքով, որպէս հայելու մեջ, նրա առաջ պատկերացնում հայ գլուղացու շարն ու բարին, նրա առօրյա կյանքն յուր բոլոր երևույթներով»⁴⁹: «Մոռացված աշխարհի» երկրորդ հատորը բնութագրելիս «Նոր-Դարի» մի այլ գրախոս գրում էր. «Սարկավագ Ճուղուրյանի ինքնուրույնու-

48 Է. Բ. Ճուղուրյան, Շիրինանց նախշունը, Թիֆլիս, 1911, էջ 161:

49 «Նոր-Դար», 1895, № 7:

թյունն արտահայտվում է ինքնաբերաբար... դա մի աղբյուր է, որ բխում է յուր ակունքից բնականաբար, առանց արհեստական միջոցների, նույնիսկ առանց շափ ու սահմանի»⁵⁰:

Թե «Մոռացված աշխարհի» գրքույկների և թե «Շիրինանց նախշունը» գյուղավեպրի համար տիպական այս առանձնահատկությունների մատնանշումը հաստատում են մի բան, որ Ճուղուրյանը շեր շեղվել է գյուղի ուսումնասիրության ու իր նախասիրած մեթոդից: Եվ եթե վերջին ստեղծագործության մեջ նա ավելի հակվել էր դեպի ազգագրական նյութերի վերարտադրությունը, այս դա միայն հետևանք էր ոչ թե աշխարհայացքային սեղաշարժի, այլ բնական մի անցման, երբ պարզապես գործադրվում է գյուղական վյանքի հետազոտության երկպլան (սոցիալական և ազգագրական) եղանակը⁵¹: Ինչ վերաբերում է գյուղավեպում նահապետական հարաբերությունների իդեալականացման և հակաքաղաքային տրամադրությունների առկայության փաստին, այս պետք է նշել, որ օպոզիցիան քաղաքային քարքերի հանդեպ և հին, բարի ժամանակների կարոտը, բոլոր գյուղագիրների աշխարհայացքում մի հաստատուն տեղ ունի: Հազիվ թե հնարավոր է, հենվելով միայն այս իրողությանը, գրողների մի ամբողջ խմբի ժողովրդասիրական (նարողնիչեստվո) ուղղության ներկայացուցիչներ համարել:

1900-թվականներին սկզբներին Ճուղուրյանի ստեղծագործության մեջ տեղի են ունենում նշանակալի փոփոխություններ: Նախկին նորդարականը որոշապես աղատվում է Ագապյանի գաղափարական ազդեցությունից և թեքվում դեպի նարողնիկության գաղափարական կողմնորոշումները: Անկասկած է, որ դարասկզբի հեղափոխական շրջագրությունը՝ գյուղի և գյուղացիության հարցերով զբաղվող գրողների մեծամասնությանը հարկադրում էր վերանայել հնօրյա հայացքները, ճանաչել ու հետազոտել գյուղը, ինչպես Փափազյանն էր ասում, «ավելի սառնասիրտ, անաչառ և

50 «Նոր-Պար», 1895, № 36:

51 1899-ին Ճուղուրյանը հրատարակեց արդեն գրեթե բացառապես ազգագրական բնույթի մի երկասիրություն՝ «Աղա սուրբ Սարգիսը և Մալաք տատի հավատը» վերնագրով:

վերլուծական» տեսանկյունից: Թեև թափ էր լինում գյուղը իդեալականացնող մտայնությունը: Մարդիկ ազատվում էին շատ նախապաշարմունքներից, և եթե նույնիսկ ինչ-որ տեղ դեռ չէին հրաժարվում լուսավորության, օգնությանը գյուղական իրականությունը վերափոխելու շարժանք ամրակայված տեսակետից, ապա գոնե այդ իրականությունը պատկերահանում էին դաժանորեն և անխնա, բարդում էին հակասությունները, սրում էին փոխհարաբերությունների իրական լարվածությունը:

1902 թվականին Ճուղուրյանը հրատարակում է «Աղբատի հալը» վիպակը: Գյուղական իրականությունը ներկայացնելու նոր մեթոդ չէր մշակել գյուղագիրը, դարձյալ գործում էր հարուստների և աղքատների հակադրության այն եղանակը, որի ճանաչողական սահմանափակությունը ընդգծել ենք վերը: Բայց Ճուղուրյանը այս անգամ այդ հակադրության բովանդակության սահմաններն էր ընդլայնել՝ առնելով բաղմապիսի փաստեր և, որ կարևորն է, ընդգծելով ու սրելով դասային հակասությունների սոցիալական իմաստը:

Աղքատ Մեջլումը և սրա ընկեր Միքելը շարժարի տակ կանգնած, ահ ու դողով լսում էին գյուղամիջից հասնող ձայները: Արևակեր վաշխառու Ղահրամանը ճիպոտի տակ էր գցել Սաքնի տղա՝ Սահակին:

— Վա՛յ, վա՛յ, ազատեցեք, աչքս հանեց, ձեզ մատաղ, թե ձեր որդիքանց արևը կսիրեք, թողալ միք, ինձ մորթըմ են... վա՛յ... — ձայնում էր անօղնական Սահակը հավաքվածների գթությունը հայցելով⁵²: Ոչ ոք, սակայն, օգնության չէր հասնում. ո՞վ կհամարձակվեր, գազանի ձեռից ազատել «խեղճ թշվառին»:

Մեջլումի և Միքելի զրույցի մեջ բացահայտվում է հարուստների հանդեպ գյուղական շքավորության խոր ատելությունը: Նրանք ոչ միայն գիտակցում են իրենց դրության ամբողջ աղետալի դժբախտությունը, այլև խորապես ըմբռնում դրա պատճառները:

— Բա էդ արևկերները չեն պատճառը, որ մենք տարին

52 Հ. Բ. Ճուղուրյան, Աղբատի հալը, Թիֆլիս, 1902, էջ 12:

տասներկու ամիս արին-քրտինք դցելով, դիշեր-ցերեկ աշխատում ենք ու... էլի յախեքս պատուած, էլի ծունկերս ծակ, անտրեխ, առօրյաօրյա, էլի պատառներս շոր ու ցամաք, ծանդր-ծանդր պարտքերն էլի էս խեղճ շէնքներիս ու շէնքներիս...»⁵³։

Սաքնի տղան Ղահրամանից առած տաս ոտբլու դիմաց արդեն վճարել էր 340-ը, փակել մուրհակը և ազատվել հոգեհոգից։ Բայց վաշխառուն, հին այդ խարդախը, մեջ էր բերել մի նոր պարտաթուղթ և կեղծ վկաներ, որոնք հաստատում էին նրա իրավունքը։ Սահակից խլում են լծկանը և իրեն էլ նետում լվոտ գոմը։

Ճուղուրջանը այս անգամ մարդկանց մի նոր խմբի էլ է դատապարտում՝ գյուղական գրագիրներին և տիրացուներին։ Սրանք «ավելի մեծ շարիք են գյուղացոց համար,— գրում է նա,— քան թե վաշխառուներն ու ավազակները։ Այդպիսիներն են ուսմիկ ժողովրդի անբուն ցեցերը»⁵⁴։ Ապօրինի և կեղծ բարաթների, սանթաների, համախոսականների, հրեշավոր պայմանագրերի այդ հեղինակները խաբում ու թալանում են հողի աշխատավորին. միաբանվելով գյուղի մեծահարուստների հետ, նրանք հովանավորում են գողոսթյունը, ավազակոսթյունը, տարածում են անբարոյականոսթյուն, բամբասանք, մատնոսթյուն. «նրանց ձեռքով են կատարվում աղքատներին քայքայող ու ավերող կաշառակերոսթյունները, թալանել, կողոպտել, գոմերից ապրանք քշել-տանելը, դեղերը կրակելը, վազները կտրելը և մարդասպանոսթյուններն ու սուտ վկայոսթյունները»⁵⁵։

Գյուղի «լենուեխ դիլանոնց» հասցեին աղքատ-չքավորը անկյուններում է միայն բարձրացնում իր ձայնը՝ այն էլ վերին բարձրյալին ուղղած աղաչանք. «Ճարումս ճար չկա, որ մահ դառնամ բուզները կվազեմ»,— ասում է Միքելը, ամեն ինչից արգեն հուսահատ։

Վիպակի դրամատիկ ընթացքը մի նոր թափ է առնում Սահակի բանտարկոսթյունից հետո։ Այս անգամ մի ուրիշ գոհ է կանգնած Ղահրամանի առաջ։ Մեջումը պարտքի դիմաց պետք է

53 Չ. Բ. Ճուղուրջան, Աղքատի հալը, Թիֆլիս, 1902, էջ 6—7։

54 Նույն տեղում, էջ 35։

55 Նույն տեղում, էջ 36։

հնձեր «գիլատամի» արտը: Իրենը մնում էր և դեռ կարող էր կծղել ու շոր տափին թողնել խեղճ աղքատին: Ճուղուրջանը նկարագրում է կյանքի համար կռիվ տվող Մեջլումի հուսահատ աշխատանքը: Փուշ ու տատասկի մեջ կորած գարատեղում Մեջլումը սպառում է իր վերջին ուժերը: 10 օրվա աշխատանքը երեք օրում ավարտելու մտադրություներ՝ ինքնասպանության վճիռ ընդունելու պես մի բան էր: Երկրորդ օրը՝ կեսօրին նա ընկնում է արտում՝ շնչահեղձ և անկենդան:

«Տեր, քե եմ ասում, թե որ դու արդար դատաստան ունես, խի՞ չես էն արնկերի կնկանն էլ իմ օրը զըցում», — լաց ու շիվանի մեջ բողբոմ էր Սարգյուլը՝ Մեջլումի կինը:

Ճուղուրջանը այս դեպքում օգտագործում էր հակադիր տեսարաններից ստացվող տպավորության ուժը: Այս հնարանքը հաճախ էին գործածում գյուղագիրները: Այստեղ ողբ ու կոծ, աչնաեղ՝ քեֆ-ուրախություն: Ղահրամանը գյուղի մեծամեծներին հետ զվարճանում էր իրիկնապահին, փակ գյուղի ծայրից գալիս էր Սարգյուլի սրտապատառ ողբասացության ձայնը: Այս պահին է, որ գյուղ է մտնում Սահակի մերձավոր ազգականներից մեկը՝ Գիրքոնն՝ վրեժխնդրության կրակով վառված:

Ո՞վ էր այս Գիրքոն: Ճուղուրջանը պատմում է, որ Պ. գյուղում ապրում էր մի դադափարական ուսուցիչ՝ Միմոն վարժապետը, որ բաց էր արել գյուղացիների աչքը՝ իրենց «չարակամն ու բարեկամը» ճանաչելու: Մինչ վարժապետի գյուղում հաստատվելը, չքավորները դարձյալ «գիշատվում էին վաշխառուների ճանկերում»: Եկավ Միմոն վարժապետը և «իսկ ու իսկ ուսուցչի կոշմանը հավատարիմ» դարձավ մի «լուսատու ջահ» մոռացված, խավար գյուղի համար: «Նա վեց տարվա ընթացքում կռվելով խավարի դեմ, յուր օրինական և ազդու բողբոքներով տանուտերի ու դատավորների ասօրինի վճիռները քանդել տալով, պատժել էր տվել նրանց, աչքերը վախեցրել, կամայականությանները կոտրել և բուռն կերպով սանձահարել էր ամբողջի տգիտությանից օգտվող ցեց ու տղրուկներին»⁵⁶:

56 Չ. Բ. Ճուղուրջան, Աղքատի հալը, Թիֆլիս, 1902, էջ 78:

վարժապետը գյուղում բաց էր արել մի դպրոց, ուր հավաքվել էին շրջակա գյուղերի երեխաներն ու պատանիները: Սրանց սովորեցնում էր ճանաչել կյանքը, տարբերել հալածողներին՝ հալածվողներից: «Ազատիչ հերոսների կյանքից յուր կարդացած վեպերով ու պատմություններով» վառում էր աշակերտների և գյուղացիների սրտերը ու գործողության մի նոր ուղի մատնանշում մարդկանց՝ սեփական շահերը պաշտպանելու համար: Անկասկած դադափարական այս ուսուցչի տիպարի մեջ Ճուղուրջանը խտացնում էր գյուղում աշխատող նարդինիկ-հեղափոխականի գծերը: Գիքոն այս ուսուցչի աշակերտն էր, և երբ Ղահրամանին սեղանի վրա գնդակահար անելուց հետո գյուղ դարձավ, Սիմոն վարժապետին մանրամասն պատմեց «վաշխատուի կյանքի» իրական պատմությունը այն հաշվով, որ նա «էլի մտածի, էլի վբաղվի ու աշխատի բարվոքել աղքատի հալը Մոռացված աշխարհում»⁵⁷:

Վիպակի այս ավարտը հուշում է, որ Ճուղուրջանը կտրելանցել էր նախկին դադափարական կողմնորոշումների սահմանները: Անարդարության դեմ պայքարի հնօրյա եղանակները այլևս չէին բավականացնում: Գաղափարական մարդկանց թելադրանքով ու գիտություն՝ գյուղացին հանում էր խռովահույզ քմբոստության զենքերը և մղվում հարստահարիչներին անգթորեն պատժելու ուղին: Այն խոր համակրանքը, որ ցուցաբերում էր զրոյը Սիմոն վարժապետի հանդեպ, ըստ էության, գործունեություն ժողովրդասիրական եղանակը նախապատվելու կողմնորոշումից էր ծնվել: Մի ժամանակ Ճուղուրջանը գյուղացու նյութական ու բարոյական դրովյան բարեփոխումը կապում էր արդարամիտ ու աղքատասեր տանուտերի և նրան օգնելու ելած չքավոր մեծամասնության միասնության հետ: Ճիշտ է, գաղափարական ուսուցիչն էլ, Սարգիս քյոխվի նման («Գյուղական ամբոխը») կառավարությունն ուղղած «օրինական և ազգու բողոքներով» էր կարողացել վերջ դնել գյուղում կատարվող հանցագործություններին և դասային անհավասարությանը: Բայց նա, մյուս կողմից, դեմ

57 Նույն տեղում, էջ 86:

չէր արդար ու պատժապարտող ձեռքի գործողություններին: Գյուղական «ցեց ու տղրուկներին» այլ կերպ էլ չէր կարելի զսպել: Այս համոզմանն էր եկել Ճուղուրջանը, անշուշտ, Ռուսաստանը այդ պահին ճարակող գյուղացիական հուղումների աննախընթաց վերելքի ազդեցությամբ:

Երբ նա գրում էր «Զատոյի բախտի անիվը» վիպակը, 1905 թվականի հեղափոխությունը նրան պատկերանում էր որպէս «արդար դատաստանի» սկիզբ: 1909 թվականին ցարական ցենզուրան բռնագրավեց վիպակի ամբողջ տպագրանակը և ոչնչացրեց: Ճուղուրջանին դատեցին փակ դատավարությամբ: Դժբախտաբար այդ մասին չափազանց ժլատ տեղեկություններ է հաղորդում գյուղագիրը իր կենսագրական պատառիկներում: Նա միայն հիշատակում է, որ ոչնչացված հատորը վիպակի առաջին գիրքն էր, և որ այդ դատավարությունը տեղի է ունեցել 1909 թվականին:

«Զատոյի բախտի անիվը» հայ գյուղագրական գրականության նշանավոր երկերից մեկն է: Լայն ընդգրկումը և հեղափոխական իրադրությամբ պայմանավորված հակապետական տրամադրությունները վիպակին տալիս են ակնառու առավելություն:

Անարգարության դեմ բողոքի պասսիվ և ենթակայական մտորումները գյուղացու գիտակցության մեջ առնում են վերին բարձրյալին ուղղած աղաչանքի ձևեր.

— Ախ, աստոծ ջան, յանի ինչ կլինի, որ մի անգամ էլ ինձ աջողություն տաս,— հառաչում էր Զատին:

Աչքը երկնքին, հույսը բախտի վրա դրած գյուղացին երագում էր իր պապենական հողը վարել և ինքնուրույն տնտեսություն ունենալ: Զատոն մարաբա էր: Կնոջ հետ ուրիշի դռանն էր ծառայում: Միտք ուներ վայրի կատուներ կամ աղվես որսալ ու հասնել նպատակին: Թակարդներ էր լարել անտառում և սպասում էր աստծու օգնությանը:

Զբավոր, անճար և անօգնական աղքատները,— նկատում էր Ճուղուրջանը,— գանգատվում էին աստծուն և միայն նրա հետ կապում իրենց ամբողջ հույսը:

— Ախ, աստոծ ջան,— մի ուրիշ անգամ էլ ասում էր Զա-

տոնն — ինչ կլինի, որ մի անգամ մի մհանով (դիպվածով) էլ իմ ձեռքը մի քանի կոպեկ գցես⁵⁸;

Ճուղուրջանը դիտավորութեամբ ընդգծում է գյուղացու հոգեբանութեան հենց այս կողմը: Վիսպակի հետագա ընթացքում գրողը բացահայտում է վերին բարձրյալից հողի աշխատավորի սպասելիքների ամբողջ ունայնութեանը:

Բախտը ժպտում է Չատոյին. երկու զույգ մորթին նրան լըծկանի տեր է դարձնում: Չատոն, ճիշտ է, պարտքի տակ էլ է ընկնում՝ դումարը լրացնելու համար, բայց նա հույս ուներ դավճարել գալ տարի՝ հանդ ու արտի եկամտից:

Գարունը բացվեց Չատոյի համար բախտավոր օրերով: Առաջին անգամ իր կյանքում գյուղացին դաշտ էր դուրս գալիս սևփական լծկանը առաջն արած: Նրա կրծքի տակ ծփում էր երջանկութեան զգացումը: Հարեան գյուղացիները օրհնում և աչքալուսանք էին տալիս նրան.

— Վարըդ շատ ըլի, էհե՛՛ն՝ Խըշատուր... աստված տա, որ եթե շոր քարի վրա էլ սերմը գցես, կհանշի ու մեկին հարիր, մեկին հազար ծաղկի ու պտղի⁵⁹:

Բայց աղքատին աստված արքայութուն երբևք չի տվել, — ասում է Ճուղուրջանը: Չորսյինը շուտ ավեց Չատոյի բախտի անիվը: Արտը կծղեց, եղներից մեկը գողացան նախիրի միջից: Հասավ պարտքը վճարելու ժամանակն էլ և դժբախտութունը միանգամից իր գիրկն առավ խեղճ աղքատին: Սակայն Չատոն դեռ հույսը ասածուց չէր կտրել, ընկել էր գյուղերը՝ նոր պարտքի հետևից:

Ճուղուրջանը հետևողականորեն բացահայտում է Չատոյի՝ Աստծու հանդեպ ունեցած հավատքի ամբողջ պատրանքայնութունը: Բախտը, գյուղացու պատկերացմամբ, վերին բարձրյալի ձեռքի գործն է, կամեցավ՝ կտա, չկամեցավ՝ կթողնի անճարութեան մեջ: Բայց գյուղագիրը հասու է այն մտքին, թե բախտը, ըստ երեվույթին, տնօրինում են իրենք՝ մարդիկ, և որ նրանց գործերը կառավարում են այս աշխարհի հզորները:

58 Ն. Բ. Ճուղուրջան, Չատոյի բախտի անիվը, Թիֆլիս, 1909, էջ 13:

59 Նույն տեղում, էջ 23:

«Շունը շան ոտը կոխիլ չի»,— ասում է գյուղագիրը, երբ նկարագրում է փող ճարեպետ համար Չատոյի թափառումները գյուղերում: Վաշխատուն «մի Չատոյի համար» իր նմանի «խաթրին չի դիպչիլ»: Գյուղացին տուն վերադարձավ ձեռնունայն և դեռ այստեղ էլ նրան սպասում էր մի նոր դժբախտություն՝ կինը՝ Նարգիզը, հազիվ փրկվելով մահից, օրապակաս աղջիկ էր ունեցել:

Փրկության միակ դուռը վերահաս դժբախտություններից Չատոյին և սրա կնոջը պատկերանում էր ոչ այլ կերպ, քան Աստու աչքը իրենց վրա «բաղցրացնելու» գործուն միջոցներին դիմելու պատվախնդիր քայլի ձևով:

— Եթե մի անգամ էլ ես Քրիստոսին քավոր կաղնեմ, նրա խաչը հանեմ ջրից, կարելի ա, որ բախտս բացվի...,— մտածում էր Չատոն, 5 ուրբի պարտք վերցնելով հարևաններից: Խաչքավորության համար նա հատուկ պատրաստություն էր տեսնում: Նարգիզը մաքրում-խտակում էր տունը: Թոնրի շրթին քլթացող կերակուրները հպարտությամբ էին համակում աստու հանդեպ իր պարտքը կատարող հավատավորին: Հանդիսավոր երկյուղի և ամոթխածության միջով լողում էր գյուղացու սիրտը դեպի Քրիստոսի խաչը: Եկեղեցում հավաքվածները զարմանում էին Չատոյի համարձակության վրա: Երբ խաչը ջրից հանելու ժամանակը եկավ, նա անհամբեր մեկնվեց դեպի սուրբ ավազանը: Քահանան սակայն հեռացրեց նրան բիրտ կոպտությամբ: Առաջ եկավ մեծահարուստ Թոխնանց Թորոսը և մի հնգանոց սահեցնելով քահանայի ձեռքը՝ հեղնոտ հպարտությամբ ջրից դուրս քաշեց Քրիստոսի օրհնված խաչը: Որպես սպանիչ հեգնանք և ստորացում՝ գտան բերին մի «երկաթե խաչ և ուզում էին, որ Չատոն հենց դա հանի ավազանից:

— Ձէ՛, չէ՛. ես թուրք եմ դառնալու,— շուռ տալով կերակուրը փողոցի շների առաջ,— ասում էր գյուղացին,— ես այսուհետև էլ ասծուն հավատալ չեմ. էլ ասելու չեմ թե յա Քրիստոս կա, յա պատարագ, յա մեռոն, յա խաչ, յա թե չէ հոգի ու հավատ, որտեղ նստեմ ասելու եմ՝ չիմ սուտ եմ⁶⁰:

60 Ա. Բ. Ճուղուրյան, Չատոյի բախտի անիվը, Թիֆլիս, 1909, էջ 66:

Այսպես մահացու հարված ստացավ աստծու և Քրիստոսի հանդեպ Չատոյի ունեցած հավատը: Ամեն ինչ մի նոր կողմից լուսավորվեց: Նա տեսավ, ինչպես արտահայտվում է Ճուղուր-յանը, «աղբատի աստծո կուրությունը»: Եվ այլևս ոչ մի բան նրան դարձի քերել չէր կարող: Եվ երբ գարնանը այդ նույն Թոսի-նանց Թորոսը, այգին ընդարձակելու դիտավորությունը, ցանկապատի մեջ առավ Չատոյի մի օրավար հողը, գյուղացին մտածեց պաշտպանել իր իրավունքը: Դիմեց նախ Թորոսին, հետո տանուտերին ու գյուղական քահանային:

— Հողը թագավորինն ա,— ասաց տանուտերը,— քոնը չի, ում ուզենամ նրան կտամ. իրավունքն ինձ ա տրված:

Չորքայական իրավունք. ո՞ւմ ասես հայտնի չէ, որ աշխարհը կառավարվում է այդ օրենքով: Չատոն, որ արդարութուն էր որոնում ուժեղի մոտ, գյուղացիական պարզ խելքով հասկանում էր դա: Միայն թե դեռ մի ծածուկ հույս ունեւր ամառիկարա անի-րավույթյան դեմ շարժել մարդկանց գթասրտությունը:

Ճուղուրյանը նկարագրում է անցքին ականատես գյուղացի-ների խռովքն ու վիշտը Չատոյի քախտի հանդեպ: Բայց նրանք,— ասում է գյուղագիրը,— ընկղմված էին խոր սգիտության մեջ: Նրանք ճիշտ է, կարեկցում էին համագյուղացուն, բայց զուրկ էին ուսման ու կրթության շնորհիվ ձեռք բերված «գիտակցու-թյան լուսից»: Գյուղը շուներ ուսումնարան, ոչ էլ մի «լուսավոր-հոգևորական, որ կատարելով և յուր պարտականությունները և համաձայն քրիստոնեական բուն ոգոսն, ավետարանական ճշ-մարիտ քարոզությունովը հեղափոխեր յուր ժողովրդի միտքն ու ոգին և վրեժխնդրությամբ լցներ նրանց սիրտը դեպի անաստված հարստահարիչները»⁶¹:

Մոռացված աշխարհի այդ հեռավոր ու խուլ անկյունում մարդ-կային ճակատագիրը տնօրինում էր զորեղի կամքը: Գյուղացիների «ընկերական գիտակցությունն ու պատվասիրությունը» ենթարկ-ված էր հարստության բռնի ուժին:

Իր հողակտորը պաշտպանելու ելած գյուղացին օրհասական

61 Հ. Բ. Ճուղուրյան, Չատոյի քախտի անիվը, էջ 78:

կուլի էր դուրս եկել հենց այդ բռնի ուժի դեմ: Կյանքի անտանելի պայմանները, «վիրավորանքները... արհամարհվիլն ու ոտնահարվիլը և բռնի ու բացարձակ զրկողությունները» այլևս համբերութեամբ տեղ չէին թողել: Չատոն գնում էր աղայական անիրավությունը պատժելու՝ արդեն լրիվ կերպարանափոխված:

— Հողն իմն ա, — գոչում էր նա, — տանուտերն էլ ա անիրավ, պրիստավն էլ, սուղն էլ, մեր երեցն էլ, ու, հենց թեկուզ աստոծ էլ, որ էսպէս անիրավների գլխին քարեր չի գցում⁶²:

Այս գիտակցությունը ձևացել էր տարիների դառնություններից. գյուղացու սիրտը մրրկում էր անպատիժ անիրավութեամբ բարձրագահ ինքնավստահությունը: Թուխնանց Թորոսի գլուխը բահով ճեղքելով, Չատոն հույս ուներ միանգամից վերջ տալ անիրավի կյանքին: Բայց ինքն ընկավ արնաշաղախ և մահացու հարված ստացած:

Գարձյալ քննելով ամբոխի վարմունքը Չատոյի եղեռական սպանութեան նկատմամբ, շուղուրյանը արիստասանքով և սրտի խոր կսկիծով նկատում է, որ համագյուղացիների մեջ այդ պահին չգարթնեց վրեժխնդրութեան զգացմունքը. «Ոչ մեկի մտքից չէր անցնում կործանել, հրդեհել, ավերել Թուխնանց Թորոսի հոյակապ տունն ու ընդարձակ այգին, որոնք տասնյակ դոճերի և Չատոների արյունով էին կառուցված ու կանգնած»⁶³:

Գյուղագիրը իսկական եղեռնագործներ է համարում սպանութեան վայրը հասած ոստիկաններին, դատավորներին, տանուտերին ու յասավուլներին: Թուխնանց Թորոսը կաշառքի օգնութեամբ աղատվեց պատժից: Բայց, ինչպես նկատում է շուղուրյանը, տաս տարի անց, 1905 թվականին, եկավ արդար դատաստանի օրը: «Հեղափոխութեան շնորհիվ սարսափ տիրեց հարքստահարիչներին ու կաշառակերներին»⁶⁴:

Մի գիշեր՝ այրեցին Թորոսի ապարանքը և իրեն էլ հրացանազարկ արին: Չատոյի որբերը ետ ստացան պապենական հողը:

62 Հ. Բ. Ճուղուրյան, Չատոյի բախտի անխլը, էջ 90:

63 Նույն տեղում, էջ 95:

64 Նույն տեղում, էջ 98:

Վիսպակի այս ավարտը շափազանց հատկանշական է Ճուղուրյանի գաղափարական նոր կողմնորոշումները փնահատելու համար: Ռուսական առաջին մեծ հեղափոխությունը նրան պատկերանում էր որպես՝ «ժամանակի արդարագատություն» վերականգնման սկիզբ: Դասակարգային դիրքորոշումը այս դեպքում հետևանք էր շքավոր գյուղացու հասարակական ճակատագրի մանրազնին հետազոտության:

Դեպքերի զարգացման ամբողջ ընթացքը գյուղագիրը առաջ էր մղում այնպես, որ ընթերցողի համար պարզ դառնա իրականության դրդումով աստիճանաբար աղքատ գյուղացու գիտակցության մեջ տեղի ունեցող ինքնաազատագրման երևույթը:

Չատոն հաղթահարում է աստժու և սեփական բախտի միջև եղած սերտ առնչության նախապաշարմունքը: Այնուհետև անցում կատարում դեպի իրեն բաժին ընկած ճակատագրի իրական պատճառների ըմբռնումը: Երբ նրա համար պարզ դարձավ, որ մարդը սեփական ուժով միայն կարող է սեփական բախտը դարբենել, որոշեց ըմբոստանալ և մաքառել «իրենից անհամեմատ ուժեղի դեմ»: Անհավասար դրսեմարտում անարդարությունը հաղթանակեց: Բայց դա տրամաբանական վախճանն էր այն ամենի, ինչ կոչվում է միայնակ մարդու ճակատագիր: Եվ դա գրողը լավ էր հասկանում: Վիսպակի ավարտի մեջ Ճուղուրյանը ընդգծում էր այն նոր միտքը, թե արդարությունը վերականգնող ուժը թաքնված է «հարստահարիչներին սարսափեցնող» հեղափոխության ընդերքում:

Այն կապը, որ կար գյուղագրի նախկին հայացքների և աշխարհը սասանող դարասկզբի հեղափոխական անցուդարձերի ազդեցությունամբ ձեռք բերված համոզումների միջև, դժվար չէ ցույց տալ: Չքավորության և աղայության սուր հակադրումները միշտ էլ եղել են գյուղագրի տեսադաշտի կենտրոնում: Միաբանվելու քարոզը, միասնաբար աղայությանը դիմակայելու միտքը անցնում էր նրա յուրաքանչյուր պատկերում: Չատոյի կործանումը և լուսավորության ու ավետարանական ճշմարտությունների օգնությունամբ գյուղական իրականությունը վերափոխելու ցրիվ մտքերը դաշնում էին հասարակության միասնական ուժի հանդեպ գրողի

ունեցած այն պատկերացումներին, որոնք 1890-ական թվականներին քարոզում էր նա: Միայն թե այս դեպքում խորհրդածու-թյունները արդարութունը գտնելու շուրջ նրան բերում, կանգնեց-նում էին կովկասյան գյուղացիության 1905 թ. հեղափոխական ելույթները ողջունելու անհրաժեշտության առաջ:

շակի» անդրանիկ համարում տպագրված նյութերը արտացոլում են ժնեկյան հայ երիտասարդների ժողովրդասիրական մտածումներն ու դիրքորոշումը²։ Գյուղացիության ապստամբական շարժումները դիտելով հնարավոր քաղաքական ազատագրության ելուղի, հնչակյան տեսաբանները արձագանքում էին «ոուս նարողնիկներից ժառանգած գյուղացիական սոցիալիզմի գաղափարներին»³։ Արդեն 1889-ին տպագրած «Նոր հոսանք» հոդվածաշարում Ավ. Նաղարբեկյանը փորձում էր պատմական հիմնավորում տալ հայ գյուղացիության սոցիալիստական կամ, որ նույնն է, համայնավարական հակումներին, ապացուցել, որ գյուղացիական համայնքը «համայնական կոմունական կարգերի, հողատիրության կոմունական կերպերի» նախնական ձևն ու հիմքն է։

«Գործի» լիբերալ նարողնիկներին հայացքները քննության առնելիս տեսանք, որ Պետրոսիկի գյուղատնտեսական ակադեմիայի հայ ուսանողները հակված էին համայնական հողատիրության և համայնական սեփականության տնտեսական ուղիներում որոնել հասարակության ապագա բարօրության գրավականը։ Հիշատակել ենք արդեն, որ Հ. Տեր-Քարսեղյանն էր այն հավատացյալներից մեկը, որ կրկնում էր համայնքի ոուս տեսաբանների ծանոթ պնդումը, թե «համայնական սեփականությունը ընդհանրության քարեկեցության հիմքն է»⁴։

Այս նոր շրջանում հայ ազգային նարողնիկությունը գյուղացիությանը շահախնդրող հողային հարցը արծարծում էր որպես ազգի քաղաքական ազատագրության պրոբլեմի ղոսզակշիու։ «Հընշակի» անդրանիկ տետրակում հրապարակված «Թուրքահայի ներկան և ի՞նչ է հարկավոր անել» ծրագրային հոդվածում հնչակյանները արևմտահայ գյուղացիության սոցիալական դժբախտություն-

2 Մանրամասները տե՛ս Խ. Հ. Բաբսեղյան, Մարքսիզմի տարածումը Հայաստանում, գիրք առաջին, Երևան, 1967, էջ 167—176։

3 «Պատմա-բանասիրական հանդես» Երևան, 1968, № 2, էջ 19, Ա. Հովհաննիսյանի «Հնչակյանների կազմավորման գաղափարական արմատները» հոդվածը։

4 «Գործ» 1882, № 1, էջ 45, Խ. Հ. Բաբսեղյան, Մարքսիզմի տարածումը Հայաստանում, գիրք առաջին, էջ 149։

ների հիմքը տնտեսական կառավարչութեան աջ սիստեմի մեջ էին տեսնում, որ հայտնի էր թուրքական ավազակաբարո ռեժիմ անունով: «Թուրքական ռեժիմ, ռեժիմ անամարդութեան ու կոդուպուտների, ռեժիմ վայրենի բռնութեան ու բարբարոսութեանները, աշխարհի ահագին, օրինական ասված, բայց իսկապես անկանոն ու հարստահարիչ հարկեր է ծծում հայ գյուղացուց, անտես թողնելով նրա հողի տարածությունն իր պահանջներով և ժամանակի արդյունաբերութեան որքանութեանն ու որպիսութեանը, որ միանգամայն ոչնչացնում, աղքատացնում է ամենահարուստ գյուղացու գոյութեանն անգամ»⁵: Ավ. Նազարբեկյանը, անշուշտ, այս իրողութեանը նկատի ունենալով, երբ մենատնտես հայ գյուղացուն հանձնարարում էր միանալ համայնքին, որպես հավաքական ուժ՝ թուրք կառավարութեան հարստահարութեաններին և կամայականութեաններին դիմագրավելու համար: «Այսպիսի միացման երեւոյթներ,— ասում էր նա,— ներկայումս Հայաստանում պատահական երևույթների թվում չեն արդեն»⁶: Ռոմանտիկ ոգևորութեան մեջ հրապարակախոսի աչքին ուրվագծվում էր արևմտահայ գյուղերի համայնական միասնութեանը: Սկիզբ առնելով որպես ինքնապաշտպան ձեռնարկում համայնական միութեանները արդեն կատարում էին առաջին և ամենակարևոր քայլը՝ անհատական սեփականութեանը փոխարինում էին համայնական սեփականութեամբ: Եվ այսպիսով,— ասում էր նա,— «...հայտնվում է ամենահաստատ հիմք սոցիալիզմի ամենագլխավոր պահանջի հաջող իրագործման— դարձնել հանրական, հավաքական, հանրաժողովրդային սեփականութեան արդյունագործութեան ամենանշանավոր գործիչներից մեկը»⁷:

Հին այս պահանջը, որ վերակրկնվում էր 80-ական թվականներին վերջերին, հեղափոխական նարոդնիկութեան գաղափարաբանական գլխավոր առաջադրութեաններից մեկն էր, առաջադրութեան, որ սերում էր կապիտալիզմի «սպառնալից թշվառութեան»

5 «Հնչակ», 1887, № 1:

6 «Հնչակ», 1889, № 1:

7 Նույն տեղում:

ները» կանխելու մտահոգությունից: Խնդիրն այն է, որ թե ազգային և թե լիբերալ նարոդնիկները բանուկ էին համարում կապիտալիստական զարգացումը շրջանցող տնտեսական երթուղին, և հենց այդ երթուղու հեռանկարների մեջ նշմարում այն համադարմանը (գյուղացիական կամ համայնական սոցիալիզմը), որ ի վերջո կարող էր «կապիտալիստական կազմակերպությունից հեռու»՝ հնարավորություն տալ օգտվել «դրա հարկավոր և առողջ պտուղներից»⁸: Մի մտայնություն էր սա, որ ծաղկում էր ունալ տնտեսական շարժումը նարոդնիկական գաղափարների պրոկրուստեսյան մահճում բռնադատելու հողի վրա:

Համայնքի հետ կապվող հասարակաշինական ուղեգծումները հայ նարոդնիկների ազգային-քաղաքական ծրագրերի մեջ էին մտնում ոչ միայն և ոչ այնքան այն պատճառով, որ նրանք (նարոդնիկները) սոցիալիզմը գերապատվում էին տիրող հասարակարգից, այլ գլխավորապես գյուղացիության հետ ունեցած իրենց դասակարգային համերաշխությունը ընդգծելու համար: Ի վերջո ամեն ինչ դառնում էր զանգվածային այդ խավի սոցիալական ապագա ճակատագրի շուրջ:

1890-ական թվականների սկզբներին ժնևում Ալ. Աթաբեկյանը հրատարակում է «Համայնք» շաբաթաթերթը, ուր միանգամայն որոշակի ձևակերպում են ստանում դեպի գյուղացիությունը կողմնորոշված հայ նարոդնիկության կենկալիքները դասակարգային այն պայքարի հանդեպ, որ պիտի մղեր ուսմիկը սոցիալական ազատագրության համար: «Հայ ժողովրդի իսկական փրկությունը, — գրում էր «Համայնքը» — նրա տնտեսական ազատության վրա պիտի լինի հիմնված»⁹: Տնտեսական ազատագրությունը պիտի հիմք հանդիսանա ազգի քաղաքական ազատագրության¹⁰: «Համայնքի» սոցիալիստները այս բանն ընդգծում էին հեղափոխական շարժման համաեվրոպական ուղիները նկատի

⁸ «Հնչակ» 1889, № 3, եսև Ա. Հովհաննիսյան, Հնչակյանների կազմավորման գաղափարական արմատները, «Պատմա-բանասիրական հանդես», 1968, № 2, էջ 21):

⁹ «Համայնք», Փարիզ, 1894, № 1:

¹⁰ Նույն տեղում:

առնելով. «Տնտեսական այդ ահեղ հեղափոխութեան փոթորկի աղմուկը խուլ կերպով լսւում է արդեն ամեն կողմից»¹¹: Եթե հայ հեղափոխական շարժումը հենվում է նույն գործոնների վրա և զարգանում նույն օրինաչափություններով ինչ համաշխարհայինը,— հետևաբար այն «հայրենասիրական ֆանատիզմի արդյունք չէ»¹²: Այն ծնունդ է առել հայրենիքում ապրող ժողովրդի ահագին մեծամասնութեան՝ երկրագործների անտանելի դրությունից: Տնտեսական հարատահարությունների և բռնի ունեզրկումների դժոխային քաղաքականութեան ամբողջ ծանրությունը ընկած է գյուղական համայնքի վրա: Համայնքն է, որ տանում է այն լախտի անխիղճ հարվածները, որ կոչվում է ընդհանուր շքավորություն, անապահովություն, տնտեսական քայքայում: Բայց և այստեղ է, որ ծովանում են ինքնաազատագրման ուժերը, այստեղ է, որ սկիզբ է առնում այն մանրիկ արիքը, որ հետո փոթորկելու է կարիքի այդ մեծ աշխարհը: «Համայնքը ազատութեան վարժարանն է»: Եթե հնչակյան նարոդնիկները հողի համայնացման իրենց պահանջներով, այնուամենայնիվ, սոցիալիզմը հեռավոր նպատակ էին համարում, ապա Ա. Աթաբեկյանը ընդգծում էր ազատագրական շարժման իդեալը «համայնական պահանջների» վրա ձևելու անհրաժեշտությունը: «Բավական է, որչափ մենք մեզ խաբեցինք օղային ամմիտ բացականչություններով, բավական է որչափ աննպատակ և մեքենայաբար կրկնեցինք «ազգային անկախություն» և «Հայրական կառավարություն» խոսքերը: Ժամանակն է այդ «ազգասիրական» բացականչությունները թողնել, ժամանակն է մեր ազատական իդեալը համայնական պահանջների վրա հաստատել և մեր մարտին էլ նույն ուղղությունը տալ»¹³: «Համայնքի» պատկերացմամբ ամենամասսայական շարժման հիմքը միայն ու միայն կարող էր դառնալ գյուղական համայնքը, մասնավորապես այն իմաստով, որ առաջադրված հեղափոխական իդեալը՝ սովյալ դեպքում հողի «ընդմիշտ համայնացումը», ամենքին, նույ-

11 «Համայնք», Փարիզ, 1894, № 1, էջ 1—2:

12 նույն տեղում:

13 նույն տեղում, էջ 4:

նիսկ «ամենառամիկ մարդուն» անգամ հասկանալի մի բան է։
 Եթե կա իդեալի աչդպիսի մատչելիություն, ապա անհնար է շեն-
 թագրել, որ ազատագրական շարժումը ամենուրեք գործնական
 բնավորություն կստանա։ Ընդգծելով իր քարոզած գաղափարների
 միջազգայնականությունը Ալ. Աթաբեկյանը պատենշում էր սեփա-
 կան ծրագիրը «ազգայնություն» թիրախից և «հայկական խնդրի»
 տակ հասկանում նաև ռուսահայերի խնդիրը։ «Անխլխանական
 ազատ և ինքնավար համայնքի կազմակերպությունը» — այն վերջ-
 նական նպատակն էր, որին պիտի դիմեր «թշվառ մարդկություն-
 նը»՝ ազատվելու համար «յուր այժմյան անտանելի դրությունից»,
 ուրեմն և հայկական հեղափոխական շարժումը ընթանալու էր
 այդ նույն ուղղությամբ, հաշվի առնելով իհարկե, համառուսաս-
 տանյան հեղափոխական շարժման ընդհանուր փորձը։ Ռուսաս-
 տանը այն երկրներից մեկն էր, որտեղ համայնքը և ժողովրդի
 համայնական հակումները ի վերջո կանխանշում էին մոտավորատ
 հեղափոխություն սոցիալիստական բնույթը։ Այդ պատճառով հայ-
 կական շարժումը հետևելու էր նույն ծրագրին, ինչ առաջադրում
 էր «նարոդնիչեստովո» կոչված հոսանքը։ «Նարոդնիչևների հետ,—
 գրում էր Աթաբեկյանը,— մենք կասենք. «Եթե սոցիալիստական
 հեղափոխության փոթորիկը տեղի ունենա նախքան նշանավոր
 փոփոխություններ առաջանալը հասարակական դրության մեջ
 (այսինքն՝ միևնույն կապիտալիզմի հաղթանակը — Կ. Գ.), այդ հե-
 ղաշրջման գլխավոր առարկան պիտի լինի հողային խնդիրը»¹⁴։
 «Չորնի Պերեդելի» 1880 թ. սեպտեմբերյան համարից քաղելով
 այս մտքերը, «Համայնքը» ի վերջո ընդգծում էր անարխիզմի
 և նարոդնիչկական սոցիալիզմի հետ իր ունեցած ոչ միայն հո-
 ւվեր, այլև գործնական կապը, մի բան, որը միաժամանակ ար-
 տացրում էր պերեդելականների և նրանց հայկական հետևորդ-
 ների նոր դիրքորոշումը միջազգային սոցիալիստական շարժման
 հանդեպ։ Բուն հիմքում, սակայն, նրանց գաղափարաբանությունը
 դարձյալ գյուղացիական սոցիալիզմի կանխադրություններին էր
 կառչում, թեև ինչ-որ շափով արդեն առկա էր ռեալ տնտեսական

¹⁴ «Համայնք», 1894, № 5, էջ 37—38։

շարժումը՝ կապիտալիզմի ընդհանուր զարգացումը և սրա հետ կապվող հարաբերությունները, հաշվառելու դիրքորոշումն ու մտայնությունը:

«Համայնքը» պաշտպանում էր բակունինյան անարխիստական գործունեությունը և «Ալյանսի» ծրագիրը: Այդ պատճառով այստեղ քարոզվող սոցիալիզմը միայն ու միայն գունափոխված անարխիզմն էր՝ հայկական որոշ շեշտադրմամբ: Թարգմանաբար տարագրելով ժան Գրամի «Անիշխանական դադափարը և յուր զարգացումը» հոդվածը, Աթաբեկյանը և յուրայինները համերաշխում էին Բակունինի «Յուրայի դաշնակցության» (ինտերնացիոնալի) առաջադրած տեսակետներին: Հետաքրքրականն այն է, որ բոլոր պեսուսությունները կործանելու և նրանց փլատակների վրա ազատ արտադրական միավորումներ ստեղծելու բակունինյան ծրագիրը, հայկական միջավայրում փաստապես տեսական հիմնավորում էր ստանում՝ գյուղական համայնքների սոցիալական ապագան նկատի առնելով: «Այո,— գրում էր «Համայնքը»— բացարձակ ազատությունն ուրիշ կազմակերպության մեջ չի կարելի գտնել, եթե ոչ անիշխանական ազատ և ինքնուրույն համայնքում»: Իսկ «...մեր պատմության ամբողջ նահապետական կամ տանուտերական շրջանը մենք ընդունում ենք որպես շարունակություն նախապատմական համայնական դրություն»¹⁵: Հայ գյուղացու բնածին սոցիալիստական հակումներն ուրեմն դարերի պատմություն ունեն. ընդ որում՝ «մեր պատմության նահապետական շրջանը» ի վերջո միջնադարի վրայով դալիս հասնում էր մինչև XIX դար: Ազատ, իրավահավասար և եղբայրական այդ համայնքների իրավական և բարոյական նորմերը հասկանալի են ամենքին և ոչ միայն հասկանալի. ի վերջո դարերի մեջ դրանք դարձել են գիտակցություն, ներքին կարողություն, ապրելակերպ և սա է, որ արտադրական այդ կազմակերպություններին տալիս է ապագա հասարակարգը կանխանշող սոցիալական հիմնարկության ձև: «Համայնքը» բերում էր հայ գյուղացու առօրյա սովորությունների մի շարք օրինակներ, որոնցով հայտնի էր դառնում, որ վաղնջական

¹⁵ «Համայնք», 1894, № 5, էջ 39:

համայնական հարաբերությունները հարատեւել են մինչև XIX դար: Վարեչաճողերի համայնական սեփականությունը, համայնքի անդամների փոխադարձ օգնության գալը, «միջին»-ի սովորույթը, հարսանեկան «կանչերը», որով գյուղականները իրենց վրա էին վերցնում համագյուղացու տնտեսական ծախսերի մի մասը և այլն, և այլն, դրանք քոլորն էլ հանրորեն ապրելու այն պատրաստի ձևերն են, որ կարող էին ընկնել ապագա համայնական հասարակարգի հիմքում: «Մեր նպատակն է ցույց տալ,— գրում էր «Համայնքը»,— որ համայնական անփոխանական գաղափարները բոլորովին օտարամուտ չեն հայերիս համար, որ նրանք վամավորապես փոխառնված չեն Եվրոպայից, այլ ունեն էական հիմք հայկական կյանքի մեջ»¹⁶: Գյուղացիական համայնքին հատկացվող դերը ժողովրդասիրական շարժման գաղափարաբանության մեջ բացառիկ էր, քանի որ դրա շուրջն էր հյուսվում երիտասարդության հասարակական իդեալների մեծ մասը: Համայնական հարաբերությունների կամ համայնքի տնտեսական կառուցվածքի վերաբերյալ առաջ քաշված տեսակետները ի վերջո այլ բան չէին, բաց եթե գյուղացիական սոցիալիզմի սկզբունքների սլաշտպանութուն, գյուղացիական սոցիալիզմ, որ մերթ հանդես էր գալիս որպես անփոխանական բախտնինյան իդեալի վերակրկնում, մերթ որպես ղեմլեվոլակսան կամ պերեդելական՝ «հողի ազատագրություն» հեղափոխական առաջադրանքի զուգակշիռ: Բացի դրանից, կար հայ ժողովրդասիրական լեզալ միտքը, որ համայնքի հետ կապված հասարակական նախագծումները անջատելով հեղափոխական սլաշարի գործնական ուղիներից, փորձում էր ընդգծել այն հնարավորությունները, որոնք ասես թե գոյություն պիտի ունենային ռեալ տնտեսական շարժման մեջ՝ ռամկավարական համայնավարությունը խաղաղ-անցումնային ճանապարհով հաստատելու համար: Գյուղացիական սոցիալիզմը այս դեպքում քրիստոնեական ինչ-որ երանգ էր ստանում և դառնում գիտակցության և կամքի վրա հանգչող շափազանց ինքնաբալ երևույթ:

1890-ական թվականների սկզբներից «Մուրճում» սկսում են

¹⁶ «Համայնք», 1894, № 5, էջ 37:

տպագրվել ուսումնասիրություններ նվիրված Անդրկովկասի և Հայաստանի հողային սպասմական հարաբերություններին, ուր եռանդուն ջանքեր են գործադրվում ուրվագծելու համայնական հողատիրության ծագման ու զարգացման սպասմական պատճառները:

Հիմնավորելով գյուղական համայնքի և համայնական հարաբերությունների դարընթաց պահպանողականությունը, լիբերալ նարոդնիկությունը շէր անգիտանում այն փաստը, որ համայնական հողատիրությանը ավատատիրական դարաշրջանում ծանր հարվածներ է հասցրել հայ ազնվականությունը: «Հայ ազնվականության գոյությունը կազմում էին այն արտոնությունները, որոնք պոչացել էին դարերի ընթացքում հայ համայնքների հողային, վարչական և անձնական իրավունքների սահմանափակումից»¹⁷:

XIX դարի վերջերին մշակված այս տեսակետը, հարկավ, արտացոլում էր գյուղացիական դեմոկրատիայի ընդհանուր բացասական վերաբերմունքը բեզական-մելիքական, կալվածատիրական այն խավի նկատմամբ, որ հողային ռեֆորմներից հետո անգամ ձգտում էր ապահովել իր տնտեսական գերիշխանությունը՝ «ազատագրված» կամ «ազատ» գյուղացիություն հանդես: Ա. Թոխմախյանի հայացքներին անդրադառնալիս տեսանք, որ սա ևս մեղադրում էր հայ ազնվականությունը ժողովրդի դրությունը «անասնության աստիճանի հավասարեցնելու» համար¹⁸: «Հայկական ֆեոդալիզմը-ազնվականությունը կորստյան հասցրեց հայ ժողովուրդը»¹⁹: Եվ այդ այն պատճառով, որ քայքայեց հին գյուղական համայնքը և համայնական հողատիրությունը ի վերջո վերածեց մասնավոր հողատիրության պահանջների համեմատ: Պարզ երևում է, թե գաղափարական ինչ աղբյուրներից էր սրնվում այս մտայնությունը: Հետազոտողի համար համայնական հողատիրությունը իդեալական սկիզբ էր՝ շահագործումից ազատ և անբռնադատ հարաբերությունների զարգացման համար: Համայնքը դարերի ընթացքում կենսագործել է հավասարության մեծ

17 «Մուրճ», 1890, № 7, էջ 707:

18 Ա. Թոխմախյան, Մասիս լեռների հարավային ստորոտներ, Թիֆլիս, 1882, էջ 28:

19 «Մուրճ», 1890, № 10, էջ 1446:

սկզբունքը, համայնքը մի «անփոխարինելի հիմնարկութիւնն է»,
 այն հնարավորութիւնն է ստեղծում «գոյութեան կովում» հավասար
 պայմանների մեջ դնել «յուր անդամներին»: Եւ այս հանգով առաջ
 էր տարվում համայնական կազմակերպութեան և սեփականա-
 տիրական իրավունքի գովքը: «Բնութեան այն բարիքները, որոն-
 ցից կախված է մարդու գոյութիւնը և որոնց պիտանիութիւնը
 կախված չէ մարդուց»— հողը, ջուրը, անտառը, արոտը և այլն
 «...համայնքը աշխատում է հավասար շարժով մատչելի անել իր
 անդամներին, ինքը որոշել այդ բարիքներից օգտվելու շարժը և
 ձևը»²⁰: Այն երկրներում, ուր պահպանվել են համայնական հողա-
 յին հարաբերութիւնները և դրանց համապատասխանող հիմ-
 նարկութիւնները՝ գյուղական համայնքները, կառավարման վաղե-
 մի սովորույթներով ու կենցաղով, ինչպես օրինակ Ռուսաստանում՝
 «այդ համայնական կյանքի հայրենիքում»— պետութիւնը և
 օրենսդրութիւնը ելնում են պաշտպանելու համայնքը մոտալուտ
 քայքայումից՝ անհնար դարձնելով դրա վերջնական անկումը²¹:
 «Գործի» հրապարակախոսների նման, հողվածագիրը գյուղահա-
 մայնքի սոցիալական ճակատագիրը կապում էր պետութեան հո-
 վանավորող ուժի և օժանդակութեան հետ: Լիբերալ նարոզնիկու-
 թիւնը դիմում էր խաղաղ ճանապարհով գյուղացիութեան տնտե-
 սական դրութիւնը վերափոխելու մտքին և այդ վերափոխումը
 կենսագործելու համար այլ ուղի չէր նկատում, քան համայնքի
 ներսում դարերով ամրապնդված համայնական հարաբերութիւն-
 ների պահպանումն ու զարգացումը: Եւ քանի որ «համայնական
 հողատիրութիւնը» համայնական կազմակերպութեան հատկանիշ-
 ներից ամենագլխավորն է և «վերջինս ծագում է առաջինից»,
 հետևաբար պետութեան և օրենսդրութեան խնդիրն է հովանավորել
 հենց այդ համայնական հողատիրութիւնը: Լիբերալ նարոզնիկու-
 թիւնը իհարկե տեղյակ էր ագրարային այն քաղաքականութեա-
 նը, որ ցարիզմը վարում էր արևելյան Անդրկովկասում (Հայաս-
 տանում և Ադրբեջանում): 1870 թ. մայիսի 14-ի կանոնադրու-

20 «Մուրճ», 1890, № 10, էջ 1441.

21 «Մուրճ», 1890, № 5, էջ 707 և № 10, էջ 1442.

թյամբ գյուղացիական հողաբաժինների հետգնման ամբողջ նյութական հոգսը ընկնում էր «ազատագրվող» գյուղացիութայան ուսերին: Պետական գանձարանը վարկային կամ օժանդակ ոչ մի միջոց չէր տրամադրում անդրկովկասյան այն գյուղերին ու գյուղացիներին, որոնք կամենում էին փրկագնել կալվածատիրական հողը²²: Մինչդեռ Ռուսաստանում պետութայունը հետգնման գումարի ամբողջ 80—85 տոկոսը իր վրա էր վերցրել: «Գյուղացին,— գրում է Վ. Ռշտունին,— կանխիկ վճարելու էր կալվածատիրոջը իր սեփականութայունը դարձող հողաբաժնի ղնի միայն 20—25 տոկոսը»: Ազատագրված գյուղացիութայունը պետական վարկը վերադարձնելու էր 49 տարվա ընթացքում: Ինքնին հասկանալի է, որ այս պարագայում պետութայան համար ձեռնտու էր դառնում պահպանել գյուղական համայնքը, որպեսզի գյուղացիութայունից անկորուստ գանձվի տրված ամբողջ գումարը՝ տոկոսներով հանդերձ: Մանավանդ որ համայնքը համապարտ երաշխավորութայուն էր ստանձնելու «իր ամեն մի անդամի պարտքի վճարման գործում»²³: «Մուրճի» հոգավածագիրը, ըստ երևույթին, նկատի ուներ հենց այս իրողութայունը, երբ ռուսական «МНР»-ը (որի զուգորինակն էր համարում հայ գյուղական համայնքը) հովանավորված էր տեսնում պետութայունից: Բայց այդքանն էլ բավական էր, որպեսզի լիբերալ այս էզալիտարիստը դրա մեջ տեսներ «խելամիտ» այն քաղաքականութայան ասպցույցը, որը իր վերջո ասպհուվելու էր «գյուղական դասակարգի» տնտեսական բարօրութայունը և ազատութայունը: «Համայնական հողատիրութայան անկումը,— գրում էր նա,— եղել է միևնույն ժամանակ հողագործ դասակարգի անկումը»²⁴: Չենք կարող համայնական հողատիրութայան պաշտպանութայան այս ելույթի մեջ չտեսնել նարոդնիկական համոզումների այն նրստվածքները, որոնք դոյանում էին հասարակութայան կապիտալիստական զարգացմանն հակընդեմ մտայնութայունից: Մեկ տասնամ-

22 Վ. Ն. Ռշտունի, Ուրվագծեր Հայաստանի գյուղացիութայան պատմութայան, մասն Բ., Երևան, 1968, էջ 84, 85 և հետո:

23 Նույն տեղում, էջ 62:

24 «Մուրճ», 1890, № 5, էջ 707:

յակ առաջ էր, որ «Գործի» հրատարակախոսներից մեկը՝ Հրաչյան (Հ. Տեր-Բարսեղյանը), համայնական հողատիրութեան քայքայման փաստի մեջ նույնպես տեսնում էր գյուղացու իսկական ստրկութեան հաստատումը: Հայ լիբերալ նարողնիկութունը բացահայտորեն պաշտպանում էր գյուղի ղարգացման հակակապիտալիստական ուղին ոչ միայն և ոչ այնքան այն պատճառով, որ արդեն նշմարում էր բուրժուական հարաբերութեանների բերած ավերածութեանները գյուղում, որքան, նրանց կարծիքով, մի կենսական և «համաժողովրդական ճշմարտութեան» հաստատելու՝ «կես կոմունական» բնավորութեան կրող ազգային այն սովորույթները, որ դարերով պահպանված համայնական հարաբերութեանների հետևանք էին, ի վերջո կարող են և պետք է ձևավորեն հայ գյուղի ապագա սոցիալական դեմքը — ահա համոզումը:

Գր. Վանցյանը «Հում նյութեր հայ համայնքի ուսումնասիրութեան» հոդվածում նկատում էր, թե եթե նույնիսկ անհնար է այդ սովորութեանները ամբողջովին կենդանի պահպանել, ապա գոնե անհրաժեշտ է փրկել դրանց ոգին՝ «համայնականության գաղափարը»: Այդ դեպքում, — ասում էր նա, — ժողովրդի համար գյուրին կլինի «...ըմբռնել ընկերավարական ուսման նորագույն վարդապետութունը, որը յուր հիմունքներով կրթնում է հենց մարդկության նախկին համայնական կենցաղի վերա»²⁵: Վանցյանն, իհարկե, փոքր-ինչ սկեպտիկորեն էր նայում համայնական սովորույթների պատմական ճակատագրին. միայն վերջին 15—20 տարում, — նկատում էր հրատարակախոսը, — այդ սովորույթները զգալապես թուլացել են և աստիճանաբար անհետանում են: «Այն, որ երեկ ամբողջ համայնքն էր անում, այսօր սահմանափակվում է շատ անգամ միայն ազգականների և մոտիկ հարեւանների մեջ. իսկ վաղը, մյուս օրը կասկածելի է նորա գոյութեանը»²⁶: Վանցյանը տեսնում էր, որ «նորագույն քաղաքակրթութեանը» կամ «նոր տնտեսական պայմանները» անհնար են դարձ-

25 «Մուրճ», 1896, № 1, էջ 97—98:

26 նույն տեղում, էջ 98:

նում համայնական հարաբերությունների դարգացումը: Դրա համար էլ նա հանձնարարում էր պահպանել համայնական գյուղի այն սովորույթները «...որոնք ավելի բարձր քաղաքակրթության արդյունք են և վրում են ընկերական ասոցիացիայի բնավորություն»: Դրանք մասամբ հիշեցնում են արտելները, մասամբ եվրոպական բանվորների միությունները (Իհարկե, «սաղմնային դրության մեջ»)²⁷: Համայնական խոտհունձը, գութանավարը, բոստանացանը, «խաբ ու խազը» (համայնական կաթնատնտեսությունը)— անա ընկերական միությունների ձևեր, որոնք կարող են դիմանալ նոր տնտեսական պայմանների հարվածներին և միաժամանակ ապահովել համայնականության զաղափարի կենսագործումը:

Համայնքի շուրջ հյուսվող նարոգնիկական այս մտայնությունը, որ սոցիալիստական որոշ երանգներ ուներ և արտացոլում էր հայ ժողովրդասիրական մտքի ռեֆորմիստական դեդերումները, դարավերջին վերաճում էր գյուղացիական դեմոկրատիայի սոցիալական ուտոպիան սնող ամենագործուն միջոցի:

Այսպես, 80-ական թվականների վերջերին հնչակյան հենց այդ միջավայրում մկրտություն է ստանում հայ գրականության նշանավոր դեմքերից մեկը՝ Ղ. Աղայանը: «Հնչակի» անդրանիկ համարը լույս տեսնելուց հետո, նա հարում է հնչակյաններին, դառնում նրա գործուն անդամը, ակտիվ մասնակցություն ցուցաբերում 90-ական թվականների սկզբներին կազմակերպված Թիֆլիսի Հնչակյան կոմիտեի գործունեությանը²⁸: Ատրպետը իր հուշագրերում պատմում է, որ Ղ. Աղայանը Երուսաղեմից վերադարձի ճանապարհին մի քանի օր մնացել էր Աթենքում, «Հնչակի» խմբադրատանը, ուր և Ավ. Նազարբեկյանն ու Մարո Նազարբեկը «հնչակյան կնքեցին և հեղափոխական դարձրին նրան»: «Մարքսի վարդապետության և նրա զաղափարներին վաղուց երկրպագու էր Ղազարոսը, և համոզվեց ու համոզեց, թե ինքը «սոցիալ-

²⁷ «Մուրճ», 1896, № 1, էջ 98:

²⁸ Գ. Անանուն, Ռուսահայերի հասարակական զարգացումը, հ. 2, էջմիածին, 1922, էջ 207, նաև ԳԱԹ, Ատրպետի ֆոնդ, Հուշիկներ, մասն 2, էջ 31, 52, 102—120:

ղեմոկրատ» մարքսիստ դարձավ և Կովկաս վերադարձին ամեն տեղ մեծ հաճույքով խոսում էր այդ նոր գաղափարների մասին»²⁹։

1892-ի վերջերին տեղի է ունենում Հնչակյան կազմակերպության Թիֆլիսի կոմիտեի հիմնադիր նիստը։ Ատրպետը իր եռահատոր հուշագրությունում հետաքրքիր տեղեկություններ է հաղորդում այդ ժողովի մասին. «Յկավ Ղազարոս Աղայանը, — պատմում է նա, — տեսնվեց Մուրադի հետ, հրավիրեցինք Լազոյին — Հակոբ Ղազարյանին, Շիրվանզադեին, Աև-Սանդրոյին, Սամարթյանին և նստանք խորհրդի։ Կազմեցինք կովկասյան առաջին սոց. դեմ. հնչակյան հեղափոխական կոմիտեն, որը հիմնեց Կովկասի բոլոր քաղաքներում իր մասնաճյուղերը այն տեղական ուժերից, որոնք տարիններից ի վեր համակրողներ և իսկական անդամներ էին վուսակցությունը։ Իրար համբուրելով խոստացանք պաշտպանել աշխատավորության շահերը, ինչպես օսմանյան պետություն, նույնպես Կովկասում ընդդեմ սուլթանի և ցարի բռնությունների, կապիտալիստների վեղեքումների, որոնք կատարվում էին բացարձակաբար»³⁰։

1870-ական թվականների սկզբներին ալեքսանդրապոլյան միջավայրում Ղ. Աղայանը որոշապես կապված էր ազգային-դեմոկրատական այն շրջանների հետ, որոնք առավել արմատական վերաբերմունք ունեին ցարիզմի վարած գաղութային քաղաքակա-նություն հանդեպ և համակիր մի վերաբերմունք Ա. Կրիտյանի և

29 ԳԱԹ, Ատրպետի ֆոնդ, Հուշիկներ, մասն 2, էջ 31։

30 ԳԱԹ, Ատրպետի ֆոնդ, Հուշիկներ, մասն 3, էջ 52։ Ղ. Աղայանի կուսակցական գաղտնի գործունեության մասին բավական հետաքրքիր տեղեկություններ է պարունակում պրոֆ. Խ. Հ. Բարսեղյանի մեզ տրամադրած մի փաստաթուղթը՝ հանված Մոսկվայի կենտրոնական պետական արխիվի ֆոնդերից։ Փաստաթուղթը ոստիկանական մի տեղեկանք է Ալեքսանդր Շիրվանզադեի «հեղափոխական» գործունեության վերաբերյալ, ուր և տեղեկություններ կան Ղ. Աղայանի՝ Կարսի և Կողբի շրջաններում ծավալած գործունեության մասին։ Բացի դրանից, մեջբերված է Հ. Ղազարյանին (Կարս) Ղ. Աղայանի դրած նամակի մի հատվածը, որից երևում է, որ գրողը, Շիրվանզադեի հետ, կամեցել է կազմակերպության գաղտնի կենտրոններ ստեղծել Ռուսաստանի հայաշատ բնակավայրերում (ЦНИГАМ Ф. 102, ДП, 7-во, оп. 137, 1895, № 245, т. 1. лл. 131—133)։

սրա ընկերներին կողմից հրահրվող ազատագրական գործունեության նկատմամբ: Հետագա տարիներին, երբ ուսուցչություն էր անում Ախլցխայում, Երևանում, Շուշում, Թիֆլիսում և այլուր, պիտի ենաթգրել, որ նրա կապերը ազգային-դեմոկրատական, նարոդնիկական շրջանների հետ դարձել էին ավելի գործնական:

1872 թվականին Ա. Բաբայանի գրած մի նամակից երևում է, որ նահանգապետ Կարմալինին գրողի մասին հասցնում էին տեղեկություններ, որոնց քուս և մատնչական բովանդակությունը կասկածից վեր է: Այդ նույն ժամանակ «Երևանու ժանդարմը»՝ գնդապետ Զոլտովսկին Ալեքսանդրապոլ էր եկել ստուգելու Աղայանի աշակերտների բարեհուսությունը: Փաստեր են սրանք, որ անտարակույս առնչվում են այդ ժամանակները ոստիկանական հետախուզումներ կատարող Զոլտովսկու կազմած այն ղեկուցապրերի հետ, որոնք վերաբերում էին ալեքսանդրապոլյան հայրենասերների «Բարենպատակ ընկերության» գաղտնի գործունեությունը³¹: Մի այլ նամակից գրված արդեն 1878 թ. Հովհ. Տեր-Գրիգորյանի ձեռքով, տեղեկանում ենք, որ Աղայանը գտնվելիս է եղել Արևմտահայաստանի ազատագրման հոգսերով մտահոգ այն գործիչների շրջանում, որոնք կամեցել են լայն կապեր հաստատել կոփկասահայ զավառների ու զավառակենտրոնների հետ՝ ազգի միակամ ցանկությունը՝ արևմտահայերի քաղաքական ազատագրումը զրոյս բերելու համար. «Ճանաչելով Ձեր անկեղծ ազգասեր սիրտը ու բոլորովին հավատալով Ձեր պատվական անձնավորությանը, — գրում էր Տեր-Գրիգորյանը, — ես այսուհետև միշտ այստեղից անխառն տեղեկություններ կհաղորդեմ Ձեզ, միայն թե բարեհաճեիք ընդունելու և երբեմն էլ պատասխանելու մենք կարող ենք (ինչպես և մյուս գավառները) աղտեղից միշտ հրահանգներ և կարևոր խորհուրդներ ընդունելու. պիտի բոլոր տեղերի գործողությունները միասիրտ և միահոգի լինեն»³²: Մած-

31 Վ. Ա. Պարոմյան, հայ ազգագրական շարժումների պատմությունից, Երևան, 1958, էջ 152—153, նաև «Ղազարոս Աղայանը ժամանակակիցների հուշերում», Երևան, 1967, էջ 26:

32 «Ղազարոս Աղայանը ժամանակակիցների հուշերում», Երևան, 1967, էջ 43:

կախոս այս տողերի մեջ կարելի է նշմարել Աղայանի գաղտնի գործունեության հետքերը:

Այո, 1880-ական թվականներին Ղ. Աղայանին մենք տեսնում ենք այն կազմակերպությանների շրջանում, որոնք արդեն ձևացնում էին ազգային նարոդիկության հեղափոխական և լիբերալ թևերը: Ըստ երևույթին նա կապեր էր հաստատել նաև Պետերբուրգյան այն երիտասարդների հետ, որոնք գործում էին «Հայրենասերների միության» ցուցումներով: Այս շրջանի նրա գրական գործունեությունը հատկանշվում է համայնավարական գաղափարների պաշտպանությամբ: Ինչպես «Անահիտում», այնպես էլ «Բաժանության» մեջ երևում են մանրբուրժուական ներքնախավերի հետ կապված գրողի ժողովրդասիրական կողմնորոշումները, մի հանգամանք, որ առավել ցայտուն ընդգծված է մի շարք գրադատականների և մասնավորապես «Տորք Անդեղ» պոեմի այն հատվածներում, ուր բանաստեղծը պատկերում էր մեծազոր մեր նախնիների «կոմունական» համայնակեցության սկզբունքները:

Դեռ 1887 թ. գրախոսելով Պետերբուրգի հայ ուսանողական կազմակերպության հրատարակած գրքուկներից մի բանիսը, Աղայանը խոսում էր նաև հայերի անմիաբանության մասին, ընդ որում, գրողը այդ հարցը քննում էր ոչ թե ավանդական շրջագծի մեջ, այլ նրանից դուրս՝ իրականության նորօրյա ընկալումների տեսանկյունից՝ քաղաքական ու սոցիալական այն հեռանկարների ոգով, որ պարտադրում էր ժողովրդասիրական շարժումը: «Միակ բանը, — ասում էր նա, — որ մեզ գործողներիս, առաջնորդողներիս, դաստիարակներիս պակաս է, որ չկա նաև ժողովրդի մեջ, այդ համայնական ոգին է, այդ ընկերական ոգին է, հասարակական ոգին է»³³: Համայնական, ընկերական ոգի ասելով նա հասկանում էր փոխադարձ օգնության, փոխադարձ պահպանության, փոխադարձ սիրո և միության հարաբերությունների հաստատումը ազգի անդամների միջև: Եվ 90-ական թվականների ժողովրդասերների նման դատափետում էր «գիտակցական շահամայնականությունը» — ազգային ժառանգական այդ

33 Ղ. Աղայան, Երկեր, հ. Գ., Երևան, 1940, էջ 275:

ախար: Այսերկովկասյան գերմանացիների, մալականների, դու-
խոբորների համար,— ասում էր նա,— համայնականությունը
բնավորություն է, ընտելվունք է, ունակություն է, իսկ մերային-
ները դեռ պիտի սովորեն «մարդավարի ապրելու այբուբենը»³⁴:
«Բաժանություն». պատմվածքում (1889) Աղայանը ճորտատիրու-
թյան անկումից հետո ստեղծված դրությունը գնահատում էր քուր-
ժուական Վարաբերությունների ղարգացումը դատապարտող
մտայնության գիրքերից: «Ստրկության ազատությունը և վերջն էլ
դատական սերանորոգությունը, ազլուղական փորձավարությունը,
նորամուտ լուսավորությունը, երկաթուղի, հեռագիր և այլն մին
մնի հետևից հանկարծ գալով՝ շլացրին ժողովրդին, մի հանկար-
ծական փոփոխություն ձգեցին նրա նիստուկացի և վարք ու բար-
քի մեջ»³⁵: Տասը տարվա ընթացքում ժողովուրդը ավելի փոխվեց,
որքան «փոխված չէր հարչուրավոր տարիների ընթացքում»: Ամե-
նակարևորը ոչ թե բարքերի փոփոխությունն էր, այլ սնտեսական
տեղաշարժերի բուն ընթացքը. «մի նոր տեսակ գոյություն կռիվ
սկսվեց». փողը շատացավ, սեփականությունը ձեռքից ձեռք ան-
ցավ: Մարդիկ խարդախացան, հավատարմությունը կորավ, սերը
արտաքսվեց նրանց միջից, իսկ «խորամանկացած լսելոքներն ու
սատանայացած ազնիվները» սկսեցին դաժան ու անխնա մի
սպառար միմյանց դեմ³⁶: Ամբաստը, այդ քարեմիտ ուսուցիչը, որ
իրեն նվիրել էր միմիայն երեխաների դաստիարակության գործին
և դրա մեջ էր գտնում իր միակ մխիթարությունն ու սփոփանքը,
այժմ սարսափով տեսնում էր, որ փոփոխված ժամանակները
մարդուն հարկադրում են մասնակցել «այս նոր տեսակ գոյության
կռիվին»: Իսկ ի՞նչ էր պատահել. «Այն սերը,— ասում է գրողը,—
որ պիտի կապեր ընտանիքի թուրք անդամներին մի շղթայով՝ ար-
տաքսված էր, ինչպես Աղամը դրախտից»³⁷: Խորտակվում էր հին,
նահապետական մի գերդաստան: Չորս եղբայրները իրար առաջ
էին կտրում հայրական հարստությունը բաժանելու համար: Եվ

34 Ղ. Աղայան, Երկեր, հատ. Գ., Երևան, 1940, էջ 275—276:

35 Ղ. Աղայան, Երկերի ժողովածու, հատ. 1, Երևան, 1962, էջ 310—311,

36 Նույն տեղում, էջ 311:

37 Նույն տեղում, էջ 313:

Թեև նրանցից մեկը Թոնդ արմատական էր, մյուսը՝ շափավոր, երրորդը՝ ուսյալ ու զարգացած, իսկ չորրորդը՝ հին գաղափարի տեր մի մարդ, այնուամենայնիվ, կռիվն արդեն սկսված էր, և ոչ մի բան չէր կարող կանխել վերահաս աղետը: Աղայանի քննախույզ միտքը որոնում էր ծայրերն այն հանգույցի, ուր ձգվում էր տարբեր շահախնդրություններից ելնող մարդկանց դիտավորությունը: Բաժանությունը նոր ժամանակների արդյունք է՝ տնտեսական զարգացման նոր փուլի հետևանք. «Հին ժամանակ,— դիտում էր Աղայանը,— եթե բաժանվել են, գուցե ուրիշ պատճառ են ունեցել, քայց տնտեսական տեսակետից նրանք հնար ունեին և ջբաժանվելու»³⁸: իսկ նոր ժամանակները վերացրել են այդ հնարավորությունը. խնդիրը կապվում է գյուղացու ունեցած հողակտորի հետ. «Հնար չունինք, որովհետև հող չունինք»— ահա բացատրությունը: Եթե պայն ունեցել է 20 օրավար հող, Թոն ունենում է մեկ օրավար: Աճում ու բազմանում է նահապետական գերդաստանը, քայց հողը մնում է նույնը: Այսօրվա բաժանությունը վաղվա տնտեսական ապահովության գրավականն է: Նոր հարաբերությունների դիմաց երեկվա միաբանությունն ու սերը՝ գունատվում և այլափոխվում են, մարդիկ նետում են իրենց վրայից զգացմունքի ու սովորույթի, ավանդույթյան և պարտավորության ամբողջ ծանրությունը, որովհետև «հնար չունեն»: Աղայանը, ինչպես 70-ական թվականներին, սեփականությունը նոր ձևերի հաստատմամբ է բացատրում համայնքի և համայնական հարաբերությունների քայքայումը: Եկատերինեֆելդը, գերման գաղթականների այս համայնքը, նույնպես ջահախնդրում էր Աղայանին, ինչպես որ հետագայում պիտի օրինակի տիպար դառնար Ագապյանի և Ճոզդուրյանի համար: Այստեղ հանրությունն է մտածում իր անդամների տնտեսական ապագայի շուրջ. եթե մեծանում է գերդաստանը, ապա համայնքը միասնաբար օգնության է հասնում կարոտյալներին: Բացի դրանից. ընտանիքը կատարում է աշխատանքի ճիշտ քաժանում և ժառանգության քաշխում. իբրև կանոն հողը անցնում է ընտանիքի մեծ որդուն, մնացած եղբայր-

38 Ղ. Աղայան, Երկերի ժողովածու, հատ. 1, էջ 314:

ները ստանում են փող և սովորում են արհեստներ: Հետագայում միայն, երբ խելացի ինքնակառավարմամբ տնտեսվում է որոշակի գումար, դնում են անհրաժեշտ հողակտորը՝ նոր կազմավորված ընտանիքի տնտեսական ապագան ապահովելու: Բաժանությունը նման ընտանեկան կազմակերպության մեջ դառնում է ոչ թե դատապարտելի, այլ միանգամայն օգտակար միջոց հասարակական քաբօրության ճանապարհին:

Բաժանվող եղբայրներից մեկը՝ արմատական Տիգրանը, պահպանողական Մարպողոսի այն առարկությունը, թե հայը հայ է, հայը չի կարող «նեմեց» դառնալ, պատասխանում է. «...Մի՞թե օրինավոր կարգ ու կանոնը հայկական կրոնին ընդդեմ է: ...Տեսնո՞ւմ եմ, որ մեղավորը մեր հիմարությունն է միայն, որ գիտենք, թե ինչն է լավ և ջենք անում: Մի՞թե վատ քաներ են ընկերական ոգին, հասարակական ոգին, համայնական ոգին: Ահա թե ինչով պետք է միացած լինին հասարակությունը բոլոր անդամները: Ամենքս պետք է եղբայր լինենք, և ոչ թե միայն մի հորից ու մորից «ծնվածները»³⁹:

Դեռ 1888 թ. տպագրած «Տորք Անգեղ և Հայկանուշ գեղեցիկ» պոեմում Աղայանը, օգտագործելով ժողովրդական զրույցի հնօրյա պատումները Պասքամյան Տորք աժդահակի մասին, նկարագրում էր հայ հին դուցազունների համայնական կենցաղը, ապրուստի ձևերը, սովորույթները, որոշ մոգեհոնացման ենթարկելով հնագույն այդ ժամանակների տիմապատկերը: Թագավորությունը, որի սահմաններում ապրում են հսկաները, ղեկավարվում է օրենքներով, որոնք ավատական վարչակարգի արդյունք են: Բայց հաղթամարմին, ղեղահասակ, հուժկու և կորովապինդ Աժդահակի հետնորդները չեն ենթարկվում այդ օրենքներին: Նրանք հարկից ու տուրքից, քյոխվից ու գզրից հեռու մնալու համար ձորերն են մտնում: Գոսգարաց բղեջիւր թագավորին պատմում է, որ հսկաները չունեն «գզիր, քյոխվա, քեղիսուղա» և ապրում են առանց դրամի: Ազատության այն պատկերացումը, որ ունեն այդ երևելի ձորաքնակները և համայնական ինքնակառավարման այն

39 Ղ. Աղայան, Երկերի ժողովածու, հատ. 1, էջ 316:

եղանակը, որով ապրում են, ինքնին վճռել է նրանց օրենքների և ապրուստի ձևերի «կոմունական բնույթը»:

Բոլոր անդամներն ամբողջ համայնքի,
Չավակ են կարծվում մի ընտանիքի:

Միաբան, սերտ սիրով կապված միմյանց հետ, նրանք օգնության ևն հասնում կարոտյալներին, ավանդապահ են և առաքինի, հյուրասեր ու մեծահոգի, ապրում են համատեղ աշխատանքով, հեռու են մոլորություններից և այդ պատճառով երկարակյաց են ու առողջ: Բացի դրանից. սիրում են իրենց հայրենիքը և «կռիվ են գնում — ինչպես հարսանիք»: Հին այս դյուցազունների համայնքը հակադրելով «մանրացած» մարդկանց իշխանությանն ու օրենքներին, Աղայանը անկասկած նորից ու կրկին փառաբանում է համայնականութունը:

Այս նույն շրջանում է, որ Աղայանը ձեռնամուխ է լինում Քյոր-Օղլու մասին եղած ժողովրդական դրույցների մշակմանը: 1893-ին «Մուրճում» նա հրատարակում է «Քյոր-Օղլին կալանավոր» հատվածը, ուր ժողովրդական այդ ապստամբի գործողությունները գնահատում էր գյուղացիության սոցիալական ըմբոստացումներն ու ընդվզումները խրախուսող գաղափարախոսության դիրքերից: Քյոր-Օղլին, — գրում էր նա, — «գյուղացիներին ոտքի է կանգնեցնում իրանց խաների ու քեզերի դեմ, կոտորում և կոտորել է տալիս կալվածատերերին ու տերության կապալառուներին, և այսպիսով իր կողմն է գրավում երկրագործ ժողովրդին: Կոտորում է հարկահաններին և հավաքած հարկերը բաժանում շքավոր գյուղացիներին»⁴⁰: Հետաքրքիր է, որ այս վրիժառուն կրոնի և հավատի տարբերություն շէր դնում մարդկանց միջև, միավորում էր նրանց հավասարության դրոշի տակ և քարոզում անիշխանական գաղափարներ: «Ամեն հավատի ու ցեղի մարդ կար նրա խմբի մեջ, բայց մի անգամ այդ խմբի մեջ մըտնելով ոչ մի հավատի շէս ծառայում, ամենքն էլ միասին դառ-

⁴⁰ Ղ. Աղայան, Երկերի ժողովածու, հատ. 2, Երևան, 1962, էջ 96:

նում են անհավատ և ծաղրում ամեն հավատ»⁴¹։ Աղայանը ինչ-որ չափով հարմարեցնում էր ժողովրդական հերոսի կերպարը իր այն համոզումներին ու պատկերացումներին, որոնք բխում էին իր իսկ կուսակցական դավանանքից։ Անիշխանական ազատ և ինքնուրույն համայնքի մեջ գրողը նշմարում էր իր հասարակական իդեալի կենսագործումը։

«Իմ կյանքի գլխավոր դեպքերը» հուշագրության մեջ (տպագրված դարձյալ նույն «Մուրճում» 1893-ին) արտացոլվել են Աղայանի նորօրյա մտածումներն ու տրամադրությունները։ Պատմության դեպքերի նրա ըմբռնումը իր վրա էր կրում դարավերջի սոցիալական և քաղաքական պայքարի հետևանքը հանդիսացող հնչակյան մտայնության դրոշմը։

Աղայանը պատմությանը նայում էր ազատամիտներին հատուկ շիտակությամբ և ինքնազննող դիտակետից։ Հոլովվող ժամանակը նրան բերել էր հոգսեր և գիտություն, որոնց մեջ տարուբերվել էր քմահաճորեն։ Վերընթացը տեղի էր ունեցել բոլորանվեր նվիրումի և անանձնական տառապանքի մեջ։ Նա սրբում էր իր վրայից պատմության փոշին ոչ որպես ախտաբան, այլ որպես իսկությունը որոնող հնագետ։ Ճանապարհը, որ կտրել-անցել էր մանկությունից սկսած մինչև 80-ական թվականներ, երևում էր նրան օրերի ետընթաց մշուշի մեջ։ Մերթ ընդ մերթ պայծառանում էր օրը և կապույտը ներկում էր բազմախորհուրդ երկնակամարը։ Հոգին ուներ գաղտնիքներ, որոնց մասին խոստում էր գլուղացու սրտաբացությամբ և հումորով, իսկ եղելություններին նայում էր արդեն տաքուկ ջերմությամբ ու անհիշաչար խանդով։ Նա, այնուհանդերձ, գաղափարի մարդ էր և այդ երկար ու ձիգի տարիներին որոնել էր ճշմարտությունը Բոլնիս-Խաչենից մինչև Թիֆլիս ու Մոսկվա, և եթե ինչ-որ տեղ նա կանգնել էր սեփական փիլիսոփայության սահմանափակության առաջ, ապա իրեն մխիթարել էր այն մտքով, որ առաջադիմության ճանապարհը գոյանում է փոքր առ փոքր նվաճված անցումներից։ Վերջում նա մտածում էր գալիքի մասին։ Այստեղ նրա միտքը ձեռք էր մեկնում

41 Ղ. Աղայան, Երկերի ժողովածու, հատ. 2, էջ 96։

ինչպես Ավետարանին, այնպես էլ հավասարարական այն ուսմունքներին, որոնց համակիր էր, ինչպես դարավերջի առաքյալներից շատերը. «Ես այն հույսն ունեմ,— խոստովանում էր նա,— որ աշխարհից կանհետանան քոլոր անիրավ հարձակմունքները և երկրի վրա կտիրեն ընդհանուր եղբայրություն, փոխադարձ սեր և հարգանք, այդ ժամանակ միայն մարդը կլինի մարդ, իսկ այժմ նա փխսագազան է: Հավատացած եմ սակայն,— հավելում էր այնուհետև,— որ մարդն այս աստիճանին հասնել կարող չէ առանց կովի: Այս կովի մեջ նա կհանդիսանա հաղթող, ում ձգտումը որ կլինի հասնել մարդու բարձր կատարելությանը, իսկ կջախջախվի նա, ով որ հակառակ կհանդիսանա դրան, թեկուզ ըստ երևույթին նա շատ զորեղ թվա: Այս հանգամանքը բացատրվում է նույնպես բնական օրենքով»⁴²:

Համընդհանուր եղբայրության, փոխադարձ սիրո ու հարգանքի այդ ապագան, որ պետք էր կովով նվաճել, ըստ վնության այլ բան չէր, բայց եթե նույն համայնական, ընկերական, հասարակական կազմակերպությունը: Հ. Թումանյանը Աղայանի մասին ասում էր, որ նա «խոշոր մտածող էր, երազող, գրող»: Երազողը իսկապես որ ամուր նստած էր Աղայանի մեջ: Նա միշտ ելք էր որոնում այն իրականությունից, որի հարվածներն էր տարել անպադրում աշխատանքի և բազմամյա հոգնության տարիներին: Ժամանակակիցներից մեկը շափազանց յդիպուկ է նկատել. Աղայանը «իր ծեր հասակում նույնիսկ իբրև 60-ական թվականների կուլտուրատրեզեր «...համենայնդեպս ձգտում էր առաջ և աշխատում կանգնել նոր ուղիներ ցույց տվողների շարքերում»⁴³:

Այս ամենը ճիշտ է, իհարկե: Բայց թե՞ իր սոցիալական ուտոպիայում, թե՞ քաղմամյա որոնումներում Աղայանը, այնուամենայնիվ, մնում էր որպես մանրբուրժուական փզալիտարիստ, լիբերալ պահպանողական ինչ-որ համակրողություններով, որոնք էլ նրան դարձնում էին չափավոր ռադիկալիզմի ու առաջադիմա-

42 Ղ. Աղայան, Երկեր, հ. Գ, Երևան, 1940, էջ 120:

43 Ս. Խանոյան, Նոր սերնդի բարեկամին (տե՛ս «Ղ. Աղայանը ժամանակակիցների հուշերում», Երևան, 1967, էջ 210):

կանության իսկական ներկայացուցիչը դարավերջի Վայ իրակա-
նության մեջ: Ստ. Շահումյանը միանգամայն իրավացի էր, երբ
1902 թվականին Աղայանի գրական-հասարակական գործունեու-
թյան 40-ամյակին նվիրված հոգեկյանական ճառում նշում էր,
թե «իր ծագումով, տաղանդով ու անցյալով դեմոկրատ» այս գրո-
ղը եղել է «գլխավորապես ազատամիտ, կուլտուրական գործիչ»,
և որ նրա հասարակական գործունեությունը ընթացել է «սպեցի-
ֆիկ ազգասիրությամբ» հատկանշվող «խաղաղ, օրինական» առա-
ջադիմականության ուղղությամբ⁴⁴:

1895-ին ցարական ոստիկանությունը ձերբակալում է Թիֆ-
լիսի հնչակյան կենտրոնի անդամներին: Ղ. Աղայանը քաղաքային
բանտում անցկացրեց տափնապալից օրեր: Դատապարտյալների
շրջանում նա մեկն էր այն եզակի մարդկանցից, որ չէր լծաբեցնում
իր կուսակցական պատկանելիությունը և ամեն ինչ խոստովա-
նում էր ազնվաբար: Երազողն ու զաղափարի գործիչը մանկան
միամտություն ուներ: Խառնվածքով հեղափոխական չէր, քայց
ամբողջ էությունը մղվում էր դեպի հեղափոխություն՝ ի խնդիր
ժողովրդի ազատության ու բարօրության: Հնչակյանների միջա-
վայրում է, որ Աղայանը յուրացրեց նարոդնիկական-գյուղացիա-
կան սոցիալիզմի այն ուսմունքը, որ հետո ուրույն մշակման պիտի
ենթարկեր «ժամանակակից ատենախոսության մեջ»: Աքսորան-
յի տարիներին, Նոր-Նախիջևանում, նախաձեռնելով էդուարդ
Բելլամիի «Հարյուր տարի անց» ուստպիական վեպի թարգմանու-
թյունը, Աղայանը չէր կասկածում, որ դրանով օգնում է երիտա-
սարդ սերնդին Մարքսի ուսմունքը յուրացնելու⁴⁵: Թումանյանին
ուղղած մի նամակի մեջ (1898) նա գրում էր, թե Բելլամիի
«ասածները զուտ ճշմարտություն են», որ նրա «ոչ մի նախա-
դասությունը «գրիտության վերջին խոսքին հակառակ չէ»⁴⁶: Ըստ
երևույթին «գրիտության վերջին խոսք» ասելով Աղայանը հասկա-
նում էր հասարակագիտական այն ուսմունքը, որ ժողովուրդներին
հանձնարարում էր կոմունիստական ապագան:

44 Ստ. Շահումյան, Երկեր, հատ. 1, Երևան, 1955, էջ 34—35:

45 Ղ. Աղայան, Երկերի ժողովածու, հատ. 4, Երևան, 1963, էջ 559:

46 Նույն տեղում:

էդուարդ Բելլամին (1850—1898) «Ասպագա դարը: 2000—1887» (կամ «Հարյուր տարի անց») վեպը գրել է 1888 թվականին: Մեկ տարի անց այն լույս է տեսնում ռուսերեն և ասպ երկրորդ հրատարակությանը 1891-ին: Նոր նախըջևան արքայազն Տնչակյան գործիչներին ուսուցիական այս գրվածքը շահախնդրում էր ամենևին էլ ոչ պատահականորեն: Մի ժամանակ էր դա, երբ կուսակցության ներսում եղած պառակտումները հարկադրում էին մարդկանց բացել սոցիալիստական ուսմունքի հանդեպ իրենց ունեցած իրական վերաբերմունքը: Հայտնի է, որ վերակազմյալ Տնչակյանները այս պահին դիմադիր կանգնելով «արմատականների հեղափոխական տակտիկային», նետվում էին պաշտպանելու ազգի «հավաքական շահը», հրաժարվելով «սոցիալիզմի բաղադրահանգույն, բայց երազական գաղափարներին»⁴⁷: Իսկ արմատականների շրջանում քիչ չէին ռեֆորմիստական սոցիալիզմի հետևորդները, մարդիկ, որոնց համար հասարակական բարեշրջումի օրենքը այլ բան չէր, բայց եթե ընդհանուր առաջադիմության և խաղաղ աստիճանական զարգացման հնարավորություն: Աղայանը և յուրայինները ոստիկանական հալածանքներից ու հետապնդումներից ընկճված, արքայազնի դժբախտության մեջ ավելի ու ավելի հակվում էին հեղափոխական սոցիալիզմի հեռու գործունեության նախընտրությունը, հասարակական կարգերը զիտակցության ուժով փոխելու ու վերափոխելու ծրագրերը:

Բանտից ազատվելուց հետո, 1896—97 թվականներին էր, որ Աղայանը գրեց «Ժամանակակից ատենախոսությունը», ուր արդեն ցայտունորեն ուրվագծվում էր նրա պաշտպանած «սոցիալիզմի» սոցիալ-քաղաքական քաղաքականությունը: Ատենաբանը մի քահանա էր, որ խոսում էր ամենքին համոզելու աննահանջ ցանկությունը: Նրա միտքը թևածում էր քուլտուր մոլորությունների հիմքը կազմող եսականության շուրջ: Եսականությունն է պատճառը, որ մարդը մարդու դեմ կռիվ է մղում: Հին ու մեծ այս օրենքը տապալելու համար մի ուղի կա՝ փոխել մարդու ասպրելու եղանակը՝ եսականից

47 Ա. Հովհաննիսյան, Տնչակյանների կազմավորման գաղափարական արմատները, «Պատմա-բանասիրական հանդես», Երևան, 1968, № 2, էջ 32:

համայնական, մարդասիրական, այլասիրական⁴⁸։ Քրիստոսը կարողացավ, հակառակ Մովսեսի, իր ուսմունքից դուրս նետել այլամերժ եսականությունը։ Եվ շնայած դրան Քրիստոսից 2000 տարի հետո անգամ մարդու մտավոր զարգացումը հսկայական քայլերով ետ է նահանջել։ Կրոնի բարոյիչներն են, որ սխալ ըմբռնեցին իրենց մեծ նախորդին։ Նրանք մարդու մեջ զորացրին հավատալու միտումը միայն և զորացնելով հավատը՝ կորցնել էին տալիս մարդու խելքը — սա մի մեծ կորուստ էր. «Որքան անմիտ լիներ մեկը, — ասում է ատենախոսը, — այնքան նա առաքինի կհամարվեր»⁴⁹։ Ու հալոսվեց ժամանակը և եկան խավարի ու ստրկամտությունները։ Մարդկությունը առանց խելքի օգնություն, միմիայն հավատով, ուղում էր հաստատել կրոնի ցույց տված իդեալը, բայց դա նույնքան անհնարին էր, որքան որ անիրագործելի։ Ավետարանի համայնասիրությունը կարելի է գործնականում օգտակար դարձնել, եթե դրան միանա գիտությունը։ Այսօր մարդիկ իրենց փրկությունը «գիտության մեջ են որոնում»⁵⁰, Գարձյալ ծնվում է (դարերի նիրհից հետո) այլասիրական այն մեծ զգացումը, որ կարող է գիտության օգնությամբ փոխել մարդու ապրուստի եղանակը։ Իսկ մարդու ապրուստը կախումն ունի սեփականության ձևից։ Աղայանը դեռ 70-ական թվականներին սկզբներին էր կռահել դա։ Տնտեսական և հողային ռեֆորմների իմաստը նա տեսնում էր սեփականության նոր ձևերի հաստատման մեջ։ Արդումանի ըմբոստությունը Ճաղարանց անիրավությունների դեմ ի վերջո հուշում էր այն միտքը, թե միայնակ մարդը ի վիճակի չէ պաշտպանել իր սեփականությունը։ Ատենաբան քահանան բերում է այսպիսի օրինակ. մի գյուղում ամենքն ունեն իրենց հողաբաժինը և միաժամանակ մի համայնական արոտատեղի. բուրդ խաշնարածը երբեք չի համարձակվի իր հօտը քշել այնտեղ, բայց և ամեն անգամ նա ոտնատակ է տալիս առանձին գյուղականների արտն ու արոտը. ինչո՞ւ, որովհետեւ մի դեպքում

48 Ա. Աղայան, ժամանակակից ատենախոսություն, Թիֆլիս, 1898, էջ 13—14.

49 Նույն տեղում, էջ 17.

50 Նույն տեղում, էջ 28.

նա գործ պիտի ունենա գյուղի հանրության հետ, մյուս դեպքում՝ առանձին գյուղացու: «Այս դեպքից, — ասում է քահանան, — պարզապես հետևում է, որ մի անհատ, թույլ և անզոր չի ներկայանում առանձին սեփականությունը պաշտպանելում, շատ զորեղ կարող է լինել ընդհանուր սեփականության պաշտպանելում»⁵¹: Տրամաբանության այս թեզը բռնելով հեշտ էր արդեն այն եզրակացությունը գալ, թե ընդհանուրի ուժը՝ ընդհանուրի շահն է, և որ «ընդհանուրի շահը ընդհանուր սեփականության մեջ է գտնվում»⁵²:

Աղայանը «Հնչակից» առնում էր նարոդնիկական-գյուղացիական սոցիալիզմի գաղափարները համայնքի վերաբերյալ և հենց դրա վրա ձևում իր հասարակական իդեալը: Սակայն որպես բարեմիտ ռեֆորմիստ, նրան թվում էր, թե ամեն ինչ կախված է մարդկանց «ուղիղ մտածելուց»⁵³: Եթե համայնքը կամենա ըմբռնել հասարակ ու պարզ այն ճշմարտությունը, թե ընդհանուր սեփականությունը հասարակական բարօրության և առաջադիմության միակ հիմքն է, ապա դյուրին է պատկերացնել հետագա վերափոխումների և՛ ընթացքը, և՛ ուղղությունը: Մարդկանց ապրուստն ու կենցաղը անճանաչելի կդառնա. կվերանան շքավոր-աղքատները, կարոտյալները, առատությունը կբխի հեքիաթային աղբյուրի նման, գյուղից կվռնդվեն վաշխառուները. ընկերական, խմբական ուժերով կստեղծվեն հասարակական խանութներ, դպրոցներ, հիվանդանոցներ: Համայնքը կընդարձակի իր հողատարածությունները՝ համայնական սեփականության բերած եկամուտների հաշվին: Կրթված ուսուցիչը, բժիշկը, քահանան, դատավորը, համատարած գրագիտություն կբերեն, և երբ կստեղծվի փոստ-հեռագրատուն՝ համայնքը կկապվի ամբողջ աշխարհի հետ: Աղայանը առաջ էր անցնում Ա. Թոխամայանից և նոր ձևակերպում տալիս ազգային «բարեկենդանության» խնդրին: «Ժողովրդի բարոյական վիճակը, — ասում էր նա, — նրա տնտեսական վիճա-

51 Վ. Աղայան, Ժամանակակից ատենախոսություն, էջ 34—35:

52 Նույն տեղում, էջ 36:

53 Նույն տեղում, էջ 39:

կից կախումն ունի, տնտեսական բարեկեցութիւնը՝ նրա համայնական սեփականութիւնից»⁵⁴։

Բնորոշ է, որ համայնական նոր սկզբունքներով ապրող գյուղը Աղայանը ներկայացնում է որպէս գոյութիւն ունեցող իրականութիւն և ոչ թէ երեւակայութեան մեջ պատկերագծված ցանկալի ապագա։ Անձնական, մասնավոր սեփականութիւնից դեպի համայնականը կատարված շրջագարծը դժուրին մի գործ էր թվում նրան։ Բավական է միայն հասկանալ դրա բարեհարմարութիւնը, և արդեն հեշտ և՛ ամեն ինչ վերափոխել ու վերածել՝ հասարակական սեփականութեան սկզբունքների համաձայն։ Ընդհանուրի օգուտը, ընդհանուրի շահը, որ վերջին հաշվով որոշում է և հասարակութեան բարեկեցութիւնը, հասկանալի և ըմբռնելի կարող է լինել միայն այն դեպքում, երբ մարդը հաղթահարելով սեփական եսականութիւնը, կկարողանա անանձնական մի սիրով կապվել յուրայինների հետ։ Գոյութիւն ունեցող երեք մեծ «ահաւոր ու զորավոր» ընդհանուր սեփականութեան տեսակները՝ եկեղեցին, լեզուն և հայրենիքը (հողը), միավորում են անխտիր ազգի բոլոր անդամներին։ «Մասնավոր սեփականութեան համար,— դիտում է Աղայանը,— մենք կարող ենք իրար դեմ կռվել, մինչև կգա Արդարութիւնը և մեզ կհաշտեցնէ, բայց ընդհանուր սեփականութեան պահպանելը, խնամելը, զորացնելը ընդհանուրի օգուտն է։ Սրանից ջեն փախչիլ ո՛չ հարուստը և ո՛չ աղքատը, ո՛չ մեծը և ո՛չ փոքրը»⁵⁵։

Մանրբութեան գյուղացիական սոցիալիզմը անգիտանում էր դասակարգային հակամարտութիւնը գյուղում և իր ամբողջ սփռութիւնը պարպում «հողի նահապետական շահագործման գերադասելիութեան» վերաբերյալ սենտիմենտալ զրույցների մեջ⁵⁶։

Տեսանք արդեն, թէ որպիսի դժուրութեամբ էր չուծվում սեփականութեան հանրայնացման խնդիրը Աղայանի խորհրդածու-

54 Ղ. Աղայան, Ժամանակակից ատենախոսութիւն, էջ 44։

55 Նույն տեղում, էջ 46։

56 Տե՛ս Վ. Ի. Լենին, Երկեր, հ. 2, Երևան, 1943, էջ 213։

թյուններում, և թե որպիսի միամտությամբ էր նա դիմում մարդկանց հավաքական գիտակցությանը՝ «ուղիղ մտածելու» քարոզով: Իսկ «ուղիղ մտածելը» այլ բան չէր, քան ձեռք-ձեռքի տալ և սոցիալիզմ կառուցել այնտեղ ու այն ժամանակ, որտեղ և երբ այդ բացարձակապես անհնարին էր: Այս ուժանտիզմը սնում էր գլուխներն այն մարդկանց, որոնք հասարակական գործունեության տեղ դնում էին իրենց «հնարչական գործունեությունը», իսկ «ազատագրության պատմական պայմանների տեղը՝ ֆանտաստիկ պայմաններ»⁵⁷:

Բեկլամիի ուտոպիական վեպը թարգմանելով Ղ. Աղայանը և Բ. Խանազատյանը կոմունիստական հասարակաշինություն իդեալներն էին փայտաշյուժ ոչ առանց այն ուժանտիզմի, որ քնդհանուր եվրոպական բնույթ ունեւր, և որի էական առանձնահատկությունը այդ իդեալները կենսագործելու հեղափոխական ուղիների շրջանցումն էր:

«Հարցուր տարի անց» վեպի հերոսը՝ Յուլիան Վեստը, լեթարգիական քուն է մտնում և արթնանում 2000 թվականին՝ մի բժշկի բնակարանում: Հասարակական կարգերը բոլորովին փոխվել են: XIX դարը մարդիկ արդեն գիտեն գրքերից: Տեղի է ունեցել վիթխարի հեղաշրջում: Մարդկանց միջև հաստատվել են կոմունիստական հարաբերություններ:

«Բայց այդպիսի զարմանալի փոփոխությունը, ինչպիսին դուք նկարագրում եք, — ասում է Վեստը բժիշկ Լիտին, — իհարկե, չէր կարող կատարվել առանց մեծ արյունահեղություն և ահալոր ցնցումների:

— Բոլորովին հակառակը, — առարկում է բժիշկը, — այստեղ չի գործադրվել ամենափոքր բռնությունն անգամ: Այդ փոփոխությունը նախորոշված էր վաղուց: Հասարակական կարծիքը ամբողջովին հասունացել էր դրա համար, իսկ ազգի ամբողջ մեծամասնությունը պաշտպանում էր հենց այդ կարծիքը»⁵⁸: Սա նույն «ուղիղ մտածելու» տեսակետն է, որ այս անգամ շափազանց պարզ ու տեսանելի շարագրում էր Բեկլամին՝ ուտոպիական կո-

57 Կ. Մաբս, Ֆ. Էնգելս, Ընտիր երկեր, հ. 1, Երևան, 1950, էջ 48:

58 Эдуард Беллами, Через сто лет, с. Петербург, 1891, стр. 56—57.

մունիզմի նոր այս քարոզիչը, թակարդելով հայ սոցիալիստների համակրանքը իր դժած հասարակաշինական ուղիների հանդեպ: Ազգի ամբողջ մեծամասնության կարծիքը — ահա այն գերհզոր ուժը, որ կանխում է սոցիալական արյունոտ հեղաշրջումները: Կարծիքների միջոցով ղեկավարվող այդ աշխարհը տաքուկ անկյուններ էր պահում ռոմանտիկ գլուխների համար: Նրանք, որ շարժականց ազնիվ էին իրենց բարի մտադրություններում, դառնում էին պարզապես ձրի երազողներ, հենց որ փորձում էին շրջանցել իրական սոցիալական պայքարը և սրա հետևանքները ու դրա տեղը դնել բարոյախոսական մտադրությունը՝ հասարակական զարգացումը ապահովող որպես թե միակ կալանը:

1890-ական թվականներին հայկական միջավայրում նարոդնիկական սոցիալիզմի գաղափարների յուրացումը երկու ուղղությամբ էր ընթանում՝ լիբերալ և դեմոկրատական, հանդամանք, որ կանխորոշում էր շարժման ներսում ծայր առած տարածայնությունների և հակասությունների բնույթը: Գյուղական համայնքի և համայնականության իդեալականացումը մի դեպքում կապվում էր ժողովրդի ընդհանուր, հեղափոխական տրամադրությունների և ազատագրական շարժման հետ, մյուս դեպքում՝ հողային հարցը սեփորմիտական ճանապարհով լուծելու մտադրությունների՝ ձգտում, որն առավել գործնական էր թվում դեպի լիբերալիզմը կողմնորոշված դեմոկրատական մտավորականությանը: Այս է պատճառը, որ դարավերջին հայ գյուղական համայնքին նվիրվում են տեսեսագիտական բազմաթիվ հետազոտություններ — «համայնականությունը» քարոզվում է և՛ լեզալ, և՛ անլեզալ մամուլում: Սրան գումարվում էր և այն, որ ցարիզմը գյուղացիական սեփորմների կենսագործման համար հատուկ հանձնաժողովներ էր ստեղծում (ներգրավելով և տեղի մասնագետներին) անդրկովկասյան գյուղի ու գյուղացիության հողային պայմանները ուսումնասիրելու համար: Ավ. Արասխանյանը, Ա. Երիցյանը, Ա. Եղիազարյանը և այլք կովկասյան հողային հարաբերությունների հետազոտությունը կատարում էին տեղերում, անձամբ շրջագայելով գյուղերը, վիճակագրական տեղեկություններ հավաքելով, շարժագրումներ կատարելով, հանդամանք, որ նրանց ուսումնասիրու-

թյուններին տարիս էր միանգամայն սկզբնաղբյուրային նշանակութուն: Հայ տնտեսագետների ժողոված նյութերը արտացոլում էին անդրկովկասյան հողային հարաբերությունների բացառիկ բարդությունը: Արքունասպատկան, կալվածատիրական և եկեղեցական հողերի վրա ապրող գյուղացիությունը խճճվել էր հին ու նոր հարաբերությունների ներքին հակասություններում և շգիտեր, թե որտեղից պետք է սկսել և ուր պիտի դնալ՝ արդարությանը և ապահովությանը հանդիպելու համար: Հարկային այն քաղաքականությունը, որ վարում էր ցարիզմը Անդրկովկասում, ապահովելով պետական զանձարանի գաղութային եկամուտները, ըստ էության զարկում էր ամբողջ գյուղացիության տնտեսական ջհհհհհհհհ՝ ստեղծելով մի քավական մեծ ճեղքվածք կենտրոնական Ռուսաստանի և Այսրկովկասի գյուղական բնակչության կենսապայմանների միջև: Բացի դրանից, հողային հարաբերությունների կարգավորման համար ցարիզմի ձեռնարկած միջոցառումները, սկսած 1827 թվականից, գլխավորապես ուղղված էին տեղական կալվածատիրության (մելիքների, բեդերի, աղալարների) հողային-ժառանգական իրավունքները պահպանելու և ամրապնդելու նպատակին: Ավ. Արասխանյանը «Հողային խնդիրը Անդրկովկասում» ուսումնասիրության մեջ խորամտորեն նկատում էր, որ «հողային օրենսդրական ակտերը մեղանում» ունեցել են հաճախ միայն «քաղաքական բնավորություն»⁵⁹: Վերլուծելով մասնավորապես սենատոր Հանի և իշխան Վորոնցովի օրենքների քովանդակությունը, տնտեսագետը ընդգծում էր հատկապես մոտեցման այն տարբերությունները, որով Անդրկովկասի հողաշինական գործի այդ երկու պետական ներկայացուցիչները վերաբերվում էին կովկասյան գյուղում հողային հարաբերությունները կարգավորելու խնդրին: Եթե սենատոր Հանը առաջարկում էր իրավազրկել մանր ազնվականությանը և կալվածատերերին՝ գյուղացիության մեծամասնության օգտին լուծելով հողային, ժառանգական իրավունքների հարցը, ապա իշխան Վորոնցովը իր ծրագիր-նախագծով մղվում էր շահելու «բարձր ու արտոնյալ» դասակարգի համակ-

59 «Մուրճ», 1890, № 7, էջ 935:

րանքը ուս պետութեան ու նրա վարած քաղաքականութեան հանդեպ: Այդ կերպ նա մտադիր էր «հնազանդութեան մեջ պահել տեղական ազգաբնակչութեանը»⁶⁰; Ցարական կառավարութիւնը ի վերջո, իհարկե, հարկադրված եղավ «մորեխի պես աճող» կովկասյան ազնվականների իրավունքների հարցով զբաղվելու: Այսպէս կոչված «Բեգական հանձնաժողովները» (ստեղծված 1865 թ.) 40 տարի շարունակ փորձում էին որոշել նորահայտ թավադների ու աղալարների ժառանգական և ազնվականական իրավունքները: Բայց միշտ էլ այն որոշակի լուծում չէր ստանում, քանի որ կալվածատիրական դասի շահերի խնդիրը միայն տնտեսական չէր, այլ առավելապէս կապվում էր Անդրկովկասի դաղութային ուժի մը պահպանելու ցարական կառավարութեան խոր մտահոգութիւնների հետ: Այդ է պատճառը, որ «Բեգական հանձնաժողովները» 1865 թվականից մինչև 1905 թվականը շկարողացան գործի վերածել այն բազմաթիւ նախագծումները, հաշվումները, փաստերը, վկայութիւնները և այլն, որոնք ներկայացված էին նրանց քննարկմանը, և որոնցով պիտի որոշվէր առհասարակ քաղաքացի ազգերի կալվածատիրութեան ժառանգական իրավունքների հարցը:

1870 թ. մայիսի 14-ին հրատարակելով հայտնի կանոնադրութիւնները՝ Հայաստանում և Ադրբեջանում հողային ռեֆորմներ անցկացնելու վերաբերյալ, ցարական կառավարութիւնը փաստորեն մինչև 1912 թվականը շկարողացավ ոչ միայն կենսագործել դրանք, այլև որոշ իմաստով ձգձգում և կանխարգելում էր իր իսկ ընդունած որոշումների իրականացումը: Եթէ մասնատիրական գյուղերում ինչ-որ չափով նախնական լոբոբոյութիւններ կատարվեցին այդ ուղղութեամբ (հաշտարար միջնորդների ինստիտուտի ստեղծումը և կալվածատիրական գյուղացիութեան հողատարածութիւնների չափագրումները առանձին վայրերում), ապա պետական գյուղացիութիւնը մնաց նախկին վիճակում: Առաջվա նման հողի սեփականութեան իրավունքը պատկանում էր պետութեանը և գյուղացիները չէին համարվում իրենց հողա-

⁶⁰ «Մուրճ», 1890, № 7, էջ 944 և № 9, էջ 1190:

քաժինների սեփականատերեր⁶¹, Երեսուն տարի շարունակ տեղի էին ունենում սահմանադժան աշխատանքները և այնուհանդերձ արքունական գյուղացիությունը դեռ չգիտեր, թե ինչով կվերջանա այն, քանի որ գործը պարզապես տնտեսական ծրագրեր կազմելուց անդին չէր անցնում⁶²: Տնտեսագետ Մ. Եզանյանը միանգամայն իրավացի է, որ ընդգծելով ցարիզմի՝ Անդրկովկասում վարած ագրարային քաղաքականության դադարախախտիչ բնույթը, նկատում է, որ ռուս պետութայնն ու նրա կովկասյան կառավարիչներին ամենևին էլ ձեռնտու չէր ծայրագավառներում շուտափուլթ ավարտել հողային ռեֆորմների կենսագործումը, քանի որ դա չէր բռնում ոչ նրա քաղաքական հաշիվներին (կալվածատիրական դասը, ինչպես հայտնի է, ընդգրկմանում էր ռեֆորմների անցկացմանը, իսկ սրա շահերի պաշտպանությունը հարակցված էր երկրի ներսում գաղութային սիստեմը ամրապնդելու հոգսերի հետ), և ոչ էլ համապատասխանում էր դանձարանի շահամիտ նկրտումներին (արքունապատական հողերից և գյուղացիութայնից ստացվող եկամուտները, որ ռեֆորմներն իրագործելու դեպքում նկատելիորեն կնվազեին, չէր կարելի վտանգել՝ գյուղացու քարեկեցութայնն ապահովելու հաշիվին)⁶³:

Հողային ռեֆորմներն իրացնելու համար ձեռնարկվող միջոցառումները (օրինակ՝ քահրատու հողվածների դները բարձրացնելու քաղաքականութայնը) ուղղված էին մեծ մասամբ դանձարանի տարեկան եկամուտները ավելացնելու նպատակին⁶⁴: Հողի պահանջի բարձրացումը ուղեկցվում էր կալվածատերերի, աստիճանավորների, կուլակների, առևտրականների հարձակամբ՝ նոր հողատաղածութայններ ձեռք քերելու և դրանք թանկ դնով գյուղացիներին հետագայում վերավաճառելու համար: Բացի դրանից, կալվածատիրական գյուղացին հողային նոր ռեֆորմի հետևանքով ունեցած հողակտորից կորցնում էր շատ ավելի, քան դա

61 Մ. Եզանյան, Հայաստանի հետեֆորմյան ագրարային հարաբերութայնները, էջ 25:

62 Նույն տեղում:

63 Նույն տեղում, էջ 15—28 և հետո:

64 Նույն տեղում, էջ 27—28:

Թվում էր առաջին հայացքից: Հաշտարար միջնորդների ամբողջ ինստիտուտը աշխատում էր կալվածատերերի օգտին, վիսկ հողի վերաբաժանումների արգելումը արագացրեց սակավահող գյուղացիների վերջնական քայքայումը: Բանն այն է, որ համայնական հողատիրությունը և հողի պարբերական վերաբաժանումը թեև շարունակում էր գոյություն ունենալ հետաեֆորմյան ամբողջ շրջանում, այնուամենայնիվ այն ստանում էր լուրջ ճեղքվածքներ, մասնավորապես մասնատիրական տիրույթներում, ուր կալվածատերերը գյուղացիական հողատիրոների հաշվին ավելացնում էին իրենց հողաբաժինները: 1885 թվականի հունիսի 29-ի օրենքն արգեն թուլատրում էր պետական արտաավայրերի վարձակալման գործառնություններ, որը ոչ միայն համայնական տիրույթների աստժախի հնարավորություն ստեղծեց, այլև զուգ բացեց գյուղացիների նոր շահագործման առաջ: «Կապիտալիստական գործարարները» դնում էին ահա պետական այդ հողերը և 5—10 անգամ թանկ վերավաճառում գյուղացիներին⁶⁵:

Սակավահողության աճը, գյուղական փնակչության հոսքը դեպի արդյունաբերական կենտրոններ, գյուղում հարուստ մենատնտեսաների խավի առաջացումը, առևտրի և վաշխառության աշխուժացումը գյուղական և գավառական կենտրոններում, հողաշինական աշխատանքների գաղութարարական բնույթը, այս ամենը քայքայում էին գյուղական համայնքը: Հետո պիտի տեսնենք, թե բուրժուական հարաբերությունների զարգացումը ինչպիսի հետեվանքներ ունեցավ 90-ական թվականների հայ գյուղում: Այժմ միայն նկատենք, որ ագրարային հարաբերությունների ամբողջ զարգացումը և ցարխոլմի անդրկովկասյան հողային քաղաքականությունը աստիճանաբար ուժաբեկում էր գյուղական համայնքը: Դստակարգային շերտավորումը որոշում էր համայնական հարաբերությունների ճակատագիրը: Նույն Գր. Վանցյանը, որ հանձնարարում էր պահպանել համայնական հողատիրությունը և համայնական սովորույթները, դառնությամբ նկատում էր, որ յրանք, դժբախտաբար, «նոր տնտեսական պայմանների շնորհիվ

65 Մ. Եզանյան, նշվ. աշխ., էջ 86—87:

թուլացել և նսեմացել են» և որ իբրև «նախապատմական ժամանակի և ստոր կուլտուրայի արդյունք, տեղի են տալու նորագույն քաղաքակրթության առաջ»⁶⁶:

Համայնքի քայքայման պարագան 90-ական թվականներին այնքան ակնառու էր, որ նույնիսկ նրա ամենաջերմ պաշտպանները տեսնում էին այդ իրողությունը: Նրանք պարզապես կամենում էին փրկել սոցիալական այդ կազմակերպության սկզբունքները՝ նորովի վերաշինելով ամեն ինչ և կանխելով ռեալ «վտանգը»՝ բուրժուական հարաբերությունների դարգացումը դյուղում: Այս մտայնության և հոգեբանության վրա էր խարսխում ժողովրդասեր մտավորականությունը դարավերջի իր գործունեությունը:

66 «Մուրճ», 1896, № 1, էջ 97:

ԿԵՆՑԱՂԱԳՐԱԿԱՆ-ԲԱՐՔԱԳՐԱԿԱՆ ՌԵԱԼԻԶՄ

Ազգագրական գյուղավեպ. ազգագրական պատմվածք, ժանրային առանձնահատկությունները: Կենցաղագրական-բարեգրական ռեալիզմի գեղարվեստական համակարգը: Խրականության լուսանկարչական արտացոլումը: Ազգագրական-բարեգրական ծրագիրը և լուսավորական մտայնությունը: Ձևի օտարման եղանակը կենցաղագրական ռեալիզմի համակարգում: Բնագրային գերբեռնվածություն:

Եթե մի ընդհանուր հայացք նետենք մինչ 90-ական թվականները գյուղագրական գրականության դարգացման պատմության վրա, ապա դժվար չէ տեսնել գյուղի և գյուղացու սոցիալական կյանքի գեղարվեստական հետազոտության ընդհանրական մեթոդի երևան գալու օրինաչափությունը: Դիտել ենք արդեն, որ Պ. Պռոշյանի ստեղծած ազգագրական գյուղավեպի ժանրը տասնամյակներին միջով անցնում էր առանց նկատելի փոփոխությունների: Ավելին. Գ. Բարխուդարյանի «Արազը տարին կատարի» (1883), Ս. Փիլոյանի «Կորած մարգարիտ» (1888), Հ. Ճուղուրյանի «Շիրինանց Նախշունը» (1898) վեպերը, որ պարզ ընդօրինակումներ էին «Սոս և Վարդիթերի», ցուցադրում էին ազգագրական գյուղավեպի ժանրային առանձնահատկությունների միասնական և անփոփոխ բնույթը: Արտացոլման մեթոդի նույնականությունը, կոմպոզիցիայի և սյուժեի ստեղծման համանման եղանակները և

մանավանդ բարբազրական ծրագրի իրացումը՝ բանահյուսական ու ժողվրդագրական նյութերի հիման վրա — արտահայտում էին ազգագրական գյուղավեպի ժանրային հաստատուն սահմանները: Նույնը կարելի է ասել և 1850—60-ական թվականներին ստեղծված ազգագրական պատմվածքի մասին: Գ. Տեր-Աղեքսանդրյանի, Հ. Նաղարյանցի, Ս. Եղիազարյանի և այլոց մշակած կենցաղապատկերների տեսակը հարատևեց մինչև 1900-ական թվականները: Բարբառային, բարբազրական տարրի հմուտ օգտագործմամբ, կենցաղագիրը հասնում էր ժողովրդական հավատալիքների, սովորույթների, ծեսերի ռեալիստական վերարտադրության, քննադատելով մարդկանց կենցաղային մտածողությունն առհասարակ, նրանց ազգային-ինքնահատուկ խառնվածքը մասնավորապես:

Թե՛ ազգագրական գյուղավեպի և թե՛ պատմվածքի համար հատկանշականը իրականության լուսանկարչական արտացոլումն էր, մի մեթոդ, որի ճանաչողական ու գեղարվեստական հնարավորությունները բավականաչափ սահմանափակ էին: Արտացոլման այս մեթոդի հարաբերությունը օբյեկտիվ ռեալիզմի հետ այնպիսին է, ինչպիսին ընդհանրականի և մասնավորի հարաբերությունը: Գուցե ճշմարիտ է այն միտքը, թե լուսանկարչական մեթոդը իր ծագմամբ, ըստ երևույթին, ավելի հին ժամանակների արդյունք է, բայց XIX դարում սրա երևան գալը պիտի բացատրել գեղարվեստական զարգացման նորագույն պայմաններով: Եթե վաղ սովորույթի հայ գրականությունը գեղարվեստական-էսթետիկական այն շափանիշներով էր մոտենում իրականության արտացոլմանը, որոնք վերջին հաշիվով արդյունք և հետևանք էին հայկական գաղափարաբանության հանդեպ ծագած ռեալիզմային, ապա նորագույն լուսավորական ռեալիզմը, որ զուգընթացաբար զարգանում էր ուսմանտիղմի հետ, առաջադրում էր զգացմունքի և դաստիարակության էսթետիկան¹:

¹ Ս. Ն. Սարխյան, Հայկական սովորույթ, Երևան, 1966, էջ 84, 85, 87, 88 և հետո, նաև С. М. Петров, Реализм, М., 1964, էջ 52, 54, 56, 59—60 և հետո:

«Իր ծագման շրջանում,— դիտել է Ս. Ն. Սարինյանը,— հայկական ումանտիզմը դերազանցապես դաղափարական շարժում էր»²: Եվ այդ այն պատճառով, որ գրական-մտավոր այդ շարժումը «առավելապես լիցք էր առնում քաղաքական հանգամանքներից»³: Իսկ լուսավորական ռեալիզմը մի ուղղութիւն էր, որ սոցիալական պատճառականութեան ամբողջ իմաստը որոնում էր դաստիարակութեան և զգացմունքի աշխարհաշեն ուժի մեջ: Քաղաքական հանգամանքները չէ, որ այս դեպքում սնում են մտայնութիւնն այն մարդկանց, որոնք իրականութեան վերափոխման համար այլ միջոց չէին տեսնում, քան բարոյական ինքնակատարելագործումը և բնական դաստիարակութիւնը:

1850—60-ական թվականներին գրական այս երկու ուղղութիւնները հայ գրականութեան մեջ ոչ միայն տիրապետող էին, այլև, կարելի է ասել, զրանք էին, որ նախապատրաստեցին քրննադատական ռեալիզմի գեղարվեստական մեթոդի հանդես գալու պայմանները: Կենցաղագրութիւնը, որ զարգացում ստացավ այս շրջանում, այլ բան չէր հետամտում, քայց եթե օգնել գրականութեան և հրատարակատեսութեան առջև ծառայած այն խնդիրների լուծմանը, որոնք քրննադատը հասարակական նշանակութիւն ունեին և մեծ մասամբ վերաբերում էին մարդկանց առտնին հարաբերութիւններին, ավանդական սովորութիւններին ու հասկացողութիւններին: Մյուս կողմից. ումանտիզմի գեղագիտութիւնը առաջադրել էր արդեն բանահյուսական, բարքագրական նյութերի ուսումնասիրման և յուրացման պահանջը: Կենցաղագրութիւնը այս դեպքում ստանում էր նաև ազգագրութեան բնույթ և, որ կարևորն է, ինչ-որ շարժում փոխարինում քանահավաքչական աշխատանքին: Այսպես, լուսավորական ռեալիզմի և ումանտիզմի ազդեցութեամբ աստիճանաբար ձևավորվում էր մի մեթոդ, որ եթե կարելի է այսպես ասել, մասնավոր բնույթ ունէր և դեռևս ջտաբորոշված գեղարվեստական համակարգ: Կենցաղագրութիւնը չէր հավակնում գեղարվեստական լինել և միաժամանակ գրական մի

2 Ս. Ն. Սարինյան, նշվ. աշխ., էջ 77:

3 Նույն տեղում, էջ 78:

տեսակ էր, որի համար մատչելի գեղարվեստական ձևը աստիճանաբար պարտադիր էր դառնում: Եթե համեմատելու լինենք վաղ շրջանի կենցաղագրությունը ուշ շրջանի գլուղագրական պատմըվածքի հետ, կտեսնենք գրական ձևի յուրացման այն նախաստիճանները, որով անցել է կենցաղապատկերը: Բացի դրանից, կենցաղագրական ռեալիզմը անջատվում էր լուսավորական ռեալիզմից մեծ նախնիքն էլ ոչ պատահականորեն: Այստեղ գործող գեղարվեստական ծրագիրը շուներ իրականությունից արտացոլման այն կայուն գաղափարաբանական հենքը, որով առհասարակ հատկանշվում է լուսավորական ռեալիզմի գեղարվեստական մեթոդը: Ծիշտ է, ի վերջո կենցաղագրությունը ավանդական բարբերի ու սովորությունների լուսանկարչական արտացոլումը լինելով, ինչ-որ չափով օգնում էր մարդկանց ճանաչելու իրենց շրջապատող հանգամանքները և քննադատելու դրանք, մի ծրագիր, որ ուներ նաև լուսավորական ռեալիզմը: Բայց ազգագրական տարրի դերակշռությունը, սյուժեի և կերպարի նախնական ըմբռնումները կենցաղագրական ռեալիզմը խորապես տարբերում էին լուսավորականից, բանգի աչտեղ գործում էր իրականությունը մերձենալու այն եղանակը, որի համար արդեն պարտադիր չեն ո՛չ ընդհանուր գեղարվեստականության չափանիշները և ո՛չ էլ, առավելապես, իրականության համապարփակ ընդգրկման հետ կապված գրական առաջադրությունները:

Կենցաղագրական ռեալիզմի մեթոդը բացարձակացում էր գրականության ճանաչողական ֆունկցիոնալ դերը: Հենց այդ ճանաչողական ֆունկցիոնալից ելնող առաջադրություններն էին, որ կազմում էին մեթոդի իմացաբանական շրջագիծը: Այս դեպքում գեղարվեստական ճանաչողության սահմանները սեղմվում էին միևնույն առկա փաստը գրական ձևի մեջ դնելու գործողությունը: Կենցաղագրական ռեալիզմը օգտվում էր իրականության գեղարվեստական յուրացման այսպես ասած ընդհանրական ու մշակված ձևերից: Կար գրաձևի մի հանրամատչելի եղանակ, որ պարզ պատկերամտածողությունը զուգակցում էր նույնքան պարզ պատմողականությունը: Կենցաղագիրը իրականությունը տեսնում ու ճանաչում էր չափազանց մոտիկից. այդ պատճառով կյանքի

պատկերը նրա ստեղծագործութեան մեջ ծանրացած էր լինում ավելորդութիւններով և ներքին տարածութիւն չունեցող բնագրային գերբեռնվածութեամբ: Մանրուքը, կոպտութիւնը, ավելորդ գծերը, անկանոնութիւնը, թափփփվածութիւնը, համամասնութեան ու ներդաշնակութիւնների միայն տեղ-տեղ երևացող հայտանիշները կենցաղագրական վեպի ու պատկերի բնութագրական կողմերն են: Այս ռեալիզմի գեղարվեստական համակարգը գոյանում է հայտնի գրական ձևերի պատահական համադրումներից: Մի դեպքում պատմողական-նկարագրական միջոցները գործածվում են միմիայն փաստի, եղելութեան արտաքին տեսքը ստանալու, մյուս դեպքում՝ նույն փաստն ու եղելութիւնը, սյուժետային շրջագծի մեջ դնելու համար: Գրողի հայացքը սահում է տեսանելիի վրայով միայն. նա գործ չունի ոչ երևութիւնների քացատրութեան հետ և ոչ էլ առավելապես դրանց էութիւնը կազմող կապակցութիւնների ներքին շարժման հետ: Մի առիթով անդրադառնալով լուսանկարչական ռեալիզմի մեթոդին, Նիկողայոս Աղբալյանը նկատում էր, թե այս մեթոդը յուրացրած գրողները «առհասարակ աչքի առաջ չեն ունենում իրենց գրվածքներում մեջ բերած անձերի ներքին աշխարհը, հոգեբանական վերլուծութիւնն ասած բանը նրանց մեջ քիչ է պատահում, նրանց ավելի հետաքրքրում է գործող անձերի արտաքին հարաբերութիւնները»⁴: Լուսանկարչական ռեալիզմի տիպաբանութիւնը հաստատում է այս մտքի բնահանրական բնույթը:

Լուսանկարչական ռեալիզմի մեթոդը «օբյեկտիվ» ռեալիզմից նույնքան հեռու է, որքան աղբատ է իրականութեան գեղարվեստական արտացոլման նրա զինանոցը: Ամենից առաջ այդ ռեալիզմը վերարտադրում է միայն մարդկանց միջև գոյութիւն ունեցող հարաբերութիւնների այն կողմերը կամ հասարակական այն ճշմարտութիւնները, որոնք հասարակութիւնն արդեն մարսել-յուրացրել է հայտնապես: Մարդու, հասարակութեան և պատմութեան ըմբռնումները այստեղ ենթարկված են գեղարվեստական մի

4 «Մուրճ», 1896, № 6:

ծրագրի հրամայականին, որն ի վերջո առաջագրում է առօրյա երևույթների, իրողությունների, առտնին սովորույթների ու բնազդների, ժամանակի տարրնթաց, խառնիխուռն ու չգիտակցված բովանդակության վերարտագրության պահանջը:

Հասարակական ճշմարտությունների և սոցիալական իրակա-նության յուրացումները լուսանկարչական ռեալիզմի մեթոդի համակարգում շեն բռնում ետին տեղ: Սակայն ինչպես որ անհնար է ճշմարտություն-գեղեցկությունը ճանաչել, շունհնալով դրա համար անհրաժեշտ բնական քանքարը, այնպես էլ գեղարվեստա-կան այն ծրագիրը, որ առաջագրվում է նման պահանջներով, չի կարող ի վերջո հասնել սոցիալական իրականության խոր ճանաչմանը, քանզի դրա համար բավարար շեն ստեղծագործական տրվ-յալ միջոցներն ու հնարավորությունները:

1860—70 ական թվականների կենցաղագրական և գյուղա-գրական գրականության մեթոդը լուսանկարչական ռեալիզմն էր: Ազգագրական-բարքագրական պատմվածքն ու գյուղավեպը սնող սոցիալական առաջագրությունները մեծ մասամբ իրացվում էին, այսպես ասած, «բնանկարային» ձևի մեջ: Ղ. Աղայանի և Պերճ Պոռչյանի վեպերի մասին «Մուրճի» քննադատներից մեկն ասում էր, թե այդ «հին գրողները տվել են մեզ ժողովրդի կյանքը առանց նրա բացատրությունների մեջ մտնելու»⁵: Վերջին գիտողության հետ, իհարկե, կարելի է մասամբ համաձայնել: Բանն այն է, որ ազգագրական գյուղավեպը, բացի բարբերի ու սովորույթների ընդ-հանուր նկարագրությունը տալուց, հետամտում էր նաև ժողու-վրդի իրական վիճակը ճանաչելու նպատակներ: Այդ ճանաչո-ղության մեջ լուսավորական-գեմոկրատական հայացքը կարևո-րագույն տեղ էր բռնում: Մ. Նալբանդյանը գիտողություն էր անում Պոռչյանին ազգային հին ավանդությունների ու սովորույթների հանդեպ դրաված անքննադատ դիրքի համար, բայց միաժամանակ ճաշակում էր բերկրանքն այն համոզումի, թե գյուղի հեռավոր անկյուններում արթնանում է արդեն ժողովրդի ըմբոստահույզ ոգին: Գրողը բարբառում էր և կյանքի լեզվով. այստեղ է, որ քրն-

⁵ «Մուրճ», 1897, № 7—8, էջ 1062:

նազատը տեսնում էր պոռոշյանական քանքարի մեծ արժանավորութիւնը:

Ազգագրական-բարքագրական ծրագիրը լծորդելով լուսավորական մտայնութիւնը, 70—90-ական թվականներին գյուղագիրները շուտով կատարեցին այն նշանավոր անցումը, որ տանում էր դեպի գյուղական իրականութեան սոցիալական դիմանկարի քննութիւնը: Թե՛ Ա. Արարատցանի, թե՛ Սանդալի, թե՛ Ագապյանի և թե՛ Ադելյանի ու Ճողուրջանի երկերում ազգագրական ծրագիրը, ոչ միայն բեռնաթափված էր, այլև որոշ իմաստով դառնում էր գյուղական իրականութեան բնութագրութեան կոմպոզիցիոն միջոցներից մեկը: Եթե նախկին գյուղավեպերում բարքագրական-ազգագրական պատահող իրենով ծածկում էր գեղարվեստական պատումի ամբողջ տարածութիւնը, ապա այժմ այն միայն միջնորդի դեր է ստանձնում, ծառայելով վիպական միջավայրի երանգավորմանը և, ըստ այդմ, վերածվելով կոմպոզիցիոն անհրաժեշտ տարրի: Ճիշտ է, գյուղագիրները դեռևս չէին կարողանում ազգագրական նյութը ամբողջովին և օրգանապես ձուլել վիպական իրականութեանը, բայց որ նրանք արդեն փորձում էին զնալ այդ ուղիով, կասկածից վեր է: Լուսանկարչական ռեալիզմի մեթոդը ենթարկվում էր նոր գեղարվեստական ծրագրերի ազդեցութեանը: «Փոքրիկ աստղ» վեպում, օրինակ, Սանդալը ստեղծում էր ավելի բարդ փոխհարաբերութիւններ և դեպքերի ավելի պատճառաբանված անցումներ: Բայց, այնուամենայնիվ, նա չէր կարողանում խուսափել, այսպես ասած, պատկերների շարակցումից կամ դրանց ինքնակա-ինքնուրույն ոճավորումից: Ազգագրական պատկերը հազիվ էր միահյուսվում գեղարվեստական գործողութեանը, ինչպես որ վիպական անցքը՝ սոցիալական տեսարաններին: Նմանօրինակ կոմպոզիցիոն մտածողութիւնը տիպական էր մնացած գյուղագիրների համար: Գյուղի և գյուղական իրականութեան ճանաչողութիւնն այժմ դրվում էր գրական մեծ շրջագծի մեջ: Ազգագրական նյութերի հաշվին ընդարձակվում էր իրականութեան վերարտադրութեան սահմանը, ավելի շատ մարդիկ և փոխհարաբերութիւններ էին ընդգրկվում, ավելի համարձակ և ճշգրիտ էին պատկերվում գյուղում գոյութիւն ունեցող

դասային ու սոցիալական հակասությունները և, որ կարևորն է, այժմ գյուղագիրը հանդես էր գալիս հասարակաշինական ծրագրերով և առաջադրություններով:

Կերպարային մտածողության մեջ նույնպես տեղի էին ունենում նկատելի փոփոխություններ: «Մարդասպանը» վեպում, օրինակ, Ագապյանն արդեն փորձում էր ոչ միայն Ղուկասի դործողությունների հասարակական բացատրությունը տալ, այլև գտնել հոգեբանական այն մղումները, որոնք ի վերջո լիցքավորում էին գյուղական այդ գործարարի անձուկ հուզաշխարհը: Բացի դրանից, գյուղագիրները համար կարևոր էր դառնում «Ժողովրդի կյանքը բացատրելու» գրական ծրագիրը: Այստեղից նրանք անցում էին կատարում դեպի մարդկանց միջև եղած սոցիալական հարաբերությունների քննությունը: Սա մի կարևոր առաջընթաց էր: Պատճենահանելով, արտանկարելով իրականությունը, նրանք այլևս ազատ էին ոչ միայն խտացնել գույները (ինչը շափազանց հատկանշական է նրանց գրական ոճին), այլև կերպարների մեջ դնել սեփական կենսափորձից եկող ճանաչողության բազմազունեղ հարստությունը:

Կենցաղագրական, բարքագրական ոեալիզմը շուներ վիպական ձևերի իր կայուն զինանոցը: Արտանկարելով իրականությունը, վիպագիրը շէր կանգնում գեղարվեստական «դժվարությունների» առաջ: Երևույթը ներկայացնում էր իր բնական տեսքի մեջ, և սա էր նրա գլխավոր նպատակը, սակայն դա ըստ երևույթին քիչ էր գեղարվեստական տպավորության հասնելու համար. անհրաժեշտ էր դառնում գրվածքին վիպական տեսք տալ, և այս դեպքում նա ազատորեն օգտվում էր սյուժեի և կերպարների կառուցման հանրահայտ այն եղանակներից, որ տրամադրում էր տիրապետող գրական ուղղությունը: 60—70-ական թվականներին մեր գյուղավեպերի և կենցաղագրական պատկերների մեծ մասի մեջ նկատելի է այս իրողությունը: Հետագայում արդեն քննադատական ոեալիզմի տիրապետության շրջանում, կենցաղագրական ոեալիզմը յուրացնում էր գրական այս մեթոդի վիպական ձևերը:

Կենցաղագրական-բարքագրական ոեալիզմի գեղարվեստա-

կան բովանդակությունը աղքատիկ է: Հետևանք էր սա արտացոլման կամ իրականության վերարտադրության այն մեթոդի, որ սլայմանականորեն լուսանկարչական անունն ենք տալիս: Եթե մի փոքր ավելի առաջ անցնենք և որոշենք, թե մտածողության ի՞նչ եղանակով և գեղարվեստական ի՞նչ միջոցներով էր կենցաղագրական ռեալիզմը վերարտադրում իրականությունը, ապա հեշտ կլինի տալ նաև այն հարցի սլատասխանը, թե ինչպե՞ս գեղարվեստական տեսակետից բարձրագրական վեպն ու պատմվածքը (նույնիսկ իրենց ավարտուն ու ամբողջական ձևերի մեջ) բավականաչափ թույլ են և բավականաչափ անարվեստ: Դիտել ենք արդեն, որ կենցաղագրական ռեալիզմը 60—70-ական թվականներին հենվում էր լուսավորական-դեմոկրատական գաղափարաբանության ընդհանուր առաջադրություններին, և միայն 80—90-ական թվականների գյուղագիրների երկերում է, որ ինչ-որ չափով ավելի լայնանում ու ընդարձակվում են այս ռեալիզմի աշխարհայացքային, իմացաբանական ու ճանաչողական սահմանները: Խնդիր է այժմ որոշել, թե այս ինչ-որ չափովը որքան խորք ունի և թե սահմանների այդ շրջանակը բավարար է, արդյոք, պատմության և հասարակական կյանքի լայնահուն բացատրության համար: Եթե ճիշտ է այն միտքը, թե ռեալիզմի գեղարվեստական մեթոդը արվեստագետի աշխարհայացքում բեկված իրականության արտացոլումն է⁶, ապա անկասկած է, որ այս դեպքում խոշոր կենցաղագիրները խոշոր ռեալիստներ են: Բայց գեղարվեստական ստեղծագործության մեջ արտացոլված իրականության և գրողի աշխարհայացքի միջև եղած կապը բավական չէ որոշելու ստեղծագործական մեթոդի որպիսությունը: Ստեղծագործական մեթոդը շատ ավելի բարդ մի իրողություն է: Բանն այն է, որ արտացոլումը կատարվում է անսլայման, ինչպես Հեգելն է ասում, «կոնկրետ դիմագծի և անհատականացված իրականության» օգնությամբ: «Ամեն մի բովանդակություն, դառնալով պատկերավորությամբ տեսանելի, օտարվում է և վերածվում արտաքին վիճակի»⁷: Ըստ երևույթին, «օտարման» այս պրոցեսը ձևի երևան գա-

⁶ С. М. Петров, Реализм, М., 1964, стр. 208.

⁷ Гегель, Эстетика, т. I, М., 1968, стр. 293—294.

լու հիմնական եղանակն է: Ձևը այդ պատճառով նույնքան ինքնակա է, որքան սրան ծնունդ տվող բովանդակությունը: Եթե մի պահ անտեսվի այս ճշմարտությունը, ապա միանգամայն ընդունելի կդառնա ռեալիստական գեղարվեստական մեթոդի վերը բերված սահմանումը: Բայց դա կնշանակեր գեղարվեստական արտացոլումը պատկերացնել առանց գեղարվեստական ձևի: Օբյեկտիվ ռեալիզմի գեղարվեստական համակարգը հենվում է կյանքի ճշմարտության սոցիալական հիմքերի խորն ու բազմակողմանի լուսաբանության վրա: Բայց սա դեռ ամբողջը չէ. հենվել չի նշանակում նույնանալ: Մեթոդը առնում է իր մեջ «օտարման» պրոցեսի ամբողջ բովանդակությունը: Իրականությունը «անհատականացնելու» եղանակը վճռում է հենց գեղարվեստական համակարգի բնույթն ու էությունը: Գրողի աշխարհայացքի կամ դադափարախոսության կապը ձևի որակական հատկանիշների հետ անկասկած է: Բայց ձևը ինքը գործող ու ստեղծարար ուժ է. ձևի մեջ միայն երևան եկած գաղափարախոսությունը դառնում է գեղագիտորեն ընկալելի, լցնում է պատկերը այն հատկանշական իմաստով, որ գրողի աշխարհայացքում բեկված իրականությունն ունի իր մեջ թաքցրած:

Կենցաղագրական ռեալիզմի համակարգում գործում է ճշմարտության յուրացման այն օրենքը, որ միջին մի տեղ է զրավում գեղարվեստական և ոչ գեղարվեստական ճանաչողության միջև: Կենցաղագրական ռեալիզմը կյանքի բովանդակությանը տալիս է որոշ պատկերավորություն, այն շափուվ, ինչ շափուվ տեսանելի ու ընկալելի են դրանք պատկերի արտաքինից, բայց այդ պատկերավորությունը «օտարվելով», չի բարձրանում մինչև իսկական գեղարվեստական ձևի աստիճանը, քանի որ արտաքին դիմագծի և ներքին ինքնակա բովանդակության միջև եղած կապի խոր հետազոտությամբ չէ, որ պրոյեկցվում է տվյալ ձևը (օրինաչափություն, որ հատուկ է բոլոր արվեստներին): Լուսանկարչական ռեալիզմի մեթոդը ձևի միայն արտաքին հայտանիշներն է յուրացնում. ձևը այստեղ գործող ու ստեղծարար ուժ չէ, ինչպես որ ձևի յուրացումը մեծ բովանդակության հայտարար:

Գեղարվեստական արտացոլման այս տեսակը, իհարկե,

նույնպէս «անհատականացնում է» իրականությունը: Այստեղ գործում է և՛ կերպարային, և՛ պատկերավոր մտածողությունը: Խնդրի բացատրությունը պիտի որոնել որակական հատկությունների մեջ: Թե՛ պատկերի և թե՛ կերպարի իրացումները կատարվում են բավականաչափ պարզունակ և բավականաչափ դյուրընկալ գեղարվեստական միջոցներով: Բառը, նախադասությունը, սրանց ռիթմը, դույները, երանգավորումները շունեն խոր նստվածքներ, դրանք քաղվում են պարզ համեմատություններից և ժողովրդական պատկերավոր մտածողության ներկայակից: Հենց այն հանգամանքը, որ իրականությունը լուսանկարվում, պատճենահանվում է, ինքնին որոշում է ձևի որակը: Ժողովրդական կենցաղը, սովորույթները, խոսակցական լեզուն, մարդկանց դիմադիծը նկարչական հարադատությամբ վերարտադրելու համար կենցաղագիր-ժողովրդագետը օգտվում է ժողովրդական պատկերամտածողությունից: Ժողովրդական կյանքի բովանդակությունը դառնում է տեսանելի, իսկ դրա օտարված արտաքին վիճակը լուսանկարչորեն հարադատ իրականությանը:

Ինքնին հասկանալի է, որ արտացոլման այս միջոցներով անհնար է ճշմարտություն-գեղեցկությունը ամբողջ խորությամբ ճանաչել: Ժողովրդագետ-բարքագիրը չի էլ հետամտում այդպիսի նպատակ: Նրա համար կարևոր է ճշմարտության վերարտադրությունը միայն՝ հոգսի, կարիքի, անարդարությունների, մարդկանց ողբերգական ճակատագրի արձանագրումը: Նա դրա մեջ տեսնում է ժողովրդասերի իր կոչումը. նա դրանով օգնության է հասնում տառապյալներին և ամոքում նրանց ցավերը: Նրա իդեալը այլ բան չէ, բայց եթե գործնականում օգտակար լինել մարդկանց:

1880-ական թվականների սկզբներին, ժողովրդասիրական շարժման վերելքին զուգընթաց, առաջադրվում և տեսականորեն հիմնավորվում էր ճանաչողական գեղարվեստի պահանջը: «Գործի» հրապարակախոսները գրականության այդ տեսակի զարգացման հետ էին կապում գյուղի ռեֆորմիստական վերափոխումների ամբողջ հաջողությունը: «Գրականությունը,— ասում էր Ալ. Քալանթարը,— հիմնվելով կյանքի ուսումնասիրության վրա, այնքան կմոտիկանա ժողովրդի օգուտներին, որ կստանա ավելի ուժ և

կդառնա հավաքական գործունեության արդյունք»⁸։ Այս վերջին միտքը շափազանց հատկանշական է։ «Գրականությունը հավաքական գործունեության արդյունք» — տեսակետ էր սա, որ ժողովրդասիրական շարժման գաղափարական առաջադրություններին էր բխում. գրականությունը հաղորդել մի ուղղություն, որ պիտի տաներ գյուղաշխարհի մեծ հոգսերի գործնական ճանաչումը. ընդ որում, այդ կարելի էր իրագործել շարժման մասնակիցների համախումբ ջանքերով միայն։ Ուսուցիչը, լրագրողը, տնտեսագետը, գրողը, գյուղ մեկնող այն փառլոն երիտասարդությունը, որ վերափոխելու էր գյուղացու տնտեսական և բարոյական դրությունը՝ ձեռնարկելով գյուղական կյանքի հետազոտության, գրականության մեջ և գրականության միջոցով հայտնի էր դարձնելու ոչ միայն այն, թե ինչի՞ կարիք ունի գյուղացին և ինչի՞ է ձգտում նա, այլև պարզելու էր, թե ի՞նչ հիման վրա և ի՞նչ միջոցներով է հնարավոր կենսագործել գյուղի վերաշինությանն ուղղված պետական և հասարակական միջոցառումները։ Թե Ալեքսանդր Քալանթարը և թե Հ. Առաքելյանը զանգատվում էին գյուղի հետազոտության անմխիթար վիճակից. նարոդնիկ հրապարակախոսները մեծ մասամբ դրան էին վերագրում գյուղում ծավալվող գործնական աշխատանքների ձախողումը և վրիպումները։ Եթե գյուղական իրականությունը իտրասպես ուսումնասիրված լիներ, ապա հեշտ էր գտնել և այդ իրականությունը դիմափոխելու ոչ միայն նախընտրելի ուղիները, այլև բաղձալի միջոցները։ Միասնական և համախումբ ուժերով լծակից դառնալով «հայ ազգի ներքին կյանքի» հետազոտության գործին, ժողովրդասեր մտավորականությունը ի վերջո կհասնի իր նպատակին՝ գյուղացու սոցիալական դրության բարեփոխմանը։ Գրականությունը այս դեպքում դառնում է մարդկանց այդ հավաքական գործունեության գլխավոր ուժը, սրա միջոցով է, որ հասարակությունը ճանաչում է ո՞չ միայն իր բազմաթիվ կարիքները, այլև դրանց հոգալու գործնական հնարավորությունները։ Պատահական չէ, որ Հ. Առաքելյանը հանձնարարում էր հայ գրական գործիչներին զբաղվել տնտեսական խնդիրներով,

⁸ «Գործ», Շուշի, 1882, № 1, էջ 21—22։

և «գրականութեան մեջ» ունենալ «գյուղական շահերին նվիրված գործիչներ»⁹։ Գրականութեանն հատկացվող այս դերը նարոզնիկական շարժման գործնական ծրագրերից էր բխում։ Հասկանալի է, որ գյուղագրական գրականութեան առաջին տեսաբանների համար խնդիրը բոլորովին հեռու էր գեղագիտական նպատակայնությունից, և հետադուտութեան կամ ուսումնասիրութեան նրանց առաջադրած մեթոդը պահանջում էր միայն «իաստեղի և իրողությունների», ինչպիսի ասում էր Քալանթարը, ճշմարտացի, իրական և համակողմանի վերարտադրություն։

Գրականութեանը ներկայացրած նարոզնիկական այս պահանջը եղակի հանձնարարական շէր, իհարկե։ Դեռ 70, ապա և 80-ական թվականներին թե՛ լիբերալ-ազատամիտ և թե՛ պահպանողական մամուլը հանդես էր գալիս գյուղական կյանքի հետազոտութեան այդօրինակ ծրագրով։ Տարբերությունը միայն այն էր, որ նարոզնիկ տեսաբանները դա համարում էին ո՛չ միայն համազգային գրականութեան ընդհանրական խնդիր, այլև նախապայման «ժողովրդի մեջ և ժողովրդի համար» շարժումը գործնականում արդյունավետ դարձնելու համար։

1870—80-ական թվականների գյուղագիրները կենցաղագրական ռեալիզմը հասցրին կարևոր բարձրութեան։ Դյուզի հետազոտութեան շրջանակներն ընդարձակվեցին. սոցիալական ավելի լայն տարածություն յուրացվեց և ավելի խորացավ դասային հակասությունների ըմբռնումն ու բացատրությունը։ Լուսանկարչական ռեալիզմի մեթոդը այս դեպքում ո՛չ միայն համապատասխանում էր գյուղի ուսումնասիրութեան համար նորագույն նարոզնիկական շարժման հանձնարարականներին, այլև որոշ իմաստով դյուրացնում «գյուղական շահերին նվիրված գործիչներին» գրական աշխատանքը։

1880-ական թվականների վերջերին և 90-ական թվականների սկզբներին հանդես եկած գյուղագիրների ստեղծագործական նախասիրությունները շատ քիչ էին տարբերվում «հին գրողների» գրական կողմնորոշումներից։ 90-ական թվականների շեմին, հայ

⁹ «Գործ», 1882, № 1, էջ 58։

գյուղի հետազոտությունը ստանում էր շնչաւած հասարակական լիցքավորում և ավելի շատ ու ավելի ընդարձակ քննախոսությունների տեղիք տալիս: Գավառական թղթակիցների հոծ բանակը, նարոդնիկական շարժման հետ կապւած գրողները, դեպի լիբերալ ու պահպանողական հոսանքները կողմնորոշւած դեմոկրատական մտավորականութեան զգալի մասը ապրում էր գյուղի հասարակական վերաշինութեան խնդիրներով: Հավասարութեան համայնավարական գաղափարների ներթափանցումը գյուղագրական գրականութեան և հրատարակախոսութեան մեջ իր հեռավոր արձագանքներն էր գտնում անգամ սոցիալիզմի անհրաժեշտութեանը մերժող գրողների ու գործիչների ստեղծագործութեաններում:

Գյուղաշինական ուրույն ուղիներ պաշտպանող գրողների, թղթակիցների, հրատարակախոսների, ժողովրդասիրական մտայնութեանը կերակրւում էր օրընթաց հոգսերի ու դժվարութեանների սեղանից: Սա շատ կարևոր հանգամանք է բացատրելու համար գործնականի հետ կապվող այն նստվածքների առկայութեանը գյուղագրական գրականութեան մեջ, որ մի տեղ անվանեցինք ներքին տարածություն շունեցող բնագրային գերբեռնվածություն: Կենցաղագրական ռեալիզմը իրականութեանը ճանաչում և յուրացնում է սրա առօրյա ընթացքի մեջ. գործնական ծրագրերն ու գրական ելույթները շատ հաճախ նույնանում են և այլևս տեղ չի մնում գեղարվեստական խորացումների համար: Այստեղ արտացոլված յուրաքանչյուր փաստ իր մեջ կրում է սեփական բացատրությունը: Կենցաղագրական ռեալիզմը սրանից է ելնում փաստագրական նկարագրութեան նշանակութեանը գնահատելիս: Օպտիկական ընկալումը եզակի նշանակութեան է ձեռք բերում. ճանաչողութեան ամբողջ պրոցեսը փաստերի և իրողութեանների շուրջն է պտտւում, ճիշտ այնպես, ինչպես որ քննական միտքը՝ փաստի բացատրութեան: Այստեղից չի հետևում, սակայն, թե կենցաղագրական (փաստագրական) ռեալիզմը շունի սոցիալական ուղղվածություն կամ թե այն չի կարող գործ ունենալ հասարակական օրինաչափութեանների ընկալման հետ: Խոսքն այստեղ վերաբերում է կենցաղագրական ռեալիզմի տիպաբանութեանը: Օպտիկական ընկալումը բացում է մի ճանապարհ, որ տանում է

չեպի կյանքի բազմաժխոր փաստերի տարանջատ և ինքնակա-
քնավորության ճանաչումը: Սրանց միջև գոյություն ունեցող կա-
պերի ու փոխազդեցությունների հարաշարժ և բարդ անցումները
յուրացվում են այն շափով, ինչ շափով դրանք տեսանելիորեն ըն-
կալելի են: Սոցիալական ուղղվածությունը այս ունակիզմի համա-
կարգում պայմանավորված է փաստերի միտումնավոր վերալի-
տագրությունով: Կենցաղագիր-փաստագրողը փաստերը համահա-
վաքում և շարակցում է իրողության այսպես ասած «դոկումենտա-
ցիան» տալու համար: Եվ երբ այդ արդեն կատարված է, նրան
մնում է միայն բարոյախոսի իր ամբողջ հմտությունները բա-
նեցնել. նա դիմում է մարդկանց խղճին և բանականությանը,
հանձնարարում Ավետարանը կամ այլասիրության կողմքսը ու
մտովի նորից վերագտնում աշխարհի ունայնության գաղափա-
րին: Սոցիալական ուղղվածությունն այստեղ չի գոյանում մի
շարք շերտերից (ինչպես այդ հատուկ է ավարտուն գեղարվես-
տական ձևերին), այլ դա ամբողջ բնականորակի համապատ-
կերի միջով անցնող միօրինակ ու տարածուն մի բանվածք է՝
հյուսված մեծ մասամբ սոցիալական հակադրությունների մասին
գրողի ունեցած պարզ պատկերացումներից: Միտումնավորության
խարիսխը միշտ էլ նեավում է այդ պատկերացումների խորքը և
այստեղից է, որ ծնունդ է առնում աշխարհի անարդարություն-
ները դատապարտող կենցաղագրի ցասումնալից ոգեշնչումը:

«ՄՈՒՐՃԸ» ԵՎ ԳՅՈՒՂԱԳՐԱԿԱՆ ԳՐԱԿԱՆՈՒԹՅՈՒՆԸ

Ավ. Արասխանյանի վաղ շրջանի նրապարակախոսությունը: Կրթություն և տնտեսական զարգացում: Քաղաքատնտեսական դասախոսությունները — Ռիկարդո և Մալքոս: Հողային խնդիրն Անդրկովկասում: Յարիզմի վարած ագրարային ֆաղափականության ֆրենադատությունը: Ժողովրդասիրական շարժումը և հողային հարցի լուծման ուղիները: Գյուղատնտեսական ինտելիգենցիան և գյուղացու բարօրությունը: Երկրի արդյունաբերական զարգացումը և գյուղատնտեսությունը: Դեպի լիբերալ-ժողովրդասիրություն: Արասխանյանը և հայ դեմոկրատական մտավորականությունը: «Նոր գրական շարժումը» «Մուրնի» գրական ֆաղափականության արգասիք:

1889 թվականին Թիֆլիսում լույս է տեսնում «Մուրճ» ամսագրի առաջին համարը: Այս «հանրածրագիր» պարբերականը (ինչպես տիրում էր արտահայտվել ամսագրի խմբագիրը) մինչև դարասկիզբ վարում էր մի որոշակի գրական քաղաքականություն, որի քննությամբ պիտի զբաղվենք, մանավանդ, որ դրանից է մեծ մասամբ կախված գյուղագրական գրականության 90-ական թվականներին զարգացման ուղղությունը բացատրելու խնդիրը: Դեկտոր Ավետիք Արասխանյանը կրթությունն ստացել էր Ստրասբուրգի համալսարանում, նախապես սովորելով Լայպցիգում և Փարիզում: Հայտնի բուրժուական տնտեսագետ Շմոլլերին աշակերտելով, նա պատրաստվում էր կարիերայի, երբ միանգամից փոխելով որո-

շումը, մեկնում է հայրենիք և ընդհանուր պատմութեան ուսուցիչ կարգվում Ներսիսյան և Գայանյան դպրոցներում¹: Այդ ժամանակ նա արդեն բավականաչափ հայտնի հրատարակախոս էր: «Մշակի» հետ նրա գրական կապերը սկիզբ էին առնում 1875 թվականից սկսած: Հետագա տարիներին Արասխանյանը աշխատակցում էր այդ լրագրին՝ մշակական լիբերալիզմի քաղաքական ու սոցիալական ծրագիրը պաշտպանելով:

1881 թ. Ստրասբուրգից նա Արծրունուն է ուղարկում «Տեսնեսական հարցը և ազդային կրթութիւն» հոդվածը: Արասխանյանի աշխարհայացքի բարեշրջումին հետևողը դյուրութեամբ կարող է տեսնել, որ քաղաքատնտեսութեան ասպագա դոկտորը այս շրջանում բաժանում էր Արծրունու տեսակետը ազգը «քաղաքականապես կրթելու» վերաբերյալ: Մի ժամանակ էր դա, երբ դեռ հայկական հարցի վերարժարժումները ամբողջութեամբ չէին արգելված, և երբ արեւմտահայոց ազատագրութեան խնդիրը լիցքավորում էր նորաշրջան նարոզնիկութեան քաղաքական միտքը:

Կա երկու տեսակետ ազգային վերածնութեան,— ասում էր Արասխանյանը,— կրթութեան միջոցով ասպահովել ազգի քաղաքական և տնտեսական զարգացումը կամ տնտեսական զարգացմամբ նպաստել նրա ազգային և քաղաքական ազատութեանը: Ինչպես հայտնի է, վերջին տեսակետը պաշտպանում էր Արծրունին: Արասխանյանը, սակայն, քաղաքական ինքնահայտնաբերման գործոնի հետ էր կապում ազգի ասպագա բարօրութիւնը: «Քաղաքականապես կրթել մի ազգ,— ասում էր նա,— մենք այլ տեսակ չենք կարող հասկանալ, եթե ոչ կրթել նորան այնպես, որպէսզի նա ուսմամբ, թե այլապէս քաղաքացու ազատութիւնները վայելելու իր ընդունակութիւնները բազմակողմանի կերպով զարգացնեն»²: Իսկ դրա նախապայմաններից առաջինը Հայաստանի ինքնավարութեան դադարի արի գործնական ու տեսական ճանաչումն է: Արա հետ է կապվում նոր սերնդի մտավոր և ֆիզիկական դաս-

1 Կենսագրական բոլոր տեղեկութիւնները քաղում ենք «Աղբյուր-Տարագի» խմբագրութեան առաջարկով գրած ինքնակենսագրութիւնից: Տե՛ս Ալ. Արասխանյանց, Ինքնակենսագրութիւն, Քիֆլիս, 1912, էջ 4—5:

2 «Մշակ», 1881, № 172:

տիարակութեան ամբողջ գործը, ինչպես նաև տնտեսական դարգացման հեռանկարներում ուրվագծվող հայ գյուղացու հասարակական ճակատագիրը: Պետք է, ասում էր նա, կանխել Հայաստանի գավառներում սկսված դաղթականական շարժումը. պանդուխտ ու տարագնաց հայերին վերադարձնել իրենց բուն հայրենիքը. «...տաճկահայ գյուղացիներին սեփականութուն ունենալու կարելիութուն տալ այն տեղերում, ուր տաճիկը հողային սեփականութունը յուր ձեռքին ունենալով, հայերին իր կախման մեջ է պահած»³: Եվ վերջապես ապահովել «Հայաստանի արդյունքները եվրոպական ապագա դաղթականների և կապիտալիստների դեմ»: Քանի որ «քաղաքական արգասիքն է մեր բոլոր ազգային գործողութունների ձգտւարը», ապա միայն դրանով պիտի կապվեն ազգի վերածնութեան գործում ներգրավված բոլոր ուժերը, — պընդում էր Արասխանյանը⁴: Քաղաքական շահը ամենաբարձր շահն է: Մյուս ժողովուրդների կենդանի փորձը ապացուցում է, որ քաղաքական ազատութուններից են ծնունդ առնում ազգի բարօրութեան պայմանները: Երիտասարդ հրապարակախոսը, Ա. Թոխմախյանի նման, ազատագրութեան դարբնոցը ուսումնարանն է համարում, միայն թե ամեն ինչ կախման մեջ է դնում այդ ուսումնարանի ուղղութունից և ոգուց: Եթե մեզ հաջողվի ազգային ուսումնարաններ կազմակերպել քաղաքական ազատագրութեան խնդրին ենթակա մի ծրագրի համաձայն, ապա անկասկած է, որ ազգի վերածնութեան գործը առաջ կընթանա մղոնանոց քայլերով: Ուսումնարանը հայ պատանու մեջ պիտի դաստիարակի քաջասրտութուն և միաբանվելու ոգի: Մարմնամարզութունը և զինավարժութունը կրթական գործի մեջ պիտի գրավեն առաջնականորդ տեղը: «Այդքան կրկնված հայկական անմիաբանութունն ի՞նչ բան է, — հարցնում էր Արասխանյանը, — եթե ոչ կորպորատիվ հոգու կատարյալ բացակայութունը, կատարյալ անընդունակութունը, անհատական ձգտումները ընդհանրութեան օգտին ենթարկել, մի խոսքով կատարյալ ազգասիրութուն: Բայց թե որ-

³ «Մշակ», 1881, № 172:

⁴ Նույն տեղում:

քան հարկավոր է ընկերական, կորպորատիվ հոգին մեծ գործեր առաջացնելու համար—այդ թողնում ենք ազգային գործիչների դատողութեանը»⁵։

Կորպորատիվ, ընկերական ոգու դաստիարակութեան կրթական պահանջը Արասխանյանի ծրագրում հրեան էր եկել բնավ ոչ պատահականորեն։ 1880-ական թվականների սկզբներին հրապարակախոսը կանգնում էր կիսալիբերալ, կիսաժողովրդասիրական այն դիրքերի վրա, որ ազգային շարժման նորահուն ուղին պարտադրում էր լիբերալ-ազատամիտներին։ Արասխանյանի պաշտպանած քաղաքական ազատագրութեան գաղափարը նոր միտք չէր հայ հրապարակախոսութեան և զրականութեան մեջ։ Միայն թե նա սրում, բնդգծում և հանձնարարում էր դրա գործնական հեռանկարայնությունը՝ ազգային վերածնութեան գործի շուտամիույթ հաղթանակի համար։

1883 թ. Թիֆլիսում Արասխանյանը հանդես եկավ մի շարք հրապարակային դասախոսություններով, որոնցից միայն երկուսը լույս տեսան առանձին գրքուկներով՝ «Ազգաբնակչությունը և ազգաբնակչական շարժումները» (1883) և «Հողի արդյունաբերությունը և հասարակությունը» (1884)։ Քաղաքատնտեսական այդ մատչելի զրույցների մեջ հրապարակախոսը հիմնականում շարադրում էր Ռիկարդոյի հողային ռենտայի և ազգաբնակչության աճի մալթուսյան տեսության սկզբունքները։

Մեզ հետաքրքրողը տվյալ դեպքում Արասխանյանի հայացքների համակարգն է և ոչ թե նրա գիտական պրպտումների արժեքավորումը։ «Հողի արդյունաբերությունը և հասարակությունը» գրքուկի մեջ շատ պարզ երևում է միջակա այն դիրքը, որ զբավում էր հայ հրապարակախոսը համայնական և մասնատիրական հողատիրության սկզբունքների քննութեան ժամանակ։

Ֆիզիոկրատների դպրոցի և մասնավորապես Ֆրանսուա Քեննի ուսմունքի քննական վերլուծությամբ Արասխանյանը պատասխան էր տալիս այն հարցին, թե որտեղ պետք է որոնել հասարակական հարստութեան գոյացման իրական աղբյուրը։

⁵ «Մշակ», 1881, № 172։

Ֆիզիոլոգիայի «ուղղութիւնը» միակողմանի համարելով, արն-
տեսագետը «հողի զուտ արդյունքի» խնդիրը փորձում էր լուսա-
բանել Ռիկարդոյի ունեւայի տեսութեամբ: Այդ տեսութիւնը իր
վրա դարձրեց սեփականութեան պաշտպանների և կալվածատիրա-
կան դասի թշնամանքն ու հարձակումները, քանի որ Ռիկարդոն
խորամուխ էր եղել այն ճշմարտութեան մեջ, թէ լավ և վատ հո-
ղերի վրա ծախսված միևնույն աշխատանքից, լավ հողատերը
ավելի շատ եկամուտ ունի, քան մյուսը, հետևաբար առաջինը յու-
րացնում է անաշխատ մի եկամուտ, որից զուրկ է երկրորդը⁶:
Ռիկարդոյի տեսութիւնից, — ասում էր Արասխանյանը, — սոցիա-
լիստները հանում են սեփականութեան ինստիտուտի դեմ ուղղված
իրենց եզրակացութիւնները. «Նրանք պնդում են, թէ՛ որովհետև
անհատական սեփականութեան իշխանութեան տակ այն տեսակ
անարդարութիւններ կարող են տեղի ունենալ հարստութիւնների
բաժանման մեջ, որպէս Ռիկարդոյից մատնացուցց արած և զոյու-
թիւնը հաստատած բնութիւնը ինքնըստինքյան պիտի բխեցնէ, ուստի...
անհատական սեփականութիւնը իբր արդարութեան ընդդեմ հաս-
տատութիւն է»⁷: Սոցիալիստներին Արասխանյանը առարկում էր,
եւթեղով ժամանակի տնտեսական զարգացման հիմնական՝ կապի-
տալիստական ուղղութիւնից: Պետք է խնդիրը քննաբանվի մաս-
նատիրական սեփականութեան՝ արդյունաբերական առաջադիմու-
թեան հետ ունեցած հարաբերակցութեան մեջ: Բացի դրանից. հողի
մասնավոր սեփականութիւնը դատապարտելու համար անհրա-
ժեշտ է «համեմատել նորա տված օգուտները և կամ նորանից
պատճառած անարդարութիւնների չափսը այն դրութեան հետ, որը
պիտի ստեղծվեր և կամ պիտի ստեղծվի անհատական սեփակա-
նութեան վերացնելով»⁸: Հրապարակախոսը հանձնարարում էր մի
հայացք նետել տնտեսական սիստեմների զարգացման պատմու-
թեանը. կար ստրկութիւն և նա վերացվեց, կար ճորտութիւն, որ

6 Ավետիք Արասխանյանց, Հողի արդյունաբերութիւնը և հասարակութիւն-
ը, Թիֆլիս, 1884, էջ 50—55:

7 Նույն տեղում, էջ 57:

8 Նույն տեղում, էջ 58:

նույնպես վերացվեց: Ռուսաստանում, Գերմանիայում, Շվեյցարիայում գոյութուն ունեւր «համայնքային սեփականութուն», որ այդ երկրների համար հիմնական տնտեսական մի հաստատութուն էր, բայց մի՞թե այն մնաց անխախտ,— հարցնում էր Արասխանյանը: Տնտեսագետը փորձում էր մասնավոր սեփականության և հասարակական առաջադիմության (որ, ըստ նրա, արդյունաբերական զարգացումն էր) միջև եղած կապի և այդ հիման վրա ապագա հասարակական հարստութունները ու արտադրական միավորումների գոյացման հեռանկարի ընդհանուր արժեքի հաշվեկշռում տեղադրել մասնավոր սեփականության ծանրութունը: Իր քննադատական խոսքն ուղղելով Ռիկարդոյի տեսութունից հեղափոխական եզրակացութուններ հանող սոցիալիստներին և այդ տեսության բուրժուական քննադատներին (վերջիններս ամբողջությամբ ժխտում էին ռենտայի գոյության փաստը հողային սեփականության մեջ), Արասխանյանը մասնավոր սեփականութունը համարում էր ազգի տնտեսական առաջադիմության գլխավոր նախապայման և այդ տեսակետից արժեքավորում այն ջանքերը, որոնք ուղղված էին մի դեպքում արդյունաբերական, մյուս դեպքում՝ գյուղատնտեսական զարգացման վերելքին:

1886 թ. գրած «Անդրկովկասի ցորենի առևտուրը» ընդարձակ հոդվածաշարի մեջ հրատարակախոսն այս անգամ հայ մտավորականությանն է դիմում «գյուղական դասակարգի օրինական շահերը» պաշտպանելու համար: Նրա հաշվումները ցույց էին տալիս, որ Եվրոպայի հետ հայկական գավառների առևտրական կապերը միլիոնների հասնող դրամական եկամուտ են բերել գյուղացիներին. «Այդ մեծ գումարի մի մասը արդեն ծառայել է նոցա պարտքերի վճարման»⁹: Տնտեսագետի միտքն այն էր, որ երկաթուղային ու ճանապարհաշինական գործի առաջընթացով Անդրկովկասը կապվում է միջազգային շուկաների հետ և որքան լայն ու խորն են դառնում այդ կապերը, այնքան թեթևանում է գյուղացու տնտեսական դրութունը, այնքան ավելի ու ավելի միջոցներ ու հնարավորութուններ են ստեղծվում գյուղաբնակչության սո-

9 «Մշակ», 1886, № 137:

ցիալական բարօրությունը ամուր հիմքերի վրա դնելու: Կոնկրետ տնտեսագիտական հետազոտութեան մեջ անգամ արտացոլվում էր «Հողի արդյունաբերությունը և հասարակությունը» դասախոսութեան հիմնական գաղափարներից մեկը, այն, որ տնտեսական զարգացումը բազմաշղթա պրոցես է, արդյունաբերական առաջընթացը ներգործում է տնտեսութեան մյուս ճյուղերի վրա, ինչպես որ վերջիններս իրենց հերթին ապահովում են արդյունագործական առաջադիմութեան նյութական պայմանների գոյացումը:

1885—86 թվականներին Պետական կալվածների մինիստրութեան Կովկասի լիազոր Տիխեևի հանձնարարականով Արասխանյանը ղեկավարում է Նուխվա և Արեշի գավառներում պետական հողերի վրա հաստատված գյուղացիների տնտեսական դրութեան հետազոտութեամբ¹⁰: Սրա արդյունքները նա հրատարակում է «Материалы по изучению быта государственных крестьян в Закавказском крае» հատորներում: «Մուրճը» հրատարակելիս Արասխանյանն արդեն պատրաստ ուներ «Հողային խնդիրը Անդրկովկասում» հոդվածաշարը, որ գրել էր Տիխեևիին իր ղեկուցապիրը տալուց հետո: Այստեղ հրատարակախոսը հիմնականում զբաղվում էր Անդրկովկասում Ռուսաստանի վարած հողային քաղաքականութեան վերլուծութեամբ, ինչպես և գյուղի ու հողի մեծ սյրոբլեմի շուրջ այդ ժամանակներն արթնացած հասարակական հետաքրքրութեան քննական արժեքավորմամբ: Հողային խնդիրը.— ասում էր նա,— կազմում է «կենդրոնը բոլոր սոցիալական խնդիրների»¹¹: Ֆրանսիական մեծ հեղափոխությունը (1789), որ մայրն է «նոր հասարակութունների», ի վերջո արդյունք էր «հողային օրենքների» շրջադարձային փոփոխութեան¹²: Քաղաքական, սոցիալական և տնտեսական զարգացման «գծվար լուծելի հանգույցներից ամենակարևորը»՝ հողային խնդիրը և դրա հետ կապված ամբողջ շարժումը (հողային պայմանների օրենսդրական կարգավորումներ և այլն) ոչ միայն որոշել են պետութունները

10 Ա. Արասխանյանց, *Ինքնակենսագրութիւն*, Թիֆլիս, 1912, էջ 5—6:

11 «Մուրճ», 1889, № 9, էջ 1286:

12 Նույն տեղում:

և ազգերի ճակատագիրը, այլև հատկանշել ժողովուրդների «պատմութեան մեծ էպոքները»¹³։

Արասխանյանը շատ դիպուկ էր նկատում, թե 1789-ի Ազգային ժողովի հռչակած հողային օրենքները միայն այնտեղ նստած «անունների հետ» չէ, որ կապվում է։ XVIII դարու ամբողջ փիլիսոփայական, գրական և «նորարողըռջ քաղաքատնտեսական» գրականութունը նախապատրաստեց այդ օրենքների երևան գալը։ Ճիշտ այդպես էլ 1840—50-ական թվականների ռուս հրասպարակախոսութունը, քաղաքատնտեսական ու ղեղարվեստական գրականութունը ստեղծեցին հասարակական կազմակերպության նոր իդեալներ, որ յուրացվեց նոր սերնդի կողմից և սրից դուրս եկան ապագա ուեֆորմի ծրագիրը մշակող մեծ հայրենասերները¹⁴։

Արասխանյանը «Գործի» հրասպարակախոսների նման կշտամբում էր հայ մտավորականութեանը, հասարակական ու գրական գործիչներին, հողային հարցի շուրջ ցուցաբերած ճակատադրական անտարբերութեան համար. «Մի այնպիսի ժամանակ, — գրում էր նա, — երբ վճալում էին մեր երկրի ազգաբնակչության կենսական շահերի ամենամոտ խնդիրները՝ հողի սեփականութեան, տիրապետութեան և օգտվելու իրավունքների խնդիրները, հողատիրական և ոչ հողատիրական, բայց երկրագործ գյուղացի ազգաբնակչության իրար հետ ունենալիք հարաբերութեանների արդարև ծանրակշիռ, գրեթե մահի և կյանքի խնդիրները, — այդ ժամանակ մեղանում հասարակական կարծիք ասած բանը քնած էր, քնած խորը մթութեան մեջ»¹⁵։ «Մուրճի» խմբագիրը, իհարկե, իրավացի էր։ Իսկապես ասած՝ միայն Մ. Նալբանդյանն էր, որ փորձեց մի ուղղութիւն և գաղափարական լիցք հաղորդել պրոբլեմի հայկական քննութեանը։ Բայց նրա մահից հետո, տարիներ շարունակ խնդիրը մնաց բաց և միայն 80-ական թվականներից սկսած աստիճանաբար հերկվում էր սոցիալական շահախնդրութեանների այդ խոսքի անդաստանը։ Այդ էր պատճառը, որ Արասխանյանը

13 «Մուրճ», 1889, № 9, էջ 1285։

14 Նույն տեղում, էջ 1289։

15 Նույն տեղում, էջ 1290։

Անդրկովկասում ցարիզմի վարած հողային քաղաքականության մեջ տեսնում էր տիրապետող ազգի քաղաքական ակնկալիքների փաստը միայն: Այն բոլոր օրենքները, որ Ռուսաստանը սահմանում էր Անդրկովկասի հողային հարաբերությունները կարգավորելու համար,— ասում էր հրապարակախոսը,— «...բխած չէին ոչ գյուղացիների պահանջմունքներից և ոչ էլ արդյունք էին հատուկացած հասարակական կարծիքի»¹⁶: Դրանք կրում էին շատ թե քիչ «քաղաքական օրենքների բնավորություն»: Այս դիտողությունը, ի միջի այլոց, նորագույն հետազոտողների համար կարող է դառնալ բանալի՝ 1865, 1867, 1870 թվականների հողային ռեֆորմների բնույթը լիովին և խորապես ըմբռնելու համար: «Անդրկովկասյան հողային օրենքները,— գրում էր Արասխանյանը,— ...պատմական դորեզ հոսանքների արդյունք չեն ներկայացնում»¹⁷: Դրանք արտահայտում էին ոչ թե մասսայի պահանջը, այլ տերություն¹⁸: «Տրված լինելով ավելի քաղաքական հաշիվներով», այդ օրենքները «մեծ արմատներ չունեին» անդրկովկասյան իրականության մեջ¹⁹: Իհարկե, դժվար է պնդել, թե Արասխանյանը «պատմական գորեզ հոսանք» ասելով հասկանում էր միմիայն նարոդնիկական շարժումը Ռուսաստանում: Հայտնի բան է, ճորտերի ազատագրության խնդիրներով զբաղվում էր ռուս մտավորականության մեծ մասը: Տարբեր հասարակական հոսանքների սոցիալական իդեալները բախվում էին նույն հողի վրա: Անգամ Գերցեն-Օդարյով խմբավորման տեսակետները տարբերվում էին Չերնիշևսկու և յուրայինների հայացքներից: Արասխանյանը 80-ական թվականների այն մտավորականներից մեկն էր, որ լիբերալ-ազատամտական դազափարախոսությունը փորձում էր դաշնել նարոդնիկական մտայնության հետ: Սոցիալ-ռեֆորմիզմը նրա ծրագրերի հիմնական ուղղությունն էր, և եթե նա դնում էր գյուղի և գյուղացիության լիճակի «գրական-ուսումնական» հետազոտության պահանջը, ինչպես «Գործի» նարոդնիկները, ապա նկատի

16 «Մուրճ» 1889, № 9, էջ 1289:

17 Նույն տեղում, էջ 1292:

18 Նույն տեղում, էջ 1290:

19 Նույն տեղում, էջ 1292:

ուններ գլուղացու հողային սլայմանները օրինադրական միջոցներով կարգավորելու գործնական հեռանկարը միայն:

Հաջորդ, 1890-ին գրած «ժողովուրդը որպես քաղաքական ուժ» հոդվածում Արասխանյանն արդեն գրեթե բացահայտորեն ներկայացնում էր ժողովրդական կյանքի ուսումնասիրության նարոդնիկական կողմնորոշումները յուրացնելու սլահանջը: Ամենից առաջ նա դնում էր ժողովուրդ-մտավորականություն կամ ավելի ճիշտ, գլուղացիություն-մտավորականություն հարաբերության խնդիրը: Հայ մտավորականության գործունեության թուլությունը կամ անարդյունավետությունը, դիտում էր հրապարակախոսը, պիտի բացատրել ժողովրդի կամ ամբոխի անտեսական, մտավոր ու բարոյական անմխիթար դրությունը: Որպիսին ժողովուրդն է, այդպիսին է և նրա մտավորականությունը: Արասխանյանը հետևում էր նարոդնիկների այն մտայնությունը, թե ժողովուրդն ինքն է իր համար «մտավորականություն ստեղծում»: «ժողովրդի ներքին կուլտուրական զարգացումը սլայմանավորում է նաև նորա բարձր ստեղծագործական ուժը»: Այդ բարձր ստեղծագործական ուժը՝ մտավորականությունը, Արասխանյանի կարծիքով, երբեք ժողովրդից դուրս այլ շահեր ու նպատակներ չի հետապնդել: Նա միշտ էլ ձգտել է ժողովրդի շահերի և սեփական գործունեության ներդաշնակություն: Մոռացություն էր տրվում կամ վարագործվում էր մտավորականության ենթակայության հանդամանքը հասարակական որոշ դասակարգերի նյութական շահերից և, կամ խեղաթյուրվում էր իրական այն հարաբերությունների ամբողջ իմաստը, որ փաստապես գոյություն ունեն մտավորականության և իշխող վերնախավի միջև: Արասխանյանը, ինչպես նարոդնիկները, մտավորականությունը վերագրում էր «սլատմությունն ուրիշ գծով քարշ տալու» սոցիալական կարողությունը, դրա համար որպես օրինակ մատնացույց անելով այդ նույն նարոդնիկներին: Մի մեծ ճեղքվածք էր գոյացել ուս «լուսավորված դասի» և ռամիկ ժողովրդի միջև, — ասում էր նա: Մեկը կանգնած էր մի ծայրաթևվում, մյուսը՝ ուրիշ: Նրանց միջև եղած վիհը այնքան խորն էր, որ ոչ մի հեռանկար չկար, թե նրանք երբեք կհասկանան միմյանց: Իս մեծ դժբախտություն էր: Եվ ահա հանդես են գալիս նարոդ-

նիկները, այն մարդիկ, որոնք իրենց ամբողջությամբ նվիրել են ժողովրդական գործին և փորձում են վերացնել այդ անջրպետը: «Ժողովրդական ամեն կարգի ինտելիգենսի գործիչները», նարոդնիկները, իրենց բարձունքից իջնում են ցած՝ «ժողովրդական կյանքի հետ հաղորդակցելու համար»: Ռուս մտավորականության ժողովրդասիրական գործունեությունը, որ սկիզբ է առնում 1860-ական թվականներից և մեծ մասամբ հրահրվում բարենորոգչական այն ձեռնարկումներով, որ պետությունը իրացնում էր այդ ժամանակները՝ ստրկությունից ազատելով ռուս մուժիկին, ի վերջո, կանխորոշեց ժողովրդի և մտավորականության միջև հաստատված հարաբերությունների նոր որակը: Չլինելն այդ ռեֆորմները, շէր լինի և «կրթված դասակարգի» ժողովրդասիրական գործունեությունը: Ռուս մտավորականության և ժողովրդի միջև ստեղծված նոր փոխհարաբերության օրինակը բերելով, Արասխանյանը հանձնարարում է հայ մտավորականությանը քայլել նարոդնիկների ճանապարհով, բայց, իհարկև, ոչ այն նարոդնիկների, որոնք աչքի էին ընկել իրենց ցարասպան գործողություններով, այլ նրանց, ովքեր «գործնականում օգնել և օգնում են գյուղացուն» ռամիկին, ամբոխին, բարձրանալու մտավոր հետամնացությունից, հաղթահարելու աղքատությունն ու կարիքը, զնալու «գիտություն և կյանքի հառաջադիմության» ճանապարհով: Հայ լուսավոր դասը կարող է և պետք է ձեռնարկի նշանավոր այդ գործունեությունը: Առաջ դրա նա կարող է մատնվել ինքնագոհ և հոգեզուրկ պարապության, որից դենը սկսվում է ճարտար խաբեությունը և մաղձոտ երեսպաշտությունը: Պետք է հասկանալ, որ ժողովուրդը ոչ միայն կրթվում է, այլև կրթում. նա է, որ որոշում է կրթված դասի «դրական արժեքը», և հենց այդ կրթարանում է, որ մտավորականությունը պիտի մարդի ոչ միայն իր գործնական միտքը, այլև ապագաշեն երևակայությունը: Ահա ամենամեծ խընդիրը, որ այսօր կանգնած է մտածող հայության առաջ²⁰, Հին այն հայացքը պաշտպանելով, թե «հայ երկրագործ դասակարգն է ազգի մարմինը», Արասխանյանը, լիբերալ նարոդնիկների նման,

20 «Մուրճ», 1890, № 11, էջ 1493:

չէր պանծացնում հողատիրութեան համայնական եղանակը: Հակառակը, նրա համար կարևորագույն նշանակութիւն ունէր գյուղի արդունաբերական զարգացումը: Ծիշտ է, նա կողմնակից չէր խոշոր մասնավոր տնտեսութիւնների բարգաւաճմանն ու առաջընթացին և դրանց գոյութիւնը արգարացնում էր դպրոցական նպատակներով կազմակերպող փորձառական տնտեսութիւն ունենալու անհրաժեշտութեամբ²¹: Բայց և մյուս կողմից մասնատիրական հողատիրութիւնը նրա աչքում այն միակ տնտեսաձևն էր, որ կարող էր ապահովել «գյուղական դասակարգի» նյութական և հասարակական բարօրութիւնը:

1870—80-ական թվականներին հաստատված ազդային և նարոդնիկական այն մտայնութիւնը մերժելով, որը գյուղի վերափոխման գործի առաքյալներ ու կարասիւտներ էր նկատում գյուղական վարժապետին և քահանային, Արասխանյանը բարձրացնում էր գյուղատնտեսական մտավորականութիւն ստեղծելու հարցը, դրա հետ կապելով գյուղաշխարհի տնտեսական ղիմափոխման պատմական պրոցեսի ամբողջ հաջողութիւնը: Գիտութեան և գյուղական դասակարգի միջև պետք է ստեղծել մի ամուր կապ, որպեսզի հնարավոր լինի գործնականում լուծել գյուղի սոցիալական վերաշինութեան խնդիրները: Այդ կապի ներկայացուցիչը՝ է և պիտի լինի գյուղատնտեսական մտավորականութիւնը: Ամեն մի դասակարգ ունի «յուր սեփական ինտելիգենցիան»: Գյուղացիութիւնը, որ ազգի ստվար մեծամասնութիւնն է կազմում, գուրկ է մտածող խավից, այն առաջադեմ մտավորականութիւնից, որ ոչ միայն ապրում է գյուղում, այլև զբաղվում է հատկապես գյուղատնտեսութեամբ: «Այդ դասակարգը, — ասում էր «Մուրճի» խմբագիրը, — կոչված է հեղաշրջում կատարելու հայկական կյանքի մեջ. նա է, որ պիտի կազմի ոչ միայն գյուղատնտեսական, այլև առհասարակ արևելահայոց ինտելիգենցիայի բուն կորիզը, հիմնական մարմինը»²²: Արասխանյանը ոչ միայն չէր տեսնում գյուղացիութեան դասակարգային շերտավորումը.

21 «Մուրճ», 1892, № 11, էջ 1558:

22 «Մուրճ», 1899, № 9, էջ 961:

այլև չէր հասկանում, որ գյուղատնտեսական մտավորականությունը, ինքնին, որպես խավ, գյուղացուն ծառայելու իր ջանքերի մեջ դեմ է առնելու սոցիալական զանազան խավերի հակասություններին և, ի վերջո, կանգնելու է արտոնյալ և հզոր տնտեսական ուժերի կողմը՝ ոտնատակ տալով ժողովրդասիրական ամեն մի կողմնորոշում, քանզի մտավորականությունը դասային իր շահերը միշտ էլ բավարարված է գտնում նյութական այն ապահովություններ, որ նրա համար ստեղծում են տնտեսության լծակները իրենց ձեռքն առած հասարակական վերնախավերը: Տվյալ դեպքում տնտեսական բարեկեցության այդ ուղին մտավորականության համար կարող էին հարթել կալվածատերերը և կուլակները, որոնք էլ, ըստ էության, հետամուտ էին գյուղատնտեսական կրթություն ունեցող մասնագետներին զործ ու դրամ տալ՝ կալվածատիրական, կուլակային տնտեսությունների բարգավաճումը ապահովելու համար: «Մենք այսօր բոլորովին շունենք ինտելիգենտ գյուղացիներ, — ասում էր Արասխանյանը, — գրեթե շունենք ինտելիգենտ մեծ գյուղատնտեսներ, հանձին թե կալվածատերերի և թե ֆերմերների, գեթ այն չափով, որքան այդ հարկավոր է գյուղատնտեսության հառաջադիմության համար, շունենք, իհարկե, նաև իրանց կոշմանը ծառայող գյուղատնտեսական ընկերություններ»²³: Պարզ երևում է, թե Արասխանյանը ում հետ էր կապում գլխավոր նպատակի՝ գյուղացու «հառաջադիմության և բարօրության» կենսագործման հեռանկարը: Փաստորեն տնտեսության ղեկավարման եվրոպական եղանակների օրինակը պետք է տային «ինտելիգենտ մեծ գյուղատնտեսները»՝ ի դեմս ֆերմերների և կալվածատերերի: Նրանք է, որ պիտի կազմակերպեին հողագործական աշխատանքի հնօրյա ձևերի ու միջոցների արմատական վերափոխումը՝ գյուղացիներին վերջնականապես հրաժարեցնելով ասիական, պապենական գյուղատնտեսության փորձ ու սովորույթից: Սա էլ հենց հողագործական մանր արտադրության մեջ բուրժուական հարաբերությունների սկիզբն էր ազդարարելու, որչափ

23 «Մուրճ», 1892, № 11, էջ 1553:

ինքնուրույն մանր արտադրողը (կուլակը կամ ֆերմերը) «բացառիկ դրուժյան» մեջ էր դրվելու «արտադրողների մասսայի վերաբերմամբ», որչափ «ինքնուրույն տնտեսատիրոջ դրուժյունն ու շահերը» նրան առանձնացնելու էին գլխավորապես աշխատավարձով ապրող «արտադրողների այդ մասսայից»²⁴։ Գյուղատնտեսական մտավորականությունը,— ասում էր Արասխանյանը,— «...կոչված է կուլելու գյուղական աղքատության և սորանից օգտվող վաշխառուների դեմ, և այդ կոիվը նա կմղի ոչ թե խոսքի քարոզով, այլ ստեղծելով ու ղեկավարելով վարկատու հաստատությունները, բաց անելով գյուղական արդյունաբերության նոր ճյուղեր, Կործադրելով տնտեսական լավագույն եղանակներ ու զարկ տալով գյուղական արդյունաբերության: Նա է, որ ձեռնահասունություն կունենա գյուղական կարիքները մոտիկից ճանաչելու և ուր հարկն է այդ մասին լսեցնել տալու, այլև միջնորդ լինելու կառավարության ծրագիրների համար գյուղական արդյունաբերության վերաբերմամբ»²⁵։ Մտավորականության՝ «որոշ դասակարգերի նյութական շահերի հետ» ունեցած կապերն ու առնչությունները անպիտացող այս հայացքը՝ լիբերալ-նարոդնիկական իր ամբողջ արդ ու զարդի մեջ, այլ բան չէր, բայց եթե գյուղի կապիտալիստական զարգացմանն ընդառաջող այն մտայնության պարզ արտացոլումը, որ Արասխանյանը տարիներ շարունակ պաշտպանում էր իր հրապարակախոսական ու գրական ելույթների մեջ։ Առաջադրվող համազգեմոկրատական այդ ձեռնարկումները՝ էժան վարկ-տեսիս-նիկայի բարելավում, վաճառահանություն կարգավորում, գիտությունը ազատ և լայն շափերով ժողովրդին մատչելի դարձնելը և այլն, ըստ էության,— ինչպես նկատել է Վ. Ի. Լենինը,— «երկրի տնտեսական զարգացումը կապիտալիստական ուղիով տանելու առաջադիմական միջոցներ են սոսկ»²⁶։ Մանր արտադրողների շահերի արասխանյանական պաշտպանությունը հակասության մեջ չէր երկրի արդյունաբերական առաջընթացը ամեն կերպ խթա-

24 Վ. Ի. Լենին, Երկեր, հ. 1, Երևան, 1950, էջ 558:

25 «Մուրճ», 1899, № 9, էջ 961:

26 Վ. Ի. Լենին, Երկեր, հ. 1, Երևան, 1950, էջ 660:

նելու և կապիտալիզմի զարգացումը դրվատելու գաղափարական ամուր կողմնորոշման հետ: Արասխանյանը հենց այդ զարգացման հետ էր կապում մանր արտադրողների տնտեսական բարգավաճման ու առաջադիմության ամբողջ հնարավորությունը:

1890-ական թվականները տնտեսական մեծ հեղաշրջման տարիներ էին, — ասում էր «Մուրճի» խմբագիրը: Կապիտալիզմի զարգացումը եկավ հիմնովին փոխելու «հայ հասարակության կազմը»: «Այս տասնյակ տարիներում է, որ արտահայտվեց Կովկասում ժամանակակից Բաքուն, խոշոր կապիտալիզմի բոլոր ուժովը»²⁷: Տնտեսական այս հեղաշրջումը կատարվեց «անասելի արագությամբ»: Դեռ ըստ երևույթին չեն կայունացել հարաբերությունները և դեռ «խառնշտկած հասարակությունները նորից կկազմակերպվեն» — ու երևան կգան դրանց «բարեբար հետևանքները»²⁸: Արդյունաբերության նորանոր ճյուղերի հաստատումը, նոր դասակարգերի («արդյունաբեր և բանվոր») հանդես գալը վառում էին հրապարակախոսի գործնական երևակայությունը: «Թարմ և ձրգատող այս խավերի» վերաբերմունքը դեպի «հասարակաց և մտավոր խնդիրները», բոլորովին տարբերվում էին հին, վաճառականական դասակարգի անտարբեր օտարությունից: Սրանք ավելի քան զգայուն են դեպի հասարակական կյանքը, ավելի մտավոր սնունդ են պահանջում և, որ կարևորն է, նախապատրաստում են առաջադիմության իսկական պայմանները: Երբ «Մուրճի» հողվածագիրներին մեկը քննաբանելով Երևանի նահանգում կատարվող բամբակի առևտրի հանգամանքները, մեղադրում էր «օտարներին» տեղացի վաճառականությանը ներտնտեսական շուկայից դուրս մղելու համար, Արասխանյանը պատասխանում էր միանգամայն տրամաբանական հերքումով. «Հողվածագրի ասած «օտարները», — դիտում էր նա, — ոչ այլ ինչ են, եթե ոչ գործարանատերեր, որոնք բամբակ են գնել տալիս միմիայն իրենց գործարանների համար: Մինչդեռ հողվածագրի հիշած «տեղացիները» լուրջ առուտուր անողներ են, որոնք բամբակը գնում են նույն այդ «օտարներին» վա-

27 «Մուրճ», 1900. № 5—6, էջ 575:

28 Նույն տեղում, էջ 575—576:

Ճառելու համար: Առևտրականի գլխավոր օգուտը կարելիին չափ էծան գնելու մեջ է, ի վնաս գյուղացի-արդյունաբերողի: Հեռացնելով ասպարեզից այդ ավելորդ միջնորդներին՝ հնար ստեղծվեց գյուղացի արդյունաբերողի օգտին թողնել այն, ինչ որ առևտրականի գրպանն է մտնում: Իսկ այդ օգուտը անհամեմատ ավելի կարևոր է, քան տեղ հաճույքը շուկայում մի քանի տասնյակ իրար միս ուտող և գյուղացուն վնասող «տեղական» վաճառականները տեսնելու: Ոչինչ մխիթարական բան չենք գտնիլ, եթե վաճառականները գործարանատերերի գործակալներին դուրս վերցնեին. այդ գործում մի քայլ ևս դեպի առաջ արված կլինե՞ր՝ մի-միայն, եթե տեղական բամբակը գործածվեր տեղն ու տեղը-տեղական գործարանների մեջ, որ դեռևս չկան»²⁹: Արասխանյանը չափազանց որոշակի և հստակ է արտահայտվում. նրա համար նախընտրելի են օտար գործարանատերերը, քան տեղացի վաճառականները, քանի որ առաջիկները ոչ միայն տնտեսական օգնություն են հասնում գյուղական ազգաբնակչությանը, այլև «գործ են ստեղծում» և սովորեցնում մարդկանց տնտեսապես կառավարվելու առաջադիմական եղանակը, իսկ վաճառական դասակարգը միայն ավելորդ միջնորդ է ժողովրդի և արդյունաբերողի միջև. սա յուրացնում է միանգամայն անաշխատ մի եկամուտ և ի վերջո նյութական մեծ վնաս հասցնում ազգային հարստության իսկական ստեղծողին՝ գյուղացիությանը: Նոր շէր առևտրական դասի հանդեպ ժխտական այս կողմնորոշումը: Ինչպես 60-ական թվականներին, այնպես էլ հետագայում՝ Արծրունուց սկսած մինչև Աբ. Հովհաննիսյան և Շիրվանզադե, վաճառականական-վաշխառուական բուրժուազիայի ազգային ու դասային դիմագիծը խարազանող մտավորականությանը ելնում էր առաջին հերթին հայ տնտեսական կյանքում այդ խավի գործունեության վատթարագույն հետևանքների հստակ ըմբռնումից: Արասխանյանը, որ դարավերջի լիբերալ դադափարաբանությանը փորձում էր մի լայնախոհ և ճկուն բնավորություն տալ, վաճառականական «դասակարգը» ձաղկում էր այն նույն համոզումների համաձայն, ինչ նրա

29 «Մուրճ», 1896, № 3—4, էջ 451 (ընդգծումները Արասխանյանին են):

նախորդները: Միայն այս դեպքում նա ավելի դիպուկ էր հարվածում, որովհետև տնտեսական շարժումը կանխարգելող վաճառականական-վաշխառուական բուրժուազիայի բացասական դերը 90-ական թվականներին արդեն այնքան ակնառու էր, որ հարկադրեց պետութայնը նրա նկատմամբ որոշ սաստիչ միջոցների դիմել³⁰: Քննադատական-մերժողական դիրքը վաճառականական դասակարգի հանդեպ ելնում էր երկրի արդյունաբերական զարգացման հեռանկարներով շահախնդիր հրապարակախոսի մտահոգությունից: «Օտար կապիտալների մուտքը Անդրկովկասում» հոդվածի մեջ, Արասխանյանը, ինչպես Արծրունին երկու տասնամյակ առաջ, հրահանգում էր հայ կապիտալիստներին ճանաչել սեփական շահերը և աշխատել սահմանափակել անգլիական կապիտալի գործողութայնները Բաքվի նավթային հարստությունների շահագործման խնդրում: Ռոտշիլդը, — նկատում էր նա, — եկել է մրցակցելու տեղական արդյունաբերողների հետ և ոչ թե օգնելու նրանց: Նավթահանքերի նոր վերավաճառումները պարզապես կարող են կործանարար լինել տեղացիների համար: Ռոտշիլդի նպատակն է թելադրել կովկասյան արդյունաբերողներին միայն իրեն ձեռնտու նավթային այն գները, որոնք ի վերջո մրցակցութայնից դուրս կղեն նավթաշխարհի տեղական տերերին և նավթի առևտրի ամբողջ մոնոպոլիան կկենտրոնացնեն անգլիացիների ձեռքը³¹:

Հասարակական առաջադիմութայն հիմնական գործոնը Արասխանյանի համոզմամբ երկրի արդյունաբերական զարգացումն է: Թե գյուղի և թե քաղաքի սոցիալական դիմափոխումը նրան այլ կերպ չէր պատկերանում, քան տեղական կապիտալիզմի զարգացմամբ պայմանավորված հասարակական նոր հիմնարկութայնների և հարաբերութայնների հաստատման համար մղվող պայքարի տեսքով: Տեսանք նաև, որ հրապարակախոսը ավելի իր ուշադրութայնը կենտրոնացնում էր գյուղաշխարհի մեծ կարիքները ճանաչելու և գյուղական ազգաբնակչութայն սոցիալական առա-

30 1890-ական թվականների սկզբներին վաշխառուական շարաշահումները սահմանափակելու նպատակով պետութայնը հարկադրված էր սահմանել կայուն սոկոս (10 %), տե՛ս «Մուրճ», 1897, № 5, էջ 713:

31 «Մուրճ», 1898, № 10—11, էջ 1551—1557:

ջադիմությունը կազմակերպելու խնդիրները վրա: Այն ամուր համոզումը ունենալով, թե «ազգի մարմինը երկրագործ դասակարգն է», և որ այդ դասակարգի գոյությանն է հայը պարտական ազգային ինքնուրույնություն ու «հայրենիք ունենալու» համար, հրապարակախոսը ի վերջո թեքվում էր դեպի լիբերալ ժողովրդասիրությունը և դրա վրա ձևում իր ազգային ու հասարակական իդեալները: «Անհնարին է մի առ մի թվել այն բոլորը, — գրում էր նա, — ինչ երկրագործ դասակարգը տալիս է կամ կարող է տալ ազգային լեզվին, բանաստեղծությանը. մեծ է այդ դասակարգի ազդեցությունը մի ազգի ընդհանուր բնավորության վերա. անհուն է նորա նշանակությունը ազգի պահպանման համար և հենց նա է, որ յուր անդամներից միշտ թարմ մարդիկ է տալիս բոլոր մյուս դասակարգերին»³²: Գյուղացիության դերի այսօրինակ ըմբռնումը, հարկավ, ինչ-որ տեղ Արասխանյանին կապում էր դարավերջի ժողովրդասիրական մտայնության հետ: Բայց որքան ազնիվ էին նրա մտադրությունները, նույնքան էլ անհողողդ էին համոզումները: Նա այն սոցիալ-ոեֆորմիստներից մեկն էր, որ 90-ական թվականների մտավոր շարժման մեջ փորձում էր զրավել բացարձակ ինքնուրույն տեղ: «Մուրճի» հրատարակության առթիվ գրած մի հոդվածում Արասխանյանը նկատում էր, թե իր ամսագիրը «չէր խոստանում հետևող լինել գոյություն ունեցող որևէ կուսակցության»³³: Այս, իհարկե, ճշմարտության մի բաժին էր պարունակում իր մեջ. Արասխանյանը միշտ էլ փորձում էր գտնել միջին դիժը: Կուսակցական քաղաքականությունից հեռու, նա այնուամենայնիվ կուսակցական դիժ էր վարում, քանզի մտադիր էր հարթել այն միակ ճանապարհը հայ մտավոր դարգացման մեջ, որ, նրա կարծիքով, տանում էր դեպի ազգի ընդհանուր առաջադիմության նվաճումը: Գյուղացիական կողմնորոշումը այս դեպքում նրա հայացքներին ավելի դեմոկրատական բնավորություն էր հաղորդում: Հրապարակախոսը այդ պատճառով, ասես թե դառնում էր քաղաքական կուսակցությունների գործունեությունից հեռու

32 «Մուրճ», 1892, № 11, էջ 1550:

33 «Մուրճ», 1900, № 5—6, էջ 571:

ընկած հայ դեմոկրատական խմբավորումների պարագլուխը: Այսպես էին նրան ընկալում ժամանակակիցները և հատկապես ամսագրի շուրջ համախմբված գրողներն ու հասարակական գործիչները: Մինչդեռ խնդիրը չափազանց պարզ է. դարավերջի մանրբուժուական լիբերալիզմը կամ լիբերալ ժողովրդասիրությունը գրկաբաց էր ընդունում այն գործիչներին, որոնք լիբերալ իրենց հանդերձ ձևում էին գնայուն այն դեմոկրատիզմի վրա, որը, ըստ էության, սահմանափակվում էր սոցիալ-ռեֆորմիզմի շրջանակներում տեղադրվող հասարակական պահանջներով, և որի քաղաքական բովանդակությունը սպառվում էր առաջադիմություն ասված ընդհանուր և չափազանց առածգական հանձնարարական իրականացման գործնական ուղիների մատնանշումով:

Վերլուծելով «Մուրճի» տասնամյա գործունեությունը, Արասխանյանը նկատում էր, որ իր ամսագիրը շփվում է «հայ ընթերցող հասարակության այլևայլ խավերի մեջ գոյացած ինտելիգենցիայի հետ»³⁴: Այդ խավերն են՝ համալսարանական ամենախստապահանջ երիտասարդությունը, «որոշ կրթության տեր» արհեստավորները, վաճառական և գործակատար դասակարգերից դուրս եկած անհատները³⁵: «Դեպի բարձրը, իդեալականը, դեպի մտավոր մաքառումը և հառաջադիմությունը» ձգտող սերնդի ընթերցանության աղբյուրը դառնալով, «Մուրճը», իհարկե, իր վրա էր վերցրել «հայկական միտքը առաջ տանելու» գործի պատասխանատվությունը: «Մուրճը» հարկադրված էր խոսկանը հերկել և մի նոր գրական զարգացման ճանապարհ բանալ³⁶: Անցան տարիներ և «Մուրճի» հետ «հայկական ամսագրությունը մտավ մի նոր շրջան»: «Ամսագիրը իր ավանդական նեղ ծրագիրը փոխեց լայն ծրագրի: Նա աշխատեց ընդգրկել բոլոր այն խնդիրները, որոնք շոշափում են ժողովրդի հոգեկան և նյութական կյանքը»³⁷: Այս շրջանում էր, որ «վերակազմվեց հայոց բանաստեղծական գրականությունը». երևան եկան վիպասանական նոր ուժեր, «հիմք ստեղծվեց գրա-

34 «Մուրճ», 1897, № 1, էջ 6:

35 Նույն տեղում:

36 Նույն տեղում, էջ 7:

37 «Մուրճ», 1900, № 5—6, էջ 574:

կան քննադատության համար», «տնտեսական և սոցիալական խնդիրները մուտք գործեցին հայոց գրականության մեջ»³⁸: Այս ամենը կատարվեց մի ամբողջ սերնդի ձևափոխումով: Արասխանյանի այս դատողություններում, իհարկե, չափազանցումը առաջ է անցնում իրողությունների զգաստ ըմբռնումից: «Մուրճին» վերագրելով 90-ական թվականների ամբողջ գրական զարգացումը կազմակերպող միակ պարբերականի դերը, հրապարակախոսը անգիտանում էր ոչ միայն Ռաֆֆու և յուրայինների թողած ժառանգության նշանակությունը, այլև մտավոր առաջադիմության այլ բնագավառներում տեղի ունեցած խոր փոփոխությունների պատմական իմաստը: Նրա պատկերացմամբ «Մուրճն» էր, որ լայնահայաց և խորազնա մի պատասխան էր տալիս հասարակական բոլոր հարցերին և կանխանշում հայ հոգևոր ու մտավոր առաջընթացի ուղիները: Սեփական դործի գերագնահատման այս հոգեբանության մեջ պիտի տեսնել ոչ թե անձնական ինքնամեծարման հայտանիշը, այլ «Մուրճի» խմբագրի այն համոզումների նրստվածքները, որոնք հայ դեմոկրատիայի հետ Արասխանյանի զաղափարական մերձեցումներից էին սկիզբ առնում և ապա որոշադրվում որպես ինքնուրույն աշխարհահայեցություն 90-ական թվականների մտավոր շարժման մեջ:

Այդ տարիներին «Մուրճ» ամսագիրը, իրոք, իր շուրջն էր համախմբում աղգային առաջադիմությանը ծառայող գրական ու գիտական այն բոլոր ուժերին, որոնք ի վերջո կապված էին հայ դեմոկրատիայի հետ: Արասխանյանը ընդառաջում էր ինչպես բանվորական հարցի նորագույն մեկնաբաններին, այնպես էլ ժողովրդասեր գրողներին: Ամսագրի հրապարակախոսական ու քրննադատական միտքը ժողովրդասիրական կողմնորոշումներից զատ, հազեցված էր տնտեսական զարգացման պայմանները քննաբանող դեմոկրատական մտայնության մթնոլորտով: Տեսանք արդեն, թե ինչպես Արասխանյանը լիբերալ հրապարակախոսի իր մտածումները խմբագրում էր գյուղի և գյուղացու վերաբերյալ ժողովրդասիրական հայացքների հանգով: Խոսելով գյուղատնտեսա-

38 «Մուրճ», 1900, № 5—6, էջ 575:

կան մտավորականութեան մասին նա նույնիսկ փորձում էր հիմնավորել գրականութեան շրջափուլային մի նոր անցման հնարավորութիւնը. «գյուղատնտեսական կյանքը,— գրում էր նա,— ինտելիգենտ ուժերով պահպանված՝ նաև մի նոր կյանք կպարզեի մեր ոչ միայն տնտեսական, այլև դիտական ու բանաստեղծական գրականութեանը»³⁹: Այս միտքը, իհարկե, նոր չէր. դեռ 90-ական թվականների սկզբներին Արասխանյանը ռուս ժողովրդագետ գրողների (նարոզնիկների օրինակով) փաստարկում էր հայ գրական անդամատանում ժողովրդասիրական ուղղութեան հաստատման անհրաժեշտութիւնը: Նա, որ բավականաչափ լավ գիտեր Գ. Ուսպենսկուն և ռուսական մյուս գյուղագիրներին, հանձնարարում էր հետևող դառնալ «գրեթե աղանդի կերպարանք ստացած» այդ հոսանքի գրական ծրագրերին՝ մշակելու համար ժողովրդին ծառայելու ամուր գիտակցութիւնը՝ դեպի գյուղն ու գյուղացիութիւնը դիմաշրջված հայ մտավորականութեան մեջ⁴⁰: Մի աւիթով բանավիճելով Ա. Չոպանյանի հետ, «Մուրճի» խմբագիրը չափազանց հետաքրքրական դիտողութիւններ էր անում ազգային ինքնուրույն գրականութեան վերաբերյալ: Այդ դիտողութիւնների ծայրը թաղված էր նրա այն կողմնորոշումների հիմքում, որոնք սկիզբ էին առնում «ժողովրդին ծառայելու» ընդհանուր, բայց գործնական հանձնարարականի գաղափարական մղումներից: «Ձեզ համար,— դիմում էր Արասխանյանը Չոպանյանին,— կարելի է ասել, թե ժողովուրդ չկա, այլ կա «գրագետներ» դասակարգ. դուք ավելի սրանով եք զբաղված, քան ժողովրդի կարիքները խնդրով»⁴¹: Կարևորը տվյալ դեպքում ոչ թե բանավեճի առանցքը կազմող թարգմանական գրականութեան խնդիրն է, այլ առհասարակ գրականութեան կոչման ու դերի ըմբռնման հարցը: 90-ական թվականներին արևմտահայ գրականութեան մեջ նորից ծաղկում էր դեղարվեստասիրական ուղղութիւնը, և սրա դեմ է, որ ելնում էր Արասխանյանը՝ հակադրելով ինքնուրույն-ազգային գրականութեան ամ-

39 «Մուրճ», 1899, № 9, էջ 962:

40 «Մուրճ», 1890, № 11, էջ 1497—1500:

41 «Մուրճ», 1899, № 4—5, էջ 486:

րակազմ, կյանքոտ, կոշտ ու կոպիտ դիմագիծը «օտար գրականության գլուխգործոցներին»: «Մի ամսագրի զլիսավոր արժանիքը, — դիտում էր նա, — պետք է որոնել ուղղության և ինֆնուուրյն գրվածքների մեջ»⁴²: Ընդգծելով այս սողերը, «Մուրճի» խմբագիրը շեշտում էր իր վարած գրական քաղաքականության էական առանձնահատկություններից մեկը: Իրոք, «Մուրճը» հրատարակելու առաջին տարիներից սկսած Արասխանյանը որոշապես իրականացնում էր ինքնուրույն ազգային գրականութուն ստեղծելու ծրագիրը: Նա շատ շուտով ցույց տվեց, որ ամսագիրը կոչված է առավելապես ծառայելու ժողովրդական, մանավանդ գյուղացիական լայն խավերին: «Մուրճի» գյուղավորները, դավառական թղթակիցները, հրատարակախոսներին շատերը հետևողական քննարկումների հարց էին դարձրել գյուղաշխարհի սոցիալական ցավերը: Երկու տասնյակից ավելի գրողներ, հրատարակախոսներ, քննադատներ, դավառական թղթակիցներ լծակից էին դարձել այն մեծ գործին, որ կոչվում էր գյուղացիական հարց և որի քաղաքական ու հասարակական նշանակությունը օր ավուր ավելի ու ավելի համազգային մասշտաբներ էր նվաճում՝ դառնալով դարավերջի հայ հասարակութայնն զբաղեցնող զլիսավոր պրոբլեմներից մեկը: «Մուրճը» իր դռները լայնորեն բանում էր ո՛չ միայն ժողովրդագետ գրողների առաջ, այլև դիմում էր բոլոր այն ուսումնասիրողներին, տնտեսագետներին, դավառական ուսուցիչներին, փորձագետ գյուղատնտեսներին, որոնք այս կամ այն չափով զբաղվում էին հայ գյուղացու հողագործական աշխատանքի, տնտեսավարութայն, մտավոր առաջադիմութայն, կենցաղի ու բարքերի հետազոտութայն: Գյուղագրական գրականութունը Արասխանյանի համար ոչ թե նպատակ էր, այլ միջոց «ժողովրդի կարիքներին» բավարարութուն տալու համար: Չուպանյանի հետ ունեցած բանավեճի առիթով, պատասխանելով նաև Արամ Անտոնյանին, «Մուրճի» խմբագիրը դիտում էր, թե իր ամսագիրը ստեղծել է մի նոր «գրական շարժում» բանաստեղծութայն մեջ և, որ հենց դրանով է նախապատրաստել «առողջ գրականութայն

42 «Մուրճ», 1899, № 4—5, էջ 491:

ապագայի համար... կենդանի սաղմեր»։ Հենց միայն Պոռշյանը, որ հայտնի է իբրև «գավառական բարքագիր», ավելին է արել հայ գրականության համար, քան օտարախոս և օտարամուտ այն գրականությունը, որի պաշտպանությամբ զբաղված են մեր արևմտահայ եղբայրակիցները⁴³։ «Մի ամսագրի արժեքը,— ասում էր Արասխանյանը,— գեղեցիկ գրականության վերաբերյալ չպիտի շփեի նրանով, թե որքան կատարյալ գործքեր տպեց, այլ նրանով, թե որքան նա յուր հայացքներով ու ճանաչողության ուժով նպաստավոր ու դրդիչ եղավ կատարյալի երևան գալուն ու հաստատվելուն»⁴⁴։ Ուշադրության արժանի է այն հանգամանքը, որ «Մուրճի» խմբագիրը այստեղ ընդհանրացնում էր ռուսահայոց գրականության դարգացման փորձը, և հենց այդ փորձից էր ելնում՝ բնութագրելու համար իր ամսագրի գրական քաղաքականության նպատակայնությունը։ Չոսպանյանին նա ասում էր. «Ոճին դուք ղոհաբերում եք միտքը և ճշմարտությունը», մինչդեռ մեզ համար կարևորը գրականության «ժողովրդին ծառայելու» հանգամանքն է և ճանաչողության այն ուժը, որով օժտված է այդ գրականությունը⁴⁵։

Թուրքիկ մի հայացք նետելով «Մուրճի» տասնամյա գործունեությանը, անհնար է չնկատել, որ Արասխանյանը տարիներ շարունակ հետևողականորեն իրագործում էր ժողովրդամոտ գրականություն ստեղծելու քաղաքականությունը։ Բոլորովին էլ պատահական չէր, որ նա ամսագրի առաջին համարից սկսած տեղ էր տալիս Պոռշյանին։ Գավառական բարքագրի ստեղծագործությունը նրան զբաղեցնում էր ոչ միայն և ոչ այնքան մտավորականության և գյուղի միջև հաստատվելիք ապագա կապերի գործնական շահախնդրության տեսակետից (հանգամանք, որ, անշուշտ, լիցքավորում էր նրա ժողովրդասիրական կողմնորոշումները հայ գյուղաշխարհի տնտեսական ու հոգևոր վերափոխումների հանդեպ), որքան բազմակողմանի այն ճանաչողությունը, որ

43 «Մուրճ», 1899, № 7—8, էջ 895։

44 «Մուրճ», 1899, № 4—5, էջ 487։

45 Նույն տեղում, էջ 486։

բերում էր Պոռշյանի գյուղազրահական պատմվածքն ու վեպը: Ճանաչողական գեղարվեստի նկատմամբ Արասխանյանի այս դիրքորոշումը, իր հերթին, դարձյալ արդյունք էր գրականության կուլման ու գեթի մասին ունեցած այն պատկերացումների, որոնք կազմավորվել էին հայ գյուղի սոցիալական կյանքը բարեփոխելու միջոցների և ուղիների վերաբերյալ հրապարակախոսի մշակած ծրագրերի ազդեցությամբ: Մի կողմից նա հրահրում էր «ժողովրդագետ գրողների» (նարոդնիկ-բելետրիստների) համախումբ գործունեությունը, մյուս կողմից՝ տեսականորեն հիմնավորում գեղեցիկ գրականության ճանաչողական ֆունկցիայի վճռական նշանակությունը գեղարվեստը ժողովրդին ծառայեցնելու խնդրում:

Գյուղական իրականությունը երբեք այնպիսի արտացոլում չի գտել որևէ հայ պարբերականում, ինչպես «Մուրճում»: Տնտեսական հետազոտությունները, տեղագրական-ակնարկային պատկերները, վիճակագրական տվյալները, կենցաղազրահական պատմվածքը, գյուղավեպն ու ժողովրդազրահական հրապարակախոսությունը ասես թե իրականացնում էին գյուղի ուսումնասիրության այն հանձնարարականները, որ առաջադրել էր տակավին «Գործ» հանդեսը, և որը մի նոր հետևողականությամբ կենսագործում էր Արասխանյանը «Մուրճում»: Հրապարակախոսը շատ անգամ էր կրկնում, թե «Մուրճը» ստեղծել է մի «նոր գրական շարժում»: Ոմանք կարող են այս միտքը այնպես հասկանալ, որպես թե խոսքը գրական ռեալիստական շարժմանն է վերաբերում: Սխալանք կլինի սա, իհարկե, եթե շասենք մոլորություն:

1890-ական թվականներին գրած «Հողային խնդիրը Անդրկովկասում» հոդվածաշարի մեջ Արասխանյանը ռուս պետության տված հողային օրենքները համարում էր քաղաքական նկատառումներով ձեռնարկած միջոցառում: Դրանք, — ասում էր նա, — «...չբխեցին ոչ մի ընդհանուր հոսանքից և չհիմնվեցին գրական-ուսումնական հետազոտությունների վրա»⁴⁶: Ճիշտ ու ճիշտ «Գործի» հրապարակախոսների նման, Արասխանյանը մտածում ու մտահոգվում էր այն մասին, թե ինչպես կլինի վիճակը, եթե տերությունը դիմելու

⁴⁶ «Մուրճ», 1890, № 9, էջ 1291:

լինի «տեղական հասարակաց կարծիքին, ասենք՝ գրականության, մամուլին, իմանալու համար նախկին օրենքների թերությունները. արդյոք նա կգտնի՞ որևէ պատասխան այդ հարցին»⁴⁷: Ահա խընդիրը: Արասխանյանը մշակեց գյուղական կյանքի հետազոտության լայն ծրագիր և տարեցտարի ավելի ու ավելի ընդլայնում էր դրա շրջանակները: «Մուրճի» առաջ բերած «նոր գրական շարժումը» միտված էր գյուղաշխարհի համակողմանի ուսումնասիրությանը: Այստեղից ճանաչողական գեղարվեստի պահանջը, որ ուղղակի կապ ուներ երկրագործ դասակարգի և պետության փոխհարաբերությունները կարգավորելու, ինչպես նաև այդ դասակարգի սոցիալական վիճակը բարեփոխելու շարժականց բարդ խնդիրների հետ:

Արասխանյանի վարած գրական քաղաքականությունը ենթակա էր նրա հասարակական ծրագրերին: Ինչ խոսք, որ «Մուրճը» ուներ և մի այլ կոշում 90-ական թվականների մտավոր շարժման մեջ: Պատահական չէ, որ հրապարակախոսը «հանրածրագիր» անունն էր տալիս «Մուրճի» գործունեությանը: Արասխանյանի պատկերացմամբ ու համոզումով «Մուրճը» նախապատրաստում էր հայ կյանքի սոցիալական դիմափոխման «գրական-ուսումնական» պայմանները և այն միջավայրը, որտեղ պիտի կազմավորվեին ժողովրդի իսկական բարօրությանը նվիրված անձնուրաց մտավորականությունը՝ առաջ բերելով մի «զորեղ հասարակական հոսանք», որի կոշումը, ուսականի անալոգիայով, հրապարակախոսը տեսնում էր բոլոր «սոցիալական խնդիրների կենդրոնը» հանդիսացող հողային հարցը արդարացիորեն կարգավորելու նպատակի կենսագործման մեջ:

⁴⁷ «Մուրճ», 1890, № 9, էջ 1293:

ՊԵՐՃ ՊՈՌՇՅԱՆԸ «ՄՈՒՐՃ» ԱՄՍԱԳՐՈՒՄ

Գործակցությունը «Մուրճի» հետ: Հորելյանի կազմակերպումը: Ն. Քարամյանի Պոռշյանին նվիրած ուսումնասիրությունը: «Յեցերի» տպագրությունը: Վեպի գաղափարական ուղղվածությունը: Պետություն-եկեղեցի-օրենք և «հասարակաց դատաստան»: «Բղղեն». նոր կողմնորոշումներ: «Ուղիահերական հեղափոխության» պոռշյանական պատկերացումները: «Հասարակաց դատաստանը» և «Բղղեն»: Պոռշյանի սոցիալական երազանքը: Բունտար — ավագակի կերպարի մշակումները: Ժողովրդասիրական շարժումը և Պոռշյանը:

1890-ական թվականները Պոռշյանի համար չափազանց բեղուն տարիներ էին: Տասնամյակի ընթացքում գրողը «Մուրճում» հրատարակեց իր երեք խոշոր գյուղավեպերը՝ «Յեցերը», «Բղղեն» և «Հունոն»: Բացի դրանից, այս շրջանում է, որ լույս են տեսնում նրա «Սկիզբն երկանց» («Տարազ», 1892) վեպը, «Հուշիկների» Ա հատորը, պատմվածքների մեծ մասը, թարգմանական մի շարք գործեր: «Մուրճի» հետ գործակցությունը Պոռշյանին մի նոր ստեղծագործական վերելքի մղեց: Արասխանյանը ամսագրի երրորդ համարում արդեն տպագրեց գրողի երեսնամյա հոբելյանը տոնելու հայտարարությունը: «Այսօր ահա, — գրում էր նա, — Պերճ Պոռշյանցն է, որի վրա դարձած է ընդհանուրի ուշադրությունը — ականավոր աշակերտը մեծ Աբովյանի, նկարագրողը մեր ժողովրդական կյանքի — որպես ոչ մեկ ուրիշը մեր գրականության

մեջ, անկասկած առաջինը բուն ժողովրդական գրականության մեջ»¹: Հատկանշական է, որ Արասխանյանը «Մուրճի» առաջին համարի քննադատական բաժինը բացում էր Ն. Քարամյանի Պոռոջանին նվիրված հետազոտությանը²: Բավական ընդարձակ այդ քննախոսության հեղինակը նրանցից մեկն էր, որոնց գյուղատիրական կողմնորոշումները սնունդ էին առնում լիբերալ-նաբոգնիկական գաղափարաբանությունից: Քարամյանի հայացքները երկու խնդրում՝ Պոռոջանի ստեղծագործական մեթոդի և վիպական առանձնահատկությունների հարցը քննելիս համընկնում էին Նալբանդյանի տեսական համոզումներին: Ծիշտ է, «Մուրճի» քննադատի գաղափարական պատկերացումները այնպես ծանրակշիռ չէին և այնպես ամուր հանգուցված հայ գյուղի և գյուղացու հանրաշահ կարիքներից ելնող շահախնդրություններին: Պոռոջանի վիպագրության սոցիալական բովանդակությունը քննադատի համար կարևորություն չէր ներկայացնում: Նա, ավանդույթի ուժով, տեսնում էր Աբովյանի հետ մեր գյուղագրի ունեցած աղերսները և ժողովրդական կյանքի հանրագիտարանային իմացությունների ճանաչողական արժեքը: Քարամյանը «ժողովրդական բանաստեղծի» ստեղծագործությունը դիտում էր որպես ազգային ծեսերի, սովորույթների, ավանդությունների, բառ ու բանի մի հարուստ շտեմարան³: Պոռոջանի ընդհանուր ոճամտածողության հարցերին անդրադառնալիս, քննադատը մի շատ էական դիտողություն է անում. վիպասանը, — ասում էր նա, — «... ոչ միայն ժողովրդի հետ և նրա պես է զգում, այլև նրա պես է արտահայտում յուր զգացածը: Սրա հետևանքն այն է, որ նա շատ հեշտությունը հասնում է վիպական-իրականին (objectiv)»⁴: Այս «վիպական-իրականի» տակ Քարամյանը հասկանում էր իրականության ճշգրիտ արտացոլումը, որ համանշանակ էր լուսանկարչականին: Պոռոջանին համարելով ռեալիզմի «առաջին ներկայացուցիչներից մեկը» հայ գրականության մեջ, նա փորձում էր որոշել այդ ռեա-

1 «Մուրճ», 1889, № 3, էջ 516:

2 «Մուրճ», 1889 № 1, էջ 127—132, № 2, էջ 284—300, № 3, էջ 450—475:

3 «Մուրճ», 1889, № 3, էջ 475:

4 Նույն տեղում, էջ 467.

լիզմի արտացոլման հնարավորութիւնները և համակարգը: Քրն-նադատի պատկերացմամբ գրողի «վիպական ուղղութեան ձգտումն» է տալ «կյանքի արտաքին պատկերը»⁵: Ամենուրեք իր բոլոր վեպերում Պոռշյանցը խոսասփում է «կյանքի ներքին շարժառիթների քննութիւնից»⁶: Նրա ուսուցիչը չի հետամտում բուն բանաստեղծութեանը, քանզի «արտաքին պատկերի» վրա են կենտրոնանում վիպասանի ստեղծագործական ջանքերը: Պոռշյանի վիպական ուղղութիւնը ինքնուրույն, հայկական ազգային երևույթ է, այն երբեք չի կրել եվրոպականի ազդեցութիւնը: Վերարտագրելով կյանքը «ապշեցուցիչ հարադատութեամբ», այսինքն՝ «ժողովրդի պէս զգալով և ժողովրդի պէս արտահայտելով յուր զգացածը», գրողը ի վերջո բերում է կյանքի լուսանկարչական պատկերը, այն ուսուցիչական ինքնամանութիւնը, որը չի ենթարկված բանաստեղծական արտացոլման օրենքներին: «Հացի խընդորի» հերոսը, — գրում էր Քարամյանը, — Միկիտան Սաքոն, մեծ վարպետութեամբ է նկարագրված. այդ մի լուսանկարչական պատկեր է և ոչ թե վրձնի կամ գրչի»⁷: Այդ է պատճառը, որ Պոռշյանի վիպական ուղղութիւնը (լուսանկարչական ուսուցիչը) միշտ էլ «վնասել է նրա բուն բանաստեղծական արտագրութեանը»⁸: Այնտեղ, որտեղ գրողը փորձում է հեռանալ իր մեթոդից կամ, ինչպէս ասում է քննադատը, կամենում «ոռմանական դառնալ հակառակ յուր տաղանդին», այնտեղ վրա է հասնում ստեղծագործական վրիպումը: «Պոռշյանցի բոլոր ստեղծագործութիւններին մեջ, ուր նա առօրյա իրականից հեռանում է և ստիպվում է երևակայութեան դիմել, տեսնում ենք միշտ մի թուլութիւն»⁹: Առօրյա իրականը Նալբանդյանի մատնացույց արած «բնութիւնն է» կամ «բնութեան սահմանը», որից դուրս Պոռշյանի քանքարը տկարանում է¹⁰: Չունենալով «արտակարգ երևակայութիւն», Պոռշյանը

5 «Մուրճ», 1889, № 2, էջ 299:

6 Նույն տեղում, էջ 290:

7 «Մուրճ», 1889, № 2, էջ 297:

8 Նույն տեղում, էջ 299:

9 «Մուրճ», 1889, № 3, էջ 469:

10 Այս առիթով է, որ Նալբանդյանը գրել է. «Բայց բանաստեղծը, որտեղ

վիպական-իրականին կարողանում է հասնել միմիայն իրակա-
նությունը արտանկարելով, այսինքն նրա քանքարը վարժ է «բնա-
կանի ստորագրելում», կամ, որ նույնն է, «կյանքի արտաքին
սլատկերը» գեղագծելիս: «Իբրև բանաստեղծ,— ասում է Քարամ-
յանը,— Պոռշյանցը շունի հարուստ երևակայութունն և մինչև ան-
գամ աղքատ է երևակայությամբ. բայց դրա փոխարեն շատ զար-
գացած է նրա դիտողությունը և հիշողությունը, որով նա չուր տե-
սածներն ու լսածները լուսանկարչական ճշտությամբ կարողանում
է նկարագրել»¹¹:

«Մուրճի» քննադատը Պոռշյանի վիպական ստեղծագործու-
թյունը շհամարելով վիճակագրական կամ ժողովրդագրական, միև-
նույն ժամանակ հակված էր կարծելու, որ այն ի վերջո մի ընդհա-
նուր և խոշոր առավելութուն ունի միայն — «այդ վեպերը շտեմա-
րան են մեր ազգային կյանքի ուսումնասիրության համար»¹²:
Ավետիք Արասխանյանի գրական քաղաքականությունը վերլուծե-
լիս նկատեցինք, որ «Մուրճի» խմբագիրը գյուղագրական գրակա-
նությունը արժեքավորում էր հենց այդ ճանաչողական հարստու-
թյան կողմից, լծորդելով խնդիրը պետական միջոցառումների
օգնությամբ գյուղացիության գրությունը բարեփոխելու այն ծրա-
պրի հետ, որը նպատակ ուներ հայ իրականության մեջ ևս առաջ
բերել հասարակական մի զորեղ հոսանք՝ գյուղի և գյուղացու սո-
ցիալական շահերը ազգովին պաշտպանելու համար: Ն. Քարամ-
յանը, անշուշտ, հենց այս մտայնությունից էր ելնում «ժողովրդ-
րական գրողի» գրական վաստակը գնահատելիս: Ահա թե ինչո՞ւ
նրա քննախոսության մեջ բացակայում կամ համարյա բացակա-
յում են Պոռշյանի ստեղծագործության դադափարական կողմնո-

ուղղակի խոսում է բնության լեզվով, ուր միայն լոկ թարգման է լինում բնու-
թյան և ստորագրում է այն, ինչ որ այժմ ամեն մարդ կարող էր տեսնել և ստու-
գել, հոյակապ արժանավորություն ունի, իսկ ուր մեկ վայրկյան անգամ, արդո
հեղինակը, բնությունը թողնելով, օգնություն է խնդրում երևակայությունից և հնա-
րաստեղծում է անբնական բաներ, այստեղ գործի արժեքը թուլանում է և ան-
համեմատ թուլանում է» (Մ. Նալբանդյան, Եժ, հ. 3, էջ 122):

¹¹ «Մուրճ», 1889, № 3, էջ 475:

¹² Նույն տեղում:

րոշումների և սոցիալական հարցադրումների վերլուծությունը: «Մուրճը» հրատարակելիս Ա. Արասխանյանը գլխավոր աշխատակից է ընտրում Պոռշյանին և հենց նրա ստեղծագործության արժեքավորումով սկսում ամսագրի գործունեությունը: Այս փաստի մեջ արդեն հստակորեն երևում է «Մուրճի» գրական քաղաքականության գաղափարաբանական ուղղությունը: Զեռնարկելով Պոռշյանի հոբելյանը տոնելու գործին, «Մուրճի» խմբագիրը, ըստ երևվույթին, ոչ միայն կամենում էր հուշակավոր վիպագրի գրական համբավը օգտագործել նորաստեղծ ամսագրի հեղինակության համար, այլև փորձում էր ընդգծել դեմոկրատական գրականության հանդեպ ամսագրի գրաված կողմնապահ դիրքը:

«Մուրճ» ամսագիրը հենց առաջին համարներից սկսում էր Պոռշյանի «Յեցեր» վեպի տպագրությունը: Վեպը գրվել էր շատ արագ, մեկ ու կես ամսվա ընթացքում և, որ հատկանշական է, ամսագրի խմբագրության առաջարկությամբ¹³: Գրական բանավեճը, որ ծավալվեց հայ մամուլում «Յեցերի» հրատարակումից անմիջապես հետո, չափազանց որոշակի արտացոլում էր այս պահին լիբերալ, պահպանողական և դեմոկրատական շրջաններում Պոռշյանի հանդեպ եղած վերաբերմունքի էական կողմերը: «Մշակը» հանդգնություն էր նկատում Պոռշյանի քննադատական կողմնորոշումը արևմտահայ այն գործիչների հանդեպ, որոնք իրիմյանի հանձնարարականներով նյութական և բարոյական օժանդակություն էին որոնում արևելահայոց մեջ՝ ազգային-ազատագրության մեծ գործի հաջողության համար: «Դա մի պասկվիլ է, — ասում էր Հ. Առաքելյանը, — ուղղված Հայրիկի դեմ»։ Պոռշյանը և «Մուրճի» խմբագրությունը միայն ասպցուցեցին, որ իրենք «զուրկ են իդեալներ ունենալու շնորհից և քաղաքակրթական հասունության ամենափոքր նշույլից»¹⁴:

«Յեցերում», իրոք, ինչ-որ չափով արտացոլվել էր ազգային-պահպանողական շրջանների վերաբերմունքը եկեղեցական ու աշխարհիկ այն նվիրակների հանդեպ, որոնք, Հայրիկի անունով

13 Պ. Պոռշյան, Երկերի ժողովածու, հ. 3, Երևան, 1963, էջ 376, 598:

14 «Մշակ», 1889, № 68:

ուխտագնացութեան պատրվակի տակ, շրջում էին արևելահայ գավառներն ու գյուղերը «մեծ գործի համար» օժանդակութեան ակնկալիքով: Այդ նվիրակներին կամ առաքյալներին Պոռոշյանը պատկերում էր ամենամուսուլ գույներով: Հիշենք թեկուզ Գնթունու օրագրի այն հատվածները, ուր այդ մանր ավազակը պատմում էր զենքի տեղափոխման գործառնությունների հետ կապված Ընծայեցու շահամուլ հանցագործութեան պատմութիւնը: Հրացան և փամփուշտ խնդրելով արևելահայ «թեթևամիտ գյուրահավատներից» և սրանց հայրենասիրական եռանդը հրահրելով, Ընծայեցին ձեռք բերած զենքը վաճառում էր սեղական քրդերին ու թուրքերին, գրպանելով այդու «տաճիկներուն ձեռք հարստահարյալ հայ եղբարց» արյան գինը: Ահա և Գնթունու մի այլ օրագրանշումը. «Տաճկահայքին մեջ բանի մը հիմարք ձեռքակալված եղած են. Լրեկ հաջողեցանք անոնց խենթութիւնն ազգային նահատակութեան անվամբ այստեղ համբավել. Խորխոռունի Խորենին կողմանէ մի նամակ շարադրեցինք, որ իբր թև ազգային անպարա զոհերուն ընտանիք անսնունդ մնացած են, ազգայնոց ձեռնավութիւն կհուսացվի. Հայրիկին կողմանէ ալ Խորենին նամակին մեջ շրջաբերականին մի մասն եղած հավելինք, հորուն, Հայրիկ, իբր թե, կառաքե յուր ճտեր ի սիրչուս աշխարհի՝ ազգասեր հայերու գթութեան փշրանք ժողովելու»¹⁵: Ինքնին հասկանալի է, որ այս խոստովանութիւնների մեջ բանադատելով ազգային զգացումը ծախու հանած արևմտահայ գործիչների արծաթասիրութիւնը, Պոռոշյանը շէր վստանգում Հայրիկի հեղինակութիւնը: Բայց և մյուս կողմից գրողը այն տպավորութիւնն էր ստեղծում, թե բոլոր այն մարդիկ, որոնք ելել են Հայրիկի անունով «հարստահարյալ հայ եղբարց» ազատագրութեան գործը գլուխ բերելու, դրամաշորթներ կամ ազգուրաց դավաճաններ են սոսկ: Այս էր, որ շարժում էր մշակականների հայրենասիրական զայրույթը և բորբոքում վիրավորված ինքնասիրութիւնը: Երբ Պոռոշյանը մի բացատրականով հանդես եկավ «Մշակում», լրագրի խմբագրութիւնը գրողի այդ քայլը որակեց որպէս մեղայական և մեծահոգաբար հանձնարա-

15 Պ. Պոռոշյան, Երկերի ժողովածու, հ. 3, Երևան, 1963, էջ 586:

րում էր ներել Պոռոշյանի «ակամա մեղքը»¹⁶: Պասկվիլը գրված է ոչ թե Հայրիկի դեմ, — ասում էր Պոռոշյանը, — այլ նրա օգտին. մերկացնելով վանեցի զնթունիներին, ես դրանով բարձր եմ պահել «երեսուն տարվան մի գործչի, մի անկեղծ հայրենասերի անուն, որի նվիրական բարձր գաղափարների քայլ առ քայլ հետևողն եմ»¹⁷: Կարևոր այս խոստովանության գաղափարական արժեքն ամբողջովին հասկանալի կդառնա, երբ անցնենք «Սկիզբն երկանց» վեպի քննությունը: Այժմ հարկավոր է միայն հավաստել այն փաստը, որ Պոռոշյանը, որքան էլ ամուր էր կանգնած հայ լուսավորչական եկեղեցու պաշտպանության զիրքերում, որքան էլ ազգային-պահպանողական միջավայրը նրա վրա թողնում էր իր ակնհայտ ազդեցությունը, այնուամենայնիվ, հայ գյուղացիության սոցիալական բաղձանքները մարմնավորող այս գրողի հասարակական դավանանքը գծում էր ազգային գործունեության ու պայքարի մի այլ ուղի, որի հետ, իհարկե, չէր նույնանում մեղվական կամ նորդարական այսպես կոչված «զգաստ հայրենասիրության» քաղաքական շփոթանությունը:

«Յեցերը» սերտորեն առնչված է «Հացի խնդիր» վեպի գաղափարաբանական ուղղությունը: Ավելին, այստեղ ավելի հստակ են դարձել այն պատկերացումները, որով առաջնորդվում էր գրողը հայ գյուղաշխարհի հասարակական պահանջմունքները և սոցիալական դրուժյունը քննելիս: Եթե հաշվի չառնենք զուտ «վիպագրական» կամ կոմպոզիցիոն նպատակներով վեպի սկզբում տեղադրված «Ուրբաթախոս» փոքրիկ նախադրությունը, ապա կարելի է ասել, որ «Յեցերը» սկսվում է որոշակի զեղարվեստական ու գաղափարական պլանով: «Արտեմ Սերգեյիչ» — ահա այն սկիզբը, որ ամբողջ վիպական կոնցեպցիայի հիմքն է, և միաժամանակ Պոռոշյանի հասարակական համոզումներն արտահայտող պատկերաշարքի ամենացայտուն զունանկարը:

Օ. գյուղի տանուտերը՝ Արտեմ Սերգեյիչը վաղուց չէ, որ կառավարում է համազյուղացիներին: Նրա պաշտոնավարությունը

16 «Մշակ», 1889, № 72.

17 Նույն տեղում:

գուպաղիպեց գյուղական ինքնավարությունների հռչակման առաջին օրերին: Դեռ նոր էր նա եկել «հանգստանալու յուր ընտանեկան հարկի տակ», երբ «նոր օրենքի» համաձայն գյուղում տեղի ունեցան տանուտերական ընտրությունները և Արտեմ Սերգեյիչը «միաձայն սպիտակ քվե ստացավ»: Նորընտիր տանուտերը կյանքի բազմափորձ ուղի էր անցել. մանուկ հասակից ծառայել էր «արքունի կապալառուների մոտ», զանազան աստիճանավորների ու զաշաղների հետ նիստ ու կաց արել, բոլորովին փոխվել ու կրթվել, բայց երբեք չէր մոռացել հայրենի գյուղն ու համագյուղացիներին:

Արտեմ Սերգեյիչը հանդիստ, բարեբարո, ճշմարտասեր, ազնիվ ու առաքինի մարդ էր: Նրա ընտրությունը տոն էր գյուղացիների համար: Վերջապես սրանք ազատվում էին հին ժամանակների տանուտերական ճիւղոտից: «Մեծ էր ոգևորությունը,— ասում է Պոռշյանը,— ամեն բերան օրհնում էր բարեբար օրենքը, մանավանդ, երբ Արտեմ Սերգեյիչն յուր հանձարեղ կառավարությունով սուպսուցեց սուրբ օրենքի գերազանցությունն ու փրկարարությունը»¹⁸:

Գյուղացիական ինքնավարությունների հաստատումը Անդրրկովկասում պետական մի ձեռնարկում էր, որը բխում էր «հողային արիստոկրատիայի»՝ բեկերի, աղալարների, մելիքների սլատմական ու դասային իրավունքները վճռահատող օրենսդրական միջոցառումներից: Եթե 1846—1851 թվականների օրենսդրությունները և մասնավորապես 1846-ի ռեսկրիպտը և 1847-ի աղալարական և բեզական կանոնադրությունները «բեգին, աղալարին և մյուլքադարին արտոնում էին ապրելու ոչ միայն գյուղացիների վաստակով, այլև լինելու նրանց խնամակալը, իշխանավորը և դատավորը», ապա 1861 թվականի դեկտեմբերի 13-ի առանձին օրենքով կովկասյան հողատերերը զրկվում էին համայնքի նկատմամբ ունեցած ոստիկանական իրավունքներից, այսինքն՝ գյուղական համայնքը փաստապես ճանաչվում էր որպես ինքնուրույն տըն-

18 Պ. Պոռշյան, Երկերի ժողովածու, հ. 3, Երևան, 1963, էջ 385:

տեսական միավոր¹⁹: Հետագայում, 1865-ին, երբ հրատարակվեց գյուղական համայնքների ինքնավարութան կանոնադրությունը, հայտնի դարձավ, որ Կովկասում ևս ցարիզմն աշխատում է ստեղծել ներքին Ռուսաստանի «վոլոստային» ինքնավարությունների պես մի բան, որի համար ըստ էության սահմանվում էր գյուղական հասարակությունների կառավարման նոր կարգ: Տարբերությունն այստեղ միայն այն էր, որ Անդրկովկասում գյուղական հասարակությունը միաժամանակ և՛ տնտեսական, և՛ ստորին վարչական միավոր էր:

Բեզական-աղալարական վերահսկումից ազատված շինական հասարակությունն ընդհանուր ժողովում ընտրում էր տանուտեր և գյուղական պաշտոնյաներ (դատավոր, գզիր, գրագիր և այլն): «Տանուտերի վրա դրված էին հասարակական և ոստիկանական պարտականություններ»: Շինական ժողովը, որ ընդգրկում էր համայնքի բոլոր տնատերերին, օգտվում էր լայն իրավունքներից. նա էր սնօրինում հասարակական հողերի, բաժանությունների, վերաբաժանումների, համայնքի նոր անդամների ընդունման կամ վնասակար և արատավոր անդամներին հեռացնելու բոլոր գործերը:

Իր սոցիալական դիմագծով գյուղական ինքնավար համայնքը կարծես թե համապատասխանում էր նահապետական համայնակեցության այն իդեալներին, որոնց շուրջ գյուղացիական դեմոկրատիան հյուսում էր մարդկանց երջանկացնելու իր երազանքը: Նոր օրենքը վերացնում էր դասային բաժանումները կամ, համենայն դեպս, համայնքը դուրս բերում կալվածատիրական վերահսկողությունից: Մնում էր, որ գյուղացին կարողանա ինքն իրեն կառավարել: Իսկ ինքնակառավարման համար «սուրբ օրենքը» նախատեսել էր շափազանց ազդու միջոցներ. ընտրովի տանուտեր, շինական ժողով, դատավորներ, անմիջական կապ իշխանություն հետ և այլն, որոնք, ի վերջո, համայնքի հանրային շահերը նախապատվելու էին ամեն մի անձնական շահից և, այսպիսով,

19 Վ. Հ. Ռչտունի, Ուրվագծեր Հայաստանի գյուղացիությունից պատմության, հատ. Ա, Երևան, 1960, էջ 240—241:

գյուղը գտնելու էր հնօրյա երջանիկ ժամանակների միաբան ու ալլասեր համայնակեցությանը վերադառնալու ճանապարհը: Պոռշյանը հենց այսպես էլ պատկերացնում էր գյուղական ինքնավարությունների պատմական նշանակությունը:

«Հացի խնդիր» վեպին անդրադառնալիս նկատել ենք, որ վիպագրի աչքում գյուղական համայնքը դասային հակասություններից ազատ միասնական, տնտեսական մի միավոր էր: Դժբախտությունը, — Պոռշյանի կարծիքով, — ծայր էր առնում ոչ թե դասային բաժանումներից, այլ նահապետական հարաբերությունները տակնուվրա անող օրինազանց մարդկանց փողասեր և ընչասեր վարքից: Օրենքը ոտնահարող «ստորին և երկրորդակարգ պաշտոնյաների անկանոն գործողությունները» քայքայում էին համայնքի միաբանությունը, եղբորը հանում եղբոր դեմ, ավերակում սըրբանվեր սովորույթների դարավոր զեղեցկությունը, մարդկանց միջից դուրս բերում սեր, հավատ, երկյուղածություն, ունեղրկում շքավորին, հոգեզրկում ունեորին և ուղի հարթում այն «վերափոխական տակնուվրայության» համար, որ գրողի համոզմամբ «տասնեկինսերորդ դարի երկրորդ կիսաշրջանի» ամենաբնորոշ իրողությունն էր: Հիմա, երբ հաստատվում էին գյուղական ինքնավարությունները և երբ գործի գլուխ էին կանգնում այնպիսի մարդիկ, ինչպիսին էր Արտեմ Սերգեյիչը, կարծես, ռեալ հնարավորություն էր ստեղծվում կալվածատերերի ու բեկզագանների խնամակալությունից ազատված գյուղում, փրկարար օրենքի հրահանգով, ստեղծել ճշմարիտ ու արդարադատ կառավարություն: «Ամբողջ հասարակությունը զրկաբաց ընդունեց նոր օրենքները», — ասում էր Պոռշյանը, դրա մեջ դնելով ոչ միայն պետական այդ միջոցառման նկատմամբ անձնական իր համակրանքի զրնգուն շեշտը, այլև համոզմունքն այն բանի, որ գյուղական ինքնավարությունների հաստատմամբ լուծվում է հայ գյուղացու տնտեսական և իրավական գրույթյան բարեփոխման խնդիրը: «Գյուղն ազատվեցավ ընտանի ցեցերից, — գրում էր Պոռշյանը, — կաշառակեր տանուտերերից, երեսպաշտ իշխաններից, աղքատին խեղդող զգիրներից, տանու գողերից և հարամկեր հարկաժողովներից. մեծ ու պատիկի մեջ սեր, հարգանք և պատվապահություն մտավ. վե-

րացան. գյուղից սովորական անվայել հիշոցներն ու անկարգ գրույցները. ամեն մարդ յուր պարտքը ճանաչեց, յուր հերթը հասկացավ. էլ հարուստն ամիսներով անվրդով շէր պառկում, քնում, իսկ աղքատն երեք օրը մի անգամ դիշերապահույթյան հերթ կատարում»²⁰:

Արտեմ Սերգեյիչը ընդամենը վեց ամիս է միայն կարողանում յիմանալ տանուտերական իր պաշտոնի մեջ. թե ինչպե՞ս և ո՞վ «ըզվացրեց» այս առաքինի ու աղքատասեր տանուտերին գյուղական գործերից, հայտնի է դառնում այն անորոշ ակնարկներից, որ այս առիթով անում են խուզոն, Բալասան աղան և յուրայինները: Պարզվում է, որ Արտեմ Սերգեյիչի դեմ բողոքներ են գնացել «ռեկդորին», «սելսկի սուդին» և դավառապետին: Տանուտիրոջ կամայական ու խստասիրտ օրինապահույթյունը մերկացվել է օրենքի առաջ որպես օրինազանցույթյուն, և սա շտապել է ուղարկել իր հրաժարականը²¹: Պռոշյանը այլ մանրամասներ չի բերում՝ ռացատրելու և հիմնավորելու համար գյուղացիների պաշտամունքը դարձած տանուտերի պաշտոնազրկման հանգամանքները: Բալասան աղայի և գյուղական մյուս ցեղերի գործողությունների նկարագրությամբ Պռոշյանը տալիս է դրա բացատրությունը: Արտեմ Սերգեյիչի հասարակական գործի առանցքը, ինչպես հավաստում է գրողը, պարտականությունների և պահանջմունքների հավասար բախշումն էր համայնքի անդամների միջև, ընտանի ցեղերը ոչ միայն չէին կարող հանդուրժել նման հավասարարությունը, այլև կոշված էին դրա դեմ պայքարելու: Ահա թե ինչու գյուղական իրականությունը հագիվ թե հանդուրժեր կաշառակեր ցեցապետի, երեսպաշտ իշխանների, աղքատին խեղդող զգիրների ու յասավույների դեմ ելած Արտեմ Սերգեյիչի արդարադատ կառավարչությունը:

Բալասան աղային նվիրված հատվածներում Պռոշյանը բացատրում է այն կապերի բովանդակ ստրկական էությունը, որ դոյուլթյուն ուներ գյուղական շքավորության և աղայության միջև:

20 Պ. Պռոշյան, Երկերի ժողովածու, հատ. 3, էջ 385:

21 Նույն տեղում, էջ 432, 446:

Աճուրդողով համակված գյուղացիների առաջ Վլադիմիր Նեստորիչ Մելնիկովը հոխորտանքով հայտարարում էր. «Ձեզ լավ հայտնի է, որ էս ուեզգումը դեղ չկա, որ ինձ պարտք չըլեն — Վաղարշապատ, Աշտարակ, Եղվարդ, Փարբի, Բհոական, Շարուր-Դարալագյազ, բոլորն իմ ճորտերս են»²²: Ցեցապետի սնապարծուխյունը դատարկահնչուն չէր: Նրա տնտեսական կապերը զավառի գյուղացիության և կառավարչական վերնաշերտի հետ նույնքան ամուր էին, որքան և հիմնավոր: Նրանից քաշվում էր նույնիսկ զավառապետը: Բալասան աղայի շահատակուխյունների հորձանուտը իր մեջ էր առել նաև սրան, և Գրիգորի Պետրովիչը, որ ուներ համալսարանական կրթություն և ժամանակին տարվել էր ժողովրդասիրական գաղափարներով, այժմ, այս դեռհիկ և քսու ցեցապետի առաջ բացում էր իր դռները մեծարանքով և նույնիսկ որոշ երկյուղածուխյամբ:

Բալասան աղայի գոյուխյունը ինքնին բացառում էր Արտեմ Սերգեյիչի ժողովրդասեր միջոցառումների կենսագործման հնարավորուխյունը: Ըստ երևուխյին, այս տրամաբանուխյամբ է, որ Պոռոչյանը չի խորանում այն բացատրուխյունների մեջ, որոնք հասկանալի կգործեն թարեգործ այդ տանուտերի անկման պատճառները: Գրողը միշտ էլ ելնում է իրական հարաբերուխյունների ղգաստ և ճիշտ հաշվառումից: Նրա համար կարևոր է միջավայրի նկարագրուխյունը, և սա է, որ ի վերջո կանխորոշում է ինչպես Բալասան աղայի նկարագրի տիպականուխյունը, այնպես էլ Արտեմ Սերգեյիչի պաշտոնազրկման անխուսափելիուխյունը:

Պոռոչյանի ռեալիզմը ինչպես «Հացի խնդիր» վեպում, այնպես էլ «Ցեցերում» որոշապես սնվում է միջավայրի իրական-գծային պատկերներով: Տիպականացման նրա մեթոդը մերժում է հոգեբանական վերլուծուխյունը և կանգ առնում միայն գործողուխյան ու միջավայրի փոխադարձ կապի վրա: Մարդկային լիարժեք բնավորուխյունը՝ կենդանագրված ներքին աշխարհի բովանդակ հարստուխյամբ և հակասուխյուններով ու սրանից ելնող այն կա-

22 Պ. Պոռոչյան, Երկերի ժողովածու, հատ. 3, էջ 440:

պերով, որոնք որոշում են արտաքին աշխարհի հետ մարդու ունեցած հարաբերութեան ձևը, անժանով է Պոռշյանին: Նա տեսնում է հատկապես տվյալ միջավայրի դժեբը յուրացրած մարդու պարզ արտաքինը: Միկիտան Սաքոն կամ Բալասան աղան ռեալիստական կերպարներ են այն շափով, ինչ շափով որ սրանք երևան են հանում իրենց միջավայրի էական գծերից մի քանիսը—այսքանը միայն, բայց ոչ ավելին: Եթե մոտիկից նայելու լինենք պոռշյանական տիպերին, ապա դժվար չի լինի ցույց տալ դրանց ուղղագիծ-միակողմանի բնույթը: Մի դեպքում մենք տեսնում ենք գործողություն-միջավայր հարաբերությունից ծնված հատկանշանակություն (որ է Պոռշյանի տիպականացման հիմնական եղանակը), մյուս դեպքում՝ նկարագրական հանձնարարականի պարզ գուգակցում տվյալ մարդկային բնավորությունը: Երկու դեպքում էլ տիպականացումը ձևով է բերվում դժային եղանակով, այսինքն՝ կերպարը իրականանում է միայն այն ձևերի մեջ, որոնք արդյունք են արտաքին փոխհարաբերության կամ միջավայր-գործողություն կապի սուբյեկտիվ ճանաչման:

«Յեցերի» գաղափարաբանական իմաստը խարսխված է գյուղական երկու տիպերի՝ Արտեմ Սերգեյիչի և Բալասան աղայի հասարակական գործունեության հակադրության վրա: Եթե Արտեմ Սերգեյիչը այն «հանձարավոր» տանուտերն է, որ կարող է համայնքի բարոյական ու տնտեսական շահերը համադրել պետական օրենքից ելնող ժողովրդասիրական շահախնդրություններին և հասարակաց դատավորի իր միսիան գլուխ բերել, ապա Բալասան աղան սրան հակադրված այն ուժն է, որ ավերակում է համայնքի միասնությունը, մարդկանց մղում ազահության, կործանում թույլին և ճանապարհ հարթում կամայականության ու դաժան ընշաքաղցության առաջ:

1880-ական թվականներին «Գործի» ժողովրդասերները, ինչպես նաև Ալեքսանդր Արարատյանը, իդեալականացնում էին գյուղական «իսկական տանուտերի» և քահանայի գործունեությունը գյուղում, հուշելով այն երևելի օգուտները, որ կարող է ստանալ համայնքը առաքինավարք ու կրթված այդ մարդկանց գործունե աջակցությունից: Այս միտքը արծարծում էին և նորդարական

գյուղագիրները՝ Ճուղուրյանն ու Ագապյանը: Ա. Արասխանյանը հնացած էր համարում լուսավորյալ տանուտերի և քահանայի օգնութեամբ գյուղը բարեփոխելու տեսակետը: Պոռշյանը, սակայն, չէր կարողանում կտրվել ոչ այդ պատկերացումներից, ոչ էլ առավել ևս «հասարակաց դատաստանի», ինչպես նրան թվում էր, գորեղ գաղափարից: «Հացի խնդիր» վեսյում նա զարգացրել էր ամբողջ մի մտայնություն այս առթիվ: «Հասարակաց անողոք դատաստանը» պատմական ու ճակատագրական մի ուժ է, արդարություն ու ճշմարտություն դեմ չի կարելի մեղանչել. «Պատմությունն, ավանդությունն և փորձը,— գրում էր Պոռշյանը,— միշտ ցույց են տվել, որ այս օրենքի դեմ մեղանշողը ժամանակին յուր պատիժն ստանում է»²³: Քրիստոնեական բարոյաբանությունից եկող այս մտայնությունը մի անցողիկ կամ պատահական մոմենտ չէր վիպագրի աշխարհայեցության մեջ: Խոր և ամուր նըստած համոզմունք էր դա, որ սնվում էր օրինապահ հավատավորի լավատեսությունից: Ինչպես «Ցեցերում», այնպես էլ հետագա վիպագրության մեջ Պոռշյանը «հասարակաց դատաստանին» հատկացնում էր անարդարությունը պատժապարտող ծանր լախտի դեր: Այս մտայնության հենքը հասարակական կառուցվածքի և զեկավարման պոռշյանական պատկերացումներն էին: Վիպագիրը այն ամենը, ինչ անարդար էր կյանքում և դատապարտության արժանի, բացատրում էր «օրենքի» հանդեպ մարդկանց կատարած պանցանքներով: «Օրենքի» տակ նա հասկանում էր ամենից առաջ պետական օրինագրությունները և ապա ավետարանական համամարդկային հանձնարարականները, որոնք ուղղակիորեն գործում են մարդու ամենամեծ դատավորի՝ խղճի հետ: Պոռշյանը տեսնում էր, իհարկե, հասարակության դասային բաժանումները, տեսնում էր, որ երկիրը, կյանքը զեկավարվում է կառավարչական հիերարխիային ենթակա հաստատությունների օգնությամբ, տեսնում էր նաև, որ ենթաստիճանավորումը այդ սիստեմում աստիճանաբար տանում է դեպի մարդկանց զեկավարման ավելի ու ավելի անջատ ու բավական ինքնուրույն եղանակների գործադրումը: Փոխարքա-

23 Պ. Պոռշյան, Երկերի ժողովածու, հատ. 1, Երևան, 1953, էջ 559:

յից մինչև դավառապետ և դավառապետից մինչև տանուտեր ձրգվում էին պաշտոնների և հաստատութիւնների ամբողջ շարքեր-Այստեղ չէ, որ նա որոնում է կյանքի հակասութիւնների բացատրութեան բանալին: Նրա համար կարգը և զրան հովանավորող օրենքը անձեռնմխելի են, ճիշտ այնպես, ինչպես նաև նահապետական բազմադարյան սովորույթներն ու հաստատութիւնները: Նա միայն մարդկանց մեջ է որոնում հասարակական շարիքի բուն արմատը: Մարդիկ իրենք «շեղվում են» կարգից և օրինապահութիւնից, հաշվի չառնելով ո՛չ կյանքի փոփոխական ու անցողիկ բնույթը և ո՛չ էլ «հասարակաց դատաստանի» անողոք ու մշտնջենավոր արդարամտութեան հետապնդումը:

Պետութիւն-եկեղեցի-օրենք և «հասարակաց դատաստան» — ահա երկիրը սահող հիմնական ուժը և միջոցները: Գրողը առաջնորդվում էր ահա այս պատկերացումներով, երբ մերկացնում ու դատապարտում էր մարդկանց անիրավութիւնը և ընչաքաղցութիւնը: Եթե հարուստը աչքի առաջ ունենար մերձավորի շահը և կյանքի ունայնամտութիւնը, եթե աղքատը «չուսահատվեր յուսներկա դառն դրութեան վերա... այսքան ղեղձումներ չէր պատահիլ, տնանկութիւնը արհամարհված չէր լինիլ, իրավունք, արդարութիւն և պարտաճանաչութիւն իրենց նշանակութիւնը պահպանած կլինէին և մարդկութիւնը յուր բռնելիք ընթացքից չէր շեղվիլ»²⁴: Պոռոյանը հանձնարարում էր հետևել խղճի ձայնին և Ավետարանի պատվիրաններին՝ սեփական մարդկային կոչումը ճանաչելու համար: «Հոգեկան և մտավոր արարածը», — ասում էր նա, — իրավունք չունի մեղանշել արդարութեան դեմ, ուրիշի ունեցածը հափըշտակել, «ծուռ և պարսավելի ճանապարհով արծաթի ու փառքի» ետևից վազել, դավել, խարդախել և բռնանալ՝ մերձավորի երջանկութիւնը քանդելով²⁵: Միամիտ ու նահապետական մեծարանքը ավետարանական բարոյաբանութեան հանդեպ արդյունք էր այն խոր հավատի, որ ուներ Պոռոյանը «համատիեզերական ուժի»՝ աստժո արդարամտութեան հանդեպ: «Հասարակաց դատաստանի»:

24 Պ. Պոռոյան, Երկերի ժողովածու, հատ. 1, Երևան, 1953, էջ. 558:

25 Նույն տեղում, էջ 559:

բախտորոշ և արդարակշիռ ձևերը բոտ էության իրականացնում էր վերին բարձրյալի կամքը:

«Յեցեր» վեպում կա մի գլուխ, որ վերնագրված է՝ «Հասարակաց դատաստան»: Դեմ առ դեմ կանգնել են գավառապետը և Բալասան աղան. երկուսն էլ գրեթե մի մետաղի կտոր, բայց մեկը ընդունում է հասարակաց դատաստանի «ահավորութունը», մյուսը դառը հեղանքով ծանակում այն. «—Քանի՞ կոպեկի կառնեմ հասարակաց դատաստանը,— հոխորտում է Բալասան աղան,—իմ բանն աջ է, թող ով կուզի՝ հաչե»²⁶: Մարդկանց միջև գոյություն սունեցող հարաբերութունները միշտ ռեալիստորեն գնահատող գործարար վաշխառուի և անխիղճ հարստահարիչի այս ինքնավրաստահոթյունը հետևանք է միայն մի բանի. հին այս ավազակը չափազանց լավ է ճանաչում կարգի և օրինապահության արժեքը՝ մարդկանց հասարակական կյանքը առաջ մղող իրական ուժերի հաշվեկշռում: Երբ սենյակ է մտնում ձրի ժողովրդասեր Սմբատը, Բալասան աղան դառնում է անճանաչելի: Դիմափոխութունը կատարվում է այնքան արագ, որ թվում է, թե այժմ Մելնիկովի փոխարեն մեկ ուրիշն է դատում ու խոսում: Սա արդեն գյուղի և գյուղացու կյանքով ապրող այն հազվագյուտ մարդկանցից մեկն է, որ ինքնամոռաց այլասիրությամբ քարոզում է «ազգային վերաշինության սուրբ գաղափարին» (որ է գյուղացու կյանքի բարեփոխությունը) ամբողջությամբ, «հոգով ու մարմնով» նվիրվելու խանդոտ պատրաստակամություն: «Հոգիս փառավորվում է,—ասում է Բալասան աղան,— երբ մեր նոր երիտասարդության ձրգտումները գիտում եմ»²⁷: Այս նոր երիտասարդության ներկայացուցիչն է Սմբատը: Կրթություն ստացած կալվածատիրոջ որդին, որ հիմա ուսումնասիրում է ժողովրդի կյանքը, բարեգործութունների անում և օգնության համնում կարոտյալներին, նկարագրված է հեզնախառն անմիջականությամբ: Պոռչյանը, իհարկե, նոր երիտասարդության գործնական պայքարի հետ չէ, որ կապում է գյուղացու ցավերը դարմանելու հույսը: Նա ինչպես նորդարական

26 Պ. Պոռչյան, Երկերի ժողովածու, հատ. 3, Երևան, 1963, էջ 503:

27 նույն տեղում, էջ 507:

գյուղագիրները, և ինչպես հատկապես Մուրացանը, համոզված է, որ Սմբատի նմանները ի վերջո կթողնեն «մեծ-մեծ փրթելը» և կգնան սովորական այն ճանապարհով, որ տանում է դեպի անձնական բարեբախտություն և բարեկեցություն: Ըստ երևույթին Բալասան աղայի Սմբատին տված որակումներին Պոռշյանն ինքն էլ համամիտ է. «Շատերին ենք տեսել,— արդեն իսկական դերի մեջ մտնելով ասում է Բալասան աղան,— բարձր իդեա, վսեմ գաղափար, ազգային զգացմունք, ազնվություն, ճշմարտություն և այդպիսի անհամար բառեր թուփակի պես կրկնելուս, անդիր արած փշելուս. բայց ո՛ւր են, եկել են խառնվել մեր մեջ, կյանքի հոսանքին ենթարկվել և մեզանից ավելի նյութապաշտ ու շնական դարձել»²⁸: Գրողը միտումնավորությամբ է դավառապետի և Բալասան աղայի ուժեղ բնավորությունների կողքին ուրվագծում թույլ և կամազուրկ այս ժողովրդասերի տափակ միամտությունը և կարճամիտ ցանցառությունը: Մելնիկովի դատողությունները Սմբատը ոչ միայն հալած յուզի տեղ է ընդունում, այլև պատրաստակամություն է հայտնում գործակցել ցեցապետի հետ՝ տանուտեր խուզոյի ընտրությունը պարբերական մամուլի մեջ փառաբանելու համար: Ըմբռնողության և կասկածի ոչ մի ծեղ չի շարժում ձրի այս ժողովրդասերի բանականությունը: Պոռշյանը հեղինակ է Սմբատին և միաժամանակ ծանակում ժողովրդասիրական գործիմացության անտեղի, միամիտ աճպարարությունը:

Իհարկե, այլ է Բալասան աղայի վերաբերմունքը Սմբատին կատմամբ. ոչ միայն դասային մտայնությունը, այլև խոր համոզվածությունը այն բանում, թե կյանքը ի վերջո խելքի կբերի այդ անմիտներին, նրան հարկադրում են առայժմ կեղծավոր հանդուրժամտությամբ վերաբերվել Սմբատի նմաններին. «Թող անի, թող ժողովուրդ ուսումնասիրե»,— ասում է Վլադիմիր Նեստորիչը. կսպասենք. եթե փորձանքների բովը նրան չշտկեց «...այն ժամանակ մենք կմաքրենք մեր աշխարհըն այդպիսի ցավերից»²⁹: Բալասան աղայի այս վճռականության և համոզմունքի մեջ նրա-

28 Պ. Պոռշյան, Երկերի ժողովածու, հատ. 3, 508—509:

29 Նույն տեղում, էջ 515:

տած է խոր ատելութիւնը «նոր երիտասարդութեան դեմ»: Մինչդեռ Պոռշյանը ցավում ու տազնապում էր ժողովրդասեր գործիչներին անճարակութեան և միամտութեան համար:

Մմբատի գավեշտական նկարագրին դրողը հակադրում էր Սիսակի, գլուղական այդ հասարակ գրագրի, տիպարը: Գետրոյան ճեմարանից դուրս ելած գործունյա այս երիտասարդը այրվում էր գլուղի ցավերով: Համապլուզացիները նրան նայում էին բարի ներուզամտութեամբ և անառիթ ծաղրախոսում նրա հասցեին.

— Աղա, խեղո, տեղիցդ կաննի, գգակդ հանիր, գլուխ տուր, տեսնում չե՞ս Սիսակ աղեն ա,— հեզնանքի ու զավեշտի հոնդունը պայթում էր գլուղամիջով անցնող Սիսակի հետևից:

«Գլուղացիք,— ասում է Պոռշյանը,— եթե սրտանց համակրում էլ էին յուրյանց միջից դուրս եկած մի մարդի, բայց արժանի հարգանքը չէին տալիս»³⁰: Սիսակը այդ ամենը տանում էր հպարտ անտարբերութեամբ և միաժամանակ խոր կարեկցանքով դեպի գլուղական տգիտութիւնը: Նա նպատակ ուներ «չարիքն արմատից կորզել և այդ փոքր առ փոքր իրեն հաջողում էր»³¹: Յեցերի դեմ մաքառելու ելած ազնիվ այս երիտասարդի մտադրութիւնը Արտեմ Սերգեյիչին կրկին տանուտերութեան վերադարձնելն էր: Ամբողջ ժամանակ նա համոզում էր գլուղի առաջավորներին՝ առնել Գումշակերյանցի (Արտեմ Սերգեյիչի) համաձայնութիւնը և վերընտրել նրան իր նախկին պաշտոնում՝ ի սարսափ ցեցերի և ի բարօրութիւն գլուղական հանրութեան: Սիսակը համոզված էր, որ Արտեմ Սերգեյիչը կարող է «...ազատել գլուղը ներքին և արտաքին ցեցերից»³²: Եվ դրա համար էլ ճեմարանականի իր ամբողջ իմացութիւնն ու շնորհքը գործադրում էր նոր տանուտերական ընտրութիւնները հաջողութեամբ գլուխ բերելու համար: Պոռշյանի համակրանքը Սիսակի հանդեպ սնվում էր ոչ միայն պաշտօնական այն համոզումներից, որոնք առնչվում էին ազգային-պահպանողական միջավայրում ծնունդ առած ժողովրդասի-

30 Պ. Պոռշյան, Երկերի ժողովածու, հատ. 3, էջ 470—471:

31 Նույն տեղում, էջ 471:

32 Նույն տեղում, էջ 469:

րական՝ տրամադրութիւնների հետ, այլև հայտնի այն ծրագրից, որ առաջադրում էր գրողը՝ լուսամիտ ու արդարասեր տանուտերի շղթայում գլուղը վերափոխելու: Պոռշյանի այս հերոսը գլուղում գործող ուսումնականի այն տիպարն է, որին ոչ միայն համակրում, այլև նախագասում է գրողը ձրի ժողովրդասերներից: Պատահական չէ Միսակի ճեմարանական լինելու հանգամանքը: Պոռշյանը ազգային-հոգևոր դպրոցի հետ էր կապում գլուղական իսկական քահանաների, գրագիրների, դատավորների պատրաստման գործի հաջողութիւնը: Բաժանելով հին այն հայացքը, թե մի արդարադատ տանուտեր և ուսյալ քահանա կարող են «հրաշքներ գործել գլուղում», գրողը շտապում էր հավաստել, թե դրանց պիտի որոնել հոգևոր այն դպրոցների աշակերտութեան մեջ, որոնք հայ կյանքի իսկական նեցուկներն են:

Երբ Միսակը և յուրայինները տանուտերական ընտրութիւններում պարտութիւն են կրում և մեջտեղ է գալիս հաղթական նուզոն ու Բալասան աղայի հրահանգով կամենում վերջին հարվածը տալ գլուղական համայնքին, հայտնվում է քննիչը՝ «հասարակաց դատաստանի» և օրենքի այդ ամենազոր իշխանավորը: Պոռշյանի գաղափարական ծրագիրը չափազանց պարզ է — գլուղական ցեղերի անարդար և անխղճմտանք կառավարչութիւնը նույնքան անցողիկ է, որքան նրանց ինքնավստահ ամբարտաւանութեան խրախճանքը: Ամուրը, մնայունը, հարատևողը գլուղական համայնքի միաբանութիւնն է, հին նահապետական վարք ու բարքը, որ, ճիշտ է, գունափոխվել է «կեղծ քաղաքականութիւն» աղտածետ փայլից, բայց դեռ պահում է պայծառ մաքրութեան հավիտենական ցոլքը:

Մի անգամ գլուղամիջում հավաքվածները զրուցում էին Բալասան աղայի մասին.

— Յեց ա, որ մտել ա մեր ջանը, — ասում է մեկը:

— Յեցը նա շի, ցեցը նրա ոտքերը լիզողներն են...

— Ելիկ չե՞ք (համայնք), հասարակութիւն չե՞ք, դրան մի՞լսեք, գեղ կանգնի, գերան կկոտրի, գեղովի խոսքը մին արեք, սև գցեցեք, ձեր կուռն ս՛վ ա բռնում³³:

33 Պ. Պոռշյան, Երկերի ժողովածու, հատ. 3, էջ 424:

Պոռշյանը, իհարկե, այնքան միամիտ չէր, որ մտածեր, թե միայն ներքին համաձայնությունը և միասնականությունով հնարավոր է կանխարգելել ցեցապետի դործողությունները: Հենց ընտրությունների նկարագրությամբ նա քամուն է տալիս մարդկանց այդ պատկերացումը: Բացի դրանից, նա պատկերում է տնտեսական այն կապերը, որոնք որպես սարգոստայն հյուսել է Բալասան աղան, խճճված ու բազմահյուս այդ ցանցի մեջ ներքաշելով գյուղական չբավորությանը: Միաբանվելու համար պետք էր նախ այդ կապ ու կապանքից ազատվել: Իզուր չէր հուզոն ծաղրում գյուղական ինքնավարությունը: Բալասան աղայի հետ խոսելով «նոր օրենքների» մասին, նա չափազանց դիպուկ մի նկատողություն է անում. «Հենց էս դրսի ֆորմերն են, թե չէ էլ ետ վաղուցվան տանուտերությունն ա, դատաստանն օր առաջ տանուտերն իր քուրսու տակին ա տեսած ըլնում ու փողերը ջեբն ածում, մենք էլ մի դ՛հիցն ենք մեզ համար ճանգում ու ծծում. նորը հենց ընդով ա ջոկ, որ առաջ ուտողը մին էր, հիմի մի քանխար»³⁴: Իրադրության այսպիսի ռեալ արժեքավորումը և ստեղծված կարգերի այսօրինակ բնութագրականը ավելի քան հակասում է գյուղական ինքնավարություններին և «բարերար օրենքին» սոված Պոռշյանի գնահատությամբ: Բացասական հերոսը և գրողը միևնույն երևույթի ըմբռնման միանգամայն տարբեր ծայրաբեկեղներում են կանգնած: Բայց չէ՞ որ ճշմարտությունը հուզոյի կողմն է:

Ի՞նչ սովեց գյուղական ինքնավարությունը հայ գյուղացուն: Պրոֆ. Վ. Հ. Ռշտունին «Ուրվագծերում» հենվելով ցարական շինովնիկների զեկուցագրերի և այլ աղբյուրների վրա, դիտականորեն հիմնավորում է այն տեսակետը, թե 1865-ի օրենքը ըստ էության ցարական ինքնակալության պետական օրգանների ստորին օղակի կազմակերպմանն է ուղղված և, որ գյուղական ինքնավարությունը փաստապես ռատիկանական իշխանության իրավունքի կենտրոնացումն էր ցարական շինովնիկության ձեռքում³⁵: Մ. Ն. Կուշանը՝ բարձրաստիճան մի պաշտոնյա Անդրկովկասում, 80-

34 Պ. Պոռշյան, Երկերի ժողովածու, հատ. 3, էջ 432:

35 Վ. Հ. Ռշտունի, Ուրվագծեր..., հատ. Ա, էջ 242—243:

աւկան թվականները վերջերին դիտում էր, թե «...Գյուղական հասարակական կառավարման վերանորոգումը ոչ մի բանով չփոխեց իրերի սովորական կարգը, և գյուղական հասարակութունների կառավարման խանական ուժիմը մինչև այժմ էլ մնում է ամբողջովին անձեռնմխելի: Այդ ուժիմը բնութագրվում է երկու բառով՝ «կամայականութուն և ուժից վեր սուրբեր»³⁶:

Պոռշյանի հերոսը նույն բանն է ասում. «Հենց էս դրսի ֆորմերն են, թե չէ էլ հա վաղուցվան տանուտերությունն ա»: Այսպես կոչված ընտրական սիստեմի մուծումը այլ բան չէր, բայց եթե «դրսի ֆորմ», մի բան, որ լավագույնս հասկանում էր նաև Պոռշյանը: Տանուտերական ընտրությունների նկարագրությամբ նա ցույց էր տալիս նորհաստատ կարգի ամբողջ զավեշտական-ծիժաղելի և խարդախ-խարեբայական բնույթը: Հակասությունը Պոռշյանի համոզումների և նկարագրած իրականության միջև առաջանում էր այն բանից, որ զրոզը պարզապես չէր կարողանում տեսնել օրենքի և օրենքը գործադրողների միջև եղած կապն ու կապակցությունը: Պատմական ճշմարտության նրա ըմբռնումը նույնքան սուրջեկտիվ էր, որքան զրա մեկնաբանությունը: Այդ պատճառով Պոռշյանի սոցիալական հայացքների ընդհանուր համակարգում առաջանում էին խոր ճեղքվածքներ. գեղարվեստական իրականության և իրական հարաբերությունների համապատասխանության ռեալիստական սկզբունքը խախտվում էր ամեն անգամ, երբ զրոզը փորձում էր պատմական և հասարակական ճշմարտությունների իր սեփական ըմբռնումները հանձնարարել՝ որպես հավիտենական բարոյաբանական սկզբունքներ: Բացի դրանից, զրոզը երբեք իրեն չէր կաշկանդում անտարբեր ու սառը փաստադրողի կեցվածքով: Ն. Քարամյանցը Պոռշյանի «վիպագրությունների ուղղությունը» համարում էր դիտավորական (տենպենցիող)³⁷: Իրոք, հայ գյուղի կենսագիրը կրքոտ և ինքնամոռաց հավատացյալ էր. նա, եթե հավատում էր, ապա միայն անապատականի նման, եթե մերժում էր՝ բանադրողի պես: Հողին շունք

36 Վ. Հ. Ոչտունի, Ուրվագծեր..., հատ. Ա., էջ 242:

37 «Մուրճ», 1889, № 2, էջ 293:

այլ կրակներ, բայց եթե գյուղացու հոգս ու ցավի ճերճերունքի բողբ: Փուլթ չէ, թե մեծագործ քննիչը՝ ազնվախորհուրդ և սակավապես իր պահվածքով, իրականում շարժում էր բալասասանների հեղնոտ արհամարհանքը: Պոռշյանը պատժում էր ցեցապետին և յուրաչիններին, երևի չհավատալով, որ իրական աշխարհում այդպես դյուրին է հանցապարտին արդար դատաստանի առաջ կանգնեցնելու գործը: Կյանքի նրա ճանաչողությունը այնքան մեծ էր, որ նա հազիվ թե այդքան միամիտ լիներ: Ուրեմն ի՞նչն էր նրան մղում ընտրել այդ ճանապարհը: Ըստ երևույթին մենք դարձյալ պիտի դիմենք Պոռշյանին նահապետական համայնքի ու հին բարի ժամանակների հետ կապող համոզումների քննությունը: Այստեղ նա իրոք ունի հաստատուն և մեկընդմիշտ ծրարված հայացքներ: Նահապետական համայնքը մշտապես ումանտիկ մտորումների էր մղում գրողին: Նա պատվապահություն, սիրո, առաքինություն, մեծագործություն, արդարություն և հավասարություն իդեալները որոնում ու գտնում էր նահապետական դյուրում միայն: Համայնքը էն գլխից մարդկանց իդեալական համակեցություն բնօրրան է: Նոր ժամանակների բարքերը՝ հոգու խեղաթյուրումը, կեղծիքը, սուտը, կաշառակերությունը, ընչաքաղցրությունը, նենգամտությունը, դավելը, դրսի աղտեղություններ են, ներմտծված բարքեր, որ, ճիշտ է, ինչ-որ չափով աղարտում են համայնքի դեմքը, բայց այնքան ուժեղ չեն, որպեսզի կարողանան մեկընդմիշտ կործանել նահապետական կյանքի դարավոր նեցուկները՝ համայնական ինքնօգնություն և հավասարություն սկզբունքները:

«Երեսփոխան» գլխում Պոռշյանը նկարագրում էր Ղազարբիծային, մեկին այն «հավատարիմ ավանդապահներից», որոնց իդեալական տիպարի առաջ գլուխ է խոնարհում ամբողջ հասարակությունը: Երեսուն տարի շարունակ այս երեսփոխանը աստծու տան (եկեղեցու) տնտեսն ու կառավարիչը, վարել էր դյուրի հոգևոր գործերը: Սա աղավնու անմեղություն և հրեշտակի մաքրություն ունեւր. գիր ու հաշվեմատյան ասած բանը զրել էր մի կողմ. հասարակությանը տարեվերջին հաշիվ էր ներկայացնում այնպես, ինչպես կզրուցեր իր գերդաստանի անդամների հետ: Բարեպաշտ,

աստվածավախ ու մաքրակենցաղ երեսփոխանը ժառանգորդն էր հայրական պաշտոնի: Ղազար-բիձի հայրը, որդու առավելութուններին զուգարած ուներ և լալյնախոհ միտք. «Գեղը որ կա,— ասում էր սա,— մի մենձ տուն ա. տերտերն էն տան հոգևոր գլուխն ա, տանուտերը, երեցփոխը տերտերի մեծ որդիքն են. մինը պտի էն տան անդամների աշխարհային հոգսերը քաշի, նրանց ապրուստին, նիստ ու կացին, լավ ու վատին զուխ քաշի, մեկելը նրանց ասածու հրամանները կատարելու ճամփեքը պատրաստի: Տերտեր, տանուտեր, մութավելի, զզիր, ջրբաժան, ժամհար-բոլորս էդ մեծ գերդաստանի ծառեքն ենք, նրա ընտրածներն ենք. մեր տունն էլ, մենք էլ, մեր ունեցած-չունեցածն էլ մեր գեղինը, հասարակութունինն ա, էդ մի պարտք ա, պիտի կատարենք: էսօր ես եմ, էգուց դու ես, երկու տարուց՝ Պողոսը, հինգ տարուց՝ Պետրոսը, մենք մին-մնու համար ենք մի ձեռք ծափ շի կարող տալ, ունեցողը շունեցողին, հարուստն աղքատին, զորեղը անզորին պարտական է. էսօր ինչ իմս ա՝ քոնն ա, ինչ որ քոնն ա նրանն ա, ով որ ինքը տվել ա, ինքը ստեղծել ա, ինքը ամենքիս էլ մի աչքով իր աթոռից մտիկ ա տալիս»³⁸:

Այսպես էին ապրում ու մտածում մարդիկ սրանից կես դար առաջ. ի՞նչ պատահեց, որ տակնուվրա եղավ այս աշխարհը, ի՞նչ ձևոք էր, որ պղծեց հավատարմությունը, ի՞նչ հոգի, որ սպասարկու դարձավ սատանային: «Ինչ իմն ա՝ քոնն ա, ինչ որ քոնն ա նրանն ա» մեծ սկզբունքին եկավ հաղթելու՝ «առ, կեր, քանդիր, օդուտ ճանաչիր» ավազակաբարո մարտակոչը: Էջմիածնի գործակալ հայր սուրբը դառնությամբ նկատում էր. «Ես մեծ հուսահատության մեջ եմ, որ մի ժամանակվա իրականը այժմ բացառություններ և դադափարական են համարում»³⁹:

Դժվար չէ տեսնել, որ Պոռչյանի համակրանքը շահած այս հերոսների մտորումները հեղինակային ենթաբնագրեր ունեն և, որ մտքերի զարգացման այդ ընթացքը կանխահուշում է գյուղագրի նախասիրությունը նահապետական համայնքի «հռչակավոր» սկզբը-

38 Պ. Պոռչյան, Երկերի ժողովածու, հատ. 3, Երևան, 1963, էջ 561—562:

39 Նույն տեղում, էջ 559:

բունքների հանդեպ: Բացի դրանից, տեսնելով որ «մի ժամանակվա իրականը այժմ բացառություններ ու զաղափարական» իդեալներ են, Պոռշյանը կամենում է հաստատել հենց այդ իդեալների ու բացառությունների անհրաժեշտությունը կյանքում: Այստեղից էլ նրա հայացքը դեպի նահապետական անցյալը, այստեղից էլ վերադարձի նրա ձգտումն ու կողմնորոշումը: Հասկանալի է, որ այս պարագայում գրողի քննադատական վերաբերմունքը բացասական իրականության նկատմամբ լծորդված էր ոչ միայն համայնական կյանքի իդեալականացմանը, այլև նորամուտ «կեղծ քաղաքականությունը» արմատախիլ անելու այն բուն և անկասելի ցանկությանը, որ Պոռշյանի համար վերադարձի ճանապարհը հարթող մի զորեղ բարոյական գործոնի դեր ուներ: Չարը պատժապարտելով և առաջ քաշելով «հասարակաց դատաստանի» դադափարը, Պոռշյանը հույս ուներ բարոյաբանական իր հանձնարարականները ներկայացնել որպես հասարակական կյանքի վերափոխման գործուն ու նպատակային միջոցներ: Այդ է պատճառը, որ նա, հաճախ, հակառակ դեպքերի և հարաբերությունների զարգացման իրական տրամաբանությանը, մեջտեղ էր բերում «հասարակաց դատաստանի» ահեղ տեսիլը և դրանով անցյալը մերձեցնում ներկային կամ անցյալի պահանջներով լամբագրում ներկան:

* * *

Եթե «Հացի խնդիր» և «Ցեցեր» վեպերում Պոռշյանը, այնուամենայնիվ, չկարողացավ թափանցել գյուղում կատարվող սոցիալական տեղաշարժերի բուն իմաստի մեջ, եթե նրա համար անբացատրելի էր մնում գյուղական շարաշահումների և բռնադատումների դասակարգային բովանդակությունը, և եթե մյուս կողմից նա կառուցում էր «հասարակաց դատաստանի» գաղափարին, որպեսզի կարողանա գոնե մտովին փրկել կործանվող գյուղական համայնքը, ապա «Բղդե» վեպում նրա հայացքը կարծես ազատվում է ռոմանտիկ մթադնումից և համակվում սոցիալական իրավիճակը գնահատող մտքի պայծառատեսությամբ: «Բղդեն» թերևս

դրված է շատ ավելի անփուլթ և արագ, քան Պոռճյանի մյուս վեպերը: Բայց դա բնավ էլ չի խանգարում տեսնել այս վեպի դադափարական մտայնության նոր շերտերը:

Գյուղական իրականությունը «Բղղենում» արտանկարված է մի նոր կողմից: Գործողությունների կենտրոնում կանգնած է թեժափուս մի փերեզակ, որ արագորեն մազլցում է «վաշխառուական կարիերայի» սանդուխքով: Դեռ 10—12 տարեկան մանուկ, ապագա այս հարստահարիչը, համակվում է փողի կուտակման անմարելի տենչով: Աշտարակում վաստակած 10 կոպեկանոցը կարծես մատնանշում էր հիմնադրամի կախարդական զորությունը: Փողին վերագրելով մոգական ուժ, Պոռճյանը կանխավ երևխայի բնավորության մեջ դնում էր դրամասիրության միստիկական գծեր: Ոմանք այս երևույթի մեջ տեսնում են պարզապես ռոմանտիկական բևեռացման իրողությունը: Սխալանք է սա, որ անշուշտ Պոռճյանի աշխարհայեցության թյուրմբոնման արգյունք է: Ամբողջ խնդիրն այն է, որ գրողը շափազանց մակերեսային պատկերացում ունեւր վաշխառության ծագման ու առաջացման հասարակական պատճառների մասին: Զկարողանալով բացատրել դրամակուտակման անտեսական երևույթը կամ չկռահելով, որ դրատակ գործում են ժամանակակից սոցիալական հարաբերությունների ընդերքում առկա ուժերը, Պոռճյանը մարդկանց մոլեգին փողասիրության անհասկանալի կրքի մեջ դնում էր միստիկական բովանդակություն: Երեսնան կամ մանուկը, ինչպես ասում է Պոռճյանը, կյանքի ու աշխարհի մասին տակավին չունի իր հաստատուն պատկերացումները, երբ նրա մեջ ծնվում են դրամապաշտության բնագղները: Փողը դառնում է ոչ միայն պաշտամունքի առարկա, այլև պարեզոտում է մանուկի հոգեբանությունն ու միտքը մի անքակտելի շղթայով: Բղղեն իր պահվածքի մեջ մարմնավորում է բնական ընչասիրության և փողապաշտության մոլուցքը:

Կարբի գյուղի նախընթաց պատմությունն անելով և ուրվագծելով կարբեցիների առևտրական գործի մեջ ցուցաբերած հրմտությունները, Պոռճյանը փորձում էր բացատրել Բղղեի՝ որպես անհատականության ու տիպարի, երևան գալու պատճառները: «Այդ ճարպիկ ժողովրդի, այդ առևտրականության ընդունակ մըթ-

նորորտի գավազն էր կոլոտ շարշի Բղղեն», — ասում էր գրողը, — կանխահուշելով այն միտքը, թե ընթերցողը գործ պիտի ունենա մի իսկական կարեբցու, մի «սատանախաբ բնավորության» հետ⁴⁰։

Պոռշյանը հանրածանոթ իրողությունների վրա էր հենում գյուղաշխարհի իր պատկերացումները։ Նրա համար ինչպես վաշխառությունը, այնպես էլ առևտրական գործը դատապարտելի էին ո՛չ թե այն պատճառով, որ օգտակար չէին գյուղացուն կամ գյուղական համայնքին։ Հարուստ մլքատեր և վաշխառու խեղանանց-խեղանը, տեսանք արդեն, դրողի համակրանքը շահած զերազնիվ այն բնավորությունն էր, որ որպես իղեալատիպ ներկայացնում էր հայ նահապետական գյուղի վսեմ կերպարանքը։ «Բղղենում» ջհուղ Աղաջանը նույն բարի վաշխառուն է, ազնիվ առևտրականը, շքավորներին օգնող բարերարը, քրիստոնեական երկյուղածության և մաքրակենցաղ վարքի իսկական հերոսը։ Սրանք գյուղի և գյուղացու նեցուկներն են, հնօրյա ավանդապահներ, աղքատի ցավը դարձանող առաքյալներ, միջնորդներ պետության և գյուղական շքավորության տնտեսական հարաբերությունների կարգավորման։ «Յուր բնատուր բնավորությամբ, — ասում էր Պոռշյանը ջհուղ Աղաջանի մասին, — նա մտածեց անճարների ու կարոտյալների կարիքին ևս հասնել դժվար բույներումը. արքունի հարկը ժողովելուս, հացի սակավության զեպքում նա ինքն յուր կողմից էր առաջարկում կարևոր նպաստը։ Այս օգնությունն անում էր նրանց, որոնք կարող էին ընչով և իցե, երբեկից վերադարձնել յուր տվածն աննշան տկոսով»⁴¹։ Այս կարգի վաշխառունների և հարուստների վերաբերյալ Պոռշյանը պահած ունի մի հատուկ համակրանք։ Ինչպես խեղանանց խեղանը, այնպես էլ ջհուղ Աղաջանը ի վերջո փողատենչ նորելուկների ղոհն են դառնում։ Եթե միկիտան Սաքոն զրկողի իր ամբողջ հմտությունը բանեցնում է խեղանանց խեղանի «ամբավ հարստությունը» սեփականելու, ապա Բղղեն ելնում-խորտակում է իր բարերարին և այն էլ առանց որևէ հիմնավոր պատճառի։ Բղղեն անբացատրելի

40 Պ. Պոռշյան, Երկերի ժողովածու, հատ. 4, Երևան, 1963, էջ 16։

41 Նույն տեղում, էջ 45—46։

ատելությամբ է լցված դեպի այդ հեղաբարո, առաքինի, աղքատասեր վաճառականը: Միևիտան Սաքոն յաստվուլ Մարգարի առաջնորդությամբ ու խորհուրդներով է նետվում դեպի իր գոհը: Բիզդեն նախահարձակ է լինում, ինչպես թավուտում դարանած հովազը: Նրան պետք է պարզպակս կործանել ջհուդ Աղաջանին: Պոռշյանը միայն գեղարվեստական հոտառությամբ է կռահում այդ սարսափելի ատելության սոցիալական իմաստը: Զհուդ Աղաջանը ըստ երևույթին շարժում էր ոչ միայն փերեզակի վաճառականական նախանձը, այլև հակադրվում էր Բիզդեն որպես այն բարձր մարդկային սկզբունքների կրող, որոնց դեմ պատերազմ էր հայտարարել նույն ինքը Խոջա Բաղդասարը: Երկու դեպքում էլ անակնկալ հարստացած վաշխառուի ատելությունը դեպի բարերարը տրամաբանվում էր մրցակցին անխնա ոչնչացնելու այն բարոյականությամբ, որ սևիականել էին նորելուկ գրամաշորթները և, որը կռահում, բայց և միայն կռահում էր գրողը՝ շկարողանալով տալ այդ փաստի ոչ հողբանական և ոչ էլ առավել ևս գեղարվեստական հիմնավորումը:

Բիզդեն՝ այդ խստասիրտ, փողատենչ գլուղական Կրեստսը, աստիճանաբար կապեր է հաստատում ոչ միայն գավառային վարչության ու ոստիկանության հետ, այլև կապալառուների, որից հետո նրա առաջ բացվում է վաշխառուական հաղթարշավի լայն ասպարեզը: Սկսելով մանրավաճառությունից և անցնելով մուրհակային խարդախումների գործառնություններին, Բիզդեն մուտք է գործում պետական կապալների յուզոտ փողաշխարհը:

Հարստանալու համար միջոցների մեջ ոչ մի խտրություն չգնող ավազակաբարո այս մարդու գործունեությունը Պոռշյանը ներկայացնում է որպես տասնեկիններորդ դարու երկրորդ կիսաշրջանի «վերափոխական տակնուվրայության» իսկական արտահայտություն: Ղրիմի պատերազմից հետո, — նկատում էր գրողը, — ուսասհայոց կյանքը ապրեց «մի անհավատալի արմատական հեղաշրջություն»⁴²: «Սովորական կյանքի և կենցաղավարության մեջ այնպիսի զարմանահրաշ նորոգություններ կատարվեցին,

42 Պ. Պոռշյան, *Երկերի ժողովածու*, հատ. 4, Երևան, 1963, էջ 204:

որ լսողի անձն է սարսափեցնում»⁴³: Ամենից առաջ ետ մնացին «նշանավոր հարուստներ ու վաճառականներ», դրանց փոխարեն երևան եկան «անհայտ ու կորած մոլորածներ»: Բարեզարգվեցին քաղաքները, «գյուղերի մեջ հին-հին գետնափոր որջերի փոխարեն մինը մյուսից հետո բուսան փառավոր շենքեր ու շինություններ»⁴⁴: Սոցիալական այս տեղաշարժի ամենակարևոր երևույթներից մեկն էլ, ըստ Պոռշյանի, գյուղացիության միջից դուրս եկած «աննշան անձնավորությունների» («անընդունակ համարված ու արհամարհված մարդկանց») գործիմացությունն էր՝ հատկանշված մեծամեծ գործերի կազմակերպման նախաձեռնություններ⁴⁵: «Այնպիսի խառնակություն և բաբելոնյան աշտարակաշինություն կատարվեց ամեն հանգամանքներում, որ հավատ ընծայելը միևնույն էր, թե հոգին սևացնել»: Վիպագիրը գծում էր այդ բաբելոնյան խառնակության տեսարանը. «կարճ միջոցում բուն աղզային ավանդական սովորությունները, ապրուստի եղանակը, լեզուն, նիստ ու կացը, նահապետական դարերով սրբագործված և արյունի մեջ մակարդված ծերերի պատվապահությունը, ծնողասիրությունը, պարզ սակավապետությունը, եղբայրական անբաժանությունը, մինչև անգամ հագնելիքի ու ուտելիքի տարազն ու զնները միանգամայն, կարծես, մի սատակիչ հրեշտակի սրի առաջ դուրս վռնդվեցին և նոցա տեղը պատվաստվեցին կյանքին, տեղական սլայմաններին, երկրի դիրքին խորթ ու օտարոտի նորություններ»⁴⁶: Ըստ էության, այսպես էր ներկայանում Պոռշյանին նորագույն կապիտալիստական դարգացումը արևելահայ իրականության մեջ: Փորձենք որոշել պոռշյանական մտորումների պատմական արժեքը: Ամենից առաջ շփազանց ակնառու է անբարյացակամ այն դիրքը, որ դրողը բռնում է «արմատական հեղաշրջություն» հանդես: Նա շի կարողանում թաքցնել ոչ միայն ապրած ներքին տաղնապը, այլև խոր մտահոգությունը «վերափոխական տակնուվրայության» հասարակական հեռանկարների նկատմամբ: Ծիշտ է, գրողը շփազանց

43 Պ. Պոռշյան, Երկերի ժողովածու, հատ. 4, էջ 204:

44 Նույն տեղում, էջ 204—205:

45 Նույն տեղում, էջ 205:

46 Նույն տեղում:

աղոտ պատկերացում ունի քաղաքներում կատարված տնտեսական հեղաշրջման բուն ընթացքի մասին: Այստեղ նա տեսնում է մի-
այն հայտնի առևտրական տների կործանման և անհայտների երև-
վյալի գալու իրողությունը միայն, մի բան, որ ընդգծում է քաղա-
քային կապիտալիզմի վերաբերյալ գրողի ունեցած սահմանափակ
պատկերացումները: Գյուղական իրականության մեջ նա նշմարում
էր ավելի կարևոր տնտեսական իրողություններ: Մասամբ ճիշտ էր
կոհհում ապրանքա-դրամային հարաբերությունների պահանջով
ասպարեղ ելած գյուղական բուրժուազիայի հասարակական դիմա-
պիծը: Բայց, ինչպես արդեն ցույց ենք տվել, Պոռշյանը շէր կա-
լողանում տեսնել ո՞չ նորագույն տնտեսական երևույթների պատ-
մական հոնախորքը, ո՞չ էլ առավել ևս հասարակական ապագան:
Ազգային-պահպանողական միջավայրը և զաղափարամերժությունը
այդ միջավայրի հետ, երբեք չփոխեցին նրա կողմնորոշումը գյուղա-
համայնքի և նահապետական հարաբերությունների իդեալակա-
նացման խնդրում: «Վերափոխական տակնուվրայությունը» նրան
պատկերանում էր որպես հին, բարի ժամանակների մարդկանց
ու հարաբերությունների կործանման սկիզբ: Բնորոշ է, որ նկա-
րադրելով հեղաշրջման բերած հետևանքները, վիպագիրը հատ-
կապես շեշտում էր ավանդական սովորույթների, ապրուստի եղա-
նակի, մարդկանց նիստ ու կացի, նահապետական «դարերով սըր-
բագործված» օրենքների ոտնահարման իրողությունը և, այսպիսով,
դարձյալ երևան հանում իր ամբողջ հակակրանքը նորամուտ հա-
րաբերությունների հանդեպ: Գյուղացիական դեմոկրատիայի այս
զաղափարախոսը դատափետում էր ներկան ոչ թե ապագայի պա-
հանջով, այլ անցյալի՝ ճիշտ այնպես, ինչպես որ կարեկից ու
վախվորած նրա հայացքը կանգ էր առնում ապուպայերի նյու-
թական բարեկեցության և ժամանակի պայմանների խոր հակա-
դրության վրա:

Բղդեի գործունեությունը «վերափոխական տակնուվրայու-
թյան» հետևանք համարելով, Պոռշյանը աշխատում էր գյուղական
իրականությունը բզկտող նորամուտ հարաբերությունների լայն
Ֆոնի վրա ուրվագծել «զարմանահարշ նորոգությունների» ճշմա-
րիտ բովանդակությունը:

Մի աննշան, արհամարված մարդուկի, որպիսին Բղդեն էր, կենսագրութեան դրվադները դրողը օգտագործում էր գծելու համար դարի «ընդհանրական հեղափոխութեան» իսկական պատկերը: Դա փողի հանդեպ կույր և միստիկական սիրո մի իսկապես խելահեղ արշավի պատմութիւնն էր, որ կանխում էր երևակայութեան ամեն մի թռիչք և, որպես ասում է Պոռշյանը, «լսողի անձը սարսափեցնում»: Փողապաշտութիւնը, որպէս վարակը, ճարակում էր «միամիտ և պարզ մարդկանց» կենցաղը, հոգին, գիտակցութիւնը: Ամբողջ լավը, մարդկայինը, բարոյականը դատապարտված էր վայրենաբարո հոշոտման: Գրողը պարզապէս շփոթված ու վախեցած էր հանկարծական հեղաշրջումի ամբողջ ընթացքից, շէր կարողանում հաշտվել այն մտքի հետ, թե մեկընդմիջտ սխիտի կործանվեն իդեալական նկատված մարդկային այն փոխհարաբերութիւնները, որոնք մի քսան-երեսուն տարի առաջ ծաղկում էին հայկական միջավայրում: Ահա՛ թե կարեկցանքի, սիրո և խանդաղատանքի որպիսի շեշտերով է ուրվագծում Պոռշյանը այդ ժամանակները. «Հայր Աբրահամու օջախ կոչվելու տներ այսօր հազվագյուտ երկվույթ են դարձել, իսկ 25, 30 տարի առաջ և ավելի խորը՝ դա մի դարմանալի բան չէր: Հայր Աբրահամու օջախ էր կոչվում այն օրհնյալ տունը, որի ծերունի հայր-նահապետը, բոլորած յուր շուրջը բաղմաթիւ կղբայրների, հորեղբոր զավակների ու թոռների, նրանց որդկերանց ու թոռան թոռներին՝ քաջավարժ զորականի անձնապաստան հմտութիւններով ղեկավարում էր շարժուն գործարանը, ընդհանուր հրամաններ էր արձակում և բոլոր անդամներից իրանց գործառնութեանց հաշիւն ու համարն էր պահանջում: Իհարկե, կկաղար գործը, անիւր կոտորված սալի նման կկործանվեր, եթե հայր-նահապետին դործակից շիններ տան ներքին կառավարութեան մեջ մայր-տանտիկիներ-ընդհանուրի հարգանքը վայելող ու հրամայող մեծ նանը, որի ձեռքին էր տանտիկնութեան շերեփը, որի քաղցր խոսքը պատվեր էր տան իգական սեռի բոլոր անդամների համար:

Տասնյակ տարիներ, շատ անգամ հարյուրամյակներ էին գլորվում հավիտենականութեան անդունդը, իսկ հակայական մեքենան անքակ կերպով միմյանց հետ աղխաղված անդամներով գործում

ու տևում էր. որդին հորն էր փոխանակում, հարսն՝ սկեսորը. մեկը գլուխը վայր էր դնում, մյուսն արդեն յուր ծանրատար, բայց քաղցր պաշտոնի մեջն էր:

Այսպիսով սերն ու միաբանությունը նշանաբանն էր լինում այն քաղաքային կամ գյուղական հասարակության, որի մեջ հայր Աբրահամու օջախներ մի քանիսն էին դառնվում»⁴⁷:

Պոռշյանի սոցիալական երազանքը հանգչում էր նահապետական օջախի դարեր հարատևող բարոյաբանական սկզբունքների վրա: Սերն ու միաբանությունը համայնական կենցաղի ու ապրելավածի «բարոյական արդյունքն էր», որ օծում էր քաղաքային և գյուղական հանրությանը այլասիրության «սրբանվեր ջրով»: Պարզ է, որ հայր Աբրահամու «լուսեղեն» կերպարը փայփայող մեր գյուղագիրը բեղենների հանդեպ լցվելու էր անհաշտ մի թշնամանքով և պիտի անխնա հարվածեր ընչաքաղցության միստիկան, որպեսզի զոնե մասամբ հագուրդ տար ատելության ու զգվանքի այն զգացումներին, որ ծնում էին նրա մեջ գյուղական համայնավարության սոցիալական դավանանքը ոտնահարելու ելած մարդիկ: Պոռշյանը բարքագրի իր գրիչը անհուն զայրույթով էր շարժում «վերափոխական տակնուվրայության» հերոսների դեմ և՛ մի այլ պատճառով: «Յեցերի» հրատարակումից հետո նա ապրեց դադափարական հետաքրքիր մի շրջադարձ: Եթե նախկին գյուղավեպերում «հասարակաց դատաստանը» և «փրկարար քնիչը» այնուամենայնիվ գալիս էին մեղմելու և հուսադրելու վիպագրին, թե ամեն ինչ վերջնականապես կորած չէ, և որ վերադարձի ճանապարհը նույնքան բանուկ է, որքան այդ ճանապարհով ընթանալը, ապա «Բղդեում» նշմարելի է հուսահատական հայացքի առկայությունը: Թեև իբրև բարոյախոս նա դեռ ամբողջովին չի կորցրել իր հույսը մարդու ներքին դատավորի՝ խղճի և աստծու հանդեպ, այնուամենայնիվ, արդարությունը վերագտնող կամ վերհաստատող քննիչի իդեալական կերպարանքը այլևս չի առաջնորդում նրան հասարակական շարիքը պատժապարտելու վսեմ գործի

47 Պ. Պոռշյան, Երկերի ժողովածու, հատ. 4, Երևան, 1963, էջ 159—160:

մեջ: Գրողը կարծես թե հասկացել է ումանաիկ ու անհող այդ միջամտության ասպարդյունությունը:

Բղղեն ինչ-որ պահ Կիզի-մատուռի ներսում հանդիպում է «կրոնական զբացմունքի վիթխարի ահավորությունը» և շարչիական կեղծավորությամբ անձնատուր լինում:

«Մեղա քեզ, տեր, սևերես մեղավոր եմ քո առաջին»,— ձայնում է նա: Սակայն այդ միայն մի պահ. հետագա դեպքերը ցույց են տալիս, որ «չերմեռանդության և կրոնասիրության մեջ սնված, բայց մոլորության մեջ ամենը կորցրած գյուղացի երիտասարդը» ընդունակ է հաղթահարել նախասպառմունքի պատենշն անգամ: Նույնիսկ այն ժամանակ, երբ նրա ձեռքերը թաթախվում են Շոդիկի արյան մեջ և, կարծես, բացվում դործած եղեռնագործության մանրամասները, նա դուրս է դալիս մատուռից և հասնում համբավավոր սուրբ Հովհաննեսի աղբյուրը՝ ոչ թե հոգին փրկելու, այլ մաքրագործվելու համար: «Այս ջուրը,— ասում է շարչին,— թող մաքրի իմ ձեռքերից նորա արյունը և մեռցնի նորա սերն ու հիշատակը»: Ուրեմն ոչ թե ղղջում, ոչ թե խղճի տառապանք, այլ վրեժխնդությունը հագուրդ տված մարդասպանի իսկական վայրենաբարո ուրախություն. «դեհ... հիմի թող ջհուղ Աղաջանն էն կյանքումը պսակի յուր աղջկան, յուր սիրած Բատինենց Սհոյի վրա ու հարսանիքին յուր կնոջ հետ ձեռքոնուկ պար գա, իսկ ես այստեղ պար կգամ, որ իմ թշնամիներից վրեժս առա: Ծիշտ որ Բղղեն ձեռքերը բարձրացրեց և պարելով ճանապարհ ընկավ դեպի աուն»⁴⁸: Այս վերջաբանը ավելի ակնառու է դարձնում պոռչյանական համոզումների մեջ տեղի ունեցած շրջադարձը: «Քննությունը,— ասում է Պոռչյանը,— ոչինչ մեղադրանք չկարողացավ բարդել Բղղեի պարանոցին»⁴⁹: Հասարակաց անողոք դատաստանն, տրեմն, անուժ էր Բղղեի հանդեպ: Եվ դա հասկացել էր գրողը. կյանքը ուներ իր դարմանալի և անողոք տրամաբանությունը, որին որքան էլ անձնապես անհամաձայն, այնուամենայնիվ չէր կարող շհետեւել նա, քանի որ նախկին գյուղավեպերի բարոյախոսական

48 Պ. Պոռչյան, Երկերի ժողովածու, հատ. 4, Երևան, 1963, էջ 237:

49 Նույն տեղում:

հանձնարարականները ոչ միայն շահեցին մի ընդհանուր համակրանք, այլև դիտվում էին որպես գյուղական իրականության ճշմարտացի պատկերը խաթարող «վիպականության» արգասիք⁵⁰:

* * *

1892-ին «Արաքսում» տպագրած «Մեր Խեչոն» փոքրիկ պատկերի մեջ Պոռչյանն ուրվագծում էր գյուղական բունտար-առվազակի այն տիպը, որ ելել է հասարակական արդարությունը պաշտպանելու: Բարի և արդարադատ քննիչին փոխարինելու էր գալիս ժողովրդական վրիժառուն՝ իր վրա վերցնելով օրենքը պաշտպա-

50 Մինաս Բերբերյան, Գրական ակնարկներ, Պերճ Պոռչյան, Վաղարշապատ, 1908, էջ 9:

Մ. Բերբերյանը Պերճ Պոռչյանի մահվան առթիվ գրած մի հոդվածում նկատում էր. «Բաղմաթիվ ավելորդարանություններով, տեղ-տեղ ճապազ, նա միշտ անվրդով շարունակում է իր պատմությունը և միմիայն վեպի վերջին հրաժարվում է իր օբյեկտիվությունից, որպեսզի հայտնե իր համակրանքն ու հակակրանքը սյո կամ այն հերոսին: Նա մինչև վերջը կարծում էր, որ վեպը դաստիարակչական նշանակություն պիտի ունենա, բարոյագիտության դաս պիտի տա» (Մ. Բերբերյան, Պերճ Պոռչյան, Վաղարշապատ, 1908, էջ 9): Բերբերյանը իրավացի էր: Պոռչյանը թեև կարծես հրաժարվել էր «ճաստարակաց դատաստանի» գաղափարից, այնուամենայնիվ, վեպը նա բացում էր Բղդեի սև ճակատագրի նկարագրությամբ. «Կարեկցի է կոլոտ (կարճահասակ) Բղդեն: Նա այժմ կամ ծերացած, ոտք ու ձեռքից ընկած, մի գլուղի կամ քաղաքի խուլ անկյունում կյանքի հետ կոխվա է տալիս, հոգեառի անունից օրն ի բուն սարսափի մեջ է, կամ թե սև հոգի միջին որդ ու ժմռունքների կերակուր է եղել, յոթ պատան է մաշել, մարդկանց ու աստծո հիշողությունից իսպառ մոռացվել՝ շիբբրի կարգն է անցել»: Եվ այս ասվում էր խոշա Բաղդասարի մասին, այն մարդու, որ դավառի նշանավոր մեծահարուստն էր, Կիլի-մատուռի ոսկետերը, հին մի ավազակ, որ սուանություններ, թալանի ու վաշխի միջոցով դարձել էր ապրողների հոգեառը և մեռնողների սարսափը: Թե ինչպես և «ճաստարակաց դատաստանի» ո՞ր օրենքով խոշա Բաղդասարը ընկած պիտի լինի մի որևէ գլուղի կամ քաղաքի խուլ անկյունը, հազիվ թե հնարավոր էր պատասխանել, պատասխանի դեպքում էլ կկորչեր այն «օբյեկտիվությունը», որ գյուղավեպի ամբողջ հյուսվածքն էր պարտադրում: Պոռչյանը սակայն հակամիտ էր շարք հալածելու բարոյաբանությունը: Առանց գրա նա չէր կարող ոչ գրողի իր պարտքը ճանաչել, ոչ էլ առավել ևս խնդիրը: Նա անպայման բարոյագիտական դասեր էր տալիս նույնիսկ այն ժամանակ, երբ դրանք ուղղվում էին իր իսկ համոզումների դեմ:

նողի միսիան: Պատահական չէր Պոռշյանի այս կողմնորոշումը: Տեսանք արդեն, որ «Բղղեում» հասարակական շարիքը պատժվում էր միայն զրողի կրավորական միջամտություններ: Ըստ էության Բղղեն հաղթանակել էր ավելի վաղ, քան վրա կհասնեիր գյուղագրի սուբյեկտիվ վճռադատությունը: Բղղեն մնացել էր անպատիժ: Հասարակաց անողոք դատաստանը ոչ միայն հանդուրժում, այլև ինչ-որ շափով արդարացնում էր խոջա Բաղդասարին՝ Շողիկի մերկացնող և հուզիչ դատապարտումի խոսքի մեջ տեսնելով կիսախնամի աղջկա ցնորական բարբաջանքը:

Ժողովրդական վարի խավերում ձևավորվող ըմբոստահույզ տրամադրությունները Պոռշյանին հրում էին դեպի այն նոր տեսակետի պաշտպանությունը, ըստ որի արդարությունը և արդարագատությունը փնտրվելու էր ոչ թե «օրենքի ու կարգի» պաշտպանների մոտ, այլ դրանց դեմ ելած միայնակ խռովարարների, մարդիկ, որոնց համար իրավունքը ընկածի, թույլի, անիրավված աղքատի նյութական ու մարդկային շահերի պաշտպանությունն էր՝ ընդդեմ հարստահարող մեծատունի: «Որտեղ աղքատի բերանից պատառ խլող, շահին շահ առնող, ժլատ, հայ ու թուրք կային, ինչտեղ իրանց ոահաթին զրկող, նեղացնող կալվածատերեր լինեին, լնչտեղ հողիքը դադի ծերին շափող բազաղներ, կշեռքում հարամություն անող հացածախներ կային, բուրբ ուղղվում, աստվածավախ, ճշմարիտ, ողորմած ու աղքատասեր էին դառնում, կամ թե կյանքերը լորի պոչի պես կարճանում էր, դժոխքի բաժին էին լինում: Մեր խեղճն իր ձեռքովն էր էդպեսներին գնդակախորով անում, կամ վզերը կարմիր թել կապում (մորթել)»⁵¹: Հավատացած էր Պոռշյանը, որ «հասարակաց դատաստանը» այժմ հանդես է դալիս խեղճի, քոռ Եղիկի նման ավազակների ինքնադատ արդարամտության և ազնիվ վրեժխնդրության կերպարանքով: Ընդ որում, նա հակված էր մտածելու, որ խեղճի նմանները «երկրի կառավարիչներին» շրջանում վայելում էին մի նախամեծար հարգանք և զրկաբաց հյուրասիրություն⁵²: Դարձյալ որոշ շափով տուրք

51 Պ. Պոռշյան, Երկերի ժողովածու, հատ. 4, Երևան, 1963, էջ 120:

52 Այս առթիվ Պոռշյանը գրել է. «Խեղճի էդ ազնիվ գործերն էին, որ նրա էհտիրարը (վարկ) երկրի կառավարիչների մոտ բարձրացրել էին. էս ու

էր տալիս պետութեան հանդեպ ունեցած հին նախապաշարմունքին և ժողովրդական վրիժառուի գործունեութիւնը ինչ-որ շափով համապատասխան դարձնում «ուայաթի շահով մտահոգ» երկրի կառավարիչների մտադրութիւններին: Պիտի տեսնենք, սակայն, որ ժամանակավոր այս նահանջը լոկ դաղափարական վերադասավորումի հետևանք էր: Գեթ այս պահին Պռոշյանը ամբողջովին չէր կտրվել անցյալից, ինչպես որ անցյալը չէր նահանջել նրանից այնչափ, որ հնարավոր լիներ դրա քննական վերլուծութեամբ դբադվել: Նոր մտայնութիւնը շափաղանց հատկանշական էր: Այն ինչ Պռոշյանը որպէս ռեֆորմատոր և գլուղահամայնքի շահախնդրութիւնների փաստաբան հանձնարարում էր որոնել օրենքի, պետական միջամտութեան, վերահսկողութեան ու վերաքննչական սուբորդինացիայի (ենթաստիճանավորման) պրակտիկ գործունեութեան մեջ, համոզված լինելով, որ միայն այստեղ կարելի է հանդիպել բարձրագահ ճշմարտութեանն ու արդարութեանը, հիմակախման մեջ էր թողնում այն մարդկանց դիտավորութիւնից, որոնք կամովին և ինքնազուխ իրենց վրա էին վերցրել այդ նույն օրենքի և պետական միջամտութեան իրավունքները: Ստացվում էր այնպէս, որ ավազակ խեչոյի խստութիւնը անիրավ հարստահարիչի նկատմամբ այլ բան չէր, բայց եթէ օրենքի հրահանգած վերաբերմունքը և, որ այս դեպքում խեչոն ինչ-որ շափով իր վրա էր առնում ավազակների, մարդասպանների, գրկող կալվածատերերի, հարամիկեր վաճառականութեան դեմ ձերկրի կառավարիչների» հոշակած պայքարի պարտականութիւնը: Այս նահանջը չնչին բան էր այն մտայնութեան ու համոզումի հանդեպ, ինչը կազմում էր հենց պռոշյանական նոր դիրքորոշման արդիական արժեքը: Խեչոյին օրհնում-օրհնաբանում էին «աշխատասեր գլուղացիք ու բարի քաղաքացիք»,— ասում էր դրողը: Մեկն էր սա ժողովրդական վարի խավերից ելած այն ահեղ բնավորութիւններից, որոնց սխարլի համբավը ուղիղ համեմատական է սեփական կողմանը: Նրանք ելել են ճշմարտութեան և արդարութեան

էն մեծամեծների աներն էնպես համարձակ էլ ու մուտ կաներ, նրանց հետ ծնկ ծունկ կնստեր, ոնց որ դու քո ազնիվ սիրեկան բարեկամի մոտ կմտնես» (Պեռն Պռոշյան, Նրկերի ժողովածու, հատ. 4, էջ 119):

դրոշը պարզելու: Գյուղացիական դեմոկրատիան իր հեղափոխական տրամադրությունները այս դեպքում սքողում էր պետութայան հանդեպ հավատավոր ու պարտաճանաչ հպատակի պահվածքով: Իսկ մի փոքր անդին երևում էր արդեն սոցիալական և դասակարգային հակասությունների հաղթահարման նորօրյա այն ծրագիրը, որն ըստ էութայան անչլված էր դարավերջի գյուղացիական շարժումների հետ:

«Մեր խեղճ» պատկերը գեղարվեստական նախագիծ էր «Հունոն» վեպի համար: Արդեն ուրվագծված էր ապագա այն հերոսը, որը պետք է ներկայացվեր լայնաշրջան վիպական գործողությունների մեջ: «Հունոյում» Պոռշյանը փորձել էր ոչ միայն և ոչ այնքան հավաստել արդարադատ ավազակապետի գործունեության ուղղությունը և դադափարական կողմնորոշումների բնույթը, որքան բնութագրելով նրա մարդկային նկարագիրը՝ գեղարվեստական տարածություն մեջ ցույց տալ այն գործողությունների տրամաբանությունը, սրտնք սրողում էին ժողովրդական վրիժառուի ճակատագիրը:

«Հունոն» Պոռշյանի ամենահավաք և ամենամշակված վեպն է: Ըստ երևույթին 90-ական թվականների սկզբներից մինչև դարավերջ գրողի միտքը զբաղված է եղել Հունոյի կերպարի գեղարվեստական իրացման խնդրով: Զեռնարկելով վեպի գրությանը Պոռշյանը հարկադրված էր գեղարվեստորեն հիմնավորել նախ՝ խեղճ-Հունո անհատականության երևան գալու պատճառները: Գրողի պատկերացմամբ պատահական անիրավությունը Հունոյին ներքաշում է ողբերգական այն դեպքերի հորձանուտը, ուր երբեք չէր կամենա ընկնել աղնիվ աշխատանքով սևփական հացը վաստակող գյուղացի այդ երիտասարդը: Ընկերոջ տմարդության դիմաց նա գործել էր պատվասեր մարդու ամբողջ դաժանությանը: Վիրավորանքը, որ նրան հասցրել էր Մելիք-Մրտոյի զավակը, ուխտագրուժ և ցածհոգի երզմնազանցություն էր: Նրևի Հունոն ամեն ինչ կարող էր տանել, հրաժարվել անգամ Գուլոյից, եթե Մելիք-Մրտոն մեծահարուստի կուպիտ ու նվաստացնող խոսքով շղաղեր երիտասարդի ինքնասիրությունը. «Տո, լակոտ,— ճշացել էր Մելիքը,— ես Գյոզլի մհալի (Նոր Բայազիդի գավառը) Մելիք-

Մրտոն լինիմ ու իմ ոտքը լիզող շանը թողնեմ՝ դա, վրաս հաշի՞, դուս կորի տանիցս, թե չէ ձայն կտամ ծառաներս տուն կթափվին, էնքան կթակեն, որ ճանապարհո՞ղ չես գտնիլ»⁵³:

Հակառակությունը, որ ծագում է երկու ընկերների միջև Գուլոյի պատճառով, ի վերջո հանդում է դիտակեր թշնամության: Երբ արդեն կատարված էր եղեռնագործությունը, երբ արդեն թափվել էր Զաքոյի արյունը, Հունոն, որ անկեղծորեն սգում էր ընկերոջ մահը և մարդկայնորեն ասրում մեկն այն վշտերից, որոնք մշտապես ծանրանում են խղճի և հոգու վրա, հարկադրվում է, արդեն իր կամքից անկախ, բռնել ավազակության ճանապարհը: Բայց հալածված մարդկանցից և օրենքից, նա դառնում է այդ նույն մարդկանց և օրենքի իսկական պաշտպանը: Ընկեր՝ ավազակների, նա կռվում է ավազակների դեմ. մարդասպան ու վրիժառու՝ նա կանխարգելում է մարդասպանությունն ու վրեժխնդրության շարիքը: «Գաղափարական ավազակայետի» համբավը շուտով տարածվում է դավառում այս անգամ մի այլ պատճառով: Հունոն որդեգրվել էր ազքատների պաշտպանությանը և պատերազմ հայտարարել պտղական ցեղերին: Տառապալները նրա մոտ էին գտնում իրենց մխիթարությունը, զրկողները՝ պատիժը: Վեպի նախադրության մեջ Պոռոջանը վեր էր հանում երկակի այն վերաբերմունքի իրական պատճառները, որ հանդես էին բերում Հունոյի նկատմամբ դավառական մանր, ստորին պաշտոնեությունը և հասարակ ումիկը:

Նոր Բայազետի քաղաքային հրապարակում անցուղարձ անողների բազմության մեջ կանգնել էին երեքը՝ հեղինակը, դավառական ստիկանություն ստորին ծառայողներից մեկը և «մի ուրիշը» ու խոսում էին Հունոյի մասին: Լազր Գերասիմիշը խորհուրդ է տալիս պաշտոնական գործերով Գեղամա լճակի հարավային գյուղերը մեկնող Պոռոջանին մի քանի օրով հետաձգել ճանապարհորդությունը, մինչև որ դազախներն ու չավարները կբռնեն Հունոյին. «...Իմ կարծյոք, ամենից անվտանգ ժամանակն է գնալու, մինչդեռ Հունոյին չեն բռնել, — միջամտեց մի ուրիշը, — Հունոյին

53 Պ. Պոռոջան, Երկրի ժողովածու, հատ. 5, Երևան, 1963, էջ 160:

աստված մի արասցե, եթե բռնեցին, գլուխը մի սոխ կդառնա, Ղա-
րաբազդի կողմերից եկած ավազակախմբերը մեզ օր չեն սալ:

— Թողեք, աստված սիրեք,— բարկանում է Լազր Գերասի-
միչը,— զեսնի տակն անցնի ձեր Հունոն. լույս ընկած օրից՝ մե-
զանից ոչ մինը հատ կոպեկի երես չի տեսել, իսկ թուրք ավազակ-
ներից ամեն ժամանակ ծառայողների բաժինը լի ու լի կար, ամեն
մեկս առատ-առատ լվլվում էինք»⁵⁴: Բարկացնում էր Լազր Գե-
րասիմիչին Հունոյի ազնվությունն ու մարդասիրությունը: Հին
այս կաշառակերը անիծում էր գաղափարական ավազակապետին՝
հասույթի ազբյուրներից զրկվելու համար. ո՞ւմ են պետք նրա
ազնվությունն ու մարդասիրությունը, աղքատ հպարտը ավարին
երբեք մոտիկ չի դալիս, «քաղցած փորով ճաշին է քնում...»: «Թեկուզ
անոթի սաակի,— հարում է Գերասիմիչը,— բայց մեզ
ինչո՞ւ է զրկում»: Ուրեմն, Հունոն գավառական ստորին պաշտո-
նեությունից զայրույթն ու ատելությունն էր շարժում բնավ էլ ոչ
նրա համար, որ սարսափի ու տաղնապի մեջ էր պահում երկիրը,
հակառակը, տրտնջում ու հայհոյում էին նրան, որ վերացրել է
սարսափն ու տաղնապը, որ կտրել է ավազակախմբերի ոտքը ճա-
նապարհներից, որ զսպաշապիկ է հագցրել ընչաքաղց մեծատունե-
րին և սրանց գործակից մարդասպաններին ու զողերին: Հունոն
զրկում է գավառական շինովնիկությունը. ճակատագրի որպիսի՞
հեղանակ: Ոստիկանությունը, որ օրենքի պաշտպանն էր ու կա-
տարածուն և հալածում էր Հունոյին, ներկայանում էր հալածվողի
դերում և այն էլ ո՞ւմ կողմից՝ օրենքից դուրս հայտարարվածի:
Արդյոք հասկանո՞ւմ էր Հունոն, որ օրինապահություն և կարգի
պաշտպանների հանդեպ «մեղապարտ» իր գործունեությունից ինքը
կյանքով պիտի վճարեր, քանզի այս աշխարհում ով կարող է
հանդուրժել զրկվածների արդարագատությունը:

«Մեր խեղճն» պատկերում Պոռչյանը ուրվագծել էր թուրք
աշխատավորությունը գաղափարական ավազակի ցույց տված օգ-
նությունից մեկ դրվագը: «Հունոյի» նախադրությունից մեջ գրողը դարձ-
յալ ընդգծում էր այդ փաստը. «Ոչ միայն հայ դյուղերում Հունոն

54 Պ. Պոռչյան, Երկերի ժողովածու, հատ. 5, Երևան, 1963, էջ 160:

ամենքի զլիսի վրա տեղ ունի, այլև նույնիսկ աշխատասեր թուրք գյուղերում: ...Ես խոսում եմ վիղն արևառ, հողագործ, դառը քրքրատինքով իր ցամաք հացը ճարող թուրքերի մասին»⁵⁵: Միտք ունենր զրողը իր հերոսի ժողովրդասիրական պահվածքն ընդգծել՝ անջըրպետելու համար զաղափարական ավազակապետին ազգային բարեկործներից, որպեսզի ավելի ցայտուն երևա աշխատավոր «ուսայի» հետ նրա ունեցած ամուր հոգեկցությունն ու շահերի ներգաշնակությունը: Շահախնդիր էր նաև Հունոյին ներկայացնել անխտիր բոլոր զրկվածների պաշտպան և ապավեն. միայն այդ կերպ կարող էր փաստարկել համբավի այն մեծությունը, որ կապվում էր Հունոյի անվան հետ և չբավորության անխառն համակրանքը դեպի իր բռնահարված իրավունքի փաստաբանն ու դատավորը:

«Հացի խնդիր» վեպին անդրադառնալիս նկատել ենք, որ Պոռոչյանը գյուղերում կատարվող անիրավությունների պատճառը ոչ այնքան պետական հարկատվության և հողային հարաբերությունների մեջ էր տեսնում, որքան «ստորին և երկրորդակարգ պաշտոնյաների անկանոն գործողությունների»: Կազր Գերասիմիչի թուոցիկ կերպարն ուրվագծելով, զրողը դարձյալ շեշտում էր իր այդ համոզումը, միայն թե այս անգամ նրա միտքը հասու էր ավելի կարևոր մի օրինաչափություն պարզելու: «Հունոն աչքի փուշ է դարձել երկրի վրա աչք ունեցողների համար»,— մի առիթով ասում է Տաթևի գյուղական քահանան: Պոռոչյանը փորձում էր հենց այս ճշմարտությունը հրապարակ հանել զաղափարական ավազակապետի և նրա դեմ ելած զավառական պաշտոնեություն հակամարտի իրական պատճառները քննելիս: Կազր Գերասիմիչը նույնիսկ դեմ չէր «էկզեկուցիա» կատարել գյուղերում՝ Հունոյին բռնելու համար⁵⁶: Ակնարկ էր սա, որի ենթաբնագիրը ճիշտ ընթերցելու դեպքում հնարավոր է ըմբռնել բունտարական-խոռվարարական մենակալի հետ կապված գրողի սոցիալական պատկերացումների էությունը: Մարտահրավեր նետելով «խեղճ գյու-

55 Պ. Պոռոչյան, Երկրի ժողովածու, հատ. 5, Երևան, 1963, էջ 160:

56 Նույն տեղում, էջ 163:

դացու քրտինքը լափողներին», Հունոն ելնում էր հասարակության մի ամբողջ կազմակերպության շահերի ու շահախնդրությունների գեմ: Հայտնի իր մենախոսություն մեջ, «գաղափարական այդ հերոսը» մտորելով արդարություն և իրավունքի շուրջ, դյուրություն մբ բրոշում էր հասարակական իշխող բարոյաբանության արդիական արժեքը. «էհ, ի՞նչ եմ արդարությունի փեշիցը կախ ընկնում,— ասում էր նա,— աշխարքումս ո՞վ է տվել արդարություն, գութ, խղճմտանք, աշխարքումս արդարն ու լավը նա է, ով քսակումը ոսկիք, ձեռին իրավունք ունի. արդարը, լավ անունի տերն ու բարեբարը նա է, ով իրանից անդորին, իրանից խեղճին մրջիմի պես ոտքի տակը կզցի, կճխլի, ճխլը կհանի ու գլուխը բարձր բռնած՝ իր արածովը կպարծենա. աշխարհ էլ նրա գովքը կանի, նրա առաջին խունկ կծխի»⁵⁷: Հնօրյա այս արդարախոսությունը նոր իմաստով էր հնչում Հունոյի շուրթերին. նրա մղած կտիվը հարստահարիչների անիրավության գեմ ընթացել և ընթանում էր հակառակ տիրապետող բարոյաբանության: Զենքը ձեռին՝ չափելով Գեղարքունյաց գավառի լեռ ու դաշտը, նա հինգ տարի շարունակ մարդկանց, աշխատավոր դյուրացիներին ու բարի քաղաքացիներին բերում էր այն համոզման, որ խեղճի ու թույլի, զրկվածի ու անիրավվածի իրավունքը պաշտպանել՝ նույնն է թե արդարությունը վերականգնել: Ուրեմն կար արդարություն մի այլ ըմբռնում, որ Հունոյինն էր, հետևաբար, նաև ժողովրդական վարի խավերինը: Զի կարելի չտեսնել, որ գանգատվելով «աշխարքի անիրավությունից» և այդ անիրավության գեմ գեներ առնելով, Հունոն, ըստ էության, փորձում էր հաստատել ուսմիկի «օրենքն ու իրավունքը», հակառակ գողի, ավաղակի, շահին շահ առնողի, խաբեբանների, անօրենների, «ագամորթու հայտնի ու թաքուն թշնամիների» տենդագին, անդիջում, համառ ոխակալության ու դայրույթի: Սակայն Հունոն, ինչպես ժողովրդական վարի խավերը, հասկանում էր, որ ուսմիկի «օրենքն ու իրավունքը» աշխարհ բերելու նրա ջանքերը ճակատագրականորեն դատապարտված են: Ոչ միայն այն պատճառով, որ Հունոյի գեմ ոտքի է կանգնել ստո-

57 Պ. Պոռոյան, Երկերի ժողովածու, հատ. 5, էջ 356:

րին ուստիկանութեան ամբողջ կազմակերպութիւնը, այլև, որ Հունոն ինքը մենակ է այդ արյունահեղ կռիւի մեջ: «— Ի՞նչ անես, որ երկարատե շի լինելու Հունոյի ասպարեզը,— ասում է նույն տաթեցի քահանան: Իր կտրիճութեան հետ, եթէ փոքր-ինչ խելոքութիւն ու հեռատեսութիւն ունենար, նպատակին հասած կլիներ: Անիծած ավազակներն ավելի վտառահ են գործ դնում իրանց արհեստը, քան թե ես յիմ քահանայութիւնը: Ընչո՞ւ: Որովհետև կողոպտածից անխնա բաժին են հանում էն մարդկանց, որոնց ձեռքին է իրենց վիճակը: Դիցուք, շատ էլ խստով պատվիրված է վերեւ վրայ՝ ամեն հնարք գործ դնելու, ավազակութիւնը վերջացնելու և խեղճ ժողովրդին տեր ու տիրականութիւն անելու, բայց ինչպես է կատարվում էդ սուրբ պարտականութիւնը: Էն ո՞ր խելքն աղ ու հացի հետ կերած մարդը կլինի, որ իր հացին քացով կտա ու իր ծոցը տուգանողի ճանապարհը կփակի...»

Հունոն աչքի փուշ է դառել երկրի վրա աչք ունեցողներին համար: Արի ես քեզ հաստատ խոսք տամ, որ Հունոյի ասպարեզը շատ կարճ կլինի. մի ամսից, մի տարուց կլսվի, որ քո Հունոն Սիբիրի ճանապարհին է, թեև նրա մեղքն այսքան է միայն, որ ժողովրդի արյունը ծծողներին արյունն է խմում...»⁵⁸:

Տաթեցի քահանան Պոստյանի համոզումներն էր թարգմանում երկարաբան իր այս խոսքի մեջ: Դարձյալ և տրամաբանորեն այստեղ երևան է գալիս գրողի հին հայացքը պետութեան՝ իր հպատակների հանդեպ ունեցած վսեմ պարտավորութիւնների մասին: «Վերևում» շահախնդիր են ավազակութիւնը բառնալու և ժողովրդին օգնելու խնդրով: Ստորին օղակներում է, որ ոտնահարվում են պետութեան իսկական դիտավորութիւնները: Այստեղ են նստած նրանք, ում «աչքը երկրի վրա է»: Եվ սրանք են, որ անհնար պիտի դարձնեն Հունոյի անարդէլ գործունեութիւնը: Հունոն փակում է պաշտոնեութեան «ծոցը տուգանողներին» ճանապարհը: Դրա համար էլ ուստիկանութիւնը պատրաստ է անգամ «էկզեկուցիայի» դուրս գալ՝ խռովարարին դաժանորեն պատժելու: Զէ՞ որ այդ խռովարարը, ըստ էութեան, գործում է պետութեան

58 Պ. Պոստյան, Երկրի ժողովածու, հատ. 5, Երևան, 1963, էջ 243—244:

օգտին և ոստիկանութեանը զրկում իր իսկ հասույթի «օրինական» աղբյուրներից: Այստեղ պետութեան «սուրբ պարտականութիւնը», որի իսկական կենսագործողն է ստորին պաշտօնեութիւնը, սունահարվում է նույնքան անարդել, որքան դյուրութեամբ ավազակը և ոստիկանը համագործակցում են երկիրը թալանելիս:

Դեռ Գուլոյի հետ կապված պատմութիւնից էլ առաջ Հունոն որոշել էր ոստիկանական ծառայութեան անցնել՝ ավազակների դեմ կռիւնու համար: Այն ժամանակ արդեն անիրավութեան իրական ուղիները տեսնող գյուղացին մտադրվել էր արդարութեան հետքերով գնալ, մոռանալով հեռատես այն խելոքութիւնը, որի մասին ակնարկում էր տաթևցի քահանան: Եվ երբ հարկադրված ընկերասպան դարձավ, վճռեց իրագործել վաղուցվա իր մտադրութիւնը — թե ու թիկունք դառնալ խեղճերին ու արժանի պատիժ տալ «գողերին, ավազակներին, տնաքանդներին, կաշառակերներին»: Բայց դա մի «անհեռատեսութիւն» էր, քանզի Հունոն չգիտեր կամ չգիտենալու էր տալիս այն իրողութիւնը, որ ավազակներն ու տնաքանդները ի վերջո ավարը բաժանում էին այն մարդկանց հետ, ում «ձեռքին է իրանց վիճակը»: Իր պայքարի ու արդարավճիռ զայրույթի մեջ Հունոն մնում էր մեն-մենակ հասարակական կազմակերպութեան, օրենքի ու պետութեան հանդեպ: Մի թուրք գյուղացի կարծես թե հենց այս ճշմարտութիւնը նկատի ուներ, երբ բեզական անիրավութիւնների նկատմամբ արդար բողոքի իր խոսքով պաշտպան էր կանգնում Հունոյի դատին. «Մի Հունո է, մի աշխարհ,— ասում էր նա,— մարդը մի քանի հոգով, ինչքան կարողանում է խեղճերին պետք դալ, չի խնայում. հայ ու թուրք չհարցրած՝ ամենքին հավասար աչքով է մտիկ տալիս ու ձեռիցն եկած օգնութիւնը չի խնայում: Էղպես մի քանի հունոներ պետք է լույս ընկնեին, որ նասիր, Ահմո ու շատ խեղճերի արյունը ծծող բեզերին մուկ շինեին»⁵⁹:

Մի ծանրկով գարուն չի դա: Պոռոյանն ինքն էլ համոզված էր դրանում, մանավանդ տեսնում էր, որ գաղափարական ավազակապետի հետագան ի վերջո կանխորոշված է այն պայքարի ել-

59 Պ. Պոռոյան, Երկերի ժողովածու, հատ. 5, Երևան, 1963, էջ 279—280:

քով, որ Հունոն պարտադրել է երկրի վրա «աչք ունեցողներին»: Էսկ այդ ելքը ըստ երևույթին միակն էր՝ Հունոյի պարտութունը: Գրողը, սակայն, ուրվագծելով իր հերոսի հնգամյա գործունեությունը, կարծես հուշում էր երկրում ընդհանուր արդարություն հաստատելու այն նախընտրելի եղանակը, որը կապվում էր միայնակ խոռվարարի արդարակշիռ բազկի հետ: Բայց սա միայն Հունոյի ամբողջ գործունեությունից մակաբերվող եզրակացությունն է, այսպես ասած, օբյեկտիվ ընդհանրացումը: Պոռչյանը, սակայն, ըստ երևույթին ավելի հակված էր թշվառներին ու խեղճներին օգնելու ելած գաղափարական հերոսի տիպարի մեջ տեսնել այն իդեալական գործչին, որին ամենից շատ և ամենից առաջ կարիք ուներ հետևելու գավառական պաշտոնությունը, որպես պետության «սուրբ պարտականությունների» միակ կենսագործող: Որ մեր այս տեսակետը ճշմարտության խոր հիմքեր ունի, ասպացուցում է արդարադատությանը ինքնակամ հանձնվելու Հունոյի վերջին գործողությունը: Գրականագետները այս փաստի մեջ տեսել են «անհատական տարերային բնույթ ունեցող դյուղացիական ընդվզումների թուլություն» անդրադարձը⁶⁰: Մեր կարծիքով խնդիրը այստեղ բոլորովին էլ այդպիսի ուղղվածություն չունի: Հրաժարվելով արդարությունն ու ճշմարտությունը երևան բերող քննիչի իդեալական տիպարից, գրողը, այնուամենայնիվ կառչած էր մնում «հասարակաց ահեղ դատաստանի» շուրջ դեռ 70-ական թվականներին մշակած համոզումներից: Սոցիալական բարեփոխումների ճանապարհը ըստ երևույթին այլ կերպ չէր ընթանալու, քան «հասարակաց դատաստանի» անմիջական և հզոր միջամտությունը: «Հացի խնդիր» վեպում Պոռչյանը հանձնարարում էր տեսնել այն ճշմարտությունը, որ որպես թե ընդհանրական է բոլոր ժամանակների ու ժողովուրդների համար. «օրենքի դեմ մեղանշողը ժամանակին յուր պատիժն ստանում է»: Այդ պատճառով, եթե եղել են մարդիկ, օրինակ մովրոմներից ու պետական պաշտոնյաներից, որոնք խույս են տվել «օրենքի աչքից», այնուամենայն-

60 Ա. Տերտերյան, Պերճ Պոռչյան, Երևան, 1955, էջ 94, նաև Ա. Բաբայան, Պերճ Պոռչյան, Երևան 1962, էջ 222:

նիվ, «հասարակաց դատաստանը, ռամկի անեծքը նրանց քամակից հետևել է. իսկ այդ հասարակաց դատաստանը, այդ անողորք դատավորը շատ անգամ խիստ է պատժում, շատ անգամ պատճառ է լինում օրինաց աչքը յուր դատապարտած շարագործի վերադարձնելու»⁶¹: Մի մտայնություն էր սա, որ միջամուխ էր լինում անգամ անպատիժ մնացած Բղղեի հետագա ճակատագրին: «Մեր հեշտն» պատկերում ավելի հստակ են երևում «հասարակաց դատաստանի» գործողությունը: Խնդրանքը: Խնդրանք՝ հայտնի այդ ավազակապետը, ազատ ել ու մուտ ունեք երկրի կառավարիչների մոտ և շահել էր նրանց մեծ համակրանքը: Նա ըստ էության ոչ միայն «օրինաց աչքը» դարձնում էր շարագործների վրա, այլև իր ձեռքով էր տեսնում նրանց դատաստանը: Եվ այսպես երկրի կառավարիչների ու «աշխատասեր գյուղացիների և բարի քաղաքացիների» իրավունքն ու շահը պաշտպանող ավազակապետի միջև ստեղծվում էր այն իդեալական դաշնությունը, որի վրա հանգչում էր Պոռչյանի առաջադրած սոցիալական բարեփոխումների ծրագիրը:

Հետագայում Պոռչյանը փոքր-ինչ փոխեց կերպարի դադափարական լիցքը: Հունոն մեղանչել էր օրենքի դեմ, բայց և կանոնել անիրավված գյուղական շքավորության թիկունքին: Հասարակաց դատաստանը Հունոցի կերպարանքն էր առել և խստագույնս պատժապարտում էր շարագործներին: Երկրի կառավարիչներին նա մատնացույց էր անում դժբախտությունների ծովն ընկած շքավոր գյուղացիության իսկական թշնամիներին: «Օրինաց աչքը» դարձնելով գավառում կատարվող հանցագործությունների վրա և կրվելով հանցագործների դեմ, Հունոն, որպես «հասարակաց դատաստանի» լիազոր-իրավատեր, շահել էր ամբողջ հայ ու թուրք աշխատավորության համակրանքը: «Աշխարհն օրհնում էր» նրան և ոչ միայն օրհնում, այլև ամենուրեք գործակցում և օգնում անվտանգ մնալուն: Գավառի աղքատ ու խեղճ գյուղացիները նրան եցուկն էին ու ապավենը: Զորերի լանջերին, քարափների գլխին, հարթավայրերում ծվարած խուլ ու մութ գյուղերը դասակարգային

61 Պերն Պոռչյան, Երկերի ժողովածու, հատ. 1, Երևան 1953, էջ 559—560:

մարտակուլի իրենց լիազորությունները հանձնել էին Հունոյին՝ «հասարակաց դատաստանի» լիազոր իրավատիրոջը, կասկած անդամ չունենալով, որ ազնիվ այդ վրիժառուն գործում է ժողովրդական արդարամտության ու խղճի համաձայն: «Հունոն մինչև օրս ոչ մի անմեղ մարդից մի կաթիլ արյուն չի հանել. նրա սպանածները կամ մարդկեր ավազակներ են, կամ խեղճերի հոգեհաններ»: Ամեն տեղ «...թե մեր գյուղումը, թե բոլոր գյուղերումը, թե քաղաքումն ամենքի աչքի լույսն է մեր Հունոն», — թարգմանում էր Հունոյի հանդեպ ժողովրդյան վերաբերմունքը Պոռշյանը: Բնորոշ փաստ է նաև այն, որ «ժողովրդի պաշտելին ու սիրելին» շահել էր ժողովրդասեր հոգևորականության խոր համակրանքը: Հունոն, — ասում է գրողը, — «ժողովրդին օգնելու գործում» չէր կարող չհետևել «բազմափորձ, խկացի ու հարգելի հոգևոր հոր խորհուրդներին ու պատվերներին»⁶²: Այս հոգևոր հայրն էլ ծերունի Թ. վարդապետն էր, մի առաքինազարդ ու ճշմարտախոս հովվապետ, որ Հունոյին նույնքան բարի աչքով էր նայում, որքան նրա գործին և նույնիսկ, ինչպես երևում է, գաղտնի կապեր ուներ գաղափարական հերոսի ու սրա մերձավորների հետ:

Հեռավոր մի ակնարկ էլ անում է Պոռշյանը այն կապերի մասին, որ ուներ Հունոն ժողովրդական վարժապետների հետ⁶³:

Նշանակում է համընդհանուր էր ոչ միայն նրա հեղինակությունը: Հունոն ժողովրդական վարի խավերի արդարամտության ու խղճի «մերկացրած սուրն էր»: Իր մենախոսույթյան մեջ նա երևելի խոսքեր է ասում. «Իմ ձեռով կողոպտված ու կյանքն ու արևները քամուն տվածներն արժանի են եղել պատժվելու, բայց իրանց փողի ու հարստությունի ձեռքովը միշտ փախս են տվել ասածու ու մարդկանց էս կյանքի դատաստանիցը, ու էս ասածու սուրն եմ դառել ու մի ձեռքով էդպեսների դատաստանն էս աշխարհումը կտրել, որ էն կյանքումն երկնային դատավորը խեղճ գա, նրանց դատաստանը քաղցր անի»⁶⁴: «Հասարակաց դատաստ-

62 Պ. Պոռշյան, Երկերի ժողովածու, հատ. 5, Երևան, 1963, էջ 292:

63 Նույն տեղում, էջ 298:

64 Նույն տեղում, էջ 358:

տանի» լիազորն ու իրավատերը աստծու հետ գործակցելու իր միսիան հանձնառել էր հասարակաց դատաստանի չգրված կանոն-գրքից: Նրա հեղինակութունն ու համբավը ժողովրդական շրջաններում լիցքավորվում էր հենց այդ միսիայի խոր գիտակցությամբ: Եվ սակայն Պոռշյանը չէր կարողանում հաղթահարել հակասութունն իր իսկ սեփական համոզումների: Հունոյին նա հանձնում էր արդարադատությանը «համընդհանուր» այն հանձնարարականի համաձայն, որ հրահանգում էր, թե «օրենքի դեմ մեղանշողը ժամանակին յուր պատիժն ստանում է»: Պոռշյանը չէր կարող գուրս դալ այդ կախարդական շրջանից:

* * *

Ժողովրդական վրիժառուի այս կերպարի նախնական դժգրումներից մեկին մենք հանդիպում ենք Պոռշյանի ստեղծագործության մեջ դեռ 70-ական թվականներին: Աստրախանում աշխատելու տարիներին գրած «Կովածաղիկ» ազգային վիպասանությունը, որ ինչ-որ շափով արձագանքում էր ռուս-տաճակական պատերազմի հետ առնչվող հայ ժողովրդի քաղաքական սպասելիքներին, երևան հանեց ոչ միայն երկար ժամանակ դրական աստղաբեղից հեռացած Պոռշյանի վիպագրական տաղանդը, այլև ի հայտ բերեց գրողի աշխարհայեցության նոր նստվածքները:

«Կովածաղիկը» ժամանակակից վեպ էր, թեև վիպասանի բմբռնմամբ այն ավելի քան հարյուրամյա հեռավորություն ունեցող պատմական անցյալին էր նվիրված: Սիմեոն կաթողիկոսը և էջմիածնական միջավայրը, Ներսես 5-րդ կաթողիկոսի մանկության տարիները, Աշտարակն իր հնօրյա նահապետներով ու իշխաններով, կարծես առաջնորդում էին պատմական վեպի պատրանքը: Այս բոլորն, իհարկե, ճիշտ է և թերևս մասամբ իրավացի են պոռշյանագետները, որ սրանից են ելնում «Կովածաղիկ» ժանրային բնույթը որոշելիս: Սակայն Պոռշյանի ստեղծագործական մեթոդի էությունն այնպիսին է, որ հագիվ թե հնարավոր է պատմականն ու ժամանակակիցը դատորոշել նրա վիպագրական ժառանգության մեջ: Պատմությունը, պատմական անցյալը գրո-

դին ներկայանում են որպես արգիականության կենդանի շարունակություն: Աշխարհայացքային համոզումներին հենված իրատեսություն էր սա, որ ամեն անգամ անցյալը ավելի էր մերձեցնում իրականությանը, քան իրականությունն ինքը մոտենում էր անցյալին. դա հետահայաց ընթացք էր, որի դրդիչը անցյալի հանդեպ անկանխակալ մեծարանքի գիտակցությունն էր: Բացի դրանից. շափազանց յուրօրինակ էր անցյալի այսպես ասած ժամանակային ըմբռնումը Պոռոջանի մոտ. հին, բարի ժամանակները, թեև կուղ հարյուրամյա հեռավորությունից, նրան ներկայանում են որպես երեկվա կենդանի իրականություն՝ նահապետական վարք ու բարքի, գիտակցության ու սովորույթի մշտահոլով, կայուն և անխառն կեցության տեսքով: Գրողի համար ավանդականը հավանաբար թեք էր դառնում պատմականին և պատմությունն էլ այլ բան չէր, բայց եթե ավանդականի վրա ննջող եղելությունը:

«Կուլածաղիկում» Պոռոջանը հանձնարարում էր ընթերցողին հավատալ իր պատմության իսկությունը. «էսօր ես իմ տեսածն եմ պատմում ձեզ, սրանից հարցուր տարվանը իմ լսի բաժին... տատա էր փոքր ժամանակս պատմում»⁶⁵: Իսկ մի այլ առիթով գրողը նկատում էր. «Մի կողմից մենք իրավունք չունինք մեր աչքի տեսածին ու պառավի պատմածին շահավատալ»⁶⁶: Պոռոջանը երբեք չէր փորձում անցյալի ուսումնասիրության այն աղբյուրներին դիմել, որոնք հեռու են «տեսած-լսածից», հավանականի ու ավանդականի սահմաններից: Եվ այսպես, նա պատմական անցյալը հյուսում էր ժողովրդական հիշողությունների, բանավոր գրույցների, ավանդությունների ընձեռած նյութի հիման վրա: Դրա համար էլ դժվար է «Կուլածաղիկի» գեղարվեստական իրականության պատմականությունը որոշել, ճիշտ այնպես, ինչպես որ անհնար է այդ հիման վրա «Կուլածաղիկը» պատմական վեպ անվանել:

Եվ այսպես թափուլ ու արագ գրված այս վեպում տիրապետողը դարձյալ ժողովրդական հնօրյա սովորույթների, բնավորությունների ու հարաբերությունների նկարագրությունն էր՝ մա-

65 Պ. Պոռոջան, Երկերի ժողովածու, հատ. 3, Երևան, 1963, էջ 357—358:

66 Նույն տեղում, էջ 264:

աամբ խճողված սյուժետային բազմաճյուղ բարդության մեջ: Սիրավեպը, որ առաջ էր տանում գրողը, աստժու նախախնամ ու ամենատես աչքի իմաստությունն ու բանիմացությունը ասպացուցելու համար, ըստ էության վիպական այն խայծն էր, որով պիտի որսար ընթերցողի հետաքրքրասիրությունը դեպի անամոր փրահահարների ճակատագիրը: Վարդի և Մանուշակի նախասահմանված սերը խառնակում է մարդկանց դիտավորությունները, հարազատներին հանում միմյանց դեմ, մղում եղենագործության, բացահայտ հանցանքի: Դժբախտությունների, կորուստների, զրկանքների ահավոր մի ճանապարհ են անցնում սիրահարները: Վարդը բռնությամբ Արևմտահայաստան է ուղարկվում՝ քրդական արին բաժին դառնալու: Մանուշակին հարկադրաբար նշանում են, նույնիսկ հարսանիքն սկսում: Բայց հավատում էր Պոռչյանը «մուրազակատար սուրբ Կյուրակեի» հետ Համասփյուռի ու Շուշանի կնքած սլաշմանադրությանը: Եվ կա՞ր արդյոք մի բան, որ փոխեր նախախնամության վճիռը: Ժողովրդական հավատալիքը այս դեպքում վերածվում է վիպական գործողությունների զարգացումը էանխորոշող ուժի: Դրան հենված գրողի ստեղծագործական երևակայությունը ազատում է իրեն իրական-սլաշմանականի հրահանգներից և դառնում կամակատարը՝ երևակայական-սլաշմանականի:

Արևմտահայաստան տեղափոխելով Վարդին, գրողը, թվում է, կարող էր այլ կերպ վճռել իր հերոսի ճակատագիրը: Բայց հենց այստեղ է, որ նա ավելի քան մերձենում է սուրբ Կյուրակեի կանխագծումը վիպական շրջադրությամբ իրագործելու խնդրին: Գաղափարական ավազակապետը, քրդերի հոգեհանը, արևմտահայ դյուղացու պաշտպանն ու ապավենը, վերափոխված ու վերամրվիրտված Վարդը պիտի ստույգ մահից ազատեր Ներսեսին, Մանուշակի նորընծա նշանածին և իր հին ախոյանին, որպեսզի ոչ միայն կարողանար վերադառնալ հայրենի գյուղ, այլև ուրիշի հարսանիքում փեսացուի տեղը զրավել: Եվ այսպես «նրանք հասան իրանց մուրազին, դու էլ հասնիս քո մուրազին»: Հեքիաթը վերջանում էր բարեբախտ մի ավարտով, իսկ Սանդուխտ տատը ասում էր նշանավոր խոսքեր.

— Մեռնիմ սուրբ Կիրակու ոտի տակին, ես որ ասում էի՝
գրաձը ջնջվիլ չի:

Մեր վիպասանը զոճ էր դրանից. նա սբբում էր Աշտարակի
գերեզմանատանն ընկած տապանաքարերի փոշին և ընթերցում իր
հերոսներից մի քանիսի անունները: Ափսոսում էր միայն, որ
Վարդի, Մանուշակի ու Սանդուխտ տատի «հիշատակի համար ոչ
մի բան չի գտել ննջեցյալների հանգստարանում»:

Եվ սակայն «Կռվածաղիկը» մի քայլ առաջ էր «Սոս և Վար-
դիթերից»: Ոչ միայն փորձառու էր դառել զրիշը, այլև ընդարձակ-
վել էր գեղարվեստական տեսահորիզոնը: Գրական տիպի ըմբռնու-
մը, որպես այդպիսին, դեռ շունեք Պոռոջանը, թեև նրա վրձինը
արդեն վարժվել էր վիպականություն կոչված հնարների գունա-
ներկին: Հեքիաթի, ավանդության, զրույցի և պատմության միջով
նա առաջ էր տանում իր խոսքը կապակցելով վեպի «ամբողջ ըն-
թացքի մեջ լարված թելերը», ավելի ճարտարությունք և հնարագի-
տությունք: «Ձևի մտածությունը և դեպքերի դասակարգությունքը»
(կոմպոզիցիա և սյուժե) Պոռոջանին հիմա ավելի են դբադեցնում,
և նա, որ «Սոս և Վարդիթերի» մեջ հազիվ էր կարողանում սիրա-
վեպի մանրամասները դուրս բերել պարզ մի հաջորդականու-
թյամբ, այժմ վիպական դրվագները ներհյուսում է պատումի լրիվ
և ամբողջական ընթացքին: Ծիշտ է, դեռ չի հաղթահարված տեսա-
րանների շարակարգության այն եղանակը, որով Պոռոջանը ստեղ-
ծում էր վեպի կառուցվածքը:

Կարսի շրջաններում ազատարար մի հրոսակախմբի գլուխ
անցած աջամի Վարդանը ելնում է պաշտպանելու թուրք-քրդական
հարստահարությունների զոճ դարձած հայ գյուղացիությունը: Ներ-
սեսի պատգամ-քարոզները յուրացրած Վարդը Արեւմտահայաս-
տանում գալիս է այն համոզման, որ ամեն տեղ «հայի հալն ու
աֆալը միևնույնն ա»: «Մի բռնաշափ հող չես գտնիլ հայի երկ-
րումը սերմը քցելու համար, որ խառնված չլինի հայի արյունի
հետ»: Եվ վճռում է առաջինն ինքը սկսել ազատամարտը. «Մեզա-
նից մինը պիտի սկսի,— ասում է ինքն իրեն,— արի ես էս
աշխարհումն էլ ա կարողանում ներսեսի ասած տղամարդու-

Թյունին արժանանալ, մահը՝ հա էսօր, հա հարչուր տարուց հետը»⁶⁷:

Սա փորձության մեջ նետվելու զիտակցված որոշում է: Անիթը շի ուշանում, և Վարդը կազմում է իր զինախումբը՝ մարտակովի նետվելով քրդական հրոսակների դեմ:

Էրզրումի և Կարսի փաշայություններում շատ շուտով հաշակվում է զազափարական ավազակի անունը: Երևք տարվա ընթացքում ամեն ինչ արմատապես փոխվում է: Խեղճ ու տկլոր հայ գյուղացին միանգամից հարստանում է: Սարսնությունը, կողոպուտը, թալանը, անիրավությունը կանխարգելվում են: Քուրդը, որ առաջ ազատ-արձակ էլնում, մտնում էր հայ գյուղերը, ավարաւում, դերեվարում, սպանում և այլում, այժմ «հայի անուն լսելուս յոթն օրվան ճանապարհը» առանց հետ դառնալու էր փախչում: «Ամեն տեղ շեն, ամեն տեղ լի ու կարգին էր». աշխարհը շուտ էր եկել: Աջամի Վարդանի արգարադատ ձեռքը և վրիժառու սուրբ օսմանցուն ու քրդին հարկադրել էին ճանաչել հայի իրավունքները: Թուրք փաշաներն ու վալիները որդու պես էին սիրում այն մարդուն, որի մի ստքը Մուշ էր, մյուսը՝ էրզրում, և որը ամեն տեղ հարեհաս էր գրկվածներին ու կարոտյալներին: Խաղաղությունն էր իջել արյունոտ դաշտերին, և ամեն տեղ շինականը իր ապրուստի հետ էր, ապահով, կուշտ ու գոհ երկնային բախտից:

Աջամի Վարդանը գործում էր ազատ-արձակ, ինչպես Խեչանը՝ թիկնած այն համակրանքին, որ էրզրումի ու Կարսի փաշաները ունեին նրա նկատմամբ: Պոռչյանի սլատկերացմամբ «այդ երկրի աղքատության և ամայության» զլխավոր սլատճառը «տղես փաշաների բռնած անվաչել ընթացքն էր»: Սրանք քրդերից ստանում էին ավարի իրենց բաժինը և հովանավորում ավազակությունն ու զողությունը: «Տղես օսմանցի փաշային, — ասում էր զրոյը, — Եթե մի քրդի էլբաշի մի ձի կամ եղբ կաշառք տալով, յոթ հայի գյուղ որ ոտնատակ տա ջնջի, կոտորի, էլ ոչ հարցնող կա, ոչ հոգսը քաշող»⁶⁸: Մտածում էր Պոռչյանը, թե փաշաների բռնած

67 Պ. Պոռչյան, Երկերի ժողովածու, հատ. 3, Երևան, 1963, էջ 337:

68 Նույն տեղում, էջ 346:

«այս ընթացքը», ուղղվում է հենց պետութչան ու երկրի շահերի դեմ: Ունեզրկելով հայ գյուղացուն, կողոպտելով ու սպանելով նրան, քուրդը, ի վերջո, հարվածում է փաշաների հասույթի հիմնական աղբյուրներին: Հայերն են, որ երկրագործական աշխատանքով ու նստակյաց կյանքով ապահովում են տերութչան տրնտեսական առաջընթացը և զանձարանի եկամտուները: Երբ հայը այլևս ոչինչ չունի փաշային ու երկրին տալու, որովհետև երիցս կողոպտվել ու սանջահարվել է քրդից, օրը թեկուզ տասն անգամ ղավազ ուղարկիր, սասանեցրու նրան «մտրակի տակին», ոչինչ չի ստացվի. «որ չկա, ո՞րտեղից կտա»: Ուրեմն, հովանավորելով քրդական ավազակութչունը, տղես փաշաները փորում են իրենց գերեզմանը: Քրդից նրանք ոչինչ ստանալ չեն կարող. քոչվոր ու անտուն այդ ցեղը գլուխը պահում է հայ ունեցվածքով: Այս ճշմարտութչունն է ահա, որ հասկացնում է փաշաներին Վարդանը իր զինախմբով: Երեք տարում Վարդանը կարողանում է վերջ դնել քրդական հարստահարութչուններին և փաշաների կամայականութչանը. «Ղարսա ու Արզրումի փաշայութչան մեջ ամեն բան փոխվել էր,— ասում է գրողը:— Որ կողմը գնայիր՝ դաշտերը լիքք մշակողներ ու հարլուրավոր նախիրների ջոկեր կտեսներիր. մտեսնում ես՝ հայի է»⁶⁹:

Գաղափարական հերոսի այս գործունեութչունը շատ գծերով հիշեցնում է Խեչանի ու Հունոյի սոցիալական մարտակոխիլը: Վարդանի զինախումբը քաղաքական պայքարի չէ, որ դուրս է եկել օսմանյան կառավարութչան դեմ: Վարդանը սուլթանական բռնակալութչունից իր ժողովուրդը ազատագրելու ծրագիր չունի: Նա սլայքարում է միայն փաշաների «անվայել ընթացքը» ուղղելու և քրդական ավազակութչուններին վերջ դնելու համար: Պոռչանի ուրվագծած Ֆիդայական-խոռվարարական պայքարի ճանապարհը հեղափոխական բնավորութչուն չուներ և ոչ էլ հատկանշվում էր քաղաքական նպատակներով: Ֆիդայական ընդվլումները, որ մասամբ շահել էին երկրի կառավարիչների համակրանքը և հենց այդ համակրանքի շնորհիվ կորցրել այսպես ասած հակակառա-

69 Պ. Պոռչան, Երկերի ժողովածու, հատ. 3, Երևան, 1963, էջ 347:

վարական բնույթը, թուրք-քրդական հարստահարություններից ազատագրվելու խելամիտ ու նախընտրելի գործունեությունն էր լինում Պոռշյանին այն պատճառով, որ գրողը շափաղանց աղոտ պատկերացումներ ուներ Արևմտահայաստանում գոյություն ունեցող ազգային հարաբերությունների պատմական ու ժամանակակից ընթացքի մասին: Բացի դրանից, նա ոչ միայն ծանոթ էր երկրի իրավական-տնտեսական վիճակին, այլև սոցիալական շահերի այն բազմաբարդ հակասություններին, որոնցով այդ ժամանակները աչքի էր ընկնում սուլթանական թուրքիայի ներքին կյանքը: Գյուղացիական դեմոկրատիայի գաղափարախոսը իր սուբյեկտիվ պատկերացումների համաձայն էր տնօրինում արևմտահայության ինքնապաշտպան մարտակոչի ճակատագիրը: Ըստ երևույթին նրա մեջ ամուր էին նստած պետության հանդեպ հավատի աշխարհայացքային այն համոզումները, որոնք, ինչպես արդեն ցույց ենք տվել, որոշում էին առհասարակ ապստամբական պայքարի նկատմամբ նրա քաղաքացիական վերաբերմունքը: Ռոմանտիկ այն հավատն ուներ Պոռշյանը, թե խեչանի, Հունոյի, Վարդանի պես մեկը ստանձնելով ժողովրդական վարի խավերի սոցիալական շահերի պաշտպանությունը, գործում է պետության ժողովրդասեր դիտավորությունների համաձայն, համենայն դեպս, այդօրինակ փոխհամընկնումը ելակետային պայման է խոսովարարական գործունեության համար:

«Սկիզբն երկանց» վեպը, որ 1892-ին հրատարակվեց «Տարագում», հատկանշական երևույթ էր Պոռշյանի ստեղծագործության մեջ: Հայ գյուղացիական դեմոկրատիայի ականավոր ներկայացուցիչը արձագանքում էր արևմտահայության սոցիալ-քաղաքական պայքարի խնդիրներին այն տրամաբանությամբ, ինչը միացնում-կապում էր «Ավետյաց երկրի» ապատագրմամբ շահախնդիր մարդկանց գործունեությունը գյուղացիության ընդհանուր ճակատագրին:

Հողի ազատագրումը և այդ հիման վրա համայնավարական սկզբունքների հաստատումը երկրում մի պատկերացում էր, որ գյուղացիության սոցիալական ապագան կամրջում էր ներկայի հետ: Դարավերջին համայնական հողատիրություն և համայնական

Հարաբերությունների շուրջ մշակած տեսակետներին անգրադառնալիս տեսանք, որ անգամ չիբերալ ժողովրդասերները բաժանում էին այն համոզումը, թե հայ գյուղական համայնքը «էն գլխից» իր մեջ կրում է «կոմունական կարգերի» նախնական ձևերը և որ այդ պատճառով չափազանց գյուրին է համայնավարական եղանակին անցնելը: Ժողովրդասիրական շարժման զաղափարախոսները համոզված էին, որ այդ սոցիալական կազմակերպությունը վաղուց հետև գոյություն ունի հայ գյուղերում:

Պոռշյանը ևս 90-ական թվականների սկզբներին մի պահ տուրք տվեց գյուղահամայնքի օգնությունը գյուղը բարեկարգելու նարոդնիկական պատրանքին՝ գրելով «Սկիզբն երկանցը»: Արևմտաահայ ազատագրական պայքարի նորօրյա խնդիրները նա արժարծում էր ելնելով դարավերջի ազգային քաղաքական իրադրությունից: Առաջին անգամ վիպագիրը ընդհուպ մոտենում էր արևմտահայության քաղաքական ազատագրության հետ կապված ծրագրային խնդիրներին և իր վիպասանական տաղանդը փորձում այս բնազավառում: Ըստ երևույթին «Յեցերի» շուրջ ծավալված բանավեճը առիթ դարձավ այս նոր վեպի մտահղացմանը:

Խրիմյանի ազգային-քաղաքական գործունեությանը Պոռշյանը միշտ էլ վերաբերվել է հատուկ համակրանքով: Ազգային-եկեղեցական նշանավոր այս գործչի անձնավորության մեջ նա մարմնացած էր տեսնում հոգևոր առաջնորդի այն իդեալը, որ փայլաչյում էր մանկությունից ի վեր: «Մշակում», «Նոր-Դարում», «Արձաբանքում», «Մուրճում» 90-ական թվականների սկզբներին լույս տեսած հոդվածները, հուշերը, հաշվետվությունները՝ Խրիմյանի երուսաղեմից էջմիածին կատարած ճանապարհորդության մասին, բավական են համոզվելու համար, որ Խրիմյանական «շարժումը» համազգային տարրնթացներ ունի և հենց այդ պատճառով նրա տիպարը իդեալական գույնեք էր առնում՝ մարդկանց կողմնապահ համակրանքի ու անձնաշեշտ մեծարանքի մեջ:

«Յեցերի» հրատարակումից հետո սկսված բանավեճը նախ հարկադրեց Պոռշյանին հրատարակավ հայտնել, որ ինքը Խրիմյանի զաղափարների «քայլ առ քայլ հետևողն է» եղել անցած երեսուն տարիների ընթացքում: Հետո, ըստ երևույթին «ցեցերի»

կապակցութեամբ իր դեմ եղած ամբաստանութիւնը սրբելու մտահոգութեամբ, ձեռնամուխ եղաւ «Ակիլքն երկանցին», նյութ առնելով 70-ական թվականներին Արեւմտահայաստանում տեղի ունեցած դեպքերը:

Վեպի ընդգրկումը սակայն սովելի լայն էր, քան այդ նպատակադրումը: Երկարաբան ու երկարաշունչ վիպական գործողութիւններում Պոռշյանը փորձում էր արեւմտահայութեան դժբախտութիւնների պատճառները վեր հանել, ապա և մասամբ ուրվագծել ազատագրական շարժման նորօրյա խնդիրները: «Քոլոր դրածներս լսողանց է»,— հայտարարում էր դրողը վեպի սկզբում, ի հայտ բերելով իրականութեան հետ վիպական դրվագների ունեցած համեմատական կապի որակային արժեքը: Թեև «Լսողանց», այնուամենայնիւ, Պոռշյանը փորձում էր ղեկարվեցատական մի որոշ տեսք տալ Արեւմտահայաստանի «դայմադամանխառ» փոքրիկ քաղաքում ծավալված դեպքերին: Նախապէս պոլսահայութեան սահմանադրական պայքարի քաղաքական նշանակութիւնն էր պարզում ընթերցողին, որպէսզի կարողանա բացատրել գավառների շուրջ ծագած ազդային հետաքրքրութեան ու շահախնդրութեան պարագան:

Սահմանադրական պայքարը նրա պատկերացմամբ միավորեց ազգի տարբեր խավերին: Հարուստը և աղքատը, զիտունը և տգետը կանգնեցին կողք-կողքի, հասկացան միմյանց կարիքները ու հետզհետե բոլոր տեսակի անջրպետները «բարձվեցին», «...անսովորը սովորական դարձավ, մեծը փոքրին ժպտաց, տերը գործակատարի խորհրդին ամոթ չհամարեց դիմել, ծառան որդիական վատահոթիւն ստացավ և միացալ ուժով ազգային բարեկեցութեան և առաջընթացութեան ասպարեզում գործելը կարեոր ճանաչվեց»⁷⁰:

Այս հոգեբանութիւնն ու մտայնութիւնը պոլսահայութեանը մղեց տենդորեն զբաղվելու գավառների կարիքով. եղբայրը անհանգստացած էր եղբոր ճակատագրով և, որ ամենակարեւորն է, սահմանադրութեամբ նվաճված իրավունքի համաձայն, նա մղվում

70 Պ. Պոռշյան, Երկերի ժողովածու, հատ. 4, Կրեան, 1963, էջ 254:

էր որքան կարելի է շուտ ապաքինել «գավառացի հայի համաճարակ վերքը»: Ամենափրկարար սպեղանին ազգային ինքնաճանաչությունն էր կամ «բուն գրագիտությունը»: Եվ Կ. Պոլիսը ձեռնամուխ եղավ գավառների լուսավորությանը: Ստեղծվեցին բազմաթիվ ընկերություններ, որոնք վերջում միավորվեցին Միացյալ ընկերություն մեջ՝ վաչկերևույթ «քաղաքական օրենքի պաշտպանությունը»: Սրանց «բոլորի նպատակն ազգային կրթական գործին նպաստելն էր»⁷¹:

Այսպես էր ներկայանում Պոռոջանին սահմանադրական շարժման ու պայքարի պատմությունը: Գլխավոր, ուղենիշ նպատակը, որ նա հետամտում էր այս խնդրին անդրադառնալիս՝ էր Հայրիկի գործունեության գնահատությունը: Խրիմյանը գավառահայություն ինքնաճանաչության մեծ գործի նախաձեռնողն ու կազմակերպիչն է: Ամենուրեք հայտնի է դառնում նրա հեռատեսության արդյունքը: Գավառական քաղաքներն ու գյուղերը «Վարազա բնի համար» ստղարկում են աշակերտներ, որոնց գործունեությունը կանխորոշելու է արևմտահայության ապագան: Պոռոջանը տեսնում էր Խրիմյանի գործունեությանն հակընդեմ սոցիալական խավերի մտայնության դասակարգային աստաղը: «Ղայմադամանիստ» փոքրիկ քաղաքի մեծահարուստները՝ «ժողովրդի արյունը ծծող այդ լպլըրծուն տգրուկները», «երբեք չեն սիրել և չեն սիրում ոչ Խրիմյանին և ոչ նրա նմաններին»: Նրանց աչքում եկեղեցական այդ գործիչը մեկն է այն խոռվարարներից, որոնք պղտորում են երիտասարդության միսքը և հրահրում հակակառավարական գործունեության. «Քրիստոս կասե, «որ սուր առցէ, սրով մեռցի», այդ անխիղճը,— ասում է Նշան պատվելի Փալչիկճյանը Խրիմյանի մասին,—Քրիստոսի հակառակ սուր առնել կքարոզե, առաքյալը մարմնավոր տերերուն հնազանդություն կպատվիրե, այդ պատվիրազանցը թերուս համբալներու սրտերուն մեջ տիրատեցություն կսերմանե»⁷²:

Խրիմյանի մասին այսպես են մտածում բոլոր նրանք, ովքեր

71 Պ. Պոռոջան, Երկերի ժողովածու, հատ. 4, Երևան, 1963, էջ 255:

72 Նույն տեղում, էջ 269:

ստրկական հնազանդությամբ իրենց կյանքն ու հարստությունը ի սպաս են դրել սուլթանի ծառայությանը: Վախկոտ, քինախնդիր, պատվազուրկ, վատահամբավ և դավաճան հայ մեծահարուստը Հայրիկի մեջ տեսնում է մի հանդուգն խռովարարի, որ «...թևթևամիտ երիտասարդները կգրգռե բարեխնամ տաճիկ կառավարության դեմ»:

Հայրիկի գլխավորած շարժումը Պոռշյանի պատկերացմամբ զուտ ինքնապաշտպանական բնույթ ուներ: Վարագա վանքում դաստիարակված երիտասարդները ոչ թե խռովարարներ էին, այլ ազգի լուսավորության կարապետներ: Սահմանադրությամբ նվաճված իրավունքը լուսավորական գործունեության համար դարձել էր Նրիմյանի ծրագրերի հաստատման հենքը: Գավառներում ու գյուղերում գրագիտություն տարածել և յայսպիսով ժողովրդին զնել ինքնաճանաչման ուղու վրա՝ ահա կետ նպատակը:

Ռուբեն Ասքանաղյանի և Գարեգին Մեկքիսեղեկյանի կերպարներն ստեղծելով, գրողը հետամուտ էր պարզել Նրիմյանի գլխավորած պայքարի այս բնույթ ուղղվածությունը: Ռուբենը Հայրիկի հանձնարարությունները շրջում էր գյուղերը՝ ալբերնարանը ձեռքըն առած: Գարեգինը ղինավարժություն էր սովորեցնում օսմանցու և բրդի անօրինությունների հանդեպ ահաբեկ և անճարակ հայ գյուղացուն: Ընդ որում, ղինավարժությունը սեփական ինչը և կյանքը փրկելու գործնականին էր ուղղված, բայց ոչ երբեք ապրատամբական պատրաստությունը: Պոռշյանը մտածում էր, որ այս գյուղափրկիչները, անձնական օրինակ տալով, շատ շուտով կարթնացնեն ժողովրդի ինքնապաշտպանական բնազդները, հնար կտան գյուղացուն պատվախնդիր համարձակություններ սեփական ճակատագիրը դարբնել:

Գարեգինը և Ռուբենը գյուղափրկչական իրենց ծրագիրը փորձում էին իրագործել գործնական մի շարք միջոցառումների օգնությամբ: Մեկը հիմնում էր դպրոցներ, ապահովում էր դասադրքերի առաքումը գյուղ, շահախնդրում էր մարդկանց լուսավորության հեռանկարներով, մյուսը՝ ղենք էր հայթհայթում, կաղմակերպում էր գյուղական երիտասարդությունը՝ ղինավարժական խաղերով ու դասընթացներով: Եվ այս ամենը ուղղված էր ժողովրդական վարի

խավերի ազդային ինքնաճանաչության և ինքնապաշտպանության կազմակերպմանը:

Գյուղափրկիչները հանձնարարություն ունեին նաև վիճակագրական տեղեկություններ հավաքել, տեղագրական ղննումներ կատարել, քարտեզագրել տեղանքը: Ինչպես պարզվում է հետագայում, Խրիմյանը այս պատվերը տվել էր առաքյալներին միջազգային բանակցությունների ժամանակ անդեն շմնալու համար: Պոռշանի համոզմամբ Հայրիկն այնուամենայնիվ կանգնած էր եվրոպական պետությունների միջամտությանը քաղաքական ազատություն նվաճելու տեսակետի վրա:

Շրջանցել ապստամբական, հակակառավարական պայքարը, քայց և նվաճել այն ազատությունը, որ արևմտահայությունը դուրս կբերեր ներկա դժոխքից՝ ահա Պոռշանի համոզումը, որ և վերագրվում էր Խրիմյանին ու յուրայիններին. «...Առայժմ հային շատ բավական է,— ասում էր Գարեգինը,— եթե նրա վզից վերացվին տաճիկ կաշառակեր և սղեստ կառավարիչները, եթե քրիստոնեա մեծ պետությանց խնամակալությունը զսպե քրդերի հրոսակությունը, եթե օսմանյան օրենքները քրիստոնյա կառավարիչների ձեռքով զործադրվեն և հավասարության սկզբունքը, որ վերջին լուսամիտ սուլթանների օրենքների էական կետն է, արդարապես կատարվի»⁷³: Պարզից էլ պարզ է, որ վերանորոգումների այս ծրագիրը առաջին հերթին հենվում էր քրիստոնեա մեծ պետությունների խնամակալությանը նվաճելիք ազատությունները կամ արտոնությունները իրականացնելու պատկերացման վրա և ոչ թե պինդած ապստամբությանը կամ ազատագրական կռիվ անկախություն ձեռք բերելու դադափարի: Որ Պոռշանը շատ խաղաղաբար էր տրամադրված և երբեք չէր մտածում բռնությանը «ազատություն նվաճելու» միջոցների և ուղիների շուրջ, այդ հստակորեն երևում է ոչ միայն Թուրքիայում ապրող տարբեր ազգությունների սոցիալական ճակատագրերի հանդեպ դրողի ցուցաբերած խոր մտահոգությունից («կենսական ապահովությունից զուրկ է և՛ հայր, և՛ տաճիկը, և՛ նույնիսկ քուրդը») և հարկապիտ է հավասար:

73 Պ. Պոռշան, Երկերի ժողովածու, հատ. 4, Երևան, 1963, էջ 370—371:

րապես բարեկալել նրանց դրությունը,— ասում էր նա), այլև ազգային երկուճի վերաբերյալ նրա խորհրդածություններից: Արևմրտահայերի անձնապաշտպանության և լուսավորության գործի կազմակերպումը՝ «կլինի սկիզբն երկանց»,— այս է այն միակ ուղին, որ հնարավոր կդարձնի ազգի փրկությունը: Ահա ձեզ Պեյթամ գյուղի օրինակը. այս գյուղը կառավարում էր յոթնասունամյա Մուրադը: Գյուղն ամբողջութամբ նրա սեփականությունն էր: Այնտեղ ապրում էին միայն Մուրադի «ազգն ու ընտանին»: Խիղանի գավառում Պեյթամը հռչակավոր էր դարձել, որովհետև այդտեղ գործում էր արյունակցական համայնքը՝ «մարդիկ աստծու որդիքն են, աստծու տվածը աստծու որդոց համար է» սկզբունքով: Գյուղի տարեկան եկամուտը հասարակական էր,— ասում է Պոռոշյանը: «Պեյթամ՝ ասել է հասարակության տուն»: «Ով ուզում էր գտնել պատրաստ հաց, պատրաստ հագուստ, պատրաստ տուն ու տեղ, պատրաստ դրամ յուր ընտանիքի պետքերը հոգալու, յուր արքունի հարկերը վճարելու և վերջապես երկրիս երեսին կարոտություն չքաշած ապրելու, Պեյթամ էր դալիս»⁷⁴: Գեպի համայնական այս էլրոր:ազոն էին ձդտում շրջակա գյուղերի բնակիչները՝ Մուրադից ստանալով ամեն ինչ՝ հող, գութան, ոչխար, տավար: Միայն թև աշխատանքը պարտադիր էր բոլորի համար. «Գնա, գործիր, բեր, դու էլ կեր, ինձ էլ ուտացրու»— այս էր Մուրադի ուղղությունը,— ասում է Պոռոշյանը: Գրողը ներկայացնում էր Պեյթամը նահապետական մարդու իդեալի ամենավառ գույներով: Այստեղ ոչ միայն ամեն ինչ համայնքինն էր, և համայնքը՝ կարոտյալների օգնական, այլև բոլորինը՝ ծանոթ-անծանոթ աղամորդուն: «Պեյթամումը քսակ հանելու պետք չկար. վայելի՛ որքան կարող ես»: Մուրադը գյուղեգրին արթուն պահապանի դեր էր կատարում. «չլինի թև պատահին այնպիսի ճանապարհորդներ, որոնք փախս տան և իջևանել շուղենան»: Ստիպում, հարկադրում էր անցվորին ինքը՝ Մուրադը: Հյուրընկալվողը պարտավոր էր ծունկ-ծնկի նրա հետ նստել ծառի տակ, անուշ անել գյուղի բարիքներից, ճանապարհի պաշար վերցնել և ապա մնաք-բարևի

74 Պ. Պոռոշյան, երկերի յողովածու, հատ. 4, Երևան, 1963, էջ 396:

խոսք ասել: Սառաներ ու վարձկաններ շկային Պեյթամում: Հյուրերին սպասավորում էին Մուրադի տան անդամները: «Փողով մշակ բռնել, աշխատացնել» լսված բան չէր այստեղ: Տուն չէր Մուրադի տունը, ծով էր որ կար, — հավաստում է գրողը: Եվ դարձյալ առանց Զանան-մայրիկի՝ նահապետական գերդաստանի մեծ աիկնոջ ոչ մի գործ չէր կարող առաջ գնալ: Ինչպես որ մյուս վեպերում, այստեղ էլ Պոռոջանը սրտի դողով էր խոսում տան «քեյվանու» մասին: Զանան-մայրիկը ամբողջացնում էր հայր Աբբահամու հնօրյա այս օջախի կերպարանքը: «Ահագին կաթսաներ էին ամեն օր քլթքլթում թոնրի վերա, տաշտերով հացը շարունակ իխվում էր մյուս թոնրումը, երկու երեք ծծում (խնոցի) կախված հարվում էին, յուզը մեծ-մեծ պղնձներով հալվում էր, այդ բոլորի գլխավոր վերագիտողը Զանան-մայրիկն էր»⁷⁵:

Եվ այսպես, ընթերցողի առաջ ելնում էր իդեալականացված դյուղաշխարհի այս անկյունը՝ նահապետական-համայնական կյանքի իր ուրույն և սրտագրավ հրապուրանքով: Բայց կործանվում է Պեյթամը և կործանվում է շեյխ Զալաեդդինի քրդական հրոսակների ձեռքով: Պեյթամում ամեն ինչ կար, բացի մարդկանց այն գիտակցությունից, որ փրկության առաջնահերթ պայմանն էր: Ամեն ինչի մասին մտածել էր Մուրադը, բացի ինքնապաշտպանությունից: Եվ եթե սրի է քաշվում նրա ողջ գերդաստանը և քրդաբնակ դառնում Պեյթամը, ապա միայն այդ պատճառով: Պոռոջանը կարծում էր, թե Ռուբեն Ասքանաղյանը և Գարեգին Մելքիսեդեկյանը առաջնորդվելով Հայրիկի «ծրագրով», շատ շուտով կհասնեն անտեր ու ավեր այդ երկրի վերաշինությանը, քանզի ամուր և անկործան նահապետական համայնքը միայն մի պակասություն ունի՝ լուսավորության և ինքնաճանաչության պակասություն:

«Մկիդբն երկանցի» վերջընթաց դրվագները ցույց են տալիս, որ Պոռոջանը հավատում էր գյուղափրկիչների նոր սերնդի գործունեության հաջողությանը. «Ռուբենի և Գարեգնի ցանած սերմն այսօր բուսնում և աճում է տաճկահայերի մեջ և ամենուրեք զբաղիտուրյունը սկսել է պահանջ դառնալ հայաբնակ տեղերում», —

75 Պ. Պոռոջան, Երկրի ժողովածու, հատ. 4, Երևան, 1963, էջ 396—397:

պատմում և հավատացնում է սուրբ Աթոռին այցելելու եկած երկրի ուխտավորներից մեկը⁷⁶։ Այս վերջին հավաստումն արդեն ժողովրդասիրական շարժման հանդես Առոշյանի գրաված վերաբերմունքի ամբողջ բնութագրությունն է տալիս։ Լուսավորական գործունեությունը ժողովրդասիրական շարժման հիմնական լծակն է։ «Ցեցերին» անդրադառնալիս տեսանք, որ Առոշյանը խոր հեղանանքով էր վերաբերվում ձրի ժողովրդասերների նկատմամբ և ընդհակառակը Սիսակի նման գյուղական լուսավորիչների գործունեությունը հուզում և հուսադրում էր նրան։ Արդեն իսկ վարդանաշունտ, Սիսակ-Ասքանաղյան կերպարների ողջ լիցքը ժողովրդասիրական շարժման հետ էր առնչվում այն իմաստով, որ սրանք Առոշյանի պատկերացմամբ դարձնում էին ժողովրդական ճակատագիրը կամ թե, համենայն դեպս, մղվում էին բարվոքելու գյուղական հանրության սոցիալական դրությունը։

Ժողովրդասիրական շարժման հետ Առոշյանի գաղափարական առնչությունները հստակորեն դրսևորվել են «Հայ վարժապետ» վիպակում, գրված ըստ երևույթին 90-ական թվականների վերջերին⁷⁷։

«Հայ վարժապետը» առանձնակի տեղ է գրավում ոչ միայն Առոշյանի գրական ժառանգության մեջ։ 1870—90-ական թվականներին ստեղծվեցին գավառական ուսուցչությունը նվիրված բազմաթիվ երկեր։ Մամուլում և առանձին գրքերով հրատարակվեցին պատմվածքներ ու վիպակներ, որոնց հասարակական ար-

76 Պ. Առոշյան, Երկերի ժողովածու, հատ. 4, Երևան, 1963, էջ 530։

77 Գրականագետ Ա. Մակարյանը ենթադրում է, որ Առոշյանը «այդ գործի վրա սկսել է աշխատել... հավանաբար 90-ական թվականների սկզբներին» (աճ՝ Պ. Առոշյան, Երկերի ժողովածու, հատ. 5, Երևան, 1963, էջ 440)։ Ավելի հասուն մտորումների և ժողովրդասիրական շարժման գաղափարական ազդեցության հետքերը վիպակում, ու մանավանդ այն, որ հայկական դպրոցների նկատմամբ ցարական հալածանքի նոր շրջանը սկսվում է 1897-ից, հավանական են դարձնում վիպակի գրությունը դարավերջ տանող ենթադրությունը։ Ա. Բաբայանը կարծում է նույնիսկ, որ «Հայ վարժապետը» գրվել է 1901 թվականին, նկատի առնելով Պոլսի պատրիարքարանի քարտուղարի Առոշյանին ուղղած 16 հունվարի 1901 թվակիր նամակը (աճ՝ Ա. Բաբայան, Պերճ Առոշյան, Երևան, 1962, էջ 302)։

ձագանքը պատկան կարևոր չէր գրական նշանակությունից: Ուսուցչությունը մի խավ էր, որի հետ անմիջաբար կապված էր մեր ժողովրդասիրական շարժումը: Բացի դրանից, նա էր, որ իր վրա ընդունեց Կովկասի ուսուցիչական ու հոգևոր բնագատումների ամբողջ ծանրությունը:

1885-ի «աղետը» (հայկական եկեղեցական-ծխական դպրոցների փակումը) դավառական և քաղաքային ուսուցչության դրությունը փաստապես մղձավանջի վերածեց: Արևելահայ և արևմրտահայ օրաթերթերը, մասնավորապես պահպանողական մամուլը, հայ եկեղեցու, ազգային-կրոնական հիմնարկների ու օջախների պաշտպանության «կամպանյա» ծավալեցին: Հոգևոր ստորկացման դաղութային քաղաքականության դեմ ելան գրեթե բոլոր ազգային գործիչները: «Սամվելը» գրվեց այս օրերին: Փակվեցին հինգ հարյուրից ավելի հոգևոր-ծխական դպրոցներ, ինը հարյուր ուսուցիչներ փողոց շարվեցին: Բարոն Նիկոլայի պաշտոնագիրը տպագրվեց հայ մամուլում և հակացարական ելույթները բացահայտ ու անդիջում կերպարանք առան: Խնդիրը ավելի ու ավելի քաղաքական բնույթ էր ստանում, որչափ Կովկասի կառավարիչները և ուսական սենատը փորձում էին համառել հայոց եկեղեցու իրավունքները սոսնահարկու իրենց որոշման մեջ: Տասնամյա մի ժամանակաշրջանում (1885—1895) արդեն հայտնի դարձավ Ռուսաստանի արևելյան քաղաքականության նոր շրջադարձը: Եվ սա, իհարկե, չէր կարող չսրել ազգային զգոնությունն ու ընդդիմամարտության կիրքը: Գոլիցինյան հակահայկական քաղաքականությունը, 1897-ի նոր հարձակումը հայկական դպրոցների վրա, դպրոցական կալվածների, գույքի ու դրամի բռնագրավումը շատ բանով որոշեց ցարիզմի նկատմամբ հայ ուսուցչության բարոյաքաղաքական պահվածքը:

1860-ական թվականներից սկսված «դեպի գյուղ» շարժումը հետագայում ճյուղավորվեց մի քանի հոսանքների: Լուսավորական հոսանքը, որ ժողովրդասիրական շարժման մեջ բավական լայն ու հիմնավոր տեղ էր գրավում, գյուղափրկչական իր ծրագրերում բացառում էր քաղաքական ամեն մի գործունեություն: Հոսանքի ներսում զանազան ուղղությունների գոյությունը (պահպանողա-

կան, լիբերալ-ազատամտական) շէր փոխում քանի էություննր։ Ժողովրդասիրական շարժման այս թևը բավարարվում էր կոնկրետ լուսավորական գործունեությամբ։ «Հայ վարժապետում» Պոռշյանը շփազանց որոշակի է բնութագրել գյուղական լուսավորիչների այդ սերնդի գործունեության հասարակական միտվածքը։ Կարապետ Չիչակյանցը մեկն էր հոգևոր դպրանոցի այն աշակերտներից, որոնք պատրաստվում էին նվիրվել «սուրբ գործին»՝ գյուղի լուսավորությանը։ Պոռշյանի պատկերացմամբ հոգևոր դպրանոցներն էին, որ «...պարզեում էին մայրենի եկեղեցուն արժանավոր սպասավորներ և հայ մանկությանը խավարից դեպի լույս առաջնորդող ուժեր»⁷⁸։ Հենց այստեղից էր գուրս եկել Կարապետ Չիչակյանցը, մի գաղափարական, պարտաճանաչ և իր կոչմանը նվիրված ուսուցիչ։ «Գյուղին ծառայել, գյուղը բաղաբաղրթել, գյուղացուն տգիտության խավարի կորստաբեր ճանկերից խլել, յուր պարտքը շճանաչող ոամկին բարի մարդ և բարի հայքրիստոնյա շինել և նրան տնտեսապես զարգացած քաղաքացի դարձնել,— այս ամենը մի սրբարան էր, ուր ոտք դրեց Կարապետ Չիչակյանցը և շարունակ հինգ տարի նվիրվեց «սուրբ գործին»⁷⁹։

Ղ. գավառի Ք. գյուղը մի մեծ շեն էր։ Սկզբում Չիչակյանցը միայն տասը աշակերտ կարողացավ հավաքել։ Մի կատարյալ մարտիրոսություն էր ընդհանուր անբարեկեցության պայմաններում Չիչակյանցի ձեռնարկած դպրոցաշինությունը։ Հաջորդ տարին, սակայն, գյուղը ականատես եղավ այն առաջադիմությանը, որ ցույց տվին վարժապետի ձեռքի տակ մեծացող մանուկները։ Չիչակյանցը ճիշտ էր սկսել դպրոցաշինության գործը,— ասում է Պոռշյանը,— նա առաջին հերթին եկեղեցու մեջ և եկեղեցու օգնությամբ հիմք դրեց «յուր դաստիարակությանը»։

— Այ տղա, էդ վարժապետը երկնքից լույս-արեգակ է ծա-

78 Պ. Պոռշյան, Երկերի ժողովածու, հատ. 5, Երևան, 1963, էջ 372։

79 Նույն տեղում։

դել մեղ համար: էն ինչ քաղցր ժամ են ասում մոնթերը, խեչանենց երեխու ձենը հոգուս մեջ ճրագ ա վառում⁸⁰:

Կիրակի օրերին եկեղեցում Չիչակյանցի կարդացած քարոզները աստիճանաբար նրա շուրջ համախմբեցին համայնքի մեծամասնությունը: «Սուրբ գրքի խոսքերն իրան նյութ շինելով», վարժապետը հասկացնում էր ժողովրդին «բարոյականի հետ և յուրյանց տնտեսական պարտականությունները»: Կամաց-կամաց Չիչակյանցի համբավն ու հեղինակությունը այն աստիճան բարձրացավ, որ գյուղական համայնքը նրան իր առաջնորդը ճանաչեց: Վարժապետը մտահոգվում էր ոչ միայն դպրոցի ու եկեղեցու հոգսերով. նա, դրան զուգընթաց, փորձում էր թեթևացնել գյուղացու անտեսական հոգսերը: «Ստացած ոռճիկի մի մասով գյուղաառնաեսական գրեանք էր բերել տալիս և դասերից ազատ ժամանակը դործնականապես փորձում էր կարդացածը և ուսուցանում ժողովրդին»⁸¹: Շուտով «ժամի պարտեզը» եղեմական այգի դարձավ, հողագործական աշխատանքներում հմտացան գյուղացիները, մեղվապահությունը զարգացավ: Չիչակյանցի քարոզները և ձեռնարկումները ծեր ու երիտասարդի ներքաշեցին գյուղատնտեսական աշխատանքների մեջ, և գյուղատնտեսությունը այն աստիճան առաջ գնաց այստեղ, որ «շրջակա գյուղերից դալիս էին օրինակ առնելու»:

Հինգ տարվա մեջ բոլորովին փոխվեց, անճանաչ դարձավ Ք. գյուղը և «բաղաքակրթված աշխարհի գյուղերին նմանվեց... Սնկի պես բուսան դարբնոցները, ատաղձագործարանները, կոշկակարանոցները, դերձականոցները, ոսկերչանոցները: Եղան երկանիվ սալերը փոխարինվեցին քառանիվ ձիասալերով: Գյուղում բացվեց հասարակաց շտեմարան. հիմնադրվեց գյուղական դրամա-դուխը: Վերացան այնուհետև Ք. գյուղից հարկաժողովի դժվարությունները, պետական հարկերի ապառիկները, կտրվեց յասավուկ կամ մհասիլ ասված դասակարգը»⁸²: Գյուղը դարձավ «ազատորդի», կոռը, բեգյարը նրա համար շէր այլևս:

80 Պ. Պոռչյան, Երկերի ժողովածու, հատ. 5, էջ 373:

81 Նույն տեղում, էջ 376:

82 Նույն տեղում, էջ 377:

— Էս վարժապետը որ կա իսկը լուսավորիչ է,— ասում էին գյուղացիները:

Զիչակյանցի փոքրիկ, մասնավոր տնային դեղատունը օգնութեան էր հասնում հիվանդ-տկարներին: Վարժապետը հետևում էր գյուղի մաքրութեանը, կանխում էր համաճարակները: Բոլորը ճանաչում էին «արժանավորութունն ու պիտանավորութունը» այն մարդու, որ իր ամբողջ անձը նվիրել էր համայնքի բարօրութեանը: Սերը, խաղաղութունը, փոխըմբռնումը, համայնական երջանկութունը ծավալվեց ու արմատացավ «էլլիկի» մեջ: Զիչակյանցը հայտնի դարձավ գավառում և վայելում էր գավառական վարչութեան ու անձամբ գավառապետի խոր համակրանքն ու սերը:

Մենք այսպես մանրամասն ներկայացրինք Պոռչանի այս հերոսի գործունեությունը, որպեսզի կարողանանք համեմատութեան թելեր նետել սրա, Սանդալի վարժապետ Սաղաթելի և միաժամանակ Մուրացանի քույր Աննայի միջև:

Գյուղի լուսավորութեան և գյուղացու տնտեսական դրությունը բարեփոխելու իրենց ծրագրերով այս երեք հերոսները գրեթե շեն տարբերվում միմյանցից: Ինչպես Սաղաթելը, այնպես էլ Զիչակյանցն ու քույր Աննան գավառ են մեկնում մի որոշակի մտադրությամբ—բարեկարգել հնօրյա ու հետամնաց գյուղը, ծառայել գյուղացուն, քաղաքակրթել նրան և, ինչպես ասում էր Պոռչանը, «տղիտութեան խավարի կորստաբեր ճանկերից» խլել գյուղական հանրութեանը: Թե՛ դպրոցաշինության գործը, թե՛ հասարակաց շտեմարանի և գյուղական դրամագլխի հիմնադրումը, թե՛ հողագործական աշխատանքներում նորագույն գյուղատնտեսական մեքենաների ու մեթոդների կիրառումը, թե՛ մասնավոր-անհատական դեղատան ստեղծումը, թե՛ գյուղացուն զբքի ու կրթութեան հետ կապելու միջոցառումները հավասարապես ծրագրային են գաղափարական այս ուսուցիչների համար:

Սանդալը, որ կապված էր նարոզնիկական խմբերի հետ և անձամբ մեկնել էր Գետաշեն այսպես ասած «նարոզնիկական պրոպագանդ» մղելու, իր հերոսի՝ վարժապետ Սաղաթելի, ձեռնարկումները նկարագրելով, փաստապես ուրվագծում էր գյուղում աշխատող հայ նարոզնիկ-լուսավորիչների գործունեությունը: Նա-

րողնիկ-քարոզիչը գյուղում, այնուամենայնիվ, ավելին չէր անում, քան Չիչակյանցը կամ քույր Աննան: «Փոքրիկ աստղ» վեպի առիթով նույն Ղարաջյանը նկատում է, որ «այդ վեպի հերոս ուսուցիչ Սաղաթելը... ինքը Սանդալն է»⁸³: Իսկ Սանդալի գործունեությունը համենայն դեպս ոչ հեղափոխական միտումներով էր աչքի ընկնում և ոչ էլ առավելապես մի մեծ եռանդով: «Փոքրիկ աստղ» վեպում գյուղական այդ ուսուցիչը չափազանց արագ զիջում է իր դիրքերը, տեղի տալիս տիրացու դովլիթներին և գյուղական ավագանու հետապնդումներին և հեռանում գյուղից:

Եթե ժողովրդասիրական գործունեության տեսակետից համեմատելու լինենք Կարապետ Չիչակյանցին վարժապետ Սաղաթելի հետ, ապա Պռոշյանի հերոսը կերևա ավելի կազմակերպված ու ամբողջական տեսքով, և ժողովրդական գործչի նրա նկարագիրը նույնիսկ իրենազանց կարելի է համարել: Այդպիսին է և քույր Աննան: Սրանք մարդիկ են, որ վերաշինում ու վերափոխում են դյուղը, դարձնում ժողովրդական ցավերը և հասնում մեծ արդյունքների: Մինչդեռ Սաղաթելը, որ նույնպիսի մի ծրագրով է առաջնորդվում, ինչպիսին քույր Աննան ու Չիչակյանցը, այնուամենայնիվ, չի կարողանում հաղթահարել իր դեմ ծառայած խոշոր-դոտները և կամազուրկ մի շտապողականությունամբ թողնում է գյուղը: Գյուղում աշխատող նարողնիկ-գործչի տիպարը ավելի գունատ է, քան ժողովրդասեր-առաքյալների ո՛չ թե գրական իմաստով, այլ գործնական-ծրագրային աշխատանքների մեջ ունեցած մասնակցություն չափով: Եվ այնուհանդերձ սրանք միևնույն գործն են կատարում՝ լուսավորել գյուղը, օգնել գյուղացուն, թեթևացնել նրա ցավերը, քաղաքակրթել, բարոյակրթել, «տնտեսապես զարգացած քաղաքացի» սպտրաստել: Ուրեմն որտե՞ղ է դրանց միջև եղած տարբերությունը: Ինչո՞ւ Պռոշյանը և Մուրաքանը չեն կարող, այնուամենայնիվ, կապվել նարողնիկական գաղափարաբանություն հետ:

Ժողովրդասիրական շարժումը, որ ընդհանուր լուսավորական շարժման տարատեսակներից մեկն էր՝ կապված հատկապես գա-

⁸³ Գ. Ղարաջյան, Հայ անդրանիկ հեղափոխական խմբակը Անդրկովկասում, էջ 35-ի էջատակ ծանոթագրությունը:

վառի ու գյուղի հետ, 60-ական թվականների վերջերից և մասնավորապես հետոնեֆորմյան շրջանում բաժանվեց մի քանի հոսանքների՝ նարոդնիկական, ազգային-սոցիալական, լիբերալ: Ծրագրային տեսակետից շատ քիչ տարբերություններ կային գյուղի վերափոխման նրանց առաջադրություններում: Բայց տարբեր էին մտայնությունները: Մի դեպքում (և այդ նարոդնիկների համար) լուսավորական գործունեությունը գյուղում դիտվում էր որպես առկա սոցիալական կազմակերպությունը վերափոխելու նախապատրաստական աշխատանք: Մյուս դեպքում գյուղի լուսավորությունը ներկայանում էր որպես գյուղաբնակչության սոցիալական կարիքները դարձանելու կոնկրետ միջոցառում, որն իր հեռանկարի մեջ ի վերջո մերձենում էր ունեցողության վերափոխումների այն ծրագրային առաջադրություններին, որոնք ընդհանուր առնչ-տեսական դարգացման հետևանք էին: Այստեղ էլ բախվում էին թեր և դեմ կարծիքներ գյուղի դարգացման ուղիների շուրջ: Նահապետական հաստատությունների փորձն ու տնտեսական կազմակերպությունը զրվատող գաղափարախոսությունը ընդդիմանում էր նորօրյա բուրժուական դարգացումը հովանավորող մտայնությունը: Ընդ որում, խորքից դիտելով խնդիրը, պարզ երևում է, որ Պոռչյանի նման մի մտածող ժողովրդասիրական իր կողմնորոշումները երբեք չէր կարող հենել, ասենք, Արասխանյանի նույնքան ժողովրդասիրական ուղեգծումներին, քանզի այս վերջինը, այնուամենայնիվ, գյուղի դարգացման հեռանկարները կապում էր բյուրական տնտեսության բուրժուականացման գործուն պահանջների հետ:

Նույնը կարելի է ասել և Մուրացանի մասին: «Խորհրդավոր միանձնուհու» հեղինակը իդեալականացնում էր 60-ական թվականների գյուղական լուսավորիչների գործունեությունը, ամենևին էլ կողմնակից չլինելով նարոդնիկական գյուղափրկչական գործունեությանը: Նա, հակառակը, այս վերջին ուղղության մեջ տեսնում էր միայն հասարակության այն ուժերի ձախուժումը ընթացքը, որոնք որպես թե բռնել են ժողովրդին գործնականում օգտակար լինելու ճանապարհը, բայց որոնց իսկական շահախնդրությունները հանդում են եսամոլ անձնապաշտություն:

«Սուրբ գործը», որի անունից խոսում են թե՛ Սանդալը, թե՛ Պոռշյանը, և թե՛ Մուրաքանը, մնում է սուրբ բոլորի համար: Բայց նրանք միանգամայն տարբեր կերպ էին ըմբռնում գործի իրակա- նացման միջոցները և եղանակները և, ըստ այդմ էլ, կանգնում էին միանգամայն տարբեր մտայնությունների դիրքերում:

Չի կարելի ասել, թե Պոռշյանը «Հայ վարժապետը» գրելիս ինչ-որ չափով (թեկուզ ենթագիտակցորեն) չէր ենթարկվել դարա- վերջի նարոզնիկական մտայնության ազդեցությանը: Կարապետ Չիչակյանցի ճակատագրի ձախորդ ընթացքը Պոռշյանը հայտնի հին սովորույթով փաստարկում էր հին գավառապետի հեռաց- մամբ: Եկած նորը բոլորովին այլ կարծիք ուներ «գյուղի մեջ բույն դրած» վարժապետի մասին: Սրա աչքում Չիչակյանցը խոռ- վարար է, «միամիտ ժողովրդին մոլորեցնող», որ պիտի պատժվի խստագույնս:

«Մինչև չգա հետինը, չի հիշվի առաջինը» գլխում Պոռշյանը նկարագրում է նոր գավառապետի և գյուղական համայնքի հան- դիսման տեսարանը: Թաքուն մի հեգնանքով գրողը ակնարկում է, որ այս գավառապետը բարկացել էր գյուղացիների վրա, քանզի սրանք «այդ չափը չճանաչող ուսուցչի շնորհիվ» գանգատի չէին գնացել նրա մոտ: Իշխանության ու պետության ներկայացուցչին չի ուրախացնում գյուղի բարվոք վիճակը, տնտեսական առաջա- դիմությունը: Այն ամենը, ինչ ձեռք է բերել համայնքը չորս- հինգ տարում և շնորհիվ Չիչակյանցի եռանդաշատ գործունեու- թյան, այդ մարդու մեջ հարուցում են միայն կասկածի ու շարա- խնդունության վգացումներ: Երբ տանուտերը հրաժարվում է ուսում- նարանից կանչել Չիչակյանցին (դասը չընդհատելու պատճառաբա- նությունը) գավառապետը անմիջապես պաշտոնազրկում է սրան և հայտարարում:

— Պարզ, հասկանալի է, թե ինչ ուղղություն ունի ձեր վար- ժապետը և ինչպիսի սերմ է ցանել միամիտ ժողովրդի պարզ սրտում⁸⁴:

«Խնովիչ, միամիտ ժողովրդին մոլորեցնող, ժողովրդի վարք

84 Պ. Պոռշյան, Երկերի ժողովածու, Երևան, 1963, հատ. 5, էջ 383:

ու բարբը անբարոյականացնող» Կարապետ Չիշակյանցը, դավա-
ռապետի այցից երեք օր հետո հրաժարական է տալիս և մեկնում
քաղաք: Միջադեպը նկարագրելով, Պոռշյանը հասկանալ էր տա-
լիս ընթերցողներին, որ նախկին ժամանակները շեն ալլես, որ
չիշակյանների ժողովրդասեր գործունեությունը քաղաքական հան-
ցանք է նկատվում, և որ կառավարողները իրենք շահախնդիր են
գյուղի տնտեսական ու մտավոր հետամնացությունը:

Գյուղից քաղաք տեղափոխվելով վարժապետը, սակայն, ան-
գործ չի մնում: Դպրոցական գործերին զուգընթաց նա զբաղվում է
և «Հասարակական խնդիրներով»: «Առանց նրա մասնակցու-
թյան,— ասում է Պոռշյանը,— չէր անցնում ոչ մի ընդհանրական
գործ, ոչ մի խորհրդակցություն, շատ ժամանակակից և հրատապ
խնդիրներ նրա նախաձեռնություն և տոկունության արդյունք
էին»⁸⁵: Չիշակյանցը ազգային գրականության մեջ ևս հայտնի
դարձավ. «Նրա հոգվածները պարունակող թերթերը ձեռնեձեռ
էին հափշտակվում»: Այս մեծահռչակ ուսուցիչն է ահա, որ հայ-
կական դպրոցների փակվելու հետ փողոց է շարտվում և դռնեդուռ
ընկնում մի կտոր հացի և փրկության համար: Ծանր, շատ ծանր
էր Չիշակյանցին բաժին ընկած ճակատագիրը: Ո՞վ է հայ ուսու-
ցիչը, ի՞նչ է նա առանց դպրոցի և աշակերտության: Հոնդացող,
անտարբեր, Լսամուլ, մեծ քաղաքի անպաշտպան դոհը: Որտե՞ղ
է նրա փրկությունը. նա ոչինչ չունի ինքնապաշտպանության հա-
մար. նա աղքատ է, տոկուն, դիմացող, հպարտ և ինքնասեր:
Գիտելիքները, համբավը, հեղինակությունը սակայն ոչինչ են աղ-
քատության, սովի առաջ: Ամեն ինչ փորձում է Չիշակյանցը, ամեն-
քին դիմում՝ երեխաներին, ընտանիքը սովից փրկելու հույսով: Այն
ստորացումները, որոնց ենթարկվում է, այն հոգևոր խոշտանգում-
ները, որ տանում է անմոռնչ և հպարտ, վերջապես մթազնում են
նրա միտքը, և շուտով մեծ քաղաքի փողոցներում հայտնվում է
նա՝ հայ վարժապետը, ամեն ինչ կորցրած, ամեն ինչից զուրկ,
խելագար ու հիվանդ, երեխաների ուրախ-անհոգ ծաղրականչե-
րին ունկնդիր, ժպտերես ու անմիտ: Մի կիսամաշ սև սերթուկ հա-

85 Գ. Պոռշյան, Երկերի ժողովածու, հատ., 5, էջ 392:

դին, որի աջ թևը բռնորովին չկա, ոտքի մեկին քիթը ծակ եվրոպական կոշիկ, պատահուտոված անդրավարտիքով, խեղճ ու խե հայ վարժապետը անցնում է փողոցներով որպես խորհրդանիշ ազգային ողբերգության⁸⁶։

Հայկական դպրոցների նկատմամբ ցարիզմի կիրառած բռնությունները 1885-ին և 1897-ին, մեծ արձագանք դտան ժամանակի գրականության մեջ։ 80-ական թվականների սկզբներին Ղ. Աղաջանը և Հ. Գեղամյանը, «Մշակի» և «Մեղվի» թղթակիցներից շատերը արժարժում էին այդ խնդիրը՝ կովկասյան կառավարչական «լուսավորական» քաղաքականությունը մերկացնելով։

Հետագայում հարցը էլ ավելի սրվեց և բացահայտ դարձան հակացարական ելույթները։ «Մեղուն», «Արձագանքը», «Արևելյան մամուլը», «Նոր-Դարը» բարոն Նիկոլայիի և Նեերովի հետապնդումներին պատասխանում էին հայ եկեղեցու և կրթական հիմնարկների ազգային-պատմական իրավունքները պաշտպանելով։

1897-ին «Արձագանքում» տպագրած «Կարմրուկ» պատկերի մեջ Պոռշյանը խալֆա Շապունի դպրոցի ու այստեղ պատահած տարօրինակ աղետի այլաբանական պատմություն միորձում էր ներկայացնել ու մերկացնել ծխական ուսուցիչների նկատմամբ «կարմիր յախավոր, կիսամորուք լեկըռի» կիրառած բռնությունները։

Հիվանդությունը բուժելու համար գյուղ եկած «լեկըռը» (բժիշ-

86 Չիչակյանցի կյանքի որոշ մանրամասներ հուշել են տալիս, որ Պոռշյանը, իբրև այս կերպարի նախատիպ նկատի է ունեցել Սանդալին, որ նույնպես հոգեկան խանգարում ստացավ և արդեն 90-ական թվականներին վերջերին թրևում էր Թիֆլիսի դիսենտերիայի և պանդեմիայում՝ քաղված հասարակական գործից, ուսուցչությունը թողած։ Սանդալը ապրուստի ոչ մի միջոց չուներ. նա չէր կարողանում աշխատել և «ջղային» հիվանդությունը օրեցօր խորանում էր։ Պոռշյանին հայտնի էր Սանդալի՝ գրական ու հասարակական գործունեությունը, գյուղաշխարհի ու նարոդնիկական շարժման հետ ունեցած կապերը։ Չիչակյանցի գյուղից հեռանալու պատմությունը, դավառապետի կասկածները «խոսվիչ և ժողովրդին մոլորեցնող» վարժապետի գործունեության վերաբերյալ, ազգային գրականության ասպարեզում նրա ունեցած հաջողությունների մասին Պոռշյանի հավաստումները հիմք են տալիս ենթադրելու, որ Սանդալի կյանքն ու ճակատագիրը նախօրինակ են հանդիսացել Չիչակյանցի կերպարը ստեղծելու համար։

էր) խալֆա Շապոնին նախ արգելում է երեխաներին մինչև դալոց ձմեռ «վարժարան հավաքվել», հետո լսելով վարժապետի միամիտ հոխորտանքը դարոցը վերաբացելու մասին, «կարմիր յախավորը» հրամայում է անմիջապես քանդել «շկոլի կտուրը», վնդել դուղից Շապոնին և դյուղականներից ստորագրութուն վերցնել, որ այսուհետև վարժապետ չբերեն, «շկոլը» շինեն: «Թե որ շինեք՝ զակոնի առաջ պարտավոր մնաք», — ասում է լեկոը⁸⁷:

Թեմայի զբաղման արժարժման տեսակետից «Կարմրուկը» առաջին նախափորձն է Պռոշյանի ստեղծագործության մեջ: Հետագայում գրած «Հայ վարժապետը» և «Գայլեր» ստեղծագործություններում Պռոշյանը հասավ լայն ու խոր ընդհանրացումների: Իհարկե հակումը դեպի ազգային-պահպանողական մտայնությունը չէր սահմանափակում նրա գրչի թափը: «Հայ վարժապետում» նկարագրելով Չիչակյանցի ողբերգությունը, գրողը դատապարտում էր ամենից առաջ հայ հասարակությանը: Եթե ցարիզմը բռնություններ է կիրառում և ձգտում զաղութային ժողովուրդների հոգևոր ստրկացման, ապա նույնքան դատապարտելի է և հայ հասարակության անտարբերությունը դեպի այդ քաղաքականության զոհերը, մարդիկ, որոնք ամեն ինչ մոռացած և անձնապաշտությունը հաղթահարած տոկացել ու տքնել են ազգի հոգևոր առաջադիմության համար: Չիչակյանցի այցելությունները Կաշտիբեգյանցին, Կիրակոս Պետրովիչին, Հայոսյան եղբայրներին, դիմումները հոգևոր առաջնորդարանին և ստացած մերժումները (նկարագրված բավական վարպետությամբ) երևան են բերում հայ ուսուցչությանը շրջապատող հասարակական խավերի հոգևոր-բարոյական խեղճությունը, արծաթասեր վարքը և անտարբեր օտարությունը դեպի մերձավորի թշվառությունը:

87 «Արձագանք», 1897, № 16:

Գ Լ Ո Ւ Խ Ս Ա Ս Ն Ջ Ո Ր Ս Ե Ր Ո Ր Դ

«Մ Ո Ւ Թ Ճ Ի» Գ Յ Ո Ւ Վ Ա Կ Ի Ր Ն Ե Ր Ը

1. Ա Ջ Ա Ր Ի Ս Ա Գ Ե Լ Յ Ա Ն

Կյանքի գծեր: Անդրանիկ պատմվածքը՝ «Ներհակ Առաքելը»: Նարոդնիկական մտայնության նստվածքները: Մտալուրականությունը և գյուղի սոցիալական դիմափոխումը: Նարոդնիկ գործիչը և գյուղական միջավայրը: Հիասրափություն: Նոր նախապահի վրա: Գյուղատնտեսական դպրոց և հասարակական խանութներ: Մեղրիում հիմնադրված սպառողական ընկերությունը և Աղեյանը: Նարոդնիկական մտայնության հաղթահարման շեմին: Աղեյանը և Ուպեյնսկու երկասիրությունները: «Տգիտության զոհեր» վեպը:

«Մուրճի» գրական քաղաքականությունը վերլուծելիս մատնացույց ենք արել Ա. Արասխանյանի զաղափարական կողմնորոշումների վճռական նշանակությունը դյուղագրական գրականության զարդացման գործում: Դիտել ենք նաև, որ «Մուրճը» հրատարակելիս արդեն հրապարակախոսը առաջնորդվում էր հայ կյանքում մի գորեղ «գրականական շարժում» առաջ բերելու ծրարված մտադրությամբ: «Մուրճի» արխիվում պահպանվում է 1888-ին գրած Արասխանյանի «Հրավերի» սևագիր տարբերակներից մեկը: «Հրապարակով հայտնում ենք,— գրում էր նա,— որ «Մուրճը» բաց է ամենքի համար, որոնք այս ամսագրի ոգին ըմբռնելով կուզեն ձեռք մեկնել մեզ՝ ամսագրի բնավորության հար-

մար գրվածներ տալու: Մենք մանավանդ հորդորում ենք մեր աշխատակիցներին նյութերի ընտրության մեջ ղեկավարվել այս ամսագրի իսկական պահանջներով, որ նոքա լինեն ժամանակակից, ժողովրդի կյանքին մոտիկ, այս կյանքից բխած և նորա հասկացողության մատչելի: Մենք ուզում ենք, որ գրվածները լինեն թարմ, գրած սահուն լեզվով, և որ նոցանից բուրե ժողովրդի բարեկամի ոգին, բարեխիղճ հետազոտողի ճշտությունը, մտածողի վեհությունը, գեղարվեստագետի ճաշակը, մտադրությունների շիտակությունը»¹:

Ամսագրի «ոգին» ուրեմն հանգչելու էր ժողովրդասիրական մղումների ու գրական ճաշակի վրա: Արասխանյանը ղարմանալի պարզությամբ ձևակերպել էր «Մուրճի» գրական քաղաքականության ներքին բովանդակությունը: Արդեն իսկ այն բնորոշումների մեջ, որ նա տալիս է ժամանակակից գրականությանը, հստակորեն երևում է, թե ուր էին կենտրոնանում հրապարակախոսի մտահոգությունները: «Մուրճի» գրականությունը պետք է լինի ժողովրդի կյանքից բխած ու նրա հասկացողություններին մոտիկ: Տեսակետ էր սա, որ, իհարկե, հիշեցնում էր ղոհրապյան հայտնի ձևակերպումը՝ «գրականությունը ժողովրդյան կյանքեն պիտի քաղվի, ժողովրդյան կյանքին ծառայելու համար»: Գրական-ռեալիստական շարժման հետ կապվող այս մտայնությունը, իհարկե, ինչ-որ շարժով կարող էր կանխորոշած լինել Արասխանյանի մտածումների ընթացքը: Բայց հակված ենք կարծելու, որ տվյալ դեպքում «Մուրճի» խմբագիրը ավելի ժողովրդասիրական գրականության զարգացման հոգսերով էր տարված, և որ նրա մտադրությունները ըստ էության կապվում էին մասամբ ուս նարողնիկական բեկտորիստիկայի, մասամբ էլ «Գործի» տեսաբանների առաջադրած «գրականական պահանջների ու ցանկությունների» հետ: «Ժողովրդի բարեկամի ոգին» արտահայտությունն ինքնին շարժական պերճախոս է: Այն մեղ անմիջապես տեղափոխում է 80-ական թվականների վերջերին անդրկովկասյան միջավայրում

¹ ԳԱԹ, «Մուրճի» արխիվ, № 11/2, մեջբերումը՝ ըստ Ա. Ինճիկյանի Հովհաննես Քումանյան, Երևան, 1969, էջ 278:

սկիզբ առած ժողովրդասիրական շարժման ոլորտը: Այստեղ ծնունդ առած գաղափարներն ու տրամադրությունները լայն արձագանք և պաշտպանություն էին գտնում դեպի սոցիալական դեմոկրատիան կողմնորոշված այն մտավորականության մոտ, որ հատկապես դժգոհ էր թե՛ ազատամտական և թե՛ պահպանողական բանակի ծայրահեղություններից, «զառամյալ ու վտիտ» ծրագրերից, ժողովրդական կյանքի ուսումնասիրության մեթոդներից ու եղանակներից:

Արասխանյանը, ինչպես արդեն ցույց ենք տվել, հարում էր ժողովրդասիրական շարժմանը, որչափ դյուրի սոցիալական վերափոխումների նրա ծրագիրը դիմում էր ժողովրդանվեր գործիչների անձնուրաց գործունեության հետ կապվող մտայնությանը: Այսքանը միայն:

«Մուրճի» 1890 թվականի ամսատետրականներից մեկում Արասխանյանը տպագրեց «Ժողովուրդը որպես քաղաքական ուժ» նշանավոր հոդվածը, պարզեղով իր վերաբերմունքը այն գաղափարների ու տրամադրությունների հանդեպ, որոնց ակունքը ժողովրդասիրական շարժումն էր:

Հրապարակախոսը նախ և առաջ տարբերակում էր մտավորականության երկու շերտ՝ գիտությանը ծառայող մտավորականություն և ժողովրդին թևընկեց մտավորականություն: Կա ուրեմն գործունեության երկու ճանապարհ հայ մտածող վերնախավի համար՝ մեկը գիտության ասպարեզն է, մյուսը՝ ժողովրդական կյանքի ուսումնասիրության: Բայց թե՛ այստեղ, թե՛ այնտեղ մեր մտավորականության գործունեությունը ոչ միայն սահմանափակ է, այլև անադրյունալիետ այն պարզ պատճառով, որ ամբողջ, ժողովուրդը կանգնած է զարգացման ցածր աստիճանի վրա: «Որքանով որ ժողովուրդը, — ասում էր Արասխանյանը, — ինքը դրդիչ ուժ է ներկայացնում մի ինտելիգենտ դասակարգ կազմելու, այնքան էլ հենց ուժեղ է այդ ինտելիգենտ դասակարգը»²: Ուրեմն, որպիսին ժողովրդի զարգացման մակարդակն է, այնպիսին էլ ժողովրդին ծառայող մտավորականության գրությունը: Բայց կա և այս կապի

² «Մուրճ», 1890, № 11, էջ 1495—1496:

մյուս կողմը — այն շափով, ինչ շափով պատմական շարժումը ծնում է ժողովրդի տնտեսական, բարոյական ու մտավոր առաջադիմության նախապայմանները, այդ շափով մտավորականությունը իր նախաձեռնող ու կողմնորոշող վերաբերմունքով ժողովրդին մոտեցնում, կապում է այդ շարժման հետ, քանզի մտավորականության շահերը «կապված են ժողովրդի մտավոր պահանջների հետ»: Մտածող վերնախավի այս դերն է ահա, որ ընդգծում է Արասխանյանը: Նրա պատկերացմամբ պատմական ու սոցիալական շարժումը ղեկավարվում է մտավորականության կողմից և, հետևաբար, այս «դասն» է, որ պետք է մտածի շարժումը կանոնավորող միջոցների և ուղիների շուրջ: Որչափ ժողովուրդը իր տնտեսական ու բարոյական դրությունքով անկարող է կռահել ու հասկանալ սեփական ճակատագիրը և, բացի դրանից, ձեռնամուխ լինել սոցիալական վերափոխումների մեծ գործին, մտավորականությունը պարտավոր է, և նրա իսկ կոչումն է, հասկանալ ու ըմբռնել համաժողովրդական կարիքն ու շահը և գործել հենց այդ շահախնդրությունների համեմատ:

«Մուրճի» խմբագիրը հատկապես մեծ ուշադրություն էր դարձնում ժողովրդական կյանքի, գյուղի և գյուղացու տնտեսական վիճակը հետազոտող նյութերի հրատարակությանը: Ամսագրի շուրջ համախմբված գավառական թղթակիցները իսկապես ասած հենց այն «սև աշխատանքն» էին կատարում, որը անհրաժեշտ էր գյուղը և գյուղացու հոգսերը ճանաչելու, ծրագրեր մշակելու, ժողովրդին խավարից լույս առաջնորդելու համար: Տասնամյա գործունեության ընթացքում «Մուրճը» փորձեց իրագործել Արասխանյանի «Հրավերում» առաջադրված պահանջները: Գեղարվեստական, հրապարակախոսական, տնտեսագիտական այն գրականությունը, որ հրատարակեց «Մուրճը» այդ տարիներին, բարեխիղճ հետազոտողի, ժողովրդի բարեկամի ձեռքի գործ էր. անշուշտ կային մոտեցման տարբերություններ և ակնհայտ էին աշխարհայացքային զանազանություններ «Մուրճի» ժողովրդական ուղղությունը ներկայացնող գրողների և մտածողների միջև: Բայց, այն ինչ կոչվում էր ժողովրդական գրականություն, արդեն ձեռք էր բերվել, թող որ շատ դեպքերում գեղարվեստագետի ճաշակը և

հմտությունները կարևորություն չէին ստանում, և ամենից առաջ ու ավելի շուտ առաջին պլան էին մղվում «Ժողովրդի բարեկամի» մտադրությունների շիտակությամբ աչքի ընկնող հետազոտության արդյունքները:

* * *

«Մուրճի» ժողովրդագետ գրողների շարքում իր ուրույն և առաջնակարգ տեղն ունի Աղարիա Աղելյանը (Դանիելյան): Ծընվել է Մեղրի գյուղում, 1871 թվականի հունիսի 17-ին³: Նախնական գրաճանաչությունը ստացել է գյուղի սարկավազներից մեկի մոտ⁴: 1882-ից հաճախում է Մեղրիի նորաբաց ծխական դպրոցը: Երեք տարի անց ավարտելով վարժարանը, Աղելյանը մեկնում է Բաքու: 1885-ին ընդունվում է Բաքվի ռեալական դպրոցը:

Գրողի կյանքին ու ստեղծագործությանը քաջատեղյակ Ս. Դանիելյանը գրում է, որ ռեալականում ուսանելու տարիներին Աղելյանը հետևել է «Ռուսաստանի առաջավոր պարբերականներին», հիացել նարոդնիկների կատարած սխրագործություններով, կարողացել Ուսպենսկուն, Զլատովրատսկուն, Կորոլենկոյին, նաև արգելված գրականություն՝ «Սոլրեմեննիկ», «Ի՞նչ անել»⁵: Դպրոցի վերջին դասարանում մասնակցել է այստեղ գործող աշակերտական միության աշխատանքներին: Ժողովրդի համար հանրամատչելի գրքեր հրատարակելու ծրագիրը, որ ուներ այդ միությունը, խանդավառել էր պատանիներին: Ըստ երևույթին պետերբուրգյան «Հայրենասերների միության» օրինակով ռեալականի աշակերտները կամենում էին իրենց լուծման դնել ժողովրդասիրական գործի մեջ: Այդ տարիներին գրած Աղելյանի մի նամակից երևում է, որ ռեալականի պատանիները ծրագրել էին հրատարակել բնական գիտություններին վերաբերող հանրամատչելի գրականու-

3 Կինսագրական բոլոր տեղեկությունները քաղել ենք ԳԱՔ պահվող Լ. Դանիելյանի «Ա. Աղելյան» գրությունից (Աղելյանի ֆոնդ, № 8) և Ս. Դանիելյանի «Աղարիա Աղելյան» աշխատությունից (Երևան, 1964):

4 Ս. Դանիելյան, Աղարիա Աղելյան, Երևան, 1964, էջ 10:

5 Նույն տեղում, էջ 13:

թշուն, ինչպես նաև վիսպական ու կենսագրական ստեղծագործութշուններ⁶:

Գրական առաջին նախափորձերը Ադելյանը կատարել է ռեալականում ուսանելու տարիներին: 1891-ին դրած մի այլ նամակից երևում է, որ ասպագա գրողը վաղուց արդեն սկսել էր զբաղվել գյուղական կյանքի հետազոտությունով: «Մշակ»-ին մի պատկեր եմ ուղարկելու գյուղական կյանքից,— գրում էր նա: Եթե հարմար կլինի, թող տպագրեն... Ես սիրում եմ գրել միայն գյուղական կյանքից: Այդ է պատճառը, որ ես այժմ ուսումնասիրում եմ Глеб Успенск-ուն»⁷:

Ռուս նարոդնիկական ղեղարվեստական գրականության պարագլուխը՝ Գլեբ Ուսպենսկին անհայտ հեղինակ շէր հայ միջավայրում: 80-ական թվականներին «Մշակում» արդեն երևում են նրա ստեղծագործության առաջին գնահատումները: Նորաբաց «Մուրճը» նույն 1891 թվականին տպագրեց Ե. Ղազարյանի «Հողի իշխանությունը ըստ Գլեբ Ուսպենսկու» հայտնի հոդվածը, ուր նշանավոր այս թարգմանիչն ու մեմուարիստը բավական հանգամանորեն վերլուծում էր «Власть земли» գյուղագրական էսսեյի խորհրդածությունների սոցիալական կանխագրությունները⁸:

«Մուրճի» գործունեությանը և մանավանդ գրական քաղաքականությանը ծանոթ Ադելյանը, հնարավոր է, որ այդ շրջանից էլ կողմնորոշվում է դեպի Արասխանյանի ամսագիրը: 1892 թ. մեկնելով Ռիգա և ուսանելով տեղի Պոլիտեխնիկումում, Ադելյանը, ուսմանը զուգընթաց, պարապում է նաև գրական աշխատանքներով և քիչ անց «Մուրճին» ուղարկում իր առաջին և լավագույն ստեղծագործություններից մեկը՝ «Ներհակ Առաքելը»: Պատմվածքը տպագրվում է «Մուրճի» 1894 թ. համարներում և ասպ 1896-ին հեղինակի թարգմանությունով լույս տեսնում ռուսերեն «Кавказская жизнь» հանդեսի առաջին գրքում:

«Ներհակ Առաքելը» Ադելյանին գրականը ճանաչում բերեց:

6 Ս. Գանիելյան, Աղարիա Ադելյան, էջ 14—15:

7 Նույն տեղում, էջ 16:

8 «Մուրճ», 1891, № 3:

Ապա և մեկը մյուսի հետևից «Մուրճում» սկսեցին հրատարակվել երիտասարդ գյուղագրի «Նրա ցավը», «Ծանր խնդիր» (նմանողություն) պատմվածքները, որով Ադելյանը վերջնականապես կապվեց Արասխանյանի ամսագրի հետ՝ դառնալով նրա մշտական աշխատակիցներից մեկը: Ադելյանի գրեթե բոլոր ստեղծագործությունները հրատարակվել են «Մուրճում»:

Նյութական սուղ պայմանները հարկադրում են Ադելյանին ընդհատել ուսումնառությունը և 1894-ին վերադառնալ հայրենի գյուղ: Մեղրու երկղասյան դպրոցում աշխատելու տարիներին (1894—1896) Ադելյանը խորապես ուսումնասիրում է հողի աշխատավորի կյանքը: Նա մեկն էր խանդավառ այն երիտասարդներից, որոնք հոգու ամբողջ զորությունը կապվում են փայփայած գաղափարին: Գյուղը լուսավորելու մտահոգությունը այս մարդկանց համար դառնում է կյանքի ծրագիր: Գործնական ու ձեռներեց, նրանք տանում են զրկանքներն ու դառնությունները այն պայծառ վիտակցությունը, թե հողին ընկած սերմը իր հատիկները կտա: «Խարդախ հանճարը, — ասում էր Արասխանյանը «Մուրճի» «Հրավերում», — մուտք չպիտի ունենա մեր խմբագրատունը: Մենք ուզում ենք, որ մարդիկ ոչ միայն քարոզեն, այլև օրինակ տան»: Ադելյանը քարոզում էր և օրինակ տալիս: Հեռավոր ծայրագավառում նա արդեն ճանաչում էր ստացել: Գյուղական վարժապետի նրա գործունեությունը (ինչպես ամեն մի գյուղագնաց մտավորականի) աչքի էր ընկնում ժողովրդի ցավերը դարմանելու բազմակողմանի նախաձեռնություններով: Նա և մտածում էր գյուղացու օրվա կարիքների, և պանդխտության առաջն առնելու, և սակավահողությունների կորստաբեր հետևանքների, և հանրային ընթերցանությունների և անգամ գյուղական ներկայացումների մասին: Նա մի իսկական ժողովրդասեր գործիչ էր: Ռեալականի աշակերտական խմորումները, Ռիպայի ուսանողական միջավայրը, Ուսպինսկու բելետրիստիկան, «Մուրճի» ժողովրդասիրական ուղղությունը Ադելյանի համար մտքի և սրտի դարբնոց էին: Պիտի ենթադրել, որ Ռիդայում ուսանելու տարիներին արդեն ձևավորվել էին նրա նարոդնիկական հայացքները: «Ներհակ Առաքելից» պարզորոշ երևում է, որ Ադելյանը խորապես հասկանում ու դնահատում էր

գյուղագնաց մտավորականության ժողովրդասիրական գործունեության ոչ միայն արժեքը, այլև սոցիալական նպատակայնությունը:

1897 թվականին, հայկական դպրոցների փակումից հետո, Ադելյանը վճռում է կրկին մեկնել Ռիդա և ավարտել ուսումը: Ամուսնացած էր արդեն, և այս պարագան բավականաչափ ղժվարացնում էր մեկնումի խնդիրը: Այնուհանդերձ նա կարողանում է միջոցներ հայթայթել ու ճանապարհ ընկնել: Ռիդայում դեռ 1892 թվականից գործում էր «Սևան» հայրենակցական-ուսանողական միությունը: Ադելյանը շուտով դառնում է այս միության գործունեանդամներից մեկը⁹: Ըստ երևույթին հենց այս շրջանից էլ սկսվում է Ադելյանի բարեկամությունը մարքսիստ այն երիտասարդների հետ, որոնք ուսանում էին Ռիդայի Պոլիտխինիկումում: Հատկանշական է հատկապես գրողի մտերմությունը Ստ. Շահումյանի հետ: Պիտի ենթագրել, որ այդ կապը ոչ միայն գրական բարեկամություն բնույթ ուներ, այլև գործնական-հեղափոխական¹⁰: 90-ական թվականների վերջերին Շահումյանը ռուսերեն է թարգմանում Թումանյանի «Աղքատի պատիվը»¹¹: Գրական մի փաստ է սա, որ մատնացույց է անում նախասիրությունների ընդհանրությունը գյուղի և գյուղացու կյանքով մտահոգ երկու գործիչների միջև: Իհարկե, չպետք է կարծել, թե Ադելյանի համար բոլորովին անհետևանք մնաց տեսական ուսումնառության այն շրջանը, որ անցել էր Շահումյանի ղեկավարությունում: 90-ական թվականների վերջերին գրած պատմվածքներում արդեն շոշափելի են դադարավարական այդ աղեղեղություն հետքերը: Իսկ «Գրական փաշա-

9 «Ստեփան Շահումյան» աշխատության մեջ պատմաբան Վ. Ավետիսյանը հավաստում է, որ Ա. Ադելյանը մասնակցել է «Սևան» հայրենակցական ուսանողական միության ներսում Շահումյանի ջանքերով կազմակերպված «Թեորետիկ» մարքսիստական խմբակի պարապմունքներին (Տե՛ս Վ. Ավետիսյան, Ստեփան Շահումյան, Երևան, 1953, էջ 12—13): Ս. Գանիկյանը այս փաստն ասնելով ենթադրում է, որ «Թեորետիկը» «հեղափոխական գործունեություն է ծավալել ոչ միայն Ռիդայում, այլև Հայաստանում», և որ Ադելյանը «թեորետիկների» ձեռնարկումների մեջ եղել է Շահումյանի ակտիվ աջակիցներից մեկը (Տե՛ս Ս. Գանիկյան, Աղարիա Ադելյան, Երևան, 1964, էջ 24):

10 Տե՛ս Ստ. Շահումյան, Նամակներ, էջ 182—183:

11 Վ. Ավետիսյան, Ստեփան Շահումյան, Երևան, 1953, էջ 12:

յություն» հողվածը (գրված ըստ երևույթին 1900-ական թվական-
ներն սկզբներին) անկասկած է դարձնում Շահումյանի գաղափար-
ների ազդեցության փաստը Ադելյանի հրապարակախոսական
մտորումների վրա¹²։

1900 թ. ամռանը Ադելյանը Ռիգայից տեղափոխվում է հայ-
րենիք։ 1901-ին նորից մեկնելով Ռիգա ավարտում է Պոլիտեխնի-
կումը և ստանում ինժեներ-քիմիկոսի կոչում։ Վերադառնալով,
աշնանը աշխատանքի է անցնում Երևանի թեմական դպրոցում՝
որպես քիմիայի և ֆիզիկայի ուսուցիչ։ Թեմական դպրոցում անց-
կացրած երկու տարիները հագեցած էին թեմի առաջնորդ Սուքիաս
եպիսկոպոս Պարզյանի և ուսուցչության պահպանողական թևի
դեմ մղած պայքարի մտահոգություններով։

Արդեն իսկ Ռիգայում առողջությունը կորցրած Ադելյանը
հարկադրված թողնում է Երևանի թեմական դպրոցը և մեկնում
գյուղ՝ թոքախալ բուժելու և փոքր-ինչ հանգիստ առնելու համար։

Մեղրիում և Լիճկվազում անցկացրած ամիսները վերականգ-
նում են ուժերը. ապաքինումը նորից է հուսադրում Ադելյանին, և
նա եղբոր խորհրդին անսալով, մեկնում է Թիֆլիս՝ նորից աշխա-
տանքի անցնելու։ Բայց դաժան ու խոր հիվանդությունը շատ շու-
տով վերսկսվում է և առաջանում անկասելի թափով։ Փրկվելու
հույսը իսպառ կտրվում է։ Վերադարձի ճանապարհին՝ Նախիջե-
վանում նրան տեղափոխում են հիվանդանոց, ուր և մեռնում է
1903 թվականի նոյեմբերի 9-ին։

* * *

Կարճատև էր Ադելյանի կյանքը իր նախորդի՝ Ալ. Արարատ-
յանի նման։ Հայրենի գյուղի ու գյուղաշխարհի հանդեպ կարեկեր
ու անմիջական սերը թվում է, թե ճակատագրական էր այս գոր-
ծիչների համար։ Տոկալ ու տանել բախտի հարվածները՝ գյուղա-
ցու բարօրությանը հասնելու ըղձանքը փայլախայելով, անջատվել

¹² Կարծում ենք, որ այդ հողվածը ուղղակի աննշույթյուն ունի Ղ. Ադայանի
բառասանմայակի առթիվ Շահումյանի գրած ողջույնի խոսքի հետ։

մեծ աշխարհից, այստեղ՝ հեռավոր ու աննշան ծայրաշխարհում հանգիստ ու երջանկություն գտնելու հույսով—մտածում ու կողմնորոշում էր սա, իհարկե, լի խորապես մարդկային խիզախությամբ:

Իր առաջին գյուղական պատկերը՝ «Ներհակ Առաքելը» Ադելյանը գրել էր զգացմունքի ու մտածումների հենց այս ուղին բռնած: Մմբատ Մխիթարյանը մեկն էր այն անձնուրաց ու վսեմ հոգիներից, որ ուսուցիչական դպրոցն ավարտելուց առաջ վճռաբար ասաց իր ընկերներին. «—Իբրև ձեր ընկեր ես անկեղծորեն հայտնում եմ, որ ես անպատճառ ուսուցչական դպրոցը պիտի մտնեմ, ավարտեմ և գնամ իմ հայրենի գյուղում գործելու»¹³: Դեռ ուսուցչականում սովորելու տարիներին էր Մմբատը ծանոթացել «ռուսաց հայտնի հեղինակների հետ»¹⁴: Խմորվել էր նրա մեջ «ի՞նչ անելու» գիտակցությունը՝ պարզ ու պայծառ, որպես կյանքի ուղենիշ: Մարդը ամենից առաջ պետք է ճիշտ որոշի,— գրում էր նա իր ընկերներից մեկին,— թե ինչու՞ է սովորում, ի՞նչ բանի է պետք ուսումը, և միայն այս տեսանկյունից պատասխանի «ի՞նչ պիտի անել հարցին»¹⁵: Ադելյանը շարժական օրոշակի ակնարկում է նարոդնիկական մտայնության վճռական նշանակությունը Մմբատի հայացքների ձևավորման գործում: Ռուսաց հայտնի հեղինակները («որոնց անունը ուսումնարանում չէր լսում»), պարզ է, նարոդնիկական շարժման այն պարագլուխներն էին, որոնց ուղեգծած ճանապարհով քայլում էր ժողովրդանվեր մտավորականությունը:

Գյուղագրական գրականության մեջ, ինչպես հայտնի է, ինքնակենսագրական տարրը օգտագործվում է գյուղապատկերի միջավայրը ուրվագծելու համար: Ադելյանը սկսում էր ճիշտ այնպես, ինչպես իր ժամանակակիցները՝ Ճուղուրյանը, Աղապյանը, Սանդալը — առնում էր իր անձնական կյանքը, սեփական ապրումներն ու մտորումները և ապա վերհուշի լայն ու խոր կտրվածքի միջով սնցնում պայմանական ու մտացածին միջավայրի պատկերմանը: Այս վերջինն էլ, իհարկե, գրական հնարանք էր սոսկ և միայն այդ չափով իրականության փաստական բովանդակությունը անհամա-

13 Ա. Ադելյան, Երկերի ժողովածու, Երևան, 1950, էջ 27:

14 Նույն տեղում, էջ 26:

15 Նույն տեղում, էջ 27:

պատասխան: Մնացած դեպքերում գյուղագիրը պատճենահանող էր, լուսանկարիչ, կենդանագիր: Փաստը և եղելությունը նրա գրչի տակ համարժեք էր դրա գրական պրոյեկցիային: Այդ պատճառով սրբազանականն ու մտացածինը գյուղագրական գրականության մեջ նույնական էր եղելությանը, որքան էլ այս վերջինը, ի դեպ, կարող էր մանրամասնելու շհամբնկնել իր իսկ գրական ձևավորմանը:

Սմբատի մտորումները ուղիղ գծով կապվում են Բաքվի ռեալականում ուսանելու տարիներին Ադելյանի ասրած անձնական կյանքի հետ: Ս. Դանիելյանը բերում է մի այսպիսի կենսագրական փաստ: Գրողի ուսու դասընկերներից մեկը նրան է հանձնում «Սովբեմենիկ» ամսագիրը և այս հանձնարարում. «Կկարդաս «Խ՞նչ սինել» վեպը, այդ վեպի հեղինակը քսան տարի է, ինչ դեղերում է աքսորում»¹⁶: Արդեված գրականության ընթերցումը, նարոզնիկական գաղափարների յուրացման հետ միաժամանակ, բերում էր կյանքի գլխավոր հարցերի նկատմամբ ուրույն դիրքորոշում մշակելու անհրաժեշտությունը: Վերը տեսանք, որ գյուղացիության կյանքի հետազոտությունը Ադելյանին զբաղեցրել է աշակերտական շրջանից: Գլխուցական միջավայրում խմորվող տրամագրությունները, անշուշտ, ձևավորում էին պատանու հակումներն ու նախասիրությունները: Ն. Գ. Չերնիշևսկու ստեղծագործությունների հետ հայ նարոզնիկ երիտասարդությունը կապում էր իր հեղափոխական գործունեությունը: 1889 թ. «Հնչակում» տպագրված մահախոսականում ասված էր. «...Նիկոլայ Գավրիլովիչը կրթել է ևս բավականաթիվ ուսահայ երիտասարդներ, որոնք միշտ կրելով իրենց սրտում մեծ մարտիրոսի վեհ կերպարանքը և տագրված խորին երախտագիտությունը դեպի նա, ողբում են իրենց մեծ ուսուցչի անփոխարինելի կորուստը, միշտ իրենց աչքի հանդեպ ունենալով նրա ազնվամիտ կյանքի ու գործունեություն մեծ օրինակը»¹⁷:

16 Ս. Դանիելյան, Ազարիա Ադելյան, Երևան, 1964, էջ 13:

17 «Հնչակ», 1889, № 4, էջ 16: Ն. Գ. Չերնիշևսկու և հայ գրականության ունեությունների հետազոտությունը տե՛ս Գ. Ն. Հովհան, Ռուս-հայ գրական կապերը 19—20-րդ դարերում, գիրք Ա, Երևան, 1960, էջ 197—289:

Հայ նարոդնիկական նորրենթաց շարժումը չուրացնում էր Գերցենի, Չերնիշևսկու, Լավրովի, Միխայլովսկու հեղափոխական մտայնությունն այն շափով, ինչ շափով այն կապված էր համսոուսական ընդհանուր շարժման հետ:

1880-ական թվականների վերջերին, այսինքն այն ժամանակ, երբ Ադելյանը սովորում էր ռեալականում, հիմնադրվել էր Հնչակյան կուսակցությունը և արդեն դորժում էին նարոդնիկական բազմաթիվ խմբեր ու խմբակցություններ:

Ադելյանը, որ կապեր էր հաստատել Խ. Մալումյանի հետ, արժրունիական էր և «Մշակի» համախոհներից մեկը: Ազատամիտ կուսակցության շահերը սրտամոտ էին Ադելյանին անգամ այն ժամանակ, երբ գրում էր «Գրական փաշայություն» հոդվածը¹⁸: 80-ական թվականների վերջերին «Մշակը» և Գրիգոր Արժրունին հավակնում էին դառնալ ազդային-նարոդնիկական խմբերի ու խմբակցությունների առաջնորդ: Երիտասարդությունը մղվում էր դեպի Արժրունին: Արժրունուն անգամ առաջարկեցին անցնել Եվրոպա և ստանձնել «հեղափոխական ուժերի ղեկավարությունը», բայց նա ոչ միայն մերժեց այդ առաջարկը, այլև դիմադարձ կանգնեց ժողովրդասիրական նոր շարժմանը: Դրա հետևանքով Արժրունու զաղափարական խնամակալությունից դուրս սահեց երիտասարդությունը: Այս իրողության վկայությունը չէ՞, արդյոք, «Գրական փաշայության» մեջ Ադելյանի հետևյալ խոստովանությունը. «Մենք շունենք մի լրագիր, որի շուրջը խմբվեր «Մշակի»՝ դեռ Գրիգոր Արժրունու վերջին օրերից առաջ եկած և այժմ արագությունամբ բազմացող՝ հերձվածողների խումբը»¹⁹: Այս «հերձվածողներն», անշուշտ, հենց այն երիտասարդներն էին, որոնք դժգոհ էին «Մշակի» խմբագրից, սրա արդեն զգուշավոր քաղաքական պահվածքի համար: Ինեալականի աշակերտ Ադելյանը ճիշտ է մտաբերել այդ օրերին երիտասարդությունը համակած տրամադրությունները: Մշակականի նրա համոզումները, անշուշտ, գունավորված էին նարոդնիկական շարժման զաղափարաբանությամբ:

¹⁸ Տե՛ս, ԳԱԹ, Ադելյանի ֆոնդ, № 7, էջ 1:

¹⁹ Նույն տեղում, էջ 6:

Գեո 1880-ական թվականների սկզբներին «Մշակին» թղթակցող ուսանողները հավաստում էին Ռուսաստանի օրինակով հայ կյանքում մի նոր մտավոր շարժում առաջ բերելու անհրաժեշտությունը: Ձայնակցելով «Գործի» հրատարակատեսերին, նրանցից մեկն, օրինակ, ընկերոջն ուղղած նամակում, գրում էր. «Քեզ հայտնի պիտի լինի այն մեծ մտավոր շարժումը Ռուսաստանում, որը օրից օր ավելի ու ավելի նշանակութուն է ստանում, և որի պարագլուխներն են այնպիսի մարդիկ, ինչպես Златовратский, Г. Успенский և այլն: Քեզ պետք է հայտնի լինի, որ այդ պարոնների խումբը իրեն ամբողջությամբ նվիրել է գյուղի ուսումնասիրությանը»²⁰: Գաղափարներ էին սրանք, որ վերընթաց ուղիով ձգվեցին ամբողջ 80-ական թվականներին՝ յուրովի միասնանալով կիսալիբերալ-կիսանարոզնիկական այն մտայնության հետ, որ զարգացնում էին «Մշակին» գաղափարագրված՝ հետագայի հեղափոխական գործիչները:

Այս մթնոլորտում ձևավորված Ադելյանի հայացքները, անշուշտ, չէին կարող ավելի ռադիկալ և քաղաքականապես ավելի մարտահույզ լինել:

«Ներհակ Առաքելում» պատկերագծված Սմբատ Մխիթարյանցը մեկն էր հենց այն երիտասարդներից, որոնք հետևում էին նարոզնիկական լուսավորչության ծրագրերին: Գյուղը վերափոխելու նրա երազանքի ու պատկերացումների մեջ իշխողը դարձյալ դպրոցաշինական գործն է. «Երևակայեցեք,— ասում է նա իր ընկերներին,— թե քանի՜-քանի գյուղեր առանց ուսումնարանի են. քանի՜ երեխաներ առանց կարդալ-գրելու են մեծանում... գավառ, հարյուրավոր գյուղեր... մի ուսումնարան... Անմխիթար և ճնշող պատկեր, որի վրա տեղ-տեղ դեռևս շարունակում են իրենց գոյությունը տեր-թողիկի տեսչության ուսումնարանները... Մինչև ե՞րբ պիտի շարունակվի նրանց բթացնող և փտեցնող աշխատանքը...»²¹:

Գյուղի լուսավորչության գործին պետք է նվիրվի մտավորա-

²⁰ «Մշակ», 1882, № 29:

²¹ Ա. Ադելյան, Երկերի ժողովածու, էջ 27:

կանուխույնը և այն էլ գյուղացի մտավորականուխույնը: Սմբատի պատկերացմամբ «այդ նրա ամենամեծ պարտականուխույնն է»: Ռեալականի այս շրջանավարտը համոզված էր, որ գյուղից դուրս եկած մտավորականը հեշտուխումբ կարող է գործել գյուղում: «Նա սովոր է գյուղական կյանքին, ճանաչում է գյուղացոց, կարող է նրանց հետ հեշտուխումբ մտերմանալ և այլն»: Բացի դրսւրոցաշինուխույնից, գյուղագնաց մտավորականուխույնը պետք է ձեռնամուխ լինի և այլ գործի: Առաջին հերթին գյուղացու պակասուխույնները քննի, քահանայի օգնուխումբ և եկեղեցու բեմից խոսի այն թերուխույնների մասին, որոնք առկա են համայնքում և աստիճանաբար հասնի «համերաշխուխումբ ոգու» հաստատմանը: Գործունեուխումբ այս ճանապարհով դնալով, գյուղական մտավորականը շատ շուտով կարող է տեսնել, որ «...բոլորն էլ սկըսում են սիրով և փոխադարձ օգնուխումբ ապրել»: Նրալում էր Սմբատը գնալ գյուղ, գյուղացիներին հավաքել իր շուրջը, գրքեր կարդալ նրանց համար, «ընտելացնել ընթերցանուխումբ» և ապա հիմնադրել ուսումնարան: «Հարկավոր է շատ շուտ վերջացնել ամեն ինչ և գյուղ վաղել»,— մտածում էր նա:

Չի կարելի անգիտանալ այն իրողուխումբ, որ գյուղի լուսավորուխումբ ժողովրդասիրական այս ծրագիրը ըստ էուխումբ ոչ մի նոր ու լուրջ նախագծում չուներ: Հայտնի այդ տրաֆարետը գալիս էր դեռ Ալ. Արարատյանի ժամանակներից: էլ չենք խոսում այն մասին, որ 1889-ին լույս տեսած «Նորհրդավոր միանձնուհու» մեք Մուրացանը կանխել էր հետագա բոլոր գյուղագիրներին՝ ծրագրուխումբ առաջագրանքի լայնաշրջան և հմուտ գծագրուխումբ: Նորուխումբ և առանձնահատուկը այստեղ այն է, որ ի հակադրուխումբ Մուրացանի, Աղելյանը, Սանդալի նման, ժողովրդասեր վարժապետի այգօրինակ գործունեուխումբ համարում էր ոչ միայն ցանկալի (իդեալական), այլև հնարավոր հենց այն պարզ պատճառով, որ նա էլնում էր արդեն նարողնիկական շարժման արդիական և գործնական հնարավորուխումբներից: Նրա պատկերացմամբ գյուղանվեր մտավորականուխումբ հենց այդ ուղղուխումբն է բռնել, քանզի նա է, որ պետք է վերափոխի գյուղաշխարհը և փրկի գյուղացուն թշվառուխումբ ու կարիքի ահարկու դաժանուխումբից:

Սմբատի երազանքի շառավիղը չափազանց փոքր է, բայց հիմնավոր և կշռադատված է նրա վճիռը: Ոչ մի կասկած, ոչ մի տադնայո չի մթազնում նրա սյաժառ հայացքը: Գյուղում է, որ սկետք է հաղթահարել շատ բան, համբերել ու տոկալ որպես իսկական նվիրակ ու մարգարե:

Ուսումնարանի հիմնադրման համաձայնությունը գյուղացիներինց Սմբատը բավական հեշտությամբ է առնում: Մնում էր, որ երկու գյուղերը միասնաբար օգնեին մեր առաքյալին՝ դրամ ժողովելու, դպրոցի շենքի կառուցման և այլ հարցերում: Այստեղ է, որ գրողի հայացքը կանգ է առնում գյուղական միջավայրի հետամնացության վրա: Սմբատի կողմն է, իհարկե, գյուղականների մեծամասնության և՛ համակրանքը, և՛ նախածեռնող անձնը-վիրությունը, բայց բուժ համառություն և ընչասեր փոքրոգություն ողին դեռ հաժում է հեռավոր ու մութ այդ աշխարհում:

Ներհակ Առաքելի արտաքինը Աղեկյանը նկարագրում է բավական խոստոն և մատնող անմիջականությունմբ. «Առաքելը երեսունհինգ տարեկան մի միջահասակ տղամարդ էր, դեմքը եռանկյունաձև, գունատ, իսկ քիթը սուր և դուրս ցցված: Փափախի տակից զաղտագողի այս-այն կողմ նայող աչքերը կիտած ունքերի տակ միշտ անբավականությունն էին արտահայտում: Դեմքը դժգոհ էր և մռայլ: Նրա ամբողջ արտաքին տեսքը շատ պարզ հայելի էր յուր ներքին աշխարհի, որը նույնպես մռայլ էր և մութ»²²: Ներհակ Առաքելը գյուղում հայտնի էր որպես շար և անաստված մարդ, «հացով քոռ», «հախքյասան»: Նա չէր հանդուրժում ուրիշի իրավունքը, միշտ իր կողմն էր քաշում, հակառակվում էր ամենքին և վատաբանում ամեն մի նոր գործ: Ուսումնարանի խնդիրը ամենից ավելի էր նրան դիպել: Ոչ թե տնավարձ երեք ուրբին, որ տանուտերն էր պահանջում վարժարանի համար, այլ անժառանգ քեռու՝ Մարկոս ապոր հարստությունը կորցնելու հեռանկարն էր նրան հունից հանել. «Անխելք քյոպակ,— հայհոյում էր նա քեռուն,— իր քրոջ որդուն թողած ուրիշին է լավություն անում.— էդքան էլ նեխված մարդ... նախանձ, նախանձ»²³:

22 Ա. Աղեկյան, Երկերի ժողովածու, էջ 12:

23 Նույն տեղում, էջ 47:

Մարկոս ապերը խոստացել էր իր ունեցածը կտակել Սմբատի ջանքերով կառուցվող դպրոցին: Վարժապետը հնօրյա այդ ծերունու վճռի մեջ ասածո միջամտությունն էր տեսնում. գործը առաջ էր դնալու, ծաղկելու էր ուսումնարանը, ուսուցիչներ էին հրավիրվելու և «մտավոր ու բարոյական լույսը» տարածվելու էր «դեպի խավարի թագավորությունը»²⁴:

Սմբատի և ներհակ Առաքելի հակառակությունը զոյացել էր այս հողի վրա: Ներհակի անձնապաստան, եսամուռ ու ընչաքաղց բնավորությունը վեր է հանում դյուղաշխարհի մարդկանց մեկ ընդհանրական դիժը — սեփականության նկատմամբ խոր և մոլեգին կիրքը՝ զիտակցության նախնական շրջանի բնազդների հետ, ավերել է այդ մարդու բարոյական դեմքը: Անզիջում և դաժան է դյուղացին, երբ ուրիշի քարը սեփական բոստանն է ընկնում: Այստեղ նա չունի հավատք, խիղճ և ներողամտություն: Հետամնաց, տգետ, փոքրոզի ու վատահամբավ Առաքելը մարմնացումն է հոգեզուրկ և բնական վայրենաբարոյության: Նրա համար անձնականը ամեն ինչ է՝ դոյություն խարխախ, ապրելու արդարացում: Կույր և անզգա է նա ուրիշի դժբախտություն ու կարիքի նկատմամբ: Եթե ունի մտածումներ, ապա դրանք կենտրոնացած են սեփական արտի, քեռու ժառանգության, փողի և ջրի շուրջ:

Սողոմոնենց խաչին՝ մի հանդարտ ու մեղմաբարո մարդ, Առաքելի հարևանը, դյուղամիջում աղմուկ է բարձրացրել. ներհակը միշտ էլ կտրում է նրա ջուրը.

— ...Աչքդ էլ էի հանում,— պատասխանում է Առաքելը,— որ կտրում էի, պա ես արտս ջրում շէի*:

— Սրա խոսքերին, խոսքերին... թու երեսիդ,— կշտամբում է խաչին,— այ մարդ, բա ես արտս շէի ջրում... ջրաղլուխը ե*ս եմ, թե դուն:

— Շատ էլ դու ես:

— Որ ես եմ, պա էլ ո՞ւր ես թարսություն անում²⁵:

Առաքելը անտարբեր է հարևանի հոգս ու կարիքի հանդեպ և

24 Ա. Աղեյան, Երկերի ժողովածու, էջ 60:

25 Նույն տեղում, էջ 18—19:

ոչ միայն անտարբեր. եսամու կատաղությունը փրփրում է նրա ներսում ամեն անգամ, երբ իր շահն է վտանգվում: Նրան ի՞նչ, թե ջրազլուխը խաչիինն է. իր արտը պետք է ջրվի, իր հողը կանաչի, դրանից հետո թեկուզ երկինքը շուռ գա: Վեճը ու հայհոյանքը երկարում է, մինչև որ Առաքելը շոշափում է խաչիի կնոջ պատիվը: Խաչին բահը շուռ է տալիս սրա մեջքին: Առաքելը հարձակվում է ական թոթափել: Խոնվում է բազմությունը: Բարեկամ, հարևան, ազգական իրար են հասնում: Վրա եկած գզիրն ու տանուտերը մահակազարկ տալով հազիվ են բաժանում կովողներին:

Բնավորության իր գծերով ներհակ Առաքելը հիշեցնում է Ճուղուրյանի դիժ Ուհանին: Սրա համար էլ կարգ, օրենք, օրինակաչափություն գոյություն չունի: Պետինի եզը գետում խեղդված իր գոմեշի փոխարեն օբը ցերեկով քաշում տանում է. խեղճ գյուղացին դիմում է տանուտերին՝ արդարություն պահանջում. «Քեզ պեսների եղն ով ասես կուտի», — արդարանում է տանուտերը: Գիժ Ուհանը մլքատեր է, հարուստ, զոռբա: Առաքելը հարուստ չէ, բայց Ուհանի դարմից է: Ուրագի պես մարդ, միշտ իր կողմը, միշտ իր համար:

Գյուղ մեկնելուց առաջ Սմբատը հաճախ էր երևակայում ու պատկերացնում, թե ինչպես պետք է աշխատի ու գործի մոռացված աշխարհում: Քարոզով ու բեմբասացությամբ, քահանայի հետ միասին իրեն կհաջողվի գյուղացիների միջից դուրս կորզել նրանց բոլոր թերությունները, համերաշխության ոգին կսկսի կամաց-կամաց մուտք գործել այդ թշվառների մեջ և բոլորն էլ կբռնեն «սիրով ու փոխադարձ օգնությամբ ապրելու» ճանապարհը:

Ադելյանը կանխավ դժում է ներհակ Առաքելի կերպարը, որպեսզի ցույց տա, թե բնավորության և մտքի ինչ կարելիությունների հետ է, որ պետք է գործ ունենա ազնվասիրտ ժողովրդական ուսուցիչը: Ի՞նչ համերաշխության ոգի, ի՞նչ փոխադարձ օգնություն: Ներհակ Առաքելը ինքը հենց կենդանի անհամերաշխություն է, բովանդակ եսամուլություն:

Սմբատը եկել էր հաղթահարելու հենց այդ պատճենը: Ադելյանի ժողովրդասիրական ըմբռումները հանգչում էին դարձյալ գյուղական համայնքի միաբան ու համաձայն շահախնդրություն-

ները լուսավորական գործին լծորդելու գործնական հոգսերի վրա: Սերը և փոխադարձ օգնությունը գյուղական կյանքի հիմքն է: Համայնքը ուժեղ և ապահով է իր միաբանությունամբ միայն: Անհամբուրաշխությունը բուն պատճառն է սոցիալական շարիքի: Ուսումնարանը գալիս է լուսավորելու մարդկանց մտքերը, խիղճը և հողին, ցրելու մութը, բանալու «խավարի թագավորությունը», մարդկանց կապելու միմյանց, մերձեցնելու հեռավորներին և համերաշխելու մոտիկներին: Ուսումնարանը ճառագում է այն լույսը, որով պետք է հալածվի Եսամությունը: Սմբատի ծրագրերից մեկն էր՝ սերտ կապեր հաստատել ուսումնարանի և գյուղական ընտանիքների միջև: Միտք ուներ երեխաների դաստիարակության գործը ընտանիքից սկսել, ապա և ուսումնարանի միջոցով ընտանիքը վերափոխել, մեղմացնել բարքերը, մարդկանց մղել ավելի կիրթ կենցաղի ու վարվեցողության:

Սմբատի գործունեությունից դժգոհ էր ոչ միայն ներհակ Առաքելը. կար մի ներկարար մղղսի: Գրի սեն ու սպիտակը ջոկող հնօրյա այս վարժապետը գետնափոր, մութ ու խոնավ իր խանութկացարանի մեջ երեխաներ էր կարգացնում: Ներկի կարասներից բարձրանում էր գոլորշին, կիսախավարը թանձրանում էր, ներկահոտը խեղդում: Մղղսին կտավ էր ներկում, իսկ պատի տակ նամ դռակների վրա նստած աշակերտները մի-մի գիրք ձեռքներին մոմոում էին: «Նրանց բոլորի դեմքն էլ համարյա գունատ է: Ոմանց աչքերում լույս չի մնացել, իսկ ոմանք ապուշների են նմանվում»²⁶: Նոր ուսումնարանը զարկում էր և մղղսու շահերին: Ներկարարը Սմբատի մեջ տեսնում էր իր անձնական հակառակորդին ու թշնամուն: Նրան ինչ, թե վարժապետը «քաղաքի լավ կյանքը, լավ ապրուստը, լավ գործը թողած», եկել ընկել էր մուռացված աշխարհի այդ ծակոժուկները և մտածում էր օգնության հասնել խավարի ու հետամնացության ծովն ընկած գյուղացուն: Մղղսի Մուսին միաբանվում է ներհակի հետ: Նրանք երկուսով էլ դժգոհ են վարժապետից միևնույն պատճառով՝ ուսումնարանի:

Անհամերաշխության ոգին ուրեմն ծնունդ էր առնում մարդ-

26 Ա. Աղեյան, Երկերի ժողովածու, էջ 13:

կանց նյութական շահախնդրություններից: Տերթոգրիկյան վարժապետը համառում էր, քանզի նոր ուսումնարանի լուրն առնելով, մղզսու աշակերտները մեկ-մեկ փախան, տասնհինգից մնաց հինգը: Ադելյանը շատ լավ էր հասկանում խնդրի այս կողմը, բայց դեռ չափազանց աղոտ էին նրա պատկերացումները գյուղը ավերակող դասային ուժերի վերաբերյալ, կամ վիճ նա դուռ էր հասցրել խորամուխ լինել մարդկանց միջև եղած հարաբերությունների այն կողմերի մեջ, որոնք ըստ էության անհնարին էին դարձնում ժողովրդանվեր գործիչների ծրագրերի իրականացումը գյուղում: Տեղի ունեցած ողբերգությունը՝ Սմբատի սպանությունը ներհակի ձեռքով, թանձրացնում էր բարոյախոսական այն հանձնարարականի արժեքը, որ տալիս էր Ադելյանը գյուղագնաց մտավորականությանը. «Ընկավ նա, որ վճռել էր ապրել գյուղացիների հետ և իր շուրջը տիրող խավարի մեջ տարածել այն կենդանի լույսը, որը նրան մղել էր այդ սուրբ գործի համար...»²⁷:

Պատմվածքի վերջաբանում Ադելյանը հավաստում էր, որ Սմբատի ցանած սերմը տվեց իր բերքը: Ուսումնարանի շինարարությունը ավարտվեց: Ներհակի համախոհները կամաց-կամաց խելքի եկան և անցան «հասարակության առողջ մասի կողմը»: Հիմա գյուղը խաղաղ կյանք է վայելում: Հինգ ուսուցիչներ զբաղված են երեխաների դաստիարակության հարցերով. գործույժա, խառնվող ու խանդավառ այդ մարդիկ «մեծ հուանդով տանում են իրենց գործը»: Այն ժամանակ, երբ քաղաքից եկած վարժապետները փոքր-ինչ հուսահատվում են կամ ձանձրանում, Սմբատի ողբերգական կերպարանքը այցի է գալիս նրանց և «աշխուժությունն ու եռանդը» նորից իր գիրկն է առնում առաքյալներին:

Վերջաբանի ռոմանտիկ-ծրագրային ուրվագծումները, իհարկե, խմաստավորում են ժողովրդանվեր գործիչների զոհողությունների ու ջանքերի հասարակական արժեքը: Իսկ դա իր հերթին ավելի ակներև է դարձնում Սմբատի ողբերգության նշանակությունը՝ հատուցման ու ձեռքբերումի տեսանկյունից:

Հետադայում, 1898-ին Ռիգայում գրած «Նոր հոգսի հետևից»

27 Ա. Ադելյան, Երկերի ժողովածու, էջ 66:

պատկերում Ադելյանը վերանայում էր գյուղական գործիչների նա-
բողնիկական գործունեության վերաբերյալ ունեցած իր հայացք-
ները: 80-ական թվականների գյուղափրկիչները, գրողի կարծիքով,
իրենց ամբողջ ուսմանտիզմով ու անձնուրաց նվիրվածությամբ հան-
դերձ, որդեգրել էին ծրագրային մի ուղի, որն ըստ էության նրանց
չէր կարող հասցնել երեակայած ու երազած հանգրվանը: Սըմ-
բատ Մխիթարյանցի սերնդակիցն է Արտաշես Հարումյանը: Մի
խսկական առաքյալ, որ Ներսիսյան դպրոցի VI դասարանից արդեն
«ծրագիրներ էր կազմում իր ասպարհ գործունեության համար»:
80-ական թվականների կեսերն էր. «Այդ ժամանակ,— գրում է
Ադելյանը,— լրագրության մեջ բարձրացել էր այն հարցը, թե ին-
տելիգենտ անձինք գյուղ պիտի դնան այնտեղ գործելու նպատա-
կով: Ապացուցանում էին, որ դա ինտելիգենտի բարոյական պար-
տականությունն է, որ դա պահանջում է կյանքի առաջադիմություն-
ներ: Գյուղական ազգաբնակչությունը, ասում էին այդ հարցի ջերմ
պաշտպանները, ժողովրդի այն դասն է, որը ամենից շատ է աշ-
խատում հասարակական և տերունական բարդ մեքենան գործի
դնելու, և չնայած դրան՝ գյուղացին ամենաանմխիթար դրուսթյան
մեջ է գտնվում շնորհիվ իր տգիտության: Ինտելիգենտը պիտի
պատռե տգիտության վարագույրը, լույս տարածելով գյուղացու
մոռյլ կյանքի մեջ: ...Այս հետաքրքիր և նշանավոր հարցը ամ-
բողջապես զրավել և ոգևորել էր Հարումյանին»²⁸: Ամբողջությամբ
կլանված ժողովրդասիրական շարժման զաղափարական հանձնա-
րարականներով, Սմբատի նման, սա էլ ուշի ուշով հետևում էր
ուուս և հայ պարբերական մամուլում լույս տեսնող զրվածքներին:
Երիտասարդ ներսիսյանականը, որ աչքի էր ընկնում եռանդուն
կամքով և նպատակին հասնելու աներեր վճռականությամբ, դըպ-
րոցն ավարտելուց հետո անմիջապես գյուղ չմեկնեց: Երկու տարի
նա մնաց Թիֆլիսում՝ «մտավոր նոր պաշարներ» ամբարելու, որ-
պեսզի գյուրանա իր առաքելության իրագործումը: «Պատելով
Թիֆլիսի մի քանի երիտասարդական առողջ շրջաններում, Հա-
րումյանը,— ինչպես դիտում է գրողը,— կարողացավ կազմակեր-

28 Ա. Ադելյան, Երկերի ժողովածու, էջ 148—149:

պել իր համար մաքուր, պարզ, բայց ոչ լայն աշխարհայեցություն»²⁹: Ադելյանը մանրամասն ներկայացնում է Հարումյանի այդ աշխարհայեցությունը: Պատմությունը և կյանքի առաջադիմությունը շարժում են անհատները—նարողնիկական գաղափարաբանության գլխավոր այս թեզը Հարումյանի աշխարհայացքի հիմքն է: Եթե այդ այդպես է, ուրեմն, անհատների գործունեությունն է վճռում հասարակական զարգացման ընթացքը: Որչափ անհատները իրենք «կախումն ունեն պատմությունից» և, հետևաբար, կոչված են ժամանակների միսիան կրելու, նրանք դուրս են գալիս համընդհանուր լուսության և համատարած անտարբերության դեմ, «չեն հարմարվում պատմական բարդ և անիրավ հանգամանքներին» և լարում են իրենց մտավոր ու բարոյական ամբողջ ուժը՝ մասսաներին ինքնաճանաչման բերելու և «բարօրության գիրկը մղելու ժամանակակից հասարակությունը»: Հերոս-անհատների գործունեությունը կարող է պսակվել հաջողությամբ, եթե հասարակությունը առգորվի այն գաղափարներով ու զգացումներով, որով վառվում են առաքյալների «ուղեղն ու հոգին»:

Զոհողության ընդունակ, գաղափարին աննահանջ նվիրված այդօրինակ գործիչների կարիքը զգացվում է այժմ ամենուրեք, առավել ևս գյուղերում, «...որովհետև գյուղացին հասարակական անհավասարության սանդուղքի ամենաստորին աստիճան է հանդիսանում»³⁰: Գյուղացուն օգնության պետք է հասնի մտավորական գործիչը՝ եռանդուն, խիզախ, զոհաբերող, պատրաստակամ, ֆանատիկ այն հավատավորը, որի համար գոյություն չունի այլ շահախնդրություն և նպատակ, քան գյուղերում թագավորող աղքատությունն ու տգիտությունը բառնալու մեծ միսիան: Ի՞նչ է գյուղացին, ո՞րն է նրա սոցիալական դիմազծի էությունը — անկամ ու հնազանդ վիթխարի մի մասսա, որ անճարացած ամեն ինչ թողել է բախտի, աստծու և թագավորի խնամքին ու մի կերպ «քարշ է տալիս իր ողորմելի գոյությունը»: Նա տառապում է անվերջ, նա չի դիմադրում, չի ըմբոստանում. զրկանքները, անարդարությունը,

29 Ա. Ադելյան, Երկերի ժողովածու, էջ 149:

30 Նույն տեղում, էջ 150:

տառապանքների հաղարամյակները անմուռնչ, հնազանդամիտ և ստրկահոգի մի հոգեբանություն են պատվաստել նրա մեջ, գյուղացին կոչում է, բայց ոչ «ընդհանուր ցավի դեմ», այլ իր իսկ արյունակցի, մերձավորի, հարևանի, բարեկամի դեմ: Կենսական տարածություն նվաճելու, ուրիշին ունեզրկելու, խեղդելու, խլելու նպատակով... Այս գյուղացուն է, ահա՛, որ առաջին հերթին պիտի օգնության հասնի նարոզնիկ գործիչը:

Պատմությամբ կանչված ու լիազորված անհատների ծրագրային առաջին քայլը՝ գյուղական համատարած տգիտության դեմ մաքառելն է: Նրանք պետք է պատուեն խավարի սև վարագույրը և սերմանեն փրկարար ներդաշնակության՝ համայնական գոացմունքների հունդերը: Գյուղացիների մեջ վերականգնելով համերաշխությունը, մղելով նրանց հնօրյա համայնական հարաբերությունների ոլորտը, նարոզնիկ գործիչը, այսպիսով, կարող է լուծված համարել խնդիրների խնդիրը՝ եսակենտրոն հոգեբանության հաղթահարումը: Ահա՛ թե ինչու ուսումնարանի և սրա շուրջ համախմբված մտավորականների գործունեությունը այս գեպրում վճռական նշանակություն է ձեռք բերում: Պետք է սկսել հիմքից՝ երեխաների դաստիարակությունից, ներդրավելով այստեղ և՛ գյուղական ընտանիքը, որովհետև «ապագայի փայլուն հույս կազմող սերունդը» չի կարող աճել առանց ընտանեկան հարաբերությունների և կենցաղի խոր վերափոխումների:

Մեկնելով գյուղ, Հարումյանը հենց այդտեղից էլ սկսում է. «Ուղղեցեք ձեզ, ձեր թերությունները, — ասում էր նա գյուղացիներին, — և ձեր որդիքը նույնպես կուղղվեն»³¹: Երիտասարդ գործիչը համոզված էր, որ տարրական դպրոցները կոչված են ծառայելու ոչ թե «երեխայոց մտքի զարգացմանը», այլ նրանց «կազմակերպվող հոգու մեջ» բարոյական ամուր հիմքեր դրելու մեծ գործին: Իսկ առանց ընտանիքի գործուն մասնակցության, ուսումնարանը ի վիճակի չէ լուծել այդ խնդիրը: Ընտանիքի կոչումն է երեխայի կրթության գործում դպրոցի հետ ձեռք-ձեռքի բնթանալ: Տվեք մեզ օրինակելի մայրեր և մենք կտանք օրինա-

31 Ա. Ադելյան, Երկերի ժողովածու, էջ 163:

կելի զաշխարհներ—սկզբունքը նարողնիկական լուսավորչությունը յուրացնում էր որպէս կյանքի վերափոխման գործնական ուղիներից ամենանախընտրելին: Բայց իրենք՝ գյուղացիները Հարումյանին հասկացնել տվին եսակենտրոն հոգեբանութեան ու մտայնութեան հաղթահարման այդ միջոցի ամբողջ ապարդյունությունը: Գյուղացիներից մեկը դիմելով Հարումյանին, ասում է. «Մենք աղքատությունից է, թե ինչից է, վատացել ենք, սերով չենք, միմյանց վնաս տալու համար ենք ասլրում: Մենք արմատից ենք հիվանդ, վարժապետ: Աղքատ ենք, ապրուստներս դժվարացել է, ճարունես սրա համար արա՛ թե չէ գլուխդ փաթաթիր գնա ուսումնարան, երեսաներին լավ կարգացուր, խրատիր, թակիր, առանց հաց թող, ինչ-որ խելքդ կտրում է՝ արա: Մեղանից ի՞նչ ես պահանջում. մենք ինչացու ենք...»³²:

«Մենք արմատից ենք հիվանդ»,— գեղջկական այս լայնահուն ընդհանրացումը դեմ է առնում նարողնիկական ուսմանտիզմին: Հարումյաններին ու Մխիթարյանցիներին որդեգրած ուղին, ի վերջո, կենսական ամենաառաջնահերթ խնդիրները հանձնարարում է լուծել հակառակ ծայրից: Այս էր, որ 90-ական թվականների վերջերին հասկացել էր Աղեկյանը: «Նոր հոգսի հետևից» պատկերը նա գրում էր արդեն այն խոր համոզումով, թե նարողնիկական լուսավորչութեանը ի վիճակի չէ գործնականում իր վրա կրել գյուղաշխարհի սոցիալական վերափոխումների ամբողջ ծանրությունը: Բացի դրանից, մարքսիստական «Թեորետիկ» խմբակի պարապմունքներին հաճախելը, շրջափոխել էր նրա համոզումները և նա արդեն զարմանալի հստակութեամբ էր պատկերացնում առաջադիմութեան մեջ «բարոյական ֆակտորի» երկրորդակարգ նշանակությունը: Հանդիպելով գաղափարական իր ընկերներից մեկին, Հարումյանը խոր վերլուծության է ենթարկում իր իսկ գործունեությունը:

«...Ինձ թվում է,— ասում էր նա,— որ իմ գործունեությունը ընթացել է սխալ ճանապարհով: Նա արձագանք չի տվել գյուղի ժամանակակից պահանջներին»³³:

32 Ա. Աղեկյան, Երկերի ժողովածու, էջ 171—172:

33 Նույն տեղում, էջ 177:

Որն է դրա պատճառը. Հարումյանի համար պարզվել է մի ճշմարտություն՝ բարոյագիտական խորհուրդներով չի կարելի «ազնվացնել ընկած բարքերը»: Ամբողջ ժամանակ նա մտածել Ե. գործել է այդ ամենի հիմնապատճառը մոռացած՝ մարդկանց տնտեսական դրությունը շրջանցելով: «Մեր առաջին ջանքը,— ասում է նա,— բարոյական ազնիվ բարքերը հաստատելու համար պիտի ուղղված լինի միտքը բարձրացնելու և գյուղի տնտեսական դրությունը դարգացնելու հույսին»³⁴:

Դեռ 60-ական թվականներին Մ. Նալբանդյանը իր կուսակիցներին հանձնարարում էր երկրագործության փրկիստփայությունը՝ տնտեսական մատերիալիզմի որոշ սկզբունքներին հենված: Նարոզնիկական լուսավորական շարժումը, իհարկե, չէր շրջանցում «հացի խնդիրը»: Բայց դրա լուծման ուղիներից ամենանպատակահարմարը դիտում էր քարոզչական-բացատրական աշխատանքը և վարժապետական գործունեությունը: Կուսավորել մարդկանց մտքերը, ցրել տալ խավարը, մաքառել տգիտություն դեմ, պատրաստել ապագայի լուսավոր սերունդ,— ահա ծրագրային առաջադրանքներից ամենահիմնականը: Ամբողջ 70—80-ական թվականներին նարոզնիկական լուսավորչությունը շեփորում էր «փրկություն» այդ ծրագիրը: Կային, իհարկե, ողջախոհ գլուխներ և, ամենից առաջ Արծրունին էր, որ լուսավորական նորընթաց շարժման առաջադրություններում նշմարեց ժողովրդասիրական այդ «պրոգրամի» ամբողջ ումանաիկականությունը:

Հիմա արդեն, 90-ական թվականների վերջերին, Ադելյանը գնում էր Արծրունու տրամաբանության ուղիով, մասամբ միայն հետևելով գյուղի բուրժուական դարգացման հեռանկարները փայտփայտ ճրագրակախոսի սոցիալական կանխագծումներին: Ընդ որում, հասարակական վերափոխումների մեջ տնտեսական գործոնի առաջնայնությունն ընդունելով, Ադելյանը ավելի հակված էր պաշտպանելու Արասիանյանի գյուղաշինական ծրագիրը, գյուղատնտեսական դպրոցների և գյուղածնունդ գործիչների հետ կա-

34 Ա. Ադելյան, Երկերի ժողովածու, էջ 172—173:

պելով գյուղի ժամանակակից զարգացման բոլոր խնդիրների լուծումը:

Հարուձգանի ընկերը՝ Գարեգին Մուրադյանը, որ Եվրոպայում քաղաքատնտեսություն էր ուսանել և հիմա վերադառնալով հայրենիք, ճանապարհորդում էր գավառները՝ երկրի տնտեսական դրությունը և հարստությունները ուսումնասիրելու նպատակով, արտահայտում էր Աղեւյանի նոր համոզումները, երբ գյուղական վարժապետին բացատրում էր տնտեսական գործոնի նշանակությունը հասարակական զարգացման խնդիրներում. «...Ժամանակն է հասկանալու,— ասում էր նա,— որ լոկ մտքի զարգացումը, բարոյագիտական խրատները և գյուղացու ազիտություն դեմ խոսքով մաքառելը անկարող են ցանկալի դրություն առաջ բերել, անզոր են գյուղացուն բարեկարգ վիճակի մեջ դնելու: Տնտեսական հանգամանքները կազմում են կյանքի բազմաթիվ և խոշոր երեւոյթների հիմքը. դա մի միջնոլորտ է, որի փոփոխման շարժանք զգալուն է հասարակական կյանքի ծանրաշարիւր: Մի քանի քաղաքատնտեսներ նույնիսկ կյանքի ամբողջ էվոլյուցիան բացատրում են տնտեսական տեսակետից և տնտեսական հանգամանքներն են ընդունում իբրև առաջադիմության միակ ֆակտոր: Հենց դրա համար էլ գյուղական գործիչը,— ես, իհարկե, մասնավորեցնում եմ իմ ասելիքը,— իր ամբողջ եռանդը և ուժը պիտի գործադրե գլխավորապես տնտեսական կյանքի զարգացման օգտին»³⁵:

Այս դատողություններից պարզ երևում է, որ Աղեւյանը հաճախել էր «Թեորետիկի» պարապմունքներին և, ըստ երևույթին, մտադիր էր նարոդնիկական իր համոզումները թարմացնել և նորաձևել մարքսյան տնտեսական ուսմունքին համապատասխան:

Գարեգնի հետագա մտորումները բնորոշում են Աղեւյանի այդ շրջանի գյուղաշինական ծրագրերի ոգին և ուղղությունը: Զինվորադրվելով «Մուրճին», Աղեւյանը բավականաչափ ուշադիր հետևում էր Արասխանյանի ելույթներին և, պիտի ասենք, «Մուրճի» խմբագիրը նկատելիորեն ազդում էր մեր գյուղագրի հասարակա-

35 Ա. Աղեւյան, Երկերի ժողովածու, էջ 178:

կան նոր համոզումների ձևավորման վրա: Աղեկյանի հերոսը գրեթե բառացի կրկնում էր Արասխանյանի գյուղաշինական առաջադրույթյունները. «Դարձրիք ձեր ուսումնարանը ամենից առաջ գյուղատնտեսական դպրոց, — խորհուրդ էր տալիս Գարեգինը Հարումյանին, — և ես կարծում եմ, որ գյուղացին ուրախությամբ զոհ կբերե զրան իր ունեցած նյութական և բարոյական ուժերը. նա կտեսնե, որ այդ դպրոցը արգյունավետ է դարձնելու իր աշխատանքը, թեթևացնելու է նրա ապրուստն ու վիճակը, դարկ է տալու նրա նյութական միջոցների հարստության, — և ահա նույն սառն, անտարբեր և դպրոցի վրա իր ձեռքը թռթափած գյուղացին սերտ կապերով կմիանա գյուղական գործչի հետ:

Գյուղատնտեսական դպրոցը գյուղական նոր սերնդի մեջ մշակության նոր ձևերի, նորանոր ձեռնարկությունների պահանջ կառաջացնե. իսկ այդ ամենը կամաց-կամաց զարգանալով, դարկ կտա տնտեսական կյանքի բարվոքման: Հենց այդ տեսակետից որշափ լավ կլինեք, եթե որ մեր գյուղական գործիչները միևնույն ժամանակ լավ գյուղատնտեսներ լինեին»³⁶:

Ալ. Արասխանյանը «Գյուղատնտեսական ինտելիգենցիա» («Մուրճ», 1892, № 11, նաև 1899, № 9), «Կրթված գյուղացին» («Մուրճ», 1893, № 10), «Հայրիկը և գյուղատնտեսական ինտելիգենցիա» հոդվածներում բազմակողմանիորեն վերլուծում էր գյուղատնտես մասնագետների պատրաստման և գյուղում սրանց գործելու հեռանկարների հետ կապված խնդիրները: Արասխանյանի հրատարակախոսական ելույթները, ինչպես իր ժամանակին Արծրունու ելույթները, դառնում էին գրական ծրագիր ամսագրի շուրջ համախմբված գրողների համար: Աղեկյանը «Նոր հոգսի հետևից» պատկերում մեծ մասամբ ցուցադրում էր Արասխանյանի տեսակետները: Այն կարծիքը, թե գյուղական վարժապետը և քահանան ընդունակ չեն տեղաշարժել գյուղի սոցիալական վերաշինության բարդ և ծանր գործը, «Մուրճի» խմբագիրը հայտնել էր դեռ 1892 թվականին: Աղեկյանը հետագայում միայն կարողացավ կռահել այդ ճշմարտությունը և վերանայեց իր տեսակետները (հարկավ

36 Ա. Աղեկյան, Երկերի ժողովածու, էջ 178—179:

սոցիալ-դեմոկրատական ուսանողութեան հետ ունեցած իր կապերի շնորհիվ) նարոդնիկական լուսավորութեան գործնական հնարավորութեանների վերաբերյալ: Մեր գյուղագրին այժմ հրատարակում էր գյուղատնտեսական դպրոց հիմնադրելու գաղափարը: Ինչպես տեսանք, Արասխանյանը դրա հետ էր կապում իսկական աղքատի մտավորականություն ստեղծելու ողջ հեռանկարը: Գյուղատնտեսական դպրոցը իդեալական գունագեղություն էր ձեռք բերում դորշ այն ֆոնի վրա, որ ձևացնում էին գյուղաշխարհի հեռավոր ու խուլ անկյունները: Կրթված, հողը և գյուղացուն ճանաչող գյուղատնտես մասնագետը կարող է հրաշքներ գործել գյուղում: Արասխանյանը աչքի առաջ ուներ մի այնպիսի ֆերմեր-գյուղատնտեսի, որսլիսին էր Հովհաննես Խոջա-էյնաթյանցը: «Մուրճի» այս թղթակիցը աշխատում էր դավաում, ուներ խոշոր տնտեսություն և վարում էր փորձնական աշխատանքներ: 1897—1898 թթ. «Մուրճում» տպագրած «Գյուղական ցավեր» ընդարձակ հոդվածաշարում, Խոջա-էյնաթյանցը ի շարս այլ առաջարկությունների ու գործնական խորհուրդների, հանձնարարում էր գյուղական գործիչներին «յուրաքանչյուր նահանգի մի հարմարավոր կենտրոնում» միջնակարգ գյուղատնտեսական ուսումնարան բանալ, այդ գործում ներգրավելով կալվածատերերին ու դրամատերերին³⁷: Հայկական այս էնգելհարզը աշխատելով ու ապրելով գյուղում, շարժանք լավ էր ճանաչում գյուղական տնտեսությունը, սրա դարգացման այսօրն ու վաղը: Նա այն իդեալիստներից չէր, որոնք գյուղին նվիրվելու պատրաստակամությամբ միայն փորձում էին ավարտած համարել իրենց միսիան: Նվիրումը պետք է ունենա ամենից առաջ գյուղացիության դրությունը և երկրում հողային հարաբերությունները հաշվառող ծրագիր-նպատակ, որն իր հերթին կարող է դեմ առնել ժամանակի ու գործնականի բազմաթիվ անպատեհություններին: Ուրեմն, գյուղական գործիչը առաջին հերթին պետք է լինի գործարար-արտադրող, ֆերմերի կամ, լավագույն դեպքում, փորձագետ-գյուղատնտեսի նման մի բան, որ սլիսզի կարողանա ժամանակին և ճիշտ կոհակ տնտեսական դար-

37 «Մուրճ», 1898, № 2, էջ 261:

գացման ուղիները հետ կապվող դժվարությունները, գործնականում և արագորեն օգտակար լինի գյուղացուն, կաղմակերպի ինքնօգնությունը գյուղական մասսայի, հիմնադրելով հացահատիկի հանրային շտեմարաններ, փոխատու բանկեր և այլն, և այլն: Խոջա-էյնաթյանցը շափազանց լավ դիտեր գավառը և գյուղացու հոգսերը: Նա ո՛չ իղեալիստ էր և ո՛չ էլ մեծահարուստ-երազող: Ամեն ինչ փորձում էր լուծել կարգի և օրինապահության սահմանում, և նրա առաջարկներն էլ արդեն աչքի էին ընկնում օրենքն ու մարդկանց դասային շահերը խորապես հարգող գավառական սեփորմատորի շափավոր անկեղծությամբ:

Գյուղատնտեսական գարոցի պահանջը՝ որպես գյուղական իրականությունը վերափոխելու ամենահարմար ու գյուրին միջոցը, ի վերջո լծորդված էր գյուղատնտեսության բուրժուական զարգացման ուղիները պաշտպանող մտայնության հետ: Գյուղատնտեսական մեքենաների գործադրմամբ, զիտության (քիմիայի) օգնությամբ սակավահողության դժբախտաբեր հատեանքները կանխելու մարդկանց մտադրությունները մի այլ եզրով կապվում էին գյուղական տնտեսությունը՝ նահապետական-ավատական հարաբերությունների ուլորտից դուրս բերելու գործնական այն ջանքերի հետ, որ այդ պահին Խոջա-էյնաթյանցի նման մենատնտեսները և խոշոր կալվածատերերը գործադրում էին արևելահայ գավառներում:

Ադելյանը հետևում էր Արասխանյանի ուղեգծումներին ամենեին էլ ոչ պատահականորեն: 90-ական թվականների վերջերին արդեն նրա համար ոչ միայն պարզ էր հնօրյա նարոդնիկական առաջադրությունների ժամանակավրեպությունը, այլև, որ շափազանց հետաքրքրական է, զրանց հետահայաց բնույթը:

1900-ին «Մուրճում» տպագրված «Հասարակական խանութներ» հոդվածում գրողը կրկին շեշտում էր ժողովրդական բարեկեցության և ներդաշնակ հարաբերությունների ստեղծման գործում «տնտեսականի ահազին դերը»: Նույնիսկ սոցիոլոգների «մի որոշ շկոլա», — ասում էր գյուղագիրը, — «պատճառների պատճառ» է ընդունում «տնտեսական ֆակտորը»: Ադելյանը, իհարկե, համաձայն չէ սրա հետ: Դա, անշուշտ, ծայրահեղություն է, — դիտում

էր նա, — բայց դարձյալ ու վերստին ընդգծում էր հասարակական կյանքում տնտեսականի մեծ կարևորությունը³⁸: Այս մտայնության զիրքերից մոտենալով գյուղի պակասությունների խնդրին, գրողը քննադատության կրակի տակ էր առնում գավառական թղթակիցներին, նարոզնիկ բարենորոգիչներին ու գրողներին: Փոխանակ սրոնելու «այն պատմական-տնտեսական հանգամանքները», որոնք գյուղացու թշվառ դրության պատճառներն են, սրանք գյուղացուն են մեղադրում գյուղի պակասությունների համար. «...Խսկ սրան հաջորդում է մեղանում գոյություն ունեցող մի շկոլայի, դժբախտաբար մինչ այժմս էլ ապրող այդ հին շկոլայի սովորական ֆրադյորությունն ու ճոռոմաբանությունը. «Բավական է որքան ազետ մնացինք, — մի առանձին պափոսով ասում են այդ թըղթակիցները, — պետք է լուսավորվել, պետք է համերաշխ լինել. մարդ զղվում է և նույնիսկ ցավում, երբ գյուղացիք իրանց տղիտության ու կուրության շնորհիվ ապրում են ցածր, մութ, խոնավ և կեղտոտ խրճիթներում, ապրում տավարի նման, բարոյապես ընկած են և այլն, և այլն»: Մի շարք այսպիսի կիսաբուրժուական մրմունջներ... Ժամանակն է թողնել այդ ձանձրալի, ականջ ծակող և զահլա տարած բարոյախոսությունը»³⁹:

Ադելյանը մոռացել էր, անշուշտ, որ տարիներ առաջ իր գրական երախայրիքում ինքն առաջնորդվել էր հենց այդ «զահլա տարած» բարոյախոսությամբ և լուսավորության ու համերաշխության իր քարոզով փորձել էր հաղթահարել մարդկանց եսակենտրոն հոգեբանությունն ու մտայնությունը: Այժմ նրա հայացքը կանգ էր առնում իսկապես որ զլխավոր խնդրի վրա. «Գյուղացին իր ցավներում մեղավոր չէ, — գրում էր նա, — դոցա հիմքը որոնեցեք պատմական-տնտեսական այն հանգամանքների մեջ, որոնց բարդ կապի շնորհիվ նորք այդ թշվառ դրությանն են մատնվել»⁴⁰: Եվ որպես փրկության ելք ու գործնական ուղի առաջադրում էր հնարավորություն տալ գյուղացուն ընթանալու «քաղաքակիրթ ժո-

38 «Մուրճ», 1900, № 3, էջ 335:

39 Նույն տեղում, էջ 336:

40 Նույն տեղում:

ղովտորդների» զարգացման ճանապարհով: Մշակութային վերընթացի այն շառավիղն էր հանձնարարում բռնել, որ տանում էր գյուղացու տնտեսական դրուժյան բարձրացումը և հավասարակշռության ստեղծումը «նրա կյանքի ֆակտորների մեջ»⁴¹: Ընդ որում, մշակութային վերընթացը, հավանաբար, այլ բան չէր, բաց եթե գյուղատնտեսական դպրոցների, հասարակական խանութների, սպառողական կոոպերացիայի լայն ցանցի ստեղծումը պատահերում:

Հայ սոցառողական կոոպերացիայի պատմաբանը հավաստում է, որ 1899-ին Մեղրիում հիմնադրված սոցառողական ընկերության կազմակերպիչներից մեկն էր և Ադելյանը⁴²: Ըստ երևույթին, այդ դործի նախապատրաստմանը դրողը ձեռնամուխ էր եղել դեռ 1895—1896 թ.: Ռիգա մեկնելուց հետո էլ նա շարունակում էր նամակագրական կապը կոոպերացիայի ղեկավարների հետ, խորհուրդներ էր տալիս, անհրաժեշտ գրականութուն ուղարկում:

Կապիտալիստական հասարակության պայմաններում կոոպերացիայի ստեղծումը, անշուշտ, լծորդված էր աշխատավորության դրուժյան բարելավման գործնական այն հոգսերի հետ, որոնց հաշվառմամբ էլ շահագրգռված էին բուրժուական հումանիզմի այնպիսի գաղափարախոսներ, ինչպիսիք էին՝ Շուլցե Դելիչն ու Ռաջֆելդենը: Բանվորական ու գյուղացիական վարկային ընկերությունների կազմակերպումը ինքնօգնության այն եղանակներից մեկն էր, որի երևան դալը կապված էր բուրժուական-տրեստեսական հարաբերությունների հարաճուն վերելքի հետ: Բուրժուական սոցիալիստները աշխատավորների խնայողությունների միջոցով ծրագրում էին հասնել նրանց տնտեսական դրուժյան բարելավմանը: Կոոպերացիան ապրանքափոխանակության և վարկային շրջանառության կապիտալիստական եղանակի տարերքն ուներ իր մեջ: Այդ պատճառով տնտեսական այս ընկերությունների ապագան ոչ միայն չէր կարող ապահով լինել, այլև ըստ

41 «Մուրճ», 1900, № 3, էջ 336—337:

42 Կ. Պ. Կառազյան, Սոցառողական կոոպերացիայի ծագումն ու զարգացումը Հայաստանում, Երևան, 1957, էջ 7, 106:

կության պիտի դեմ առներ իրենց իսկ ներսում զարգացող հակասությունների կործանիչ ուժին:

Դեռ 1873 թ. Արծրունին Ռայֆեյզլենի օրինակով «Մշակում» հրատարակեց գյուղական փոխատու բանկի օրինակելի կանոնադրությունը, աչքի առաջ ունենալով գյուղացիության օրավուր խորացող շերտավորումը և աղքատացումը: Արասխանյանը 90-ական թվականներին փորձեց կազմակերպել բանվորների կոոպերատիվ մի ընկերութուն «Մուրճ» անունով: Մեղրիում Ադելյանի հիմնադրած կոոպերատիվ ընկերությունը հետապնդում էր վաշխառության և շարչի-մանրավաճառների դեմ պայքարի նպատակներ: Կոոպերատիվ ընկերություններ են հիմնվում Երևանում, էջմիածնում, Զարիսեջում, Ղամարլուում և այլուր:

1890-ական թվականների վերջերից ծավալված կոոպերատիվ շարժումը, այնուամենայնիվ, լայն արմատներ չձգեց հայ իրականության մեջ: Գյուղի բուրժուականացման դանդաղընթաց պրոցեսը սրում էր հակասությունները կոոպերացիայի ներսում և տանում դեպի ընկերությունների կազմալուծումը: Կ. Կարազյանը Բաքվում լույս տեսնող «Շեփոր» հանդեսից բերում է այսպիսի մի օրինակ. Ղազախի շրջանի Բաշքենդ գյուղում կազմակերպված հասարակական խանութի գլուխ են անցնում երկու վաշխառու: Երբ ընկերությունը հաշիվ է պահանջում, սրանք պատասխանում են. «— Արա էյ, ի՞նչ հասարակական խանութ, ի՞նչ ընկերություն, ի՞նչ եք ասում. հասարակությունը մեզ փող է տվել, մենք էլ նրա տված գումարը մաս-մաս կվերադարձնենք»⁴³:

Կոոպերացիան իր դեմ էր հանում գյուղական վաշխառուներին և առևտրականներին: Սրանց նյութած դավերը, ճիշտ է, միշտ չէ, որ պսակվում էին հաջողությամբ, բայց վաշխառուները և խանութպանները հաճախ իրենք էին անդամագրվում ընկերությանը և այդ դեպքում անհրաժեշտ էր լինում առյուծի բաժինը հանել այն մարդկանց, որոնց դեմ, որպես թե, ուղղված էր կոոպերացիայի գործունեությունը:

43 Կ. Պ. Կարազյան, Սպառողական կոոպերացիայի ծագումն ու զարգացումը Հայաստանում, Երևան, 1957, էջ 68:

Ադելյանի համակրանքը և օգնությունը շահած Մեղրու կոտորեցիան, այնուամենայնիվ, մի նշանավոր ձեռնարկում էր: Երբ Ռիզայում գրողը քաղաքատնտեսության իրենց պրոֆեսորին հայտնում է, թե իր հայրենի գյուղում աշխատում են կոտորատիվ ընկերություն կազմակերպել, հիացած ու զարմացած պրոֆեսորը բացականշում է. «Боже мой», այս ի՞նչ ևմ լսում, մինչ մենք կարծում ենք, որ Կովկասը հետամնաց երկիր է»⁴⁴:

Պաշտպանելով կոտորացիայի գաղափարը և աջակցելով յուրայինների ձեռնարկումներին, Ադելյանը գործում էր իր նոր հայացքներին համապատասխան: Վերափոխել գյուղացու տնտեսական դրությունը — ա՛հա ժողովրդասեր գործչի կարևորագույն միսիան: Եվ քանի որ կար կանխագրույթը՝ տնտեսականն է որոշում բարոյականը, գրողը աշխատում էր առայժմ սահմանափակվել հնարավոր և իրագործելի այն գործնական-ծրագրային խնդիրների լուծմամբ, որոնք գյուղացու տնտեսական բարօրությանն էին ուղղված: «Նոր հոգսի հետևից» պատկերի հերոսը՝ Հարումյանը վճռում է թողնել գյուղը, գնալ Թիֆլիս և այնտեղից էլ գուցե մի այլ տեղ՝ գյուղատնտեսական դպրոցի կազմակերպման հարցը գլուխ բերելու համար:

Նույն 1897-ին Ադելյանը «Մուրճին» է հանձնում «Դառը խոստովանանք» (Ճանապարհորդի հիշողություններից) պատմվածքը: Միմյանց լրացնող և միմյանց շարունակությունը կազմող այս երկու գրվածքներն էլ բանավիճալին-ընդդիմախոսական բնույթ ունեին և պարզում էին Ադելյանի նարոդնիկական հայացքների բարեշրջումը: Պատմվածքում, կարծես նկատի առնելով «Նոր հոգսի հետևից» պատկերի հավանական ընդդիմախոսներին, Ադելյանը փորձում էր բացատրել ու ներկայացնել գյուղագնաց մտավորականության առաջ ծառայած դժվարությունների ու արգելքների հաղթահարման բարոյա-հոգեբանական ամբողջ բարդությունը:

Սուրեն Մորմորյանը, մասնագիտությամբ գյուղատնտես, հա-

44 Կ. Պ. Կաբալյան, Սպառողական կոտորացիայի ծագումն ու զարգացումը Հայաստանում, Երևան, 1957, էջ 103, նաև Ս. Գանիեյլյան, Ազարիա Ադելյան, Երևան, 1964, էջ 138:

մալսարանավարտ այն երիտասարդներից մեկն է, որ մեկ տասնամյակ առաջ բարձրագույն կրթութունն ձեռք բերելով վճռել էր նվիրվել գյուղին ու գյուղացու ցավերին: Շատերի նման ոգևորված էն Տոլստոյի, Գլեբ Ուսպենսկու, Զլատովրատսկու՝ «նարողնիկների այդ երեք հսկաների» քարոզած գաղափարներով և հետևելով «մուժիկին ծառայելու» նրանց հրավերին, Մորմոքյանը կնոջ և երեխայի հետ մեկնում է գյուղ:

Տխրությամբ է ընդունում հայրը համալսարանավարտ որդուն: Մերունին մտքովն անգամ չէր անցկացրել, որ Սուրենը «գյուղացիներին ծառայելու» արտառոց որոշմամբ, կթողնի քաղաքը, «չաղ պաշտոնները», անձնական հարմարավետությունն ու երջանկությունը և կզա գյուղ: Այնուամենայնիվ եղածը եղած էր և հիմա անհրաժեշտ էր մտածել որդու աշխատանքի ու ապրուստի մասին: Տանը ապրում էր Սուրենի մեծ եղբայրը՝ կնոջ ու մանկահասակ երեխաների հետ. քնելու ու շարժվելու տեղ չկար:

Սուրենը համաձայն էր տանել այդ առաջին դժվարությունները, բայց ինչպե՞ս հանդարտեցնել քաղաքում ծնված ու մեծացած կնոջը, որ գյուղում ոչ մի զբաղում չուներ և ձանձրանում ու նեղվում էր անիմաստ այդ քավարանում: «...Հրանուշի կրթությունը, — մի օր էլ համբերահատ ասում է կինը, — իմացիր, որ շատ բանից բարձր է ինձ համար... Թող գյուղական կյանքի զարգացումը զնա ինքն իրան, արտաքին հանգամանքների, կյանքի ամբողջ մեխանիզմի ընդհանուր շարժումների հրոցներից, իսկ դու ոչինչ չես կարող անել գյուղացուց համար... Ինչո՞ւ իզուր տեղից զբրկանքների ես ենթարկում թե ինձ, թե քեզ, և թե այս նորածին հոգուն: Գյուղը մեր տունը չէ...»⁴⁵: Մորմոքյանի կինը դատում էր միանգամայն ուսուցիչներին. իրոք, քաղաքաբնակ աղջկա համար անհասկանալի էր գաղափարապաշտ ամուսնու համառությունը: Ի վերջո Սուրենը շոշափելի ոչ մի օգուտ չէր տվել գյուղացիներին. գյուղատնտեսի նրա գիտելիքներն ու փորձը զարնվում էին դրանց Կործաղբման համար անհրաժեշտ պայմանների բացակայությամբ: Բնագիտական տարրական զրույցները, վեպերի ընթերցանու-

45 Ա. Աղելյան, Երկերի ժողովածու, էջ 196:

Թյունը գյուղական ամբոխին չէին կարող նկատելիորեն տեղաշարժել, քանզի նրա հոգան ու կարիքը դրանից չէր թեթևանում, թեկուզ օգտակար էին քարողչական այդ վարժանքները: Սուրենը ինքն է խոստովանում, որ գյուղացուն տված իր հողագործական խորհուրդները «մեծ արժեք չունեին ինքնըստինքյան», որովհետև հողի աշխատավորը «փորձով համարյա ամեն ինչ ձևուք էր բերել»: Գյուղատնտեսական մեքենաներ բերելու Մորմոքյանի առաջարկին գյուղացիներից մեկը պատասխանում է.

— Մաշինը, որ բերել տվեինք, էլ մեզ ի՞նչ է մնում անելու...

— Պարզ տեսա, — խոստովանում է Մորմոքյանը, — որ մասնագիտությանս գործադրության համար չկա պահանջների միջավայր: Զկա տնտեսական խոշոր ձեռնարկությունների ասպարեզ: Համայնական աչքի ընկնող գործեր ևս չկային ...մնում էր աշակերտներ ժողովել և պարապել հետները»⁴⁶: Բայց սա նշանակում էր հրաժարվել բուն խնդրից՝ գյուղացու տնտեսական դրությունը փոխելու մտքից, և, ուրեմն, ջուրն էին ընկնում ժողովրդասեր գործչի ծրագրերն ու նպատակները: Մորմոքյանն արդեն կարծես հասկանում էր, որ պարտադիր է նահանջի ճանապարհը: Տունը, որ շինել էին այդ ընթացքում, մի մեծ պարտք էր գոյացրել: Գյուղական գրագրի նրա աշխատավարձը բավական չէր նույնիսկ օրընթաց ծախսերի համար: Մորմոքյանի կինը իրավացի էր դուրս գալիս: Թող գյուղական կյանքի դարգացումը ընթանա ինքն իրեն. զոհողությունները անիմաստ են և, բացի դրանից, հարկավոր է ասրել, հոգալ ընտանիքի կարիքները, դուրս պրծնել վերահաս աղքատությունից: Սուրեն Մորմոքյանը թողնում է գյուղը... Հիմա նա Յալտայում զբաղվում է վաճառականությամբ:

Եվ այսպես, Ադելյանը նորովի հրապարակ էր հանում մի հին խնդիր և փորձում պատասխան տալ այն հարցին, թե, ի վերջո, ի՞նչն է որոշում գյուղում ժողովրդասեր առաքյալների գործունեության ապագան: Գծելով Սուրեն Մորմոքյանի կյանքի պատմությունը, գյուղագիրը կրկին հավաստում էր նարոդնիկական իր հավատամբը «եսական բոլոր պահանջներից ազատ և ինքնագոհ

46 Ա. Ադելյան, Երկերի ժողովածու, էջ 198:

դործչի» հասարականվեր գործունեության արդյունավետության նկատմամբ: Մորմոքյանը առաքյալի մի տիպար էր, որի դեմ ուղղված էր հենց Ադելյանի ղայրուլթը: Ազնիվ իր մտադրությունների մեջ, խանդավառ ու ումանտիկ այս առաքյալը, սակայն, օժտված էր մի թուլությամբ, որ և ձախողում է նրա ծրագրերի իրագործումը: Գյուղից ու գյուղական կյանքից շատ սպասելիքներ ուներ: Տարբերություն էր դնում իր և գյուղացու ապրուստի միջև, և բավականաչափ եսասեր էր՝ կյանքի հարվածները անմոռունջ տանելու համար: Այս է, որ Մորմոքյանին շեղում է իր ուղուց, վճռից, ծրագրից, մտադրություններից: Ինքը Մորմոքյանը շատ լավ է հասկանում դա. նրա աչքում, իրեն էլ հաշված, ժամանակակից մտավորականությունը ներկայացնում է որպես «շահամուսների մի ամբողջ դասակարգ»: «Ամենքը,— ասում է նա,— միմյանց առաջ աշխատում են ձեռնալ, թե գործ են կատարում ժողովրդի օգտին, ֆրագներով և կեղծ հոգատարությամբ միմյանց են խաբում, իսկ ներքուստ իրանց բաներն են դրստում, իրանց փորին, իրանց կաշվին են միայն ծառայում»⁴⁷:

Ներքին դրաման, որ ապրում է Մորմոքյանը լծորդված է անձնամոլությունը հաղթահարելու նրա անկարողության հետ: Գյուղում կատարած աշխատանքը համոզում է նրան, որ ժողովրդասեր գործիչը, եթե ուզում է որևէ արդյունքի հասնել, պետք է թողնի ամեն ինչ, վեր բարձրանա ինքն իրենից, նվիրվի համայնքին վերջնականապես և անմնացորդ, գաղափարի այն նահատակների նման, որոնց կյանքը ապագայի մեջ է, բայց ոչ երբեք ներկայի:

Ադելյանը ուրվագծում էր Մորմոքյանի կերպարը բնավ էլ չբաժանելով նարոդնիկական շարժման հեգնոտ ու բացասող այն քրննադատությունը, որ բերում էր Մուրացյանը: «Նոյի ազուավը» պատմվածքում գյուղից ելած մտավորականության բարոյական դեմքն էր խարազանում հանրաճանաչ գրողը՝ առանց նվազագույն իսկ պատրանքի համալսարանավարտ երիտասարդության նկատմամբ: Նրա պատկերացմամբ փանաքի ու եսամոլ այդ տղաները

47 Ա. Ադելյան, Երկերի ժողովածու, էջ 187:

ընդունակ էին միայն վաղել հարստութեան ու հարմարավետութեան հետեից, ապահովել իրենց, երջանկանալ՝ ծնողներին մոռանալով և բախտավորվել՝ ուրիշի դժբախտութեան հաշվին:

Մորմոքեանի կերպարում Ադելյանը զնում էր բուրրովին այլ գծեր. պարզապէս սա անուժ է իր գործողութեանների մեջ. ինքնաազատագրման մոլեգին կիրքը դեռևս չէր ճարակել նրա հոգին: Վատաբախտ ու տխուր, նա դեղերում էր ծովափնյա քաղաքներում՝ ժողովրդասեր նախկին գործչի թախիժը, վիշտը, տառապանքն ու անզորութիւնը հետն առած: Չէր կորցրել հավատը այն մարդկանց հանդէպ, որոնք կարող էին ավելի ուժեղ գտնվել, ավելի ճիշտ և հեռուն նայել, զնալ ինքնազոհաբերման՝ վերագարձի բուլոր կամուրջներն այրելով, բարձրանալ իրենցից այնպէս, որ եսամոլութիւնը ինքնասպան լիներ արդեն կես ճանապարհին: Խոր հավատով Մորմոքեանը դիմում էր գյուղ մեկնող երիտասարդութեանը. «Չափավորեցեք ձեր եսասիրական պահանջները, կոնֆորտի ետեից մի՛ ընկեք, սովորեցեք գյուղացու նման ապրել, նրա նիստն ու կացը ունենալ և ես կհավատամ, որ դուք կիրագործեք ձեր ասածները»: Այսպէս էր պատկերացնում գոնե այժմ ժողովրդասեր առաքյալների գործունեութեան կերպարները նաև Ադելյանը: Գյուղատնտեսական դպրոցների, հասարակական խանութներին, մշակութային-կրթական հիմնարկների լայն ցանցի օգնութեամբ գյուղը վերափոխելու ծրագիրը կարող էր ծրագիր էլ մնալ, որչափ հրապարակում բացակայում էին գործարար այն մարդիկ, որոնք օժտված էին ինքնազոհաբերումի մեծ պատրաստակամութեամբ: Ահա թե ինչու՞ Ադելյանի համար կարևոր ու առաջնակարգ նշանակութիւն էր ձեռք բերում ժողովրդանվեր գործչի իդեալական տիպարի գծագրումը կամ գոնե դրա մոտավոր որպիսութեան արձանագրումը:

1895 թ. «Ներհակ Առաքելից» անմիջապէս հետո, Ադելյանը հրատարակում է «Նրա ցավը» պատմվածքը, այս անգամ քննութեան առարկա դարձնելով գյուղական իրականութիւնը բզկտող սոցիալական հակասութիւնների խնդիրը: Ընդ որում, այստեղ էլ, ինչպէս նախորդ պատմվածքում, ակնառու է ռուս նարդինիական բեկետրիստիկայի, մասնավորապէս Գ. Ուսպենսկու գաղա-

վարական ազգեցությունը: Աղելյանն օգտագործում էր ոչ միայն նարոզնիկական պատմվածքի տրաֆարետը՝ հողազուրկ գյուղացի, որ թողնում է գյուղը, քաղաքում որոնելով ընտանիքը փրկելու նյութական միջոցներ, այլև փորձում էր Ուսպենսկու նման բացատրել գյուղացիության քայքայման, պանդխտության ու սակավահողության սոցիալական պատճառները:

Նարոզնիկական գաղափարներով տարված և Գ. Ուսպենսկու երկասիրություններն ուսումնասիրող մի երիտասարդ ուսանող հանդիպում է գյուղից քաղաք պանդխտած ծերունի Սահակ ապուրը: Համակ վիշտ, թախիծ ու մտահոգություն էր դրոշմված սրա դեմքին: Սահակ ապերը մեկն էր այն պանդուխտներից, որ թուզել էր հայրենի գյուղը, եկել քաղաք՝ պարտքի տակ ընկած վերջին հողակտորը փրկելու հույսով:

Իսկ ի՞նչ էր պատահել: Բաղմանդամ ընտանիքի հայր էր Սահակ ապերը, բավական կարողության տեր: «Երկու արտ ուներ, խաղողի մեծ այգի, բամբակի մի փոքրիկ ճութ»: Առաջինը բնությունը անխիղճ դտնվեց. հեղեղը սրբեց տարավ սարալանջի ամենամեծ արտը: Ապրուստը դժվարացավ: Յորենի, յուղի, բրնձի, հաղուստի համար փող էր հարկավոր: Երկրորդ հարվածը տվեց վաշխառուն: Հարյուրին քսանհինգ ուրբով պարտք էր վերցրել— արտերից մեկն էլ դրա դիմաց գնաց: Ծար չկար այլևս: Տղաներին օտարության է ուղարկում, ինքն էլ գործի անցնում, բայց պարտքի ծայրը դեռ չէր երևում: Պարտատերը ամեն անգամ պատահելիս ծիծաղելով ասում էր. «Սահակ ապեր, դե այգին ու ճութը տուր, հաշիվներս վերջացնենք»: Սահակ ապերը ինքն էլ էր ծիծաղում, ձևացնում էր, թե չի հասկանում պարտատիրոջ մտադրությունը, բայց սիրտը կտոր-կտոր էր լինում: Հարյուր հիսուն ուրբի էր մնացել: Պետք էր ամեն ինչ անել փրկելու հողի այդ վերջին պատառը, տան միակ հույսն ու ապավենը: Աղելյանը, Ուսպենսկուց ազդվելով, Սահակ ապոր հողասիրական կրքի մեջ դնում էր զարմանալի գունեղ շեշտեր: Գյուղացու մտավոր ու բարոյական ամբողջ աշխարհի կազմակերպիչը հողն է: Հողը նրա վրա վիթխարի իշխանություն ունի: Հողասիրությունը ոչ թե պատճառ է, այլ հետևանք դարավոր այն մտերմության, որ ստեղծվել

է մարդու և հողի միջև: Ամեն ինչ՝ անձնական երջանկությունը, հոգեկան անդորրը կամ խռովքը, բախտը, ճակատագիրը ձուլված են հողին, բխում են նրանից, ինչպես որ կյանքը անցնում-դառնում է հողի հետ գյուղացու ունեցած հարաբերության միջով:

Սահակ ապերը կանխազգում էր մոտալուտ դժբախտությունը: Այդ էլ հենց նրա մեջ հարուցում էր անճար և կործանվող գյուղացու ողբերգական զգացումներ: Զրկվել հողից՝ նշանակում էր ամեն ինչ կորցնել: Կամ պետք էր գնալ կամուրջից գետը նետվել, կամ համիտյան գյուղը թողնել: Իսկ այս վերջինը կործանման ստույգ ճանապարհն էր: Մնում էր միայն մի ելք՝ ինչ գնով էլ լինի ազատվել պարտքից: Հողից պետք է «պինդ բռնեի», — ասում է Սահակ ապերը. — «նա չէր թողնում, որ հույսս կտրվի, նա էր ինձ սիրտ ու մխիթարություն տվողը: Առանց նրան ցամաք ընկած ձուկի նման կլինեի: Հենց ամեն մի գյուղացի էլ առանց հողի էրպես մի բան է: Որ էդ հողից էլ զրկվեի, էլ ես կորած էի: Հարկավոր էր ուրեմն մի կերպ ազատեի այգիս պարտատիրոջ մոտեցող ճանկերից»⁴⁸: Մտածողության ու դատողության այս եղանակի մեջ անհնար է շնչմարել Ուսպենսկուց եկող ազդեցության հետքերը: Գյուղացին իր գոյությունը չի պատկերացնում առանց հողի: Հողը, կարծես, կենդանի մի ուժ է, օժտված բանականությամբ և զգացմունքով: Նա գյուղացու հետ է և գյուղացին նրա շնորհիվ է, որ լցնում է իր կյանքը, պատճառաբանում իր գոյությունը, մտածում, աշխատում, ուրախանում, տրտմում: Առանց հողի գյուղացին նման է «ցամաքն ընկած ձուկի»․ առջևումը մահն է, կործանումը, ոչնչացումը: «Պոկեցեք գյուղացուն հողից, — գրում էր Ուսպենսկին, — այն հոգս ու ջանքից, որ նա թափում է գրա վրա, այն շահախնդրություններից, որով հողը հուզում է գյուղացուն, հասեք այն բանին, որ նա մոռանա իր «գյուղացիությունը», և չի լինի այդ ժողովուրդը, չի լինի ժողովրդական աշխարհայեցությունը, չի լինի ջերմությունը, որ հոսում է նրանից: Կմնա մարդկային դատարկ օրգանիզմի դատարկ ապարատը»⁴⁹:

48 Ա. Ադելյան, Երկերի ժողովածու, Երևան, 1950, էջ 76:

49 «Сочинения Глеба Успенского», т. II, С.-Петербург, 1889, стр. 605.

Աղելյանի գյուղացին քաղաքում շնչահեղձվում է, մոտ է արդեն նրա կործանումը: Բավական է, որ ստանա բոթաբեր լուրը իր վերջին հողակտորի հափշտակության մասին, և ահա կաթվածը պետնահարում է նրան: Քաղաքում Սահակ ապերը կարողանում էր դիմանալ պարզ այն պատճառով, որ թեև սեփական հողից հեռու, այնուամենայնիվ, հողը դեռևս կար, հողը դեռ ապրում էր նրա դիտակցության մեջ և չէր փակված վերադարձի ճամփան: Հողի կորուստը՝ կորուստն էր և նրա անձնական-անհատական գոյության: «Մարդկային դատարկ օրգանիզմի դատարկ ապարատը» կաթվածից հետո մի քանի օր էլ է մնում և ապա հանգչում է:

Աղղեցյությունը աղղեցություն, բայց արդյո՞ք Աղելյանը օգտւելում էր Ուսպենսկուց միմիայն անձնական համակրանքից ելնելով, թե՞ հողի և գյուղացու այդօրինակ կապվածությունը, գյուղական կյանքը տեղաշարժող իրական ու կարևոր մի օրինաչափություն էր, որ գործում էր նրա աչքի առաջ և հայտնի էր գյուղաշխարհի կենսափորձով: Անշուշտ Աղելյանի կողմնորոշումներում մշտական զեր է կատարել հայրենի ու շրջակա գյուղերի իրավական-տնտեսական վիճակի հանապազօրյա ընկալումը: Նա սեփական աչքով էր տեսել սակավահողության աղետաբեր հետևանքները, նա տեղյակ էր նորահայտ հողային վաշխառության գործունեությանը: Հենց նույն պատմվածքում Աղելյանի գյուղացին վաշխառուների մասին ասում է. «Շատերը հենց փող էին տալիս, որ վերջը հող դցեն ձեռքերը»⁵⁰: Ինքը Սահակ ապերը զոհն է ինտելիգենտ կոչված այն դիմակավոր գալլերի, որոնք «մարդիկ են խեղդում և արշուն ծծում»: Գյուղական իրականությունն արդեն հաստատում էր Ուսպենսկու խորհրդածությունների իրավացիությունը: Դրա համար էլ գյուղագիրը առանձնակի ուշադրությամբ էր մոտենում Ուսպենսկու աշխարհայացքին: Կյանքի փաստերը, դառը իրականությունը, գյուղաշխարհի ժամանակակից հարաբերությունները գալիս էին հավաստելու, որ, ի վերջո, ամեն ինչ և՛ գյուղացու անձնական երջանկությունը, և՛ դժբախտությունը, և՛ ճակատագիրը, և՛ խոհերն ու մտորումները կենտրոնացած

50 Ա. Աղելյան, Երկերի ժողովածու, էջ 75:

են հողի շուրջ, և որ հողը, ասես, ձեռք է բերում գերագույն ուժի նշանակություն: Ասում ենք՝ ասես, որովհետև և՛ Ուսպենսկին, և՛ սրա հայ հետևորդը, նարոդնիկությունն ընդհանրապես, հարցն այնպես էին պատկերացնում, թե հողի հետ գյուղացու հարաբերությունը կանխորոշված է նրանց միջև եղած սոսկական գործնական հարաբերություններով միայն և, որ այդ պատճառով, հողն ու գյուղացին, կամ, ինչպես ասում էր Ուսպենսկին՝ «հողագործական աշխատանքի պայմանները», ի վերջո հարվածներ են ստանում գրսից, բայց ոչ ամենևին ներսից, այսինքն նրանց ներդաշնակությունը կարող է խախտվել միայն հողի հանդեպ գիշառչական, զավթողական նկրտումներից՝ որ հարուստների ու վաշխառուների բարոյականությունն է, բայց ոչ երբեք ճակատի քրտինքով իր հացը վաստակող և հարուստ անտեսություն ստեղծած գյուղացու գործունեությունից. «Հարուստներ միշտ էլ եղել են գյուղում, — գրում էր Ուսպենսկին, — բայց ես հարցնում եմ, ինչո՞ւ և ինչպե՞ս կարող էր հարստանալ հողագործ-գյուղացին, կամ ինչո՞ւ և ինչի՞ց կարող էր նա ազբատանալ: Միայն հողով, միայն հողի օգնությամբ: Նա մեղավոր չէ, որ հողը նրան բերք է տալիս, իսկ հարևանին ոչ. մեղավոր չէ, որ ինքը ուժեղ է, խելոք է, որ իր ընտանիքը քաջակորով է և աշխատասեր, որ իր խիղանը լուսաբացից շուտ է վեր կենում և այլն: Այստեղ է երջանկությունը, տաղանդը, հաջողությունը, բայց միայն հողագործական երջանկությունը, տաղանդն ու հաջողությունը, ճիշտ այնպես, ինչպես որ նրա հարևանին բաժին է ընկել հողագործական անհաջողությունը, հողագործության մեջ ներդրվող ուժերի բացակայությունը, ընտանիքի համերաշխությունը բացակայությունը, որ անհրաժեշտ է հողագործության համար»⁵¹:

Ճակատի քրտինքով հարստացած իր հարևանի հանդեպ գյուղացին նախանձի կամ ատելության ոչ մի զգացում չի ապրում. նա այդ ընդունում է որպես իրերի կարգ, սահմանված օրենք, արդարություն: Մինչդեռ այն գյուղացին, որ կապ չունի հողի ու հողագործական աշխատանքի հետ և հարստանում է, գյուղական

⁵¹ «Сочинения Глеба Успенского», т. II, С.-Петербург, 1889, стр. 612.

բաղմուծյան մեջ շահում է խոր թշնամանք և արդահատանք մի-
այն: Ուսպենսկին և նարոդնիկները անգիտանում էին այն փաս-
տը, որ գյուղացու և հողի հարաբերությունը ո՛չ միայն և ո՛չ այն-
քան բնապատմական իրողությունն է, որքան սոցիալական և, որ
այդ պատճառով գլխավոր սկզբունքը՝ հալալ վաստակի սկզբունքը,
մասնավոր սեփականության սկզբունքն է և, հետևաբար, ժամա-
նակակից գյուղում հարստանալու աշխատանքային այդ եղանակը
չի կարող շփոթվել իր հակադրությանը, այսինքն չվերածվել շա-
հագործման աղբյուրի, շղառնալ ի վերջո համայնքը քայքայող
տնտեսական դործոններից մեկը:

Նարոդնիկական երկրագործական աշխարհայացքը սահում
էր տնտեսական երևույթների մակերեսի վրայով: Հողային հարա-
բերությունների սոցիալական ընդերքը նրանք երբեք չէին հեռա-
խուզում, նրանց առաջ փակ էր գյուղացիական ապրուստի և
կյանքի հնավանդ հիմքերից այս կողմ ընկած տնտեսական իրո-
ղությունների հետադոտությունը: Հողի և հողագործական
աշխատանքի նարոդնիկական իդեալները հանգչում էին «հասա-
րակական ներդաշնակության» այն պատկերացումների վրա, որոնք
հետևանք էին գյուղական համայնքի և համայնական հարաբե-
րությունների իդեալականացման: Բիոլոգիական հողասիրության
ուսպենսկիական ամբողջ փիլիսոփայությունը ի վերջո բացա-
հայտում է գյուղական իրականության ներքին ու խոր հակասու-
թյունները շրջանցող հայացքի պարսապ գործունեությունը: Մյուս
կողմից՝ Ուսպենսկին և նրա հետևորդները գուշակում էին երկրա-
գործ գյուղացու դառնաղի ճակատագիրը և համոզված էին, որ
կտրվելով հողից, հողի աշխատավորը անպայման կգնա դեպի
կործանում՝ «քաղաքակրթության» (այսինքն կապիտալիզմի) հան-
դեպ աննահանջ և բացահայտ թշնամական հայացքի դրդամաք:
Հողի և գյուղացու դարավոր հարաբերությունն այնպես է, որ մայր
հողը թելադրում է գյուղացուն ամեն ինչ, տալիս է նրան իր ուժը,
բախտը, բերքը, բարիքը և միաժամանակ պահանջում նրանից
աշխատանք ու համբերություն: Մայր հողը գյուղացուն կապում
է իր հետ շատ հզոր մի ուժի օգնությամբ, ուժ, որ նույնիսկ ան-
ընդունակ է հաղթահարել Սվյատագորի պես հսկա դյուցազուներ:

Ուսպենսկին սիրում էր բերել Միկուլա Սեւյանինովիչի օրինակը՝ մայր հողի դերձանք ուժը փառաբանելու համար: Հենց սրա մեջ է,— ասում էր Ուսպենսկին,— թաքնված ժողովրդական կյանքի խոր իմաստը, իսկական էությունը. «Հողի ձգողական ուժը և իշխանությունը,— գրում էր նա,— վիթխարի է, այնքան վիթխարի, որ դշուցազունի դեմքից ալ արյուն է դուրս բերում, երբ սա փորձում է տեղաշարժել այն, մինչդեռ այդ ձգողական ուժը և իշխանությունը ժողովուրդը տանում է հեշտորեն, ինչպես դատարկ սուլուսակ: Այդ ամենը հենց այդպես էլ կա մինչև այսօր»⁵²: Չի կարելի շեշտնել, որ ռուսական բիլինայի իմաստասիրական խորքը Ուսպենսկին օգտագործում էր ժողովրդական կյանքի, հողի և դուրդացու դարավոր կապվածության մշտնջենական ու հաստատուն բնույթը հավաստելու համար: Այստեղից էլ հողագործ-գյուղացու տնտեսական պահպանողականության ջատագովումը, հողի և մարդու ներդաշնակությունն այն իդեալականացումը, որը կապվում էր գյուղում բուրժուական դարգացումը մերժող հետահայաց մտայնության հետ:

«Նրա ցավը» պատմվածքում նարոդնիկ ուսանողը Սահակ ապոր այն հարցին, թե ճանաչում է իրենց գյուղը, այսպիսի պատասխան է տալիս. «—Ճանաչում եմ, ճանաչում: Դա մի գյուղ էր, որտեղ մշակում էին բամբակ և սահում շերամ, մի գյուղ, որի տնտեսական դրուժյունը վերջին տարիներս բավական վատթարացել էր, գլխավորապես հողի պակասության, եղած բերքերի արտահանելու միջոցների բացակայության, սերունդների անհամեմատ աճման և նորանոր պահանջների դարգացման շնորհիվ»⁵³: Ընդհանուր-նարոդնիկական այս պատկերացումը գյուղի սոցիալական դրուժյան վերաբերյալ, Ադելյանի համար ոչ միայն կողմնորոշող նշանակություն ուներ, այլև իր հետագա ստեղծագործություններում նա փորձում էր իրականության հենց այն կողմերի արտանկարը տալ, որոնք ապացուցում էին այդ պատկերացման իրավացիությունն ու ճշտությունը: Սակավահողության, գյուղա-

⁵² «Сочинения Глеба Успенского», т. II, С.-Петербург, 1889, стр. 607.

⁵³ Ա. Ադելյան, Երկերի ժողովածու, էջ 70—71:

բնակչության աճի, գյուղացու կենցաղային պահանջների բարձրացման շուրջ նարոդնիկական դրահանութիւնն ընդհանուր ժամկետով խոսակցութիւնները առնչված էին գյուղի ժամանակակից վարդապետական հեռանկարներով մտահոգ մարդկանց սոցիալական ուսմունքի հետ: Դարավերջին այդ ուսմունքը հրապարակ հանեց «բաղմացման և գոյամիջոցների համապատասխանութիւնն ֆորմուլան» և ճգնում էր ապացուցել, թե սակավահողութիւնն կամ գերբնակչութիւնն ինդիւրը կարելի է լուծել «հայրենիքի ճիշտ ճանապարհով անհիւանդագին ընթանալու հարցի մասին» հանձնաժողովներում ասվող «բարեմիտ ճառերով»⁵⁴: Որ հողի «անհավասարութիւնը», ինչպես նաև «գրա սրումը բնակչության աճման հետեանքով» անվիճելի իրողութիւն էր, դրա դեմ ոչ ոք չէր առարկում: Նարոդնիկական դրահանութիւնը պարզ կշռագատութիւններ, ապացուցում էր, որ «բնակչութիւնն ավելացել է — բաժնեհողերը մանրացել են, — բնական է, որ գյուղացիները քայքայվում են»: Այստեղ էլ, թվում է, կանգ էր առնում նարոդնիկ-հետազոտողի միտքը, կամ թե դրանով էլ սահմանափակվում էր նրա հետաքրքրութիւնը: Սակայն, ինչպես նկատում էր Վ. Ի. Լենինը, — «պահանջվում է ոչ թե փաստը արձանագրել, այլ բացատրել, թե այն որտեղից է առաջացել»⁵⁵: Նարոդնիկութիւնը շրջանցում էր գյուղացիական հողային հարաբերութիւնների այն հիմնական հասարակական ֆոնը, որով, ի վերջո, դրանք ներկայանում էին ժամանակակից հետազոտողին: Հին ճորտատիրական ու նոր կապիտալիստական հարաբերութիւնների քարոզ միահյուսումը, սրանից առաջացած բոլոր տնտեսական հետեանքներով հանդերձ, հարմարեցվում էր «ազգաբնակչության բաղմացման «բարտալիտ օրենքին» և, այդու, ձեւակերպվում գյուղում սոցիալական բարեշրջումի օրինաչափութիւնները:

Օգտվելով նույն Գ. Ուսպենսկուց, Ադելյանը գրում էր «Ծանր ինդիւր» պատմվածքը՝ «սերունդների աճման» բիոլոգիական հնարավորութիւնը, այսպես կոչված՝ գյուղացու բաղմացման էներգիան մի շարիք համարելով ժողովրդական կյանքի համար:

54 Վ. Ի. Լենին, Երկեր, հատ. 1, Երևան, 1950, էջ 601—602:

55 Նույն տեղում, էջ 602:

«Ռաստերյաւեյան տիպեր և տեսարաններ» գրքում տեղագրւած «Զաղաչա» փոքրիկ պատկերը դրդել էր Աղեւյանին՝ Իվան Աբրամիչ Կիսկինի մեջ տեսնելու բազմացման հոգեբանութեան, ձգտումի և մարդու կենսամիջոցների անհամապատասխանութեանից առաջացող «ողբերգութեան» մարմնացումը: Ընդ որում, Իվան Աբրամիչը՝ այդ մանր շինուվնիկը, ինչպես Աղեւյանի դժուրացի Օվին, կենսագործնութեան ակտը վերագրում էր աստուծո միջամտութեանը, սրանից էլ առաջանում է միատիկ ինքնաարդարացման այն դիտակցութեանը, թե աստված ինքը տալիս, ինքն էլ վերցնում է:

«Ծանր խնդիր» պատմվածքի հերոսը՝ Օվին բազմանդամ ընտանիքի հայր էր: Ապրում էր ծայր շքավորութեան մեջ: Զուրկ սեփական հողակտորից, այր ու կին այս ու այն կողմ էին ընկնում, աշխատում ուրիշի դռներին և չնչին վարձատրութեամբ հոգում դավակների ամենօրյա կարիքը: Աճում էին Օվու երեխաները ինքնազուլս, վայրենի: Եվ շնայած զարհուրելի աղքատութեանը, Օվին տարին մեկ դավակ էր ունենում: Ութ-ինը երեխա արդեն շարվել էին կողք-կողքի և դառն-աղքատ դժուրացին շփտեր անելիքը: Աստված տալիս էր, Օվու կինը փեշը դեմ անում: Մինչև ե՞րբ պիտի շարունակվեր այդ: Ուսպենսկու հերոսների նման, Օվին ու նրա կինը առանձնանում են, պառկում տարբեր անկյուններում: Բայց դա էլ օգուտ չի բերում: Մի քանի ամիս անց կրկին երեխա է ծնւվում և Օվին հիմա մտածում է նորածնին մկրտելու մասին: Մեռած երեխայի թաղման վարձը դեռ չէր վճարել, հիմա էլ կնունքի ծախսերն էին աչքի առաջ: Ի՞նչ պիտի աներ նա, որտեղի՞ց գրտներ միջոցներ, ինչպե՞ս լուծեր ծանր խնդիրը:

Գշուրում ամեն ինչ տակնուվրա էր եղել. չկար ոչ առաջվա ապրուստը, ոչ բարոյականը: Այնպիսի ժամանակներ էին եկել, երբ մարդկանց համակել էր զոչաղութեան բարոյականը — բաշիր, խլիր ինչքան կարող ես, ձեռք բեր, ամեն ինչ արա անձիդ համար, միմիայն սեփական օգուտդ ճանաչիր, աշխատիր բաց շթողնել պատեհ առիթը, զարկիր, ուրիշին «կոխ տուր», ունեցածը ձեռքիցը առ, տունդ լցրու: «Ամենքը ղեկավարվում էին այդ սկըզբունքով»⁵⁶:

⁵⁶ Ա. Աղեւյան, Երկերի ժողովածու, էջ 94:

Սահակ ապօր փեսան՝ Մկրտիչը, որ նույնպես ղոչաղության ներկայացուցիչն էր և բարոյախոսը, ներքուստ միշտ այդպես էր մտածում. «Աշխարքիս բոլոր աղքատները պիտի կուլ գնան հարուստներին և ղոչաղներին»: Այսպիսի ժամանակներում Օվին և նրա բազմանդամ ընտանիքը չէին կարող փրկվել: Թեև գյուղացին հավատացած էր, թե աստծու մատը խառն է իր գործերին, բայց արդեն պարզ էր, որ վերին բարձրյալը մի ցուրտ անտարբերությամբ է նայում մերկ ու սկզբը խմորակերներին: Սրանց ասլագան արդեն կանխորոշված էր՝ կամ գյուղական սրիկաներ էին դառնալու, կամ՝ «բթացած, բարացած ուղեղով մարդակեղու տավարներ»:

Հաջորդ պատմվածքում՝ «Երկու կրակի մեջ», գրված արդեն իրիզայում, 1897-ին, Ադելյանը անդրադառնում էր գյուղական կյանքը տակնուվրայող մի այլ իրողության: Նախընթաց պատկերներում հարեանցի անցել էր խնդրի կողքով, առանց մանրամասնելու իր համոզումները: Այստեղ բացահայտվում էին գյուղացու «նորանոր պահանջների» հանդեպ գրողի ունեցած վերաբերմունքի էական կողմերը:

Որտեղի՞ց էին ծնունդ առնում նորանոր այդ պահանջները գյուղացու մեջ և ո՞ր էր դրանց հասարակական հիմքը:

Ակոփենց Դավիթը, յոթանասունամյա մի ծերունի, վարժապետի հետ զրույցի ժամանակ դանդատվում էր գյուղացիներին փշացած վարք ու բարքից. «Փարթամացել, շատ ավելորդ ծախսեր են անում, շատ են շռայլացել, ամա մեջտեղ աշխատանք, եկամուտ չկա», — ասում էր նա և խուժահույզ-հուսահատ տրտնջում գյուղացուն խեղդող պարտքերից. «Սաղ գյուղումս տուն չկա, որ պարտք չունենա»:

Գյուղում հայտնված դուքանը շատերի տունն է քանդում. մարդիկ իրար են նայում, կանայք միմյանց առաջ կտրում, թե ո՞րը ի՞նչ խաս ու դումաշ հագավ, ի՞նչ նոր բան առավ, ի՞նչ տարավ, ի՞նչ բերեց. «Մեզանում ամեն մարդ իր ոտները իր յորդանի համեմատ չի մեկնում», եկամտուի համեմատ չի ասրում: Բոլորը նայում են դուքանին, բոլորը դուքան են վազում, ինչ է, թե «չայ են խմում», չեքմա սպսոկներ կամ շթեղեն հագնում: Ու քանդվում են գյուղացիները, ճկում պարտքերի տակին, հարուստի «սնդուկը

լցնում» և հողերը շատացնում: «Տեսնում ես էդ դուքանը,— մատը տնկում է Դավիթ ապերը,— եթե ճարս լինե՞ր՝ կրակ կզցեի կամ քանդել կտայի...»⁵⁷:

Գյուղացին արդեն որոշակիորեն գիտակցում էր գյուղ ներխուժած նոր հոգեբանության ու պահանջների կապը պանդխտության կամ քաղաքի հետ: Գյուղական վարժապետը, որ համաձայն էր Ակոբենց Դավիթի դանդատներին, գյուղացու «նորանոր պահանջների» իրական ակունքը պանդխտության էր համարում: Փող աշխատելու համար քաղաք գնացած երեկվա գյուղացին այսօր գյուղ էր վերադառնում «փարթամասիրության» ախտով վարակված: Շուտով ախտը ճարակում էր և մնացածներին. հարուստադքատ, ունեցող-չունեցող սկսում էին պարտք ու խարջի տակ ընկնել. «Այդ դրություն անխուսափելի և օրինավոր ծնունդն էր դառնում դուքանչին»: Քաղաքից բերել էր տալիս ապրանքներ, ամեն ինչով լցնում խանութը և հետևում, թե շոպյասեր ու միմյանց աչքադրած գյուղացիները ինչպես են զալիս և սուս ու փուս ընկնում պարտքի ծուղակը: Հաճոյախոս, ժպտերես, առատաձևն ու ամենքին հասնող դուքանչին նիսիա-ասպռիկի բարերարող ուժին ապավինած, ամեն անգամ գործը անուշությամբ կապելով, զրկում ու դարկում էր միամիտ գյուղացուն, սրա երախտագիտությունը, օրհնանքն ու բարեսիրտ կամեցողությունը շահած: Հասկանում էր, իհարկե, հողի աշխատավորը, որ պարտքն ու դուքանը իր տունը քանդում են, քայց ուժ չունեն խուսափելու, ճար չունեն դիմադրելու:

Գյուղացիները, վարժապետը, գյուղի սուգիան, արհեստավոր մի երիտասարդ, բոլորը, բոլորը հասկանում են, որ այդ իրողությունը «ժամանակի գործն է»: Ոչ ոք մեղավոր չէ՝ ոչ դուքանն ու դուքանչին, ոչ գյուղացիք, որ ուզում են կավե ճրագի տեղ լամպ վառել, ոչ պանդխտությունը, որ քաղաքի նիստն ու կացն է գյուղ բերում:

«Ժամանակի դեմ կանգնելը հեշտ բան չի»,— նկատում է վարժապետը, շատ լավ հասկանալով, որ այդ ժամանակ ասածդ

57 Ա. Ադելյան, Երկերի ժողովածու, էջ 108:

հենց մարդկանց զիտակցությունն ու հոգեբանությունն ավերակող մեծ ուժն է: Ծերունի Դավիթը հետամնացության, հին բարքերի ճարահատ պաշտպանությամբ, քշով բավարարվելու, եղածով շատանալու քարոզով միտք ուներ մարդկանց համոզել, թե շատ գլուխին գործ է դուքանից ու դուքանչուց ազատվելը: Բայց դուրս է գալիս, որ Վահանենց Փիլիպոսին այնքան էլ հեշտ չէր գլուղից քշելը: Գլուղացին ինքն էր զնում դուքանչու ոտը, ինքն էր նրա բերածը առնում, նրան հարստացնում: Գլուղացիներից մեկը այս առթիվով նկատում է. «— Դուքանչին ի՞նչ մեղավոր է. նա առուտուրական մարդ է, իր օգտին է ման գալիս: Նրան պահողը մենք ենք. նա մեղանով է ապրում»⁵⁸: Ուրեմն որտե՞ղ է հանգույցի լուծումը, ո՞վ է մեղավոր այդ ամենի համար: Մի երիտասարդ արհեստավոր փորձում է բացատրել խնդիրը. թե՞ պանդխտությունը, թե՞ դուքանն ու դուքանչին, թե՞ գլուղացու փարթամասեր վարքը ժամանակի գործն է: Դրանք կապված են միմյանց հետ: Եթե շիններ մեկը, չէր լինի մյուսը: Ցավը այն է, որ գլուղացու ունեցած հողն ու եկամուտը չեն համաձայնում նրա պահանջներին. եթե սահմանափակվեն այդ պահանջները, և այն մարդիկ, «որոնք փարթամություն են մտցնում գլուղը», մերձավորի մասին մտածելով եղբայրասիրաբար զսպեն իրենց պահանջները՝ կհասնի արդարության ժամանակը: Ուրեմն արմատախիլ պիտի արվեն մարդկանց միջև եղած անջրպետները, «կույր հետևողությամբ» փարթամության հետևից վազելու հոգեբանությունը, ունևորը պիտի մտածի շունևորի մասին, և դադարեցվի «գոյության կուլի այն սարսափելի ձևը», երբ զոչաղները կլանում են թուլյերին:

Ռոմանտիկ այս հավատը մասամբ բաժանում էր նաև Ադելյանը: Նա թեև գիտեր «ղոշաղության» երևան գալու սոցիալական պատճառները, այնուամենայնիվ, սրտի հեռավոր անկյունում փայփայում էր «հասարակական ներդաշնակության» ժողովրդասիրական իդեալը, հանգամանք, որ երբեմնապես մղում էր նրան հավատալու գլուղաշխարհը տակնուվրայող «ամենածայրահեղ ու

58 Ա. Ադելյան, Երկերի ժողովածու, էջ 115:

զգվելի» Լեսասիրութեան՝ զոչազութեան պարտութեան հնարավորութեանը:

Նրկու կրակի մեջ կանգնած գյուղացուն փրկելու ելքը Ադելյանը որոնում էր բարքերը մեղմելու, սակավահոգութեան առաջն առնելու, մշակի հողն ու եկամուտը ունեցած պահանջներին համապատասխանեցնելու գործնական ու բարոյական ուղիներում: Գյուղացին հող չունի, բայց և բազմացել են նրա պահանջները. Խոզնալ, աշխինքն՝ դնալ դեպի նահապետական ժամանակները, հնարավոր չէ, առջևումն էլ զոչազութունն է, նոր օրերի մտայնութիւնն ու գործելակերպը. ուրեմն ի՞նչ անել, ըստ երևույթին, պետք է ծայրերը մոտեցնել, սրբագրել մեկը մյուսով, կամ թե հոսալ, որ ժամանակը ամեն ինչ տեղը կգցի: «Լուսավորութիւնը,— ասում էր Ադելյանի գյուղացիներէրից մեկը,— ամեն տեղ և ամեն ժամանակ էդպէս է առաջ գնացել, աշխինքն մարդ առաջ արտաքինն է ընդունել և հետո ներքինը, էականը, և էդ բնական է»⁵⁹:

Որքան էլ լավատես հայացքով էր նայում զրոյը ասպագային, այնուամենայնիվ, գյուղում տեղի ունեցող դասակարգային շերտավորումն ու նահապետական բարքերի քայքայումը փաստ էր, որն ամենից ավելի էր մտահոգում ու տեղահանում ժողովրդանվեր գործչին: «Նրկու կրակի մեջ» պատմվածքը լավադուչնս դրսևորում էր Ադելյանի վերաբերմունքը գյուղի և գյուղացու տնտեսական և բարոյական քայքայումը կանխորոշող ուժերի նկատմամբ: Գյուղացին աստիճանաբար կորցնում է իր ազնվութիւնը, խիղճը, բարեկամական և ընկերական կապերի հնօրյա պատկերացումները, մոռացութեան տալիս նույնիսկ եկեղեցին: Մարդիկ առանձնանում են միմյանցից, յուրաքանչյուրը ապրում է միայն իր համար և «ապրում առանց խղճի»: «Ղոչազութիւնը ամենքի դավանանքն է»,— շեշտում էր Ադելյանը, հասկացնել տալով, որ գյուղին սպառնացող ամենասարսափելի վտանգը նոր ժամանակների բարոյաբանութիւնից է առաջ դալիս:

Բայց ի՞նչ էր այդ զոչազութիւնը:

Եթե նայելու լինենք Ադելյանի բացատրութիւններին, զոչա-

59 Ա. Ադելյան, *Նրկերի ժողովածու*, էջ 118—119:

դուժյունը ո՛չ միայն բարոյական կամ հոգեբանական պահվածք ու մտայնություն էր, այլև տնտեսական գործունեության եղանակ, որ հանդես էր եկել հայ գյուղի զարգացման մի որոշակի շրջանում: Տնտեսապես ու բարոյապես քայքայվող գյուղացիությունը XIX դարավերջին, գրողի պատկերացմամբ, դավանում էր «ուժեղը պետք է կլանի թուլին» ամենատեսափրական սկզբունքը և գործում էր՝ «վեր կոխիր և կեր» հանձնարարականի համաձայն: Ընդ որում, այս նոր տիպը ճարպիկ, ձեռներեց ու հմուտ տնտեսատերն է, աշխատում է «ուժն ու ջանք» շինայելով և աշխատում է շատ, այնքան, որ մարդիկ զարմանում են, թե այդ ի՞նչ ազահություն է, որ մարդուն կարող է մղել այդօրինակ նահատակության: Ղոչաղը հողագործ է, վաշխառու, շարձի, խանութպան, առևտրական, մաքսանենգ, խարդախող, սրիկա, մարդասպան՝ ամեն ինչ, եթե այդ պահանջում է սևիական շահը:

«Տղիություն գոհեր» (1896) վեպում սոցիալական լայն ֆոնի վրա Ադելյանը պատկերահանում էր գյուղական այդ նոր խավի նկարագիրը, բնութագրում գործունեության, հոգեբանության, մտածողության այն աշխարհը, որ Ղոչաղությունն էր բերել և որից սկիզբ էր առնում նոր ժամանակների ոգին:

Սինոզ Ղուկասը, մի ծուլ և շատախոս մարդ, սևփական չբավորությունից դուրս պրծնելու ահարկու կրքով, «բարենպասակ խրատներ» է կարդում դավակներին՝ աշխարհից առնելու այն, ինչ այդ աշխարհը զլանում էր տալ իրենց.

— Ղոչաղ կացիք, ղոչաղ... — ասում էր նա: Տեսնո՞ւմ ես Համբարձումենց Ազատին, մի խորամանկն է, որ... համ իր սաղ բնտանիքն է պահում, համ էլ փող է հետ քցում: Ինչո՞ւ, որովհետև շատ ղոչաղ է. մեկ որ շատ աշխատող է, հենց հրեն գործի է, իսկի հանդատություն չունի: Հողագործությունը շատ է սիրում, եռանդ ունի և ամեն բան, ինչ-որ ձեռքով զալիս է, անում է: Քանի տեղամ եմ լսել, թե Համբարձումենց Ազատը վաճառականների համար բամբակ ու բոժոժ է առել մեր գյուղացիներից, խաբել է, սովորական գնից պակաս գնով է առել և էդպեսով, իհարկե, բավական փող է աշխատել: Պա դա ղոչաղ մարդու բան չի⁶⁰:

60 Ա. Ադելյան, Երկերի ժողովածու, էջ 271:

✓ Ուրեմն, ընտանիքը պահել, փող ետ դցել, աշխատանքի, գործի մեջ հանգստություն շունենալ, առևտրի մեջ խաբել, դեպի իրեն քաշել, բերել, տունը լցնել և կուտակել ու կուտակել՝ սա է դոչադությունը: «Ղոչաղ կացեք,— շարունակում էր խոսքը Սինոդ Ղուկասը,— ուրիշին խաբեցեք, ունեցածը խլեք, ինքներդ վայելեցեք, որ ասեմ տղա եք»⁶¹: Այս հանձնարարականները գյուղացին տալիս էր իր որդիներին՝ հենվելով դարձյալ ժամանակի «բնույթի» վրա: Հիմա մարդիկ այդպես են ապրում, ժամանակը այդպես է պահանջում, որքան կարող ես դեպի քեզ քաշիր, դովլաթի հետևվից ընկիր, վեր կոխիր ու կեր:

Սինոդի մեծ որդին՝ Համբարձումը հոր ուղած տղան էր. ճարպիկ, աչքաբաց, ձեռներեց, աշխատասեր, խորամանկ ու փողապաշտ: Քսանհինգ տարեկան հասակում ամուսնացավ հորից որբ մի աղջկա հետ, որ բավականաչափ օժիտ բերեց: Սինոդ Ղուկասը հարսի շնորհիվ հողատեր դարձավ: Համբարձումը գործի անցավ, որոշեց ծախել կնոջ կայքերից մի քանիսը, գումար ձեռք բերել, խանութ բանալ և առևտուր սկսել. «Յուր հայրենի գյուղում կային մարդիկ, որոնք փող էին դիզում և փողի միջոցով աղքատ մարդկանց հողերը իրանց ձեռքը դցում. ինչո՞ւ ինքը նրանցից ետ մնար: Նայում էր շուրջը — ամենքն էլ... դովլաթի հետևից էին ընկել: Համբարձումի դոչադությունը պա ո՞ր օրվան համար է»⁶²:

Առաջին հաջողությունները երիտասարդի մեջ վառում են սուպա մեծահարուստի տենչեր: Էլ իրեն չէր խնայում, աշխատում էր օրն ի բուն, գիշեր-ցերեկ դաշտ ու արտի մեջ, վար ու ցանքի վրա բանում էր ու բանեցնում: Աղատ ժամանակը, եթե ունենում էր, վազում էր հարևանի մոտ՝ վարձվելու: Առևտրական մանր գործերով էլ էր պարապում, վաճառում էր տրեխացու կաշի, աղ, գարի, օճառ, մոմ և այլն:

— Էդքան էլ աշխատել, դես ու դեն ընկնել կլինի՞, — ասում էին գյուղացիք Սինոդ Ղուկասին՝ Համբարձումի վերաբերյալ, — էդքան էլ ազահությունի կլինի՞, պա խեղճ չի նրա ջանը:

61 Ա. Աղեյան, Երկերի ժողովածու, էջ 272:

62 Նույն տեղում, էջ 275:

Ուրվագծելով նորելուկ այս ղոչաղի կերպարը, Ադելյանը փորձում էր գեղարվեստական մանրամասներում համոզիչ ու ռեալիստական դարձնել գյուղաշխարհում երևան եկած սոցիալական նոր ուժի գործողությունների տիպականությունը: Պոռչյանի նման միաստիկ դժեր էր դնում իր հերոսի փողապաշտական եռանդի մեջ: Ավելի շեշտում էր տնտեսվար գյուղացու աշխատասիրությունը, սրտիկի կարողանա հուսալից դարձնել դավաթի հետեից վազելու աննահանջ ցանկությունն սլատճառաբանությունը: Նոր գծեր էր հավելում Ադելյանը գյուղաշխարհում հայտնի տիպերի հոգեբանությունն ու սահվածքի վրա:

Համբարձումը Բղդեից տարբերվում էր հարստության ու փողի հանդեպ ունեցած և՛ կրքով, և՛ վերաբերմունքով: Սա վաստակում էր իր վաստակի դինը և արժեքը հասկանալով: Կույր շէին նրա մղումները և ոչ էլ շգիտակցված ցանկությունները: Նա ճանաչում էր սեփական օգուտը աշխատանքի միջոցով: Աշխատանքը, ծանր, հողնաբեկ, հյուծիչ աշխատանքը դառնում էր սեփական վաստակի արժեքավորման սկիզբ: Այստեղից էր բխում նրա անսահման սերը փողի հանդեպ, այստեղից էր ծայր առնում հարստանալու տենչը և ուրիշներին ունեզրկելու անզուսպ ցանկությունը:

Միանգամայն նոր գունաներկ էր սա, որ օգտագործում էր Ադելյանը գյուղական այս ցեցի սլատիերը գծելիս: Բղդեի և Համբարձումի միջև բնավորության շատ համանմանություններ կան: Բայց եթե առաջինը ի ծնե փողասեր է և կուտակման միաստիկ տենդով է բռնված, երկրորդը դրան հասնում է գործնական ու տնտեսական ուժգին մի հոսանքից քշվելով, ղոչաղության բարոյաբանությունն ու գործելակերպը յուրացնելով:

Ղոչաղությունը, որպես այդպիսին, արդյունք է տնտեսական վատթար պայմանների: Ադելյանը հակված էր կարծելու, որ գյուղացու կուսակալին բնազդները, կամ սեփականատիրական մղումները ծայր էին առնում այն ահագին կովի շնորհիվ, որ մղվում էր դյուղում «ապահով դիրք ստեղծելու համար»: Իսկ այդ ապահով դիրքը այլ բան չէր, բայց եթե տնտեսական ինքնորոշում, «հողի և փողի» նվաճում՝ վաշխի, առևտրի, աղքատների հողերի գրա-

վաղորման շուրջացման, շարշիության տրամադրած միջոցների ու մեթոդների օգնութեամբ:

Մի քանի տարվա ընթացքում Սինոդ Ղուկասի որդին կարողանում է մանր ունեղրկողից վերաճել փքուն և ամենակարող դոշաղի. «Համբարձումը վաղուց արդեն շրջակա գյուղերը յուր ձեռքն էր առել,— դրում է Աղեկյանը:— Նա գյուղական կապիտալի ամենազգվելի մի տիպ էր, որ յուր ձեռքին խաղացնում էր ամբողջ գյուղեր: Այդ գյուղերը խճճված էին նրա վաշխառուական ցանցի մեջ, որից ազատվելը մեծ ջանք, ահագին համբերութուն և ուժեղ միջոցներ էր պահանջում: Սինոդ Ղուկասը հասել էր յուր փափագին. նա տեսնում էր, թե ինչպես յուր սիրած և զոչաղ որդին գյուղերում համարյա թե բեղութուն էր անում, թե ինչպես նա մղմուղի նման ուստայութեամբ ուսում, ոչնչացնում էր շատ ընտանիքներ, ավերում, շուլի երեսն էր հանում նրանց և ունեցածները անընդհատ քարշ տալիս դեպի յուր տունը»⁶³:

Ըստ էութեան դոշաղութեան սոցիալական բովանդակութունը այս ամենով էլ ավարտվում էր: Ուրեմն այն «կույր հոսանքը», որի մասին խոսում էր Աղեկյանը, գյուղական կապիտալի հետ է առնչվում, հարաբերութունների մի նոր եղանակ, որը հենց դոշաղութեան՝ որպես հասարակական խավի առաջացման պատճառն է կամ գոյացման հիմքը:

Գյուղի շերտավորման պրոցեսի վերաբերյալ այսօրինակ պատկերացումը, հարկավ, արդյունք էր գյուղական իրականութեան խոր ճանաչողութեան: Բանը, իհարկե, գյուղական վաշխառութունը տեսնելու և սրա գործունեութունը դատապարտելու իրողութեան մեջ չէ: Հին սերնդի ժողովրդական գրողները Աղեկյանից շատ առաջ նկատել ու քննաբար մերժել էին գյուղական ցեղերի գործունեութունը: Պոռչյանը «Բղղեում» ավարտի հասցրեց գյուղական վաշխառուի սոցիալական բնավորութեան նկարագիրը: Աղեկյանի բերած նորութիւնն այն է, որ նա ո՛չ միայն և ո՛չ այնքան գյուղում վաշխառուական կապիտալի ավերածութուններն էր դատապարտում, որքան կապիտալի հետ կապված գումարատեր և մլքատեր տնտեսական նոր ուժի՝ կուլակութեան գործունեութեան և

63 Ա. Աղեկյան, Երկերի ժողովածու, էջ 296:

հողերբանության բնութագրությունն էր տալիս: Ընդ որում, կուլակությունը կամ ղոշաղությունը, որպես հասարակական խավ Աղելյանի վեպում ներկայանում է արդեն իր ուրույն բարոյաբանությամբ և տնտեսական գործունեության ծրագրով: «Համբարձումի հաջող ամուսնությունը,— ասում է Աղելյանը,— նրա գլխում մի շարք ծրագիրներ ծնեցրեց»: Դրանցից առաջինը վերաբերում էր փող ձեռք բերելուն, երկրորդը՝ խանութ բանալուն, երրորդը՝ նոր ճաշակի տուն շինելուն, չորրորդը՝ տոկոսով փող տալուն, և վերջապես մտածում էր Համբարձումը աղքատ մարդկանց հողերը սեփականել ու դովլաթի հետևից վաղողներից ետ շմնալ: Միաժամանակ հետևում էր Սինոդ Ղուկասի հանձնարարականին՝ երես շէր տալիս աղքատներին, խլում էր ուրիշի ունեցվածքը, մտածում էր միայն սեփական շահի մասին, խաբում էր, խարդախում, զըրկում և ոտնատակ տալիս թույլ ու անպաշտպանին:

Զի կարելի չնկատել, որ Աղելյանը Համբարձումի կերպարն ստեղծելիս մեծ մասամբ հետևել էր ուս նարոդնիկ բեկետրիստներին: «Մեր նարոդնիկները,— գիտել է Պլեխանովը,— քանիցս նկատել և նշել են, որ գյուղում կուլակներ են դառնում մեծ մասամբ շատ տաղանդավոր և աչքի բնկնող մարդիկ»⁶⁴: Եվ Ուսպենսկին, և՛ Զլատովրատսկին, և՛ Կարոնինը բացում էին գյուղացու «կուլակավարի» հարստանալու իրողության ոչ միայն հոգեբանական, այլև տնտեսական կողմերը: Մի հատուկ խառնվածք, որոշ միջոցներ, նպաստավոր մի դեպք և ահա գյուղացին սկսում է «հոլի պես պտտվել», դառնում է ձեռներեց, ճարպիկ, աշխատում է մոլեղնորեն, վազում է, շտապում և մի քանի տարի անց տեսնում էր բոլոր կողմերով ապահով տնտեսության բարգավաճումը: Այս նորելուկը հմուտ տնտեսավար է, գիտե իր գործը, ուշիմ է, շրջահայաց, խելամիտ ու հեռատես, կարողանում է հասկանալ հողի և աշխատանքի դինը, հակված է լավագույն ձևով օգտագործել և՛ ստացվող եկամուտը, և՛ տրամադրության տակ ունեցած ժամանակը: Ընդ որում, նա դարձյալ աշխատանքի մեջ է նետվում, փողը խելամտորեն է օգտագործում, տնտեսությունը և իրեն ապա-

64 Գ. Վ. Պլեխանով, Գեղարվեստ և գրականություն, Երևան, 1949, էջ 349—350.

հովում դրսի վտանգներից և աստիճանաբար խժոււմ է իրենից թուլլերին: Ահա նրա տաղանդը և գործիմացչւյցան արժօքը: Դիւսուկ է նկատու էնգելհարդը. «Որոշ շափուվ կուլակությամբ օժտուված է ամեն մի գլուղացի, բացի կարճամիտներից, մեկ էլ առանձնապես բարեհոգի, ընդհանրապես պարզամիտ մարդկանցից: Ամեն մի գլուղացի որոշ իմաստով կուլակ է, մի գիշատիչ գայլաձուկ, որը հենց նրա համար է ծնվում, որ ծածանները շքենն»⁶⁵:

Աղելլանի «ղոչաղ» բառը գուլակին համանշանակ է: Գրողը զոչաղությունը մարդկանց մի որոշ տեսակի առանձնահատկությունն էր համարում և փորձում ցույց տալ, թե ինչպիսի պարագաներում և ինչպես աչօրինակ բնավորությունն ու խառնվածքը հասնում է հաջողության: Հնարամիտ, նախաձեռնող, աշխույժ, եսամոլ, աշխատասեր այս գլուղացին դառնում է դրության տեր, հենց որ նրա ձեռքը փող է ընկնում: Փողը վերափոխում է մարդուն, մղում գործիմացության, նրա մեջ ծավալում շահագործման ձգտումը, սրում հոտառությունը, հավելում մեծամտությունը և ալկելի ու ալկելի ակնհայտ դարձնում կուտակելու մոլեգին տենչը: Ղոչաղության իդեալները ձեւավորում են նրա սոցիալական երազանքը, և նա, որ գործի և փողի մարդ է «...հայարտանում է գայլաձուկ լինելով և ձգտում է լափել ծածաններին»: Բնավորության ու մտայնության այս կողմերով Աղելլանի Համբարձումը, անշուշտ, նորություն էր հայ գլուղագրության մեջ: Հետեւելով ուսուսարողնիկ բելեարիստներին, Աղելլանը մեղանում նույնպես տեսնում է կուլակային խավի՝ զոչաղության ժամանակակից գործունեությունը, և սա է, որ նրա պատկերած գլուղական իրականությունը ըստ էության դարձնում է առանձնապես հատկանշական: Գլուղագիրը, ինչպես որ ուսուսարողնիկները, բացասաբար էր դնահատում զոչաղության սոցիալական դերը գլուղում: Համբարձումը՝ «կապիտալի այդ ամենազղվելի տիպը», հասնելով որոշ բարեկեցության, նետվում է շրջակա գլուղերը և վաշխի, շարլիության, առևտրի պնդողակը նետում խեղճ ու դուրկ գլուղացու

65 Գ. Վ. Պելխանով, Գեղարվեստ և դրականություն, Երևան, 1949, էջ 350:

չլնքին: Ոչ միայն օգտւում էր գյուղացիների «փարթամասիրությունից», այլև միամտությունից, հետամնացությունից, բարությունից, պարզասրտությունից: Վա՛յ էր նրան, ով մի անգամ ձեռք էր մեկնում այդ, թվում է, հեղաբարո, կարեկից, օգնության հասնող մարդուն: Էլ պրծում չկար. «գյուղացին նրա ուժեղ ճանկերից» այն ժամանակ էր կարողանում մի:սյն ազատվել, երբ խլում, տանում էր «գյուղացու բոլոր ունեցածը»: «Տկլոր մարդուց էլ ի՞նչ ուզենաս»:

Ո գյուղի ջահելները զայրացած էին Համբարձումի վրա: Տեսնում էին սրտնք, որ անխիղճ աջդ վաշխառուն շարիք է գյուղացու համար: Քանզում ու ալերում է թուլյերին, որտեղից որ անցնում է՝ թողնում է արցունք, կարիք, սով, տառապանք: Երիտասարդները արհամարհում ու ատում էին նրան, մեծ ցանկություն ունեին պատժել և դանակոծել խարդախին, բայց հնար չկար, առիթը չէր ստեղծվում: Աղելյանը ակնարկում է, որ այս ջահելները հետեւում էին քաղաքում աշխատած և գյուղ վերադարձած մեկին, որ հավաքելով քնկերներին պատմում էր, թե ինչպես պետք է կովել շարագործ վաշխառուների դեմ: Այս երիտասարդը միշտ հիշատակում էր քաղաքային գործավորների իրենց գլխավորին և մեջբերում նրա խրատները. «Տղերք,— ասել էր այդ գլխավորը,— զոչադ կացեք և ամեն տեսակ անիրավությունների դեմ կովեցեք. խեղճ մի՛ մնար: Ամեն տեղ, ամեն ժամանակ աշխատեցեք անաստված, անխիղճ և վատ մարդկանց հետ ճակատ ճակատի տալ ու նրանց պատժել: Այ,— ասում էր,— տեսնում եք «ճգնավոր Եղոն» ի՞նչ օչին է դնում գյուղի վաշխառուի գլխին, որը շատ մարդկանց տուն է քանդել և քանդում էր: «Ճգնավոր Եղոն» մի շատ լավ գիրք է, հա, կասեր, էդպես մարդկանց առաջ խեղճ մի՛ մնար, ես գիտեմ, որ ձեր գյուղերումն էլ վաշխառուներ կան, որ կգնաք, աշխատեցեք էդպեսներին հուպ տալ և նրանց շարագործություններին վերջ դնել: Քաղաք եք եկել պիտի լավ հատկություններով վերադառնաք գյուղ»⁶⁶: Աղելյանն ակնարկում էր վաշխառության դեմ վրեժխնդրական պայքարի կազմակերպման անհրաժեշտու-

66 Ա. Աղելյան, Երկերի ժողովածու, Երևան, 1950, էջ 298:

թյանը համակիր ու համախոհ Փափազյանի՝ «Ճգնավոր Եղոյում» տված քարոզներին: Արդար, մաքրակենցազ, ճշմարտասիրտ Եղոն, որ ճգնավորի անուն էր վաստակել եկեղեցասեր իր վարքով և անբասիր առաքինությամբ, թափում է Մարտիրոս աղայի սև արյունը և զինվորագրվում անկախ սովազակ Հովհաննես քեհյային՝ տաճիկ և հայ կեղեքողների «արևը խավարեցնելու» համար: Վ. Փափազյանը հասկանալ էր տալիս, որ սոլսաբնակ Արշավիրը և դավառներում գործող Հրանտը գլխավորում են վաշխառության և տաճկա-բրդական բարբարոսությունների դեմ մղվող սլայքարը, որ նրանց կազմակերպությունը թևակոխել է զինված ազատամարտի ուղին:

Աղելյանի վեպում հանդես եկած գործավորների գլխավորը հանձնարարականներ էր տալիս քաղաքից դուրս վերադարձող երիտասարդներին, ամենևին էլ չկասկածելով, որ իր խորհուրդները ի վերջո դառնալու են գործողության ծրագիր նրանց համար: Եվ իսկապիս, Ռ դյուդի երիտասարդները մի անգամ, երբ Համբարձումը քաշում-տանում էր դյուղացի Մանուկի վերջին եզնացուն և էշը, այլևս չեն համբերում ու վրա հասնելով, այնպես են ծեծում-ջարդում վաստահամբավ ու ազահ վաշխառուին, որ սա վերջնականապես անկողին է ընկնում: Ոչ մի բան չի օգնում վաշխառուին, նույնիսկ Թավրիզի գերմանական բժշկապետի դեղորայքը: Սինոդ Դուկասին թաղելուց և կրասեր եղբորը՝ Գալուստին ամուսնացնելուց հետո, Համբարձումը տաժանքների մեջ ավանդում է հոգին:

Ի միջի այլոց, երիտասարդների տված թակոցից հետո Համբարձումի գործերը միանգամից թարսվում են: Ոչ միայն ծանր և անբուժելի հիվանդանում է, այլև դավառում ընկնում է վաշխառուի և առևտրական նրա վարկը: Անհաջողությունը գալիս էր անհաջողության հետևից: Եղբայրը, որ Բաքվում խանութ բացել, աշխատում էր և բավական փող էր դիզել, կողոպտվում է ընկերակից փայտափրփից և ձեռնունայն տուն վերադառնում:

Համբարձումը եղբոր կորցրած փողն ու հարստությունը վերականգնելու հույսով, Բաքու է մեկնում: Կուտակում է կոպեկ առ կոպեկ, կտրում իր սննդից, լափում ինչ-որ սլատահի, «միայն թե

փորը կշտանա» և աշխատում առավոտից մինչև ուշ գիշեր: Սրկար շի դիմանում սակայն. վերջնականապես հյուծված, գեղձախտից քայքայված, մի քանի կուպեկ քսակում, վերադառնում է գյուղ և կատարում իր ամենահրեշավոր քայլը: Զգալով մոտեցող մահը, տապնապած ու խռոված Համբարձումը վերջին շնչում անդամ մտածում էր «ապրանքավոր աղջկա» հետ եղբոր ամուսնությունը մի կերպ գլուխ բերելու մասին: Կիրքը դեպի ունեցվածքն ու փողը, զոչաղի մտայնությունն ու հոգեբանությունը, հին այդ վաշխառուին դարձրել էին անկարեկից ու դաժան դեպի մերձավորն ու նրա զգացումները: Իսկ Գալուստը՝ խոնարհ ու անճար, թույլ, վատողի, տկարամիտ երեսունամյա մի երիտասարդ հրաժարվում է գեղեցկուհի Սաթենիկից և որպես ամենաեղիս համբալ ենթարկվում եղբոր հրամանին, կնության առնում Նոյզարին:

Աղելյանը հետագայում բացում է ողբերգական այդ միության ամբողջ դարձուրանքը: Վիպական գործողությունների կրողը այժմ դառնում են Գալուստը և սրա ութամյա կինը: Ժառանգելով եղբոր ունեցածը, Սինոդ Ղուկասի կրտսեր որդին նոր մի կրակի մեջ է ընկնում: Նոյզարի փոխարեն նրան կնություն էր անում զոբանչը՝ Սիմին, և հիմա հղիացել էր սա ու խայտառակությունը ուր որ է պիտի բացվեր: Հարկ էր դիմել բանիմաց մարդկանց: Գալուստը օգնություն է խնդրում Մովսես Մեսրոպյանից՝ բժշկության և փաստաբանության մեջ հմուտ մի մարդուց, որ «սեփական ընտանիքը մոռացած հոգում էր ուրիշների համար»: Մինչ Մովսեսը կխորհեր անելիքը, Սիմին, տատմեր Ոսկու հետ, խեղդում է նորածնին և թաղում մոտիկ գոմում: Տանուտերի ականջն է ընկնում լուրը: Գալուստն ու Սիմին փակում են սրա բերանը՝ ահազին կաշառք տալով: Գործը մի կերպ ծածկվում է:

Տարիները զլորվում էին տարիների հետևից, հուսադրելով Գալուստին, թե կմեծանա մանկահասակ Նոյզարը և վերջապես կլուծվի իր ընտանիքի հարցը: Բայց պարզվում է, որ մեծացած այդ երեխան նույնքան հիմար ու բթամիտ է, որքան ամուսնության առաջին օրը: Գալուստը փորձում է ետ ուղարկել Նոյզարին, մեջտեղը նույնիսկ կաշառք է խաղում, սակայն աղջկա բարեկամ-

ներք տարեկան 50 ռուբլի էին սպահանջում ամուսնալուծության համար:

Գալուստը կրկին, բայց արդեն այս անգամ ապօրինի, ամուսնանում է մի չբավոր աղջկա հետ: Շուտով բանտ է ընկնում՝ Նոյզարի հիսուն ռուբլու տարեկան վարձը չվճարելու համար: Զավակներին չեն կնքում եկեղեցում և քահանաները տոն օրերին նրա տունը չեն մտնում: Գալուստը Նոյզարից ազատվելու համար կաշառում է համադյուղացի երկու աղջիկների և սպանել տալիս նրան: Գործը բացվում է և Գալուստը դատապարտվում է տասներհինգ տարվա բանտարկության:

Այսպես է ավարտվում ղոշաղների ընտանիքի պատմությունը: Այն ամենը, ինչ կուտակվել էր գողության, թալանի, ունեղրկման վատթարագույն միջոցներով, կորչում-անհետանում է նույնքան արագ, որքան դյուրին ձեռք էր բերվել: Առաջադրությունը պարտվում է, քանի որ անազնիվ ու անբարոյական էին հարստանալու մեթոդներն ու միջոցները: Այս եզրակացությունը Ադելյանը կամենում էր հասցնել ընթերցողին՝ դյուղաշխարհը ավերակող նոր բարքերի ու նոր մտայնության դեմ մղվող պայքարը արդյունավետ դարձնելու համար: Զէ՞ որ ղոշաղությունն էր, որ ամենից շատ էր սպառնում հասարակական ներդաշնակության այն իդեալներին, որոնց քարոզիչն էր Ադելյանը: Մանավանդ, եթե նկատի առնենք, որ նա գյուղի վերաշինության խնդիրները կապելով տընտեսական հարցի լուծման հետ, մարդկանց բարոյական վերածնություն ուղիներում էր որոնում դյուղաշխարհի փրկության ելքը:

Նույն 1896-ին «Մուրճում» հրատարակած «Հիվանդոտ խիղճը» պատմվածքում Ադելյանը առաջադրում էր մարդուն «արմատից բուժելու խնդիրը»: Պետք է դարմանել առաջին հերթին մարդու խիղճը: Առանց դրա անհնար էր պատկերացնել բարոյական զարգացումը: Սահակը, որ մի մարդասպան էր, վերջին շրջում տառապում ու զալարվում էր հիվանդոտ խղճի տանջանքներից: Եվ վերլուծելով Սահակի անցած կյանքը, Ադելյանը տարակուսանքով հարցնում է. «Մի՞թե նրա արածը իսկապես աղքատության և գոյության կռվի արդյունք պիտի համարել»:

Անկասկած, գրողի պատասխանը բացասական է, քանի որ

ըստ նրա՝ մարդուն վերափոխելու համար, պետք է վերափոխել նրա խիղճը, որ բարոյականի նեցուկն է և միաժամանակ մարդու կերպարի հայելին:

Թարգմանելով և «Մուրճում» տպագրելով Վ. Կորոլենկոյի «Անհրաժեշտություն» գրույցը, Ադելյանը նույնօրինակ բարոյա-խոսություններ էր առաջնորդվում:

«Լրագրի ստրուկներ» անտիպ պատկերում դավառական գործիչ խոսքովյանը այսպես էր բնութագրում ժամանակակից գյուղը. «Հողերի պահասություն» ապրուստի դժվարություն, ընդհանուր աղքատություն, դոցա հաջորդող բարքերի անկում, մարդկանց մեջ տիրող գայլախին հարաբերություններ: Ամեն կողմ անարդարություն, բռնություն, թուլերի և ճնշվածների խուլ վայնասուն, ուժեղի լիրբ ու կատաղի զոռում-գոչում... Եվ այդ հանդիպում ենք ամեն քայլափոխում: Ի՞նչ եկեղեցի, ի՞նչ կրոն, ի՞նչ խղճմը-տանք, բարոյական պարտականություններ... Ամեն ինչ ծախել մի կողմ են գրել և ոտով գլխով անձնատուր են եղել գոյություն կատաղի կալին...»⁶⁷:

Եկեղեցու, կրոնի, խղճմտանքի, բարոյական պարտականությունների փոխարեն իշխողն, ուրեմն, գոյության կատաղի կռիվն է, որ բղկտում է գյուղը, ավերում ու ավերակում մարդուն, բարոյա-զրկում, հոգեզրկում, մանրում ու ոչնչացնում: Գրողի գայրույթն ամբողջովին ուղղվում է գյուղամուտ նոր բարքերի ու բարոյա-կանության դեմ: Քաղաքը կործանում է մարդկանց, ինչպես որ աղճատում է գյուղական պարզ կենցաղավարությունը, խորտակում հողի և մարդու բարեկամությունը, քայքայում հնօրյա հասարակական ներդաշնակությունը:

«Այրիներ» անտիպ պատմվածքում, գրված մահվանից քիչ առաջ, Ադելյանը նկարագրում էր գյուղից քաղաք դնացած պան-դոլխանների ընտանեկան դժբախտությունը: Աննայի ամուսինը մեռել է հարբեցողության հետևանքով: Սառայի ամուսինը ավանդել է հողին՝ սիֆիլիսի տառապանքների մեջ: Աննամանի ամուսնուն մորթոտել են լեղգիները, որովհետև սա կապվել էր մի լեզգի

67 ԳԱԹ, Ադելյանի ֆոնդ, № 4, էջ 3—4:

աղջկա հետ: Այս նույն Աննամանը կորցնելով մինուձար որդուն՝ խելագարվում է: Մանուշակը, որի ամուսինը նույնպես օտարության մեջ է, դայթակղւում է և հղիանում: Ամիսներ անց գյուղացիք գտնում են սրան և նորածնին մեռած՝ գյուղացի դուրս, մի անտեր գոմի մեջ «Աննաման, Աննա, Սառա, Նունե, Մանուշակ... թավազուր կյանքի խեղճ նահատակներ, արդյո՞ք պիտի դա այս կրակի վերջը...», — տազնապով հարցնում է դրողը⁶⁸:

Ադելյանը, իհարկե, ավելի լավատեսորեն էր տրամադրված, քան թվում է առաջին հայացքից: Նա խտացնում էր գույները՝ գյուղական կյանքի վերափոխման իր երազանքին ի խնդիր: Նրա մտադրությունները և ծրագրերը, որ կերպարանք ու ձև էին առել ժողովրդասիրական շարժման ազդեցությամբ, ամենևին էլ գործնականից հեռու չէին, և սա էր, որ հարկադրում էր նրան մի սթափ և ռեալիստական հայացքով տնտղել ժամանակակից իրականությունը, խորանալ դրա հակասությունների մեջ, վեր հանելով կյանքը բզկտող սոցիալական անհավասարության և աններգաշնակության դասային ու դասակարգային պատճառները և երազել ռոմանտիկ հեռուներում ուրվագծվող հասարակական էլզորագոյի կամ գյուղական համայնավարության հաղթանակի մասին:

Գ Լ Ո Ւ Ե Տ Ա Ս Ն Հ Ի Ն Գ Ե Ր Ո Ր Դ

«ՄՈՒՐՃԻ» ԳՅՈՒՂԱԳԻՐՆԵՐԸ

2. ԲԱՐԿԵՆՑ

Կյանքի գծեր: Առաջին պատմվածքները: Ուղևորություն դեպի Կարին: «Արևելյան ամպերի տակ» ուսումնասիրությունը: Նոր դիրքառոշում արևմտահայ ազատագրական շարժումների նկատմամբ: Կարբիել-Մանկալի պատկերները «Արձագանհում»: Գյուղատնտեսական ուսումնարանը գյուղի սոցիալական բարեփոխումների նախապայման: Նարոդնիկական լուսավորչություն և լիբերալ ուղիկալիզմ: «Ագրարային հարցը Թուրանյաստանում» երկը: «Նարեկը» վեպը: Կյանքի վերջին շրջանը:

Ադելյանից առաջ և Պոռչյանի հետ զրեթե միաժամանակ «Մուրճում» հանդես եկավ գյուղագիր Բաբկենցը (Գաբրիել Մնացականյան):

1880-ական թվականների երիտասարդ այն գործիչներից էր սա, որ զինվորագրվել էր արևմտահայ դատի պաշտպանությանը կապեր հաստատելով ինչպես Պետերբուրգի «Հայրենասերների միություն», այնպես էլ Թիֆլիսի նարոդնիկական խմբակների հետ: Իր գրական պատկերներով ու հրատարակատեսական ելույթներով նա արդեն ձեռք էր բերել գրական ճանաչում, երբ մտերմացավ Արասխանյանի հետ և դարձավ նրա ամսագրի հիմնական աշխատակիցներից մեկը: «Մուրճի» հետ Բաբկենցի դաշինքը ամենևին էլ պատահական չէր: Նոր ամսագրի ծրագիրն ու վարած

գրական քաղաքականությունը զուգադիպում էին հայ գյուղացիութեան սոցիալական ճակատագրով մտահոգ գրողի ու գործչի հասարակական համոզումներին: «Մուրճի» հրավերն արդեն երիտասարդ գործչին միանգամից դարձրեց ամսագրի հավատակիցը: «Մենք ուզում ենք, — ասված էր հրավերում, — որ մարդիկ ոչ միայն քարոզեն, այլև օրինակ տան»: Մնացականյանը մեկն էր նրանցից, որ համալսարանական նստարանից արդեն որոշել էին նվիրվել հայ գյուղի ու գյուղացու գրությունը վերափոխելու սուրբ գործին: Վերադառնալով հայրենիք, նա մեկնում է գյուղ՝ հայրենի Դավալու և երկար տարիներ գործում գյուղացիութեան միջավայրում: Հանրահայտ է, որ Երևանի գավառում չբավոր ու զուրկ գյուղացիների դատական բոլոր գործերը Մնացականյանը վարել է ձրիաբար: Որպես ժողովրդական գործիչ և արևմտահայ դատի պաշտպան, Բաբկենցը հայտնի էր նաև հայ քաղաքական շրջաններում: Նրա գործունեությունը, մասնավորապես 1905—1906 թթ. հայ-թուրքական ազգամիջյան կռիվների տարիներին, հրավիրում է ուս պաշտոնեություն կասկածամիտ ուշագրգիթյունը, շնայած մեր գյուղագիրը շատ ջանք էր գործադրել եղբայրասպան այդ արյունահեղությունը կասեցնելու համար:

Բաբկենցը չհասցրեց տպագրել այն ամենը, ինչ նախագծել կամ արդեն թղթին էր հանձնել: Նա ավելի զբաղված էր ժողովրդի իսկական բարեկամի իր ծրագրերն իրագործելու գործնական հոգսերով:

* * *

Գաբրիել Մնացականյանը ծնվել է 1860 թվականին, Երևանի նահանգի Դավալու (այժմ Արարատ) գյուղում, գյուղացու ընտանիքում: Հայրը՝ Դուռնյանը ամեծահարուստ կալվածատեր զենե-

1 Կենսագրական տեղեկությունները քաղել ենք Բաբկենցի այրու՝ տիկին Ասողիկ Մնացականյանի և որդու՝ Գարեգին Մնացականյանի ձեռագիր գրություններից, որ դրականագետ Արամ Ինճիկյանը սիրով տրամադրեց մեզ: Օգտորվել ենք նաև Գ. Մնացականյանի «Նորիկ» վեպի սովետական առաջին հրատարակության համար Ա. Ինճիկյանի զրած առաջարանից:

րալ Կախանովի հանձնակատարն էր և հիմնականում զբաղվում էր Արազդաշյանի հողերի մշակման և ջրանցքի կառուցման աշխատանքներով: Իբրև խորհրդատու և հանձնակատար, Գոլուխանը վաշելում էր Կախանովի վստահությունն ու համակրանքը: Արազդաշյան գնալիս նա սովորաբար որդուն՝ Գաբրիելին էլ իր հետ էր վերցնում: Այստեղ է, որ Գաբրիելը իր վրա է հրավիրում ուսուկալածատիրոջ ուշադրությունը: Ուշիմ և աչքաբաց երեխան արագ և հմտորեն յուրացնում էր ուսուսաց լեզուն, մի բան, որ զարմացնում և հիացնում էր Կախանով ամուսիններին: Գեներալը շուտով հանձնարարում է Գաբրիելին ուղարկել Երևանի պրոգիմնազիա և իր վրա է վերցնում երեխայի ուսման ծախսերը: Ինքուստ տարեկան Գաբրիելն արդեն սովորում էր Երևանում:

1870-ական թվականներին կեսերին ավարտելով պրոգիմնազիան, նույն Կախանովի միջնորդությամբ և հանձնարարականով, Գաբրիելը մեկնում է Թիֆլիս և ընդունվում տեղի ռեալական դպրոցը: Թիֆլիսում սովորելու առաջին տարիներին, ինչպես հավաստում է գրողի որդին՝ Գարեգին Մնացականյանը, պատանի Գաբրիելը ապրում էր Կախանովի թիֆլիսյան բնակարանում: Շուտով Կախանովները տեղափոխվում են Պետերբուրգ և ռեալականի աշակերտը հայանվում է փողոցում: Մանր ու տաղնապալի օրերի շղթան անվերջ էր թվում: Սակայն Գաբրիելը համառ էր և անկոտորում: Նա շարունակեց ուսումը և ավարտեց ռեալականը՝ բարձրագույն կրթություն ստանալու հաստատ դիտավորությամբ:

Երբ ռեալականի ավարտականը գրոպանում վերադարձավ հայրենի գյուղ, Գոլուխանը փորձեց որդուն համոզել զբաղեցնելու գյուղական գրագրի թափուր պաշտոնը: Գաբրիելի միտքն ու ցանկությունները սակայն մշուշված էին պետերբուրգյան հեռուների կարոտով: Հոր և որդու բանակցություններն ավարտվեցին նրանով, որ Գաբրիելը Պետերբուրգ մեկնելու ճանապարհածախս ստացավ: Արդեն ոչ մի բան չէր կարող արգելել ուսումնատենչ պատանուն նվիրական երագի ետևից գնալու: Եվ ահա, 1881 թվականին ճանապարհային լծասալակը տանում էր նրան Բաքու, ուսկից գնացքով պիտի մեկներ Պետերբուրգ:

1882-ին Գ. Մնացականյանը ընդունվում է Պետերբուրգի հա-

մալսարանի իրավաբանական ֆակուլտետը: Երկու տարի նա տա-
րավ չքավոր ուսանողի բոլոր զրկանքները: Պետերբուրգը անհյուր-
բնկալ եղավ նրա համար: Թոքերի արագահաս հիվանդութունը
նրան հարկադրեց վերադառնալ հայրենիք: Մահը կարծես անխու-
սափելի էր: Համալսարանի բժշկական ֆակուլտետի պրոֆեսորները
հասկացրել էին, որ «հայրենիքում մեռնելն ավելի լավ է, քան
օտարության մեջ»: Հուսահատ, վերջնականապես քայքայված
առողջությամբ նա հասավ հայրական տուն: Այրիջայի արոտա-
վայրերում, վրանների տակ, Գաբրիելը ամրապնդեց թոքերը, և
մի տարի անց, նա արդեն մասնակցում էր գյուղական աշխա-
տանքներին:

1884-ի կեսերին Մնացականյանը նորից է մեկնում Պետեր-
բուրգ, բայց այս անգամ ոչ թե սովորելու, այլ գործերը Օդեսա
տեղափոխելու համար: Նույն թվականին նա դառնում է Օդեսայի
համալսարանի իրավաբանական ֆակուլտետի ուսանող:

Օդեսայում ուսանելու տարիներին Գ. Մնացականյանը, ինչ-
պես երևում է, մասնակցել է հայ ուսանողների այն խմբակի գոր-
ծունեությանը, որը Պետերբուրգում «հայրենասիրական գրքույկ-
ներ էր հրատարակում՝ նյութեր ընտրելով բալկանյան ժողովուրդ-
ների ազատամարտից»²: Տարիներ առաջ, ըստ երևույթին, նա ան-
դամագրվել էր «Մանկտ-Պետերբուրգի համալսարանի արևելյան
լեզուների ֆակուլտետին կից հայկական ուսանողական կազմա-
կերպությանը», որ մասնաճյուղն էր Մոսկվայում 1881—1882-ին
կազմակերպված «Հայրենասերների միության» ազգային-նարող-
նիկական խմբակի:

Մայրաքաղաքում ուսանելու տարիներին Գ. Մնացականյանը
պետք է որ կապեր ու ծանոթություններ հաստատած լիներ արև-
մբտահայ դատի պաշտպանության նախանձախնդիր նարոդնիկ այն
երիտասարդների հետ, որոնք դադունաբար հրատարակում էին
«Ազատության ավետաբերը» և նախագծում հեղափոխական գոր-
ծունեություն ծավալել Հայրենիքում: Սա պարզորոշ երևում է գրո-

² «Գործ», Բաբու, 1917, № 11—12, էջ 208:

զի արխիվում պահվող մի պատմվածքից, որ թվագրված է՝ «Պետերբուրգ, 1882 թիվ, դեկտեմբեր»։ Պատմվածքի հերոսը նարոդնիկ այն գործիչներից մեկն է, որ ուսումը կիսատ թողնելով, մեկնել է դավառ՝ գյուղացուն օգնության հասնելու։ Երիտասարդ Հարությունյանը Ն. գավառական քաղաքի քննիչի թարգմանն է և մասնակցում է դատավարական բոլոր գործերին և արդեն համբավ ու ճանաչում է ձեռք բերել։ Բ. գյուղում մեծահարուստ-մլքատեր Դոլուխանովի սագրանքով դանակահարվել է մի գյուղացի երիտասարդ, ՚ր բողոքել Վերվածատիրոջ ապօրինի յուրացումների դեմ։ Քննիչ Վինոլի-Բինի հետ գյուղ հասած Հարությունյանը ականատես է լինում Դոլուխանովի և սրա վնոջ՝ Ելենա Միխայլովնայի անսիրտ ու անիղճմտանք գործերին։ Կալվածատերը արգելում է քանդել իր առանձնատան կողքով անցնող հեղեղատի ցանկապատը. ելման ջրերը տակնուվրա են անում գյուղական խրճիթները. բազմաթիվ ընտանիքներ մնում են անօթևան։ Վրիժառույթյան կիրքը և կալվածատիրոջը պատժելու ցանկությունը այրում են Հարությունյանին։ Ի՞նչ անել։ Տարօրինակ մի ծրագիր է հղանում. պատվազրկել Դոլուխանովի կնոջը և, այսպիսով, միջոց տալ կալվածատիրոջը ինքն իրեն կործանելու։ Տեղեկանալով Ելենա Միխայլովնայի և Հարությունյանի միջև եղած կապի մասին, գաղազած Դոլուխանովը սպանում է կնոջը և վարձկանների միջոցով փորձում սպանել նաև երիտասարդին։ Սակայն Հարությունյանը փրկվում է, իսկ Դոլուխանովը Սիբիր է աքսորվում։ «Հարությունյանցը,— գրում է Գ. Մնացականյանը,— շատ ազգասեր երիտասարդ է և իր ուսումը կիսատ թողնեց, որ Հայաստանում գործի, և հիմա, ձայն կա, թե շատ գործերի է ձեռք գցել։ Նա շատ սիրում է գյուղացուն և դեռ գիմնազիայում հայտնի էր ինչպես գյուղացու համար ապրող երիտասարդ։ Այն ժամանակ նա շատ սիրում էր Միրաբոյին, Ֆրանսիայի հեղափոխությունը և վարդում էր սրա մասին շատ հեղինակություններ։ Նա Բ.— ում գիշեր-ցերեկ մտածում էր հայ գյուղացու դրուժյան վրա, նա քննիչի մոտ թարգման էր մտել, որ ավելի մոտից ուսումնասիրի ժողովրդի դրությունը»³։

3 ԳԱԹ, Բաբկենցի Ֆոնդ, № 4, էջ 3:

Գավառական ժողովրդասեր այս գործչի հեղափոխական մղումները կամ միրաբոյական կողմնորոշումը ի վերջո դյուղացու քրտինքով հարստացած կալվածատիրոջը անձնապես պատժելու ելուղին են նշում: Տառասլյալ ժողովրդի անունից հանդես եկող Հարությունյանը դրեթե նույն մեթոդով քայքայում ու կործանում է գավառաբնակ մեծահարուստ Բուղղանովների ընտանիքը: Ավելի լավ է վնասակարը պատժվի, թշվառանա, — ասում է Հարությունյանը, — միայն հիմարներն են, որ հանդուրժում են զրկողի անիրավությունը՝ պատմության ու հասարակության վրա բարդելով ամբողջ մեղքը: Ոչ մի ներողամտութուն. ավազակին չի կարելի ներել, ինչպես որ ուրիշի աշխատանքը խլողին: «Թող ամբողջ աշխարհն իմանա, որ տառասլյալ ժողովուրդը կարող է ծնել ապառաժ հոգիներ»⁴:

Մնացականյանը նարոդովոլական հեղափոխականի դատողությունները համեմում է ինքնատիպ վրեժխնդրության քարոզով: Ֆրանսիական մեծ հեղափոխության նորօրյա այս պաշտպանի տրամաբանությունը, քանի որ Գոլուխանովներն ու Բուղղանովները շունեն «ոչ մի բարոյական զղացմունք, ոչ մի բարոյական սկզբունքի գաղափար», ուստի նրանց դեմ պիտի կռվել, նրանց իսկ որդեգրած միջոցներով: Թողնել, որ այդպիսի մարդիկ անսպասիժ մնան, — ասում է Հարությունյանը, — «կնշանակի տարածել անիրավությունը»⁵: Ավելի լավ է նրանք պատժվեն ու անբախտանան, քան կործանվի մի ամբողջ ժողովուրդ:

Մնացականյանի հերոսի դատողություններից պարզ երևում է, որ սա ժողովրդական վրեժխնդրությունը, ինքնադատաստանը գործողության նախընտրելի եղանակ է համարում բոլոր նրանց համար, ովքեր նվիրվել են դյուղացիության շահերի պաշտպանությանը: Հազիվ թե հարկ կա ապացուցելու, որ տրամադրությունները ու գաղափարների այս ընթացքը աղերսված էր համալսարանական միջավայրում նարոդովոլական քարոզի հանձնարարականներին: Մնացականյանը, ըստ երևույթին, այս շրջանից սկսած յուրացնում

4 ԳԱԹ, Բաբկենցի ֆոնդ, № 4, էջ 4:

5 նույն տեղում, էջ 9:

էր ուս նարողնիկ-հեղափոխականների գյուղացիական ասպտամ-բուժյան հայտնի դրույթները: Բայց գործունեութեան այդ եղանակը բավական անարդյունք էր երևում մեր ազգային նարողնիկին, քանզի այնտեղ կար արևմտահայութեան մեծ և անլուծելի խնդիրը: Հատկանշական է, որ այդ մասին խոստովանում է Մնացականյանի հերոսը. «Ռուսահայաստանում անգործ են, հիմա ինձ սպասում է գործի դաշտը», — ասում է Հարությունյանը իր ընկերոջը՝ Թուրքիա մեկնելուց առաջ: Բայց խոսքը տանք գրողին և տեսնենք՝ ինչպես է ներկայացնում նա «առաջին ծիծեռնակներին» չվերթի նախօրին: «Մեկ շաբաթ սրանից առաջ ես Հարությունյանին ճանապարհ գցեցի դեպի Տաճկահայաստան: Նա մեկ քանի հանձնարարականներ ուներ իրիմյան Հաջրիկի վրա: Նա ոտից մինչև գլուխ երկաթ ու սողապատի մեջ սեղմված էր: Երկար ու դաշանդ շուխան, լեզգու խանչալը, քրդի սուրը մեջքում կապած, մարտինի հրացանը ուսը գցած, ատրճանակը գոտիկը խրած, բարձր հասակը, լայն թիկունքը նրան զմայլեցնող տղամարդու տեսք էին տալիս: Նրա ձայնը բարձր էր ու ազդու, շարժումները արագ ու ազատ, աչքերը դետնին են նայում: Ոչ մի ժամանակ ես նրան այդպես գեղեցիկ չէի տեսել: Նա արձակ, սրտից խոսում էր ինձ հետ. «Հային էլ անկարելի է անտարբեր նայելը փրեն վրա, ժամանակն է, որ իր ճարը տեսնի, իսկ հիմա աշխարհն այնպես է, որ առանց արյունահեղութեան ոչինչ չի ըլլի», — ասում էր նա: — Ռուսահայերը ավելի բարելավ դրութեան մեջ են, և հպատակ են ավելի քաղաքակրթված տերութեանը, որը մտածում է նրանց դրութեան մասին, բայց տաճկահայերի դրութեանը այժմ անտանելի բեռ է, պետք է առայժմ ամեն ճիգերն նրանց վրա թափենք, ամեն հոգսերս նրանց նվիրենք, եթե արդարև մենք ենք նրանց եղբայրը, հայութեանը իր ազատութեանը Թուրքիայում կստանա: Գլխավորը այս հարցում կերպը չէ նպատակին հասնելու, այլ նպատակն է: Թե ինչ գործ է սպասում Հարությունյանին Թուրքիայում ու ինչ ձևով է նա մտածում գործել, լես չեմ գիտում, սա կիմացվի ասպագայում ու այն ժամանակ ես իմ վեպը կշարունակեմ»⁶:

6 ԳԱԲ, Բաբկենցի ֆոնդ, № 4, էջ 10—11:

Պետերբուրգում ուսանող հայ երիտասարդի այս առաջին գրության մեջ պարզ երևում է «Հայրենասերների միության» հետ ունեցած գաղափարակցության հետքերը: Թե՛ պետերբուրգյան և թե՛ Ֆիֆլիսյան մասնաճյուղերում «Հայրենասերների միության» ծրագրային առաջադրությունները, մասնավորապես արևմտահայութունը թուրքական բռնատիրությունից ազատագրելու գործնական հրահանգները, լայն արձագանք ու պաշտպանություն էին գտնում: Նարոդնիկական գաղափարներով ներշնչված հայ երիտասարդությունը թողնում էր համառուսական հեղափոխության բնագծերը և ուսա ղեմվելուցինների օրինակով (ինչպես որ սրանք մըտնում էին սլավոն վամավորական շարժման մեջ) նետվում ազատագրական պայքարի հորձանուտը:

Ակադեմիկոս Աշոտ Հովհաննիսյանը նկատում է, որ «Հայրենասերների միության» այդ գործունեությունը համակիր վերաբերմունք էին ցույց տալիս Գ. Արծրունին, Ռաֆֆին և Ա. Թոխմախյանը⁷:

Գ. Մնացականյանը Ռաֆֆու երկրպագուներից մեկն էր: «Հայրությունյան» պատմվածքի մտահղացումը ծնվել էր, երևի, «Կայծերը» ընթերցելուց հետո: Այնուամենայնիվ զենք ու զրահի մեջ կորած, հայրենիք մեկնող հայդուկի այդ կերպարը ծնունդ էր առել Ռաֆֆիական մտածումների ու երևակայության աշխարհից: Մի բան, սակայն, շարժական հատկանշական է այս ամենի մեջ. ի վերջո Մնացականյանը նկարագրում էր հայ պյուղին ու դյուղացուն նվիրված նարոդնիկ մի գործչի, որ մի կողմ էր թողնում սոցիալական անհավասարության ու անարդարության մեծ պրոբլեմը ու մեկնում հայրենիք՝ Արևմտահայաստան, խորապես համոզված այն ճշմարտության մեջ, թե «առանց արյունահեղության ոչինչ չի ըլի» և որ հայությունը Թյուրքիայում իր ազատությունը կստանա, եթե ազգի բոլոր ուժերը կենտրոնանան այդ միակ և ճակատագրական խնդրի շուրջը:

Ուրեմն, Մնացականյանի անդրանիկ պատմվածքը ճիշտ էր արտացոլում 1880-ական թվականներին ազգային նարոդնիկական

7 Տե՛ս Ա. Հովհաննիսյան, նշվ. աշխ. էջ 47:

խմբակներում տեղի ունեցող դիմադարձը միջազգայնական խընդիրներից դեպի ազգային քաղաքական խնդիրները: «80-ական թվականների վերահաս ուսուցիչայի տարիներին,— նշում է Աշոտ Հովհաննիսյանը,— արևելահայ նարոգնիկ երիտասարդության մի մասը կտրվեց համառուսական հեղափոխական շարժումից, կծկվեց նարոգնիկական ազգային կազմակերպությունների մեջ... և ակտիվ գործունեության առանցք դարձրեց բացառապես արևմտահայ ազգային-ազատագրական շարժումը»⁸:

Գ. Մնացականյանը, անշուշտ, կուսակից ու կողմնակից էր սկսված շարժմանը: Դեռ Օդեսա մեկնելուց առաջ, 1884-ի դարնանը, նա «Մշակին» ուղարկեց Բաֆֆու հոբելյանի առիթով գրած «Մի սովորական անցք մեր առօրյա կյանքից» պատմվածքը, որտեղ արդեն որոշապես մատնացույց էր արվում արևմտահայության նկատմամբ հասարակական անտարբերության սառույցը կտարելու անհրաժեշտությունը:

Ֆահրատը կնոջ՝ Թելլիզարի և նորածին զավակի հետ, 1872-ին, սովից ազատվելով, Սպահանից հասնում է Երևան: Մարանդի մոտ, Երևան հասնելուց առաջ, թուրք ավագանների հետ ընդհարվելով, վիրավորվում է մի քանի տեղից: Հյուծված, արյունաքամ, սովից կիսախեղազար ընտանիքը տեղավորվում է քաղաքի ծայրում՝ Հաջի Հակոբի դատարկ այգետանը: Թելլիզարը լվացք է անում, հաց թխում, քրդի հալավ կարում և փրկում ամուսնուն ու երեխային: Ֆահրատի վերքերը դեռ լրիվ չէին լավացել, երբ հայանվում են քեֆչի երիտասարդները, բոլորն էլ վաճառականների որդիներ՝ Հակոբը, Սմբատը, Թորգոմը. սրանք սպասում են իրենց թուրք ընկերներին՝ Մահմադին, Ալիին և Հուսեյինին: Պայմանավորվածության համաձայն թուրքերը ներս են խուժում Ֆահրատի խրճիթը: Ֆահրատը գերմարդկային ճիգով դիմադրում է, Թելլիզարը մոլեգնում է որպես մի պատվասեր կին: Սակայն երեք խանչալ միանգամից խրվում է Ֆահրատի թիկունքը: Թուրքերից մեկը մոր առաջ կտրում է նորածնի գլուխը, և հետո սկսվում է

8 Աշոտ Հովհաննիսյան, նշվ. աշխ. էջ 39 ա:

Թեւլիզարի լլկումը. «...Մոմը վառվում էր և սենյակը լույս էր և հայ երիտասարդները լուսամուտին նայում էին սրանց վրա»⁹:

Պատմվածքում պայմանական է և՛ ժամանակը, և՛ այն երկիրը, որտեղից գաղթել էին Ֆահրատն ու Թեւլիզարը: Արեւմտահայութեան նկատմամբ հասարակական վերաբերմունքի խնդիրն է պատկերի առանցքը: Բուրժուական երիտասարդությունը, իրոք, պատուհանից էր նայում Հայրենիքում տեղի ունեցող արշան ու կոտորածի մղձավանջին: Գրողը խտացրել էր գույները ենթաբանագրի ավելի լայն ըմբռնման համար:

Արեւմտահայաստանի ազատագրմամբ շահախնդիր ազգային-նարողնիկական կազմակերպություններում իշխող միջնուրուրը Հայրենիք մեկնելու, թուրք ու քուրդ ջարդարարների բարբարոսական ավերածություններին վերջ դնելու, կազմակերպվելու, զենք սեղափոխելու, երկիրը ուսումնասիրելու րաֆֆիական գաղափարներով էր հագեցած: Պատանի ու երիտասարդ շատ ողմանտիկներ աշակերտական նստարանից արդեն ծրագիրներ էին կազմում «Թուրքաց Հայաստան զնալու և այնտեղ գործելու բուն տինչանքով»¹⁰: Ալեքսանդր (Վարդան) Գոլոշյանը, տասնվեցամյա մի պատանի, 1883 թ. դեկտեմբերի սկզբներին գաղտնի անցավ հին Ջուղա, իսկ եկող զարնանը՝ Սալմաստ, այստեղից Արեւմտահայաստան զնալու և «սուրբ գործին» զինվորագրվելու համար: «Գոլոշյանը Սալմաստ էր գնում իբրև առաջինը Բաֆֆի ծրագիրն իրագործողներից», — ասում է Լեոն¹¹: Գ. Մնացականյանը, մանավանդ պետերբուրգյան ուսումնառությունից հետո, ազատագրական շարժման նոր ահազանգումներին համակիր և Բաֆֆու ծրագրային հանձնարարականներին հետևող այն երիտասարդներից մեկն էր, որն արդեն իր գրական խոսքն էր ասում արեւմտահայ ժողովրդին օգնութեան ձեռք մեկնելու համար:

Երբ 1880-ական թվականներին վերջերին (1889) ավարտելով Օդեսայի համալսարանը, գրողը հայրենիք վերադարձավ, նրա

9 «Մշակ», 1884, № 56:

10 Լեո, Հայ հերոսները, 1920, էջ 45:

11 Նույն տեղում, էջ 48:

առաջին ձեռնարկումներից մեկը Արևմտահայաստան անցնելն էր: Գյրականության և արվեստի թանգարանում պահպանվել է Գ. Մնացականյանի «Կարսից մինչև Կարին» ճանապարհորդական տպավորությունների սևագրությունը: Դա անավարտ և շատ թռուցիկ մի ուղեգրական պատառիկ է, բայց հետաքրքիր այն իմաստով, որ միջոց է տալիս ծանոթանալու նորավարտ իրավաբանի արևմտահայություն և Արևմտահայաստանի հանդեպ ունեցած իրական վերաբերմունքին: Ըստ երևույթին, այս այցելություն արդյունքն էր նաև «Արևելյան ամպերի տակ» ուսումնասիրությունը, որ գրեց քիչ անց, 1891-ին, և որտեղ արդեն մանրամասնորեն վերլուծվում էին արևմտահայության պատմական-տնտեսական ու քաղաքական ճակատագրի հետ կապված բազմաթիվ խնդիրներ:

Ճամփորդական նոթերի նախաբանը ամփոփում է Գ. Մնացականյանի կարևոր խոստովանություններից մեկը: Վերջին ժամանակներս,— գրում էր նա,— Տաճկահայաստան «ճանապարհորդելու մասին» տարածվում են բազմաթիվ «սուտ ու պատիք տեղեկություններ». ընդ որում, դրա պատճառներից մեկը պիտի որոնել այն երիտասարդների մեջ, որոնք ուսանողական նստարանը նոր թողած, առանց քիչ թե շատ պատրաստության և «ասիական ժողովուրդը ճանաչելու», դիմում են Հայրենիք և «պատահած ժամանակը անասելի դժվարությունների հանդիպում»¹²: Բանն այն է, որ տաճիկ ժողովուրդն ու կառավարությունը «սաստիկ նախապաշարված լինելով ուսահայ երիտասարդների դեմ», ճանապարհորդների գործունեության մեջ տեսնում են հակակառավարական ձգտում և աշխատում «...հեռու պահել նոցանից տաճկահայատակ հայերին»: «Նոքա այս դեպքում,— հավելում էր Մնացականյանը,— շատ սխալվում են, որովհետև ուսահայ երիտասարդության մեջ մի որևէ պետություն հակառակող ձգտում մենք չենք տեսնում»¹³:

Թե ո՞ւմ հանձնարարությունամբ և ինչպիսի՞ նպատակով է համալսարանավարտ այս երիտասարդը Կարին անցել, դժվար է մի

12 ԳԱԹ, Բաբկենցի ֆոնդ, № 7, էջ 1:

13 Նույն տեղում, էջ 2:

որոշակի բան ասել: Արդեն գրողի խոստովանությունից երևում է, որ նա ոչ միայն զգուշության էր հրավիրում հայրենիք անցնող երիտասարդներին, այլև փորձում էր միամտեցնել թուրք կառավարությանն ու ժողովրդին և համոզել նրանց բարի այն դիտաւէորությունների մեջ, որ ունեին Հայրենիք անցնող առաքյալները:

Արևմտահայաստան կատարած ճանապարհորդությունից հետո, Մնացականյանը վերադարձավ Երևան և աշխատում էր Երևանի նահանգական դատարանում՝ որպես փաստաբան: Երբ 1892 թ. մայիսին Կարսում լավեց Կուսկունյանցի գործը, նորավարտ իրավաբանը շտապեց ստանձնել երիտասարդ ապստամբների պաշտպանությունը: Անվանի իրավաբանները հրաժարվել էին մասնակցել այդ դատավարությանը: Գ. Անանունը նշում է, որ Բաբկեհեցը «իր պաշտպանողական գործը տարավ պատվով և հմտությամբ», սակայն անկարող եղավ ազդել «դատավորների աշառու և բութ խղճի վրա»¹⁴:

«Արևելյան ամպերի տակ» հետազոտության վերջին եղրակացությունը Գ. Մնացականյանը կատարել էր այդ դատավարությունից քիչ առաջ: Հարկ չկա ասելու, որ մեր դյուզազիրը, ըստ կրեվույթին, համակիր լինելով երիտասարդ ապստամբների ընդհանուր նպատակներին, չէր բաժանում գործունեության նրանց մեթոդներն ու եղանակները, առավել ևս դեմ էր հայգուկային խմբերի այդօրինակ ինքնազոհաբերությանը, և մտածում էր ամենից առաջ դիվանագիտական այն կանաչ ճանապարհի մասին, որը տանում էր դեպի երկու տերությունների՝ Ռուսաստանի և Թուրքիայի համակրանքը շահելու և նրանց օգնությամբ սեփական ազգային գործերը կարգի բերելու խաղաղ ու ապահով հանգրվանը:

Թվում է, թե նարոզնիկ այս գործիչը անգիտանում էր գլխավոր իրողությունը՝ համիդյան կռուավարության ծրագրած ցեղասպան քաղաքականությունը, որ կիրառվում էր ամենուրեք հայերի նկատմամբ, այն ինչ ինքը՝ որպես ճանապարհորդ, տեսել ու հասկացել էր մի փոքրիկ ուղևորության ընթացքում: Տաճկական պետության մեջ և Արևմտահայաստանում զոյություն ունեցող հա-

14 «Գործ», Բաքու, 1917, № 11—12, էջ 208:

րաբերությունները այն ուրվագիծը, որ նա տվել էր «Արեւելյան ամս-
պերի տակ» հետազոտութեան էջերում, ինքնին բացառում էր նրա
դատապարտող խոսքի տրամաբանական կշիռը: Տնտեսական, քա-
ղաքական, ազգային ու սոցիալական բռնությունների տակ դարե-
բով հեծող փոքրաբանակ մի ժողովրդի հայրուկային մարտակովի
տակտիկան ու նպատակները մերժող հայացքը կարող էր ծնունդ
առնել խորապես պահպանողական ու տիրասեր մտայնութեան
դրդմամբ միայն:

Հազիվ պաշտոնյա դարձած և իրավաբանական առաջին քայ-
լերը կատարելիս Բարկենցը փորձում էր յուրովի և ինքնուրույն
պատասխան տալ երիտասարդութեանն ալեկոծող ազատագրական
նորահուն շարժման հարցերին: Իր աշխատութեան առաջաբանում
նա զգուշացնում էր ընթերցողին, որ գրքի մեջ «չորոնի քաղաքա-
կան մի որևէ ուղղութիւն, որովհետև դիտութեան ծառայողը պետք
է մոռանա քաղաքականութիւնը»¹⁵: Բնորոշ է, որ ազգային-ազա-
տագրական մաքառումները դատապարտող հայացքը միշտ էլ
առաջ է քաշել իր այսպես կոչված օբյեկտիվ անկողմնակալու-
թեան վերսիսն, որպես թե դրա մեջ երևում է կուսակցական նեղ-
մըտութիւնից ազատ համոզումների արդարակշիռ ազնւութիւնը:

Գ. Մնացականյանը 90-ական թվականների սկզբներին արդեն
հեռանում էր արևմտահայ ազատագրական շարժումների հանդէպ
գրաված նախկին բնագծերից և փորձում նոր հանգրվան որոնել:

Մինչև հիմա մենք հետևում էինք Պետերբուրգի և Օդեսայի
համալսարաններում կրթութիւն ստացած երիտասարդ մտավորա-
կանի քաղաքական համոզումների ընթացքին 80-ական թվական-
ներից ի վեր: Այժմ էլ մի հայացք նետենք գրողի սոցիալական
կողմնորոշումներին և տեսնենք, թե ուսումնառութեան տարինե-
րին ինչպէս ձևավորվեցին նրա գյուղասիրական մղումները և
որոնք էին այն հասարակական հարցերը, որոնց լուծմամբ շահա-
խնդիր երիտասարդ հրապարակախոսն ու գրողը իջնում էր գրա-
կան ասպարեզ:

Գաբրիել Մաճկալ—այսպէս էր ստորագրում նա իր առաջին

¹⁵ ԳԱԹ, Բարկենցի ֆոնդ, № 8, էջ 2:

պատմվածքներն ու հրապարակագրական ելույթները՝ ծածկանվան մեջ անգամ դնելով դեպի գյուղն ու գյուղացին ունեցած իր հատուկ համակրանքի շեշտը: Արգար Հովհաննիսյանի «Արձագանք» շաբաթաթերթում 1883 թվականին, առաջին անգամ տպագրված ենք տեսնում նրա պատմվածքներից մեկը՝ «Մի պատկեր հայկական կյանքից» վերնագրով:

70-ական թվականների գյուղագրական պատմվածքների ոճով գրված մի փոքրիկ պատկեր էր դա՝ գյուղում կատարվող անիրավությունների քննադատական սլացքով:

Գոքոն ու Շամիրը, երկու եղբայրներ, բանտ են ընկնում՝ թուրք ավազակներին մի լավ քոթակելու համար: Գիշերը դոմի օդեն քնած եղբայրները լսում են անասնագողի եկած ավազակների ոտնաձայնը և դռան շրխկոցը: Վրա են տալիս, ջարդում մեկի գլուխը, հետապնդում մյուսին, բայց բռնել չեն կարողանում: Մեծված ավազակները անմիջապես դիմում են գյուղում հանդստացող Իսմայիլ բեկին, և սրա սագրանքով կաղմվում է եղբայրներին պատժելու ծրագիրը: Դատարանին ուղղված երկար ու բարակ դիմումի մեջ՝ Իսմայիլ բեկը պատմում էր, թե ինչպես Գոքոն ու Շամիրը, որպես թե կողոպտելու նպատակով, հարձակվել են խեղճ ու անմեղ թուրք ճանապարհորդի վրա: Դատարանում, ռուս դատավորի հարցումներին պատասխանում էր թուրք թարգմանիչը՝ «վերապատմելով» Շամիրի ու Գոքոյի վկայությունները: Կարիք կա՞ ասելու, որ շափազանց գյուրին էր դատավորին թյուրիմացություն մեջ նետելը: Թարգմանիչը հավաստում է, որ եղբայրները խոստովանում են ավազակին կողոպտելու իրենց մեղքը: Երեսուն ռուբլի, մի գլուխ շաքար կաշառք են տալիս շինականները, երեք ամիս բանտ նստում և միայն այսպես ազատվում:

Պատմվածքը գրվել է 1882-ին, Պետերբուրգում: Իրավաբանականի ուսանողը այդ ժամանակ արդեն հայացքն ուղղում էր զավառական դատարաններում կատարվող անիրավությունների, այսպես ասած «ազգային» բնավորության վրա: Թուրք ավազակը արդարանում է, իսկ անմեղ հայը պատժվում, պարզ այն պատճառով, որ թուրք թարգմանիչը պարզապես թյուրիմացության մեջ

է դցում ռուս դատավորին: Ստացվում էր այնպես, որ եթե հայ գյուղացիները «ուռուսվար» իմանային կամ թե թարգմանիչն էլ թուրք չլիներ, անմեղները կազատվեին, իսկ ավազակներին կհասնէր արդարադատութեան պատժապարտող ձեռքը: Միամիտ ու պարզունակ այս տեսակետը երևան է հանում Մնացականյանի՝ հետագայում համոզմունք դարձած այն հայացքը, թե հայ ու թուրք բնակչութեան ներքին հակասութեանները անասելի դժվարութեաններ են հարուցում անդրկովկասյան միջավայրում փոքր-կողքի ապրող երկու ժողովուրդների տնտեսական հարաբերութեաններում: Հետո պիտի տեսնենք, որ այդ համոզումը քաղաքական ու սոցիալական յուրօրինակ հետևութեանների առիթ էր տալիս գրողին, նրբ նա գեղարվեստական լայն կտավի մեջ փորձում էր ուրվագծել հայ ու թուրք գյուղացիութեան սոցիալական ճակատագիրը:

1884-ին նույն «Արձագանքում» տպագրած «Անանուն վեպ» պատմվածքում Գաբրիել-Մաճկալը անդրադառնում էր պանդխտութեան հարցին և դարձյալ քաղաքական որոշ դիտավորութեամբ: Գյուղացու սև օրը շափաղանց գունեղ ու նկարեն դուրս է լողում Զերոյի Գեոյի երկարածիզ մենախոսութեան միջից. «Աստված, ի՞նչ կըլլի ինձ մեկ ճար անես. ես դող չեմ, ավազակ չեմ, մեկին չեմ նախանձում, ժամանակին վարում-ցանում եմ, սիրտս քեզ հետ ուղիղ է: Բայց ես ի՞նչ անեմ: Բարձրանամ այդ ծառի գլուխը: Ինչքան բարձր է, կտրեներեն շատ ալեկի վեր է: Բարձրանում ինձ այն տեղեն զցե՞մ, խուրդ ու խո՞ւշ ըլլեմ»¹⁶: Զերոյի Գեոյի մորմոքուն հուսահատութեան մեջ ընդհանրական տագնապի առանձնաշեշտ կա: Գյուղացին ճարահատ է, պարտքերի մեջ խըրված, մերկ ու զուրկ, օրվա հացի կարոտ: Փոքրիկ արտը հազար աչք ունի վրան. կես խալվար ցորեն՝ տասը ուզվոր՝ պարտատեր, վարսավիր, նախրչի, հյուան, տերտեր, աղքատ, բողորը, բողորը նայում են կալին, կես խալվար ցորենի կալին: Միրզենց սարքարին երկու տարի առաջ քառասունհինգ մանեթի մուրհակ էր տվել. սով էր, ընտանիքը կոտորվում էր: Քառասունհինգը հիմա դառել է հարյուր տասնհինգ. ի՞նչ պիտի անել, կալից ոչինչ տուն չի գա.

16 «Արձագանք», 1884, № 18, էջ 277:

«Թանգոն խեղճ-խեղճ պիտի քողարը շալկի բերի»: Որտե՞ղ պահ տա պուխը. ելնել գողութիւնն անել: Միտքը ծուլում է այդ ուղղութեամբ. տեսնում է իրեն գողութեան մեջ բռնված, անպատուված, ամենքի աչքից ընկած: Շաղվում է, քիչ է մնում խելագարվի: Ճար չկա, պիտի զնալ, կնոջն ու երեխային թողնել ու զնալ: Զերոյի Գեոյի ծայրազքատ խրճիթում հիմա հավաքվել են պուղականները: Բարեհոգի տեր-խաշատուրը սրտասլնդում է անդադար լաց լինող Գեոյին: Սուգ ու շիվանը կապել է տունը:

Գյուղից դուրս, քարափների տակ, պանդխտութեան գնացող Զերոյի Գեոյին հանկարծ մեկը ձեն է աւելիս.

— Գեո, այդ ո՞ւր ես գնում:— Դարձ Գեո:

Գեոն անխոս շարունակում է ճամփան:

— Քո գնալով կորում է մեր ազգի հուշը, ապագան, մեր երկիրը դատարկվում, օտար թռչունների կացարան է դառնում: Մենք ոչնչանում ենք, լավ է տանջվի, մեռի, բայց քո հայրենիքում:

Գեոն չի պատասխանում. կարծես ոչ ոք նրան ձայն չի տվել, գնում է ու գնում:

— Գնա, Գեո, պանդխտութեան մեջ մեռի, թող մեր ազգն էլ ջնջվի, աշխարի երեսեն վերանա: Ես էլ գնամ ու ինձ Արաղը գցեմ:— Այս ասողը մի բարձրահասակ, վիթխարի, եվրոպական շոր հագած մարդ էր¹⁷:

Պատկերը շափաղանց հատկանշական է գյուղագրի ժողովրդասիրական առաջին կողմնորոշումները ընկալելու տեսակետից: Եվրոպական շոր հագած բարձրահասակ ու վիթխարի մարդը, անշուշտ, խորհրդանշում է գյուղագնաց մտավորականին, ժողովրդական այն գործչին, որի համոզմամբ ազգի հուշն ու ապագան հայ գյուղացին է, իսկ գյուղացու պանդխտութունը երկրից՝ ազգակործան մի մեծ չարիք: Հետաքրքրական է, որ պանդխտութունը նարոդնիկ այս գործչին ներկայանում է որպէս մի այնպիսի ազգաջինջ իրողութուն, որի քաղաքական հեռանկարն է սարսափելի — երկիրը դատարկվում է, օտար ազգերի կացարան դառնում, և դա էլ հենց ոչնչացման սկիզբն է, կործանման եզրը:

17 «Արձագանք», 1884, № 18, էջ 279:

Ավելի լավ է տանջվել ու մեռնել հայրենիքում (այսպիսով երկիրը կմնա), քան պանդխտութեան մեջ որոնել փրկութեան հանգրուան:

Զերոյի Գևոն ականջ չի դնում այս զգուշացմանն ու հանձնարարականին: Մեծ քաղաքում արդեն կանխորոշված էր նրա ճակատագիրը: Եթե կառքի տակ ընկնելով շախջախվեր էլ, միևնույնն է, նա այլևս ետ չէր դառնալու: Բանվորական խղճուկ կացարանի մի անկյունում աչքը դեպի հեռավոր գյուղը մարում է Զերոյի Գևոն:

«Արձագանքի» այն համարում, ուր տպագրվել էր «Անանուն վեպը», Գ. Մաճկալը տեղագրել էր մի հետաքրքրական հոդված «Գյուղատնտեսական վարժարաններ և նոցա կարևորութունը Անդրկովկասի համար» վերնագրով: Երիտասարդ հրատարակագրի մտորումները ուղիղ գծով միանում էին «Անանուն վեպի» ենթաբնագրային հանձնարարականներին: Խնդիրն այն է, որ պանդխտութունը կանխելու, հայ գյուղացու թշվառագույն վիճակը բարեփոխելու ծրագրային առաջադրություններում Գ. Մաճկալը ելնում էր այն պատկերացումներից, ինչ որպես գեղարվեստական կանխադրույթ օգտագործել էր Զերոյի Գևոյի ճակատագիրը նկարագրելիս: «Հայ գյուղացու աղքատութունը օրեցօր նկատելի և սպառնողական է դառնում,— գրում էր նա հոդվածի շարունակութեան մեջ:— Հայ գեղջուկը կրում է պանդխտութեան տանջանքը, ինչ է՝ տուն մի քանի կոպեկներով վերագանա: Ոջիւն, անիծն, աղտոտ ցնցոտիները ուտում են նրա մարմինը, սենյակի խոնավութունը պաղեցնում են նրա արյունը, բայց նա դարձյալ շարունակում է իր աշխատանքը, որ երեխաներին մի կտոր հաց տանի»¹⁸: Այս նույն Զերոյի Գևոյի հասարակական վիճակն է, որ հիմա զբաղեցնում է գրողին և մղում հրատարակատեսական խորհրդածութունների: Առիթը, սակայն, 1883 թ. դեկտեմբերի 27-ի պետական որոշումն է գյուղատնտեսական տնտրակարգ վարժարանների կազմակերպման մասին:

Պետական կալվածների նախարարութեան հողագործութեան

18 «Արձագանք», 1884, № 23, էջ 345:

և գյուղական արդյունագործութեան դեպարտամենտի թուլտուլութեամբ մասնավոր անձինք իրավունք էին ստանում դավառներում երկու կարգի գյուղատնտեսական վարժարաններ բանալու: Գ. Մաճկալը մտածում էր, որ այս օրինագրութեան գործադրութիւնը շափազանց մեծ հեռանկարներ կարող է բանալ Կովկասում գյուղատնտեսութեան զարգացման առաջ և մասնավորապես բարեփոխել հայ գյուղացու տնտեսական դրութիւնը: Գյուղատնտեսական երկկարգ վարժարանների լայն ցանցի ստեղծումով հնարավոր կլինէր ոչ միայն լուսավորութիւնը տարածել գյուղաբնակչութեան մեջ, այլև ստեղծել մասնագետ-հողագործների այն խավը, որը կվերափոխէր ամբողջ երկրի տնտեսական կյանքը:

Երիտասարդ հրապարակախոսը, անշուշտ, հետևում էր Գ. Արծրունու հայտնի տեսակետներին՝ դպրոցի և գյուղատնտեսութեան փոխհարաբերութեան հարցերը քննելիս: Մաճկալը գյուղական ժխական վարժարանների անօգտակարութիւնն էր ընդգծում հայտնի այն պատճառաբանութեամբ, թե դրանք երեխաներին պարզապես գրել-կարդալ սովորելու հնարավորութիւն են տալիս միայն: Արհեստները, գործնական գիտելիքներ, որոնց այնքան կարոտ է գյուղացին՝ դուրս են այդ ուսումնարանի ծրագրից: Այդ պատճառով գյուղացին դպրոցին առանձին կարևորութիւն չի տալիս, «անտարբեր է մնում, չի հափշտակվում նրա առաջադիմութիւնով»¹⁹: Բացի դրանից, գյուղական ուսումնարանները «ունենում են և իրանց վնասները». գրաճանաչ դարձած պատանիները խորթանում են հողագործութիւնից, ոմանք գնում են քաղաքները, մի կերպ «մի քանի մանեթ են» վաստակում և վերադառնալով գյուղ, բազմացնում են շարչիների թիվը: Ուրիշները մտնում են գյուղական դատարան, ընտրվում դատավոր կամ «ղանաղան ձեռքով հարստութիւն ձեռք դրում» և «քամում գյուղացու արյունը, ուտում նրա ոսկորը»²⁰: Գ. Մնացականյանը հիշում է, որ այս մասին խոսք է եղել Թիֆլիսում բացված ուսուցչական ընդհանուր ժողովում: 1881 թվականի փետրվարին

19 «Արձագանք», 1884; № 17, էջ 256:

20 Նույն տեղում, էջ 255:

«Մշակում» տպագրած «Գյուղը և քաղաքը» առաջնորդողում Գ. Արծրունին նույնպես մատնացույց էր անում այդ իրողութիւնը. «Գյուղացու որդին,— գրում էր նա,— երբ հայոց հոգևոր կամ պետական միջնակարգ դպրոցում իր ուսումը ավարտել է, բայց մանավանդ, երբ այդ գյուղացին կարողացել է բարձրագույն ուսում ստանալ, նա այլևս իրան գյուղացի չի համարում և այլևս չէ վերադառնում գյուղը, արհամարհելով բահը ձեռք վեր առնել և հողի մշակութիւն անել: Այո՛, դա մեծ դժբախտութիւնն է...»²¹: Ընդ որում, մեր մտավորականները ոչ թէ դեմ էին գյուղական լուսավորութեանը, այլ գյուղական վարժարանների՝ գյուղացուն տված կրթութեան ընդհանուր ուղղութեանը: Նույն ուսուցչական ժողովում մտցվեց գյուղական ծխական ուսումնարանները գյուղատնտեսական և արհեստավորական վարժարաններ դարձնելու առաջարկը²²:

Գ. Մաճկալը, որ խորապէս հավատացած էր գյուղատնտեսական վարժարանների գյուղափրկիչ նշանակութեան մեջ, նույնպես գրում էր. «Մեր կարծիքն այն է, որ մեր գյուղական ծխական դպրոցներին պետք է գյուղատնտեսականի և արհեստականի ձև տալ»²³: Հավատացած էր, որ տաս-քսան տարվա ընթացքում հնարավոր է այդ «վերածումը», իսկ թե որպիսի մեծ օգուտներ կըստանա գյուղաբնակչութիւնը դպրոցաշինական նոր ուղղութիւնից, կարելի է դատել ո՛չ միայն եվրոպացիների օրինակով, այլև պարզ ու մեկին հաշվարկով: Նախ՝ ժամանակակից «գյուղատնտեսական ճգնաժամի մեջ» բանիմաց և մասնագետ հողագործների երևան գալը ինքնին կարող է լուծել գյուղատնտեսական դիտութիւնը մասսաներին հասցնելու կնճռոտ խնդիրը: Բացի այն բանից, որ գավառում կգործեն մշտական գավառաբնակ գյուղատնտեսական մտավորականութիւնը և հենց նրա շնորհիվ էլ վարժարաններն ու արհեստանոցները, գյուղական բնակչութեան մեջ կբարձրանա «ավելի զարգացածների թիվը», ժողովրդի աչքում

21 «Մշակ», 1881, № 32:

22 Տե՛ս Հ. Նազարյանց, Հայոց ընդհանուր ուսուցչական ժողովը, Թիֆլիս, 1882, էջ 71:

23 «Արձագանք», 1884, № 18, էջ 271:

կմեծանա ուսումնարանի նշանակութիւնը և «ազգի ապագա կըրթութեան խորանը... հաստատ պատվանդանի վրա կկառուցվի»²⁴։

Գյուղատնտեսական ուսումնարանը կվերափոխի ամբողջ գյուղաշխարհի դեմքը։ Խոր համոզումով և ներքին մեծ ոգևորութեամբ էր այդ մասին պատմում Գ. Մաճկալը։ Մանավանդ հուսադրում էր նրան գյուղի և գյուղացիութեան հարցերով զբաղվող այն երիտասարդութեան գործունեութիւնը, որ սովորում էր Մոսկվայի Պետրովսկի գյուղատնտեսական ակադեմիայում, Գերմանիայում և Շվեյցարիայում։ «Մեր լրագրութիւնը վերջին տարիներս մի շարք գյուղատնտեսական հոգեվածներ տպելով, — գրում էր նա, — ցույց տվեց, որ մենք այդպիսի ուժեր ունենք. և վերջապես ո՞ւմ հայտնի չէ մեր ուսանողութիւնը Մոսկվայի Պետրովսկայա Ակադեմիայում, Գերմանիայում, Զվիցերիայում. շատերը սրանցից լավ պատրաստված մասնագետներ են և մեծ ուրախութիւնով կծառայեն ժողովրդին»²⁵։

Նարոդնիկ երիտասարդութեան հետ Գ. Մնացականյանի դադափարական կապերը ծայր էին առնում գյուղասիրական այն կողմնորոշումների դրդմամբ, որ գյուղագիրը ձեռք էր բերել, անշուշտ, Պետերբուրգ մեկնելուց առաջ, Թիֆլիսի ռեալականում սովորելու տարիներին։ Հայտնի էր նրան այն փաստը, որ «Գործի» շուրջ համախմբված հայ երիտասարդները գյուղում գործնական աշխատանք են ծավալել։ Այսպես, Ալեքսանդր Քալանթարը, ինչպես այդ մասին հաղորդում է Հ. Տեր-Մովսիսյանը «Մեղլին» գրած իր թղթակցութիւններից մեկում, Բաքվի և Շամախու միջև, Կուրի ափերին, գյուղատնտեսական փորձնական աշխատանքների համար հատկացված ֆերմայում գործադրել էր հնձող մեքենա և բավական մեծ արդյունքի հասել²⁶։ Պետրովսկի գյուղատնտեսական ակադեմիայի ուսանողները պատրաստվում էին հայրենիք վերադառնալ և գործնականում օգնել հայ գյուղացուն՝ տնտեսական անել վիճակից դուրս գալու համար։

24 «Արձագանք», 1884, № 18, էջ 271։

25 Նույն տեղում, էջ 273։

26 «Մեղու Հայաստանի», 1882, № 125։

Գ. Մնացականյանը բավականաչափ մոտիկից դիտեր այդ ուսանողությանը և հետևում էր նրանց հրապարակախոսական ու տնտեսագիտական ելույթներին: «Դարձյալ գյուղատնտեսական վարժարանների և նոցա կարևորության մասին Անդրկովկասում» ուսումնասիրության մեջ, որ շարունակությունն էր առաջինի, Գ. Մաճկալը արդեն ծանրանում էր հարցի պատմության վրա և ջուլջ տալիս, որ գյուղատնտեսական և արհեստավորական դպրոցների հիմնելու պահանջը մեղանում նոր չէ, այլ արժարժվել է դեռևս 60-ական թվականներին Պետերբուրգի բժշկական ինստիտուտի հայ ուսանողության կողմից: Ընդ որում, իրավաբանականի այս ուսանողը խելամտորեն հայ երիտասարդների այդ պահանջը դիտում է որպես Մ. Նալբանդյանի «Երկրագործության» հասարակական միտումների մասնավոր արտահայտություն: «Բավական կլինի,— գրում էր նա,— եթե սրա վրա ավելացնենք, որ մեր 60-ական թվականների հայտնի հրապարակախոսը յուր գրվածների շարքը պսակեց երկրագործության վրա տետրակով, ուր երկրագործությունը իբրև ուղիղ ճանապարհ և միակ միջոց է համարվում ազգային առաջադիմության, իսկ երկրագործությունը առաջ տանելու համար հարկավոր են գյուղատնտեսական և արհեստական վարժարաններ»²⁷:

Հայ նարոդնիկ երիտասարդության սոցիալական հանձնարարականներին դիմելով, Գ. Մնացականյանը չէր սահմանափակվում նրանց նկատումների պարզ կրկնությամբ: Ջանում էր ավելացնել և՛ իր սեփական տեսակետը, որ այս դեպքում բավական հետաքրքրություն է ներկայացնում:

Գյուղատնտեսական վարժարանների հիմնադրմամբ սակավահողության և պանդխտության պրոբլեմը լուծելու պատկերացումը որոշապես առնչված է «Գործի» նարոդնիկների տնտեսագիտական համոզումների հետ²⁸: Հողն է այն գլխավոր, ամենաէական

27. «Արձագանք», 1884, № 23, էջ 345:

28 Մոսկվայի Պետրովսկի գյուղատնտեսական ակադեմիայի հայ ուսանողական ընկերության գրեթե բոլոր անդամները աշխատակցում էին «Գործ» հանդեսին (տե՛ս Վ. Ռշտունի, Հայ հասարակական հոսանքների պատմությունից, Երևան, 1956, էջ 379, 451 և հետո):

տարրը, որ կազմում է ազգութեան հիմքը,— ասում էին նրանք: Այդ պատճառով երկրագործութիւնը միակ ճանապարհն է ազգի տնտեսական առաջադիմութեան: Իսկ երկրագործութիւնը առաջ տանելու ժամանակակից միջոցն ու եղանակը,— ավելացնում էր Մաճկալը,— գյուղատնտեսական և արհեստավորական վարժարաններն են: Գ. Մնացականյանը նշում էր սակավահողութիւնը վերացնելու շորս միջոց՝ ա) գյուղացիներին դաղթեցնել Անդրկովկասում եղած դատարկ հողերը, բ) ոռոգել Անդրկովկասի ամալի և անջուր հողերը, գ) Տաճկահայաստանի և Պարսկահայաստանի մոտակա սահմանները տրամադրել հայ գյուղացուն և վերջապես դ) «տարածել գյուղացիների մեջ գյուղատնտեսական գիտութիւններ և արհեստներ, որ հողն ավելի լավ կարողանան հարստահարել և ավելի շահավետ արդշունաբերութիւններով պարապել»²⁹: Առաջին երեք միջոցները ժամանակակից պայմաններում անհնար է գործադրութեան մեջ դնել, մնում է միայն վերջինը՝ «հողի ավելի լավ հարստահարման» եղանակը, որ կարելի է գլուխ բերել գյուղատնտեսական և արհեստավորական վարժարանների հիմնադրմամբ: «Տվեք գյուղացուն մտավոր զարգացում,— ասում էր նա,— սովորեցրեք նորան ավելի խոհական տնտեսութիւն, նա այն ժամանակ իրենը առունքը էլ կդցի, ճանապարհներ էլ կշինի և ոչ մի ժամանակ յուր հողն ու երկրի հարստութիւնը ձեռն չի թողնի»³⁰:

Եվ այսպես՝ գյուղատնտեսական գիտելիքներ գյուղացուն, հողի մշակման եվրոպական ձևերի ու միջոցների գործադրում, գյուղատնտեսական դպրոց ու արհեստավորական վարժարան, կրթված գյուղացի, հողագետ ֆերմեր, մտավորականութիւն, որ պարապում է հողի մշակութեան հարցերով — ահա այն ուղին, որ կարող է ժամանակակից երկրագործութիւնը հասցնել այնտեղ, ուր հասավ Եվրոպան «բազմաթիւ սխալներից ու վնասներից հետո»³¹: Մաճկալը բերում էր ակնառու օրինակներ՝ ապացուցելու համար այս ճանապարհի հեռանկարայնութիւնն ու գործնական դշուրութիւնները: Երևանի նահանգում նոր է մուտք գործում եր-

29 «Արձագանք», 1884, № 23, էջ 345:

30 Նույն տեղում, էջ 346:

31 «Արձագանք», 1884, № 18, էջ 272:

կաթյա գութանը,— ասում էր նա: Հնօրյա, նահապետական, մեծ ու ծանր փայտե գութանների գործածութիւնից դուրս գալը հնարավորութիւն է տալիս գոմեշներին փոխարինել եզներով: Թանկ ու դժվարութեամբ ճարվող Ռաշտի ու Մաղանդարանի գոմեշից ազատվելով, գյուղացին տնտեսական մեծ օգուտ կստանա: Հնարավորութիւն կստեղծվի ավելի հեշտ, էժան ու արագ «հարստահարել» հողակտորը և «միկնույն քանակութիւնով տեղից ավելի շատ օգուտ ստանալ»: Նույնը և երկանիվ ու քառանիվ սայլերի վերարբերմամբ: Աստիճանաբար յուրաքանչյուր գյուղատնտեսական գործիքի փոփոխումը կամ փոխարինում նորով, միջոց կտա գյուղացուն հրաժարվել հողագործութեան նախնական ձևերից ու միջոցներից և անցնել գյուղատնտեսութեան կառավարման եվրոպական ձևերին: Միայն ազգային, «ժողովրդական մշակութիւնը» եվրոպականին հավասարեցնելու միջոցով է, որ «...կապահովեմ մեր ապագա կյանքի երկարատևութիւնը»³²:

Պարզ երևում է, որ Գ. Մաճկալը գյուղատնտեսական վարժաբանների լայն ցանցի ստեղծման պահանջն ու հանձնարարականը ներկայացնում էր 60-ական թվականներից ի վեր հայ մամուլում քննարկվող տնտեսական զարգացման այն գծի պաշտպանութեամբ, որն, ըստ էութեան, առնչված էր «կյանքի եվրոպականացման» կամ, որ նույնն է, բուրժուական առաջընթացի հեռանկարների հետ: Իհարկե, նարոդնիկ այս գործիչը շատ լավ հասկանում է, որ անդրկովկասյան գյուղում մոլեզնոդ աղքատութիւնը, սակավահողութիւնը և պանդխտութեան համատարած շարիքը «արգասիք են դանազան պատճառների», բայց և միաժամանակ խորատես հավատացած էր, որ այդ ամենի «ամենամեծ շարժառիթը գյուղատնտեսութեան խախտվելն է»: Ընդ ամին, եվրոպական ազդերի պատմութեան օրինակով նա հրահանգում էր կասեցնել գյուղական տնտեսութիւնների քայքայման ընդհանուր պրոցեսը: Բարձրացնել գյուղատնտեսութիւնը, ստեղծել գյուղական մտավորականութիւն, հողամշակութեան նոր ձևեր ու մեթոդներ կիրառել, եվրոպականացնել կյանքը,— ահա, թե որտեղ է ելքը: Իսկ

³² «Արձագանք», 1884, № 23, էջ 347:

դրա միջոցն ու ուղին գյուղատնտեսական ուսումնարանն է. «Այս վարժարանը,— գրում էր նա,— աչքն աչք կցուցնի հայ գյուղացուն, որ ուսումը միայն Նարեկ կարդալու, մուրհակ գրելու ու տնրութեան համար պաշտոնատար դառնալու չէ, այլ ունի ավելի մեծ, ավելի լայն և գործնական նշանակութիւն, կբացի նրա աչքին հողի ավելի մեծ արժեքը, քան նա գիտնէ, և ավելի պինդ նրան կկապի հողին»³³;

Նարոգնիկական լուսավորչութիւնը ինչ-որ տեղ համերաշխում էր լիբերալ ռադիկալիզմին և հենց այս վերջինից առնում կյանքի ռեֆորմիստական վերափոխումների ծրագրային առաջադրութիւնները: Սակայն որչափ այն շահախնդիր էր գյուղական տնտեսութիւնը և գյուղացու հասարակական դրութիւնը կայունացնելու խնդրով՝ այդչափ միայն նրա համար ընդունելի էին տնտեսական բարեփոխումների լիբերալ հանձնարարականները:

Գրականութեան և արվեստի թանգարանում պահպանուիլ է Գ. Մնացականյանի «Ագրարային հարցը Ռուսահայաստանում» ուսումնասիրութեան մաքրագիր օրինակը, որ նախատեսված էր առանձին գրքով հրատարակելու համար: Հեղինակը միտք ուներ լույս ընծայել այս հետազոտութեան նաև երկրորդ և երրորդ գրքերը, որոնք մեծ մասամբ վիճակագրական տեղեկութիւններ էին պարունակելու Երևանի, Կարսի, Գանձակի, Բաքվի և Թիֆլիսի շրջաններում գոյութիւն ունեցող հողային հարաբերութիւնների վերաբերյալ:

«Ագրարային հարցը Ռուսահայաստանում» աշխատութիւնը, ըստ երևույթին, գրվել է 90-ական թվականների սկզբներին, Արասխանյանի՝ «Մուրճում» տպագրած հայտնի հոդվածաշարից հետո: Ագրարային հարցի վերաբերյալ ընդհանուր դրույթներում Գ. Մնացականյանը հետևում էր «Մուրճի» խմբագրի հայացքներին: Ավելին, տեղ-տեղ նա նույնիսկ վերախմբագրում էր դրանք և համոզումների իր շեշտը դնում: Գիրքը կառուցված էր հողային խնդրի պատմական և սոցիալ-քաղաքական կողմերի լուսաբանութեան սկզբունքով:

33 «Արձագանք», 1884, № 18, էջ 272.

Արասխանյանի նման Մնացականյանն էլ XVIII դարից սկսած բոլոր հեղաշրջումների պատմությունը կապում էր ազրարային շարժման հետ: «Մինչև ազրարային շարժումը շսկսվի,— գրում էր նա,— երկրի մեծամասնությունը չի հեղափոխվում»³⁴: Մինչ կապիտալիզմը հասարակական հարստությունը գլխավորապես եղել է հողային, և հենց հողը տիրապետելու ձևի մեջ երևան են եկել ինչպես պետական սիստեմի բնորոշ դժերը, այնպես էլ դասակարգերի, նվաճող ու նվաճված ազգությունների միջև եղած հարաբերությունների գլխավոր հատկանիշները³⁵: «Հեղափոխել մի երկիր,— դիտում էր Մնացականյանը,— կնշանակե մարդու մտքի ու գաղափարների փոփոխության հետ վերացնել տիրող ու դարերով կազմակերպված տնտեսական կարգերը, այն է՝ ոչընչացնել հողատիրության հին ձևերը և մտցնել նորերը»³⁶: Իսկ այդ կարող է տեղի ունենալ այն ժամանակ, երբ գյուղական «ամբոխի կոհակը» կխփի տիրող պետական, սոցիալ-տնտեսական կարգերին և հիմնահատակ կանխի այն»³⁷:

Ազրարային հարցը ուրույն գունավորում է ստանում այն ժամանակ, երբ մի հողի վրա ապրում են տարբեր ազգեր, և երբ նրանցից մեկը տիրող է, մյուսը՝ հպատակ: «Այս դեպքում ազրարային հարցը կապվում է ճնշված ազգին ազատելու ճնշող ազգից, նրա հոգու և մտքի վերածնության հետ»³⁸: Այդ էլ հենց ամբողջ ազգի, մանավանդ նրա «շինական տարրի» կազմակերպված ինքնաճանաչման սկիզբն է: Այս ճշմարտությունը կարելի է հավաստված տեսնել հայ ժողովրդի դարավոր պատմության բազմաթիվ էջերում:

Համառոտ պատմական ակնարկում Գ. Մնացականյանը ուրվագծում էր հայկական լեռնաշխարհում թուրք-թաթարական ներխուժման հետևանքով առաջացած հողային հարաբերությունների զարգացման ընթացքը: Քոչվորական հողատիրությունը հայերին

34 ԳԱԹ, Բարկենցի ֆոնդ, № 9, էջ 12:

35 Նույն տեղում:

36 Նույն տեղում, էջ 12—13:

37 Նույն տեղում, էջ 12:

38 Նույն տեղում, էջ 13:

զրկեց լավագույն հողերից, քշեց «ծմակուտ և անտառապատ լեռները»: Շահ Աբասի մեծ գաղթից հետո, Արարատյան դաշտավայրը մեծ մասամբ բնակեցվեց ադրբեջանցիներով ու պարսիկներով: Սրանք էլ այստեղ հաստատեցին հողատիրութեան «իրենց ձևը»՝ թիուլն ու մուլքը: Եվ այսպես, Կարինից ու Կարսից, հետագայում նաև Պարսկաստանից ներգաղթած հայերը Երևանի նահանգում հաստատվեցին թիուլական և մուլքադարական հողերի վրա և հարկ էին վճարում զրանց ժառանգական կամ իրավական տերերին: Այսպես առաջ եկան «թիուլական կամ մուլքադարական գյուղերը ամբողջ Ռուսահայաստանում»:

Արևելյան Հայաստանի՝ Ռուսաստանին միանալուց հետո, հայ բնակչությունը ստվարացավ ղետահովիտներում, բայց ամենալավ հողերը այնուամենայնիվ մնացին մուսուլմանական ցեղերի ձեռքին: «Մեր երկրի աշխարհագրական կազմը,— եզրակացնում էր Մնացականյանը,— թուրքի ցածր կուլտուրան, մուսուլմանական ճնշումը հայի վրա, պարսկական պետական կազմը, թաթարների ցեղապետական կյանքը, Շահ Աբասի գաղթը, ռուսական տիրապետությունը առաջ բերին մեր տերիտորիայի վրա հետևյալ հիմնական հողատիրութեան խնդիրները. 1) Հայերի հողային վատ ապահովությունը համեմատ թուրքերի, 2) մուլքադարական իրավունք, աղալարական հողատիրություն և 3) քոչվորություն, որոնք մեր հողատիրութեան աննորմալ երևույթներն են և պետք է համաձայն ժամանակակից պահանջի ոչնչացվեն»³⁹:

Ուրեմն, պատմական աղետալի ճակատագիրը հայ գյուղաբնակչությանը դրել է մի այնպիսի վիճակում, երբ հնօրյա իր հողային տիրույթներից զրկված, հետապնդված ու հալածված թաթարական զավթիչներից, լեռնային ծործորներում ու փապարներում ծվարած այս ժողովուրդը հարկադրված էր թողնել իր ծննդավայրը, գաղթել մի տեղից մյուսը, ապաստան որոնել մեծ քաղաքներում կամ թե ստվարացնել մի «անհանգիստ տարրի»՝ բանվորութեան շարքերը: «Հայի հողային վատ ապահովությունը,— նկատում էր գրողը,— Կովկասի ամենալուրջ հարցերից մեկն

39 ԳԱԹ, Բարկենցի ֆոնդ, № 9, էջ 27:

էջ⁴⁰։ Մի կողմ թողնելով պետական միջամտությամբ գյուղաբնակչության հողային հարցերը կարգավորելու աճն ժամանակ չափազանց գնալուն խորհրդածությունները, Մնացականյանը իր ընթերցողի ուշադրությունը գամում էր երկրի ռեալ իրավիճակին։ Ռուսահայաստանում հայը պատմական ճակատագրի բերումով զրկվել է լավագույն հողերից և հողապակասությունը, ըստ էության, թաթարական տարրի նվաճողական ներխուժման հետևանք է։ Գյուղագիրը համոզված էր, որ թուրք-թաթարական էթնիկական միավորումների և հայ գյուղաբնակչության միջև եղած անհավասարակշռությունը հետևանք է հողային-տիրույթական վեճերի ու տարածայնությունների, և որ հենց այդ պատճառով հողային լավ ապահովություն ունեցող մուսուլման գյուղաբնակչությունը ընդդիմանում է հայի «քնական տարածմանը» և, հետևաբար, հողային հարցի այն կարգավորումներին, որոնցով շահախնդիր է հայ գյուղացիությունը։

Ի՞նչ պետք է անել խնդիրը լուծելու համար։ Մնացականյանը առաջ է քաշում ժողովրդասիրական հայտնի տեսակետը՝ համայնքի և համայնական հարաբերությունների վերաբերյալ։ Հողապակասության պրոբլեմի լուծումը կապված է «հայ գյուղացու կուլտուրական զարգացման աստիճանի հետ»։ Եթե թուրքերի և քրդերի մեջ տիրում է հողատիրության ցեղապետական սկզբունքը, ռուսների և գերմանացիների մեջ՝ համայնականը, ապա հայերի մեջ՝ անձնատիրական սկզբունքը։ «Հայը դուրս է եկել ցեղապետական դրությունից, բայց համայնականին դեռ չի հասել»⁴¹։ Ուրեմն, համայնական հողատիրությունը «կուլտուրական զարգացման» այն աստիճանն է, որին դեռ պետք է հասնի հայ գյուղացիությունը։ «Դիտելով մեր գյուղական և պետական կյանքը, — գրում էր Մնացականյանը, — մենք եկել ենք այն եզրակացություն, որ հայերի հողի սակավությունը կարելի է դարման տալ միայն հայ ժողովրդի մեջ տարածելով համայնական գաղափարը, ոգին, և սովորեցնելով նրան համայնական կյանքի»⁴²։

40 ԳԱԹ, Բարկենցի ֆոնդ, № 9, էջ 37։

41 Նույն տեղում։

42 Նույն տեղում, էջ 38—39։

90-ական թվականների ժողովրդասերների նման, Գ. Մնացականյանն էլ մտածում էր, թե համայնական կյանքը կամ համայնական ինքնապաշտպանությունը գյուղացու հողագործական աշխատանքի և շինական ինքնակառավարման այն նախընտրելի եղանակն է, որ կարող է տնտեսական անել գրությունից ուղի նշել չքավոր ու գուրկ գյուղաբնակչությանը: Բացի դրանից, համայնական հողատիրությունը միջոց է տալիս գյուղացուն կենտրոնացնել իր ցրիվ ուժերը, հանդես գալ միասնական պահանջներով, խելացիորեն տիրություն անել համայնապատկան հող ու ջրին և հենց այս հիման վրա «խաղաղություն մտցնել երկրի մեջ»: Համայնական ինքնապաշտպանությունը այն դորեղ ուժն է, որ կարող է «բարեկալացնել մեր և դրացիների հարաբերությունները, հայերին տալ ամառանոց արոտատեղիներ և գետաբերաններում բերրի հողեր»⁴³: Մնացականյանը, իհարկե, չի բացատրում, թե այդ ի՞նչ ուղիներով ու միջոցներով է, որ համայնականության գաղափարը հայերին ամառանոց արոտատեղիների և բերրի հողերի տեր էր դարձնելու: Սակայն, ըստ Լրևույթին, նրա պատկերացումները ուժ էին առնում միասնական պայքարի, համայնական համախմբումի ու ինքնապաշտպանության հաջողության նկատմամբ ունեցած հավատից: Մասնատիրական հողբանությունն ու ոգին թոթափելով, հայ գյուղացին համայնքի մեջ և համայնքի միջոցով կսովորի ընդհանուրի շահը ճանաչելու և սամբոժ սկզբունքը, և սա է, որ նրան հնարավորություն կտա կանգնել կուլտուրական մի ավելի բարձր աստիճանի վրա, ու հենց այդ իմաստով, տեր դառնալ իր սեփականությանը, որ է՝ թուրք-թաթարական ցեղերի ձեռքում առափժ գտնվող մի հայրենիք: «Հայ հողային վատ ապահովության դարման տանելու ամենագլխավոր միջոցը, — շեշտում էր Մնացականյանը, — պետք է լինի հայ գյուղացիության մեջ համայնական սկզբունք և գործունեություն տարածելը, առանց որո ոչ մի միջոց չի հասցնի բարերար նպատակի»⁴⁴:

Իր այս համոզումներին դրողը գեղարվեստական կերպարանք

43 ԳԱԹ, Ոսրկենցի ֆոնդ, № 9, էջ 38—39:

44 Նույն տեղում, էջ 40:

էր տվել 1894-ին «Մուրճում» տպագրած «Գեղը Կիկանգնի՝ գերան էկոտրի» պատմվածքում:

Հուսեին բեզը մեկն է այն նորընծա ազնվականներից, որ բեզական հանձնաժողովի միջնորդութամբ, ռուսական բարձրագույն սենատի կողմից ճանաչվել է որպես ժառանգական մլքատեր, և ինուժը՝ հայկական այդ փոքրիկ գյուղը, դարձել է նրա սեփականությունը: Գյուղացիները շատ լավ տեղյակ են այն անիրավություններին, որ թուրք այդ կալվածատերը գործել է «սուտ տեղեն գյուղը խլելով», սեփականելով համայնապատկան հողերը: Նա ցանկապատել է գյուղական ընդարձակ արոտատեղին և արգելել խնութցիներին մուտք գործել գյուղին պատկանող հողատարածությունը:

Այդ օրն էլ բեզի խուամը՝ կովարար ու անխիղճ Սարդարը, ծեծում է տասնամյա Մատուրին, ջարդում սրա հորթերի պոզերը և անասուններին դուրս քշում արոտատեղից: Դեպքի վրա հավաքված գյուղացիները դիմում են Հուսեին բեզի դարպասը, և գոռում-յոչունով արդարություն պահանջում: Քար ու փայտով ծեծում են մլքատիրոջ դուռն ու լուսամուտը և պահանջում բեզին: Վերջապես, երկար սպասեցնելուց հետո, երևում է Միրզա Հուսեինը, բարկացած հայհոյում հավաքվածներին և հրամայում ցրվել:

Իրիկնադեմին գյուղամեջ հավաքված ամբոխի խոսք ու զրույցի առարկան բեզի այգօրվա անիրավությունն էր: Գանգատվողները անիծում էին Հուսեին բեզին, դատապարտում նրա անաստված վարքն ու բարքը: Վաշխառու այս մյուլքադարի գործունեությունը տարածվում էր շրջակա հայ ու թուրք գյուղերի վրա: Բուրբ ատում էին նրան, բայց ինչ անելը չգիտեին: Միջադեպը զրբդում է մարդկանց լսելք-լսելքի տալ, մի ճար փնտրել: Հարյուրհինգամյա խանի խաչին, բազմափորձ ու իմաստուն գյուղի նահապետը, խրատում է հավաքվածներին.

— Պասպական մենք լսել ենք, — ասում է նա, — «գյուղը կանգնի-գերան կկոտրի»: ...Որ էլլիկով մեկ ըլլեք, աստված էլ ձեզ կլսա⁴⁵:

45 «Մուրճ», 1894, № 5, էջ 687:

Միայն խանի խաչին չէ այսպես մտածում. բոլորն են համա-
ձայն դրան, բոլորն են գիտակցում, որ էլլիկի,— համայնքի միա-
բանությունը զորքա-անիրաւիին պատժելու միակ միջոցն է: «— Դուք
էլլիկով մեկ էլեք, ես Հաջի Միրզա Հուսեին բեգին էս սահաթին
մորթեմ, թե թագավորը ինձ մի բան ասավ»,— հնչում է Եզդրի
հանդուգն-հոխորտացող ձայնը:

Տանուտեր Գեոն նույնպես կուսակից է համայնական միա-
կամ ու միաբան գործունեությանը: Նա նույնիսկ պատրաստ է
տունը, տեղը, երեխաները զոհաբերել՝ «ղեզի խոսքը» առաջ տա-
նելու համար, եթե միայն բոլորը «մեկ բլլեն»:

— Երեխես կծախեմ, բանտում կպռակեմ ու էլլի խոսքը առաջ
կտանեմ,— մյուս կողմից գոռում էր Աքլուր-Մելքունը:

Գյուղը եռեփվում էր. թաքուն ու զաղտնի, հին ու նոր վրեժ-
խնդրության զգացումները դուրս էին ժայթքում, ալիքվում ամ-
բոխի միջով, ընդգրկում ամբողջ շենը: Միմյանց առաջ կտրելով,
միաբանության գիտակցությունից թևավորված, ամբոխը լցվում
էր եկեղեցի՝ ավետարանի վրա երգում տալու, որ մինչև վերջ հա-
վատարիմ կմնա ուխտին: Ապա բահերով, բիրերով, քրունգներով,
սոնիներով զինված բազմությունը, մոտ վեց հարյուր մարդ, դուրս
է դալիս գյուղից, հասնում Հուսեին բեգի կառուցած ցանկապատին,
մեկ ժամում զետնին հավասարեցնում տասնհինգ օրում շինված
«հասարը»:

Իր մի հրապարակային դասախոսության մեջ՝ կարգացված
երեանի քաղաքային ախումբի դահլիճում, 1889 թ. ապրիլին,
Գ. Մնացակյանը վերլուծում էր դավառներում սպառնալի շափերի
հասնող ոճրագործությունների տնտեսական պատճառները և նկա-
տում, որ վերջին տասը տարում դրանց աղքատները մեծ մասամբ
հողային խնդիրն է: Ընդ որում, այստեղ զլխավոր դերակատար-
ները նորահայտ ազնվականներն են. «Շատ հաճախ,— դիտում էր
դասախոսը,— հաջողվում է ազնվականներին դարձնել զուտ թա-
գավորական հողերը՝ կարվածատիրական, մուլքագարականները՝
բացարձակ սեփական, հաջողվում է հափշտակել հարյուրավոր
ղեսպատին հերկելի դաշտերից և ամբողջ գյուղեր մուրացկանու-
թյան մասնել: Հասկանալի բան է, որ այսպիսի վարմունքները

մեծացնում են թշնամական զղացումներ դեպի ազնվականը, զգացումներ, որոնք կարող են հասցնել անհամար ոճիրներին»⁴⁶:

Խնուխցիների ըմբոստությունը հրահրված է նույն պատճառներով, և եթե, այնուամենայնիվ, Հուսեին բեզին հաջողվում է վերականգնել իր իրավունքները գյուղապատկան հողերի վրա, ապա միայն այն պատճառով, որ դատարան շտեսած գյուղացիները, դատարանում ահ ու դողի մատնվեցին, շշկվեցին,— ինչպես ասում է գրողը,— իրար հակառակեցին, միաբանությունը խախտվեց և համայնքը զոհ գնաց իր իսկ անվճռականության:

Համայնական ինքնապաշտպանությունը տապալվեց. կրկին ապացուցվեց հնօրյա առածի՝ գյուղ կանգնի՝ գերան կկոտրի— մեծիմաստ իրավացիությունը: Գյուղը շկարողացավ մինչև վերջ զիմանալ ու զիմադրել: Նահանգական դատարանում Հուսեին բեզին պաշտպանում էր գավառի «ամենաճշմարիտ հայ փաստաբանը»։ Թուրք գյուղացիները սուտ երգումով հաստատում էին Միրզա Հուսեինի մուքթադարական իրավունքները, իսկ խնուխցիները... Գ. Մնացականյանը ասես ուզում էր ցույց տալ իր այն տեսակետի իրավացիությունը, թե «հայը դուրս է եկել ցեղապետական գրությունից, բայց համայնականին դեռ չի հասել»: Եթե միայն խնուխցիները կարողանային կամ սովոր լինեին համայնական միաբանությունը առաջ տանել, միակամ ու միաձայն պնդեին իրենց պահանջ-իրավունքի վրա, ապա ոչ մի նահանգական դատարան, կաշառք, սուտ երգում, հայ փաստաբան, թեկուզ «ամենաճշմարիտը», չէր կարող գյուղական հանրության իրավունքը ոտնատակ տալ կամ պաշտպանել հարստահարիչին:

Համայնքի ու համայնավարության հետ կապվող նորօրյա իդեալները, ինչպես երևում է, Գ. Մնացականյանը յուրացրել էր հնչակյան Ս. Գ. կուսակցության զաղափարական զինանոցից: Ըստ երևույթի, գրողը կապեր է ունեցել Թիֆլիսի Հնչակյան կոմիտեի հետ: Գ. Անանունը նշում է, որ Մնացականյանը «որոշ ժամանակաշրջանում հետևել է հնչակյաններին, բայց երկար չի մնացել այդ կուսակցության մեջ»⁴⁷: Ղ. Աղայանի արխիվում պահ-

46 «Մուրճ», 1889, № 12, էջ 1914:

47 «Գործ», Բաքու, 1917, № 11—12, էջ 208:

վող մի նամակից երևում, որ Գ. Մնացականյանը իրավաբանի իր գիտելիքներն ու հմտությունները նվիրաբերել է նաև 1896-ի հայտնի գործին, երբ ձերբակալվեցին Թիֆլիսի Հնչակյան կոմիտեի անդամները⁴⁸։ Ա. Ինճիկյանը, Գ. Մնացականյանի որդու հաղորդած տեղեկություններն առնելով, վկայում է, որ նույն թվականին ձերբակալվել և մի քանի ամսով բանտարկվել է նաև զրոզը, այն գործով, ինչով բանտ էին ընկել Թիֆլիսի Հնչակյան կոմիտեի անդամները⁴⁹։ Չունենք հավաստի այլ փաստեր գյուղագրի կուսակցական գործունեության վերաբերյալ։ Տեղեկությունները, որ պահպանվել են հիշողությամբ, ստուգման ու լրացման կարիք են զգում։ Մի բան, սակայն, ակներև է, որ Երևանի ոստիկանությունը հենց սկզբից կասկածանքով ու անվստահությամբ է վերաբերվել նորավարտ իրավաբանի գործունեությանը, մի մարդ, որ հրաժարվել էր պետական ծառայությունից և նախընտրել ազատ իրավաբանի մասնագիտությունը, վարում էր (և ձրիաբար) դատական գործեր՝ ուղղված կալվածատերերի դեմ, հրապարակավ, մամուլի միջոցով հայտնում էր իր պատրաստակամությունը պաշտպանելու հարստահարվող գյուղացիների դատը՝ «առանց խտրության կրոնի և ազգության»⁵⁰։

1890-ական թվականների կեսերին Մնացականյանը հաջողությամբ վարեց դավալվեցիների դատը կալվածատեր Ամիրխանյանների դեմ, և գյուղացիներին վերադարձվեցին Այրիջայի դավալած արոտատեղիները⁵¹։

Երևանի ժողովրդասեր իրավաբանի համբավը շափաղանց մեծ էր. նույնիսկ Կարսի, Ալեքսանդրապոլի, Գարալագյազի, Նոր Բայազեդի և շրջակա գյուղերի բնակիչներն էին դիմում նրան՝ պաշտպանություն և հովանավորություն գտնելու։

1896—98 թվականներին նա արդեն մուտք գործեց Թիֆլիսի դատական պալատը և սկսեց հարվածել մայրաքաղաքային դա-

48 ԳԱԹ, Ղ. Աղայանի ֆոնդ

49 Բաբկենց, Նորնկ, Երևան, 1961, էջ 17—18։

50 «Մշակ», 1892, № 7, հմմ. Բաբկենց, Նորնկ, Երևան, 1961, էջ 16—17, նաև «Մշակ», 1917, № 254։

51 Օգտվում ենք Գարեգին Մնացականյանի ձեռագիր հուշերից, որ մեզ տրամադրել է Ա. Ինճիկյանը։

տապաշտպաններին: Այս շրջանում է, որ նա մասնակցում է Երեւելանի քաղաքապետարանի ընտրութիւններին և քաղաքագլուխ ընտրվում: Սակայն կառավարութիւնը չի հաստատում նրա թեկնածութիւնը⁵²:

Սուղ այս տեղեկութիւնները, այնուամենայնիւ, ուրվագծում են 90-ական թվականներին Գ. Մնացականյանի ծավալած ժողովրդասիրական գործունեութեան ուղղութիւնն ու բնույթը: Եթե պահպանված հիշողութիւններից և այն աղբյուրներից, որոնք մեզ որոշ կենսագրական փաստեր են տրամադրում, դառնալու լինենք այս նույն շրջանի Բաբկենցի գրական գործունեութեանը, ապա այստեղ գրողին ճանաչելու և հասկանալու ավելի շատ և ավելի ստույգ հնարավորութիւններ կգտնենք:

Գ. Մնացականյանի «Նորեկ» վեպը լույս տեսավ 1896—97 թթ. «Մուրճում»: Գրողն այստեղ իր մասին պատմել է գրեթե այն ամենը, ինչ դրա համար հնարավորութիւն է տալիս գլուղագրական վեպը: Նկատել ենք արդեն, որ սովորաբար գլուղավեպի ինքնակենսագրական շաղախը բավականաչափ ակնհայտ է լինում այն գլուղագիրների ստեղծագործութիւններում, որոնք իրենց իսկ ապրած կյանքը, և այն հանդամանքները, որոնց միջով ընթացել են անձնական շահախնդրութիւնների ու մղումների հնարավոր կամ իրական ծրագրերը, դարձնում են իրականութիւնը ճանաչելու հենարան կամ թե իրականութեան գրական կերպավորման նյութ: Բաբկենցը հրապարակ էր հանում իր վեպը, ինչպես հետո պիտի տեսնենք, արեւելահայ գլուղաբնակչութեան սոցիալական բախտի ու վիճակի վերաբերյալ արդեն մշակած իր տեսակետները հաստատելու համար:

Վեպի գլխավոր հերոսը՝ Ալեքսանդրը մարմնավորելու էր նարոդնիկ գործչի ճակատագիրն ու ապագան բարդ այն հարաբերութիւնների մեջ, որոնք գոյութիւն ունեին հայկական գավառներում: Երկու դեպքում էլ գրողը պատմելու էր իր անձնական գործունեութեան և համոզումների մասին, երկու դեպքում էլ կյանքը, իրականութիւնը պտտվելու էր նրա անհատական տագնապների, խոհերի, մտորումների, նախաձեռնումների շուրջ: Իհար-

52 «Գործ», Բաքու, 1917, № 11—12, նաև «Մշակ», 1917, № 254:

կե, վիպականն ու կենսագրականը շէին նույնանալու, ինչպէս որ գլխավոր հերոսն ու հեղինակը: Բայց այն ամենը, ինչ նկարագրավելու և մեջտեղ էր բերվելու գյուղական կյանքից՝ գրողի անձնական տպավորութիւնների, դործնական փորձառութեան և անհատական դիտումների հայելիական անդրադարձն էր լինելու: Եվ այդպէս էլ էր:

Վեպի առաջին իսկ էջերից երևում են այդ կողմնորոշման ապացույցները: Հենց նոր Պետերբուրգի համալսարանի իրավաբանական ֆակուլտետն ավարտած Ալեքսանդրը վերադառնում է տուն՝ Թշվառոց գավառի խնուֆ գյուղը: Թե ինչպէս էր պողպորուշիկ Օվանես աղայի որդին գիմնազիական կրթութիւն ստացել Թուրքանիսում և ինչպէս հետագայում ընդունվել Պետերբուրգի համալսարանի իրավաբանական ֆակուլտետը՝ ոչ միայն հիշեցնում են գրողի կյանքի պատանեկան շրջանի մանրամասները, այլև ասույզ է, որ նա օգտագործել է ինքնակենսագրական որոշ նյութեր՝ ուրվագծելու համար իր հերոսի կյանքի վաղ շրջանի պատմութիւնը: Այսպէս, օրինակ, Կոսյակիւնը, որի մոտ ութ տարեկան հասակում հյուրընկալվում է Ալեքսանդրը, տիկին Կոսյակիւնը, որ մանուկին տառաճանաչ է դարձնում և ապա ընդունել տալիս (իր ծախսով) Թուրքանիսի գիմնազիան՝ ոչ այլ ոք են, քան Կախանովները: Վեպի այս հատվածի ընձեռած նյութերով կարելի է վերականգնել ուսումնառութեան տարիներին համագյուղացիների հետ գրողի ունեցած հարաբերութիւնների պատկերը, լավ է ասել այն ընդհանուր կյանքը, որով ապրել է նա, երբ տարեշրջանի փակումից հետո, գյուղ է վերադարձել: «Ամեն բանում նա գյուղացի էր», — ասում է Բաբկենցը Ալեքսանդրի մասին, — և այդ պատճառով գյուղացիները սիրում էին «իրենց ուսում առած, համեստ ու բարի աշխատակցին»: Գյուղի աղքատները հուսադրված էին այն մտքով, որ ուսումն ավարտելուց հետո Ալեքսանդրը «գյուղացուն լավ կպահպանի»: Թշվառոց գավառի խեղճ ու զուրկ գյուղացիները շգիտեին, անշուշտ, որ Պետերբուրգի համալսարանում սովորելու տարիներին իրենց Ալեքսանդրը տարվել է «հայտնի շարժմամբ», զինվորագրվել ժողովրդին ծառայելու «սուրբ գործին»:

Երբ գլուղացիները տանուտեր Ավետիսի գլխավորութեամբ, մի-մի շիշ օղի դրպաններում, աչքալուսանքի են գալիս Օվանես-սին, Ալեքսանդրը գրկաբաց նրանց ընդառաջ է ելնում. «— Միրելի համագլուղացիներ,— վերամբարձ ոգևորութեամբ սկսում է նոր-ընծա իրավաբանը,— հույս ունեմ, որ դուք չեք մտածում, թե ես ուսում առնելով՝ ձեզանից հեռացել եմ. ոչ, ես մնացել եմ միև-նույն ձեր Ալեքսանդրը: Հիմա ես ասում եմ, որ ձեզ սաստիկ սիրում եմ. գլուղացիներ, և իմ միակ նպատակն է, որ իմ ձեռքից եկածի շարժե՞ք ձեզ օգնեմ. վերջապես ես ինձ նվիրել եմ ձեզ»⁵³: Որքան էլ արհեստական ու փքուն է Ալեքսանդրի խոսքը, այնուամենայնիվ, նրա պնդումները անկեղծ են և որոշ գաղափարից ծնված: «Գաղափար, գաղափար, ինչքա՞ն դու ուժեղ ես»,— մի մե-նախոսութեան մեջ ասում է երիտասարդ իրավաբանը: Գաղափարական գործչի ձևերն ու գործիմացութիւնը յորացրած Ալեքսանդրը նախ և առաջ դիմում է գլուղի հանրութեանը՝ որոշելու համար, թե ո՞ր գործը «գլուղացուն ավելի օգտակար է», որպեսզի ինքը նվիրվի դրան. «Այժմ ես ավարտել եմ իմ ուսումը, պետք է մի գործի մտնեմ, ասացեք խնդրեմ ... Ի՞նչ քանում ես ձեզ ավելի հարկավոր եմ»⁵⁴: Իհարկե, գրական տեսակետից այս տեսարանը բավական ինքնահնար է և որոշապես երևան է հանում գրողի գրական սահմանափակ հնարավորութիւնները: Բայց սա չէ տվյալ դեպքում կարևորը: Գրողը կամենում է հենց սկզբից միասնութեան կամուրջ նետել գործչի և գլուղական բազմութեան միջև, համոզել ընթերցողին, որ այն ամենը, ինչ հետագայում պիտի կատարվի, տեղի է ունենալու գլուղացու և սրա շահերը պաշտպանող ժողովրդասերի լիակատար ներդաշնակութեան պայմաններում:

Երկար և հանգամանալից զրույցի մեջ պարզվում են ամենից առաջ խնութեան խնամանակների ամենաառաջնահերթ կարիքները: Գլուղականներից մեկը՝ տիրացու Վարդանը՝ հավաքվածների միտքը ուղղում է գլուղում դպրոցաշինութեան գործը առաջ տանելու վրա: Բացի դրանից, առաջ է բերում կիրթ ու լուսավորյալ քահանաներ ունենալու խնդիրը՝ «զի լրիվ գիտութեամբ հովուեսցեն զժողո-

53 Բարկենց, Նորեկ, Թիֆլիս, 1896, էջ 15:

54 Նույն տեղում:

վորդն Աստուծոյ»: Պահանջում է նաև, որ Ալեքսանդրը զբաղվի թուրքերով շրջապատված հայ ազգի պահպանման հարցերով:

Մելիք-Շեզոն՝ տարեց, ծանրաբարո, փորձառու մի մարդ, փորձում է կենսականորեն ավելի հրատապ խնդիրների մոտենալ: Նրա պատկերացմամբ «հայ ազգը-գյուղացին» — ամենից առաջ դատաստանական պաշտպանության կարիք ունի, քանզի երկրում «քանի անցնում՝ ցուրտը խստանում է»: Արդարությունը հալածված է, մարդիկ միմյանց կոկորդ են կրծում, դատաստան չկա, դատավոր չկա. «Ամեն մի գող միրավ է դառնում, — ասում է նա, — մի սրիկա՝ գյուղին տանուտեր, մի արբեցող սատանա՝ դավառական պրիստավ: Ամենուրեք սուտ վկայություն, մարդախաբություն, արդարին մեղավոր են անում, մեղավորին արդար: Բոլոր պաշտոնատերերը կաշառք են առնում, բանխմացին հեռացնում, իսկ տխմար խաբեբային պիտանացու համարում»⁵⁵: Երկրի այս վիճակը Ալեքսանդրի համար գաղտնիք չէր. նա, հարկավ, խնութեցիներից լավ գիտեր Թշվառոց դավառի հոգսերը, դավառական կառավարչության բերած անիրավությունները, տեղյակ էր դատաստանական գործի աղետալի դրությանը: Նա խոսեցնում էր գյուղացիներին՝ իր իսկ նվիրումի արդարամտության մեջ համոզվելու համար: Ըստ երևութին, ժողովրդական գործչի իր մկրտությունը նա այդպես էլ պատկերացնում էր. նախ և առաջ ունկնդիր լինել ժողովրդին, ժողովրդական կամքով ու ցանկությամբ ընտրել գործունեության ուղի, և ապա միայն այդպես գործելու ելնել:

Կամոքն բազմաց նա վճռում է դառնալ դավառական ոստիկան: Մեկնելով Թուրքանիս՝ դավառակենտրոն, իր մի ժողովրդասեր ընկերոջ միջնորդությամբ և մանավանդ դավառական վարչության նշանավոր քարտուղար Դանիել Բեկի օգնությամբ, նա շուտով ձեռք է բերում այդ պաշտոնը: Կար ուրեմն գործունեության ասպարեզ, կային ինութն ու շրջակա գյուղերը, և այստեղ է, որ պետք է ստուգվեին, փորձության ենթարկվեին երիտասարդ իրավաբանի ժողովրդասիրական համոզումները: Բայց ի՞նչ էր ներկայացնում Թուրքանիս դավառը և ամենից առաջ ինութը, ուր պիտի աշխատեր ու ապրեր մեր գործիչը:

⁵⁵ Բարկեց, Նորեկ, Թիֆլիս, 1896, էջ 16—17:

Թուրքախնիս անունը արդեն պերճախոս է. դավառի մուսուլման բնակչության հետ կողք-կողքի ապրում էին հայերը, ենթակա թուրք ու քուրդ կալվածատերերի ու միրավների անագորույն հալածանքին: Այլազգիները մեծամասնություն էին կազմում, և սա էր պատճառներից գլխավորը, որ հայ գյուղացին շատ հաճախ աչք էր փակում թուրք-քրդական անիրավությունների հանդեպ, անպատիժ էր թողնում գողությունները, գանգատի չէր գնում և ամի կերպ կեղծավորությունով՝ իր գլուխը պահում՝ «հափշտակիչ ու սպանիչ բնավորություն ունեցող զրացիների մեջ»⁵⁶:

Խնուժը ուներ երկու հարյուր տուն հայ ընտանիք, երեսուն տուն՝ թուրք, և նույնքան էլ քուրդ: Հնուց ի վեր խնուժցիք պարապում էին երկրագործությամբ և խաշնարածությունամբ: Մի երեսուն տարի առաջ գյուղը փոքր էր, մոտ հարյուր տուն, և այդ պատճառով բոլորն էլ գութան ունեին, և «բավականաչափ հող ու ջուր»: Այն ժամանակ գյուղի հարկերն էլ ծանր չէին, ծախքերն էլ քիչ էին: Մարդիկ մեծ մասամբ սար էին գնում, համայնքը ուժեղ էր, հողի վերաբաժանությունն էլ կանոնավոր կատարվում էր: Հիմա խնուժցին տալիս է «բավականին ուղղակի և անուղղակի հարկեր, Խնուժի խերն ու բարաքյաթը կտրվել է. հին տները բոլորն էլ աղքատացել են»⁵⁷: Կարևոր այս նկատումը, դժբախտաբար, չի խորացնում զրոյը: Սակայն հետագա մտորումներից պարզ երևում է, որ հին տների անկումը պայմանավորված էր սակավահողությամբ և հողի վերաբաժանության դադարեցումով:

Գյուղում ստեղծված երկու կուսակցությունները՝ Ավետիսինը (տանուտեր) և Լուսկի Գևոյինը, հարատև կռիվ-ղալմաղալի մեջ էին: «Մոտ քսան տարի էր, որ Խնուժի հողերը չէին բաժանվել և պատահում էր, որ փոքրաթիվ ընտանիքը ավելի հող էր ունենում, քան մեծաքանակը: Ավետիսն ինքն էլ շատ հողեր ուներ բռնած և երբեք հասարակական վճիռ չէր ուզում կազմել, որ գյուղական հողերը բաժանեն»⁵⁸: Այս տանուտերը, որ գործակցում էր գյուղի հարուստների հետ, օր ցերեկով ծախում-ուտում էր հասարակաց-

56 Բարկենց, Նորեկ, Թիֆլիս, 1896, էջ 26:

57 Նույն տեղում, էջ 23:

58 Նույն տեղում, էջ 25:

ամբարձների ցորենը, սարից իջնելիս իր և յուրայինների հոտերը «արածացնում էր աղբասանների հանդերում», գուփում էր եկեղեցու եկամուտները՝ երեցփոխի ու քահանայի հետ դաշնակցած: «Նսնու-թի համայնական կյանքի մեջ տիրում էր վերին աստիճանի անկարգություն»։ Ոչ միայն հարկերն էին ծանրացել, այլև բազմապատկվել էին գրագրի, զգրի, հանդապահի և աստիճանավորների ընդունելության համար նախատեսվող ծախսերը: Տանուտեր Ավետիսը մյուս կողմից սերտ կապեր ուներ հարևան Կոր-Ավան գյուղի առաջնորդ Փիր-Մուրադ Սուլթանի հետ: Նշանավոր Ֆաթիխան ուշադիների այս ցեղապետը, շրջակա թուրք ազնվականության մեջ ամենաերեցն էր իր տոհմական ծագումով, հարըստությունամբ ու հեղինակությունամբ, ձեռքում ուներ ամբողջ Թշվառոց գավառը, նահանգապետին, դատարանը, հողաչափության և միրավություն (ջրաբաշխության) գործը: Հնուց ի վեր, սերնդե-սերունդ Փիր-Մուրադ Սուլթանի ազգությունը միրավության-ջրաբաշխի իրավունքից էր օգտվում: Թշվառոց գավառում ջուրը հողից ավելի արժեք: Հայ, թուրք, քուրդ գյուղացիությունը Ֆաթիխան ուշադիների փաստական ստրուկն էր: Ամեն ինչ կատարվում էր այս ցեղապետի գիտությունամբ և համաձայնությունամբ: Ավաղականների հատուկ խմբերը, որ պահում էր, ավերակում էին գավառը, կտրում ճանապարհները, կողոպտում քարավանները: Հարստությունը լըցվում էր սրա տունը՝ ինչպես գետը կհոսեր:

Պատմական մի փոքրիկ ակնարկի մեջ Բաբկենցը ներկայացնում է Թուրքանիս գավառում Ֆաթիխան ուշադիների հիմնավորման պատմությունը: Այստեղ նա գլխավորապես հենվում էր «Ագրարային հարցը Ռուսահայաստանում» հետազոտության տվյալներին: Այսպես, նորից պնդում էր, որ Շահ Աբասի մեծ դաշխից հետո ամայացած Հայաստան սկսեցին տեղափոխվել «կովկասյան խառնիճաղանջ և թուրք-թաթարական ցեղեր, որոնք գրավեցին մեր պտղաբեր դաշտերը և ընդմիշտ տեղավորվեցին այդտեղ»⁵⁹: Կինելով ավելի «թարմ և առողջ», քան հայերը, ավելի ազատ «կրոնքի բթացուցիչ ազդեցությունից», ինքնակամ և հանդուգն այդ ցեղերը օգտվել են երկրում եղած փոփոխություններից և քաղա-

59 Նույն տեղում, էջ 35:

քական հանդամանքներից: Հիմա նրանք դանդաղորեն քաղաքակրթվում են, հարստանում «և թշնամական դիրք բռնած հայերի դեմ՝ սպառնում են խեղդել նրանց իրենց հայրենիքում»⁶⁰: Հայաստան գաղթելով, այս «արյունարբու և ավազակաբարո ցեղերը» բերեցին և իրենց սովորույթները՝ խորամանկությունը, խաբեբայությունը, իսլամականությունից ընդունած անշարժությունը, մոլեռանդությունը, նախապաշարումները, «որոնք ներկայումս դժբախտաբար, կտրում են նրանց քաղաքակրթական ընթացքը և վայր դրում»⁶¹:

Թուրք-թաթարական գյուղաբնակչությունը՝ ենթակա իրենց ցեղապետերի կամ հայտնի բեգական տների իրավունքին ու իշխանությունը, տարածված է ամբողջ երկրով մեկ և այդ իմաստով, հայ գյուղացին ոչ միայն գլուխ դնելու տեղ չունի, այլև հարկադրված է տանել իր գրկիցների դաժան հարստահարումները, ապօրինությունները, հալածանքը: Եվ այդ մի պատմական ճակատագիր է. «Դարերով հալածված, ինքնասիրությունն ու եռանդը կորցրած, ուղեղը միայն պարեն ճարելու սահմանափակ գործերով զբաղեցրած հայր օտարի մոտ՝ բնազդ դառած սովորությամբ միշտ ընկճվում է, հարվածները կուլ տալիս, փոխարենը անվճար թողնելով և իր հալածողի դեմ մի բողոք էլ անգամ չի քարձրացնում»⁶²:

Ազգային-սոցիալական միջավայրի այս նկարագրությունը Բաբկենցը տեղադրել է վիսպական գործողությունների հենց սկզբին, ցույց տալու համար, թե իր ժողովրդասեր հերոսը ինչպիսի պայմանների և հանդամանքների մեջ պիտի գործեր՝ գավառական պրիստավ դառնալով: Թրքության և հայության հակադրություն մեջ Բաբկենցը դնում է որոշ սոցիալական երանգ. նա ընդգծում է, որ թրքությունը փաստորեն նվաճել է երկրի արգավանդ ու բարեբեր հողատարածությունները, իսկ կավածատիրական դասը, որ մեծ մասամբ թուրք բեգերն են կազմում, որոշ դասակարգային շահախնդրություններ է մոտենում ստեղծված իրադրությունը: Բացի

60 Բաբկենց, Նորեկ, Թիֆլիս, 1896, էջ 35—36:

61 Նույն տեղում:

62 Նույն տեղում, էջ 26:

դրանից, հայ գյուղական վերնախավը ենթակա է նույն կալվածատիրական դասի ազդեցութեանը:

Բարդ այս իրադրութեան մեջ էր հանդես գալու ժողովրդասիրական գաղափարները յուրացրած երիտասարդ իրավաբանը՝ արդարութեանն ու կարգը երկրում վերահաստատելու համար: Մի կողմից հայ-թուրքական հակառակութունները՝ ազգային-սոցիալական հողի վրա, մյուս կողմից՝ սակավահողութունը, համայնքի վատթարագույն վիճակը, գյուղում միմյանց դեմ ելնող կուսակցութունները, դպրոցի բացակայութունը, քահանաների արծաթասիրութունը, կոիվն ու մարդասպանութունը հողի ու ջրի համար — այս բոլորը նորընծա ոստիկանի հոգին լցնում էին անորոշ վասկածներով ու տազնապալից անհանգստութեամբ. «Արևը դեռ չէր ծագել, երբ Ալեքսանդրը անկողնից վեր կացավ: Նա ողջ գիշեր չէր քնել և խորին մտատանջութեան մեջ էր: Ամբողջ կյանքը նա շարձաբեկ էր, զոհել էր հանգստութունը, ուրախութունը և պատրաստվել էր ժողովրդական գործող դառնալ: Եվ ահա նա գործողի դերումն է, գործում է: Ի՞նչ սրբագործութուն»⁶³: Պայծառ ու հոգեպնդող այս դիտակցութունը, սակայն, շուտով, գործնական կյանքի առաջին հոգսերի մտաբերումից, նահանջում է. ինչպե՞ս պետք է ժողովրդասիրական իր գործունեութունը դաշնի ծառայութեան հետ, ինչպե՞ս պետք է քարոզի ու համոզի մարդկանց ուսումնարան հիմնադրելու, հաշտութուն կայացնելու, հող ու ջուրը արդար բաժանելու բազմաթիվ հարցերում: Տանը մարդ չկար, և նա որոշեց իջնել պարտեզ՝ ազատվելու համար միտքը բղիտող մտահոգութուններից: Եվ ահա հանկարծ մենակութեան մի զգացում պաշարեց նրան: Ծանոթ այդ զգացումը, որ հաճախ այցելում էր նրան Ռուսաստանում, փարատվում էր մորը մտաբերելու ցանկութեան հրումով: Սակայն այս անգամ ոչ մի բան նրան չմխիթարեց, «տխուր ու կսկածալի սրտով» նա ապրում էր միայնութեան տառապանքը: Կասկածները, որ ծնվել էին, գործի հաջողության հանդեպ ունեցած տազնապնները, ըստ երևույթին, այնքան ուժեղ էին, որ առաջին պահ երբեքում են նրա վճռականութունը: Սակայն միայն մի պահ: Ներս եկած գյուղացիները նորից գոտեպնդում են

63 Բաբկենց, Նորեկ, Թիֆլիս, 1896, էջ 26—27:

նրան և, թողնելով ամեն վեհերոտություն ու անվճռականություն, տեղնուտեղը լուծում է դպրոցի կառուցման աշխատանքները ղեկավարող հոգաբարձուների խնդիրը: Ալեքսանդրի առաջին ձեռնարկումներն ու քարոզները տեղահանում են տանուտերական կուսակցությանը:

Տանուտեր Ավետիսը անմիջապես մեկնում է Կոր-Ավան՝ Փիր-Մուրադ Սուրթանի մոտ: Վհատված ու հուսակտուր գյուղական այս կառավարիչը, թուրք ազալարի օգնությունն ու հովանավորությունն է խնդրում և կտրուկ միջոցներ պահանջում աղքատներին պաշտպանելու եկած նորեկի դեմ:

— Որ մի քիչ էլ երկար մնա,— ասում է Ավետիսը Փիր-Մուրադին,— էլ ոչինչ չենք կարող անել: Շուն շանորդին շատ բարի է, դուրեկան, խելոք և փող չսիրող: Եթե այստեղ նա մի տարի ապրի, ժողովրդի սիրելին կդառնա, և մենք կորած ենք⁶⁴:

Հետագա բացատրությունների մեջ Ավետիսը ուրվագծում է Ալեքսանդրի իրական մտադրություններն ու զործունեության սկզբբունքները: Դուրս է գալիս, որ նորեկը իսկապես որոշել է կովեկ գողերի, ավազակների, կաշառակերների դեմ՝ սպառնալով խել հարուստներից նրանց ունեցած հող ու ջրի ավելորդը. «Պետք է ուսումնարաններ շինել տամ,— ասել է նա,— և ժողովրդի աչքը բաց անեմ, որ աղքատները միանան ու հարուստներին խեղդեն»⁶⁵: Ծրագրել է նաև փոխել հիմիկվա միրավներին, տանուտերներին ու դատավորներին և սրանց փոխարեն ընտրել նորերին:

Փիր-Մուրադ Սուրթանը այս ամենը լսում է սառնասիրտ անտարբերությամբ: Հին և ծեր այս գայլը հոգու խորքում ժպտում էր նորեկի միամտության վրա: Գիտեր, որ սպառնալիքի դեմ պետք է դործել անմիջապես, բայց ոչ հապշտապ: Դավը նյութվում է քիչ անց, երբ տանուտեր Ավետիսը դողահար ու տագնապած վերջին տեղեկություններն էր հայտնում Ալեքսանդրի զործունեությունից:

Փիր-Մուրադը կանչում է Քալբալայի Շյուքուրին, հանձնարարում Սլո դաշաղի հետ գնալ սար՝ խոյ, ձու, արածան, պանիր

64 Բաբկենց, նորեկ Թիֆլիս, 1896, էջ 43:

65 նույն տեղում:

բերելու: Պրիստավի մոտ առանց նվերների շին գնում: Միաժամանակ կարգադրում է թալանել Տրապիզոնից եկող տարանցիկ ապրանքը: Ավազակապետերը անմիջապես մեկնում են:

Բաբկենցը գծում է Սուլթանի միջավայրի սարսուղղեցիկ մըթնոլորտը: Ավազակների այդ որջում պատսպարվում են դավառի բոլոր խոշոր հանցագործները: Մի փոքրիկ տեսարանի նկարագրությունամբ զրոզը բացում է Ֆաթիխան ուշադիրների հնազույն տան ավազակաբարո վարը ու բարբը:

Ներս եկած Կարճ-Մահմադը հայտնում է մուլքադարին, որ Ղարաբաղի կողմերից եկել է մարդասպան Ալին և ապաստան է խնդրում: Ալին Բաբվում սպանել էր իր հայ աղային, անցել Ղարաբաղ, աչքի ընկել մեծամեծ գողությունների մեջ:

— Լավ զավակս,— ասում է Սուլթանը դառնալով Ալիին,— պատահմունք է, մանավանդ գյավուրի սպանելը: Մեր գրքերումը գրած է, որ եթե գյավուրը իսլամին վնասի, հարկ է նրան սպանել. և շատ լավ էլ արել ես. և դրա համար զլխավորապես և մեկ էլ, որ դու իմ օջախն ես ընկել, իմ կյանքը կտամ, քեզ շեմ տա՞66:

Գրողը հասկապես ընդգծում է Փիր-Մուրադ Սուլթանի այս մտայնությունն ու վապերը, որպեսզի ակնհայտ դարձնի նորեկի առաջ ծառայած խնդիրների անլուծելի բարդությունը: Ալեքսանդրը պիտի գործ ունենար նահանգական ու դավառական վերնախավերի հետ հաղար թելերով կապված մեծագոր ջրաբաշխի երեսույաշտ խորամանկության և դաժան խարդավանքների հետ: Հնօրյա այդ կալվածատերը դարկելու էր նրան կռնակից և առանց զույգն ինչ խղճահարության: Արդեն իսկ Փիր-Մուրադի վտանգված շահերը այդ էին թելադրում: Նոր պրիստավին մոլորեցնելու համար նրան շատ քիչ բան էր հարկավոր:

Այցելելով Ալեքսանդրին, Սուլթանը անմիջապես նկատում է, որ նորեկը միամիտ ու բարեհոգի մեկն է: Ճիշտ այնպես, ինչպես Բալասան աղան կխոսեր ժողովրդասեր Սմբատի հետ, այդպես էլ Փիր-Մուրադ Սուլթանը կռահում է մտքերի ու տրամադրությունների այն ընթացքը, որին հետևելով, ինքը կարող էր ջրել ոչ միայն

66 Բաբկենց, Նորեկ, Քիֆլիս, 1896, էջ 48:

Ալեքսանդրի կասկածները, այլև ամուր մի համոզում ստեղծել նրա մեջ՝ իր օգտին:

— Ժամանակը վատացել է, — գանգատվում է Կոր-Ավանի տերը երիտասարդ պրիստավին, — սպանությունները, գողություններն ու ավազակությունները բազմացել են, ժողովուրդը բոլորը խարեբա են դառել ու սուտ երգում ուտողներ: Հարուստն աղքատին ճնշում է, հողը անգորին ուտում...⁶⁷:

Փիր-Սուրադի թողած տպավորությունը Ալեքսանդրին ստիպում է լրջորեն քննարկել այդ մարդու հետ շրջակա գյուղերի թուրք բնակչությանը օգնություն կազմակերպելու խնդիրը: Առաջարկում է ուսումնարաններ բանալ, մարդկանց լուսավորել, պոկել գողությունից ու ավազակությունից, արհեստներ սովորեցնել, ներքաշել եվրոպական առևտրի մեջ, արգելել տաս տարեկան երևիաների ամուսնությունը, երկու կին պահելը և այլն: Ուշագիրք և մտախոհ լսում է սրան ջրաբաշխը և մտովին զարմանում պարզ ու կարևկից այդ սրտի բարության վրա: Սուլթանը համաձայն էր Ալեքսանդրի հետ. նա ինքն էլ մտահոգ էր այդ խնդիրներով և խոստանում էր անպայման օգնել երիտասարդին՝ տասնհինգ թրքաբանակ գյուղերում ուսումնարան բանալու:

Բարեկենցը զարգացնում էր վիպական գործողությունները՝ վերջի գլխավոր մտադրույթը և Ալեքսանդրի ճակատագրի հետագա ընթացքը ռեալիստական համոզչության և հավաստիության սահմաններում տեղադրելու համար: Նա աշխատում էր կյանքի իրական հանգամանքների խոր կտրվածքի մեջ ներկայացնել գաղափարական հերոսի կամ գաղափարի մարդու ձևնարկումների ամբողջ արժեքը:

Ժողովրդի մեջ աստիճանաբար կարծիք էր կազմվում նոր պրիստավի մասին: Խնությունները պաշտում էին Ալեքսանդրին: Ամենքին օգնության էր հասնում՝ ինչով կարող էր: Մեկին ձրիաբար փող էր տալիս, մյուսին օգնում էր շրավորությունից դուրս գալ, ոտի կանգնել, երրորդին բժշկական դեղամիջոցներ էր հասցրնում, պատասպարում էր անօթևաններին և հարեհաս լինում խեղճերին: Երեկոները հավաքում էր գյուղականներին, սրանց

67 Բարեկենց, Նորեկ, Թիֆլիս, 1896, էջ 52:

բարբառով դասախոսություններ կարդում, խրատում, քարոզում: Մնվում էր շատ համեստ, հազին կոշիկ շուներ, բայց օգնում էր հարևանին՝ գոմեշ առնելու: Գրքերի համար նախատեսած գումարը ուղարկում էր ոչ թե քաղաք, այլ հանձնում հարևան Գրիգորին, որի տանը հաց չկար: «Ալեքսանդրի անհուն և անկեղծ բարությունը սկսեց արևի լույսի նման ամեն տեղ և ամենայն ազգի վրա փայլել»⁶⁸: Մի տասնհինգամյա քրդուհու նա տվեց իր հազի շապիկը: Մի թուրք ընտանիքի երեք ամիս իր հաշվով բուժում էր սուր աչքացավից, մինչև որ սրանք առողջացան:

— Այսպես մարդ չի լինի, սա հրեշտակ է,— ասում էր մի օր իր դրացիներին Քալբալա Աբդուլ Հուսեինը:

— Աստված հայի մեկը հաղար անի,— ձայնում են հավաքված թուրքերը⁶⁹:

Ալեքսանդրի դռները բաց էին բոլորի առաջ՝ հայ, թուրք, քուրդ, պարսիկ, լեզգի, ամենքը օրհնում էին նրա եկած ճանապարհը, ամենքը երանի տալիս ծնողներին...

Ուրույն մի փիլիսոփայության էր հետևում Ալեքսանդրը, որ և նրա ժողովրդայնության զաղտիւնքն էր՝ ապրել ուրիշների համար: Ընդ որում, նա ելնում էր այն մտքից, թե, այնուամենայնիվ, մարդկային հասարակության մեջ «բնության կովի» օրենքը չի գործում. բարու և չարի հակամարտը ժամանակավոր է, բարին միշտ հաղթում է, քանի որ ամեն ինչից զորեղ է բանականությունը և բարոյականությունը: «Ես մի մարդ եմ,— ասում էր Ալեքսանդրը Փիր-Մուրադին,— որ միշտ կարող եմ իմ դուխը լավ պահել և ոչ մի հոգս շունենալ, բայց ուրիշների վրա հոգս տանելը ինձ ստիպել է, որ այստեղ ապրեմ և գիշերը ինձ քուն, ցերեկը հանգստություն չի տալիս»⁷⁰: Այս ինքնազոհաբերման պատրաստակամության մեջ էր տեսնում երիտասարդ ժողովրդասերը մարդկային կյանքի արդարացումն ու իմաստը: Զոհաբերել սեփական եսը ընդհանուրի երջանկությանը՝ չարության դեմ մաքառելու առաջին պայմանն է: Այդպես միայն կարելի է գոնե սահ-

68 Բաբկենց, Նորեկ, Թիֆլիս, 1896, էջ 56:

69 Նույն տեղում, էջ 56—57:

70 Նույն տեղում, էջ 52:

մանափակել մարդկային հասարակութեան մեջ եղած շարիքի ազդեցութիւնը: «Ամենայն բարոյական գործքեր՝ սեր, բարութիւն, բաշտութիւն, պարունակվում են ինքնագոհութեան մեջ»,— ասում էր Ալեքսանդրը հավատացած, որ դա է հասարակութեան վերափոխման ամենամեծ ուժը⁷¹: Եվ սակայն իրական կյանքը գալիս էր ապացուցելու այս համոզումների վրիպվածութիւնը: Որքան շատ էր նա մտահոգվում ժողովրդի բախտով, և որքան հախուռն էր ինքնագոհաբերման նրա պատրաստակամութիւնը, այնքան ավելի գավառում և շրջակա դշուղերում բաղմապատկվում էին հանցագործութիւնները:

Ալեքսանդրը բուն ու դադար շուներ. մի գյուղից մյուսն էր անցնում, փնտրում, որոնում գող-ավազակներին, հետաքննութիւններ կատարում, բայց հանցագործներն, ասես, գետնի տակ էին անցել: Վերջապես լույսի մի նվազ շերտ հետաքննիչի հայացքը հրավիրում է Ֆաթիխան ուշադիներին մեծատոհմ տան վրա: Երբունի Մելիք-Շեղոն բացում է Ալեքսանդրի աչքերը: Զարմացած ու հիասթափված նորեկը վճռում է շափվել Փիր-Մուրադ Սուլթանի հետ:

Ամենից առաջ անհրաժեշտ էր պաշտոնական ուղիներով ուժադրկել նրան, խլել միրավութեան իրավունքը, հակառակորդներ պատրաստել նրա դեմ նահանգական բարձր շրջաններում: Միջադեպն էլ շի ուշանում. կարճ-Մահմադը, մարդասպան Ալին, Սուլթանի եղբայրը՝ համո բեգը օրը ցերեկով քշում-տանում են խնութի Կարապետի եղները: Մի քանի հայ երիտասարդներ՝ Ավանի գլխավորութեամբ, հետապնդում են ավազակներին. կարճ կովից հետո, ուր սպանվում են համո բեգը և Ավանը, եղները վերադարձվում են տիրոջը: Այս դեպքը շափազանց ծանր տպավորութիւն էր թողել Ալեքսանդրի վրա: Իբրև պրիստով նա պարտավոր էր անմիջապես հետաքննութիւն սկսել: Բայց ուժ չէր գտնում իր մեջ: Մի տեսակ ընկճվել ու հուսահատվել էր. նրան թվում էր, որ Փիր-Մուրադ Սուլթանին մենամարտի հրավիրել ինքը անկարող է: Գնաց եկեղեցի և շոքեց Քրիստոսի պատկերի առաջ: Աստծու զավակը իր խաչը տանում էր Գողգոթա: Քայլում էր նա

71 Բաբկենց, Նորեկ, Թիֆլիս, 1896, էջ 66:

վիշե ճանապարհով դեպի բարձունքը, և ոչ մի բան չէր մոռացում լուսավոր դեմքի սուրբ պայծառութիւնը: Ալեքսանդրը մտաբերեց Ավետարանի խոսքերը. «Եւ նորա առեալ տանէին զնա, և բարձեալ էր ինքնին զխաչափայտն, և ելանէր ի տեղին, որ անուանէր Գողգոթա»: Նա նայում էր պատկերին և հոգին աստիճանաբար մխիթարվում, արիանում էր: Տեսնում էր «իր զաղափարականացրած պատկերը» իր առաջ, և սա ուժ ու թարմութիւն բերեց հոգնաբեկ սրտին: «Նա մտաբերեց իր հին խոստմունքը, որի իրազործելու համար դեպքը այժմ ներկայացել էր: Նա պետք է այժմ ցույց տա, որ ինքը ընդունակ է ինքնագոհնութեան և պետք է հանդարտութեամբ իր խաչը տանի»⁷²:

Եկեղեցուց դուրս գալուց հետո նա ձեռնամուխ է լինում վկաների հարցաքննութեանը, արձանագրութիւն է կազմում, գործը ուղարկում դատաստանական քննիչին և ասպ զնում Կոր-Ավան՝ մեղավորներին բանտարկելու:

Փիր-Մուրադ Սուլթանը, սակայն, քնած չէր: Միանգամից գործի է զնում նահանգական իր բոլոր կապերն ու ծանոթութիւնները: Թուրքանիսի բեգերի խորհրդով գործն այնպես է առաջ տարվում, որ մեղքը բարդվում է խնութիւնների վրա: Տիրացու Վարդանն ու Մելիք Շեգոյի որդին, որպէս մարդասպաններ, ձերբակալվում են:

Սուլթանը չի կարողանում միանգամից տապալել Ալեքսանդրին: Այդ պատճառով բազմապատկել է տալիս գողութիւններին թիվը դավառում, բորբոքում է շրջակա թուրք դյուղերի ատելութիւնը դեպի նոր պրիստավը, դժգոհութիւններ է հրահրում և այսպիսով նախապատրաստում նորեկի վերջնական կործանումը:

Բաբկենցը իր հերոսի գործողութիւնները որոշ իմաստով ենթարկում է սեփական քաղաքական պատկերացումներին: «Հողային հարցը Ռուսահայաստանում» և «Արևելյան ամպերի տակ» ձեռագիր հետազոտութիւններում նա մեկ-երկու առիթով ակնարկում է մոսսուլման բնակչութեան և կրոնի բարոյա-հոգեբանական առավելութիւնների մասին և սրանից էլ հետևեցնում, թե հայերը պետք է ինչ-որ շարժում սեփականեն դրացիների լավագույն սովորույթ-

72 Բարկենց, Նորեկ, Թիֆլիս, 1896, էջ 66:

ներն ու ֆիզիկական կոփւածութիւնը: Սյուժետային մի գծի մեջ, որ կազմում է վեպի երկրորդ մասի գեղարվեստական հենքը, Բաբկենցը փորձում է Ալեքսանդրի և քրդուհի Գուլեի միջև ստեղծված սիրո պատմութեան հիման վրա ասպացուցել իր պատկերացումների իրավացիութիւնը: Ալեքսանդրի այն համոզումը, թե «բրդերը հայերից ավելի առողջ, ուժեղ և ընդունակ ժողովուրդ են», և որ հայերը այդ պատճառով պետք է «խառնվեն» նրանց հետ, ըստ էութեան ծնվում է Գուլեի հանդեպ խոր սիրո զգացումից: Իսկ հետո այդ համոզումը ձեռք է բերում քաղաքական որոշ երանդ: Չզիտեր և շէր պատկերացնում երիտասարդ ժողովրդասերը, թե ի՞նչ ուղիներով և որպիսի՞ միջոցներով հնարավոր է կանխել ազգերի՝ երկրում եղած ընդհանուր թշնամանքն ու ներքին մաքառումը: Նրա միտքը, այնուամենայնիվ, կանգ էր առնում ազգային հարցի լուծման մի տեսակետի վրա, որ որոշ ազգայնական լիցք ունեւր և որը շաղախված էր հայերի ազգային բացառիկութեան գաղափարով:

Գուլե-Ալեքսանդր սյուժետային գծի ստեղծումը որոշ իմաստով գալիս էր հաստատելու երիտասարդ ժողովրդասերի համոզումների վրիպվածութիւնը: Մարդկային ու բարձր սերը Գուլեի հանդեպ էժան չի նստում Ալեքսանդրին: Սլո ղաշաղը, Փիր-Մուրադի դրդամբ, սպանում է Ալեքսանդրի մորը՝ Գուլեի «անպատվութեան» համար: Հարվածը ծանր էր ու անտանելի: Ալեքսանդրը քիչ է մնում խելագարվի: Նա գիտեր, որ հանցանքի պատճառը իր անօրինական սերն է Գուլեի հանդեպ: Արդեն պարտվել էր նա: Վերջին հարվածը հարկադրեց վերլուծել նրան իր ժողովրդասիրական գործունեութեան հետևանքները:

Միւրավի ընտրութիւններում, այնուամենայնիվ, հաղթել էր Փիր-Մուրադը: Շրջակա թուրք բնակչութիւնը լարվել էր խնութեցիւնների դեմ: Տիրացու վարդանը և Մելիք-Սեթը դատապարտվել էին տասներկու տարվա տաժանակիր աշխատանքի: Ուսումնարանի գործը մնացել էր կիսատ: Թշվառոց գավառում բազմապատկվել էին հանցագործութիւնները, և այդ բոլորը ո՞ւմ պատճառով. «Բայց ինչո՞ւ նա ուրիշների նման չվարվե՞ց: Ուզում էր ծառայել ժողովրդի՞ն: Է, ծառայե՞ց»⁷³: Այդ ի՞նչ տեսակ ծառայութիւն է,

73 Բաբկենց, Նորեկ, Թիֆլիս, 1896, էջ 171:

երբ ինը ամսվա ընթացքում ոչ միայն մի բանի չհասավ, այլև «հանդիստ ու խաղաղ ապրող» Խնութը թշնամացրեց դրացիներին հետ, «իր քարոզներով ու մտքերով» գրգռեց գյուղացիներին, Ավանի և մոր մահվան պատճառը դարձավ, 70-ամյա հորը օր ծերության աննեցուկ թողեց: Վերջապես զողությունը, ավազակությունը, մարդասպանությունը իր օրոք ահավոր չափերի հասան, հանցավորը անպատիժ մնաց և անմեղը կործանվեց: Մի⁷⁴ թե այսպես են ծառայում ժողովրդին:

Այս դեպքերից քիչ անց մեռնում է Ալեքսանդրի հայրը, և մեր ժողովրդասերը թողնում է Խնութը ու տեղափոխվում քաղաք: «Առաջին անգամ,— գրում էր Բաբկենցը,— Ալեքսանդրը իրեն միայնակ զգաց: Նա կորցրել էր ծնողներին, թողել հայրական տունը, գյուղը և ապրում էր քաղաքում, որի հետ ոչ մի կապ չուներ: Նա կորցրել էր այն գաղափարները, որոնց քանի տարիներ անկեղծ փառաստում էր ու զգվում: Նա ակնհայտ տեսավ, որ ժողովրդին ծառայել անկարող է, անկարող է «դարձնել ֆալաքի շարխը»: Այժմ ո՞ր դնար, ի՞նչ անեք»⁷⁴: Հուսահատությունը պաշարել էր նրան, նա կամենում էր մեռնել. ներվալին լարումը, հոգնածությունը, բոլոր ձեռնարկումների կործանումը, հարազատների մահը, աշխատանքը թողնելը, անպատվությունը, վշտերը, որ կրծում էին հողին, Ալեքսանդրին դարձրել էին մտամոռուր, մի տեսակ քաշված, հիվանդացրել և խլել բունը: Օրեր էին անցնում և նա չէր կարողանում աչք փակել: Գիշերները պարզ լուսացնում էր, և անքնությունը հետապնդում էր նրան: Գետաբերանի մոտ գտնվող Նախարարի քարայրում Ալեքսանդրը պառկում է սառը դեռնին և սպասում մահվան: Սակայն հրաշքի պես մի բան է կատարվում: Կոպերը ծանրանում են, և նա քնում է խորն ու երկարատև քնով: Մի քանի օր անց երիտասարդ իրավաբանին գտնում է այգեսպանը, տեղափոխում իր բնակարանը և աշխատում բուժել: Ալեքսանդրը կամաց-կամաց սպաքինվում է: Մեռնելու ցանկությունը նահանջում է. գիտակցությունը հաղթահարում է եսասեր ինքնադատապարտումի արդեւագիծը, և նա որոշում է ապրել. «Ի՞նչ կարիք կա մեռնելու, իրեն ոչնչացնելու, երբ կարելի

74 Բաբկենց, Նորեկ, էջ 199:

է և կենդանի մեռեալ լինել կամ վերջապես ինձ համար միևնույն չէ՞ ապրել, թե մեռնել...», — այսպես էր մտածում Ալեքսանդրը՝ այգեպանի խաղաղիկ հարկի տակ՝ վերադարձի ճանապարհին։ Օրերը անցնում էին օրերի հետևից և երիտասարդական ժողովուն ուժերը վերստին հառնում էին անկասելի թափով։ Ժամանակ անց, արդեն բոլորովին ապաքինված, նարոզնիկ այս գործիչը թողնում է կովկասը և անցնում Տաճկահայաստան։

Այսպես է ավարտում իր ժողովրդասիրական դործունեութունը Պետերբուրգի համալսարանից հայրենի գյուղ եկած իրավաբանը։ Բաբկենցը, Իհարկե, Ալեքսանդրի ճակատագիրը ներկայացնում է որպես իրերի բնական ընթացքի հետևանք կամ կյանքի սրոշ օրինաչափութունների արտահայտություն։

Գյուղական նարոզնիկ գործչի ժողովրդասիրական ձեռնարկումների տապալումը պայմանավորված էր միջավայրի գործոններով և ամենից առաջ Բշվառոց գավառի ազգային հարաբերություններով, որոնք, ըստ Բաբկենցի, խորապես սոցիալական բնույթ ունեին։ Ո՛չ միայն այստեղ հանդիպադրվում էին դասակարգային ներհակ ուժերը, այլև գործում էր հայ-թուրք ազգային-պատմական հակառակությունը, հանդամանք, որ զրկում էր գավառի աշխատավոր գյուղացիությանը կալվածատիրական-աղայական հարստահարությունների դեմ միասնորեն հանդես գալու հնարավորությունից։ Ալեքսանդրի գործունեությունը դեմ էր առնում ազգային խայտաբղետ կապերի և նահապետական գիտակցության ամբողջ բարդությանն ու հակասություններին։ Գյուղացուն օգտակար լինելու նրա ջանքերը վերածվում էին իրենց հակադրության։ Նա փորձում էր ներդաշնակության հասնել, արդարությունը վերականգնել, օգնել նեղյալին ու կարոտյալին, բայց դա հարուցում էր միայն մարդկանց դժգոհությունը կամ անտարբերությունը։ Մի այլ դեպքում նրա գործունեության հասարակական հետևանքը ավելի քան վնասաբեր էր դառնում գյուղացու համար։ Դուրս էր գալիս, որ ավելի լավ կլինեք ոչինչ չձեռնարկել, դադարաբարական իդեալներ չունենալ, գյուղ չգնալ, չխոտվել «գյուղացու խաղաղ կյանքը»։ Ավելի լավ էր մնալ քաղաքում, ապրել այնպես, ինչպես բոլորը և թողնել, որ ժամանակն ու կյանքը ինք-

նաբերաբար փոխվեին: Այստեղից էր ծնվում ճարահատ այն եղ-
րակացությունը, որ ի վերջո դառնում էր վեպի հիմնական իմաս-
տը, մենք ոչինչ չենք կարող անել, պետք է սպասել, ասպավինել
ժամանակին. «Ֆալաքի շարխը դարձնել» անհնարին է:

Բաբեկենցի սոցիալական հայեցությունը ակներևաբար փակու-
ղի էր ընկնում: Հեղափոխական գործիմացությունից հեռու նա-
րոզնիկական մտայնությունը այլ բանի էլ չէր կարող հանգել: Այն-
տեղ, որտեղ մի կողմ են դրվում պաշտօնական իրեպոններն ու
երազանքները, այնտեղ գործի է անցնում թեազուրկ բարոյախո-
սությունը, հանդարտամիտ և հնօրյա հաշտվողականության քարո-
զի հետ միասին:

Այսպես լուծելով վեպի գլխավոր հերոսի ժողովրդասիրական
գործունեության ապագայի հարցը, Բաբեկենցը, այնուամենայնիվ,
Ալեքսանդրին ուղարկում է Արևմտահայաստան: Նմանօրինակ
ավարտը հայտնապես վկայում է, որ Գ. Մնացականյանը ամբող-
ջովին չէր հրաժարվել արևմտահայ ազատագրական շարժման քա-
ղաքական հեռանկարների հետ կապվող մտորումներից:

Գ. Մնացականյանը մեռավ Թիֆլիսում, 1917 թվականի նո-
յեմբերի 24-ին: Ս. Ղորղանյանը «Մշակում» տպագրած մահախո-
սականում Բաբեկենցին բնութագրում էր որպես ժողովուրդների բա-
րեկամության գործին «ամբողջ էությամբ նվիրված դեմոկրատ»
մի հայրենասերի: «Ասպետ էր Գ. Մնացականյանը, մեր նարոզ-
նիկը և մեր գավառական համոզված և իրեպալիստ գործիչը»⁷⁵:

* * *

Հայ գյուղի և գյուղացու տնտեսական ու մտավոր առաջադի-
մության ճանապարհը XIX դարի երկրորդ կեսից սկսած ընթանում
էր նահապետական դարատեև հարաբերությունների խոր ճգնաժա-
մի ու անկման պայմաններում: Գյուղացին, հակառակ իր կամքի,
գնում էր դարբնելու սոցիալական այն ուժերի երջանկությունը,
որոնք նրա տնտեսական քայքայման նախաձեռնողներն էին: Տե-
ղի էր ունենում հողի և աշխատավոր գյուղացու խորթացումը, որ,

⁷⁵ «Մշակ», 1917, № 254:

անշուշտ, տնտեսական անելանելի ու վատթարագույն վիճակի արդյունք էր:

Անդրկովկասյան գյուղը 1860-ական թվականների շեմին արթնացնում էր դեմոկրատական մտավորականության ձեռներեցությունը: Մտավորականությունը պատրաստ էր աջակցելու գյուղի վերափոխության վեհ գործին, եթե, իհարկե, այդ գործը համադրային հողաժողովրդական առարկա պիտի դառնար: 80-ական թվականների սկզբներին Թիֆլիսում հրավիրվեց համահայկական առաջին ուսուցչական ժողովը: Գյուղը և գավառը գտնվում էր լուսավորության նախակարապետների հետաքրքրության կենտրոնում: Բացի դրանից, գավառի և գյուղացիության կյանքը սկսել էր հետաքրքրել ոչ միայն պետական տնտեսական քաղաքականությունը կենսագործողներին, այլև մայրաքաղաքների համալսարաններն ավարտած նարոդնիկ այն երիտասարդությունը, որ վճռել էր իր իմացություններն ու ուժերը նվիրաբերել գյուղի վերափոխման գործին: Մի կողմից տեղի էր ունենում պետական հողաշինական աշխատանքների ծավալում, մյուս կողմից՝ գյուղացու սոցիալական ճակատագրով շահախնդիր մտավորականության գործունեության աշխուժացում: Ներքին բաժանումներ եղան. մտավորականության մի թևը ավելի հակված էր գյուղացուն շահախնդրող հողի ու հացի պրոբլեմը դարձնել իր գործողության ծրագրի միակ ու եզակի պահանջմունքը, մյուս թևը՝ արևմտահայ գյուղացիության ազատագրության հարցերով էր տարվում, գյուղացու սոցիալական վիճակի բարեփոխության գործոնները որոնելով ազգային-քաղաքական ազատության հեռուններում: Երևան են գալիս գյուղացիական սոցիալիզմի առաջին քարոզիչներն ու մշակողները: Ուսմունքը տարածում էր գտնում հատկապես նարոդնիկ այն երիտասարդության շրջաններում, որոնք առաջին անգամ անդրկովկասյան միջավայրում կազմակերպեցին խմբակներ ու խմբակցություններ: Գյուղի տնտեսական հետադուրությունը դառնում էր պարտադիր բոլորի համար: Թե՛ պետական-հողաշինական քաղաքականությունն իրագործողները, թե՛ Պետրովսկի գյուղատնտեսական ակադեմիայի հայ շրջանավարտները, թե՛ Թիֆլիսի առաջին նարոդնիկական խմբակի անդամները և թե՛ դեմոկրատական մտավորակա-

նության ալլ շերտերը գլուղի անտեսական հետազոտութիւնը, սեղջուկի սոցիալական դրութեան բազմակողմանի ուսումնասիրութիւնը համարում էին միակ ճանապարհը՝ գլուղացուն արդյունավետ և գործնական օգնութիւն ցույց տալու համար: Հայ գլուղի և գլուղացու շուրջ արթնացող հետաքրքրութիւնը համազգային մասշտաբներ էր ընդունում, որչափ ավելի ու ավելի տարածվում և մարդկանց մեջ համոզմունք էր դառնում 60-ական թվականներին մշակված այն տեսակետը, թե ազգի հիմքը գլուղացիութիւնն է:

Նվ այսպէս, 1870—1880-ական թվականներին կազմավորվում և գործունեութեան մի ընդհանուր ծրագիր է մշակում գլուղը լուսավորելու ելած դեմոկրատական մտավորականութիւնը: Հատկապէս գլուղական ուսուցչութիւնը, որից և դուրս եկան մեր բոլոր գլուղագիրները, հրապարակային քննութեան առարկա է դարձնում գլուղին ու գլուղացուն կոնկրետ, գործնական օգնութեան հասցնելու մեծ ու փոքր խնդիրները: Գլուղ մեկնած նարոզնիկ երիտասարդութիւնը, ուսուցչական այս խավի հետ, փորձում էր զբարոցներ բանալ, գլուղատնտեսական գիտելիքներ տարածել, դեղատուն և գրադարան ստեղծել գլուղերում՝ լուսավորելով խավար գլուխներն այն մարդկանց, որոնց հավաքական ամբողջութիւնը ներկայացնում էր ազգը, ազգութիւնը: Բնականաբար, ծագում էին մեծ դժվարութիւններ, այսպէս ասած ներգլուղային շահաբախումներ, ինտրիգներ, գլուղական համափայտութեան և չբավորութեան ընդհարումներ, որոնք իրենց հերթին որոշում էին ժողովրդասիրական գործիչների ճակատագիրը:

Ժողովրդասիրական շարժումը ավելի ու ավելի լայն ու խոր ընթացք էր ստանում, որչափ դրան լծակից էր դառնում ինքը՝ գլուղական ազդաբնակչութիւնը: Տանտեսերի, քեղիւտուկաների, սուգիաների ու գզիրների, գլուղական մեծահարուստների անօրեն և անիրավ գործողութիւնների դեմ ըմբոստանում էր գլուղական շրջավորութիւնը: Դասակարգային հակամարտը ավելի էր սրվում գլուղական լուսավորիչների քարոզչական ու բացատրական աշխատանքից հետո: Երբեմն միավորվում էին գլուղերը՝ ջրի, արոսատեղիների, համայնական ու պետական հողատարածութիւններ

հարցերը իրենց օգտին լուծելու համար: Գյուղագնաց մտավորականութեան քարոզչական աշխատանքը, իհարկե, մեծ մասամբ խաղաղ-բացատրական բնույթ էր կրում: Լուսավորական էր նրանց ձեռնարկումների բովանդակությունը և բացառապես ժողովրդասիրական:

Հայ գյուղի և գյուղացու ճակատագրով հետաքրքրվող ազգային մտավորականությունը բաժանվում էր մի քանի շերտերի, ըստ այդմ էլ այսպես կոչված գյուղագրական գրականությունն ու հրատարակախոսությունը իր վրա էր կրում հասարակական տարբեր հոսանքների դադափարական ու աշխարհայացքային ազդեցությունը:

Գյուղագրական գրականության ձևավորումը հայ իրականության մեջ տեղի է ունենում 1860—70-ական թվականներին: Առաջին ազգագրական գյուղավեպերն ու կենցաղագրական պատկերները ավելի ժողովրդական կենցաղն ու սովորույթներն էին կենդանագրում, քան գյուղական կյանքն ընդհանրապես: Հետագայում արգեն, մասնավորապես 70—80-ական թվականներին, գյուղագրական գրականությունը հետազոտության նյութ էր դարձնում հայ գյուղացու սոցիալական դրությունը: Կենտրոնանում էր ուշադրությունը գյուղում և գավառներում կատարվող գյուղացու տնտեսական ունեզրկումների և բարոյական դիմահեղման վրա: Գյուղագրությունը պաշտպան և օգնական էր կանգնում գյուղացիական շքավոր մեծամասնությանը և սատարում հողի ու հացի պրոբլեմի լուծմանը՝ գոնե բարենորոգչական ձեռնարկումների շրջանակում: Գյուղագրական գրականությունը մոռացված աշխարհի ետին անկյուններն էր հարադատորեն գեղանկարում, դուրս էր բերում տիպեր և բնավորություններ, որոնք գեղարվեստական ինքնությամբ չէ, որ աչքի են ընկնում, այլ սոցիալական որոշություններ, հանգամանք: որ ի վերջո, վճռում է այս կերպարների գրապատմական արժեքը: Գյուղագիրները չէին մտահոգվում էսթետիկայով: Նրանց համար երկրորդական նշանակություն ունեւր ձևի խնդիրը: Նրանք ձգտում էին տեղ հասցնել սոցիալական ճշմարտությունը, բանալ աչքերը այն դանգվածային խավի, որ ապրում էր նահապետական դարավոր հետամնացություն ու սահ-

մանափակութեան պայմաններում: Մյուս կողմից. նրանք արթնացնում էին երիտասարդ սերնդին, գործնական կազմակերպում նրա դաստիարակութեան գործը, և, այդպիսով, նախապատրաստում սոցիալական ճշմարտութեան ու արդարութեան համար մարտընչողներին բանակը:

Գյուղագրական գրականությունը վավերագրական նշանակություն ուներ այն իմաստով, որ այդ գրականության մեջ արտացոլված փաստերը (ճշգրտորեն լուսանկարված իրականից) դեղաբլեաստական երևակայության կամ հնարաստեղծումի բովով չէին անցնում: Դրանք կենդանի իրականության փաստերն էին: Մեծ մասամբ հուշագրական բնույթի փաստագրությունը, ի վերջո, կանխորոշում էր գյուղագրական գրականության գրասպաստման ս:րժեքը: Այստեղ արտացոլված իրողություններն ու դեպքերը հաստատվում են արխիվային-սպաստման փաստաթղթերով: Իրենք՝ գյուղագիրները վճռականորեն ընդգծում ու հաստատում են ականատեսի իրենց իրավունքը՝ տվյալ եղելության վերարտագրության հավաստիության վերաբերյալ: Այսպիսով, գրականության այս տեսակը ոչ միայն հնօրյա հայ գյուղի ճշմարտացի ու ճշգրիտ գիմանկարն էր ուրվագծում, այլև մարդկանց միջև եղած հարաբերությունների իրական-սպաստման բնույթը:

Բ Ո Վ Ա Ն Դ Ա Կ Ո Ի Թ Յ Ո Ի Ն

Ս տ ա ջ ա բ ա ն	5
Գ լ ու լ խ ա ո ա ջ ի ն — Արևելահայ գյուղադրույթյան սկզբնավորման նախադրյալները	22
Գ լ ու լ խ երկրորդ — Գյուղական իրականությունը և հայ մտավոր խավերը	49
Գ լ ու լ խ երրորդ — Գյուղի և գյուղացիության կյանքի գեղարվեստական արտացոլման ուղիներում	75
Գ լ ու լ խ շորեր — Գյուղացիական գործը և ուսուցիչ գյուղագիրները	95
Գ լ ու լ խ հինգերորդ — Ժողովրդասիրական շարժումը և նարոգնիկ գյուղագիրները	157
Գ լ ու լ խ վեցերորդ — «Գործ» հանդեսը և ժողովրդասիրական գրականությունը	184
Գ լ ու լ խ յոթերորդ — «Նոր-Գարբ» և գյուղագրական գրականության վերելքը	208
Գ լ ու լ խ ութերորդ — Նորդարական գյուղագիրներ 1. Արշակ Ազատյան	232
Գ լ ու լ խ իններորդ — Նորդարական գյուղագիրներ 2. Հարություն ճյուղուրյան	269
Գ լ ու լ խ տասներորդ — Գյուղացիական համայնքն ու համայնավարական զաղափարներին գրական արձագանքները — Ղազարոս Աղայան	313
Գ լ ու լ խ տասնմեկերորդ — Կենցաղագրական - բարբաղրական սեպիղծ	347
Գ լ ու լ խ տասներկուերորդ — «Մուրճը» և գյուղագրական գրականությունը	362
Գ լ ու լ խ տասներեքերորդ — Պերճ Պոռչյանը «Մուրճ» ամսագրում	387
Գ լ ու լ խ տասնչորսերորդ — «Մուրճի» գյուղագիրները 1. Ա. Աղեկյան	457
Գ լ ու լ խ տասնհինգերորդ — «Մուրճի» գյուղագիրները 2. Բաբկենց	517

ԿԱՐԼԵՆ ԱՐՏԱՇԵՍՅԱԻ ԳԱՆԻՆԵԼՅԱՆ
КАРЛЕН АРТАШЕСОЗЧ ДАНИЕЛЯН

ՀԱՅ ԳՅՈՒՂԱԳՐՈՒԹՅՈՒՆՆԸ XIX ԴԱՐՈՒՄ

Տպագրվում է Հայկ. ՍՍՀ ԳԱ Մ. Արևիյանի անվան գրականությունը
ի նստախառտի գիտական խորհրդի որոշմամբ


Հրատ. խմբագիր՝ Ա. Ա. ԱՆՍԱՏԱՍՅԱՆ
Նկարիչ՝ Կ. Կ. ՂԱՅԱԳԱՐՅԱՆ
Տեխ. խմբագիր՝ Ս. Կ. ՉԱՔԱՐՅԱՆ
Արքագրիչ՝ Ա. Վ. ՀՈՎԱԿԻՄՅԱՆ

ՎՖ 05216 Հրատ. 3943 Պատվեր 1028 Տպագրանակ 2000

Հանձնված է արտադրության 9/VIII 1973 թ.: Ստորագրված է տպագրության
27/XII 1973 թ.: Տպագր. 35,75 մամուլ, պայմ. 33,25 մամուլ, հրատ., 27,5 մա-
մուլ, թուղթ N 1, 60×84¹/₁₆՝

Գինը 2 ռ. 44 կ.:

ՀԱՍՉ Մինիստրների սովետի հրատարակչությունների. պոլիգրաֆիայի և գրքի
ստևարի գործերի պետական գոմիտեի Հակոբ Մեղապարտի անվան
պոլիգրաֆիանրինմն, Երևան 9, Տեղյան 91:





12262=

325

КОНТРОЛЬНЫЙ



A $\frac{\pi}{52466}$

ՀԱՄԱՐՈՒՄ ԳԻՒՄ ԳՐԱԿՈՒՄ



220052466